

Ժողովուրդ
Դճուհի

ԶԵՆԵ
Ժողովուրդ
Նախընտրված

« ԶԵՆԵ » տնտեսական
1971

თარგმანი გერმანულიდან, წინასიტყვაობა და
შენიშვნები ოთარ ხუციშვილისა

И (Нѳм)

83-32

შ. 91

7-3-4

თეოდორ შტორმი

მეცხრამეტე საუკუნის მეორე ნახევრის გამოჩენილი გერმანელი პოეტი და ნოველისტი ჰანს თეოდორ ვოლდშენ-შტორმი დაიბადა ჩრდილოეთ ფრიზლანდიის პატარა ქალაქ ჰუზუმში, რომელიც ერთ დროს ამ მხარის კულტურული და სავაჭრო ცენტრი იყო.

თ. შტორმის დედა, ქალაქის დიდვაჭრის, გემთმფლობელისა და სენატორის შთამომავალი ლუცია ვოლდშენი, ცოლად გაჰყვა მდიდარი მეწისქვილის ვაჟს, ადვოკატ იოჰან კაზიმირ შტორმს, რომელიც ამ ქორწინებით პატრიციულ წრეში აღმოჩნდა. მათი შეუღლება ბედნიერი გამოდგა — ცოლ-ქმარს 13 შვილი შეეძინა. უფროსი თეოდორი იყო.

თეოდორს მამისაგან შრომისმოყვარეობა, გულღიაობა და მგრძობიარობა გამოჰყვა, დედისაგან კი — სიხალისე.

შტორმების ოჯახში ბიურგერული წესრიგი და ტრადიციების სიყვარულის ატმოსფერო სუფევდა. პატარა თეოდორს მშობლები არ ზღუდავდნენ, პატრიცის შვილი თავისუფლად დადიოდა სხვადასხვა წრის ხალხთან, მეგობრობდა „დაბალი ფენის“ ბავშვებთან. მისი ბავშვობის საუკეთესო მეგობარი გახლდათ მეპურის შვილი, ხანდაზმული მაგდალენა იურგენსი. ამ უბირმა ქალმა თ. შტორმი ხალხის ფანტაზიის ჯადოქრულ სამყაროში შეიყვანა და თავისი მშობლიური მხარის თქმულებებსა და გადმოცემებს აზიარა. შეჰერაზადას მსგავსად მაგდალენა იურგენსსაც

ზღაპრებითა და თქმულებებით სავსე ამოურწყავი ქისა ჰქონდა და მიმზიდველად თხრობის უნარით იყო დაჯილდოებული. მისი დახმარებით გაიცნო პატარა შტორმმა შლეზვიგ-პოლშტაინის ზღაპრები, ფრიზლანდიური საგმირო ლეგენდები და გაბედულ მუხღვაურთა და ჯებირების მშენებელთა თაობაზე არსებული თქმულებანი. და ყველაფერი ის, რაც ბავშვობისა და ჭაბუკობის ასაკიდან მეხსიერებაში ჩარჩა, შემდგომში თ. შტორმის შემოქმედების მხატვრული წარმოსახვის წყაროდ იქცა. ამიტომ ამბობდა იგი — ჩემი ნაწარმოებები ჩემი ცხოვრების მოწმეებს წარმოადგენენო.

ოთხი წლის შტორმი დაწყებით სკოლაში იწყებს სიარულს, ცხრა წლისა კი — მეორე საფეხურის სკოლაში.

შტორმის გონებრივი პორიზონტი გაფართოვდა ლიუბეკის გიმნაზიაში სწავლის ორი წლის მანძილზე. იმ დროის კვალობაზე აქ საკმაოდ განვითარებული მასწავლებლები მოღვაწეობდნენ, მოსწავლეთა კონტიგენტიც გონებაგახსნილი ახალგაზრდებისაგან შედგებოდა. მათი წყალობით ეცნობა იგი თავისი დროის ცნობილ მწერალთა შემოქმედებას.

„მე არ მყავდა პოეტური ხატება, რომლისთვისაც უნდა მიმებაძა. ლიუბეკის სკოლაში კი ჩემი საყვარელი წიგნები იყო უმეტესად ჰაინეს „სიმღერათა წიგნი“ და გოეთეს „ფაუსტი“, რომლებმაც ჩემზე გადამწყვეტი გავლენა მოახდინეს. აგრეთვე აიხენდორფისა და მორიკეს ნაწარმოებები“ — იხსენებს თ. შტორმი.

1837 წელს შტორმი, მამის სურვილით, კილის უნივერსიტეტში შევიდა სამართლისმცოდნეობის ფაკულტეტზე. მას მედიცინა უფრო იზიდავდა, ბინტერესებდა მუსიკა და ფერწერაც და ამის გამო რვა სემესტრის ნაცვლად უნივერსიტეტებში თორ-

მეტი სემესტრი დაჰყო — ორი კილში, სამი ბერლინსა და შვიდი კვლავ კილში.

პირველი სიყვარული ალტონაში გაცნობილმა თერთმეტი წლის გოგონამ, ბერტა ფონ ბუხანმა, გაუღვიძა ცხრამეტი წლის შტორმს. ხუთ წელს ელაციცებოდა მის სიყვარულს შორიდან შტორმი, მაგრამ ქალიშვილის აღმზრდელმა ფრაუ როვოლტმა მათ შეუღლებინა დასტური არ მისცა. ამ ახალგაზრდული სიყვარულის გამოცახილს ვხვდებით მოგვიანებით მის ნოველებში — „იმენზეე“, და „ზღვის გაღმა ქვეყნიდან“.

სტუდენტობის ბოლო წლებში იგი უახლოვდება ძმებს — თეოდორ და ტიხო მომზენებს, გონებაგახსნილ, ენერგიულ ახალგაზრდებს, რომლებიც გატაცებულნი იყვნენ პოეზიითა და ხალხური შემოქმედებით (ერთი შემდგომ ცნობილი ისტორიკოსი გახდა, მეორე — გამოჩენილი ფილოლოგი). მათთან ერთად მოგზაურობს ახალგაზრდა შტორმი შლეზვიგ-ჰოლშტაინის სოფლებში და ზღაპრებსა და ლეგენდებს აგროვებს. მაშინ ჩაწერილი მასალები 1845 წელს კარლ მიულენჰოფმა გამოსცა კრებულში — „შლეზვიგ-ჰოლშტაინ-ლაუნბურგის საჰერცოგოების საგები, ლეგენდები და ზღაპრები“.

1843 წელს შტორმი ამთავრებს უნივერსიტეტს და ჰუზუმში ვეჟილად იწყებს მოღვაწეობას. ოჯახური მდგომარეობის წყალობით მას კარგი იურიდიული პრაქტიკა და გვარიანი მატერიალური შემოსავალი ჰქონდა.

ამავე წელს გაიცნო ზეგებერგელი ბურგომისტრის ქალიშვილი, მეტად ლამაზი, მხიარული და დიდი ადამიანური გულის კონსტანცა ესმარში, რომელზეც სამი წლის შემდეგ იქორწინა კიდევ ცოლ-ქმარი ბედნიერად შეეთვისა ერთმანეთს. აქედან მოკიდებული დანიელთა ოკუპაციამდე შტორმი გარეგნულად შეძლებუ-

ლი ბიურგერის მშვიდ ცხოვრებას ეძლევა. მაგრამ სხვა იყო ამ კეთილსინდისიერი ვექილის შინაგანი სამყარო. ამ პერიოდში შტორმი ეცნობა რომანტიკოსთა (ჰოფმანი, ტიკი) შემოქმედებას, ჰაინცს ახალ ლექსებს, გოეთეს „ვილჰელმ მაისტერს“, იმერმანის „მიუნხჰაუზენს“ და სხვ. ამასთან ერთად კვლავ ამუშავებს და ბეჭდავს ხალხურ ზღაპრებს.

პირველი გალექსილი სტროფები თორმეტი წლის შტორმმა საყვარელი დის, ექვსი წლის ლუციას გარდაცვალებით გულშეძრულმა დაწერა. ხოლო მისი ლექსები პირველად დაისტამბა უნივერსიტეტის დასრულების შემდეგ, 1843 წელს, კრებულში — „სამი მეგობრის სიმღერათა წიგნი“, სადაც ძმებ მომწელების ლექსებიც იყო დაბეჭდილი. კრებულში წარმოდგენილი შტორმის ლექსების თემატიკა ჯერ კიდევ ვიწროა. იგი ძირითადად სიყვარულს უგალობს: ლექსები მხატვრული ღირებულებით არ გამოირჩევა.

შტორმი, როგორც პოეტი და ნოველისტი ძირითადად ჰუზუმში ჩამოყალიბდა. მისი სულიერი სამყარო პირველად ღირიკულ ლექსებში გახდა საცნაური. ამ პერიოდში იგი ინტიმურ გრძნობებს უგალობს. ახალგაზრდული წლების რომანტიკულმა განცდებმა განაპირობა თ. შტორმის გულშიჩამწვდომი ლექსების შექმნა. სიყვარულის თემასთან ერთად მის ლექსებში აისახა მშობლიური ფრიზლანდიის ბუნება და პეიზაჟები — ნისლიანი შემოდგომა, აბობოქრებული ზღვა, გაძარცული ბაღი, განშორებით გამოწვეული კაემანი და სხვა რთული ადამიანური გრძნობები.

შტორმი მუდამ მოხდენილი და ნატიფი ფრაზის ძიებაშია. უყვარს ბუნების ხმა, სძულს და აშინებს მჭახე ხმები, მყვირალა ფერები, ელვარე სიტყვები, დელარჭნილი სახეები და რაიმე რითმები. სიტყვათა მარაგი მდიდარი აქვს, გამოთქმები მოკლე და უბრალო. საყურადღებოა თ. მანის აზრი შტორმის პოეზიის თა-

ობაზე, გამოთქმული საგანგებოდ ამ პოეტ-ნოველისტის შესახებ დაწერილ ესეიში:¹

„შტორმის ლირიკაში, რომელსაც იგი დაუსრულებლად წმენდავს და ცხრილავს, მხოლოდღა მარგალიტებია დარჩენილი და ყოველ ნაბიჯზე გრძნობებისა და განცდების ისეთ მთრთოლვარე კონცენტრირებას, უბრალოების ისეთ ხელოვნებას ხვდები, რომ რაც უნდა წლები გემატებოდეს... ისევ და ისევ გრძნობ ყელში იმ გუნდას, იმ მღელვარებას, რასაც ცხოვრების შეუბრალებლად ტკბილი, მტანჯველი განცდა იწვევს, რომლის მეოხებითაც ეს ხმა ასე ძალუმაღლად გაჯადოებს თექვსმეტ-ჩვიდმეტი წლის ასაკში“ და შემდეგ: „...სულ ცოტა, მისი ლირიკის ხუთი-ექვსი ნიმუში მაინც შეიძლება დავაყენოთ ადამიანის სულის ყველაზე უფრო წმინდა და ყველაზე უფრო უზენაეს ქმნილებათა გვერდით, რომელთაც გრძნობის სიღრმე და წნის სრულყოფილება უკვდავების უფლებას აძლევს“.²

შემდგომში მხოლოდ ლირიკული ლექსები შტორმს აღარ აკმაყოფილებს, თანდათან გრძნობს სათქმელის ეპიკური ფორმით გამოხატვის მოთხოვნილებას და ორმოციანი წლებიდან კალამს პროზაშიც ცდის. იწყებს თავის ირგვლივ არსებული ბიურგერული ყოფის მოთხრობებში ასახვას, რომელიც ჯერჯერობით ესკიზები და პროზაული ჩანახატები უფროა. აქ ჭარბობს ბიურგერის იდილიური უმფოთველობა. პატარა ქალაქის განკერძოებული სამყარო

¹ Th Mann — Gesammelte Werke. Zehnter Band. Aufbau—Verlag. Berlin 1955, S. 454.

² იქვე, გვ. 455. ვფიქრობთ, საყურადღებოა შევნიშნოთ, რომ თ. მანის აღრეულ შემოქმედებაში მკაფიოდ შეინიშნება თ. შტორმის ზეგავლენა, ამ საკითხს ეხება პროფ. ნ. კაკაბაძე თავის შრომაში „თომას მანი“, თბილისი, 1967. გვ. 153—154.

რო ზღუდავს ახალგაზრდა მწერლის თვალთახედვის არეს და სი-
მართლეს არ არის მოკლებული შტორმის შემოქმედების ერთი
მკვლევარის შენიშვნა, — 1848 წლის ქარიშხლიანი ამბები რომ
არა, ადვილად შეიძლებოდა იგი რუტინაში ჩაფლულიყო.

თ. შტორმის ადრინდელი ნოველები განუყოფელია მისი ლირი-
კისაგან. ერთშიც და მეორეშიც ერთი და იგივე გრძნობები და
განწყობილებანია საცნაური. აკი თავადვე ამბობდა — ჩემი ნოვე-
ლები ჩემივე ლირიკიდან ამოიზარდნენო. ამით იგი გულისხმობ-
და მათ შორის არსებულ შინაგან კავშირს, რაც იმაში მდგომარეობ-
და, რომ ეპიურად ასახული სიტუაცია ისევე, როგორც ლი-
რიკულად გამოკვეთილი მოვლენა, ყოველდღიურობის პროზაული
შსველლობის ერთ მონაკვეთს გამოხატავს, ორივეს ერთნაირად
გაუდგამს ფესვი გრძნობად სამყაროში. შტორმის ნოველისტიკი-
სათვის დამახასიათებელია ის, რომ, რომანისაგან განსხვავებით,
ადამიანურ ყოფას მთელი სისრულით კი არ ხატავს, არამედ მზო-
ლოდ რომელიმე მომენტს, სიტუაციას იღებს და იმით კმაყოფილ-
დება, რასაც მისი აზრით, შეუძლია თვით უბადრუკ ყოველდღიუ-
რობას პოეტური შინაარსი მისცეს.

მისი პირველი პროზაული ნაწარმოებები თავისებური ლექსე-
ზია პროზად. მწერალი შორს დგას სინამდვილის მხატვრული
ასახვისაგან, გმირთა ხასიათებს აკლიათ გამოკვეთა, მოქმედება
არ ვითარდება.

ლირიკული ჩანახატებიდან ნოველაზე
გადასვლა შეინიშნება შტორმის ერთ-ერთ საუკეთესო ნაწარმოე-
ბში „იმენზეე“, რომელმაც მწერალს საყოველთაო აღიარება
შოუტანა და მის სიცოცხლეში ოცდაათჯერ გამოიცა.

ამ ნოველაში მნიშვნელოვანია არა იმდენად სიუჟეტი (ქალ-
იშვილის ბედზე მზრუნველი დედა წინ უდგება შეყვარებულ წყვილ-

თა მომავალ ბედნიერებას), არამედ ის მხატვრული საშუალება, რომლის დახმარებითაც ავტორი თავის ჩანაფიქრს ახორციელებს. მთავარი ყურადღება აქ მოქმედების განვითარებას კი არ ეხება, არამედ ლირიკული განწყობილების შექმნას — რაინჰარდი ვერ ახერხებს ტბაში გედვიით შეცურებულ თეთრ შროშანასთან მიახლოებას. ეს პოეტური სიმბოლიკა რეალური შინაარსის შემცველია — პოეტური სულის რაინჰარდს შეყვარებული ქალის ხელს სტაცებს პრაქტიკოსი საქმოსანი ერიხი და თეთრი შროშანი — ელიზაბეტი — რაინჰარდისათვის მიუღწეველი რჩება.

ნოველაში ჭარბად იგრძნობა ავტორის ფოლკლორული გატაცებანი და ავტობიოგრაფიული მომენტები.

საყურადღებოა ნოველის თავისებური ფორმა, რომელსაც ხშირად მოგონებათა ან განწყობილებათა სურათებს უწოდებენ. ცალკეული ლირიკული ეპიზოდები აღადგენენ მთელი ცხოვრების განვლილ გზას.

1848 წელს დანიის სამეფომ შლეზვიგ-ჰოლშტაინის საჰერცოგოს დანიასთან შეერთება გამოაცხადა. 1850 წელს დანიელებმა ჰუზუმიც დაიკავეს. მოძალადეთა ოკუპაციამ შტორმი მრისხანებით აღავსო. იგი აქვეყნებს პატრიოტული სულით გაჟღენთილი პოლიტიკური ხასიათის ლექსებს და პროკლამაციებს. ამის გამო დანიელებმა 1852 წელს მას ვეჟილის უფლებები აპყარეს.

გულდამძიმებული პოეტი იძულებული გახდა გამოსთხოვებოდა მშობლიურ ქალაქს და პოტსდამში გადასულიყო სამეფო სასამართლოს ასესორად. ამ დროს შტორმი უკვე ცნობილი მწერალი იყო.

პოტსდამში ყოფნისას შტორმი უკავშირდება ლიტერატურული გაერთიანების „შპრეეს გვირაბის“ წევრებს, ეცნობა ბერლინის იმდროინდელ ლიტერატორებსა და ხელოვნების მოღვაწეებს.

გაწამებულ იურისტს შემოქმედებითი შრომისათვის პოტ-სდამში მცირე დროლა რჩებოდა. პრუსიული სამართლის სამყარო ჩემსა და პოეზიას შორის არის გაჩხერილიო, — აღნიშნავდა შტორმი. ამიტომ იძულებულია გადავიდეს ჰუზუმივით პატარა და მყუდრო ქალაქ ჰაილიგენშტატში, სადაც გატარებული რვა წელიწადი ოჯახური ბედნიერებისა და შემოქმედებითი გეგმების განხორციელების თვალსაზრისით, შტორმის ცხოვრების საუკეთესო პერიოდია.

ემიგრაციის წლებში ხდება შტორმის მსოფლგაგების საბოლოო ჩამოყალიბება - ფორმირება. იგი მტკიცედ დგება მხატვრული შემოქმედების რეალისტურ გზაზე. ახალ ლექსებსა და ნოველებს მისთვის ფართო აღიარება მოაქვს. აქ შექმნა მან რამდენიმე რეალისტური ნოველა, სადაც ადრინდელი იდილიური განწყობილების ნაცვლად ნათლად გამოხატული კრიტიკული საწყისი ჭარბობს.

რომანტული ბუნდოვანება, ლირიკული წიაღსვლები ადგილს უთმობს მშვიდ აღწერას მოვლენებისას, რომლებიც თანმიმდევრულად ვითარდება და ერთი კონფლიქტის ირგვლივ იყრის თავს. მოქმედ პერსონაჟებს ახლა მკვეთრად გამოხატული ინდივიდუალური ხასიათებიც აქვთ. გმირების მოქმედება და ხასიათები განპირობებულია საზოგადოებრივი წინააღმდეგობებით, წოდებრივი დაყოფითა და ეკონომიური მდგომარეობით. ზოგ ნოველაში უკვე ვხვდებით ქალთა უუფლებო მდგომარეობით განპირობებულ ტრაგიკულ კონფლიქტებს („უნივესიტეტი“ და „ზღვის გაღმა ქვეყნიდან“). მკერავი ქალიშვილი ლორა ელტვის ლამაზ ცხოვრებას, უახლოვდება უსულგულო გრაფს და ამით საკუთარ არსებას დასაღუპავად სწირავს. წინდაუხედაობის გარდა ქალიშვილი საზოგადოებრივი უთანასწორობის მსხვერპლიც ხდება. ასევე იტან-

ჯება გერმანელი პლანტატორისა და ლამაზი კრეოლი ქალის შვილი ჯენიც. გერმანიაში ფუფუნებით გაზრდილი ქალიშვილი შორეულ კუნძულზე დარჩენილი დედის ხატებას ელოლიავენა და თავის მორალურ მოვალეობად მიაჩნია მიტოვებულ დედასთან გაიქცეს. გარბის კიდეც, მაგრამ ცივილიზებულ ევროპაში აღზრდილი ქალიშვილი დედის გარემოში თავს უცხოდ გრძნობს და საქმროსთან შემხვედრის სიხარულს ამ გარემოდან თავისდაღწევის იმედით უფრო უძლიერებს.

1866 წელს ი. ტურგენევი ამ ნაწარმოების თაობაზე თ. შტორმს სწორდა „თქვენი მოთხრობა მეტისმეტად ფაქიზია და მშვენიერი. განსაკუთრებული პოეტური სურნელება ასდის ჯენის პიროვნებას; ღამე „მარმარილოს ქანდაკებასთან“ პატარა შედეგია. დღევანდელი ლიტერატურის ტრივიალურობასა და მანჭვა-გრეხას შორის ასეთი ნამუშევარი დიდი სიხარულის მომნიჭებელია“, და იქვე დასძენს: თქვენი მოთხრობისთვის ტრაგიკულ დაბოლოებას ვისურვებდი — სახელდობრ ესთეტურ-მიზანთროპული თვალსაზრისით.

როგორც ჩანს, ი. ტურგენევი სწორად შენიშნა ნოველის მთავარი ნაკლი — კონფლიქტის ლოგიკურ ბოლომდე მიუყვანლობა, რაც თვით ავტორსაც არ გამორჩენია მხედველობიდან, და ამის გამო ნოველის დაბოლოების შეცვლასაც აპირებდა.

1863 წელს, დანიის მეფის სიკვდილის შემდეგ, შტორმს სამშობლოში დაბრუნების იმედი დაესახა. დანიამ დათმო საჰერცოგო და ჰუზუმის მოსახლეობამ ჯერაც ჰაილინგენშტატში მყოფი შტორმი დაუსწრებლად აირჩია ლანდფოგტად, კაიზერის უმაღლეს მოადგილედ. მაგრამ შტორმს ამ მოვალეობის ასრულება დიდხანს არ დასცალდა — შლეზვიგ-ჰოლშტაინი ახლა ბისმარკის

პრუსიამ გამოაცხადა თავის პროვინციად და შტორმი ოლქის მოსამართლის თანამდებობით უნდა დაემყოფილებულიყო. დანიელი ოკუპანტები პრუსიელებმა შეცვალეს. შტორმი, როგორც თავისი ქვეყნის უერთგულესი შვილი, პოლიტიკურ ამბებში ცხოველ მონაწილეობას იღებს და საერთო საქმის მხარდასაჭერად გამოდის, ლექსით „შლეზვიგის სანგრები“.

დროის მოწოდება, რომელმაც გამოაფხიზლა შტორმის მამულიშვილური შეგრძნება, ყველაზე მეტად მოჩანს დანიელთა ოკუპაციის დროის შექმნილ რამდენიმე გვერდიან ნაწარმოებში — „მწვანე ფოთოლში“, რომელიც უფრო იდილიაა, ვიდრე ნოველა. საომრად გამზადებული ჯარისკაცი გაბრიელი ბრძოლის ადგილებიდან მოშორებით მოულოდნელად ხედება მოხუც პაპასა და ნორჩ გოგონას, რომელიც ზღაპრული ფერია უფროა. ირგვლივ მყუდროება გამეფებულია, მაგრამ ტყის სიმშვიდეს არღვევს ქვემეხების შორეული გუგუნის. გაბრიელი განუმარტავს გულბერყვილო გოგონას, თუ რატომ არის საჭირო ომში წასვლა: „აი ამ მიწის გამო...“

სამშობლოს უბედობით გულშეძრული შტორმი საზოგადოებრივი ცხოვრების მიმართ თანდათან კარგავს ინტერესს. 1865 წელს ამას ემატება დიდი პირადი მწუხარება — უერთგულესი მეუღლის სიკვდილი. „სიყვარული მოკვდავი ადამიანის შიშია მართო დაჩინის მიმართ“, — ამბობს ერთგან შტორმი, და ამჟამად იგი მართლაც ისეთ სიმარტოვეს განიცდის, რომ ცხოვრების ყოველვარი ხალისი ეგარგება. სულიერი კრიზისი დაეუფლა მის შემოქმედებით საქმიანობასაც და წლების მანძილზე აღარაფერს ქმნის.

მეუღლის სიკვდილის შემდეგ შტორმი ხანგრძლივ მოგზაურობას შეუდგა. მოინახულა მრავალი თანამოკალმე. იმავე წლის

სექტემბერში კი დათანხმდა ტურგენევის მიწვევას და ბადენ-ბადენში სამკურნალოდ ჩასული რუსი მწერალი მოინახულა. თავაზიან მასპინძელთან ცხრა დღე დაჰყო, შემდეგ კი მათ შორის წერილობით ურთიერთობა 12 წელიწადს არ შემწყდარა (შემორჩენილია ტურგენევის 7 და შტორმის ერთი წერილი).

შტორმის სულიერი წონასწორობის აღდგენაში დიდი როლი ითამაშა კონსტანცას მეგობარმა დორის იენსენმა, რომელიც შტორმს ახალგაზრდობიდანვე აღმერთებდა. ფიზიკურად უნაკლო სილამაზის, სულიერად სათნო და ფაქიზი იენსენი მტკიცებულად განიცდიდა შტორმის მწუხარებას. იგი მზად იყო მხარში ამოსდგომოდა დამწუხრებულ პოეტს და ეტვირთა მისი შვიდი შვილის აღზრდის სიმძიმე. მეორე მეუღლე მართლაც შტორმის საუკეთესო მეგობარი აღმოჩნდა. შემდგომში შტორმმა აღიარა, — ეს ორივე ქალი მხოლოდ ჩემი ცხოვრების თანაზიარები კი არ იყვნენ, არამედ ჩემი პოეზიის შთაგონების წყაროსაც წარმოადგენდნენო.

თავის ყველაზე სრულყოფილ ნაწარმოებებს შტორმი საზოცდაათ-ოთხმოციან წლებში ქმნის. იგი იწყებს ისტორიული ანალების შესწავლას, თუმცა იმდენად ისტორიული მოვლენები კი არ აინტერესებს, რამდენადაც ამ მოვლენებთან დაკავშირებული ადამიანების ბედ-იღბალი. მის შემოქმედებაში თანდათან მთავარ ადგილს იჭერს საზოგადოებაში არსებული წინააღმდეგობრიობანი, კასტობრივი დაყოფა და სოციალური უთანასწორობა. თავად-აზნაურობა და ეკლესია დახატულია, როგორც კულტურისა და პროგრესის წინააღმდეგ მიმართული ძალები. ამ მხრივ საინტერესოა მიწა ისტორიული ქრონიკები. „თავადაზნაურობა, ისევე როგორც ეკლესია ენის ძარღვებში ჩადვრილ შხამს წარმოადგენს... დამპალი იუნკრობა გზას უხშობს ერის სულიერ და მორალურ განვითარებას“, — აღნიშ-

წავდა თ. შტორმი თავის კერძო წერილებში. სწორედ ამიტომ იყო, რომ „ძველსა და ახალს შორის სოციალურ ბრძოლაზე“ ლაპარაკის დროს თვითონაც სურდა „დემოკრატიის ტირტეოსის“ მსგავსად მიეღო მონაწილეობა და იმედოვნებდა, რომ თავისი დროის „მოდალადეებზე“ კალმით მოახდენდა ზეგავლენას.

პატრიარქალურ-ბიურგერული ყოფა, ძველი ტრადიციები ველარ უქმნის მწერალს ილუზიას, მისთვის იგი განიძარცვა და ფასი დაკარგა.

შტორმის ნოველებში განსაკუთრებული ადგილი უკავია და მისი ფსიქოლოგიური ნოველებისაგან არსებითად განსხვავდება მოთხრობა „თოჯინების ოსტატი პოლე“, რომლის ცენტრშიც სოციალური პრობლემა დგას. სათაურივე გვამცნობს, რომ ადამიანური გულის მქონე და ცრურწმენებისაგან თავისუფალი ხელოსანი, რომელსაც აგდებით პაულის ნაცვლად პოლედ იხსენიებენ, შერისხულია საზოგადოების მიერ მხოლოდ იმიტომ, რომ მას აღმოაჩნდა გაბედულება და „მოხეტიალე ხალხის“ ქალიშვილი შეირთო ცოლად.

თოჯინების სპექტაკლებისა და მოხეტიალე აქტიორთა მოხდენილი აღწერა, გმირთა ხასიათების მოქმედებაში ჩვენება, სამხრეთ გერმანული დიალექტიკებით აღსავსე ენა, ძალდაუტანებელი იუმორი წარმოადგენს ამ რეალისტური ნოველის თავისებურებას. უკანა პლანზე გადაწეულია დაძაბული ურთიერთობა ჯერაც ისევ წოდებრივი წარმოდგენების ტყვეობაში მყოფ მემშინებსა და საზოგადოებისაგან გარიყულ მეთოჯინეთა შორის. ეს არის ნოველის ძირითადი ნერვი. ამის გარეშე არ იქნებოდა ნოველისათვის საჭირო ნიდადაგი, რომელიც იქმნება ორი ბავშვის — ხელოსნის ვაჟიშვილისა და მოხუცი მეთოჯინეს გოგონას განსხვავებულ პირობებში აღზრდით და შემდეგ მძაფრდება მოვლენათა განვითარებით, თოჯი-

ნების სპექტაკლის დროს მომხდარი სკანდალითა და მოხუცი მე-
თოჯინეს დაღუპვით.

ორი ბავშვის წარმტაცად აღწერილი ურთიერთობა, ახალგაზ-
რდა შეყვარებულთა ბედნიერების ტრიუმფი — შტორმის ოპტი-
მიზმია, რომელსაც სწამს, რომ კეთილმა უნდა სძლიოს ბოროტს,
რომ მომავალი სოციალური ურთიერთობა პარმონიული იქნება,
თუმცაღა ამისათვის საკმაო სიძნელეთა გადალახვაა საჭირო.

ნოველაში მწერლის მთელი სიმპათიები მშრომელი ხალხის
მხარეზეა. მოხუცი ტენდლერის სულიერი ბუნების ჩვენებით შტო-
რმი გვეუბნება, სწორედ ეს უბრალო, არაფრის მქონე ადამი-
ანები არიან ერის სულიერი სიმდიდრის მატარებლები, რადგან
მათში გაუდგამს ფესვი ხელოვნების სიყვარულს, მათ უცემთ
შოყვასისადმი თავდადებული გულით.

ნოველა ახალგაზრდული ჟურნალის დაკვეთით დაიწერა, მაგ-
რამ მას ზრდადასრულებულნიც სიამოვნებით კითხულობენ, შტორ-
მი არ იზარებდა იმ აზრს, საჭიროა მწერალი მკითხველის ასა-
კობრივ მოთხოვნილებას შეეგუოსო. იგი ამბობდა: „თუ გინდა
წერო ახალგაზრდობისთვის, ახალგაზრდობისთვის არ უნდა
წერო! ხელოვნებასთან შეუთავსებელია, მასალა იმისდა მიხედ-
ვით დაამუშაო, — თუ ვინ იქნება შენი მკითხველი — დიდი პეტრი,
თუ პატარა ჰანსი“.

რესტავრაციის ეპოქის ბიურგერს მტკიცედ სჯეროდა, რომ
ცხოვრებისაგან გაწამებული ადამიანი სიმშვიდეს ბუნების წიაღში
პოუვებდა. ეს სოციალური ილუზია გაანადგურა თ. შტორმმა ნო-
ველებში — „ტყის ყურე“.

რიჰარდმა სტუდენტთა რევოლუციურ მოძრაობაში მონაწილე-
ობისათვის რამდენიმე წელიწადი ციხეში გაატარა, ამას ზედ დაერ-

თო ოჯახური უსიამოვნებაც.. მას ვერ უპოვნია ცხოვრებაში თავისი ცოდნის გამოყენების შესაძლებლობა. იმედგაცრუებული რიჩარდი ხალხს ზურგს აქცევს და ტყეში განმარტოებული ცხოვრების სიყარველეს ბოტანიკოსის საქმიანობით ავსებს. მაგრამ მისი ცდა — ჩაიკეტოს ხელოვნურად შექმნილ იდილიურ სამყაროში, მარცხით მთავრდება: ცხოვრებისაგან გამდგარი, ხანდაზმული ადამიანის მიერ ახალგაზრდა გოგონას მფარველობა, რათა იგი მატერიალური გაჭირვებისა და მორალური გახრწნისაგან იხსნას, სასიყვარულო ურთიერთობის ხელშემწყობი ნიადაგი აღმოჩნდება. მაგრამ ნოველის ორივე ძირითადი პერსონაჟი ურთიერთისათვის უცხონი რჩებიან — ჩვიდმეტი წლის გოგონას სურვილები სრულიად სხვაა, ორმოცდაათს მიღწეული მამაკაცისა კი — სხვა. ეს არის კონფლიქტის დედააზრი. ფრანცისკა ფედერსის ბუნებრივი მისწრაფებანი, რაც მისი ასაკით არის განპირობებული, წარმოაუგენს რიჩარდის ილუზიების გაქარწყლების აუცილებელ წინაპირობას.

თავისი ბერძნულ-ანტიკური აქცენტით „ფსიქეა“ შტორმის ნოველათაგან ერთგვარად განკერძოებით დგას. შტორმს სხვა ნოველებში არასდროს მიუმართავს ანტიკური თემისა და ფორმისათვის, რადგან ფიქრობდა, მწერალი რეალურ ყოფას არ უნდა გაურბოდესო.. მაგრამ ეროვნული სიამაყის გამო შტორმს სურდა თავისი დროის კლასიციკლთა მიმდევრებისათვის დაემტკიცებინა, რომ მრავალთა მიერ ნაგალობები ბერძნული მშვენიერება ყველგან იყო, რომ ხელუხლებელი, პირველყოფილი პოეზიითა და მშვენიერებით აღსავსე ბუნება მარტო სამხრეთის, ძველი ელადის უპირობესობას კი არ წამოადგენდა, არამედ გერმანიის უკიდურესი დილოეთის ყოველდღიურობაშიც მოიძებნებოდა. ამ აზრის და-

დასტურებას წარმოადგენს ნოველა „ფსიქეა“, რომელსაც თ. მანი „ანტიკურად წარმტაც, თავისუფალ და სიხარულის აღმძვრელ მოთხრობას“ უწოდებს.

ნოველაში კარგად მოჩანს ხელოვნების ცნების შტორმისეული გაგება. ჯერ კიდევ მის დაწერამდე ორი ათეული წლით ადრე შტორმმა ერთ რეცენზიაში გამოთქვა აზრი, — რომ „...როგორც საერთოდ პოეზიაში, ლირიკულ ლექსშიც მხოლოდ სინამდვილე კი არ უნდა ქმნიდეს მის საძირკველს, არამედ განცდაც“.

რასაც შტორმი „განცდას“ უწოდებს, ნოველაში სიყვარულის ფორმას იძენს. ამიტომ ხელოვნებაზე შექმნილი ეს ნოველა სიყვარულის ისტორიაც არის. ნოველის მეორე ნაწილში ავტორი ხელოვანს საქმეს მიუჩენს — მას სურს სინამდვილეში განცდილს ხელოვნების ქმნილებაში შეასხას ხორცი და ამით გვიჩვენოს, თუ როგორ იძენს ეს „განცდა“ კონკრეტულ სახეს ხელოვნების ზემთაგონებულ სხლის შესებით.

ჯერ კიდევ კილში ყოფნის დროს უახლოესი მეგობრების როზესა და მომზენების მეშვეობით, რომლებიც მისი ნაწერების უშედავათო კრიტიკოსები იყვნენ, შტორმი მიეჩვია საკუთარი შემოქმედების კრიტიკულად შეფასებას. აქედან მოკიდებული მუდამ კრიტიკული თვალთ წონიდა თავის ნამუშევარს და მადლობით იღებდა სხვათა მიერ გამოთქმულ შენიშვნებსაც. მას მეტად განვითარებული ჰქონდა სიტყვის სილამაზის შეგრძნება. განსაკუთრებით ზრუნავდა იმაზე, რომ ნოველას არ მოჰკლებოდა მთლიანობა და ფსიქოლოგიური დამაჯერებლობა. ნაწარმოებში იგი კმაყოფილდება მცირე მოქმედი პირებით, უარს ამბობს ფართოპლანიან მოქმედებაზე, ამბავს ისე აღწერს, თითქოს სცენაზე წარმოდგენას ვუყურებთო. ეს არც არის გასაკვირველი — შტორმი

ნოველას „დრამის დას“ უწოდებდა. „დრამის მსგავსად, ნოველაც ადამიანური ყოფის დრმა პრობლემებს ეხება. იმისათვის, რომ სრულყოფას მიაღწიოს, იგიც, დრამის მსგავსად, საჭიროებს მათრგანიზებელ მთლიანობას და ამის შედეგად უფრო შეკუმშულ ფორმასა და ყოველგვარი არაარსებითის ჩამოშორებას“.

მისი ენა, რომელსაც თავიდან მკვეთრად გამოხატული ლირიკული შეფერილობა ემჩნეოდა, თანდათან საქმიან ხასიათს იძენს, მკაფიო და მარტივი ხდება. დაულალავად ხვეწს და აშალაშინებს ყოველ ფრაზას, ხშირად მიმართავს ნაწერების გადაკეთებას. „ერთ ყალბ და უფერულ გამოთქმასაც კი შეუძლია დაარღვიოს მთლიანობის თთაბეჭდილება“, — ამბობდა შტორმი. ამის გამო მართებულად შენიშნავს გოტფრიდ კელერი, — შტორმი მოკრძალებული ოქრომტეცდელი და ვერცხლის ფილიგრანულად დამმუშავებელი იყო.

მწერლის შემოქმედებითი დიაპაზონი თანდათან იზრდება და ზენიტს აღწევს სამოცდაათიანი წლების მეორე ნახევარში, როცა ქმნის თავის ყველაზე მნიშვნელოვან ნაწარმოებებს. ამ პერიოდში საგრძნობი ხდება მისი კრიტიკული დამოკიდებულება სინამდვილისადმი, აღარ ცდილობს ცხოვრებისეული წინააღმდეგობების შელამაზებას.

შტორმის მოთხრობებში, საერთოდ, დიდი ადგილი ეთმობა იდუმალისა და საშინელის აღწერა-გადმოცემას, მას საერთოდ ახასიათებს აჩრდილთა და მოჩვენებათა სამყაროსაკენ სწრაფვა. ხალხურ ცრურწმენებზე დაფუძნებული გადმოცემებისადმი მიდრეკილება შტორმ-ნოველისტს ბოლომდე მიჰყვება. იგი ამას გვერდს ვერ უვლის ვერც ბოლო დასრულებულ ნაწარმოებში — „თვთრცხენიანი მხედარი“ და ვერც დაუსრულებლად

დარჩენილ ნოველაში — „მონანიე ცოდვილის ზარი“. მაგრამ ისიც უნდა ითქვას, რომ ნოველათა უმრავლესობაში მოჩვენებანი, წინათგრძნობა, სიზმარი ირეალობისაკენ კი არ გვიჩიბებებს, არამედ უკავშირდებიან რეალურ სამყაროს, ჩვეულებრივ საგნებსა და მოვლენებს, რომლის შეცნობაც გონებით შეიძლება. ირეალური მოვლენის ახსნას ჩვეულებრივით ცდილობს, სიზმრისეულ აჩრდილებს ფსიქოლოგიურ საფუძველს უქმნის, ხოლო მოჩვენებებზე შექმნილ ამბებსა და ცრუმორწმუნეობრივ გადმოცემებს ნიადაგს აცლის.

„თეთრცხენიან მხედარში“ მკითხველი ერთმანეთის გვერდით ხედავს მართალსა და არარეალურს; აქ რომ ჯებირის ზედამხედველის ჰაუკე ჰაინის ცხოვრების ამბებს გადმოგვცემს, იქვე ამავე პერსონაჟის მოჩვენებადქცეული არსების შესახებ მოგვითხრობს. თეთრცხენიანი მხედარი მის ნაწარმოებში ისტორიული რეალობაც არის და მოჩვენებადქცეული არსებაც. მაგრამ ორივე ერთმანეთს ერწყმის და ურთიერთს ავსებს — თუ აჩრდილადქცეული მხედარი უფსკრულში ვარდება, ამავეს სჩადის ჯებირის ზედამხედველიც. ნაწარმოებში მისტიკური მოტივის შემოტანით იგი ქმნის თავისებურ ფრიზლანდიურ კოლორიტს და გვიჩვენებს იმას, თუ ნამდვილი ამბავი, ხალხის შეგნებაში, როგორ გადაიქცევა მითად. ამით არის განპირობებული ნაწარმოებში ყოფით-ეთნოგრაფიული წვრილმანების, მეტყველებაში ქვემოთგრძნული დიალექტის შემოტანა, ფრიზლანდიური წეს-ჩვეულებებისა და ხალხური თამაშების აღწერა და სხვანი.

ნაწარმოების მთავარი პერსონაჟი ჯებირების ზედამხედველი ჰაუკე ჰაინია. თქმულების მიხედვით, იგი თავისი მხარის ღირსეული, ღვიძლი შვილია, მისი სისხლი და ხორცი. ავტორი თან-

მიმდევრობთ გადმოგვცემს მისი ცხოვრების გზას — ბავშვობიდან სიკვდილამდე და იგი ჩვენს თვალწინ ყალიბდება, როგორც ძლიერი პიროვნება, როგორც ნამდვილი სახალხო გმირი, რომლისთვისაც უცხოა ვიწრო პირადი ინტერესები და მხოლოდ მთელი თემის სიკეთისათვის ზრუნვა გაუხდია თავისი საქმიანობის დედაზრად.

ჯერ კიდევ ბავშვი იყო ჰაუკე, როცა დარწმუნდა, რომ არსებული ჯებირებით აბობოქრებული ჩრდილოეთის ზღვისაგან მიწების დაცვა არასაიმედო იყო. უკვე ზედამხედველად არჩეული ჰაუკე შეუდგა საკუთარი გეგმის მიხედვით ჩაფიქრებული ჯებირის მშენებლობას. მაგრამ თავისი მოღვაწეობის გზაზე ჰაუკე აწყდება თემის წინააღმდეგობას, ხალხის სულმდაბლობასა და უმეცრებას, რადგან თანასოფლელებს მისი მტკიცე ნებისყოფა და დაუმრეტელი ენერჯია ცრუმორწმუნეობრივ შიშს უნერგავს, მასში თავიანთ მტერს ხედავენ და ბოროტ ზრახვებს აწერენ. მაგრამ თანამედროვეთა მიერ შეუცნობ ჰაუკეს მომავალი თაობები აღიარებენ.

ამ ვრცელ მოთხრობას განსაკუთრებული ადგილი უკავია თ. შტორმის შემოქმედებაში. თ. მანი ზემოხსენებულ ესეიში „თეთრ-ცხენიან მხედარს“ უმაღლეს და უგაბედულეს ნაწარმოებს უწოდებს და აღნიშნავს რომ, ამ მონუმენტური ნაწარმოებით მან ნოველა სხვათა მიერ ჯერაც მიუღწეველ სიმაღლეზე აიყვანაო.

1180 წელს თ. შტორმმა სამსახურს თავი დაანება და მამისეულ სოფელ ჰადემარშენში დასახლდა. ექვსი წლის შემდეგ ავად გახდა კუჭის კიბოთი და 1888 წლის 4 ივლისს გარდაიცვალა.

ხანგრძლივი სიცოცხლის მანძილზე უტორმმა სამოცამდე ნო-
ველა და რამდენიმე ასეული ლირიკული ლექსი დაწერა. აღსანიშ-
ნავია, რომ მე-19 საუკუნის გერმანული ლიტერატურის რეალისტ
მწერალთა დიდ წარმომადგენლებს ქართველი მკითხველი დღემ-
დე არ იცნობდა. ამ თარგმანით ეს ხარვეზი ერთგვარად ივსება.

ოთარ ხუციშვილი



ი ე მ ე ნ ზ ე

ზ ე რ ი კ ა ა ტ ი

გვიანი შემოდგომის ერთ საღამოს კარგად ჩაცმული ხან-შიშესული მამაკაცი ქუჩას მიუყვებოდა. ეტყობოდა, სეირნობიდან შინ ბრუნდებოდა. მოდაგადასული აბზინდიანი ფეხსაცმელები საკმაოდ გამტვრიანებოდა. იღლიაში ოქროსბუნკიანი ლერწმის გრძელი საბიჯგი ჯოხი აჰოეჩარა. შავი თვალებით, რომლებშიც კვლავ კიაფობდა აწ გარდასული სიჭაბუკე და თოვლივით თეთრი თმის ფონზე მკვეთრად გამოკრთოდა, ხან ახლომანლო მიდამოს ათვალეირებდა მშვიდად, ხან წინ გაშლილ დაისის მზით განათებულ ქალაქს გადახედავდა ხოლმე. ადგილობრივი არ უნდა ყოფილიყო, რადგან გამვლელთაგან მხოლოდ ცოტანი ესალმებოდნენ, თუმცა ზოგი მის დინჯ მზერას უნებლიეთ ყურადღებას აქცევდა. ბოლოს მა-

მაკაცი ერთ მაღალფრონტონიან სახლთან შედგა, ერთხელ კიდევ გადახედა ქალაქს და წინკარში შევიდა. ზარის წკარუნზე სარკმელზე მწვანე ფარდა აიწია და მოხუცი ქალის სახე გამოჩნდა. მამაკაცმა მას ლერწმის ჯოხი დაუქნია და სამხრეთული კილოთი უთხრა:

— შექი არ არის საჭირო.

ღიასახლისმა ფარდა ისევ დაუშვა. მოხუცმა მამაკაცმა ვრცელი წინკარი გაიარა, შემდეგ ოთახი, სადაც კედლებთან ფაიფურისლარნაკებიანი მუხის კარადები იდგა და მოპირდაპირე კარით პატარა ტალანში გავიდა. აქედან, სახლის უკანა მხარეს, მეორე სართულისაკენ ვიწრო კიბე მიემართებოდა. კიბეს ნელა აუყვავა, კარი შეაღო და საშუალო ზომის ოთახში შევიდა. ოთახში სიჩუმე და იღუმალება სუფევდა. ერთი კედელი თითქმის მთლიანად წიგნის კარადებსა და თაროებს ეკავა.

მეორე მხარეს. პორტრეტები და პეიზაჟები ეკიდა. მწვანესუფრიან მაგიდაზე რამდენიმე გადაშლილი წიგნი იდო, მაგიდის წინ წითელ ხავერდისბალიშინიანი მძიმე სავარძელი იდგა. მოხუცმა ქული და ხელჯოხი კუთხეში დადო, გულზელი დაიკრიფა და დასასვენებლად სავარძელში ჩაეშვა. კარგა ხანს იჯდა ასე. თანდათან ბინდდებოდა, ბოლოს კედელზე გაკრულ სურათებს ფანჯარაში შემოპარული მთვარის სხივი დაეცა. სხივის ნელ გადანაცვლებას უნებლიეთ კაცის მზერაც თან მიჰყვებოდა. აი, სინათლე უბრალო შავ ჩარჩოში ჩასმულ პატარა სურათს დაეცა.

— ელიზაბეტ!—წარმოთქვა მოხუცმა წყნარად. ამ სიტყვის წარმოთქმანზე თითქოს დრომ უკან დაიხია და მოხუცი სიჭაბუკის მოგონებებში ჩაიძირა.

უმალ თვალწინ დაუდგა პატარა კოპწია გოგონა. მას ელიზაბეტი ერქვა და ხუთი წლის თუ იქნებოდა. თვითონ კი ორი იმხელა იყო. ყელზე ელიზაბეტს აბრეშუმის წითელი ყელსახვევი ეკეთა, რომელიც მის მუქ თაფლისფერ თვალებს ძალზე შვენოდა.

— რაინპარდ! — შესძახა მან, — თავისუფლები ვართ! დღეს სწავლა არა გვაქვს, არც ხვალ.

რაინპარდმა გრიფელის დათა მაშინვე კარს ამოაფარა და ორივენი ბაღში გაცივდნენ, აქედან კი ველზე გაინავარდეს. მოულოდნელმა არდადეგებმა სწორედ დროზე მოუსწრო მათ. ელიზაბეტის დახმარებით რაინპარდს აქ ბელტებით სახლი აეშენებინა და იქ აპირებდნენ ზაფხულის საღამოების გატარებას. მაგრამ სკამი არ ჰქონდათ. რაინპარდი მაშინვე საქმეს შეუდგა; ლურსმანი, ჩაქუჩი და საჭირო ფიცრები იქვე ელაგა. ელიზაბეტი მიწაყრილზე გავიდა და წინსაფარში გარეული ბაღბის ბეჭდისებური თესლის შეგროვებას შეუდგა, რომ შემდეგ ძეწკვი და სამაჯურები გაეკეთებინა. როცა რაინპარდმა, ბოლოს და ბოლოს, სკამი გააკეთა, თუმც ბევრი ლურსმანი წაღმა-უკუღმა დააქედა, და მზეზე გამოვიდა, ელიზაბეტი უკვე შორს, მინდვრის ბოლოს იყო.

— ელიზაბეტ! ელიზაბეტ! — გასძახა რაინპარდმა და ელიზაბეტიც კულულების რხევით მისკენ გამოიქცა.

— წამო, ჩვენი სახლი მზად არის. ო, როგორ გახურებულხარ, მოდი, ახალ სკამზე ჩამოვსნდეთ. გიამბობ რამეს.

ბავშვები სახლში შევიდნენ და სკამზე დასხდნენ. ელიზაბეტმა წინსაფარიდან ბაღბის რგოლები ამოალაგა და ძაფზე ასხმა დაუწყო. რაინპარდი თხრობას შეუდგა.

— იყო და არა იყო რა, იყო სამი მრთველი ქალი.

— ოჰ, ეს ზღაპარი ზეპირად ვიცი, რაღა ჰქულ ერასა და იმავეს მიყვები! — წამოიძახა ელიზაბეტმა.

რაინჰარდი იძულებული გახდა ამ ზღაპრისათვის თავი დაენებებინა და ამის ნაცვლად ეამბნა ზღაპარი საწყალი კაცი-სა, რომელიც ლომს ბუნაგში შეუგდეს.

— ჰოდა დაღამდა, — განაგრძო რაინჰარდმა. — იქ დაბნელდა, რომ აღარათფერი ჩანდა. ლომებმა დაიძინეს. ძილში ხანდახან ამოქნარებდნენ და წითელ ენას ყოფდნენ. ამის დანახვაზე კაცი შიშით ცახცახებდა. მალე მოეჩვენა, თენდებოა. უცბად ბუნაგი განათდა. ზემოთ რომ აიხედა, ანგელოზი დაინახა: ანგელოზმა კაცს ხელი დაუქნია და წინ აღმართულ კლდეზე გადაიარა.

ელიზაბეტი ყურადღებით უსმენდა.

— ანგელოზი? მერე ფრთები ჰქონდა? — იკითხა მან.

— ეს ხომ ზღაპარია, — უპასუხა რაინჰარდმა, — ანგელოზები მართლა კი არ არიან.

— ოჰ, რაინჰარდ! — წამოიძახა ელიზაბეტმა და ბიჭს დაჟინებით შეაკვიერდა სახეში, მაგრამ რაკი რაინჰარდი მოიღუშა, ელიზაბეტმა ყოყმანით ჰკითხა:— რატომ ლაპარაკობენ სულ ანგელოზებზე? შინ — დედა და დეიდა, სკოლაში— მასწავლებლები?

— აბა, მე რა ვიცი, — მიუგო რაინჰარდმა.

— არც ლომები არსებობენ?

— ლომებიო? ლომებით ინდოეთი სავსეა. ქურუმები ლომებს ურემში აბამენ და უღაბნოში ისე მიემგზავრებიან. მე რომ გავიზრდები, ინდოეთში წავალ. იქ ათასჯერ უკეთესია, ვიდრე ჩვენთან. ინდოეთში ზამთარიც არ იცის. წამოხვალ ჩემთან?

— კი, წამოვალ, მაგრამ ჩემი დედისთვის წამოვიდეს და შენი დედისთვის.

— არა, ისინი მაშინ მოხუცები იქნებიან და ჩვენთან ვერ წამოვლენ.

— მარტო ჩემი წამოსვლა რომ არ შეიძლება?

— უნდა შეიძლოს! მაშინ შენ ჩემი ნამდვილი ცოლი იქნები და სხვები ვერაფერს გიბრძანებენ.

— დედაჩემი რომ იტირებს?

— ჩვენ ხომ ისევ დავბრუნდებით, — გაბრაზებით წამოიძახა რაინჰარდმა და უცბად შეუტია: — ახლავე მითხარი, წამოხვალ თუ არა? თუ არ წამოხვალ, მარტო წავალ და აღარც დავბრუნდები.

ელიზაბეტს ცრემლი მოერიდა:

— ეგრე ნუ მიბრაზდები, მეც მინდა ინდოეთში წამოსვლა.

გახარებულმა რაინჰარდმა გოგოს ორივე ხელი ჩაჰკიდა და მინდორში გაიქცნენ.

— ინდოეთისკენ! ინდოეთისკენ! — ამღერდა რაინჰარდი და ელიზაბეტი ისე დაატრიალა, რომ წითელი ყელსახვევი შემოესხნა. მერე უცბად ხელი გაუშვა და სერიოზულად უთხრა: — არაფერი არ გამოვა, გამბედაობა არ გეყოფა.

— ელიზაბეტ! რაინჰარდ! — გაისმა ბალიდან.

— აქა ვართ! — გასძახეს ბავშვებმა და ხელიხელჩაკიდებულნი სახლისკენ გაიქცნენ.

ტ ა მ შ ი

ასე ცხოვრობდნენ ბავშვები ერთად. ელიზაბეტი რაინჰარდს ზშირად თვინიერი ეჩვენებოდა, რაინჰარდი კი ელიზა-

ბეტს გულფიცხი, მაგრამ ეს ხელს არ უშლიდათ ისევ ერთად ყოფილიყვნენ. თითქმის ყოველ თავისუფალ საათს ერთად ატარებდნენ, ზამთარში — დედების მყუდრო ოთახებში, ზაფხულობით — ტყესა და მინდორში.

ერთხელ, როცა მასწავლებელმა ელიზაბეტი რაღაცაზე გაკიცხა, რაინჰარდმა გრიფელის დაფა მაგიდაზე დაახეთქა, რომ მასწავლებლის რისხვა თავისკენ მიეპყრო. მაგრამ მასწავლებელმა ეს ვერ შეამჩნია. ამის შემდეგ რაინჰარდს გეოგრაფია აღარ აინტერესებდა, მის ნაცვლად ლექსის თხზვა დაიწყო. ლექსში თავის თავს ახალგაზრდა არწივს აღარებდა, გეოგრაფიის მასწავლებელს კი — რუხ ყვავს, ხოლო ელიზაბეტი თეთრი მტრედი იყო. არწივი საზეიმოდ ფიცს სდებდა, როგორც კი ფრთები წამომეზრდება, რუხ ყვავზე შურს ვიძიებო. ახალგაზრდა პოეტს თვალები ცრემლით ავსებოდა — თავი ნამდვილ რაინდად წარმოედგინა. სახლში რომ დაბრუნდა, სადღაც პერგამენტის თეთრფურცლებიანი პატარა რვეული იშოვა და პირველ გვერდზე ლამაზი ხელით თავისი პირველი ლექსი ჩაწერა.

ამ ამბის შემდეგ რაინჰარდი მალე სხვა სკოლაში გადავიდა. იქ თავის ტოლ ბიჭებს დაუამხანავდა, მაგრამ ელიზაბეტთან ურთიერთობა მაინც არ შეუწყვეტია. რაინჰარდმა დაიწყო იმ ზღაპრების ჩაწერა, რომლებიც ელიზაბეტს განსაკუთრებით მოსწონდა. როცა უამბობდა, ხანდახან საკუთარი გამოწავლის დამატებაც მოუხდებოდა ხოლმე, მაგრამ ამას ყოველთვის ვერ ახერხებდა. უმეტესად ისე იწერდა, როგორც მოესმინა. ჩანაწერებს შემდეგ ელიზაბეტს აძლევდა, ის კი ზარდახშაში ინახავდა. რაინჰარდი უჩვეულო სიამოვნებას განიცდიდა, რო-

ცა ზოგჯერ საღამოობით ელიზაბეტი მისი თანდასწრებით ამ ზღაპრებს დედას წაუკითხავდა ხოლმე.

გაიარა შვიდმა წელმა. სწავლის გასაგრძელებლად რაინ-პარდი მშობლიური ქალაქიდან უნდა გამგზავრებულიყო. ელი-ზაბეტს ვერ წარმოედგინა, როგორ უნდა გაეძლო რამდენიმე წელიწადს ურანძპარდოდ. გოგოს ძალზე გაეხარდა, როცა რა-ინძარდმა ერთხელ უთხრა, ზღაპრებს წინანდებურად დავწერ შენთვის და დედაჩემის წერილთან ერთად გამოგვგზავნი, შენ კი მომწერე, მოგეწონება თუ არაო.

ახლოვდებოდა გამგზავრების დღე. პერგამენტის რვეული კიდევ რამდენიმე ლექსით შეივსო. ამ ლექსების შთაგონების წყარო ელიზაბეტი იყო, მაგრამ ავტორი მათ ელიზაბეტს არ აკითხებდა.

ივნიისი დღგა. რაინძარდი მეორე დღეს უნდა გამგზავრე-ბულიყო. შინაურებს სურდათ მისი გამგზავრების წინა დღე ერთად გაეტარებინათ. მახლობელთა დიდმა ჯგუფმა თავი მო-იყარა და ქალაქგარეთ ტყეში გაისეირნა. ტყის პირამდე ერთი საათი ეტლებით იარეს, სანოვაგით სავსე კალათები ჩამოიღეს და გზა ფეხით განაგრძეს. ჯერ ნაძვნარი უნდა გაევლოთ. ნა-ძვნარი დაბინდული და გრილი იყო, მიწა კი წიწვნარის ფაქი-ზი ნემსებით მოფენილი. ნახევარსაათიანი სიარულის შემდეგ ჩაბნელებული ნაძვნარიდან ნორჩ წიფლნარში შევიდნენ. იქა-ურობა მწვანეში ჩაფლულიყო, ხშირ ფოთლებში აქა-იქ მზის სხივები იჭრებოდა. ზემოთ ტოტიდან ტოტზე ციყვი დახტოდა.

მინდოდა შეისვენეს, სადაც ასწლოვან წიფლებს ტოტები ერთმანეთისათვის გადაეკდოთ და გამჭვირვალე თალი შეეკ-რათ. ელიზაბეტის დედამ ერთ-ერთ კალათას თავი გადახსნა. ერთმა ხანშიშესულმა მამაკაცმა თავი მომარაგების უფროსად გამოაცხადა.

— აბა, ჩემთან, ჩიტუნებო! — დაიძახა მან. — კარგად დაიხსომეთ, რასაც გეტყვით. საუზმედ ყოველი თქვენგანი ამჯერად მხოლოდ ორ ფუნთუშას მიიღებს. კარაქი შინ დაგვრჩა და მისატანებელი თქვენ თვითონ მოძებნეთ. მარწყვი ტყეში ბლომადაა ყველასათვის, ვინც კი პოვნას შეიძლება. ხოლო ვინც უშნოა, დაე ცარიელი ფუნთუშა ჭამოს. ცხოვრებაშიც ასეა საერთოდ. გაიგეთ ჩემი ნათქვამის აზრი?

— რასაკვირველია, გავიგეთ! — დაიძახეს ახალგაზრდებმა.

— მოითმინეთ, ჯერ არ დამიმთავრებია, — განაგრძო მოხუცმა. — ჩვენ, მოხუცებმა ამქვეყნად საკმაოდ ვინეტიალეთ. ამიტომ ამ ფართო ხეებქვეშ დავრჩებით, კარტოფილს გავფცქვინით, ცეცხლს დავანთებთ, მაგიდებს გავმართავთ და, როგორც კი თორმეტი გახდება, კვერცხებსაც მოვხარშავთ. ამდენი მუშაობისთვის მარწყვის ნახევარი ჩვენთვის უნდა გადაინახოთ, თუ გინდათ, რომ ვახშამიც გაგიწყოთ. აბა, ახლა კი დასავლეთ-აღმოსავლეთით მიმოიფანტებით და, იცოდეთ, არ იცუღლუტოთ!

ახალგაზრდებს სახეზე ეშმაკური ღიმილი აუთამაშდათ.

— სდექ! — კვლავ ბრძანა მოხუცმა. — მე მგონი, ამის თქმა აღარ დამჭირდება, რომ, ვინც ვერაფერს იპოვის, ის ვერც ვერაფერს ჩაგვაბარებს. მაგრამ ისიც კარგად დაიწერეთ გულის ფიცარზე, რომ ვერც ჩვენგან მიიღებს რამეს. ახლა კი სადღესოდ საკმარისია კეთილი შეგონებანი. ამას თუ მარწყვსაც დაუმატებთ, შეიძლება მიიჩნიოთ, რომ დღეს ცხოვრებაში რაღაცას უკვე მიაღწიეთ.

ახალგაზრდებიც ამ აზრს იზიარებდნენ და აქეთ-იქით წყვილ-წყვილად მიმოიფანტნენ.

— წამო, ელიზაბეტ, მარწყვით სავსე ადგილი ვიცი. რატომ უნდა ჭამო ცარიელი პური! — მიმართა რაინჰარდმა გოგოს.

ელიზაბეტმა ჭილის ქუდის მწვანე ბაბთები გამონასკვა და მკლავზე ჩამოიკიდა.

— წავიდეთ, აგერ კალათაც მზადა მაქვს.

ისინი თანდათან ტყის სიღრმეში შევიდნენ. ხეების ნოტიო ჩრდილებში მზის ჭიატი ვერ ატანდა; ირგვლივ ყველაფერი მღუმარებას მოეცვა. მხოლოდ მალლა, ზეცის თაღქვეშ, ნაეარდობდნენ შევარდნები. რაინჰარდი და ელიზაბეტი გაბარდულ ბუჩქნარში მოხვდნენ, ისე გაბარდულში, რომ ვაჟი იძულებული გახდა გზის გასაკაფავად წინ წასულიყო, აქ ტოტებს ამტვრევდა, იქ წამონაზარდებს გვერდზე გრეხდა. უცბად ელიზაბეტის ძახილი მოესმა.

— რაინჰარდ, დამიცადე, რაინჰარდ!

რაინჰარდმა მოიხედა, მაგრამ ელიზაბეტი ვერ დაინახა. ბოლოს, როგორც იქნა, თვალი მოჰკრა საკმაო მანძილზე ჩამორჩენილ გოგოს, რომელიც ბუჩქნარს ებრძოდა. ტანაყრილ ჩადუნებში გოგოს პატარა თავი ძლივსლა მოჩანდა. რაინჰარდი უკან დარბუნდა და ელიზაბეტი ბუჩქნარიდან თავისუფალ ადგილზე გაიყვანა. ყვავილთა შორის ცისფერი პეპლები დაფარფატებდნენ.

რაინჰარდმა გოგოს ალექსილი სახიდან გაოფლილი თმა გადაუწია, მერე თავზე ჩალის ქუდი დაახურა, მაგრამ ელიზაბეტს არ უნდოდა, და რაინჰარდმა თხოვა — დაიხურეო.

ელიზაბეტი შეჩერდა, სული მოითქვა და ჰკითხა:— აბა სად არის მარწყვი?

— აქ იყო, მაგრამ, ეტყობა, გომბეშოებმა მოგვასწრეს, ან კვერნებმა, ვინ იცის, ეგებ ელფებიც იყვნენ.

— მართალია, აი ფოთლები ისევ აქაა, — თქვა ელიზაბეტმა, — მაგრამ ელფებზე ნუ ლაპარაკობ. წავიდეთ რა, ვეძებოთ, სულაც არ დავდლილვარ.

გზა პატარა ნაკადულმა გადაუღობა, იქით ისევ ტყე იწყებოდა. რაინჰარდმა გოგო ხელში აიყვანა და მეორე ნაპირზე გადაიყვანა. ცოტა ხნის სიარულის შემდეგ ტყიდან ვრცელ მინდორზე გავიდნენ.

— ო, რა კარგი სუნი დგას! აქ მარწყვიც იქნება! — დაიძახა გოგომ.

ძებნა-ძებნით გაუყვნენ მზით გაბრწყინებულ მინდორს, მაგრამ მარწყვის ნასახსაც ვერსად მიაგნეს.

— არა, ეს მანანას სუნია, — უთხრა რაინჰარდმა.

მიდამოს ყოლოს და ეკლიანი მოცხარის გადაბარდული ბუჩქები მოსდებოდა. ველზე მოფენილი მანანას და ქორფა ბალახის მომძლავრებული სურნელი ჰაერს ავსებდა.

— რა სიმარტოვეა, ნეტავ სხვები სადღა არიან? — იკითხა ელიზაბეტმა.

უკან დასაბრუნებელ გზაზე რაინჰარდს აქამდე არ უფიქრია.

— მოიცა, მოიცა, აბა ქარი საიდან უბერავს? — თქვა მან და ხელი მალღა ასწია, მაგრამ ქარი არ ქროდა.

— გაჩუმდი! — წამოიძახა ელიზაბეტმა, — თითქოს ლაპარაკის ხმა გავიგონე. აბა ერთი გასძახე!

რაინჰარდმა ხელი რუპორივით მოიმარჯვა და გასძახა:

— აქეთ წამოდიო, აქეთ!

— აქეთ!.. — გაიხმიანა ექომ.

— გეპასუხობენი! — წამოიძახა ელიზაბეტმა და ტაში შემოკრა.

— არა, ეს მხოლოდ გამოძახილი იყო.

ელიზაბეტი რაინჰარდის მკლავს ჩაეჭიდა:

— მეშინია, — წარმოთქვა გოგომ.

— აბა, რისი გეშინია? შეხედე, აქაურობა როგორი მშვე-

ნიერია. აი, იმ ჩრდილს შეეფარე. ცოტა ხანს დავისვენოთ, მერე კი სხვებსაც მივაგნებთ.

ელიზაბეტი ლაღად გაშლილი წიფლის ჩრდილში დაჯდა და სმენადამბულმა მიდამოს გაჰხედა, რაინპარდი მისგან რამდენიმე ნაბიჯის დაშორებით ხის კუნძზე ჩამოჯდა და გოგოს შეაკვიერდა. მზე ზედ თავზე წამოსდგომოდათ. შუადღის უმოწყალო სიცხე იდგა. ოქროსავეთ მოლაპლაპე პატარა ფოლადისფერი ბუხები ფრთების რხევით ჰაერში დაკიდებულ იყვნენ. ირგვლივ წყნარი ბზუილი და ზუზუნი ისმოდა, ზოგჯერ ტყის სიღრმიდან კოდალების კაკუნსა და ფრინველების ხსავილს თუ მოჰკრავდნენ ყურს.

— ყური დაუგდე! — წამოიძახა ელიზაბეტმა. — ზარის ხმა ისმის.

— საიდან?

— ჩვენ უკან. გესმის? შუადღის ზარია.

— აბა ქალაქი ჩვენ უკან ყოფილა, და თუ პირდაპირ იქით წავალთ, სხვებსაც შევხვდებით.

ელიზაბეტი ძალიან დაიღალა. მარწყვის ძებნას თავი დაანებეს და უკან დაბრუნდნენ. ბოლოს ხეებს შორის დანარჩენი ახალგაზრდების სიცილი გაიგონეს. მერე მიწაზე გაშლილი მარწყვით ავსებულ სუფრა დაინახეს. ბებერ მზარეულთუხუცესს ხელსაწმენდი ღილაკილოში გაეკეთებინა და ახალგაზრდებთან თავის წედანდელი ლექციის კითხვას განაგრძობდა მორალის საკითხებზე, თან შემწვარ ხორციულს გამალებით ჰკრიდა.

— აი, დაგვიანებულებიც მოვიდნენ! — დაიძახეს ახალგაზრდებმა, როგორც კი ხეებშორის მომავალ რაინპარდსა და ელიზაბეტს მოჰკრეს თვალი.

— აქეთ მობრძანდით, — დაიძახა მზარეულთუხუცესმა. —
ხელსახოცები დააცარიელეთ, ქუდები გადმოაბრუნეთ აა
მაჩვენეთ, რა მოიპოვეთ.

— შიმშილი და წყურვილი! — უპასუხა რაინჰარდმა.

— თუ მარტო ეგ მოიტანეთ, ეგრევე დარჩებით. ჩვენი პი-
რობა ხომ იცოდით: უქნარებს ლუკმასაც არ მივცემთ.

ბოლოს მოხუცმა ახალგაზრდების თხოვნა შეისმინა და
ჰველანი ჭამას შეუდგინა. ღვიის ბუჩქნარიდან ჭახჭახი ისმოდა.

ასე გავიდა ეს დღე. რაინჰარდმა მარწყვი ვერ დაკრიფა,
მაგრამ სხვა რამ მაინც იპოვა, და როგორც კი შინ დაბრუნდა,
თავის ძველ პერგამენტის რვეულში ჩაწერა:

აქ, მთის ფერდობზე
არა ქრის ქარი.
ხეების დახრილ ტოტების ძირში
ზის ბავშვი წყნარი.
ირგვლივ ქონდარის სურნელება
ჰაერს აზავენს
და მოელვარე ლურჯი ბუნჩო
სივრცეს ხაზავენ.
უცქერს ტყის დუმილს
წყნარი ბავშვი ჰკვიანს თვალთ,
მის ქერა კულუს მზე ეღვრება
თბილი და მთვრალი.
შორიდან ისმის გუგულის გუგუ...
მე. ვფიქრობ ჩემთვის, მე ვასკენი ბოლოს,
ამ ტყის დედოფლის მზიურნი თვალნი
ოქროსფერია მხოლოდ და მხოლოდ.¹

ახლა ელიზაბეტი არა მარტო ის გოგონა იყო, ვისაც მფარ-
ველობდა, არამედ განსახიერებაც ყოველგვარი წარმტაცისა

¹ ლექსები თარგმნა ან ზ ო რ ა ბ უ ლ ა შ ვ ი ლ მ ა .

და მომხიბვლელისა, რაც რაინჰარდის ჭაბუკურ სიცოცხლეს სრულყოფილად ავსებდა.

გზაზე გავშვი იღბა

შობა დადგა. სამხრობისას რაინჰარდი სხვა სტუდენტებთან ერთად რატუშის ღვინის სარდაფში მუხის ძველ მაგიდას უჯდა. კედლებზე დაკიდებული ლამპები აენთოთ, რადგან სარდაფში უკვე ბნელოდა. სტუმრები ნელ-ნელა იკრიბებოდნენ, კელნერები უსაქმოდ აყუდებულიყვნენ კედელთან. თალის ერთ-ერთ კუთხეში მევიოლინე და ფაქიზნაკეთებიანი ციტრის დამკვრელი გოგო ისხდნენ. გოგო ბოშას წააგავდა. საკრავები მუხლებზე დაეწყოთ და იქ მყოფთ გულგრილად უმზერდნენ.

სტუდენტების მაგიდაზე შამპანურის საცობმა გაიტკაცუნა.

— შესვი, ჩემო ლამაზო ბოქემიელო! — შესძახა ერთმა ყმაწვილმა, რომელსაც იუნკერის გარეგნობა ჰქონდა, და გოგოს სავსე ჭიქა გაუწოდა.

— არ შემოძლია, — მიუგო გოგომ და ადგილიდან არ განძრეულა.

— მაშ იმღერე! — მიმართა იუნკერმა და კალთაში ვერცხლის ფული ჩაუგდო.

გოგომ შავ თმაზე ხელი ნელა გადაისვა. მევიოლინემ ყურში რაღაც ჩასჩურჩულა. მაგრამ გოგონამ ენერგიული მოძრაობით თავი უკან გადასწია, ნიკაბი ციტრას დააყრდნო და თქვა:

— მაგისტვის არ დავეუკრავ.

რაინჰარდი წამოხტა და მის წინ გაჩერდა. ხელში სავსე ჭიქა ეჭირა.

— რა გნებაეს? — ჯიუტად ჰკითხა გოგომ.

— შენს თვალებს მინდა ვუშვირო.

— რა საქმე გაქვს ჩემ თვალებთან?

რაინჰარდი გაბრწყინებული სახით დასცქეროდა.

— მშვენივრად ვიცი, რომ ყალბია შენი თვალები.

გოგო ხელს ლოყით დაეყრდნო და რაინჰარდს მოლოდინით შეაქცერდა — აბა, კიდევ რას იტყვისო.

ვაჟმა ჭიქა პირთან მიიტანა:

— უენი მშვენიერი, ცოდვილი თვალების სადღეგრძელო იყოს! — უთხრა მან და სასმელი მოსვა.

გოგომ გაიცინა და თავი კეკლუცად შეარხია.

— მომეცი! — უთხრა მან, შავი თვალებით რაინჰარდს დაუინგბით შეაქცერდა და ჭიქაში ჩარჩენილი ღვინო ნელ-ნელა გამოსცალა. შემდეგ სამხშიან საკრავს ხელი წავლო და გულში ჩამწვდომი ვნებიანი ხმით დაამღერა:

დღეს ნაზი გაზაფხულივით

ვილიმი, ვარ მშვენიერი,

ხეალ კი სხვა ჟამი დადგება,

გამიხუნდება იერი.

ამ წუთში შენ მე მეკუთვნი,

მხოლოდ ამ წუთში ხარ ჩემი,

მაგრამ სიკვდილთან, ვით ყველა,

ძვირფასო, მარტო დავრჩები

სანამ მევიოლინე სწრაფი ტემპით აყოლებდა აკომპანიმენტს, მათ ჯგუფს ერთი ახალგაზრდა შეუერთდა.

— სახლში გამოგიარე, — უთხრა ახალმოსულმა რაინჰარდს. — შინ არ დამიხვდი, მაგრამ, ეტყობა, ყრმა იესოს შემოუვლია შენთან.

— ყრმა იესოს? ის რომ აღარ დადის ჩემთან! — გაიკვირვა რაინჰარდმა.

— ე, რას ამბობ? მთელი ოთახი ნაძვისა და ნამცხვრის სუნით არის ავსებული.

რაინჰარდმა ჭიქა დადგა და ხელი ქუდს წამოავლო.

— რას აპირებ? — ჰკითხა გოგომ.

— მალე დავბრუნდები.

— დარჩი, — უთხარ ხმადაბლა და რაინჰარდს ნლობით შეხედა.

— არ შემიძლია, — შეყოყმანდა ვაჟი.

— წადი! — უთხრა სიცილით გოგომ რაინჰარდს და ფეხის წვერი გაჰკრა. — არაფრად ვარაიხარ, არც ერთი არ ღირხართ. კაბიკად.

გოგო გვერდით მიბრუნდა. რაინჰარდმა სარდაფის კიბე ნელა აიარა.

ქუჩაში კარგად დაბნელებულიყო. რაინჰარდმა გახურებულ შუბლზე ზამთრის ცივი ჰაერი იგრძნო. აქა-იქ ფანჯრებში საშობაოდ გაბრწყინებული ნაძვის ხეები მოჩანდა. დროდადრო სახლებიდან ისმოდა სტვირისა და საყვირების ხმა, მას უერთდებოდა მოზეიმე ბავშვების ყრიაშული. მათხოვარი ბავშვები გუნდ-გუნდად დადიოდნენ კარდაკარ და ცდილობდნენ მათთვის აკრძალული ზეიმისათვის მოაჯირიდან მაინც მოეკრათ თვალი. ხანდახან გაიღებოდა კარი და განათებული შესასვლელიდან პატარა მათხოვრებს ბნელ ქუჩაბანდებში ერეკებოდნენ ლანძღვით. რომელიღაც პარმადიდან ისმოდა ძველი საშობაო სიმღერა. სიმღერაში გოგოების წკრიალა ხმები ჰკარბობდა. რაინჰარდს არაფერი ესმოდა, ყველაფერს გვერდს უვლიდა და აჩქარებით ერთი ქუჩიდან მეორეზე გადადიოდა. სახლს რომ მიაღწია, მთლად დაბნელებულიყო, კიბე ბორძიკით აიარა და ოთახში შევიდა. საამო სურნელება შეიგრძნო. ამან შინაურე-

ბი, სახლი და საშობაო მზადება გაახსენა. ათრთოლებული ხელით შუქი აანთო. მაგიდაზე რაღაც დიდი შეკვრა იდო. რაინჰარდმა შეკვრა გახსნა და მაგიდაზე ნამცხვარი გადმოცვივდა. რაინჰარდმა ნახელავი იცნო. ზოგ მათგანზე შაქრით მისი სახელის საწყისი ასო გამოეყვანათ. ამის ოსტატი ელიზაბეტის გარდა არავინ ეგულებოდა. შემდეგ ფაქიზად მოქარგული თეთრეულის, ცხვირსახოცებისა და მანქეტების შეკვრა გამოჩნდა, ბოლოს დედისა და ელიზაბეტის წერილები. რაინჰარდმა ჯერ ელიზაბეტის წერილი გახსნა. ელიზაბეტი წერდა:

„შაქრით გამოყვანილი მშენებელი ასოები, ალბათ, მიგახვედრებს, ვისი ხელიც ურევია მის გამოცხობაში. იმავე ხელმა მოგიქარგა მანქეტებიც. საშობაო ღამეს ამჯერად უხმაუროდ ვატარებთ. დედაჩემი ათის ნახევარზე მისდგამს ხოლმე კუთხეში თავის საქსოვ ჯარას. ძალზე მიყრუებულა ეს ზამთარი, შენ რომ აქ არ ხარ. ამას გარდა, წინა კვირას შენი ნაჩუქარი ჰვინტაც მოგვიკვდა. ძალიან ბევრი ვიტირე. მერე როგორი მზრუნველობით ვუვლიდი.

ჰვინტა ყოველთვის ნაშუადღევს ამღერდებოდა ხოლმე, როცა მზე მის გალიას მიადგებოდა. გახსოვს, დედაჩემი ტილოს რომ დააფარებდა, როცა ჰვინტა მთელი ხმით გალობდა? ახლა ჩვენთან სრული სიწყინარეა, ხანდახან მხოლოდ შენი ძველი მეგობარი ერიხი თუ გვინახულებს. შენ ერთხელ მასზე თქვი—თავის ყავისფერ პალტოს ჰგავსო. ეს ნათქვამი მახსენდება ხოლმე, როგორც კი იგი კარს შემოგვიღებს. მართლაც ძალიან ასაცილოა, მაგრამ დედას არაფერი უთხრა, გული ადვილად ეტკინება ხოლმე. თუ მიხვდები, რას ვაჩუქებ დედაშენს საშობაოდ? ვერ გამოიცანი? ჩემს თავს მივეუტან. ერიხი ნახშირით მხატავს. მე უკვე სამჯერ ვიჭექი ნატურიდან გადა-

საღებად, სამივეჯერ მთელი საათი. არ მსიამოვნებს, უცხო ადაძიანს ასე დაეინებით რომ მოქჩერებია. არ მინდოდა, მაგრამ დედამ დამიყინა და მითხრა—კეთილ ფრაუ ვერნერს ამით ძალიან გაახარებო.

შენ კი დაპირებას არ ასრულებ. არც ერთი ზღაპარი ჩემთვის არ გამოგიგზავნია. ამაზე ხშირად ვწუწუხებ დედაშენთან. ის ყოველთვის მეუბნება, ამჟამად მას უფრო მეტი საქმე აქვს, ვიდრე ეს ბავშვური გასართობი იყო. მაგრამ მე არ მჯერა, საქმე, ალბათ, სხვაგვარადაა“

რაინჰარდმა მერე დედის წერილი წაიკითხა. შემდეგ ორივე წერილი ნელა დაკეცა, გვერდით გადადო და მშობლიური სახლის გახსენებაზე ენით უთქმელმა სევდამ შეიპყრო. რამდენიმე ხანს ოთახში წინ და უკან დადიოდა და თავისთვის ჩუმად დუღუნებდა:

ვაჟმა გზა ველარ გაიგნო,
დაიბნა, იღვა უხმოდა.
მაგრამ გოგონა გზად იღვა
და იგი ვაჟს შინ უხმობდა.

შემდეგ საწერ მაგიდასთან მივიდა, რამდენიმე მონეტა ამოიღო და ისევ ქუჩაში გავიდა. ახლა იქ ყველაფერი მიწყნარებულიყო. საშობაო ხეებზე სანთლები ჩამწვარიყო, კარიდან კარამდე აღარ დაეხეტებოდნენ ბავშვთა გუნდები. დაცარიელებულ ქუჩებს ქარი გვიდა. მოხუცი და ახალგაზრდა თავ-თავიანთ ოჯახებს შეფარებოდა. შობის ღამის ნახევარი გადასულიყო.

როცა რაინჰარდი რატუშის სარდაფს მიუახლოვდა, ქვევიდან ვიოლინოს ხმა და ციტრაზე დამკვრელი გოგონას სიმღერა მოესმა. დაბლა სარდაფის კარის ზარმა გაიწყარუნა და ოღნავ

განათებული ფართო კიბე ვილაც შავოსანმა ტორტმანით ამოიარა. რაინჰარდი სახლების ჩრდილს მოეფარა და შემდეგ სწრაფად წავიდა წინ. ცოტა ხნის შემდეგ განათებულ ოქროულობის სავაჭროს მიაღგა. აქ წითელი მარჯნის პატარა ჯვარი იყიდა და იმავე გზით უკან გამობრუნდა.

თავის ბინის ახლოს დაინახა პატარა, ძონძებში გახვეული გოგონა, რომელიც სახლის კართან ატუზულიყო და მის გაღებას ამოდ ცდილობდა.

— გიშველო? — ჰკითხა რაინჰარდმა.

ბავშვმა არაფერი უპასუხა, მხოლოდ მძიმე კარის სახელური ჩამოსწია. რაინჰარდმა კარი გაუღო.

— არა, — უთხრა გოგონას, — აქედან გაგაგდებენ, ჩემთან წამოდი, საშობაო ნამცხვარს მოგცემ. — რაინჰარდმა კარი ისევ მიხურა და ხელი ჩაკიდა პატარა გოგონას, რომელიც ოთახში ჩუმად შეჰყვა.

სახლიდან გასვლისას რაინჰარდს შუქი ანთებულნი დაეტოვებინა.

— აჰა, ნამცხვარი, — უთხრა მან და თავისი ქონების ნახევარი გოგონას წინსაფარში ჩაუღო, შაქრის ასობით მოხატული ნამცხვრის ნაწილი კი თავისთვის დაიტოვა.

— აბა, ახლა შინ წაუცუნცულდი და დედაშენსაც აჰამე.

ბავშვმა შეშინებული თვალებით ახედა რაინჰარდს. ჩანდა, შეჩვეული არ იყო მეგობრულ მოპყრობას და ახლა სიტყვის თქმა ვერ მოეხერხებინა. რაინჰარდმა კარი გამოაღო და გზა გაუნათა. ახლა კი ჩიტით გაფრინდა გოგონა. კიბე ჩაირბინა და შინისკენ მოკურცხლა.

რაინჰარდმა ღუმელში ცეცხლი გააჩაღა და დამტვერილი სამელნე მაგიდაზე დადგა. შემდეგ მაგიდას მიუჯდა და მთელი ღამე დედასთან და ელიზაბეტთან წერილების წერაში გაატარა.

საშობაო ნამცხვრის ნაწილი ხელუხლებლად იქვე იდო, ელიზაბეტისეული მანქეტები კი გაიკეთა, რაც მის თეთრ თივთიკის სერთუკს გასაოცრად მოუხდა. ასე იჯდა რაინჰარდი, სანამ ზამთრის მზის სხივი ფანჯრის გაყინულ მინას დაეცემოდა და წინდადგმულ სარკეში მისი ფერგამკრთალი სერიოზული სახე გამოჩნდებოდა.

მუცხლიური კარა

როგორც კი აღდგომა დადგა, რაინჰარდი სამშობლოში გაემგზავრა. მეორე დილასვე ელიზაბეტი ინახულა.

— რამხელა გაზრდილხარ! — უთხრა რაინჰარდმა, როცა მშვენიერი ტანკენარი ელიზაბეტი მისკენ ღიმილით გამოემართა.

ელიზაბეტი გაწითლდა და არაფერი უთქვამს, მაგრამ შეეცადა ფრთხილად გამოერთმია რაინჰარდისათვის ხელი, რომელიც მისალმების შემდეგ ვაჟს კვლავ ხელში ეჭირა. რაინჰარდმა შეცბუნებით შეხედა: ასეთი რამ მას წინათ არ შეუნიშნავს — თითქოს ვიღაც უცნობი ჩამდგარიყოს მათ შორის. ეს უხერხული განწყობილება ახალგაზრდებს შორის შემდეგაც გაგრძელდა, თუმცა რაინჰარდი უკვე დიდი ხნის ჩამოსული იყო და ელიზაბეტს ყოველდღიურად ხვდებოდა. მარტო დარჩენისას ხმას ვერ იღებდა. ეს რაინჰარდისათვის თანდათან აუტანელი ხდებოდა და ყოველი შეხვედრისას ცდილობდა უხერხულობისათვის როგორმე დაეღწია თავი.

არდადეგების განმავლობაში ელიზაბეტთან სასაუბრო თემის გამოსაძებნად რაინჰარდმა გადაწყვიტა, გოგონას ბოტანიკაში მოვამზადებო. უნივერსიტეტში ყოფნის პირველ თვეებში ამ საგანს რაინჰარდი თავგამოდებით სწავლობდა. ელიზაბეტი

მიჩვეული იყო ყველაფერში რაინჰარდის ნებას დაჰყოლოდა, ამას გარდა, სწავლაში ბეჯითიც იყო და სიამოვნებით დაეთანხმა. კვირაში რამდენჯერმე მინდორში და ველზე აწყობდნენ ექსკურსიას, შუადღისას შინ ყვავილებითა და ბალახით სავსე მცენარეების შესანახი მუყაოს ყდა მოჰქონდათ, შემდეგ მოგროვილი მცენარეების დასაჯგუფებლად რაინჰარდი კვლავ მოდიოდა ელიზაბეტთან.

ერთხელ ამ მიზნით რაინჰარდი შუადღისას ელიზაბეტის ოთახში შევიდა. გოგონა ფანჯარასთან მიმდგარიყო მოოქრულ გალიასთან, რომელიც ადრე არ შეუმჩნევია. გალიაში იადონი იჯდა, ფრთებს აფართხალებდა და ელიზაბეტს ჟივ-ჟივით თითს უკენკავდა. ამ ადგილას წინათ რაინჰარდისეული ჰვინტა ეკიდა.

— ჩემი საწყალი ჰვინტა სიკვდილის შემდეგ სკვინჩად გადაქცეულა, არა? — მხიარულად იკითხა რაინჰარდმა.

— ჰვინტები სკვინჩებად ვერ გადაიქცევიან, — უპასუხა ელიზაბეტის დედამ, რომელიც სავარძელში იჯდა და თითისტარს ატრიალებდა. — ეს გალია თქვენმა მეგობარმა ერიხმა თავის მამულიდან დღეს გამოუგზავნა ელიზაბეტს.

— რომელი მამულიდან?

— არ იცით?

— რა უნდა ვიცოდე?

— რომ ერიხმა უკვე ერთი თვეა მამისაგან მეორე კარმიდამო მიიღო, იმენზეზე?

— თქვენ რომ არაფერი გითქვამთ ამის თაობაზე?

— მაგრამ თქვენც ხომ არ გიკითხავთ თქვენი მეგობრის ამბავი? ერიხი ძალზე საამო და გონიერი ყმაწვილია, — მიუგო ელიზაბეტის დედამ.

შემდეგ დედა ყავის მოსამზადებლად გავიდა. ელიზაბეტმა რაინჰარდს ზურგი შეაქცია და ჩიტის საზაფხულო გალიის კეთება განაგრძო.

— ერთი წუთით, რაინჰარდ, — უთხრა მან, — ახლავე დავამთავრებ.

რადგან რაინჰარდმა ჩვეულებისამებრ არაფერი უპასუხა, ელიზაბეტი შემობრუნდა. ვაჟის თვალებში გულისტკივილი ამოიკითხა, რაც გოგონას აქამდე არასოდეს შეუმჩნევია.

— რა დაგემართა, რაინჰარდ? — კითხა ელიზაბეტმა და ვაჟს მიუახლოვდა.

— მე? — უაზროდ იკითხა რაინჰარდმა და ოცნებიანი თვალები გოგონას მიაპყრო.

— რატომ ხარ ასე სევდიანი?

— ყვითელ ფრინველებს ვერ ვიტან, ელიზაბეტ.

გოგონამ გაოცებით შეხედა რაინჰარდს. ვერ გაეგო, რა ემართებოდა.

— რა უცნაური ხარ, რაინჰარდ, — უთხრა ბოლოს.

რაინჰარდმა გოგონას ხელები დაუჭირა, ელიზაბეტს წინააღმდეგობა არ გაუწევია. მალე ელიზაბეტის დედა შემობრუნდა.

როგორც კი ყავა დალიეს, ოჯახის დიასახლისი რთვას შეუდგა. რაინჰარდი და ელიზაბეტი შეგროვილი მცენარეულობის სისტემაში მოსაყვანად მეორე ოთახში გავიდნენ. მტკრიანები დაითვალეს, ფოთლები და ყვავილები გულმოდგინედ გაასწორეს და თითოეული სახეობის ორ-ორი ეგზემპლარი დიდი ფოლიანტის ფურცლებში გასახმობად შესდეს.

მზიანი შუადღის მდუმარება გამეფებულიყო. გვერდით ოთახში დედა ჯარას ატრიალებდა. ხანდახან ისმოდა რაინჰარდის დახშული ხმა, რომელიც მცენარეების კლასსა და ოჯახს

განსაზღვრავდა, ანდა ელიზაბეტს მცდარად წარმოთქმულ ლათინურ სახელწოდებას უსწორებდა.

— ამას წინათ მოწყვეტილი შრომანა მაკლია, — თქვა ელიზაბეტმა, როცა მთელი მოგროვილი მცენარეულობა მოაწესრიგეს.

რაინჰარდმა ჯიბიდან ამოიღო პატარა თეთრი პერგამენტის რვეული, გადაშალა, ნახევრად შემხმარი შრომანა ამოიღო და გოგონას უთხრა:

— აგერ, შენი შრომანა.

ელიზაბეტმა რაინჰარდის ხელნაწერს მოკრა თვალი და ჰკითხა:

— კიდევ წერ ზღაპრებს?

— ეს ზღაპრები არ არის, — უთხრა მან და ელიზაბეტს რვეული გაუწოდა.

ეს იყო გულწრფელი სტროფები. თითოეულ ლექსს თითო გვერდი თუ ეჭირა. ელიზაბეტი ფურცელას შეუდგა. ეტყობოდა, მხოლოდ სათაურებს კითხულობდა: „როცა მას მასწავლებელი წაეკიდა,“ „როცა ის ტყეში დაიბნა“, „სააღდგომო ზღაპარი“, „როცა მან პირველად მომწერა“. ასეთ თემაზე იყო აგებული თითქმის ყველა ლექსი.

რაინჰარდი გამომცდელად შეჰყურებდა ელიზაბეტს. შეამჩნია, ფურცელის დროს როგორ ფაქიზად შეეფაკლა გოგონას ღაწვები, მერე კი სიწითლე თანდათან მთელ სახეს მოედო. რაინჰარდს უნდოდა ელიზაბეტისათვის თვალეზში ჩაეხედა, მაგრამ გოგონა თავს მალდა არ სწევდა, ბოლოს სიტყვის უთქმელად რვეული რაინჰარდის წინ დასდო.

— ნუ მიბრუნებ რვეულს ასეთი სახით! — უთხრა რაინჰარდმა.

ელიზაბეტმა თუნუქის კოლოფიდან ყავისფერი ყლორტი ამოიღო.

— შიგ შენს საყვარელ მცენარეს ჩავდებ! — თქვა ელიზაბეტმა და რაინჰარდს რვეული გაუწოდა...

დადგა არდადეგების ბოლო დღე და გამგზავრების დილა.

დედამ შეისმინა ელიზაბეტის თხოვნა და ნება დართო რაინჰარდი საფოსტო ეტლამდე გაეცილებინა. სადგური მათი ბინიდან რამდენიმე ქუჩის იქით იყო. სახლიდან გამოსვლისას რაინჰარდმა გოგონას მკლავი შესთავაზა. ასე, ხმისამოუღებლად, გაუყვა გზას რაინჰარდი ტანკენარი გოგონას გვერდით. რაც უფრო უახლოვდებოდნენ საფოსტო სადგურს, მით უფრო მკაფიოდ გრძნობდა რაინჰარდი, რომ სანამ ასე დიდი ხნით გამოემშვიდობებოდა, რაღაც აუცილებლად უნდა ეთქვა ელიზაბეტისათვის, რაზეც დამოკიდებული იყო მისი მომავალი ბედნიერება და სიხარული, მაგრამ საჭირო სიტყვისათვის ვერ მიეგნო. ეს აკრთობდა ვაჟს და ნაბიჯს თანდათან ანელებდა.

— დაგვიგვიანდება, — უთხრა ელიზაბეტმა, — წმინდა მარიამზე უკვე ათმა დარეკა.

რაინჰარდს ფეხი მაინც არ აუჩქარებია. ბოლოს ენის ბორძიკით ძლივს წარმოთქვა:

— ელიზაბეტ, შენ ორი წლის მანძილზე ველარ მნახავ. გეყვარები თუ არა ისე, როგორც ახლა გიყვარვარ, როცა დავბრუნდები?

ელიზაბეტმა თავი დაუქნია და სახეში სიყვარულით შესციცინა.

— მე შენ გამოგექომაგე კიდევაც, — უთხრა მცირეოდენი პაუზის შემდეგ.

— გამომექომაგე? ვისთან გახდა საჭირო ჩემი დაცვა?

— დედაჩემთან! გუშინ რომ წახვედი, შენზე დიდხანს ვილაპარაკეთ. დედაჩემის აზრით, შენ ისეთი კარგი აღარ ხარ, წინათ რომ იყავი.

რაინჰარდი ცოტა ხანს დუმდა. მერე ელიზაბეტს ხელი გამოართვა, ბავშვურად გულუბრყვილო თვალებში დაკვირვებით ჩახედა და უთხრა:

— ახლაც ისეთივე ვარ, როგორაც ვიყავი. მტკიცედ გჯეროდეს ეს. ხომ გჯერა, ელიზაბეტ?

— მჯერა! — უპასუხა ქალმა.

რაინჰარდმა მის ხელს ხელი გაუწოდა და ორივემ ქუჩა სწრაფად გადაიარა. რაც მეტად ახლოვდებოდა გამოთხოვების წუთი, მით უფრო მეტად უწყნარდებოდა სახე რაინჰარდს: ისე ჩქარა მიდიოდა, ელიზაბეტი ძლივს ეწეოდა.

— რა დაგემართა. რაინჰარდ? — ჰკითხა ელიზაბეტმა.

— ერთი საიდუმლო მაქვს, ძალიან კარგი საიდუმლო, — უთხრა რაინჰარდმა და ელიზაბეტს გაბრწყინებული თვალებით შეხედა. — ორი წლის შემდეგ რომ დავბრუნდები, მაშინ გაიგებ.

ამასობაში საფოსტო ეტლს მიაღწიეს. დროზე მიუსწრეს. რაინჰარდმა გოგონას ხელი ჩამოართვა:

— ნახვამდის, ნახვამდის, ელიზაბეტ. არ დაივიწყო, რაც გითხარი.

— ნახვამდის! — თავი დაუქნია ელიზაბეტმა.

რაინჰარდი ეტლში ჩაჯდა და ცხენებმაც გასწიეს.

მოსახვევში რაინჰარდმა მოიხედა და ერთხელ კიდევ შეავლო თვალი ძვირფას არსებას, რომელიც ნელა ბრუნდებოდა უკან.

იმ დღის შემდეგ თითქმის ორი წელი გავიდა. რაინჰარდი ლაჰის შუქზე წიგნებსა და ქალაქებს მიჯდომოდა და ელოდა მეგობარს, რომელთანაც მეცადინეობდა ხოლმე.

ვილაცამ კიბე ამოიარა.

— მობრძანდით! — გასძახა რაინჰარდმა.

შემოვიდა დიასახლისი.

— თქვენთან წერილია, ბატონო ვერნერ! — უთხრა ქალმა და ოთახიდან გავიდა.

სამშობლოდან დაბრუნების შემდეგ რაინჰარდს ელიზაბეტისათვის წერილი აღარ მიუწერია, არც მისგან მიუღია ბარათი. არც ეს წერილი იყო ელიზაბეტისაგან. რაინჰარდს დედამისი სწერდა. ბარათი გახსნა და კითხვას შეუდგა. მალე ასეთი სტრიქონები ამოიკითხა:

„შენს ასაკში, ჩემო საყვარელო შვილო, ყოველ წელს სიახლე მოაქვს, რადგან ახალგაზრდობა მდიდარია განცდილ-
ნანახით. აქაც შეიცვალა ზოგი რამ, ვიცი, ეს ცვლილება გულს
გატკენს, თუ კი კარგად მესმოდა შენი. უკანასკნელი სამი თვის
მანძილზე ერიხმა ორჯერ სცადა ელიზაბეტისაგან თანხმობა
მიეღო, მაგრამ ქალიშვილი მუდამ თავს იკავებდა, გუშინ კი.
როგორც იქნა, საწადელს მიაღწია, ელიზაბეტი დაითანხმა. ის
კი ჯერ სულ ნორჩია. ქორწილი მალე იქნება და შემდეგ დე-
დამისიც მასთან ერთად გაემგზავრება“.

ი მ ე ნ ე ე ე

ისევ გავიდა რამდენიმე წელიწადი.

გაზაფხულის თბილი შუადღე იდგა. ტყის ჩრდილიან ბი-

ლიკზე ჩასკენილი, მზემოკიდებული ყმაწვილი კაცი ჩამოდოდა. სერიოზული ნაცრისფერი თვალებით მიდამოს ყურადღებით ათვალიერებდა, თითქოს გზის ერთფეროვნების შეცვლას ელისო. ბოლოს აღმართში ნელა ამომავალი ფორანი დაინახა.

— ჰეი, მეგობარო! — შესძახა მგზავრმა გლეხს, — ეს გზა იმენზეესკენ მიემართება?

— სწორედ იქითკენ, — მიუგო გლეხმა და ქილის ქუდა შეისწორა.

— შორსაა კიდევ?

— თითქმის მისული ხართ. მამაოჩვენოს თქმას ვერ მოასწრებთ, რომ იქ იქნებით. ბატონის სახლიც იქვეა.

ფორანი იქაურობას გასცილდა, მგზავრმაც უფრო აუჩქარა ფეხს, თხუთმეტოდე წუთის შემდეგ მარცხენა მხარეს ტყე ერთბაშად შეწყდა. გზა ახლა ხრამის პირას მიემართებოდა, საიდანაც ასწლოვანი მუხის წვეროები ფლატის ნაპირს ძლივს სწვდებოდა. მათ იქით მოჩანდა ვრცელი, მზით განათებული მიდამო. დაბლა კი მშვიდი, თითქმის მთლად ტყეებით გარშემორტყმული მზეზე მოლაპლაპე მუქლურჯი ტბა გარინდულიყო. ტყე მხოლოდ ერთ ადგილას იხევდა უკან და იქიდან ლურჯი მთებით შემოზღუდული ვრცელი თვალსაწიერი მოჩანდა. მეორე მხარეს, ტყის მწვანე ხეივანებს შორის, მიდამო თითქოს თოვლს გადაეთეთრებინა. ეს იყო თეთრად გადაპენტილი აყვავებული ხეხილი. მის შუაში კი ტბის შემადლებულ ნაპირზე მებატონის წითელი კრამიტით დახურული თეთრი სახლი აღმართულიყო. ბუხრის თავიდან ყანჩა წამოფრინდა და წყლის ზემოთ ნელა დაიწყო ტრიალი.

— იმენზეე! — წამოიძახა მგზავრმა.

თითქოს მიზანთან მივიდაო, კაცი შედგა და ხის კენწეროთა

მიღმა ტბის მეორე ნაპირს გახედა, სადაც ნელა ტორტმანებ-
და ქებატონის სახლის ანარეკლი. შემდეგ ერთბაშად ადგილს
მოსწყდა და გზას გაუღდა.

ახლა იგი ციცაბო დაღმართს მიჰყვებოდა, გზაზე გარიგე-
ბულმა ხეებმა მზე კი მიუჩრდილა, მაგრამ ტბის დანახვასაც
უშლიდა, იგი ახლა ხანდახან თუ გამოჩნდებოდა ტოტებს შო-
რის. გზა მალე ისევ აღმართს შეუყვია და ხეებიც გაჰქრა. მათ
მაგიერ გზის გაყოლებით ვენახებით შეფენილი გორაკები გა-
დაიჭიმა. გზის ორივე მხარეს მოჩანდა აყვავებული ხეხილი,
რომელსაც თავს დასტრიალებდნენ ნექტარს დაწათებული
მოზუზუნე ფუტკრები. ყავისფერ სერთუკში გამოწყობილი
წარმოსადეგი მამაკაცი მგზავრისაკენ წამოვიდა, ცოტა რომ
მიუახლოვდა, ქუდი დაუქნია და მხიარული ხმით შესძახა:

— კეთილი იყოს შენი მობრძანება, ძმაო რაინჰარდ! კე-
თილი იყოს შენი ფეხი იმენზეეს მამულში.

— ღმერთი იყოს შენი შემწე, ერიხ! საღმისათვის მადლო-
ბა მომიხსენებია! — გასძახა მოსულმა.

შემდეგ ურთიერთს მიეახლნენ და ხელი გაუწოდეს.

— ნუთუ ეს მართლა შენა ხარ? — იკითხა ერიხმა, რო-
გორც კი თავისი სკოლის მეგობრის სერიოზული სახე ახლოს
იხილა.

— რასაკვირველია, მე ვარ და შენც ისევ ის ერიხი ხარ,
თუმცა ამჟამად აღრინდელზე მხნედ გამოიყურები.

ამ სიტყვებით გამოწვეულმა ღიმილმა ერიხის ულამაზო
სახის ნაკვთებს სასიამოვნო იერი მოჰფინა.

— რასაკვირველია, ძმაო რაინჰარდ, — უთხრა ერიხმა და
ხელი ერთხელ კიდევ ჩამოართვა. — შენ უკვე იცი, რომ მას
შემდეგ დიდი ამბები გადამხდა, — განაგრძო მან ხელების

ფშვნეტით და კმაყოფილი სახით დაუმატა: — აი სიურპრიზი
ეს იქნება. ამას თავის სიცოცხლეში ვერ მოიფიქრებდა.

— სიურპრიზი? ვისთვის იქნება ეს სიურპრიზი?

— ელიზაბეტისთვის!

— ელიზაბეტისთვის? არაფერი გითქვამს ჩემი ჩამოსვლის
თაობაზე?

— არც ერთი სიტყვა, ძმაო რაინჰარდ. არც ის, არც დედა-
მისი არ მოგელიან. მათ ჩუმად მოგწერე, რომ შენი ჩამოსვლა
უფრო სასიხარულო ყოფილიყო. კარგად იცი, მე ყოველთვის
მქონდა ჩემი პატარა გეგმები.

რაინჰარდი ჩაფიქრდა. სახლს რომ უახლოვდებოდნენ,
სუნთქვა თანდათან უძნელდებოდა. გზის მარცხნივ ვენახებმა
ადგილი ვრცელ ბოსტანს დაუთმო, რომელიც თითქმის ზედ
ტბას მისდგომოდა. ამასობაში ყანჩა ძირს ჩამოფრენილიყო
და ბოსტნის კვლებში ამაყად დაბრძანდებოდა.

— ჰაუ! ჰაუ! — დაიძახა ერიხმა და ტაში შემოჰკრა, — ეს
კანკმადალი ეგვიპტელი ისევ ცერცეს მპარავს.

ფრინველი ნელა აფრინდა და ახლადაშენებული შენობის
სახურავისაკენ გაემართა. შენობა ბოსტნის ბოლოს იდგა.
მისი კედლები ურთიერთს გადაკედობილი ატმისა და ქერმის
ტოტებით დაფარულიყო.

— ეს სპირტის ქარხანაა, — უთხრა ერიხმა. — სულ ორი
წლის აგებულია. განსვენებულმა მამაჩემმა სამეურნეო შე-
ნობები მე დამიტოვა ასაშენებლად. საცხოვრებელი სახლი კი
პაპაჩემის აშენებულია. ასე, ნელ-ნელა მიდის საქმე წინ.

საუბარში ვრცელ მოედნამდე მიადწიეს, რომელსაც აქეთ-
იქიდან დამხმარე შენობები ამოსდგომოდა, ხოლო უკანა მხრი-
დან საცხოვრებელი სახლი. მისი ორივე ფლიგელი ბაღის მა-

ღალ კედელს მიბჯენოდა. უკან მოჩანდა ურთხელის ხშირი ბუჩქნარი, ეზოში აქა-იქ აყვავებული იასამნის ტოტები გადმოკიდებულიყო ღობეზე. მოედანზე გამოივლიდნენ მზისა და შრომისაგან სახეანთებული მამაკაცები და ორივე მეგობარს ესალმებოდნენ. ერიხი ზოგ მათგანს დავალებას აძლევდა, ზოგს კი საქმეზე რაღაცას ეკითხებოდა. ბოლოს სახლს მიადგნენ. მალალჭერიან, გრილ წინკარში შევიდნენ, საიდანაც მარცხნივ შეუხვიეს და ბნელ გვერდით ტალანში აღმოჩნდნენ. ერიხმა კარი შეაღო და ბალის ფართო ფანჩატურში გავიდნენ. ერთმანეთში გადახლართული მცენარეულობა, რომელიც პირდაპირმდებარე ფანჯარას მთლიანად ფარავდა, ფანჩატურის ორივე მხარეს მწვანე კედლად აყულოდა და იქაურობას მწვანე ბინდით ავსებდა. მაგრამ ფლიგელის: ყურთამდე გაღებული მაღალი კარიდან კარბად იფრქვეოდა გაზაფხულის მზის ბრწყინვალეობა, მოჩანდა წინ გადაშლილი მაღალი, დაქანებული მწვანე კედლებით შემოზღუდული და ყვავილთა გაზონებით დამშვენებული ბაღი, რომელსაც პირდაპირი ფართო ხეივანი ჰყოფდა. აქედან თვალწინ იშლებოდა ტბა, ხოლო მის უკან—გაფენილი ტყე. ფანჩატურში შესულ მეგობრებს ნიავმა ყვავილთა სურნელება შეაგება.

ბალის კარის წინ ერთ-ერთ ტერასაზე სრულიად ახალგაზრდა, თეთრებში გამოწყობილი ქალი იჯდა. იგი ფეხზე წამოდგა და მამაკაცებისაკენ გაემართა. მაგრამ ნახევარ გზაზე ერთბაშად შედგა და უცხო სტუმარს დაეინებით დააკეკრდა. რაინჰარდმა მას ღიმილით ხელი გაუწოდა.

— რაინჰარდ! — შესძახა ქალმა — რაინჰარდ! ღმერთო ჩემო, ნუთუ შენა ხარ! რამდენი ხანია ერთმანეთი აღარ გვიანახვს.

— დიდი ხანია, — დაუდასტურა რაინჰარდმა და სიტყვის დაძვრა ველარ შეძლო, რადგან ქალის ხმის გაგონებაზე გული საამო ტკივილმა დაუსერა. სიტყვის უთქმელად შესცქეროდა ძველებურად წარმტაც ელიზაბეტს, რომელსაც წლების წინ თავის მშობლიურ ქალაქში დაემშვიდობა.

სიხარულით სახეატკრეცილი ერიხი კართან გაჩერებულიყო.

— აბა, ელიზაბეტ, გამოტყდი, რომ ამას შენს სიცოცხლეში არ მოელოდი, — უთხრა ერიხმა.

ელიზაბეტმა ერიხს ისე შეხედა, თითქოს და ყოფილიყო მისი, და უთხრა:

— რა კეთილი ხარ, ერიხ!

ერიხი ქალის პატარა ხელს მოეფერა:

— და აი, რაინჰარდი ჩვენთანაა. ახლა კი დიდხანს აღარ გავუშვებთ. ისედაც რამდენი ხანია არ მოგგვკარებია. ისევ გავიშინაუროთ. შეხედე ერთი, რა ოფიციალური და მედიდური სახე აქვს!

ელიზაბეტმა კრძალვით მოავლო თვალი რაინჰარდს.

— მართლაც, კარგა ხანია, ერთმანეთი აღარ გვინახავს, — წარმოთქვა რაინჰარდმა.

ამ დროს კარს ელიზაბეტის დედა მოადგა, მკლავზე თავსახურიანი კალათა გადაეკიდა.

— ბატონი ვერნერი! — შესძახა მან, როგორც კი რაინჰარდს თვალი მოჰკრა. — აი, სასურველი და მოულოდნელი სტუმარი.

და გაიბა საუბარი. მრავალ შეკითხვას გაეცა იმ დღეს პასუხი. შემდეგ ქალები თავიანთ საქმეს შეუდგნენ. სტუმარი მორთმეულ საუზმეს მიუჯდა, ერიხმა კი თავის ჩიბუხს ჩაუკიდა და ბოლში გახვეულმა რაინჰარდს საუბარი გაუბა.

მეორე დღეს რაინჰარდმა მასპინძელთან ერთად დაათვალიყო სახნავ-სათესი, ვენახები, სვიის ნათესები და სპირტის ქარხანა. ყველაფერს მზრუნველი ხელი ეტყობოდა. მინდორში და სპირტის სახდელ ქვაბებთან მომუშავეებს ჯანსაღი და კმაყოფილი იერი ჰქონდათ. შუადღის პირზე ოჯახი ფანჯატურში იკოიბებოდა, და თუკი მოცალეობა ამის საშუალებას აძლევდა, ღრონ ერთად ატარებდა. ნასაუზმევს და ვახშმის წინ რაინჰარდი თავის ოთახში განმარტოვდებოდა ხოლმე და რამდენიმე საათს მუშაობდა. წლების მანძილზე კრებდა იგი ხალხურ სიმღერებსა და ლექსებს და ახლა ამ საუნჯის მოწესრიგებასა და როცა ამის საშუალება მიეცემოდა, ადგილობრივი ვარიანტების ჩანიშვნას აწარმოებდა.

ელიზაბეტი სტუმარს გულთბილად და მეგობრულად ექცეოდა. ერიხის მუდამ თანაბარ ყურადღებას ქალი თვინიერი ნადლობით დებულობდა; ამის გამო რაინჰარდი ზოგჯერ ფიქრობდა: ადრინდელი მხიარული ბავშვი ფრიად მშვიდი ცოლი დამდგარაო.

მოსვლის მეორე დღიდანვე რაინჰარდმა საღამოობით ტბის პირად გასეირნება შემოიღო წესად. გზა ბაღის ქვემოთ გადიოდა. ბაღის ბოლოში წინწაწეულ ბასტიონზე მაღალი არყის ხის ქვეშ გრძელი სკამი იდგა. ელიზაბეტის დედამ იგი საღამოს სკამად მონათლა, რადგან მას უმეტესად საღამოობით აკითხავდნენ და მზის ჩასვლას აქედან აღევნებდნენ თვალს.

ერთ საღამოს, გასეირნებიდან დაბრუნებისას, რაინჰარდს გზაში წვიმამ მოუსწრო. თავი წყლის პირას მდგარ ცაცხვს შეაფარა. მაგრამ მსხვილმა წვეთებმა ფოთლებში მალე გაატანა. რაინჰარდი ბედს დამორჩილდა და ისევ გზა განაგრძო, თითქმის სრულიად ჩამოხნეულა. წვიმა თანდათან გამეტებით

ასხამდა. სალამოს სკამს რომ მიუახლოვდა, მოელვარე არყის ხეთა შორის ქალის თეთრი სილუეტი გაარჩია. სილუეტი უძრავად იდგა და ახლო მისვლისას რაინჰარდს მოეჩვენა, რომ ქალი მისკენ იყო შებრუნებული და თითქოს ვიღაცას ელოდა. ეგონა, ელიზაბეტიყო. რაინჰარდმა იფიქრა, — მივალ და ბაღზე გადავლით შინ ერთად დავბრუნდებითო, და მისკენ სწრაფად გაეშურა, მაგრამ ქალი ნელა შებრუნდა და ბნელი ბილიკით გაუჩინარდა. კაცმა ვერ გაიგო, რა მოხდა, და ელიზაბეტზე გული მოუვიდა, თუმცა დაეჰვდა კიდევ, — ეგებ ის არ იყოო, კითხვისა კი მოერიდა და შინდაბრუნებული ფანჯატურში აღარ შევიდა, რომ ბალიდან შემოსული ელიზაბეტი არ დაენახა.

დედანიჲს სურდა ასე

რამდენიმე დღის შემდეგ, სალამო პირს, მთელმა ოჯახმა, ჩვეულების მიხედვით, თავი ფანჯატურში მოიყარა. ყველა კარი ღია იყო. მზე უკვე ტყისკენ გადახრილიყო, ტბის იქითა მხარეს.

რაინჰარდს სთხოვეს, ზოგიერთი ხალხური სიმღერა გაგვაცანი, რომელიც სალამოს ფოსტით სოფელში მცხოვრები მეგობრისაგან მოგივიდაო. რაინჰარდი თავის ოთახში წავიდა და მალე სუფთად გადაწერილი ქალაქლების გრაგნილით დაბრუნდა. მაგიდას მიუსხდნენ. რაინჰარდის გვერდით ელიზაბეტი მოთავსდა.

— სწორედ კარგ დროს ვკითხულობთ, — თქვა რაინჰარდმა. — ჯერ მე თავადაც არ გადამითვალისწინებია.

ელიზაბეტმა ხელნაწერი გაშალა.

— აქ ნოტები და ალბათ იმღერებ კიდევ, რაინჰარდ, არა? — ჰკითხა ელიზაბეტმა.

რაინჰარდმა ჯერ რამდენიმე ტიროლური* საცეკვაო სიმღერა წაიკითხა, თან ალაგ-ალაგ მხიარულ მელოდიას ჩაიღლინებდა ხოლმე. პატარა საზოგადოებას საერთო მხიარულება დაეუფლა.

— ნეტავ ვინ შეთხზა ეს მშვენიერი სიმღერები? — დაინტერესდა ელიზაბეტი.

— ერთი შენცი! მაშინვე ეტყობა, რომ მაგათ დალაქები, მკერავები და მათი მსგავსი თავქეიფა ხალხი თხზავს, — უთხრა ერისმა.

— არა, ეს სიმღერები შეთხზული არ არის, — თქვა რაინჰარდმა. — ისინი მიწიდან ამოიზარდნენ, ზეციდან ჩამოფრინდნენ, ისინი დაფრინავენ ხმელეთზე ზიზილების ბუმბულის მსგავსად ხან აქ, ხან იქ, და ერთდროულად ათას ადგილას მღერიან. მათში ვნახულობთ ჩვენს საკუთარ ტანჯვას და სიხარულს, თითქოს ყველას ერთად შეგვიქმნიაო ეს სიმღერები.

შემდეგ რაინჰარდმა მეორე ფურცელი აიღო. „მაღალსა მთასა ვიდეჟი“, — ეწერა ლექსს სათაურად.

— ეს მეც ვიცი! — წამოიძახა ელიზაბეტმა, — ოღონდ წამოიწყე და მეც აგყვები.

მათ იმღერეს ეს მელოდია, რომელიც ისეთი განსაცვიფრებელი რამ იყო, რომ კაცი იფიქრებდა, ადამიანმა როგორ შეძლო მისი შეთხზვაო. ელიზაბეტი თავის ოდნავ დაგუდული ალტით მისდევდა რაინჰარდის ტენორს. ელიზაბეტის დედა საკერავს გულმოდგინედ ჩაჰკირკიტებდა. ერისხ გულხელი დაეკრიფა და დაფიქრებით უგდებდა ყურს. სიმღერა რომ დაამთავრეს, რაინჰარდმა ფურცელი ხმისამოუღებლად გვერდზე გადასდო... ტბის ნაპირიდან სალამოს სიჩუმეში ნახირის ზანზალაკების რეკვა გაისმა. ფანჩატურში თავშეყრილებმა უნებ-

ლიეთ ყური მიუგდეს ზარების ხმას. მალე ბიკის წკრიალა ხმაც მოჰყვა:

მაღალსა შთასა ვიდეკი მე
და დავყურებდი გადაშლილ ვაკეს...

რაინჰარდს გაეღიმა.

— გესმით? აი ასე ვრცელდება ეს სიმღერები.

— ამ მხარეში ხშირად მღერიან, — თქვა ელიზაბეტმა.

— დიახ, — დაადასტურა ერიხმა, — ეგ მწყემსია, საქონელს მიერეკება.

კიდევ უსმინეს მცირე ხანს, სანამ ხმა ზემოთ, შენობებს უკან არ მიწყდა.

— ესენი უძველესი მელოდიებია, — თქვა რაინჰარდმა. — ისინი ტყის წიაღში თვლემენ. ღმერთმა იცის, ვინ გამოიტანა პირველად ეს სიმღერები დღის სინათლეზე.

შემდეგ ახალი ფურცელი გადაშალა.

ბინდი ჩამოწვა. ტბის მეორე მხარეს დაისი წითელი ნის-ლივით დასდგომოდა ტყეს. რაინჰარდმა ფურცლები გაშალა, ელიზაბეტმა ერთ მათგანს ხელი დაადო და თვალი გადაავლო. რაინჰარდმა წაიკითხა:

დედაჩემს სურდა ასე, —
გაეთხოვილიყავ სხვაზე.
მაშინ ვრჩებოდი ქვეყნად
უნუგეშოდ და კენტად.
დაივიწყო ეს, ვინც
გიყვარსო თავზე მეტად...
გულს კი არ სურდა ასე.
ახლა ვემდური დედას,
კარგს ვერ ვეწიე, ვხედავ, —
რაც ითვლებოდა წმინდად,
დღეს ყოველივე იგი
მხოლოდ ცოდვად დიდი,

რა ვზას დავადგე, ნეტავ.
იმ სიამაყის ნაცვლად —
იმ სიხარულის ნაცვლად.
ტანჯვა მოვიმეკე შოლოდ,
ბედი მომეჭია მკაცრად.
ვპვრეტ წარსულს,—
ნათელ სივრცეს,
მიჯობს, მათხოვრად ვიქცე
დამწვარ, გატრუსულ ველის,
და ის არ ვიყო, რაც ვარ.

კითხვის დროს რაინპარდმა შეამჩნია, როგორ ათრთოლდა ქალადი. კითხვა რომ დაამთავრა, ელიზაბეტმა სკამი წელა გასწია და ჩუმად გავიდა ბაღში. დედამისმა თვალი გააყოლა. ერინს უნდოდა გაჰყოლოდა, მაგრამ დედამ შეაჩერა:

— ელიზაბეტს იქ საქმე აქვს.

გარეთ ბინდმა იმძლავრა და თანდათან ხვევდა სიბნელეში ბაღსა და ტბას: ღამის მწერები ზუზუნით ჩაუქროლებდნენ ღია კარს, საიდანაც ბუჩქნარისა და ყვავილების მოჭარბებული სურნელება იფრქვეოდა. წყლიდან ბაყაყების ყიყინი ისმოდა, ფანჯრის ახლოს ერთი ბუღბუღი სტკვენდა, ბაღის სიღრმიდან კი დანარჩენები აყოლებდნენ ხმას. ხეთა კენჭბროებს მთვარე დაჰნათოდა. რაინპარდმა ცოტა ხანს კიდევ უმწირო იმ ადგილს, სადაც ელიზაბეტის კენარი ტანი გაუჩინარდა. შემდეგ ხელნაწერი დაახვია, იქ მყოფთ თავი დაუქრა და ტბისკენ გაემართა.

ტყეში მდუმარება სუფევდა. ტბას ხეთა ჩრდილები გადასწოლოდა, შუაგულში კი მთვარის შუქს გაენათებინა. უამიდან— უამზე ხეებში წყნარი ფაჩუნი ისმოდა. მაგრამ ნიავეი არ იყო ეს—ზაფხულის ღამე სუნთქავდა ასე. რაინპარდი ტბის პირას მიდიოდა. ნაპირიდან ქვის გასროლაზე წყლის თეთრი შროშა-

ნა შენაშნა*. უცბად მისი ახლო ხილვის სურვილმა აიტანა. სამოსი გაიძრო და წყალში ჩავიდა. წყალი ღრმა არ იყო, წვეტიანი ქვები და მცენარეულობა ფეხებს უსერავდა, გასაცურად კი საჭირო სიღრმეს ვერსად მიაგნო. ერთბაშად ღრმაში შეტოპა, წყალი თავს გადაეგლო და რამდენიმე წამმა გაიარა, სანამ წყლის ზედაპირზე მოექცეოდა, აქ კი მკლავი და ფეხი გაშალა, წრე შემთავლო და მიმოიხედა, რომ ადგილმდებარეობაში გარკვეულიყო. მალე შროშანა კვლავ დაინახა. იგი დიდ მოლაპლაპე ფოთოლთა შორის მოქცეულიყო ობლად. მისკენ ნელ-ნელა გასცურა, მკლავებს წამდაუწუმ უსვამდა წყალზე და მთვარის შუქზე წინწყლები ელავდნენ. მანძილი რაინჰარდსა და შროშანას შორის თითქოს არ მცირდებოდა, ხოლო უკან ნისლში გახვეული ნაპირი თანდათან ბუნდოვანდებოდა. რაინჰარდმა განზრახვაზე ხელი მაინც არ აიღო და შროშანასაკენ მხნედ მიცურავდა. ბოლოს ყვავილს ისე მიუახლოვდა, რომ მისი მოვერცხლისფერო ფურცლები მთვარის შუქზე მკაფიოდ გაარჩია. მაგრამ უცბად ისე მოეჩვენა, თითქოს ბადეში მოხვედრილიყოს. ფსკერიდან ამოსული წყალმცენარეების სლიპინა ღეროები შიშველ კიდურებზე ეხვეოდა. ირგვლივ ჩაშავებული წყლის მეტი არაფერი ჩანდა, ზურგს უკან თევზმა დაიტლაშუნა. უცნობმა გარემომ რაინჰარდი ერთბაშად ისე შეზარა, რომ ფეხზე შემოხვეული წყალმცენარეები დაწყვიტა და სუნთქვაშეკრულმა აჩქარებით გასცურა ნაპირისაკენ. ხმელეთიდან ტბას გახედა: მიუწვდომელი შროშანა წელანდელივით მარტოდმარტო იდგა ჩაბნელებულ წყალში.

რაინჰარდმა ნელა ჩაიკვა და შინისაკენ გასწია. როცა ბალიდან ღარბაზში შევიდა, ნახა, რომ ერიხი და ელიზაბეტის დედა სახვალის მგზავრობის სამზადისში იყვნენ.

— სად იყავით ამ შუალაშისას? — შესძახა ელიზაბეტის დედამ.

— მე? წყლის შროშანა ძინდოდა ძენახა, მაგრამ ვერაფერი გავაწყე.

— კაცი ვერ გაიგებს! — უთხრა ერიხმა, — რისთვის ვინდოდა, ბევრიც რომ გქონოდა?

— წინათ მინახავს იგი, — უპასუხა რაინჰარდმა, — მაგრამ მას შემდეგ დიდმა ღრომ განვლო.

ე ლ ი ზ ა ბ ე ტ ი

შუაღლე ვადასული იყო, როცა მეორე დღეს რაინჰარდი და ელიზაბეტი ტბის მეორე მხარეს წავიდნენ სასეირნოდ გზა ხან ტყიანზე გადიოდა, ხან ტბაში შეჭრილ მაღალ ნაპირებზე. ელიზაბეტმა ქმრისგან დავალება მიიღო, — ჩემი და დედაშენის აქ არყოფნის დროს რაინჰარდს ჩვენი მამულის, განსაკუთრებით კი ტბის მეორე ნაპირი და ეზო-მიდამოს ლამაზი სანახები აჩვენეო. ახლა ისინი ხან ერთ ადგილს ათვალიერებდნენ, ხან მეორეს. ბოლოს ელიზაბეტი დაიქანცა და ჩრდილში ერთ ტოტზე ჩამოჯდა. ხის ძირზე დაყრდნობილი რაინჰარდი მის წინ იდგა. უცბად ტყეში გუგულის ძახილი გაისმა. რაინჰარდს ისეთი გრძნობა ჰქონდა, თითქოს აღრეგანცდილი მეორედებოდა. ელიზაბეტს უცნაური ღიმილით შეხედა და ჰკითხა.

— წავიდეთ მარწყვის საკრეფად?

— მარწყვობა ჯერ არ დამდგარა, — უპასუხა ელიზაბეტმა.

— მალე დადგება.

ელიზაბეტმა უსიტყვოდ დააქნია თავი, მერე ფეხზე წამოდგა და ისევ გზას გაუდგნენ. რაინჰარდი მაღიმალ გადახედავდა ელიზაბეტს, რომელიც მის მხარდამხარ ისე მსუბუქად მიირ-

ხეოდა, თითქოს ტანისამოსს მიჰყავსო. ვაჟი თავისდაუნებურად უკან რჩებოდა, რომ ქალის მოხდენილობა სრულყოფილად შეეცნო. ასე მიადგნენ ისინი მანანამოდებულ ადგილს, საიდანაც თვალწინ მთელი მიდამო იშლებოდა. რაინჰარდი ძირს დაიხარა და ბალახებში რაღაც დაკრიფა. სახეზე მწვავე ტკივილი აღბეჭდოდა.

— ამ ყვავილს თუ იცნობ? — ჰკითხა ელიზაბეტს.

ქალმა გაკვირვებით შეხედა და უთხრა:

— ეს ხომ მანანაა, ტყეში ხშირად მიკრეფია.

— შინ ერთი ძველი წიგნი მაქვს, — უთხრა რაინჰარდმა, — წინათ ამ წიგნში ვწერდი ლექსებსა და ყოველ გართმულ სტროფს. კარგა ხანია შიგ აღარაფერი ჩამიწერია. ამ წიგნშიც დევს მანანა, ოღონდ გამხმარი. ხომ არ იცი, ვინ მომცა?

ელიზაბეტმა ჩუმად დაუქნია თავი, თვალები დაბლა დახარა და მანანას დააქტერდა, რაინჰარდს ხელში რომ ეჭირა. დიდხანს იდგნენ ასე. ბოლოს, როცა მალლა აიხედა, ვაჟმა შეამჩნია ელიზაბეტს თვალები ცრემლით ავსებოდა.

— ცისფერ მთებს იქით დარჩა, ელიზაბეტ, ჩვენი ახალგაზრდობა, — უთხრა რაინჰარდმა.

შექმდეგ ხმა აღარ ამოუღიათ. მდუმარედ ჩაიარეს გზა ტბისკენ. ჰაერი შეხუთულიყო, დასავლეთით ცას შავი ღრუბლები მოსდებოდა.

— წვიმას დაუშვებს, — თქვა ელიზაბეტმა და ფეხი ააჩქარა, რაინჰარდმა თავი ჩუმად დაუქნია და ორივენი ტბის ნაპირს აჩქარებით გაუყვნენ. მალე ნავსაც მიაღწიეს.

ნავი ტბის ზედაპირზე მისრიალებდა. ელიზაბეტს ხელი ნავის კიდეზე დაედო. რაინჰარდი ქალს შეჰყურებდა, ელიზაბეტს კი რაინჰარდისთვის თვალი აერიდებინა და სივრცეს გაჰყუ-

რებდა. ვაჟმა თვალები დახარა და ელიზაბეტის ხელს დააცქერდა. ამ ფერდაკარგულმა ხელმა ვაჟს გაუმეღაფნა ის განცდები, რაც ქალის სახეზე არ იგრძნობოდა. ამ ხელზე შენიშნა მან ფაქიზი ხაზები იმ იღუმალის ტკივილისა, რომელიც თავის ანაბეჭდს ადებს ქალის მშვენიერ ხელებს, ღამით რომ დაწყულულებულ გულზე განისვენებენ. როგორც კი ელიზაბეტმა იგრძნო — რაინპარდი ჩემს ხელს უყურებსო, ნავის კილიდან წყლისკენ ნელა ჩააცურა.

ეზოს რომ მიაღწიეს, სახლის წინ დანების მღესავის ორთვალა შეამჩნიეს. შეგვლულლებიანი მამაკაცი ბორბალს ბეჯითად ატრიალებდა, თან ბოშების მელოდიას ღიღინებდა. ორთვალაში შებმული ძაღლი იქვე ჩაწოლილიყო და მიძიმედ სუნთქავდა. წინკარში შემოხვდათ ძონძებში გახვეული ლამაზი გოგონა, რომელსაც სახეზე დაბნეულობა ეტყობოდა. მან ელიზაბეტს მოწყალება სთხოვა. რაინპარდმა ხელი ჯიბისაკენ წაიღო, მაგრამ ელიზაბეტმა დაასწრო და მთელი ქისა მათხოვრის გამოწვდილ ხელის გულზე გადმოაპირქვავა. მერე უცბად ადგილს მოწყდა და კიბე აჩქარებით აიარა. რაინპარდს მისი დახშული ქვეთინის ხმა მისწვდა. ერთხანს იფიქრა. — შევაჩერებო, მაგრამ გადაიფიქრა და კიბესთან შეჩერდა. გოგონა ისევ წინკარში იდგა. ხელში ნაწყალობევი ფული ეჭირა.

— გინდა კიდევ რამე? — ჰკითხა რაინპარდმა.

გოგონა შეკრთა.

— აღარაფერი აღარ მინდა! — თქვა გოგონამ, რაინპარდს დაბნეული თვალი შეავლო და კარისკენ ნელ-ნელა წავიდა. რაინპარდმა რალაც სახელი დაუძახა, მაგრამ გოგონას აღარ

გაუგონია, ხელები გულზე დაიკრითა, თავი დაბლა ჩაჰკიდა და და ეზოდან გავიდა.

მაგრამ სიკვდილთან, ვით ქველა,
ძვირფასო, მარტო დავრჩები.

გაუხშიანა ყურებში ძველმა სიმღერამ და სუნთქვა შეეკრა. ერთ წამს ასე იდგა, შემდეგ შებრუნდა და თავის ოთახისაკენ გაეშურა. დაჯდა და მუშაობა სცადა, მაგრამ აზრს თავი ვერ მოუყარა. ერთი საათი იჯახირა, შემდეგ სასტუმრო ოთახში ჩავიდა. იქ არავინ დახვედრია. მომწვანო, გრილი ბინდი ჩამდგარიყო ოთახში. ელიზაბეტის საკერავ მაგიდაზე იღო წითელი ბაბთა, რომელიც წელან ყელზე ეხვია, რაინჰარდმა ბაბთა ხელში აიღო, მაგრამ გულში ტკივილი იგრძნო და ისევ ძველ ადგილზე დადო.

რაინჰარდმა ვერსად მოისვენა, ჩავიდა და ნავი აუშვა. ტბის მეორე ნაპირს მიადგა და თავიდან მოიარა ყველა ადგილი, რომელიც წელან ელიზაბეტთან ერთად მოინახულა. შინ რომ დაბრუნდა, უკვე ბნელოდა. ეზოში შეხვდა მეეტლეს. მას ცხენები გამოეშვა და საბალახოდ მიერეკებოდა. ელიზაბეტის მეუღლე და დედა დაბრუნებულიყვნენ. წინკარში შესულმა რაინჰარდმა ყური მოკრა ერიხის ფეხის ხმას, იგი ფანჩატურში ბოლთას სცემდა. რაინჰარდი მასთან არ შესულა. რამდენსამე წუთს მღუმარედ იდგა, მერე კიბე ნელა აიარა და თავის ოთახისაკენ გაემართა. ფანჯარასთან სავარძელი მიიდგა. თავს ირწმუნებდა, დაბლა, ურთხელებში განაბული ბუღბუღლის სტვენის მოსმენა მინდაო, სინამდვილეში საკუთარი გულის ძგერას უფრო უსმენდა. დაბლა სართულში ყველაფერი მიყუჩებულიყო. ღამე ძალაში შედიოდა, ის კი არაფერს გრძნობდა. ასე იჯდა რამდენიმე საათს. ბოლოს წამოდგა და ღია ფანჯარას გადაეყარნო. ფოთლებიდან ღამის ნამი წვეთავდა. ბუღბუღლი

აღარ სტვენდა. შავ-ლურჯი ფერი ცაზე თანდათან განდევნა აღმოსავლეთის ფერმკრთალმა ნათელმა. გრილმა სიომ დაუბერა და რაინჰარდის ცხელ შუბლს მიელამუნა. აღტყინებული ტოროლა ჰაერში ჟივილით აიჭრა... რაინჰარდი ერთბაშად შებრუნდა და მაგიდასთან მივიდა. ხელის ფათურით ფანქარი მოქებნა, დაჯდა და სუფთა ქალაღზე რაღაც დაწერა, წერას რომ მორჩა, ფეხზე წამოდგა, ქუდსა და ხელჯოხს მისწვდა, ნაწერი მაგიდაზე დატოვა, კარი ფრთხილად გამოაღო და წინკარში ჩავიდა. სახლის კუნჭულებში ჯერ ისევ დილის ბინდბუნდი იდგა. კილობიდან ტანსრული კატა წამოიშარა და რაინჰარდის ხელს ყალყზე შემდგარი ბეწვი შეაგება. გარეთ კი, ბაღში, ხის ტოტებიდან ბელურები ქადაგებას შესდგომოდნენ და ყველას ამცნობდნენ — დღემ სიბნელე განდევნაო. უცბად რაინჰარდის სამენას ზემოდან კარის გაღების ხმა მისწვდა. ფეხის ხმა კიბეზე დაეშვა და სანამ რაინჰარდი მიხედვას მოასწრებდა, ელიზაბეტი მის წინ იდგა. ქალმა მკლავში ხელი ჩასჭიდა და ბაგეები აამოძრავა, მაგრამ ხმა ვერ ამოიღო.

— შენ აღარასოდეს არ მოხვალ ჩვენთან, — როგორც იქნა მოახერხა ელიზაბეტმა სიტყვის თქმა, — ვიცი, აღარ მოხვალ. ნუ მომატყუებ.

— არა, არ მოვალ, აღარასოდეს, — უთხრა ვაჟმა.

ქალს ხელი ჩამოუვარდა და აღარაფერი უთქვამს. რაინჰარდმა წინკარი გაიარა და გასასვლელისაკენ გაემართა. კართან შედგა და კიდევ ერთხელ მოიხედა უკან. ქალი იმავე ადგილას იდგა და ვაჟს ჩამქრალი თვალებით შეჰყურებდა. რაინჰარდმა მისკენ მკლავები გაიშვირა და წინ ერთი ნაბიჯი წარსდგა, მაგრამ უდიდესი ძალდატანების ფასად ქალს კვლავ ზურგი შეაქცია და კარისაკენ გაემართა.

დილის რიყრაყში ჩაძირულიყო მთელი სამყარო, ობობას ქსელში ჩაკიდული ცვრის წვეთები მარგალიტის ელვარებით ესალმებოდნენ მზის პირველ სხივებს. რაინჰარდს უკან აღარ მოუხედავს, გზა სწრაფი ნაბიჯით განაგრძო. წყნარი მამული თანდათან უკან რჩებოდა და მის წინ იშლებოდა ვრცელი, თვალუწვდენი სამყარო.

ბ ე რ ი კ ა ც ი

ფანჯარაში მთვარე აღარ იხედებოდა, ირგვლივ სიბნელე გამეფებულიყო. ბერიკაცი გულხელდაკრეფილი განაგრძობდა სავარძელში ჯდომას და ერთ წერტილს შესცქეროდა. მის წინ განფენილი შავი სიბნელე თანდათან ვრცელ და ჩაბნელებულ ტბად გადაიქცა. შავი წყალი ჩადგა მასა და მეორე სულიერს შორის, თანდათან ღრმავდებოდა და იზრდებოდა ეს წყალი და ქალის სახე ისე შორს დარჩა მეორე მხარეს, რომ ბერიკაცი თვალს ძლივს უწვდენდა, დიდ-დიდ ფოთოლთა შორის კი წყლის თეთრი შროშანა დატორტმანებდა.

კარი გაიღო და ოთახში სინათლის სხივი შემოიჭრა.

— კარგია, რომ მოხვედით, ბრიგიტა; ლამპა მაგიდაზე დადგით, — თქვა მოხუცმა.

შემდეგ სკამი მაგიდასთან მიდგა, გაშლილ წიგნთაგან ხელში ერთ-ერთი აიღო. შიგ თავი ჩარგო და შეუდგა საყვარელ საქმეს, რომელსაც მთელი თავისი ახალგაზრდობა მიუძღვნა.



თოჯინების ოსტატი კოლა

სიჭაბუკისას ხარატობაში კარგად გაეიწაფე. ამ საქმეს გაცილებით მეტ დროს ვანდომებდი, ვიდრე ეს მეცნიერების შესწავლას გამოადგებოდა; ყოველ შემთხვევაში, როცა ერთხელ სუბრექტორმა* შეცდომებიანი წერიტი ნაშრომი დანიბრუნა, გესლიანად შემნიშვნა, შენს დას დაბადების დღისათვის ისევ ქარგის ხრახნს ხომ არ უჩარხავდიო. სამაგიეროდ, ჩემმაშინდელი ჩხირკედლობის შედეგად მიღებული წერილმანი უსიამოვნებანი შემდგომში ჭარბად ანაზღაურა ერთი ჩინებული ადამიანის გაცნობამ; ეს კაცი გახლდათ დახელოვნებული ხარატი და მექანიკოსი პაულ პაულსენი, რომელიც ჩვენი ქალაქის გამგებლობის დეპუტატიც იყო. მამაჩემის თხოვნაზე, რომელიც ყველა საქმის საგულდაგულოდ კეთებას მასწავლიდა, პაულსენი დათანხმდა, ჩემთვის ხარატის ზოგიერთი აუცილებელი ხერხი ესწავლებინა.

პაულსენს მრავალმხრივი ცოდნა ჰქონდა. ამასთანავე,

მხოლოდ თავის ხელობას კი არ იყო სრულყოფილად დაუფლებული, არამედ წინასწარ ჰკერტდა საერთოდ ხელობის განვითარების გზებს, და ახლა რომ ზოგიერთ რამეს სიახლედ მიიჩნევენ, ამის თაობაზე ჩემი მოხუცი პაულსენი ორმოცი წლით ადრე ლაპარაკობდა.

მალე მისი კეთილი განწყობა დავიმსახურე და იგი სიამოვნებით მიმიღებდა ხოლმე, როცა მეცადინეობის შემდეგ საღამოობითაც მოვინახულებდი. ჩვენი ურთიერთობა წლობით გრძელდებოდა. დავსხდებოდით სახელოსნოში, ზაფხულობით კი—მის ბაღში, დიდი ცაცხვის ქვეშ, მერხზე და ვსაუბრობდით. ამ საუბრებით, უფრო სწორად, ჩემი უფროსი მეგობრის საუბრით, ვიძლიერებდი ცოდნას და ვეცნობოდი ისეთ საგნებს, რომელთა შესახებ შემდგომ, უფროსი კლასების სახელმძღვანელოებშიც, ერთი სიტყვა არ შემხვედრია, თუმცა ეს ცხოვრებაში მეტად მნიშვნელოვანია.

წარმოშობით პაულსენი ფრიზლანდიელი* იყო და ამ ხალხისათვის დამახასიათებელი გარეგნობა ჰქონდა: ქერა თმა, შუბლი — ფართო, თვალები — დაფიქრებული, ლაპარაკის დროს მშობლიურ კილოზე ისე უქცევდა, გეგონებოდათ, საამოდ მღერისო. ამით იგი მამას დამსგავსებოდა.

ჩრდილოელ პაულსენს ცოლი სამხრეთ გერმანიიდან ჰყავდა, რასაც მეტყველებაზე უცბად შეატყობდით. იგი მოხდენილი ტანადობის, მშვენიერი ქალი გახლდათ. დედაჩემი ხშირად იტყოდა: „მაგის შავი თვალების ცეცხლი ტბას ამოაშრობს. ახალგაზრდობაში უჩვეულოდ ლამაზი იყო“ მართალია, მის შავ თმას ახლა ვერცხლი შერეოდა, მაგრამ სახეს ადრინდელი მომხიბვლელი არ დაჰკლებოდა, და ახალგაზრდობისათვის დამახასიათებელი სილამაზისადმი თაყვანისცემა მაიძულებდა,

როგორც კი საამისო მიზეზი მომეცემოდა, მისთვის რაიმე შესაძლებლობა იქნებოდა.

„ერთი ამ ყმაწვილს დამიხედეთ!“ — ეტყოდა ხოლმე იგი, ასეთ დროს ქმარს — ხომ არ იეჭვიანებ, პაულ? — პაული გაიღიმებდა. ქალის სახუმარო სიტყვებსა და პაულის ღიმილში გამოსჭვივდა მეუღლეთა ურთიერთსიყვარული და პატივისცემა, ერთადერთი ვაჟი ჰყავდათ; ისიც იმქამად უცხოეთში იყო და ნაწილობრივ, ალბათ, ამიტომაც ვიყავი მათთვის სასურველი. ფრაუ პაულსენი ხშირად მარწმუნებდა, რომ მე ისეთივე სასაცილო ცხვირი მქონდა, როგორც მათ იოზეფს. არ შემიძლია ისიც არ ვთქვა, რომ ფრაუ პაულსენი ძალიან გემრიელი, ჩვენს ქალაქში სრულიად უცნობი ნამცხვრის ოსტატი იყო და ზოგჯერ სტუმრად მეც მიმიწვევდა ხოლმე.

ასე და ამგვარად ამ ოჯახს ბევრი რამ ჰქონდა ისეთი, რითაც მე მიზიდავდა. მამაჩემიც იწონებდა ჩემს ურთიერთობას ამ პატივცემულ ცოლ-ქმართან. „აბა შენ იცი, ვინძლო თავი არ მოაბეზრო“, მეტყოდა ხოლმე მამაჩემი. მე მგონია, ხშირი სტუმრობით მათთვის თავი არასოდეს არ მომიბეზრებია.

ერთ დღეს, ჩვენს ოჯახში, ქალაქის ერთ-ერთ ძველ მკვიდრს ჩემი ახლახან დამთავრებული ნახელავი უჩვენეს, რომელიც საკმაოდ მოხდენილი გამოივიდა.

როცა მან გაოცება გამოთქვა, მამაჩემმა უთხრა, თითქმის ერთი წელია, ოსტატ პაულსენთან სწავლობსო.

— ჰოო, — შენიშნა მოხუცმა ბატონმა, — თოჯინების ოსტატ პოლესთან?

მე მანამდე არ გამეგონა, თუ ჩემს მეგობარს ასეთი მეტსახელი ჰქონდა, და, შესაძლოა, ზედმეტი სითამამით ვიკითხე, ეს რას ნიშნავს-მეთქი.

მოხუცმა ბატონმა მხოლოდ ეშმაკურად გაიღიმა და პასუხის მოცემა არ ინება.

შემდგომ კვირა საღამოს ცოლ-ქმარმა პაულსენებმა ქორწინების დღის აღსანიშნავ სამზადისში დასახმარებლად მიმხმეს. ზაფხულის მიწურული იყო. რადგან ადრე მივედი, ხოლო დიასახლისს სამზარეულოში საქმიანობა არ დაემთავრებინა, მე და პაულსენი ბაღში გამოვედით და დიდი ცაცხვის ქვეშ, მერხზე ჩამოვსხედით. მე ისევ „თოჯინების ოსტატი პოლე“ გამახსენდა და თავში ისე ჩამეჭედა, რომ მის კითხვებზე ძლივს ვპასუხობდი. როცა დაბნეულობის გამო მან ცოტა არ იყოს მკაცრად მისაყვედურა, პირდაპირ ვკითხე, რას ნიშნავს ეს ზედმეტი სახელი-მეთქი.

ოსტატი ძალიან გაბრაზდა.

— ვინ გასწავლა ეგ სისულელე? — წამოიძახა მან და ზეზე წამოიჭრა. მაგრამ სანამ პასუხს გავცემდი, ისევ გვერდით მომიჯდა. — კარგი, კარგი, — თქვა დაფიქრებით, — ეს ნიშნავს ყველაზე საუკეთესოს, რაც კი ცხოვრებაში მინახავს. დრო საქმოდ გვაქვს და ყველაფერს გიამბობ.

ამ სახლსა და ბაღში გავიზარდე, აქ ცხოვრობდნენ ჩემი კეთილი მშობლები, ვიმედოვნებ, ჩემი ვაჟიც აქვე იცხოვრებს. კარგა ხანია განვლო იმ დრომ, ბავშვი რომ ვიყავი, მაგრამ ბავშვობისდროინდელი ზოგიერთი სურათი ისევ ფერადი ფანქრით დახატულივით მიდგას თვალწინ.

მაშინ ჩემი სახლის კართან ერთი პატარა თეთრი მერხი იდგა. საზურგე და სახელური მწვანე თამასებოისა ჰქონდა. იქიდან ერთ მხარეს, ქვემოთ დაქანებული ქუჩა მოჩანდა, მის ბოლოში კი ეკლესია, მეორე მხარეს—გადაჭიმული მინდვრები. შრომით დაღლილ ჩემს მშობლებს ზაფხულზე აქ უყვარდათ ხოლმე საღამოობით დასვენება. მანამდე კი ამ ადგილს მე ვი-

კავებდი, გაკვეთილებს ვამზადებდი სუფთა ჰაერზე, თან აღ-
მოსავლეთისა და დასავლეთის ხედით ვტყებობდი.

ერთხელ, ნასამხრევს, ასე ვიჯექი და გრიფელის პატარა
დაფაზე ალგებრის ამოცანას ვიყვანდი. ახლაც კარგად მახ-
სოვს, სექტემბერი იყო, წმინდა მიხეილის დღის ბაზრობა
ჩათავებული გვქონდა. უცბად, ქუჩის ბოლოში, გამოჩნდა
ჩვენსკენ მომავალი უცნაური ეტლი. ორთვალა იყო, შიგ ერ-
თი პატარა უშნო ცხენი ება. ორთვალაზე ორ მაღალ ყუთს შო-
რის იჯდა ქერა ზორზოხა ქალი, რომლის არაფრისმთქმელი სა-
ხე ხისგან გამოკვეთილი გეგონებოდა, და ასე ცხრა წლის
გოგონა, შავთმიან თავს ცქვიტად რომ ატრიალებდა აქეთ-
იქით. ეტლს, აღვირით ხელში, გვერდით მოჰყვებოდა მხიარუ-
ლი გამომეტყველების ტანმორჩილი კაცი. მას მწვანე წინაფ-
რიანი ქუდიდან ზღარბის ეკლებსმაგვარი მოკლე შავი თმა
მოუჩანდა.

ასე მიიწევდნენ ისინი ზემოთ, ცხენის ყელზე შებმული ზან-
ზალაკის წკრიალით. ეტლი ჩვენს სახლს რომ გაუსწორდა.
შეჩერდა.

— ეი, შენ, ბიჭო! — გადმომძახა ეტლიდან ქალმა, — სად
არის აქ ფუნდუკი?

ჩემი გრიფელი კარგა ხანია გვერდით მქონდა გადადებუ-
ლი, ახლა, როგორც კი ქალმა დამიძახა, მისკენ გავიქეცი და
ეტლთან მივედი.

— სწორედ იქა ხართ, — მიეუგე მე და ხელით ძველ სახლ-
ზე მივეუთითე, რომლის წინ ოთხკუთხედად შეკრებილი ცაცხ-
ვი იდგა. ეს ცაცხვი, შენ კარგად იცი, ახლაც იქვე დგას, ჩვენი
ქუჩის მეორე მხარეს.

ყუთებშუა მოქცეული კოპწია გოგონა ფეხზე წამოდგა,

გახუნებული პალტოს კაპიშონიდან პატარა თავი გამოჰყო დ-
დიდი თვალებით შემომაცქერდა. მაგრამ კაცმა გოგოს შესძა-
ხა „წყნარად დაჯექი, ნუ ყელყელობო“, მე—„დიდი მადლო-
ბა, ბიჭიკოო“, გაღეულ ცხენს შოლტი გადასცხო და ეტლ-
მითითებული სახლის წინ გააჩერა, საიდანაც მის შესაგებებ-
ლად უკვე გამოვიდა მწვანეწინსაფრიანი მეფუნდუკე.

ის ამბავი, რომ ასეთი სტუმრები ჩვენს ფუნდუკში დიდ-
პატივით არ სარგებლობდნენ, რომ დაფიქრდები, ჩემთვის ახ-
ლა გასაგებია, მაგრამ მაშინ ვერაფრით ვერ ამეხსნა—როგორ
შეიძლებოდა, ასეთი ადამიანები პატივისცემით არ მიეღოთ
ამ ფუნდუკში ხშირად ჩერდებოდა მათი მსგავსი და ჩემთვის
მეტად სასიამოვნო ხელობის ხალხი. ზემოთ, მეორე სართულ-
ზე, სადაც დღესაც ფანჯრების ნაცვლად უბრალო ხვრელები-
დატანებული, ყოველგვარი მოხეტიალე მუსიკოსები, მუშაი-
თები და მხეცების მომთვინიერებლები ათევდნენ ღამეს, რომ-
ლებიც თავიანთი ხელოვნებით უმასპინძლებოდნენ ჩვენს
ქალაქს.

მართლაც, მეორე დღეს დილით, როცა ჩემს სენაკში ფანჯ-
რის წინ სასკოლო ჩანთას ვკრავდი, ქუჩის იქით, ფუნდუკის
ზემო სართულში სარკმელი გაიღო, ზღარბისთავიანმა კაცუნამ
გარეთ გამოიხედა, გაიზმორა და სუფთა ჰაერი ჩაყლაპა. მერე
უკან, ჩაბნელებულ ოთახში მიიხედა და შემომესმა მისი ძა-
ხილი: „ლიზაი, ლიზაი!“ მაშინვე მის მკლავებქვეშ გამოჩნდა
პატარა ვარდისფერი სახე, რომელსაც შავი თმა ფაფარივით
ჩამოშლოდა. მამამ გოგონას თითით ჩემზე ანიშნა, გაიცინა და
აბრეშუმვიით ნაზი თმის ნაწნავი რამდენჯერმე მოსწია. ის
ველარ გავიგონე, რა უთხრა გოგონას, მაგრამ, ალბათ, ასეთი
რამ თქვა: „შეხედე, ლიზაი! გახსოვს, ეს ის ბიჭია, გუშინ რომ
ვნახეთ. გვ საწყალი ახლა სკოლაში უნდა წავიდეს. შენ კი რა

ბედნიერი ხარ. დასეირნობ ჩვენი ქურანათი ქვეყნის კილით-
კიდე“. ყოველ შემთხვევაში, გოგონა თანაგრძნობით შემომყუ-
რებდა და, როცა გამბედაობა მოვიკრიბე და მეგობრულად
თავი დაუქნიე, მან ძალიან სერიოზული სახით მიპასუხა.

შემდეგ მამამისმა თავი უკან მიაბრუნა და ოთახში მიიმა-
ლა. მის მაგივრად ბავშვთან ახლა ზორზოხა ქერა ქალი მივი-
და და მაშინვე თმის ვარცხნა დაუწყო. ეს საქმე ალიაქოთის
გარეშე უნდა შესრულებულიყო და ლიზაის არ უნდა ეფშლუ-
კუნა, თუმცა რამდენჯერმე სავარცხელი თმაში გაეჩხირა და
ვარდისფერი პირისახე საწყალობლად დაღმიჭა. მხოლოდ
ერთხელ ასწია ხელი და თავისი გრძელი თმა დილის ნიავს მი-
ანება, რომელმაც იგი ცაცხვის ტოტებს შემოახვია. ჩემი ფანჯ-
რიდან კარგად დავინახე, როგორ გაბრწყინდა იგი შემოდგომის
მზის სხივებზე, რომელიც ის-ის იყო გაუსხლტდა ნისლს და
ფუნდუკის ზემო სართულში შეანათა.

ახლა შემეძლო აქამდე ჩაბნელებული ოთახის შიგნითაც
შემეხედა. ერთ ბნელ კუთხეში მაგიდას ჩია კაცი მისჯლომო-
და. ხელში რაღაც ოქროს თუ ვერცხლის საგანი უბრწყინავდა.
მერე უზარმაზარცხვირიანი სახე შევამჩნიე და, თუმცა მხედ-
ველობა ძალიან დავძაბე, მაინც ვერ გავარჩიე, რა იყო. უც-
ხად ისეთი ხმა შემომესმა, თითქოს ყუთში რაღაც ხის საგანი
ჩავარდაო, კაცი ზეზე წამოდგა და მეორე საარკმელიდან ქუჩა-
ში გამოიხედა.

ამასობაში ქალმა შავგვრემან გოგონას გახუნებული წი-
თელი ჭაბა ჩააცვა და მრგვალ თავზე ნაწნავები ჯვარედინად
დაუმაგრა.

მე ისევ ზემოთ ვიყურებოდი. ვფიქრობდი, იქნებ კიდეც
დამიჭნიოს-მეთქი თავი.

— პაულ, პაულ! — შემომესძა ამ დროს ჭვემოდან დედის ძახილი.

— რა იყო, დედა! — გავეპასუხე გვარიანად შეშინებულმა.

— ახლა კი კარგ დღეს დაგაყრის მათემატიკის მასწავლებელი! — ისევ ამომძახა დედამ. — ვერ გაიგე, რამდენი ხანია შეიდი რომ დარეკა?

კიბე თავპირისმტერევით ჩავირბინე.

შაგრამ ბედმა გამილიმა: მათემატიკის მასწავლებელი იმ დღეს თავის ბერგამოტს* კრეფდა და ნახევარი სკოლა მის ბაღში იყო, რათა ამ საქმეში ხელებითა და პირით მიხმარებოდნენ. ლოყებაწითლებული და სახეგაბრწყინებული ბავშვები ცხრა საათზელა მივუსხედით მერხებს და დაფები და არითმეტიკის წიგნები მოვიმარჯვეთ.

როცა მე თერთმეტის ნახევარზე მსხლით გატენილი ჯიბეებით სკოლის ეზოდან გამოვედი, ჩვენი ქალაქის ჩასუქებული მაცნე-მებუკე უკვე ქუჩაში გამოსულიყო, ალაპლაპებულ თითბრის ტაშტს გასაღებს ურტყამდა და ლუდისაგან ჩახლეჩილი ზმით გაჰკიოდა:

— გუშინ სარეზიდენციო ქალაქ მიუნხენიდან ჩამოვიდა და დღეს საღამოს შუტცენჰოფის დარბაზში პირველ წარმოდგენას გამართავს მექანიკოსი და თოჯინების თეატრის მსახიობი ბატონი იოზეფ ტენდლერი! წარმოდგენილ იქნება: თოჯინების კომედია სიმღერით ოთხ მოქმედებად „ფვალცგრაფი ზიგფრიდი და წმინდა ენევიევა“.*

შემდეგ მაცნემ ჩაახველა და ზვიადი გამომეტყველებით გაემართა ჩვენი სახლის მეორე მხარეს. ქუჩა-ქუჩა ავედევნე, რომ ეს აღმაფრთოვანებული ამბავი ისევ და ისევ მონესმინა, რადგან თოჯინების თამაშზე რომ აღარაფერი ვთქვა, კომედია არასოდეს არ მენახა. როცა, ბოლოს და ბოლოს, უკან მოვბ-

რუნდი, დავინახე, რომ ჩემსკენ ვარდისფერ-სახიანი გოგონა მოემართებოდა. ეს თოჯინების თეატრის ის პატარა მსახიობი გოგონა გახლდათ. გახუნებული სამოსის მიუხედავად. იგი ჩემს თვალში ზღაპრული შარავანდედით იყო მოსილი.

გამბედაობა მოვიკრიბე და გოგონას ვკითხე:

— გასეირნება გსურს, ლიზაი?

ლიზაიმ შავი თვალები უნდობლად შემომანათა.

— გასეირნება? — გაჭიანურებით გაიმეორა მან. — ო, რა მიხვედრილი ვინმე ხართ!

— საით გინდა გასეირნო?

— მეღუქნესთან.

— ახალი კაბა უნდა იყიდო? — ვკითხე მე სულელური ღრეჭით.

გოგონამ გადაიკისკისა.

— დამეხსენ! არა. მხოლოდ ნაკუწები!

— ნაკუწებით, ლიზაი?

— ჰო. თოჯინებისათვის. ნაჭრის ნარჩენებს ყოველთვის იათს აფასებენ.

თავში ბედნიერმა აზრმა გამიელვა. მაშინ ბიძაჩემს ბაზართან ფართლეულის სავაჭრო ჰქონდა, მისი მოხუცი ნოქარი ჩემი კარგი მეგობარი იყო.

— წამომყევი, ლიზაი, — გაბედულად ვუთხარი მას, — ქსოვილის ნაკუწები არაფერი არ დაგიჯდება.

— ჰოო? — გოგონით მკითხა გოგონამ. მერე ორივენი ბაზრის მხარეს, ბიძაჩემის სახლისკენ გავიქეციით. როგორც ყოველთვის, მოხუცი გაბრიელი ახლაც რუხ სერთუკში გამოწყობილი, დახლში იდგა. როგორც კი ჩვენი მისვლის მიზანი გავაცანი, გაბრიელმა დახლზე „ნარჩენები“ გულუხვად დაახვავა.

— შეხე, რა ლამაზი წითელია! — დაიძახა ლიზაიმ და ხარბად შეაცქერდა ფრანგული ჩითის პატარა ნაჭერს.

— გინდა? — შეეკითხა გოგონას გაბრიელი.

გინდაო? რაღა საკითხავი იყო! რაინდ ზიგფრიდს ხომ ამ საღამოს ახალი ყილეტი უნდა ცმოდა.

— ყილეტს რომ სირმებიც სჭირდება, — მოგვმართა მოხუცმა და მთელი იღლია ოქროსა და ვერცხლსა ყაითანი მოიტანა. შემდეგ მწვანე და ყვითელი ნაჭრები და ბაბთები, და ბოლოს საკმაოდ მოზრდილი პლუშის წანაჭკერიც დაგვიმატა.

— წაიღე, გოგონი! — მიმართა გაბრიელმა. — პლუშიდან შენი უენევიევასთვის, ალბათ, კარგი ქურქი გამოვა, ძველი, ალბათ, გაუცვდა კიდეც. — გაბრიელმა მთელი სიმდიდრე ერთად შეკრა და გოგონას ხელში მისცა.

— მერე ამას ფული არ უნდა? — იკითხა შემკრთალმა ლიზაიმ.

არა, ფული არ უნდოდა. გოგონას თვალები გაუბრწყინდა, — დიდი მადლობა, კეთილო ადამიანო! ო, მამაჩემს როგორ გაეხარდება!

ლიზაიმ შეკვრას ხელი დაავლო, მერე ხელი ჩამკიდა და ასე ხელიხელჩაკიდებულები გამოვედით დუქნიდან. ჩვენს სახლს რომ მივუახლოვდით, ხელი გამიშვა და ფუნდუკისკენ ისე მოჰკურცხლა, ნაწნავები ჰაერში აუფრიალდა.

ნასადილევს გარეთ გამოვედი და სახლის კართან ატუზული ვფიქრობდი, დღესვე მეთხოვა თუ არა მამაჩემისათვის წარმოდგენაზე წასასვლელი ფული. ეს ფიქრი მოსვენებას არ მაძლევდა. მე ხომ ქანდართაჲც კმაყოფილი ვიქნებოდი, ეს კი, როგორც გავიგე, ჩვენთვის, ბავშვებისთვის ნახევარი შილინგი

ღირდა. ის იყო მამისათვის უნდა მეკითხა, მომცემდა თუ არა ფულს, რომ ქუჩაში დავინახე, ლიზაი ჩემსკენ გამორბოდა.

— ეს მამამ გამოგიგზავნა! — მითხრა მან და სანამ რამეს მოვისაზრებდი, გოგონა უკანვე გაიქცა, მე კი ხელში შემრჩა წითელი ბილეთი, რომელზედაც დიდი ასოებით ეწერა: „პირველი რივი“.

ზემოთ რომ ავიხედე, დავინახე, პატარა შავი კაცი სხვენის სარკმლიდან ორივე ხელს მიქნევდა. მეც გავეპასუხე. ეს რა კარგი ხალხი ყოფილა—მეთქი, გავიფიქრე.

„მამასადამე, დღეს საღამოს თოჯინების თეატრში ვიქნები და ისიც პირველ რიგზე გამოვიჭიმები“, ვუთხარი საკუთარ თავს ხმამაღლა.

შენ კარგად იცი, ზიუდერშტრასეზე რომ მონადირეთა სახლია. მაშინ აქ კარზე დახატული იყო ლამაზი მონადირე მთელი ტანით, თავზე ფრთიანი შლაპა ეხურა, ხელში კი თოფი ეჭირა. ამ ძველ შენობას მაშინ უფრო ჯაბახანა შეხედულება ჰქონდა, ვიდრე დღესა აქვს. მის საზოგადოებას სამი წევრილა წარმოადგენდა. საუკუნეთა წინ ძველი ჰერცოგების მიერ ნაჩუქარი ვერცხლის სასმასები, თოფისწამლის ჩასაყრელი რქები და საპატიო საჩუქრები თანდათან გაიფანტა, დიდი პარკი კი, რომელიც შენც კარგად იცი, ქუჩამდე გამოდის, იჯარით გასცეს და თხა-ცხვრის საძოვრად აქციეს. თვითონ ამ ორსართულიან სახლს უკვე აღარავინ იყენებდა. დაფხავებული და ჩამონგრეული, კოპწია სახლებს შორის საცოდავად გამოიყურებოდა. თითქმის მთელი ზემო სართული თეთრად შეფეთქილ დარბაზს ეჭირა. აი, ამ დარბაზს თუ გამოიყენებდა ხანდახან ზოგიერთი გოლიათი და მოხეტიალე თავიანთი ხელოვნების საჩვენებლად. მხოლოდ ასეთ დროს გაიღებოდა ჭრიართ მონადირის გამოსახულებიანი კარი.

ძლივს მოსალამოვდა. ბოლო საათი მთლად სატანჯველად მექცა, რადგან მამაჩემს უნდოდა დაწყების ზარის მიცემამდე ხუთი წუთით ადრე გავეგზავნე. მისი აზრით, ჯერ შინ უნდა მომეკრიბა მოთმინება, რომ შემდეგ თეატრში წყნარად ვმჯდარიყავი.

ბოლოს, როგორც იქნა, მიზანს მივალწიე. დიდი კარი ღია იყო და ხალხი ზედ აწყდებოდა. მაშინ ასეთ სანახაობას სიამოვნებით ნახულობდნენ. ჰამბურგამდე დიდი მანძილი იყო და ათასნაირი საშინაო საქმით დატვირთულ ადამიანთაგან მხოლოდ თითო-ოროლა ახერხებდა ამ დიდი ქალაქის სანახაობებით დატკობას.

მუხის ხვეული კიბე რომ ავიარე, ლიზაის დედა დარბაზის შესასვლელში სალაროსთან დავინახე. მას ნდობით მივუახლოვდი, მეგონა, ქალი ძველი ნაცნობივით მომესალმებოდა, მაგრამ იგი გაშეშებული იჯდა, ხმის ამოუღებლად ხელიდან ბილეთი ისე გამომართვა, თითქოს მათი ოჯახისათვის არაფერი გამეკეთებინოს. ცოტა არ იყოს, ნირწამხდარი შევედი დარბაზში. სანახაობის მომლოდინე მაყურებლები ერთმანეთს დაბალი ხმით ელაპარაკებოდნენ. ამას ემატებოდა ჩვენი ქალაქის სამი მუსიკოსის საკრავთა წრიბინი. პირველი, რაც თვალში მომხვდა, ეს იყო დარბაზის სიღრმეში, მუსიკოსთა ზემოთ, დაკიდებული წითელი ფარდა. ფარდის შუაში გამოსახული იყო ორი გრძელი საყვირი, რომლებიც ოქროს ჩანგზე იყვნენ გადაჯვარედინებულნი, და, რაც მაშინ ყველაზე მეტად გამიკვირდა: ეს იყო საყვირთა სატუჩებზე ჩამოკიდებული ნიღბები, ერთი მხიარული, მეორე პირდალმეჭილი, ორივე ცარიელი თვალის ფოსოებით.

პირველი სამი რიგი უკვე დაეკავებინათ. მე მეოთხე რიგ-

ზე დავეყქი. აქ შევეამჩნიე ჩემი სკოლის ამხანაგი, რომელაც მშობლებთან ერთად მოსულიყო. ჩვენს უკან რიგები თანდათან მაღლა-მაღლა იწევდა და მთავრდებოდა იატაკიდან კაცის სიმაღლეზე აწეული ეგრეთწოდებული ქანდარით, სადაც დასაჯდომი მერხები არ ელაგა. ქანდარაც გავსებული ჩანდა. კარგად კი ვერ გავარჩიე, რადგან გვერდით კედლებზე მიმაგრებული თუნუქის შანდლებში ჩადებული რამდენიმე ქონის სანთელი მკრთალ შუქს ჰფენდა. დარბაზს ჩაუამული კოჭებიც საკმაოდ აბნელებდა. ჩემი მეზობელი სკოლაში ჩადენილ რადაც ამბავს მიყვებოდა. გაოცებული ვიყავი მისი დაუდევრობით, როგორ შეიძლებოდა ახლა სხვა რამეზე ფიქრი. თვალვებგაფაციცებით შევყურებდი სცენის ლამპებითა და მუსიკოსთა მერხზე ანთებული სანთლების შუქით განათებულ ფარდას. უცბად ფარდის ზედაპირი შეიჩხა, მის უკან დაფარული იდუმალი სამყარო ამოძრავდა. გავიდა კიდევ ერთი წუთი და პატარა ზარი აწკარუნდა, მაყურებელთა გაბმული ბუბუნე ერთბაშად შეწყდა და ფარდა მაღლა აიჭრა.

სცენას რომ შევხედე, თითქოს ათასი წლის წინანდელ ცხოვრებაში მოვხვდიო: თვალწინ წარმომიდგა შუასაუკუნეობრივი ციხე-დარბაზი კოშკებითა და ასაწევი ხილით. შუა ეზოში ორი პატარა, თითო წყრთის სიმაღლე კაცი დამდგარიყო და რაღაცას გაცხარებით საუბრობდნენ. მათგან ერთი, შავწვეროსანი, რომელსაც წითელ კამზოლზე ოქროსყაითნიანი წამოსასხამი მოეხურა და თავზე მოვერცხლილი და ფრთით შემკული მუზარადი დაეხურა, პფალცის გრაფი ზიგფრიდი გახლდათ. იგი წარმართი მავრების წინააღმდეგ საბრძოლველად მიემართებოდა და ვერცხლით მოქარგულ ცისფერ ქურთუკში გამოწყობილ თავის ახალგაზრდა კარისკაცს, გოლოს,

განკარგულება მისცა—შენ სასახლეში დარჩები და გრაფინია ენევეიევას დაიცავო. მოლაღატე გოლო კი განგებ ისე იქერღა: თავს, თითქოს არ უნდოდა თავისი კეთილი ბატონი მარტო გაეშვა სასტიკ ბრძოლაში. ამ ლაპარაკში ისინი თავებს აქეთ-იქით ატრიალებდნენ და ხელებს გაცხარებით აქნევდნენ.

ასაწევი ხიდის მხრიდან გაისმა ბუკის გაჭიანურებული ხმა და მყისვე კოშკის უკანა მხრიდან სცენაზე შემოვარდა ცისფერშლელიფიან კაბაში გამოწყობილი მშვენიერი ენევეიევა და ხელებგაშლილი მეუღლეს გადაეხვია.

—ო, ჩემო უსაყვარლესო ზიგფრიდ, გული შემომკენესის, ვითუ იმ საშინელმა წარმართებმა რაიმე გავნონ!

მაგრამ მისი გოდება რას უშველიდა. კიდევ ერთხელ გაისმა ბუკის ხმა და გრაფი ამაყი და ზვიადი ნაბიჯით გაემართა ასაწევი ხიდისაკენ. შორიდან მოისმა აბჯარასხმული ჯარის ფეხის ხმა. ციხე-დარბაზი გულბოროტ გოლოს ამარა დარჩა.

ამის შემდეგ სცენაზე ყველაფერი ისე მოხდა, როგორც შენს სახელმძღვანელოში წერია. სკამზე მოჯადოებულივით ვიჯექი. მაინც რა გასაოცრად მოძრაობდნენ, რა ნაზი, მოკლუტულე ხმები ამოსდიოდათ პატარა პირიდან! თავისი უცნაური, შიშისმომგვრელი ცხოვრებით ეს ნამცეცა ფიგურები ანდამატივით მიზიდავდნენ.

მეორე მოქმედებაში უკეთესი ამბები ზღებოდა. სასახლეში მსახურთა შორის იყო ერთი, რომელსაც ნაშურის ყვითელი ხიფთანი ეცვა. მას კასპერლი ერქვა, აი. მარდი ბიჭი ვის უნდა რქმეოდა! ისე მოსწრებულად ენამახვილობდა, რომ მაყურებელთა სიცილისაგან დარბაზი ზანზარებდა. ძეხვივით გრძელ ცხვირში სახსარი თუ ჰქონდა და, როცა გადამდებ სულელურ ხითხითს მოჰყვებოდა, ცხვირის წვერი ისე აუთრთოლდებოდა, თითქოს მის პატრონს სიცილის ბუზმა უკბინა და გაჩერება

აღარ შეუძლიათ. თანაც უზარმაზარ ხახას დააფჩენდა და ბებერი ბუქნაქოტივით მოჰყვებოდა ყბების ტკაპუნს.

— ლაწუნ! — დაიყვირებდა ხოლმე, როგორც კი სცენაზე გამოხტებოდა, მერე გვერდით მიდგებოდა და თავის ცერს საუბარს გაუბამდა. ხოლო ცერი ისე მოხდენილად ტრიალებდა აქეთ-იქით, გეგონებოდა, მართლა ის პასუხობდა: „არც აქ, არც იქ. თუ ვერაფერს იშოვნის, არც არაფერი გექნება“. ახლა თვალებს როგორ იელამებდა! ეს იმდენად გადამდები იყო, რომ იმავე წუთში მთელ დარბაზს ებრიცებოდა თვალები. ეს ბიჭუკელა პირდაპირ გაგიყვებით შემეყვარდა.

ბოლოს წარმოდგენა დასრულდა. შინ დაებრუნდი და შემწვარ კერძს შევექეცი, ჩემ კარგ დედას რომ შემოენახა ჩემთვის თბილად. მამაჩემი სავარძელში იჯდა და ჩიბუხს აბოლებდა.

— რას იტყვი, ბიჭო, — მომმართა მამამ, — თოჯინები ცოცხლებივით თამაშობდნენ?

— რა ვიცი, მამა, — მივუგე და ჭამა განვაგრძე. ჯერ ისევ გონებაზე ვერ მოვსულიყავი.

ერთხანს მამამ კეთილი ღიმილით მიყურა. მერე მითხრა.

— მომისმინე, პაულ! არ შეიძლება მაგ თოჯინებს ხშირად, უყურო, თორემ ბოლოს, ალბათ, სკოლაშიც თან გაგყვებიან.

მამაჩემს ტყუილი არ უთქვამს. ორი დღის მანძილზე ალგებრის ამოცანებს ისე უღიმღამოდ ვაკეთებდი, რომ მასწავლებელი დამემუქრა, უკანა მერხზე გადაგვამო. როგორც კი ალგებრული განტოლების ამოხსნას შევეცდებოდი, ყურებში მშვენიერი ჟენევიევას ჩიტივით ნაზი ხმა ჩამესმოდა: „ო, ჩემო უსაყვარლესო ზიგფრიდ, გული შემომკვნესის, ვაითუ იმ საშინელმა წარმართებმა რაიმე გავნონ“. ერთხელ — ეს არავის არ

დაუნახავს—დაფაზე ასეთი რამ დაწვერე: X + ყენევიევა. ერთ-ხელ კი ღამით ჩემს საძინებელ ოთახში ხმამაღლა დაიყვირა „ლაწუნ“ და ყვითელხიფთანიანი კასპერლი ერთი ნახტომით გაჩნდა ჩემს საწოლთან, ჩემ თავთან ორივე ხელით ბალიშს დაეყრდნო, ჩაიციხა და დაიძახა: „ო, ჩემო საყვარელო ძამიკო! ო, ჩემო გულითადო, საყვარელო ძამიკო!“ მერე თავისი გრძელი ცხვირი ჩემსას ისე ატაკა, რომ თვალები ვკეციტე. მაშინდა მივხვდი, რომ სიზმარში ვიყავი.

ეს ყველაფერი გულში დავიმარხე და სახლში თოჯინების თეატრზე ხმის ამოდებას ვერ ვბედავდი. მაგრამ, როცა მეორე კვირადღეს მაცნემ ტაშტის ბრახუნით ქუჩები კიდეც ჩამოიარა და ყვირილით გვამცნო: „დღეს საღამოს მონადირეთა სახლში გაიმართება თოჯინების წარმოდგენა ოთხ მოქმედებად—„დოქტორი ფაუსტის ჯოჯოხეთში შთასვლაო“, მე ვეღარ მოვიტყინე. მამაჩემს ისე ფეხაკრეფით ვუვლიდი ირგვლივ, როგორც კატა ეპარება ცხელ ფაფას. ბოლოს მამამ გაიგო ჩემი უტყვი თხოვნა.

— პოლე, — მომმართა მან, — ვხედავ, რომ მეტის ატანა აღარ შეგიძლია და გული სისხლისაგან გეწურება. იქნებ მავ ავადმყოფობას ეშველოს, თუ იმ თოჯინების ცქერით გაძლები,—ეს მითხრა, ეილეტის ჯიბეში ხელი ჩაიყო და ორშილინგიანი მომაწოდა.

მაშინვე სახლიდან გამოვვარდი. ქუჩაშილა მომაგონდა, რომ კომედიის დაწყებამდე კიდეც რვა გრძელი საათი უნდა მეცადა. ამიტომ ბალებს უკან, ვზისკენ გავიქეცი. მონადირის სახლის მოლით მოფენილ შემოუღობავ ბაღს რომ გავუსწორდი, გულმა იქით გამიწია, ერთიც ვნახოთ და იქნებ ზემოდან რომელიმე თოჯინამ გამოიხედოს-მეთქი, ვიფიქრე,—სცენა ხომ

შენობის უკანა მხარეს იყო. მაგრამ თუ რამის დანახვა მინდოდა, მაშინ ბალის ზემოთა მხარეს უნდა გავსულიყავი, სადაც იქაურობა ცაცხვებსა და წაბლის ხეებს ჩაებნელებინათ. ცოტა არ იყოს, შემეშინდა და გზა ველარ განვაგრძე. უცბად ზურგიდან პალოზე გამობმული უზარმაზარი თხა ისე დამეჩახა, რომ ოც ნაბიჯზე გამისროლა. ამან მიშველა. ირგვლივ რომ მიმოვიხედე, უკვე ხეების ქვეშ ვიდექი.

შემოდგომის მოღრუბლული დღე იყო. ყვითელი ფოთლები მიწას დაჰფენოდა. ჩემს ზემოთ დაიჩხავლა რამდენიმე ზღვის ფრინველმა, ფრინველები ეტყობოდა, უბისკენ მიფრინავდნენ. ირგვლივ კაცისშვილი არ ჰქანებდა. ეკალბარდაში ნელა მივიკაფავდი გზას, სანამ ქვით მოგებულ ვიწრო ეზოში გავიდოდი. სწორედ რომ სასურველ ადგილზე აღმოვჩნდი: ზემო სართულიდან ეზოსკენ ორი დიდი ფანჯარა გამოდიოდა. მაგრამ ტყვიის ჩარჩოში ჩასმული პატარა შუშები ჩაშავებულიყო და მის იქით თოჯინა არ ჩანდა. ცოტა ხანს ასე ვიდექი, ირგვლივ გამეფებულმა დუმილმა ტანში შემზარა. უცბად დავინახე, რომ ქვემოთ ეზოში გამომავალი კარი ხელის სიფართოზე ნელა გაიღო და პატარა თავმა გამოიხედა:

— ლიზაი! — დაუქდახე მე.

გოგონამ ფართოდ გახელილი შავი თვალები მომაპყრო.

— ღმერთო მიშველე! — წამოიძახა მან. — არ ვიცოდი, თუ შენ მანდ დაეხეტებოდი. საიდან მოხვდი აქ?

— მე? სპეირნოდ მივდივარ, ლიზაი. მაგრამ შენ ეს მითხარი, კომედიის თამაში ხომ არ დაიწყეთ?

გოგონამ გაიღიმა და თავი გააქნია.

— მაშ აქ რას აკეთებ? — ისევ ვკითხე და მივეუახლოვდი.

— მამას ველოდები. ოთახში შევიდა ყაითნისა და ლურსმ-

ნის მოსატანად. დღეს სალამოსათვის ყველაფერი მზად უნდა იყოს.

— აქ სულ მარტო ხარ, ლიზაი?

— ო, არა, მარტო რატომ ვარ, შენც ხომ აქ ხარ!

— მე მინდოდა მეკითხა, განა დედაშენი ზემოთ, დარბაზში არ არის-მეთქი?

არა, დედამისი თურმე ფუნდუკში ყოფილა და თოჯინების სამოსს აკერებდა. ლიზაი კი აქ სულ მარტო ყოფილა.

— მისმინე, რა გითხრა, — დავიწყე მე ისევ. — თქვენ თოჯინებში არის ერთი, რომელსაც კასპერლეს ეძახით. მინდოდა იგი ახლოს მენახა. გთხოვ, უარს ნუ მეტყვი.

— ჩვენ ძეხვისცხვირაზე ამბობ? — მკითხა ლიზაიმ და ერთხანს ჩაფიქრდა. — კარგი, ასე იყოს. მაგრამ ჩქარა, სანამ მამა მოვიდოდეს.

სახლში შევცვივდით და აყუდებული ხვეული კიბე აჩქარებით ავირბინეთ, დიდი დარბაზი თითქმის მთლად ჩაბნელებულიყო, რადგან ეზოსკენ მიქცეული ყველა ფანჯარა სცენით იყო დაფარული. ფარდიდან შუქის მკრთალი ანარეკლი ძლივს შემოდიოდა.

— აქეთ მოდი! — მითხრა ლიზაიმ და გვერდით კედელზე ჩამოფარებული ხალიჩა გადასწია. აქ გადავძვერით და მე საოცრებათა ტაძარში მოვხვდი. მაგრამ დღის შუქზე იგი უბადრუკად გამოიყურებოდა. თამასებისა და ფიცრებისაგან მოჩონმარიკებულ ფიცარნაგზე რამდენიმე კრელქრულად მოჩითული ტილოს ნაჭერი ჩამოეფარებინათ. ეს იყო არენა, სადაც გაირბინა წმინდა ჟენევიევას ცხოვრებამ, რომელიც ესოდენ მაცთუნებლად წარმომიდგა.

მაგრამ ჩემი გულგატეხა ნაადრევი აღმოჩნდა. იქით მხარეს

დავინახე კედლიდან კულისებამდე გაბმული მავთული, რომელზეც ორი საოცარი თოჯინა ეკიდა, მაგრამ იმის გამო, რომ ზურგი ჩემსკენ ჰქონდათ მოქცეული, ვერ ვიცანი რომლები იყვნენ.

— სხვები სადღა არიან, ლიზაი? — ვკითხე გოგონას. — მინდოდა თოჯინების მთელი საზოგადოებაც ერთად მენახა.

— აი, აქ, — მომიგო ლიზაიმ და პაწაწინა მუჭი კუთხეში მიდგმულ ყუთს დაჰკრა. — გამოსასვლელად ორი უკვე მზად არის. აბა აქ მო და შეხე! აი, შენი მეგობარი კასპერლევც აქ არის!

მართლაც, ეს კასპერლე იყო.

— დღეს ეგეც ითამაშებს? — ვკითხე ლიზაის.

— აბა რა! ის ყოველთვის ითამაშობს.

გულხელდაკრეფილი ვიდექი და შეეცურებდი უსაყვარლეს მხიარულ ბიჭუნას, ის კი შევიდბაწარგამობმული ეკიდა მავთულზე, თავი ჩაეკიდა, დიდრონი თვალებით იატაკს ჩაშტერებოდა და წითელი ნისკარტივით ცხვირი მკერდზე დაედო.

— კასპერლე, კასპერლე, — ჩავილაპარაკე ჩემთვის, — როგორ კონწიალებ, შე საწყალო!

იმან მიპასუხა:

— მოიცა, ძამიკო, საღამომდე მაცალე!

ნეტა მომეჩვენა, თუ მართლა იმან მიპასუხა?

ირგვლივ მიმოვიხედე. ლიზაი აღარსად ჩანდა, კართან დამდგარიყო საღარაჯოდ, რომ მამის დაბრუნება ეცნობებინა. უცებ დარბაზის გასასვლელიდან მისი ხმა შემომესმა:

— ოღოდ თოჯინებს ხელი არ ახლო!

ადვილი სათქმელია, მაგრამ თავის შეკავება რომ არ შემეძლო! ფეხაკრეფით ავძვერი იქვე დადგმულ მერხზე და ჯერ

ერთი ბაწარი მოვწიე, მერე მეორე. თოჯინამ ყბები აამოძრავა, ხელები ასწია, მერე კი მისმა უცნაურმა ცერმაც აქეთ-იქით დაიწყო ხტუნვა. ამის გაკეთება სრულიად იოლი აღმოჩნდა. ვერ ვიფიქრებდი, თუ თოჯინების ათამაშება ასე ადვილი იქნებოდა. მაგრამ კასპერლეს ხელები წინ და უკან მოძრაობდა, ამასწინანდელ წარმოდგენაში კი ის გვერდზეც სწევდა ხელებს და თავს ზემოთაც ურტყამდა ერთმანეთს. ყველა ბაწარი მოვკიმე, შევეცადე ხელები მომეხრევიინებინა, მაგრამ არაფერი გამოვიდა. უცბად თოჯინას შიგნით რაღაცამ გაიტყა-ცუნა. „შეჩერდი!“ გამიელვა თავში, „თორემ ვინ იცის, გააფუჭე კიდეც“.

მერხიდან ნელა ჩამოვედი და იმავე წუთას დარბაზში ღიზაიც შემოვიდა.

— ჩქარა, ჩქარა! — დამიძახა მან, ხელი ჩამავლო და ხვეული კიბისკენ წამიყვანა. — გამიჯავრდებიან, მათთან მისვლის ნება რომ მოგეცი. მაგრამ, ალბათ, ძალიან გასიამოვნე, არა?

მე კი იმაზე ვფიქრობდი, თოჯინას რომ რაღაცამ გაუტყა-ცუნა მუცელში. „არაფერიც არ უშავს“, დავიმშვიდე თავი, კიბე ჩავირბინე და უკანა კარით გარეთ გავედი.

ახლა მე ვიცოდი, რომ კასპერლე ხის ჩვეულებრივი თოჯინა იყო, მაგრამ ეს ღიზაი საუცხოო გოგონა აღმოჩნდა, მაშინვე თავაზიანად შემეგება და თოჯინების სანახავად წამიყვანა. მართალია, და თვითონაც მითხრა, რომ ეს მამის ჩუმად გააკეთა და არც თუ სწორად მოიქცა, მაგრამ, ჩემდა სამარცხვინოდ, უნდა ვაღიარო, რომ ასეთი საქციელი საძრახისად არ მივიჩინე. პირიქით, თოჯინების ასე ქურდულად ნახვა ჩემთვის უფრო მიმზიდველი აღმოჩნდა. ალბათ, ჩემს სახეზე აღბეჭდილიყო თვითკმაყოფილების ღიმილი, როცა ცაცხვებისა და წაბლის ხეების გავლით კვლავ გზისაკენ გავემართე.

მაგრამ, ასეთი სიხარულის მიუხედავად, დროდადრო თითქოს კვლავ ჩამესმოდა ხოლმე ტკაცანი, თოჯინის მუცლიდან რომ შემომესმა. ხან რას მოგვიდებ ხელი; ხან რას, მაგრამ მთელი დღის მანძილზე ამ უსიამოვნო ხმის ჩახშობა ვერაფრით ვერ შევძელი.

საათმა შვიდი დარეკა. იმ კვირა საღამოს მონადირის სახლში ყველა ადგილი დაკავებული იყო. ამჯერად უკან ვიჭექი, პარტერიდან ხუთი ფუტით ამაღლებულ ქანდარაზე. ეს იყო ორშლინგიანი ადგილი. ქონის სანთლები თუნუქის შანდლებში ენთო. ქალაქის მუსიკოსები და მათი დამხმარენი საკრავებს აჭრიჭინებდნენ. ფარდა აიხადა.

სცენაზე გამოჩნდა მაღალთალიანი გუთური ოთახი. დიდ გადაშლილ წიგნს მისჯდომოდა შავ, გრძელ მანტიაში გახვეული დოქტორი ფაუსტი და მწარედ მოთქვამდა იმის გამო, რომ, დიდი ცოდნის მიუხედავად, ცუდად ცხოვრობს, ამ გახეხილ მანტიის მეტი ჩასაცმელი არაფერი აქვს და ვერც ვალებისგან დაუღწევია თავი. რაღა დამრჩენია, ჯოჯოხეთის მოციქულს უნდა დავუკავშირდეთ.

— ეს ვინ მიხმობს? — გაისმა მარცხენა მხრიდან საშინელი ხმა.

— ფაუსტ, ფაუსტ, ნუ გაჰყვები მასი — ისმის მარჯვნიდან სხვა, საამო ხმა.

მაგრამ ფაუსტმა სული მაინც ჯოჯოხეთის მოციქულს მიჰყიდა.

— ვაი შენს უბედურ სულსი — გაიხმიანა ანგელოსთა, ქარის ნაზ სუნთქვესავით ფაქიზმა, ოხვრამ. მარცხნიდან წამოსულმა ავსულის ხარხარმა კი დარბაზის თაღები შესძრა.

კარზე კაკუნი გაისმა:

— ბოდიშს ვიხდი, თქვენო უბრძენესობაე!

შემოდის ფაუსტის თანაშემწე და მოწაფე ვაგნერი. იგი სთხოვს ფაუსტს, ყოველდღიური საშინაო საქმეების საკეთებლად მოსამსახურის აყვანის ნება მისცეს, რათა თვითონ სწავლას უკეთ დაუდოს გული.

— ჩემთან მოვიდა ერთი ახალგაზრდა კაცი, — დაიწყო ვაგნერმა, — სახელად კასპერლე, რომელიც ამ საქმისათვის სრულიად შესაფერი ჩანს.

ფაუსტი მას მოწყალედ უკრავს თავს და ეუბნება:

— კეთილი, საყვარელო ვაგნერ, ამ თხოვნაზე უარს არ გეტყვით.

ამის შემდეგ ორივენი გავიდნენ.

— ლაწუნ, — გაისმა ჩემთვის კარგად ნაცნობი ხმა და კასპერლემ სცენაზე ისე ისკუბა, რომ ზურგზე შულდაკი აუფრიალდა.

„მადლობა ღმერთს, არაფერი დაშავებია, — გავიფიქრე სიხარულით. — ისევე ხტუნავს, როგორც წინა კვირას მშვენიერი შენევიევას კოშკში ხტუნავდა“.

და ჩემდა გასაოცრად, მიუხედავად იმისა, რომ ნახვის შემდეგ იგი ერთ უბადრუკ ხის თოჯინად წარმომიდგა, ახლა როგორც კი ხმა ამოიღო, ისევე იმავე მომხიბვლელ არსებად იქცა.

იგი ოთახში მიდი-მოდის და თან ლაპარაკობს:

— ახლა რომ ჩემმა მამიკომ დამინახოს, რა ძალიან გაუხარდება! მუდამ ასე მეუბნება: „კასპერლ, ისე მოიქეცი, რომ შენი საქმე ყოველთვის რიგზე გქონდესო“. მე ყველაფერიც რიგზე მაქვს, შემძლია აი ეს შულდაკი სახლის სიმაღლეზე ავისროლო.

ეს რომ თქვა, შულდაკის ასასროლად მოემზადა, შულდაკი მართლაც მალე აფრინდა ზედ თაღებამდე, რადგან მავთულ-ქონდა გამობმული, მაგრამ კასპერლეს ხელები ძირს დარჩა ჩამოყრილი და მალე ვერ აეწია. მოსწიეს და მოსწიეს, მაგრამ ხელები ოდნავადაც ვერ ააწევინეს.

კასპერლე გაჩერდა და აღარც ხმას იღებდა. სცენის უკან შეჩოჩქოლდნენ, მოისმა ხმადაბალი, მაგრამ ცხარე ლაპარაკი, როგორც ჩანდა, წარმოდგენა ჩაიშალა.

გული გამიჩერდა. აი, ესეც შედეგი! ძალიან მინდოდა გავქცეულიყავი, მაგრამ სირცხვილი მწვაავდა. მეშინოდა, ვაითუ ჩემი გულისთვის ღიზის რაიმე უსიამოვნება შეხვედროდა.

უცბად კასპერლემ საწყალობელი ქვითინი მორთო და თავი და ხელები მძიმედ ჩაჰკიდა. სცენაზე გამოვიდა ვაგნერი და ჰკითხა, რად ჰვოდებო.

— ვაი კბილი, კბილი! — ღმუროდა კასპერლე.

— ჩემო მეგობარო! — მიმართა მას ვაგნერმა, — მოდი, ერთი პირში ჩაგხედო!

ვაგნერმა მას უშველვებელ ცხვირზე ხელი წაავლო და პირში ჩახედა. ამ დროს დოქტორი ფაუსტიც ოთახში შემოვიდა.

— ბოდიშს ვიხდი, ყოვლად უბრძენესო, — მიმართა ვაგნერმა ფაუსტს, — ასეთ ყმაწვილს მსახურად ვერ ავიყვან. ამ წუთსავე ლაზარეთში უნდა გავგზავნო.

— ესე იგი ტრაქტირში, არა? — იკითხა კასპერლემ.

— არა, მეგობარო, სასაკლაოზე, — მიუგო ვაგნერმა. — იქ სიბრძნის კბილს ამოგიღებენ და მეტად აღარ გეტკინება.

— შენ მიშველე, მოწყალეო ღმერთო, — ისევ დაიწყო წუწკუნნი კასპერლემ. — ეს რა უბედურებაა ჩემს თავს. სიბრძნის კბილიო, ასე თქვით, ბატონო ფამულუს*, არა? ასეთი რამ ჩვენს ოჯახში ჯერ არავის არ ჰქონია! ჩემი საქმე წასულია.

— სწორედ ეგრება, ჩემო მეგობარო, — მიუგო ვაგნერმა. — რაში მჭირდება სიბრძნის კბილიანი მსახური. ასეთი რამ მხოლოდ ჩვენთვის, სწავლულთათვის არის გამოსადეგი. მაგრამ შენმა ძმისშვილმაც მთხოვა, მსახურად ამიყვანეო. ალბათ თქვენი ყოვლად უბრძნესობა მისი მსახურად აყვანის ნებას დამრთავს, — მიუბრუნდა ვაგნერი დოქტორ ფაუსტს.

დოქტორმა ფაუსტმა თანხმობის ნიშნად მედიდურად დაუკრა თავი: — ისე მოიქეციოთ, როგორც გსურთ, — მიუგო მან, — მაგრამ იცოდეთ, შემდგომში თქვენი უმნიშვნელო საქმეებით მაგიის შესწავლაში ხელი არ შემიშალოთ.

— ე, ჩემო ძმობილო, — მიმართა ჩემს წინ მოაჯირზე დაყრდნობილმა შეგირდმა თავის მეზობელს. — ამას რას ჩმახვენ, ცოტა ხნის წინ ზაიფერდორფში ვნახე ეს წარმოდგენა, მაგრამ ასეთი სცენა იქ არ უჩვენებიათ.

მეზობელმა კი შეუტია მოკეტე, ლაიფციგელოო, და გვერდში იდაყვი გაჰკრა.

ამ ხნის მანძილზე სცენაზე კასპერლე მეორე გამოვიდა. იგი შუაზე გაჭრილი ვაშლივით ჰგავდა თავის ავადმყოფ ბიძას და ზუსტად იმავე ხმაზეც ლაპარაკობდა, ოღონდ მარტად მოძრავი ცერი აკლდა და არც ცხვირი ჰქონდა ისეთი სახსრებიანი.

გულიდან თითქოს ლოდი მომაცილესო, როცა პიესის მსვლელობა ძველ კალაპოტში ჩადგა, გარესამყარო მალე სრულიად მიმავიწყდა. სცენაზე გამოვიდა ავსული მეფისტოფელი, ტანზე ცეცხლისფერი მოსასხამი შემოეხვია, შუბლზე რქები ედგა, ფაუსტმა საკუთარი სისხლით მოაწერა ხელი სატანასთან დადებულ ხელშეკრულებას.

— ოცდაოთხ წელიწადს უნდა მემსახურო, მერე კი ჩემი სულიცა და ხორციც შენი იქნება.

ამის შემდეგ ორივენი სატანის ჯაღო-მოსასხამში გაეხვივნენ და გაფრინდნენ, მეორე კასპერლესათვის კი ზეციდან ღამურისფრთებიანი უზარმაზარი გომბეშო დაეშვა.

—ბელურათი უნდა გავემგზავრო პარმაში?—იკითხა კასპერლემ და რაკილა გომბეშომ თავი დაუქნია, შეახტა და ისინიც დოქტორ ფაუსტსა და მეფისტოფელს გაედევსენ. უკეთ რომ დამენახა, მთლად უკან დავიწიე და კედელთან მივდექი. ფარდა ზემოთ აიჭრა და ბოლო მოქმედება დაიწყო.

გავიდა ხელშეკრულებით გათვალისწინებული ვადა. ფაუსტი და კასპერლე კვლავ მშობლიურ ქალაქში არიან. კასპერლე ღამის გუშაგად გაამწესეს, ქუჩებში დადის და საათს აცხადებს:

გთხოვთ, მათქმეინოთ, ბატონებო, მისმინოთ კარგად! მეუღლემ ჩემმა დამიზილა გვერდები მაგრად. ერიდეთ ქალის ტანისამოსს,—კაბა თუ ხალათია, თორმეტი საათია, თორმეტი საათია!

შორიდან მოისმის თორმეტის მაუწყებელი ზარის რეკვა. სცენაზე შემოდის ფაუსტი, ფეხებს ძლივს მოათრევს; ცდილობს ილოცოს, მაგრამ პირიდან ქვითანი და კბილების ღრქი-ალი ამოდის:

„ფაუსტ, ფაუსტ, in aeternum damnatus es!“

იმავე წუთას ცეცხლის წვიმაში მალლიდან სამი შეეთმიანი სატანა დაეშვა საწყალი ფაუსტის წასათრევად. უცბად ჩემ ფეხქვეშ ფიცრები შეირხა. ფიცრის გასასწორებლად რომ დავიღუნე, დაბლიდან რალაც ხმაური შემომესმა. ყური მივუგდე და გავარჩიე, რომ ვიღაც ბავშვური ხმით ტიროდა. „ლიზაი!“—გამიელვა თავში. „ნუთუ ეს ლიზაია?“ გულზე ისევ მაჭლაჭუნასავით დამაწვა ორიოდ საათის წინ ჩადენილი საქმე. რაში მეპრიაინებოდა ფაუსტი და მისი ქვესკნელში ჩასვლის ამბები!

გულადგერებული გავძვერი ხალხში, ქანდარიდან ძირს ჩა-
მოვედი, აჩქარებით ჩავძვერი დაბლა და კედელ-კედელ წავედი.
ირგვლივ თითქმის უკუნეთი იღგა და წარამარა კოჭებსა და ქვე-
მოდან შეყენებულ ბოძებს ვეჯახებოდი. „ლიზაი“, გავძახე მე.
ტირილი უცბად შეწყდა. მოშორებით კუთხეში რაღაც შეინძ-
რა. გზა ისევ განვაგრძე და, როცა ბოლომდე გავალწიე, დავი-
ნახე კალთაში თავჩარგული გოგონა.

— ლიზაი! — დავუძახე მას და კაბა მოვწიე. — ეს შენა
ხარ? აქ რას აკეთებ?

მან არაფერი მიპასუხა და ტირილი განაგრძო.

— ლიზაი, რა დაგემართა? ერთი სიტყვა მაინც მითხარი?

მან თავი ოდნავ წამოსწია.

— აბა მე რა გითხრა, — მომიგო მან, — შენც კარგად იცი,
რომ იმ თოჯინას ხელი მოსტეხე.

— ჰო, ლიზაი, — წაფიჭურჩულე — ვიცი, რომ ხელი მე
მოვტეხე.

— ჰო, შენ მოსტეხე. მერე ხომ გაგაფრთხილე, ხელი არ
ახლო-მეჭი!

— ახლა რა ვქნა, ლიზაი?

— არაფერი.

— ამის შემდეგ რა მოხდება?

— შენთვის არაფერი, — მითხრა მან და ისევ ხმამაღლა
ტირილი გააბა.

— მე კი სახლში რომ მივალ... კარგად გავიჯოხები.

— გაიჯოხები, ლიზაი? — ასე მეგონა, მეხი დამეცა-მეთქი,
— ნუთუ ასეთი გულქვაა მამაშენი?

— არა, მამაჩემი გულკეთილია, — ამოიქვიითინა ლიზაიმ.

მაშასადამე, დედისა ეშინოდა. ო, როგორ მძულდა ჩემდა

უნებურად ეს საზიზლარი ქალი, სალაროში მუდამ სახეგაქცევებული რომ იჯდა! სცენიდან კასპერლე მეორის ძახილი შემომესმა: „წარმოდგენა დამთავრდა! ახლა კი მე და გრეტჰენი ვიცეკვებთო“. მაშინვე ჩვენს თავს ზემოთ დაიწყო ფეხების ტყაპუნი, ეტყობოდა, მაყურებლები წამოიშალნენ და გასასვლელს მიაშურეს. ბოლოს მუსიკოსები და მათი დამხმარენიც წამოდგნენ, ეს მე დავასკვენი კედელზე კონტრაბასის მიჯახებისაგან გამოღებული ხმით. მერე იქაურობა თანდათან სიჩუმემ მოიცვა, მხოლოდ სცენის შიგნიდან მოისმოდა ცოლ-ქმარ ტენდლერების საუბარი და ფათური. რამდენიმე ხნის შემდეგ ისინიც მაყურებელთა დარბაზში გამოვიდნენ და შუქის ჩაქრობა დაიწყეს. ჯერ პიუპიტრებთან გააქრეს, შემდეგ კედლებზე. ჩვენთან, დაბლა, იქაურობა თანდათან უკუნმა მოიცვა.

— ნეტა ლიზაი სად დაიკარგა?! — გასძახა ბატონმა ტენდლერმა მეორე მხარეზე მდგომ ცოლს.

— მართლა და სად დაიკარგა?! — გაიმეორა იმანაც თავის მხრივ.

— რა კერპი ბავშვია! შინ თუ გაიქცა.

— შენც ძალიან მკაცრად ექცევი, — გეპასუხა კაცი, — ის კი გულჩვილია.

— მაგრად დასჯის ღირსი ბრძანდება ის ქალბატონი. კარგად იცი, რომ ეს მშვენიერი მარიონეტი განსვენებული მამაჩემის ნაჩუქარია. შენ მისი გამკეთებელი არა ხარ, მეორე კასპერლე კი გაჭირვებაში თუ გამოდგება.

მათი ხმა დარბაზში გუგუნებდა. მე ლიზაის გვერდით ჩვე-ცუცქლი, ხელები ერთმანეთს ჩავჭიდეთ და თავგებივით გავიცლუსეთ

— ახია ჩემზე, — ისევ წამოიწყო ზედ ჩვენს ზემოთ შეჩე-

რებულმა ქალმა. — რატომ მოგეცი იმის ნება, რომ ეს ღვთის-
მგმობელი პიესა ისევ დაგედგა. განსვენებულ მამაჩემს, სი-
ცოცხლის უკანასკნელ წლებში, იგი ერთხელაც არ დაუდგამს.

— კარგი, კარგი რეზელი! — გამოსძახა ბატონმა ტენდლერმა
მეორე მხრიდან. — მამაშენი განსაკუთრებული ყალიბის კაცი
იყო. ეს პიესა ყოველთვის კარგ შემოსავალს იძლეოდა. თან
ისიც ვიფიქრე, ეს კარგი ნიმუში და მაგალითი იქნება ბევრი
უღმერთოსთვის-მეთქი.

— უკანასკნელი იყო მავის დადგმა. ახლა ამაზე სიტყვა
ალარ გამაგონო, — უბრძანა ქალმა.

ბატონ ტენდლერს ხმა ალარ ამოუღია. როგორც ჩანდა,
დარბაზში ერთი სანთელიდა ენთო და ცოლ-ქმარი გასასვლუ-
ლისაკენ გაემართა.

— ლიზაი, — ჩავჩურჩულე მე, — ამ შენობაში გამოგვეკე-
ტავენ.

— გამოგვეკეტონ რა, — თქვა მან. — არ მინდა, მე შინ ახ
წავალ.

— მაშ მეც დავრჩები.

— მერე დედაშენი და მამაშენი რას იზამენ?

— მე მაინც დავრჩები.

მოისმა დარბაზის კარის ხმა. მერე კიბეზე აბრაგუნდნენ და
შემდეგ გავიგონეთ, როგორ დაკეტეს დიდი კარი.

თითქმის თხუთმეტ წუთს ისე ვისხედით, ხმა არ ამოგვიღია.
საბედნიეროდ, გამახსენდა, რომ ჯიბეში ორი ფუნთუშა მელო,
რომელიც დედისგან დიდი მუდარით გამორთმეული შილინ-
გით ვიყიდე, აქეთ რომ მოვდიოდი, მაგრამ მერე წარმოდგენის
ცქერაში სულ დამავიწყდა. ერთი ფუნთუშა ლიზაის ჩავუღე
პატარა ხელში. მან ფუნთუშა გამომართვა და არაფერი უთ-

ქვამს, თითქოს თავისთავად ცხადი იყო, რომ საქმელზე მე უნდა მეზრუნა. ერთხანს ეს ვლექეთ, მერე კი ესეც გათავდა. მე წამოვდექი და ვუთხარი:

— მოდი, სცენის უკან გავიდეთ, იქ მეტი შუქი იქნება, მგონი გარეთ მთვარე ანათებს.

ლიზაი წამომყვა და დარბაზში ასვლამდე დიდხანს ვიარეთ ბოძებს შორის. როცა ხალიჩის უკან სცენაზე გავედით, ბაღის მხრიდან ფანჯარაში შემოჭრილი მთვარის შუქი დავინახეთ.

დილას მავთულზე მარტო ორი თოჯინა ეკიდა, ახლა კი აქ იყო ყველა, რომლებიც წარმოდგენაში მონაწილეობდნენ: აი მკვეთრნაკვთებიანი და ფერმკრთალი დოქტორი ფაუსტი, რქიანი მეფისტოფელი, სამი შავთმიანი მოცუცქნული სატანა, იქით კი ფრთებასხმულ გომბეშოს გვერდით ორივე კანაქრლე ეკიდა, უნძრევლად ეკიდნენ ისინი მთვარის შუქზე. ისიც კი ვიფიქრე, ხომ არ დაიხოცნენ-მეთქი. კანაქრლე პირველს საბედნიეროდ ისევე მკერდზე ედო თავისი ნისკარტივით გრძელი ცხვირი, თორემ ასე მეგონა, მისი საყვედურით სავსე თვალეზის შემოხედვას ვერ გავუძლებ-მეთქი.

ერთხანს მე და ლიზაიმ არ ვიცოდით, რა გვექნა და სცენას რამდენჯერმე გარს შემოვუბრინეთ, მერე ფანჯრის რაფას ჩამოვეყრდენით.

ამინდი შეიცვალა. ცაზე შავი ღრუბლები მთვარისკენ გაემართა. ბაღში ქარმა დაჰქროლა და ხეებიდან ფოთლები ჩამოჰკრიფა.

— შეხე, — ჩაფიქრებით მითხრა ლიზაიმ, — როგორ მირბიან მთვარისკენ ღრუბლები. ეს ჩემი ბებერი კეთილი ნათლია, ალბათ, მალე სულ დაიფარება.

— რომელი ბებერი ნათლია? — ვკითხე მე ლიზაის.

— ჩემი ნათლია, რომელთანაც ვცხოვრობდი, სანამ გარდაიცვლებოდა.

მერე ისევ დამეს გავეყურებდით. შემდეგ, როცა ქარმა სახლს დაჰბერა და ფანჯრის პატარა, გაუმაგრებელ შუშებს დაეჯახა, მავთულზე დაკიდებულმა ხისკიდურებიანმა საზოგადოებამ რაკა-რუკი დაიწყო. ჩემდაუნებურად უკან მივიხედე და დავინახე ორპირი ქარისაგან თოჯინები თავებს აქნევდნენ და გახევებულ ხელ-ფეხს ერთმანეთს ურტყამდნენ. უცბად დასახიჩრებულმა კასპერლემ თავი უკან გადააგდო და ამოთეთრებული თვალები მე მომაპყრო. ამის შეხედვაზე ვიფიქრე, უკეთესი იქნება ცოტა გვერდით გავიდეთ-მეთქი.

ფანჯარასთან ახლოს, სადაც მე შევეფარე, რომ ამ მავთულზე გამოკიდებულ მოცეკვავეთა მზერას მოვრიდებოდი, იღვა ერთი დიდი ყუთი. ყუთი ღია იყო. ორი შალის საბანი, რომელიც, ალბათ, თოჯინების შესაფუთად იყო განკუთვნილი, დაუდევრად იქვე მიეყარათ.

ის იყო ყუთთან მივედი და ლიზაის-მთქნარებაც შემომესმა.

— დაილაღე, ლიზაი?

— ო, არა, — მომიგო მან და გულხელი დაიკრიფა, — მაგრამ ძალიან მცივა.

მართლაც ცარიელ დარბაზში საკმაოდ ციოდა, მეც შემცივნოდა.

— მოდი აქი — დავუძახე ლიზაის. — ამ საბნებში გავეხვიოთ.

ლიზაი მოვიდა. მე იგი საბანში გავახვიე, ლიზაი თვინიერად დამემორჩილა. ახლა იგი პეპელა-თოჯინას დაემსგავსა, მალლა მხოლოდ პატარა ნაზი სახე უჩანდა.

— მოდი ყუთში ჩაეძვრები, იქ უფრო თბილა, — მითხრა ლიზაიმ და დიდი დაღლილი თვალები მომაპყრო.

ეს აზრი მეც ჭკუაში დამიჯდა. ამ ფარღალალა დარბაზთან შედარებით ყუთი მოხერხებულ საწოლად მეჩვენა, პატარა ოთახივით იყო. მაღე ორივე სულელი ბავშვი კარგად შეფუთულები მაღალ ყუთში ვიწექით და ერთმანეთს ვეხუტებოდით. ზურგი და ფეხები ყუთის კედლებს მივაბჯინეთ. შორიდან ისმოდა, როგორ აჯახუნებდა ქარი დარბაზის მძიმე კარს, ჩვენ კი მოხერხებულად მოვეწყვეთ და თავს კარგად ვგრძნობდით.

— კიდეც გცივა, ლიზაი? — ვკითხე მას.

— სულაც აღარ მცივა.

თავი მხარზე ჩამომადო და თვალები მილულა.

— ნეტა ჩემი კარგი მამიკო რას შვრება... — წაილულულა ძილმოკიდებულმა. მაღე მისი თანაბარი სუნთქვა შემომესმა. ლიზაის უკვე ეძინა.

იმ ადგილიდან, სადაც მე ვიწექი, მოჩანდა ერთი ფანჯრის ზემო ნაწილი. ერთხანს მთვარე მიმალული იყო, მერე ღრუბლებიდან ისევ გამოცურდა. მოხუც ნათლიას ახლა შეეძლო კვლავ ქვემოთ ჩამოეხედა და გავიფიქრე, რომ თუ ასე იზამს, ძალიან კარგიც იქნება-მეთქი. მართლაც მთვარის შუქი დაეცა ჩემს გვერდით მიწოლილი გოგონას ნამცეცა სახეს. შავი წამწამები ლოყებზე აბრეშუმის ფოჩებივით ეფინა, პაწაწა ვარდისფერი პირით მშვიდად სუნთქავდა, მხოლოდ ხანდახან ამოისუნთქავდა ხოლმე. მაღე ამანაც გაუარა — მოხუცი ნათლია მეტისმეტი სასოებით დაჰყურებდა ზეციდან. განძრევას ვერ ვბედავდი. „რა კარგი იქნებოდა, — ვფიქრობდი მე, — რომ ლიზაი ჩემი და იყოს და სულ ჩვენთან ცხოვრობდეს.“ მე და-ძმა

არ მყავდა, ძმა არც არასოდეს მსურვებია მყოლოდა, მაგრამ როცა ჩემს ამხანაგებს ვუყურებდი, ისე კი ხშირად მიფიქრია. ნეტა და მყავდეს-მეთქი, და ვერაფერი ვერ გამეგო, როგორ შეიძლებოდა, რომ ჩემი ამხანაგები თავიანთ ღებს ეჩხუბებოდნენ და ცემა-ტყეპასაც არ აკლებდნენ.

ალბათ, ასეთი ფიქრებით ჩამეძინა, რადგან სიზმრად ათასი უცნაური რამ ვნახე. ვითომ მაყურებელთა შუა დარბაზში ვიჯექი, კედლებზე სანთლები ენთო, მაგრამ დაცარიელებულ მერხებზე ჩემს გარდა არავინ იჯდა. ზედ ჩემს თავს ზემოთ, დარბაზის ჰერქვეშ კასპერლე ჯოჯოხეთის ბელურას დააჭენებდა და ყვიროდა „უვარგისი ვინმე ხარ, უვარგისი ვინმე ხარ!“ ხან კი საწყალობელი ხმით გოდებდა: ვაი ხელი, ვაი ხელი!”

უცბად ხმამალაშმა სიცილმა გამაღვიძა, ჩემს თავს ზემოთ რომ, გაისმა: ეგებ იმ შუქმაც იმოქმედა, ზედ თვალეჭზე რომ მანათებდა.

— ერთი ამ ბუდეს დამიხედეთ! — შემომესმა მამაჩემის ხმა. მერე უფრო მკაცრად ნათქვამი გავიგონე:—აბა ამობრქანდი მანდედან, ყმაწვილო!

ასეთი კილოს გაგონებაზე მუდამ ფეხზე წამოვხტებოდი ხოლმე. თვალეხი დავაჭყციტე და ყუთის გვერდით მამაჩემი და ცოლ-ქმარი ტენდლერები დავინახე. ბატონ ტენდლერს ხელში ანთებული ფარანი ეკირა. მე წამოწევა ვერ შევეძელი, რადგან ლიზაის ისევ ეძინა და მთელი ტანით გულზე დამწოლოდა. მაგრამ როგორც კი ყუთისკენ გამოწვდილი ორი გაძვალტყავებული ხელი დავინახე, რომელსაც ლიზაის ყუთიდან ამოყვანა უნდოდა, და ფრაუ ტენდლერის გაქვავებული სახე შევამჩნიე, ჩემს პატარა მეგობარს ხელი ისე გაშმაგებით შემოვხვიე, რომ ქალს ძველი იტალიური ჩალის ქუდი თავიდან კინალამ გადავადრე.

— ნელა, ბიჭო, ნელა! — შემომძახა მან და ერთი ნაბიჯით უკან დაიხია.

მე ყუთიდან ამოუსვლელად ძოვუყევი დილახდელი ამბავი, თან ჩემი თავიც არ დამიზოგავს.

— ამრიგად, ქალბატონო ტენდლერ, — წარმოთქვა მამა-ჩემმა, როცა მე ამბის თხრობა დავამთავრე, და ხელით იოლად მისახვედრი მოძრაობა გააკეთა, — ახლა თქვენ, ალბათ, კეთილს ინებებთ და ნებას დამრთავთ, რომ ეს საქმე ჩემს ვაჟიშვილთან მე დავასრულო.

— დიახ, დიახ, — ისე ენერგიულად წამოვიძახე მე, თითქოს მამაჩემი კარგ დროსტარებას დამპირებოდეს.

ამასობაში ლიზაიმიც გაიდვიდა და მამამ ხელში აიყვანა. მე შევცქეროდი, როგორ შემოხვია ლიზაიმ მამას კისერზე პაწაწინა ხელები და ხან ყურში რაღაცას ჩასჩურჩულებდა, ხან კი თვალებში სიყვარულით შესცქეროდა, ანდა დინჯად უქნევდა თავს. ბატონმა ტენდლერმა მამაჩემს ხელი მოჰკიდა და უთხრა:

— პატივცემულო ბატონო, აი ბავშვები როგორ ეჭომაგებოდათ ერთმანეთს. დედავ, არც შენა ხარ მაინცდამაინც გაბრაზებული. მოდი, ამჯერად ყველაფერი ვაპატიოთ!

მაგრამ ქალბატონი ტენდლერი ჩალის ქუდის ქვემოდან მაინც დაბლვერილი იყურებოდა.

— მალე გაიგებ, კასპერლეს გარეშე თავს როგორც გაიტან! — მკაცრად უთხრა ქალმა ქმარს.

მამაჩემის თვალებში მხიარული გამომეტყველება შევნიშნე, რამაც გულში იმედი გამიღვიძა, რომ ამჯერად ქექა-ქუხილი გვერდით ჩამივლიდა. მერე, როცა მამამ მათ აღუთქვა, ხვალ დაზიანებული თოჯინას შეკეთებაში მთელ ჩემს ცოდნასა და

ხელოვნებას მოვუხმობო, და ფრაუ ტენდლერმა იტალიური ჩალის ქუდი მოხდენილად შეათამაშა, დავასკვენი, რომ ამჟამად ჩვენ ორივენი მშრალზე უვნებლად გავედით.

მალე ყველანი ბნელ ქუჩაბანდებში მივდიოდით, ბატონი ტენდლერი წინ მიგვიძღვოდა და ფარნით გზას გვინათებდა, ჩვენ კი, ბავშვები, ხელიხელჩაკიდებულნი, მოხუცს უკან მივედევით. უცებ შემომესმა: „ლამე მშვიდობისა, პაულს ო, რა ძალიან მეძინება!“ და ლიზაი წავიდა. ახლალა შევამჩნიე, რომ ჩვენს სახლთან მივსულიყავით.

მეორე დღეს, სკოლიდან რომ დავბრუნდი, ბატონი ტენდლერი და მისი გოგონა უკვე ჩვენს სახელოსნოში ისხდნენ.

— მაშ, ასე, ბატონო კოლეგავ, — შემომესმა მამაჩემის ხმა, რომელიც უკვე თოჯინას შიგნითა ნაწილს ათვალეერებდა, — ჩვენი საქმე ცუდად იქნებოდა, თუ ჩვენ, ორი მექანიკოსი ამ ყმაწვილის ფეხზე დაყენებას ვერ შევძლებდით.

— მერე დედაც აღარ იბუზღუნებს არა, მამა? — წამოიძახა გახარებულმა ლიზაიმ.

ბატონმა ტენდლერმა შეიღს ნაზად გადაუსვა ხელი შავ თმაზე, მერე მამაჩემს მიუბრუნდა, რომელიც, მას უხსნიდა, როგორ აპირებდა თოჯინის შეკეთებას.

— ო, საყვარელო ბატონო, — მიუგო მან, — მე სულაც არ გახლავარ მექანიკოსი, ეს ტიტული თოჯინებთან ერთად ვიმემკვიდრე. ერთი ბერბტესგადენელი ხეზე ჭრის ოსტატი ვარ. ჩემი სიმამრი კი—თქვენ, ალბათ, გაგეგონებათ — ცნობილი მექანიკოსი იყო, ჩემი რეზელი ახლაც ძალიან ამაყობს იმით, რომ თოჯინების სახელგანთქმულ ოსტატ გაისეღბრეხტის* ქალიშვილია. სწორედ იმან გაუყეთა მექანიკაში ამ კასპერლესაც, მე კი მხოლოდ სახე გამოვუკოპიტე.

— ამისთვისაც, ბატონო ტენდლერ, — მიუგო მამაჩემმა, — ხელოვნებაა საჭირო. თქვენ კი ერთი ეს მითხარით, როგორ მოახერხეთ, რომ ჩემი ბიჭის მიერ ჩაღენილი საქმე თუმცა შუა წარმოდგენისას გაიგეთ, მაგრამ არ შეიმჩნიეთ?

საუბარმა ცოტა არ იყოს ჩემთვის უსიამოვნო სახე მიიღო, მაგრამ უცბად ბატონი ტენდლერის სახეზე მეთოჯინეს ეშმაკურმა. ღიმილმა გადაირბინა.

— ასეთ შემთხვევებში ყოველთვის მზად გვაქვს სხვა რამ სახუმარო ამბავი. ესეც არ იყოს, გვყავს მისი შემცვლელი ნომერი მეორე თოჯინა, რომელსაც ზუსტად ისეთივე ხმა აქვს.

ამასობაში მე ლიზაის კაბა ჩამოვწიე და უფროსების შეუმჩნევლად ბაღში გავიპარეთ. აი, სწორედ ამ ცაცხვის ქვეშ დავსხედით, ახლაც რომ მწვანე ტოტები გადაუშლია. ოღონდ ეს არის, კვლებში მაშინ ეს წითელი მიხაკები არა ჰყვავდა. ახლაც კარგად მახსოვს, მზიანი სექტემბრის დღე იყო, სამხრუბის ქაში. სამზარეულოდან დედაჩემი გამოვიდა და მეთოჯინეს გოგოს საუბარი გაუბა. ეტყობა, ეს ხალხი მასაც აინტერესებდა, გამოჰკითხა, რა ერქვა, თუმცა მე ზშირად მითქვამს მისთვის გოგონას სახელი, — და ყოველთვის თუ ასე მოგზაურობდა ქალაქიდან ქალაქში. მანაც უპასუხა, ლიზაი მქვიაო, ეს ჩემი პირველი მოგზაურობაა და ზემო გერმანული ამიტომ ჯერ კარგად ვერ ვისწავლეო. სკოლაში თუ დადიხარო? რასაკვირველია, სკოლაში უკვე დავდივარ, კერვა და ქსოვა კი მოხუცი ნათლისაგან ვისწავლეო. ნათლიაჩემსაც ასეთი ბაღჩა ჰქონდა და იქ მერხზე ერთად ვისხედით ხოლმეო, ახლა დედაჩემისგან ვსწავლობ, მაგრამ ის ძალიან მკაცრი ქალიაო.

დედაჩემმა თანაგრძნობით დაუკრა თავი და ისევ ჰკითხა, რამდენ ხანს აპირებენ შენი მშობლები აქ დარჩენასო. ეს მე

არ ვიცი, რამდენ ხანსაც დედა მოისურვებსო, ჩვეულებრივად კი ერთ ადგილზე ოთხ კვირას ვრჩებითო, მიუგო ლიზაიმ. „საზამთროდ თბილი პალტო თუ გაქვსო?“ დაინტერესდა დედაჩემი, ოქტომბერში თავლია ორთვალაზე საკმაოდ ეციებაო. პალტო კი მაქვს, მაგრამ საზამთროდ თხელია და, აქეთ რომ მოვდიოდით, საკმაოდ მციოდაო“.

ახლა, როგორც მე შევიტყვე, დედაჩემი უკვე მივიდა მისთვის საინტერესო მთავარ საკითხთან.

— მომისმინე, პატარა ლიზაი, — დაიწყო დედამ, — კარგა ხანია კარადაში მიკიდია ჩემი ბავშვობის დროინდელი გვარიანი პალტო. დიდი ხანია ეს პალტო აღარ მრგებს და არც გოგო მყავს, რომ იმისთვის გადამეკეთებინა. მოდი, ხვალ, ლიზაი, და ეს თბილი პალტო შენთვის გადავაკეთოთ.

სიხარულისაგან ლიზაი ერთიანად გაწითლდა და უცბად დედაჩემს ხელები დაუკოცნა, რის გამოც იგი უხერხულად შეიშშეშნა.

მოგეხსენება, ჩვენს მხარეში ასეთ ანცობას არ მივჩვევივართ. საბედნიეროდ ამ დროს სახელოსნოდან კაცები გამოვიდნენ.

— ამჯერად კასპერლე გადავარჩინეთ, — თქვა მამაჩემმა, — მაგრამ... — მამაჩემმა მე მომიბრუნდა, თითი დამიქნია, რაც ჩემი ხიფათის დასასრულად მივიჩნეე.

გახარებულმა, დედაჩემის ბრძანების შესასრულებლად ოთახში შევირბინე და დიდი შალი გამოვიტანე, რომ ეს-ესაა მორჩენილი კასპერლე სათუთად შეგვეხვია. ეს აუცილებელი აღმოჩნდა, რათა იგი ჩვენი ქუჩის ბავშვებისაგან დაგვეფარა, რომლებმაც აქეთობისას მართალია, თოჯინა გულწრფელად მაგრამ, ცოტა არ იყოს, უხერხული აღფრთოვანებით გამოაცილეს. შემდეგ იგი ლიზაიმ აიყვანა, ლიზაის კი მამამისმა ჩაპ-

კიდა ხელი და მადლობის მრავალგზის გადახდის შემდეგ მონადიროს სახლისაკენ კმაყოფილი გაემართნენ.

დაიწყო ბავშვური ბედნიერების ულამაზესი ხანა. ლიზაი მოვიდა მეორე დღეს, შემდეგაც ყოველდღე დადიოდა. მან იმუხუნჯერ სთხოვა დედაჩემს პალტოს გადაკეთებაში მომხმარებო, რომ დედამაც უარი ვეღარ უთხრა. თუმცა ლიზაი მხოლოდ უბრალო საქმეში ეხმარებოდა, დედაჩემის აზრით გოგონას კერვის კარგი ნიჭი ჰქონდა. ხანდახან მეც მათ ახლოს დავჯდებოდი და ხმამაღლა ვკითხულობდი მამაჩემის მიერ აუქციონზე ნაყიდ ვაისეს „ბავშვების მეგობარს“. მსგავსი გასართობი წიგნები ლიზაისთვის. ჯერჯერობით უცნობი იყო და ჩემი წანაკითხით მეტისმეტად აღტაცებული რჩებოდა.

„უ, რა ეშმაკური რამეა“, „ო, რა უცნაურ ამბავს არ გაიგონებ“, — ხშირად წამოიძახებდა ხოლმე ლიზაი და საკერავს კალთაში ჩაიდებდა. ზოგჯერ ჰკვიანი თვალებით ამომხედავდა და მეკითხებოდა: „ეს ყველაფერი რომ მხოლოდ ტყუილი ამბები იყოს?“

ასე მგონია, ახლაც მესმის ეს სიტყვები.

...ჩემი ოსტატი დადუმდა. შევამჩნიე. როგორ გაუბრწყინა მშვენიერი ვაჟკაცური სახე უთქმელმა ბედნიერებამ, თითქოს ეს ყველაფერი, რაც ეს-ესაა მინამბო, მართალია წარსულს ჩაბარდა, მაგრამ არავითარ შემთხვევაში დაკარგულ-დავიწყებული არ არისო. ცოტა ხნის დუმილის შემდეგ მან ისევ დაიწყო:

— გაკვეთილებს მაშინ რომ ვსწავლობდი, იმაზე უკეთ არასოდეს დამიმზადებია, რადგან ვგრძნობდი, მამაჩემი ჩვეულებრივზე ფხიზლად მადევნებდა თვალს და მეთოჯინეთა ოჯახთან ურთიერთობის უფლება ჩემი გაორკეცებული სიზეჯითით უნდა მომეპოვებინა.

— ეს ტენდლერები სახელოვანი ხალხია,— თქვა ერთხელ მამაჩემმა.— მეფუნდუკემ მითხრა, დღეს მათ უკეთესი ოთახი გამოვუყავიო. ნახარჯს ყოველ დღით ზუსტად იხდიან, მაგრამ ეს კია, სამწუხაროდ თავს ზედმეტი ნებივრობის უფლებას არ აძლევენო. ეს ამბავი,— ჩაუბრუნო მამაჩემმა თავისი აზრი,— მე უფრო მომწონს, ვიდრე მეფუნდუკეს.— ეტყობა, ისინი შავი დღისთვის ორიოდ კაპიკს ინახავენ, რაც ამგვარი ადამიანებისაგან მოსალოდნელი არ არის.

ო, რა სასიამოვნო იყო ჩემი მეგობრების ქების მოსმენა. დიან, ახლა ისინი ჩემს მეგობრებად მიმაჩნდა. როცა საღამოთი წარმოდგენის სანახავად დარბაზში შევიდოდი,— ახლა ბილეთი უკვე აღარ მჭირდებოდა,— თვით ქალბატონი ტენდლერიც კი ალერსით მიქნევდა თავს. ახლა იმას არ იკითხავ, სკოლიდან რა თავ-კისრის მტკრევით გამოვრბოდი? ვიცოდი, რომ ლიზა ჩვენსას იყო, ან სამზარეულოში შევლოდა დედაჩემს, ხან ბაღში იჯდა მერხზე და წიგნს კითხულობდა, ანდა ხელში საკერავე ეჭირა. მალე მოვიფიქრე, თუ როგორ გამომეყენებინა იგი ჩემი საქმისთვისაც. გადავწყვიტე, რომ თოჯინების თეატრის ხელოვნება უკვე კარგად ვიცოდი და განვიზრახე შემექმნა მარიონეტების საკუთარი თეატრი. საქმე თოჯინების კეთებით დავიწყე. ბატონი ტენდლერი მეხმარებოდა თოჯინის გამოსაჭრელად გამოსადეგი ხისა და ამოსაჭრელი დანის შერჩევაში, თან პატარა თვალები ეშმაკურად უციმციმებდა. ერთ დღეს ხის უბრალო პალოდან ქვეყანას მოევლინა კასპერლის უზარმაზარი ცხვირი. მაგრამ რადგან ჩემი თოჯინისათვის ნაშურის სამოსი ნაკლებ საინტერესოდ მივიჩინე, გაბრიელის ნაჩუქარი ქსოვილების ჩამონაჭრებისგან ლიზაიმ ჩემი მომავალი თოჯინების შესამოსავად ვერცხლითა და ოქროთი ამოქარგული

წამოსასხამები და კამზოლები შეეკრა. ხანდახან სახელოსნოდან თავის განუყრელი მოკლე ჩიბუხით ჩვენთან გამოვიდოდა ხოლმე მამაჩემის ქარგალი მოხუცი ჰაინრიხი. რამდენადაც მახსოვს, ჰაინრიხი მუდამ ჩვენი ოჯახის წევრად ითვლებოდა, გამომართმევდა დანას და ორიოდ ნაჭდევით ჩემს ნაკეთებს ერთბაშად დასრულებულ სახეს აძლევდა. მაგრამ ჩემს ფანტაზიას უკვე აღარ აკმაყოფილებდა ტენდლერებისეული მთავარი თოჯინის სახე, სხვაგვარი მინდოდა გამეკეთებინა. ჩემი თოჯინისთვის მოვიგონე აქამდე არნახული და მეტისმეტად მოქნილი სამგვარი სახსარი: მას უნდა ემოძრაებინა ქვედა ყბა, ექნია ყურები და ეტაკაყუნებინა ქვედა ტუჩი. და ფიქრი არ არის, ჩემი თოჯინა უჩვეულოდ მოხდენილი ყმაწვილი დადგებოდა, რომ ბოლოს ამდენი ჩხიკინის შემდეგ დაბადებამდე შენი ჰირი არ მოეჭამა. სამწუხაროდ პე ვერც იმას მივალწვიე, რომ ჩემი თოჯინასთვის პფალცგრაფ ზიგფრიდის ან თოჯინების კომედის რომელიმე სხვა გმირის მხიარული სიცოცხლე შთამებერა. სამაგიეროდ, კარგი მიწისქვეშა მღვიმე გვაკეთე, როცა ზემოთ ციოდა, მე და ლიზა იქ ჩავიდოლით, დავსხდებოდით პატარა მერხზე და ზემო სარკმლიდან ჩამოსული სინათლის შუქზე ვუკითხავდი ვაისეს „ბავშვების მეგობარს“, რომელიც ამას არა და არ სწყინდებოდა. ამხანაგები დამცინოდნენ, ქალაჩუნას მეძახდნენ, რადგან უწინდებურად მათთან თამაშს მეთოჯინეების გოგოსთან გართობა მერჩია. მათი დაცინვა სულაც არ მაწუხებდა. კარგად ვიცოდი, რომ ამას ისინი შურის გამო ჩადიოდნენ, ხოლო თუ ძალიან გამაბრაზებდნენ, მაშინ საქმეს მუშტი აწესრიგებდა.

...მაგრამ ამქვეყნად ღმერთს დაუსრულებელი რა გაუჩენია. ტენდლერებმაც ჩაათავეს ყველა პიესა. მონადირის სახლში სცენა დაშალეს და წასასვლელად გაემზადნენ.

და აი ოქტომბრის ერთ ქარიშხლიან დღეს ქალაქის განაპირას ბორცვზე ვიდექი და ხან აღმოსავლეთით მოტიტვლებულ მინდორზე გაჭიმულ ფართო სილიან გზას გაცუურებდი დამწუხრებული, ხან კი დაბლობში გაფენილ, ნისლსა და ბურუსში ჩაყვინთულ ქალაქს მოვავლებდი თვალს სევდიანად. აი გამოჩნდა პატარა ორთვალა, ზედ ორი მაღალი ყუთი დგას. ორთვალას ყოჩაღად მოაჩაქჩაქებს ხელებშუა გაბმული პატარა ქურანა. ბატონი ტენდლერი ახლა ორთვალას წინა კოფოზე იჯდა, უკან თბილ პალტოში გახვეული ლიზაი და დედამისი ისხდნენ. ფუნდუკის წინ მათ უკვე გამოვემშვიდობე, მერე კი წინ გამოვიქეცი, რომ ყველანი ერთხელ კიდევ დამენახა და მამაჩემის ნებართვით ლიზაისთვის სამახსოვროდ ვაისეს „ბავშვების მეგობარი“ გადამეცა. თან მქონდა დაზოგილი კაპიკებით წაყიდი ერთი შეკვრა ნამცხვარიც.

— გაჩერდით! გაჩერდით! — გავძახე გორაკიდან ორთვალაში მსხდომთ.

ბატონმა ტენდლერმა აღვირს მოსწია, ქურანა შედგა და ლიზაის ჩემი საჩუქრები გადავეცი, რომელიც მან გვერდით დაიწყო. ჩვენ სიტყვის უთქმელად ერთმანეთს ხელი ჩავეჭიდეთ და საბრალო ბავშვები ავეჭვითინდით. ბატონმა ტენდლერმა მაშინვე ქურანას მათრახი გადაუჭირა.

— მშვიდობით, ჩემო ბიჭიკო! კარგად იყავი და დედასა და მამას ჩვენი მადლობა გადაეცი! — გადმომძახა ორთვალადან.

— მშვიდობით! მშვიდობით! — გადმომძახა ლიზაიმაც.

ცხენი წაჩაქჩაქდა, მის კისერზე შებმულმა ზანზალაკმა წკარუნი დაიწყო. ვიგრძენი, როგორ გამიცურდა ხელებიდან ლიზაის პაწაწა ხელები და ტენდლერები გზას გაუდგნენ.

მე კვლავ ბორცვზე შევდექი და თვალმოუშორებლად გავ-

ცქეროდი ორთვალას, რომელიც მტვერში გახვეულიყო. ზან-
ზალაყის ხმა თანდათან სუსტდებოდა. ერთხელ აფრიალებუ-
ლი თეთრი ხელსახოციც დავინახე და შემოდგომის ნისლში
ორთვალა თანდათან ჩაიკარგა. ერთბაშად საშინელმა შიშმა
მომიცვა: შენ მათ ველარასოდეს ველარ ნახავ, ველარასო-
დეს! — შემომკენესა გულმა.

— ლიზაი, ლიზაი — გავძახე გზას.

მიუხედავად ამისა, ალბათ, იმიტომ, რომ გზა უხვევდა, ნი-
სლში ჭერაც მოცახცახე წერტილი სულ გაქრა და მეც გადა-
რეულივით ორთვალას დავედევნე. ქარმა თავიდან ქუდი გა-
დამაძრო, ფეხსაცმელები სილით ამივსო . . . ბევრი ვირბინე,
მაგრამ გახრიოკებული და უკაცური მინდურისა და ზედდამხო-
ბილი ცივი, რუხი ზეცის მეტი არაფერი ჩანდა. როცა ბოლოს,
შებინდებისას, სახლს მივალწიე, გულში ისეთი გრძნობა მქონ-
და, თითქოს მთელი ქალაქი ჩამკვდარიყო. ეს იყო ცხოვრებაში
ჩემი პირველი გამოშვიდობება.

როცა შემდგომ წლებში შემოდგომა ისევ გვესტუმრებოდა
ხოლომე, როცა ბალებში შაშვები დაბინავდებოდნენ და შნაი-
დერის ფუნდუკის წინ ცაცხვებს პირველი ყვითელი ფოთლები
ჩამოსცივოდა, ხშირად ვიჯექი ჩვენს ბაღში მერხზე და ვფი-
ქრობდი, ნუთუ როდისმე, ერთხელ მაინც, აღარ გამოჩნდებო-
და ქურანაშებმული პატარა ორთვალა ქუჩის ბოლოში.

მაგრამ ამაოდ ველოდი. ლიზაი აღარ გამოჩენილა.

ეს მოხდა თორმეტი წლის შემდეგ, როცა სავაჭრო სკოლა
დაჯამთავრე, ხელოსანთა სხვა შეილების მსგავსად მეც გავიარე
განჯაზისის მეოთხე კლასი და მერე მამაჩემთან შევეუდექი ხე-
ლობის შესწავლას. გავიდა ის დრო, როცა ხელობის შესწავლას-

თან ერთად წიგნების კითხვასაც ვახერხებდი. სამი წლის ხეტიალის შემდეგ შუაგერმანიის ქალაქში მოვხვდი. იქაურები თავგადასვლიანი კათოლიკეები იყვნენ და ამ საკითხში ვერავითარ შეკამათებას ვერ იტანდნენ. თუ ვინმე გაბედავდა და ქუჩაში სიმღერით და წმინდანებით მიმავალ პროცესიას ქუდს არ მოუხდიდა, იმას იქვე მიასიკვდილებდნენ. სხვა მხრივ კი კეთილი ხალხი იყო. სახლის პატრონი, ვისთანაც მე ვმუშაობდი, ქვრივი ქალი იყო. მისი ვაჟიშვილი ჩემსავით სხვა ქალაქში მუშაობდა, რათა შემდეგ, ოსტატის უფლების მიღების დროს, საამქრო წესდებით გათვალისწინებული მოგზაურობის წლების დამოწმება შესძლებოდა.* ამ ოჯახში თავს კარგად ვგრძნობდი. დიასახლი ი ი ისე მექცეოდა, როგორც მას სურდა, რომ მის სხვაგან წასულ შვილს მოქცეოდნენ და მალე იმდენად მენდო, მთელი საქმიანობის გაძლოდა და წარმოება მე გადმომაბარა. ახლა ჩვენი იოსები მუშაობს მის შვილთან. ჩემი ვაჟი ხშირად მწერს, მოხუცი დიასახლისი საკუთარი შვილიშვილივით მათამამებსო.

...ერთხელ, კვირა საღამოს, მე და ჩემი დიასახლისი იმ ოთახში ვისხედით, რომლის ფანჯრები დიდ საპყრობილეს გასცქეროდა.

იანვარი იდგა, თერმომეტრი ნულს ქვემოთ ოც გრადუსს უჩვენებდა. ქუჩაში კაცისშვილი არ ჩანდა. ახლომდებარე მთებიდან ქარი ღმუილით შემოიჭრებოდა ხოლმე და მოკირწყლულ ქუჩაზე ყინულის ლოლუებს წკრიალი გაუდიოდა.

— ასეთ დროს კარგია თბილ ოთახში კაცი ფინჯან ცხელ ყავას უჯდეს, — მომმართა დიასახლისმა და ფინჯანი მესამედ შემვივსო.

ფანჯარასთან ვიდექი. ჩემი ფიქრები მშობლიურ ქალაქს

დასტრიალებდა. თუმცაღა იქ მახლობლები აღარავინ დაპრჩენოდა — გამომშვიდობების მთელი სიმწარე ახლა უკვე ნაწვნივი მქონდა. მართალია, ბედმა წილად ის მაინც მარგუნა, რომ დედაჩემისათვის თვალები მე დამეხუჭა, მაგრამ რაჟღენივე კვირის წინ გარდაცვლილი მამა, მაშინდელი ცუდი გზების გამო, უკანასკნელ სამყოფელომდე ვერც კი გავაცილე. შამისეული სახელოსნო ოსტატადქცეული შვილის შინ დაბრუნებას ელოდა. მოხუცი ჰაინრიხი ჭერაც აღგილზე იყო და ამქრის ოსტატის ნებართვით სახელოსნოს საქმეს დროებით ის აწესრიგებდა. ამიტომ ჩემს კეთილ დიასახლისს აღუთქვი. ორი ოდ კვირას, შენი ვაჟიშვილის დაბრუნებამდე, აქ დავრჩები-მეთქი. ეს კი იყო, სიმშვიდე ველარსად მეპოვა: მამაჩემის ახლადგათხრილი სამარე ჩემს სხვაგან ყოფნას ველარ ითმენდა.

ამ ფიქრებში ვიყავი, როცა ქუჩის იქითა მხრიდან ვილაცის უშვერი გინება მომესმა. ზემოთ რომ ავიხედე, დავინახე ქლეჩიანი სახე საპყრობილის ზედამხედველისა, რომელიც საპატიმროს ნახევრად გაღებულ კარიდან გამოდიოდა. აწეული მუშტით ვილაც ქალს ემუქრებოდა, რომელიც ძალით ცდილობდა შესულიყო სხვებისთვის საშიშ შენობაში.

— ალბათ, ვილაც გულის საყვარელი ჰყავს შიგ. — წარმოთქვა სავარძელში მჯდომმა დიასახლისმა, რომელიც ჩემსავით ამ ამბავს შეჰყურებდა, — მაგრამ მაგ ბებერმა ცოდვილმა ხომ აღამიანების შეცოდება არ იცის.

— ეგ კაცი თავის მოვალეობას ასრულებს, — მიუუგე ჭერაც ფიქრებიდან გამოურკვევმა.

— არ ვისურვებდი ასეთი მოვალეობის ასრულებას, — ჩაილაპარაკა ქალმა და გაბრაზებული სავარძელს მიეყრდნო.

ამასობაში საპატიმროს კარი მიხურეს. ქალს მხრებზე მოკ-

ლე პალტო წამოესხა და თმა შავი თავშლით გაეკრა. იგი უკან გამობრუნდა და თავქვე ნელა დაუყვა მოყინულ ქუჩას. დიასახლისი და მე ხმას არ ვიღებდით. გულში ვგრძნობდი მოზღვავეებულ თანაგრძნობას ამ ქალისადმი, ვიცოდი, რომ ორივე ჩვენგანს მისი დახმარება გვეწყუროდა, მაგრამ არ ვიცოდით, რით დავხმარებოდით.

ის იყო დავაპირე ფანჯარას მოვცილებოდი, რომ ქალი ისევ უკან მობრუნდა, საპატიმროს კართან მივიდა და ცალი ფეხი კიბის საფეხურზე გაუბედავად შედგა. შემდეგ ქალმა თავი უკან შეაბრუნა და როცა დაცარიელებულ ქუჩას გახედა, დავინახე მისი ახალგაზრდული სახე და შავ თვალებში ჩამდგარი უსასო განწირულება. როგორც ჩანდა, ვეღარ გაებედა, რომ გულქვეა ზედამხედველის მუშტს წინ აღდგომოდა. გზა ისევ ნელა განაგრძო, თან მალი-მალ მოკეტილ კარს გახედავდა ხოლმე. აშკარად ჩანდა, თვითონაც არ იცოდა, სად წასულიყო. მაგრამ როცა ქალმა საპატიმროს კუთხეში ეკლესიისკენ მიმავალ ვიწრო ქუჩაზე გაუხვია, ჩემდა უნებურად კარზე მიმაგრებული საკიდიდან ქული ავიტაცე, რომ ქალს დავწვოდო.

— ასე, პაულსენ, სწორად იქცევი! — მითხრა კეთილმა დიასახლისმა. — წადი, მოუხმე; მე კი მანამდე ყავას გავაცხელებ!

გარეთ რომ გავედი, სახეში სუსხიანი ყინვა მეძგერა. ირგვლივ ყველაფერი ჩამკვდარიყო. ქალაქის ნაპირას წამომართულ მთაზე შეფენილი ჩაშავებული ნაძვნარი რისხვით იმზირებოდა. სახლების ფანჯრებზე უმეტესად ყინულის თეთრი ფარდები აკრულიყო, რადგან ჩემი დიასახლისივით ყველას ხუთი საყენი შეშა არ ჰქონდა მომარაგებული. ვიწრო ქუჩით

ეკლესიის მოედნისკენ გავემართე. მალე დავინახე გაყინულ მიწაზე დამხობილი, ხის დიდი ჯვარცმის წინ დაჩოქილი ახალგაზრდა ქალი. ხმის ამოუღებლად მივეუახლოვდი. როცა ქალმა თვალები ჯვარზე გაკრულ სისხლიან სახეს მიაპყრო, ხმადაბლა წარმოვთქვი:

— მაპატიეთ, რომ ლოცვას გაწყვეტინებთ. გეტყობათ, აქური არ უნდა ბრძანდებოდეთ!

ქალმა თავი დამიქნია, მაგრამ არ წამომდგარა.

— მინდოდა დაგხმარებოდით, — დავიწყე ისევ, — თლონდ მითხარით, საით მიდინხართ?

— ახლა მე თვითონაც აღარ ვიცი, სად წამესვლება, — მიპასუხა მან და კვლავ თავი ჩაპკიდა.

— ერთ საათში მთლად დაბნელდება, ამ უღმერთო ყინვაში გარეთ ხომ ვერ დარჩებით?

— ღმერთი მიშველის რამეს, — მომესმა მშვიდი პასუხი.

— ჰო, რასაკვირველია. მეც ასე მჭერა, რომ თავად ღმერთმა გამოგზავნა თქვენს საშველად.

თითქოს ჩემს ხმას გამოეფხიზლებინოს, ქალი ფეხზე წამოდგა და გაუბედავად მომიახლოვდა, კისერი წაიგრძელა და სულ ახლოს მოვიდა, თან ისე მიმზერდა, თითქოს სულში უნდა ჩამხედოსო.

— პაულო! — შესძახა უცბად სიხარულით აღტაცებულმა ქალმა. — ჰო, პაულ, სწორედ რომ ღმერთმა გამოგზავნა.

სად მჭონდა აქამდე თვალები! ეს ხომ ჩემი ბავშვობის მეგობარი, პატარა ლიზაი იყო! ჰო, ის იყო, თლონდ ახლა მოხდენილი ქალიშვილი დამდგარიყო, მის ჩვეულებრივად მოღიმარ სახეს ამ შეხვედრით გამოწვეული სიხარულის სხივი ჩამოსცილდა და ღრმა მწუხარების ანაბეჭდი დაეუფლა.

—საიდან მოხვდი აქ, ლიზაი, ასე მარტოდმარტო? — ვკითხე მე. — რა გადაგხდა. თავს? მამაშენი სად არის?

— საპატიმროშია, პაულ.

— საპატიმროშია? იქ არის შენი კეთილი მამა?... მაგრამ აქ რას ვუდგევართ, წამო ჩემთან. აქ ერთ გულკეთილ ქალთან ვმუშაობ. ის გიცნობს, ხშირად მოგყვოლივარ მასთან შენს ამბებს.

ჩვენ ერთმანეთს ხელი ჩავკიდეთ, როგორც ეს ბავშვობისას ვიცოდით ხოლმე, და სახლისკენ გავემართეთ, საიდანაც ჩემი დიასახლისი გვიმზერდა.

— ეს ლიზაია! — ოთახში შესვლისთანავე შევეძახე დიასახლისს; — წარმოგიდგენიათ, ის ლიზაია, რომ გიამბობდით ხოლმე.

• დიასახლისმა გაოცებით ხელი ხელს შემოჰკრა:

— შენ გვიშველე, ღვთისმშობელო დედაო მარიამი მაშ ეს არის ლიზაი? მაშ ასეთია იგი? მერე და შენ რა საქმე გქონდა იმ ბებერ ცოდვილთან? — ჰკითხა დიასახლისმა ქალს და თითი საპატიმროსკენ გაიშვირა. — პაულისგან ვიცი, რომ პატიოსანი მშობლების შვილი ხარ.

მერე ჩემმა დიასახლისმა ლიზაი ოთახში შეიყვანა და თავის სავარძელზე დასვა. სანამ ლიზაი მის კითხვაზე პასუხს გასცემდა, დიასახლისმა ფინჯანი ცხელი ყავაც მოუტანა.

— ჯერ ეს დალიე და ცოტა შეთბი, ხელები სულ მთლად გაგყინვია.

ლიზაი სმას შეუდგა. თვალთაგან ორი ცრემლი ჩამოუგორდა და ფინჯანში ჩავარდა. მერე თხრობა დაიწყო.

ლიზაი ახლა აღარ ლაპარაკობდა მშობლიურ დიალექტზე, როგორც ბავშვობაში ახდა წელან რომ მოუქცია ეკლესიის

მოედანზე. მის ლაპარაკში ოდნავლა იგრძნობოდა სამხრეთუ-
ლი კილოს ანარეკლი. ეს იმით იყო გამოწვეული, რომ თუმცა
მისი მშობლები ჩვენს სანაპირომდე არ მოსულან, მაგრამ უმე-
ტესად შუა გერმანიაში მოგზაურობდნენ. დედა რამდენიმე
წლის წინ გარდაცვლოდა. „მამაშენს ნუ მიატოვებ, — ჩურ-
ჩულით უთხრა სიკვდილის წინ დედამ ლიზაის, — მას ბავ-
შვის გული აქვს და შეუფერებლად კეთილია ამა ქვეყნისათ-
ვის“.

ამის გახსენებაზე ლიზაი აქვითინდა. გასამხნეებლად ჩემ-
მა დიასახლისმა მას მეორე ფინჯანი ყავა მიუტანა, მაგრამ ლი-
ზაიმ პირი აღარ დააყარა. კარგა დრო გავიდა, სანამ იგი და-
მშვიდდებოდა. ბოლოს ისევ თხრობა განაგრძო.

დედის სიკვდილის შემდეგ მისი პირველი საზრუნავი იყო,
რომ მამის ხელმძღვანელობით ესწავლა ქალი თოჯინების რო-
ლები, რასაც მანამდე გარდაცვლილი ასრულებდა.

მიცვალებული დაასაფლავეს, მისი სულის საცხოვრებლად
წირვა გადაიხადეს, ახლად - ახალი ბორცვი მიატოვეს და მამა
და ქალიშვილი კვლავ გზას გაუდგნენ. ძველებურად დგამდ-
ნენ „გზადაკარგულ ვაჟიშვილს“, „წმინდა ჟენევიევას“ და სხვა
პიესებს.

წინა დღეს ისინი ერთ დიდ სოფელში მივიდნენ, სადაც
სადილად შეისვენეს. ღარიბულად ისადილეს და იქვე მერხზე,
მაგიდასთან მამა ტენდლერმა ნახევარი საათით წაუძინა, ხო-
ლო ლიზაი ცხენის მისახედად გარეთ გამოვიდა. მალე ამის
შემდეგ შალის საბნებში გაეხვივნენ და უწყალო ყინვას თავი
მისცეს.

— მაგრამ შორს წასვლა ვერ მოვასწარით, — განაგრძობ-
და ლიზაი, — სოფლის ბოლოში ცხენოსანმა ჩაფარმა ცხენი

ზედ მოგვადო და ღრიალსა და ლანძღვა-მუქარას მოჰყვა. თურმე მაგიდის უჯრიდან მედუქნეს ფულის ქისა დაჰკარგვოდა, ხოლო ოთახში მხოლოდ ჩემი უდანაშაულო მამა იყო. ვაი ზენ, რომ არც სამშობლო გვაქვს, არც მეგობრები გვყავს და პატივსაც არავინ გვცემს. არავის ხალხად არ მივაჩნივართ.

— რას ამბობ, ბავშვო, — შესძახა ჩემმა დიასახლისმა და ჩემსკენ გამოიხედა, — ნუ სცოდავ ასეთი ლაპარაკით.

მე ხმა ვერ ამომელო, რადგან ღიზის საყვედური სიძარტლეს მოკლებული არ იყო. ისინი იძულებული გახდნენ უკან დაბრუნებულიყვნენ სოფელში. ორთვალა და მთელი მათი ავლადიდება სოფლის მამასახლისმა ჩამოართვა. მოხუც ტენდლერს კი უბრძანეს, ცხენზე ამხედრებულ ჩაფარს ქალაქისკენ ფეხით გაჰყოლოდა. ჩაფარი ღიზის მამასთან ახლოს არ უშეებდა და იგი იძულებული იყო შორიანლო ასდევნებოდა იმ იმედით, რომ სანამ ღვთის შემწეობით რაიმე გაირკვევა, იმასაც მამასთან ამყოფებდნენ ციხეში. მაგრამ ეჭვი მასზე არ მიუტანიათ და ინსპექტორი მართალი იყო, როცა აბეზარს კარი ცხვირწინ მოუყეტა, რადგან ფიქრობდა, რომ მას ამ შენობაში შესვლის პრეტენზია არ უნდა ჰქონოდა.

ინსპექტორის საქციელი ღიზის ვერაფრით ვერ გაეგო და ეს ყოველგვარ სასჯელზე მეტ დასჯად მიაჩნდა, რომელიც, რასაკვირველია, თავის დროზე ნამდვილად დამნაშავეს უნდა ეწვნია.

— მაგრამ ასეთ სასტიკ სასჯელს დამნაშავესაც არ ვუსურვებ, თუკი შესაძლებელი გახდება, რომ ჩემი კარგი მამიკოს უდანაშაულობა დამტკიცდეს. — აჩქარებით დაუმატა ღიზიმ. — ო, საბრალო მამაჩემი. ტყუილია, ის ამ სირცხვილს ვერ გადაიტანს.

უცბად გამახსენდა, რომ მე საპატიმროს მოხუცი კაპრალია და ბატონ კრიმინალური კომისრისათვის შეტად საჭირო კაცი ვიყავი: ერთს სართავ მანქანებს ვურემონტებდი, მეორეს კი — ძვირფას ჯაყვებს ვუღესავდი. პირველისაგან, თუ სხვა არაფერი საპატიმროში შესვლის ნებას მაინც მივიღებდი, ხოლო მეორესთან შემეძლო ბატონი ტენდლერის კარგი რეპუტაცია დამედასტურებინა და ამით მისი საქმის გადასინჯვა დამეჩქარებინა. ლიზაის ვთხოვე, მოთმინებას მოუხმემეთქი, და მაშინვე საპატიმროსაკენ გავეშურე.

ქლექიანი ინსპექტორი ისევ უსირცხვილო ქალების ლანძვას მოჰყვა, ისინი მუდამ თავიანთი ავაზაკი ქმრებისა და მამების საკანში შესვლას ითხოვენო.

მე მას ავუტკბალე ჩემი ძველი მეგობრის ამ სახელით მოხსენიება, სანამ სასამართლო „სამართლის სახელით“ არ დადასტურებდა მის ავაზაკობას, რაც არასოდეს არ მოხდებოდა — ამაში მე მტკიცედ ვიყავი დარწმუნებული. ბოლოს, ცოტაოდენი წაკამათების შემდეგ, ფართო კიბე ავიარეთ და მეორე სართულზე ავედით.

დახავსებულ საპატიმროში ჰაერიც დაპატიმრებული იყო: როგორც კი გრძელ ტალანში შევედით, საშინელი სუნისაგან სუნთქვა შეგვეკრა. ტალანის ორივე მხარეს ერთკაციანი საკანები იყო ჩამწყრივებული. ტალანის ბოლოში ერთ ასეთ საკანთან შევჩერდით. ინსპექტორმა გასაღებების ასხმა შეარჩია და საჭირო გასაღები მოძებნა. კარმა გაიჭრიალა და საკანში შევედით.

შუა საკანში ჩვენსკენ ზურგშექცევით იღვა ტანმორჩილი, გამხდარი კაცი, რომელიც, ეტყობოდა, სქელ კედელში ზემოთდატანებული ფანჯრიდან ჩაყამული ცის პატარა ნაგლეჯს

შეპყურებდა. მის თავზე უმაღლესი შევამჩნიე ზღარბივით გაბურ-
ძგვნილი თმა, ისიც ისევე, როგორც ზამთარში ბუნება თეთ-
რად შემოსილიყო. ჩვენს შესვლაზე პატიმარი შემობრუნდა.

— ველარ მიცანით, ბატონო ტენდლერ? — კვითხე მე.

მან აჩქარებით შემაველო თვალი და მიპასუხა:

— არა, ბატონო, პატივი არ მაქვს, გიცნობდეთ!

მე ჩემი მშობლიური ქალაქის სახელი წარმოვთქვი და ვუ-
თხარი:

— ის უმაქნისი ყმაწვილი გახლავართ, ერთხელ რომ თქვე-
ნი მარჯვე კასპერლე გაგიფუჭეთ.

— არა უშავს რა! — მომიგო მან დარცხვენით და მდაბ-
ლად დამიკრა თავი. — ეგ ამბავი კარგა ხანია დამავიწყდა
კიდევ.

როგორც ჩანდა, პატიმარი არ მისმენდა, რადგან ტუჩებს
შეუჩერებლად ამოძრავებდა, თითქოს საკუთარ თავს სულ
სხვა ამბებზე ელაპარაკებო.

ახლა ის მოვუყევი, როგორ ვიპოვე ლიზაი ამ ცოტა ხნის
წინათ. მოხუცმა ახლალა შემომხედა დაკვირვებით.

— მადლობა უფალს! მადლობა უფალს! — წარმოთქვა მან
და ხელები მალა შემართა. — დიახ, დიახ! პატარა ლიზაი და
პატარა პაული ოდესღაც ერთად თამაშობდნენ... პატარა პა-
ული! პატარა პაული ხართ თქვენ? ო, ახლა კი მჯერა! კარ-
გად ვიცანი მაშინდელი მხიარული ბიჭის სახე. — მოხუცმა
ტენდლერმა თავი ისე დამიქნია, რომ თეთრი ზღარბულა თმა
აუთამაშდა. — ჰო, გამახსენდა თქვენი ზღვისპირა ქალაქი.
მას შემდეგ იქ აღარ ვყოფილვართ. კარგი დრო იყო მაშინ.
ჩემი ცოლიც, დიდი გაისელებრეხტის ქალიშვილიც ჩვენთან
იყო. „იოსებ, — მეტყოდა ხოლმე იგი, — ხალხიც რომ მავ-

თულებზე გამობმული იყოს, იმათაც შენს ნებაზე ათავაშებო“. ახლა რომ ის ცოცხალი მყავდეს, ესენი აქ ვერ გამომამწყვდევენ. ღმერთო, შენ მისმინე, მე ხომ ქურდი არა ვარ, ბატონო პაულსენ.

ინსპექტორმა, რომელიც ტალანში წინ და უკან მამოდინდა, უკვე რამდენჯერმე შეაქლარუნა გასაღებების შეკვრა. შეგეცადე მოხუცი დამემშვიდებინა და ვთხოვე, რომ პირველი დაკითხვის დროს თავისი კეთილსინდისიერების დასადასტურებლად მოწმედ მე დავესახელებინე, რადგან ამ ქალაქში კარგად მიცნობდნენ და პატივსაც მცემდნენ.

სახლში გამოვბრუნდი. შინ რომ შევედი, დიასახლისმა შემომძახა:

— ეს რა ჯიუტი ქალიშვილი ყოფილა, პაულსენს ვერაფრით ვერ გადავათქმევინე! ღამის გასათევად პატარა ოთახი მივუჩინე, იმას კი მათხოვართა თავშესაფარში ანდა სადღაც სხვაგან უნდა თავის შეფარება.

ლიზაის ვკითხე, პასპორტი თუ გაქვს-მეთქი თან.

— ღმერთო ჩემო, პასპორტები სოფლის მამასახლისმა ჩამოგვართვა.

— მაშ კარს არავინ არ გაგიღებს, — ვუთხარი მე. — ეს ხომ თავადაც კარგად იცი.

ეს, რასაკვირველია, იმანაც იცოდა და კმაყოფილმა დიასახლისმა ლიზაის ხელი გაუწოდა:

— ძალიან კარგია, რომ სხვის ნებაზე არ დადიხარ. პაულსისგან დაწვრილებით ვიცი, როგორ გაატარეთ ერთხელ ყუთში ერთად ღამე. მაგრამ ჩემგან ასე იოლად თავს ვერ დაიძვრენდი.

ლიზაიმ დაიმორცხვა და იატაკს დააჩერდა. მერე მოუთ-

მენლად გამოძიება მამის ამბავი. ლიზის ყველაფერი ვუამბე, შემდეგ დიასახლისს ქვეშაგები ვთხოვე, ზოგი რამ ჩემი ლოგინისაც დავუმატე და პატიმარს წავუღლე საკანში. საამისონებართვა ინსპექტორს ადრევე ვთხოვე. დაღამებისას უკვე გულდაიმედებულები ვიყავით, რომ ჩვენი ძველი მეგობარი შიშველ საკანში თბილ ლოგინს და საუკეთესო ბალიშზე დაუმიძებელი სინდისის მეოხებით კარგ ძილს მიეცემოდა.

მეორე დილას, ის იყო ბატონ კრიმინალურ კომისართან წასასვლელად გავემზადე და ქუჩაში გამოვედი, რომ საპატიმროდან ჩემსკენ გამოემართა საშინაო ფეხსაცმელებში ფეხებწაყრილი ინსპექტორი.

— თქვენ მართალი აღმოჩნდით, პაულსენ, — მომმართა მან ხრინწიანი ხმით. — ის კაცი ავაზაკი მართლა არ ყოფილა. ნამდვილი ქურდი ახლახან მომიყვანეს. თქვენს მოხუცს დღევანდელად გაუშვებენ.

მართლაც რამდენიმე საათის შემდეგ საპატიმროს კარი გაიღო და მოხუც ტენდლერს ინსპექტორმა, ბრძანებას, მიჩვეული ხმით, გზა ჩვენსკენ მოასწავლა. უკვე სადილობის დრო იყო და ჩემმა დიასახლისმა მანამდე ვერ მოისვენა, სანამ ბატონი ტენდლერიც სუფრას არ მიუხვდა თავის ქალიშვილის გვერდით. დიასახლისის მრავალგზის შეპატიჟების მიუხედავად, მოხუცს საგანგებოდ გაკეთებული საქმლისათვის ხელი თითქმის არ დაუკარებია, ჩუმად იჯდა და თავის საფიქრალს მისცემოდა. შევამჩნიე, რომ დროდადრო თავის ქალიშვილის ხელს აიღებდა და ნაზად ეალერსებოდა, უცბად გარეთ ზარის წკარუნდი გაისმა. რასაკვირველია, კარგად ვიცოდი, რაც იყო,

მაგრამ ისე მომეჩვენა, თითქოს იგი ჩემი შორეული ბავშვობას დროიდან მოისმოდა.

— ლიზაი! — ჩურჩულით წარმოვთქვი მე.

— ჰო, პაულ, მეც მესმის.

ორივენი წამოვიჭერით და კართან მივედით, გამოვალე და რას ვხედავ: ქუჩას დაღმართში მოუყვება ისევ ის ორთვალა, ზედ ისევ ორი მაღალი ყუთი დევს! რა ხშირად მინატრია მათი ნახვა!.. ორთვალას გვერდით გლეხის ბიჭი მოსდევს, ხელში მათრახი და აღვირი უჭირავს. მაგრამ ზანზალაკი ახლა ორთვალაში გაბმულ სისვ ცხენს ჰკიდია ყელზე.

— ის ქურანა რა უყავით? — ვკითხე ლიზაის.

— ქურანა? ერთ დღეს გზად მივედიოდით და ორთვალაში გაბმულმა დალია სული. მამამ მაშინვე სოფლიდან ვეტერინარი ექიმი მოიყვანა, მაგრამ საბრალოს სიცოცხლე აღარ ეწერა.

ამ სიტყვებზე ლიზაის თვალთავან ცრემლი წასკდა.

— რა დაგემართა, ლიზაი? — ავღელდი მე. — ახლა ხომ ყველაფერი კარგად არის.

უარყოფის ნიშნად ლიზაიმ თავი გაიქნია:

— მამაჩემის მდგომარეობა მაფიქრებს. რალაც უცნაურად დუმს... ამ სირცხვილს ეგ ვერ გადაიტანს.

და მართლაც აღმოჩნდა, რომ ლიზაის მოსიყვარულე თვალითა და გულით დანახული მართალი იყო. როცა მამა-შვილი ერთ პატარა სასტუმროში დავაბინავე და მოხუცი გვეგმებს აწყობდა, თუ საით გამგზავრებულიყვნენ, — ამ ქალაქში იგი ხალხს ვეღარ ენახებოდა, — უცბად შეამცივნა და იძულებული გახდა ლოგინში ჩაწოლილიყო. მალე ექიმი მოვიყვანეთ. აღმოჩნდა, რომ მოხუცი სერიოზულად იყო ავად. მეში-

ნოდა ავადმყოფობის გამო გაჭირვებაში არ ჩავარდნილიყვნენ და ლიზაის ფული შევეთავაზე. მაგრამ ლიზაიმ მიპასუხა:

— შენგან, რასაკვირველია, ფულს სიხარულით მივიღებდი, მაგრამ ამჯერად ნუ შეწუხდები, არცთუ ეგრე უქონლები ვართ.

სხვა რაღა დამრჩენოდა იმის მეტი, რომ ავადმყოფის სარეცელთან ღამის თენებაში შეეშველებოდი ლიზაის, ანდა, როცა ავადმყოფი გამომჯობინდა, საღამოობით მივსულიყავი და ერთი-ორი საათი საუბრით გამეერთო.

ამასობაში ჩემი შინდაბრუნების დროც ახლოვდებოდა და გული თანდათან მიძიმდებოდა. ლიზაის ყოველი ნახვა თითქოს გულს მიკოდავდა, რადგან მალე, ალბათ, ისიც წავიდოდა აქედან და მამასთან ერთად ისევ ხეტიალს მოჰყვებოდა. ნეტავ იმასაც ჰქონოდა მუდმივი ბინა? სად უნდა მიმეწვდინა ხმა, როცა მათთვის ჩემი ამბის ცნობება და საღამის შეთვლა მომინდებოდა? გამახსენდა და თვალი გადავაავლე იმ თორმეტ წელს, რაც ჩვენი პირველი გამომშვიდობებიდან გასულიყო. ნუთუ კიდევ ამდენივე დრო უნდა გამპარვოდა თვალსა და ხელს შუა, ანდა მთელი სიცოცხლეც, მის მოლოდინში?

— შინ რომ დაბრუნდები, შენს სახლსა და ეზო-ყურეს ჩემი საღამი გადაეცი, — მითხრა ლიზაიმ წასვლის წინ, როცა კართან მომაცილა. — ახლაც ცხადად ვხედავ იმ მერხს, ცაცხვის ქვეშ რომ დგას ბაღში. ოჰ, ვერც ვერასოდეს დავივიწყებ. არსად ისე კარგად არ მიგრძენია თავი, როგორც იქ.

ის რომ ამას მეღაპარაკებოდა, ასე მეგონა უკუნეთ ბნელში ჩემი მზით გაბრწყინებული ქალაქი ამოტივტივდა-მეთქი. ვხედავდი დედაჩემის მოალერსე თვალებს, მამაჩემის მტკიცე და პატიოსან სახეს.

— ეჰ, ლიზაი, — მივუგე მე, — სადღა არის ჩემი სახლი და ეზო-ყურე. ახლა ყველაფერი დაცარიელდა და გაუდაბურდა.

ლიზაიმ არაფერი თქვა, ხელი გამომიწოდა და თავისი კეთილი თვალები შემომანათა.

ერთბაშად თითქოს დედის ხმა შემომესმა: „მტკიცედ ჩაჰკიდე ხელი ამ ხელს, მასთან ერთად დაბრუნდი შინ და შენს ძველ ბუდეს ისევ მოიპოვებ“.

მეც მტკიცედ ჩავკიდე ხელი მის ხელს და ვუთხარი:

— ლიზაი, მოდი ერთად დავბრუნდეთ იქ და ერთად ვცადოთ დაცარიელებულ სახლ-ქარში ახალი ცხოვრების აღორძინება, ისევე კარგი ცხოვრებისა, როგორც ძველებმა გაატარეს. შენ ხომ ოდესღაც გიყვარდა ისინი.

— პაულ! — შესძახა მან. — მაგას რას მეუბნები? არ მესმის შენი!

ჰისი ხელი თრთოდა ჩემს ხელში, ცახცახებდა და შეუჩრება არ წივედლო. მე მხოლოდ ეს ვუთხარი:

— შეეცადე, ეკებ როგორმე გამიგო!

ერთხანს ლიზაიმ იყუჩა, შემდეგ ესლა სთქვა:

— არ შემიძლია, პაულ, მამაჩემის მიტოვება!

— არც არის საჭირო, ლიზაი! ისიც ჩვენთან წამოვიდეს. უკანა ფლიგელში ორი ოთახია, ახლა ორივე ცარიელია. მამაშენმა იქ იცხოვროს და იჩუჩუნოს მისთვის. მოხუცი ჰაინრიხის სენაკიც ზედვება.

ლიზაიმ თავი დაიქნია და თავისი აზრი გამოთქვა:

— მერე, პაულ, ჩვენ რომ მოხეტიალე ხალხი ვართ! შენი მეზობლები რას იტყვიან?

— სალაპარაკო გაუჩნდებათ და გაკილვას არ დაგვაკლებენ.

— მერედა, შენ არ გეშინია?

ამაზე მე სიცილით ვუპასუხე.

— მაშ კარგი, — ზარივით გაიწკრიალა მისმა ხმამ. — თუ შენ არ გეშინია, მე მით უფრო არ მეშინია.

— სიამოვნებით თუ ეთანხმები ჩემს წინადადებას?

— რასაკვირველია, პაუელ! სიამოვნებით რომ არ დაგთანხმებოდი, — ლიზაიმ თავი ჩემსკენ გადმოიქნია, — მაშინ არც წამოგყვებოდი...

— შენ კი, ჩემო ბიჭიკო, — შეწყვიტა ამბის თხრობა ჩემმა უფროსმა მეგობარმა, — შემდეგში გაიგებ, თუ როგორია ქალიშვილის შავი თვალები იმ დროს, როცა იგი ასეთ სიტყვებს წარმოთქვამს. მანამდე კი წლობით ცდა კიდევ მოგიწევს.

„პო, ქალიშვილის შავი თვალება“, — გავიფიქრე მე, — „განსაკუთრებით ისეთი, რომლებსაც მთელი ტბის ამოშრობა შეუძლიათ“.

— ამგვარად, შენ, ალბათ, უკვე იცი, — განაგრძო ისევ პაუელქენმა. — ვინც არის ეს ლიზაი, არა?

— ეს ხომ ფრაუ პაულსენია, — ვუპასუხე მე. — ამას შე ადრევე მიხვდები! იგი აქამადაც თავის კილოზე მოუქცევს ხოლმე, ამას გარდა მის წვრილ წარბებს დღესაც შავი თვალები შეჰფარებია.

ჩემმა მეგობარმა გაიცინა, მე კი ჩუმად გადავწყვიტე, სახლში რომ შევალთ. ფრაუ პაულსენს ერთხელ კიდევ შევათვალიერებ, თუ კიდევ ვიცნობ მის გარეგნობაში მეთოჯინე ლიზაის - მეთქი.

— მოხუცი ბატონი ტენდლერი რაღა იქნა? — ხემაღლა ვიკითხე მე.

— იქ წავიდა, სადაც ყველა ჩვენგანი წავა, ჩემო პატარა მეგობარო, — მიპასუხა პაულსენმა. — ჩვენი სასაფლაოს მწვანე ველზე განისვენებს, მოხუცი ჰაინრიხის გვერდით. მაგრამ სამარეში განისვენებს ჩემი ბავშვობის მეორე მეგობარიც. ამასაც სიამოვნებით მოგიყვები, ოღონდ ცოტა ქვემოთ ჩავიაროთ. ვაითუ ჩემმა ცოლმა გამოგვხედოს, და არ მინდა ეს ამბავი კვლავ გაიხსენოს.

პაულსენი წამოდგა და ჩვენ ბალის უკან მიმავალ ბილიკს დავადექით. გზად ორიოდ გაქვლეტი თუ ჩანდა, რადგან უკვე საღამოს ლოცვის ზარი დაჩეკეს.

— მომისმინე, — კვლავ დაიწყო პაულსენმა აშბის თხრობა. — მოხუც ტენდლერს მაშინ ძალზე გაუხარდა ჩვენი ნიშნობა. მან გაიხსენა ჩემი მშობლები, რომლებსაც ერთ დროს იცნობდა. ამას გარდა. მუდმივი ხეტიალით დაქანცულიყო კიდევ. მას შემდეგ, რაც იგი ხელიდან წასულ მაწანწალად მიიჩნიეს, ერთი სული ჰქონდა, მუდმივი სამყოფელი გაეჩინა. ისიც უნდა გითხრა, რომ ჩემი კეთილი დიასახლისი ამ გადაწყვეტილებით მაინცდამაინც კმაყოფილი არ ჩანდა. იგი შიშობდა, ვაითუ მოხეტიალე მეთოჯინეს ქალიშვილმა მყარ ცხოვრებას მიჩვეულ ხელოსანს შესაფერი ცოლობა ვერ გაუწიოსო. რასაკვირველია, იგი უკვე კარგა ხანია დარწმუნდა საწინააღმდეგო ამბავში.

ასე და ამრიგად ერთი კვირაც არ გასულიყო, რომ მე უკვე აქ ვიყავი, მთებიდან ჩრდილოეთის ზღვის სანაპიროსკენ დავეშვი და ჩემს ძველ მშობლიურ ქალაქში ჩამოვედი. მე და ჰაინრიხმა საქმეს ფიცხლად მოვკიდეთ ხელი, ამასთანავე მამა იო-

სებისათვის განკუთვნილი უკანა ფლიგელის ორი თავისუფალი ოთახიც წესრიგში მოვიყვანე. გავიდა კალევე ორი კვირა, — პაერი უკვე გაზაფხულის პირველი ყვავილებს ნაზმა სურნელმა აავსო, — და ჩვენი ქუჩის ბოლოდან შემომესმა ნაცნობი ზან-ზალაკის წკარუნი.

—ოსტატო, ოსტატო!—შემომძახა მოხუცმა ჰაინრიხმა,— მოდიან, ისინი მოდიან!

მალე ჩვენი სახლის წინ პატარა ორთვალა შედგა. ზედ ორი მაღალი ყუთი იდო. მოვიდა ჩემი ლიზაი, მოვიდა მამამისი იოსები, ორივეს ლოყები ასტკრეცოდა და სიხარულისაგან თვლები უელავდათ. მოვიდნენ და თან მოიყვანეს თოჯინების მთელი თეატრი. პირობის თანახმად თოჯინები მთელი სიცოცხლის მანძილზე მამა იოსებთან უნდა დარჩენილიყო, ორთვალა კი მეორე დღესვე გაყიდა.

გადავიხადეთ ქორწილი. ბევრი არავინ მოგვიპატიჟნია, რადგან ნათესავები ქალაქში თითქმის არავინ გვყავდა. გარეშეთაგან მხოლოდ ნავსადგურის უფროსი, ჩემი სკოლის ამხანაგი, გვესწრებოდა, ისიც ჩვენი ეჯიბი იყო. ლიზაიც თავის მშობლებივით, კათოლიკე გახლდათ. მაგრამ არასოდეს გვიფიქრია, რომ ეს ჩვენი ქორწინების ხელშემშლელი მიზეზი იქნებოდა. პირველ ხანებში ლიზაი დიდმარხვის ზიარებაზე მეზობელ ქალაქში მიდიოდა, სადაც კათოლიკური თემია, შემდეგ კი ყოველ ცოდვაზე აღსარებას ჩემთან ამბობდა.

ქორწილის მეორე დღეს მამა იოსებმა მაგიდაზე ორი ქისა დამიდო. ერთში, უფრო მოზრდილში, ჰარცული მესამედი*, უფრო მომცროში — კრემნიცული დუკატები* იყო.

— თუმცა შენ ამაზე სიტყვა არ გითქვამს, ბაუელ, — და იწყო მოხუცმა, — მაგრამ ჩემი ლიზაი შენთან მთლად გა-

ფხეკილი არ მოსულა. აჰა, აიღე. მე იგი აღარ მქირდება.

ეს იყო დაზოგილი ფენიგები, რომელთა შესახებ მამაჩემმა ერთხელ სიტყვა ჩამოაგდო. ახლა ამ ფულმა მის ვაჟი-შვილს სულზე მიუტსწრო. იგი მაშინვე ახალ წამოწყებაში დავაბანდე. მართალია, ლიზაის მამამ მთელი თავისი დანაზოგის მოცემით ჩვენ, მის შვილებს, თავის თავზე ზრუნეაც ჩვენ დაგვაქისრა, მაგრამ იგი ზარმაცი არ იყო და გულხელდაკრეფილი არასოდეს მკდარა, კვლავ გამოძებნა თავისი ძველი საქრეთელი და სახელოსნოში მუშაობისას ყოველნაირად ცდილობდა რაიმეთი დაგვხმარებოდა.

თოჯინები და მთელი თეატრის ავლადიდება სხვენზე ავიტანეთ. მამა იოსები კვირადღეობით ხან ერთს ჩამოიყვანდა და ხან მეორეს, უმოწმებდა მავთულებსა და სახსრებს, წმენდდა და არემონტებდა, თუ რამე გასაკეთებელი ჰქონდათ, ამ დროს მას გვერდით მოხუცი ჰაინრიხი ამოუდგებოდა თავის განუყრელი მოკლე ჩიბუხით და სთხოვდა, თითოეული თოჯინის თავგადასავალი მიაშვეო. მამა იოსებიც მორიგეობით უყვებოდა. ყველა თოჯინას თავისი ცხოვრების გზა ჰქონდა გავლილი. როგორც ახლა გამოირკვა, ასეთი ხელოვნებით გამოთლილ კასპერლეს თურმე თავისი ახალგაზრდა პატრონი ლიზაის დედასთან დაექორწინებინა. საუბართან ერთად უკეთესი თვალსაჩინოებისათვის მამა იოსები ზოგჯერ ბაწარს ხელს გამოჰკრავდა და ამა თუ იმ სცენასაც წარმოადგენდა. ამ დროს მე და ლიზაი გარედან ვაზშემოხვეულ ფანჯარასთან მივდგებოდით, ეზოს ვათვალიერებდით და მათ ვუსმენდით. მაგრამ ეს მოხუცი ბავშვები ისე იყვნენ თავიანთ საქმეში გართულები, რომ მაყურებლებს მხოლოდ მაშინ შეამჩნევდნენ, როცა ტაშს დავცხებდით... როცა რამდენიმე თვემ განვლო,

მამა იღსებმა სხვა საქმე გაიჩინა — თავი მებაღედ გამოაცხადა. რგავდა, მარგლავდა, მოსავალს იღებდა, ხოლო კვირადღეობით სუფთად ჩაიცვამდა, ყვავილების კვლებს შორის მიმოდიოდა, ვარდის ბუჩქებს ხმელ ტოტებს აცლიდა, ან მიხაკებსა და მათიოლებს აკრავდა თავის გათლილ ჩხირებზე.

ასე ვცხოვრობდით ერთ ოჯახად შეთანხმებულნი და კმაყოფილნი. ჩემი საქმეც კარგად მიდიოდა. ჩვენი ქორწინების ოაობაზე ჩვენმა კეთილმა ქალაქელებმა ორიოდ კვირას გვარიანად მოიქაველეს ენა, მაგრამ რადგან ყველა მალე შეთანხდა, რომ ჩემი მხრივ ამ ნაბიჯის გადადგმა უგუნურება იყო, ხოლო საწინააღმდეგო მოსაზრებას არავინ გამოთქვამდა, რაც ესოდენ საკიროა მითქმა-მოთქმის გასაზვიადებლად, სალაპარაკო ყველას მალე შემოეღია.

როცა ისევ თოვლი ჩამოყარა, მამა იღსებმა კვირადღეობით კვლავ დაიწყო სხვენიდან თოჯინების ჩამოყვანა და მე ვიფიქრე, რომ ბერიკაცი ზაფხულ-ზამთრის საქმიანობის ასეთი მშვიდი მონაცვლეობით გაატარებს - მეთქი დარჩენილ წლებს. მაგრამ ერთ დღეს იგი სერიოზული სახით შემოვიდა ჩემს ოთახში, სადაც მარტო ვსაუზმობდი.

— ჩემო სიძევ! — მომმართა მან და თითქოს დარცხვენით გადაისვა ხელი ზღარბივით აბურძგვილ თმაზე. — აღარ შემიძლია ასე ვიჯდე და მოწყალების ლუკმას თქვენი სუფრიდან ვიღებდე.

ვერ გავიგე, გულში რა ედო, მაგრამ მაინც ვკითხე, ეგ რა გიფიქრია - მეთქი. მერე ისიც ვუთხარი, რომ სახელოსნოში ისიც შრომობდა და თუ ჩემი საქმე ამჟამად ასე კარგად აეწყო და მოგებას მოგებაზე ვიღებდი, ეს სხვა არაფერი იყო,

თუ არა. პროცენტები იმ ქონებისა, რომელიც მან ქორწინების მეორე დღეს გადმოიტანა.

მამა იოსებმა თავი გაიქნია, ეს თახხა დიდი არაფერია და არც სახელოსნოში ჩხირკედლობას მოაქვს რამე მნიშვნელოვანი სარგებელით. მაგრამ საქმე ის არას, რომ სწორედ ამ ქალაქში ვიშოვე ამ ფულის ერთი ნაწილი, თოჯინების თეატრი ახლაც სრულ წესრიგშია, ხოლო პიესები ახლაც ზეპირად მახსოვსო.

ახლა კი მივხვდი, რომ მასში ისევ ძველი მეთოჯინე ალაპარაკდა და მოსვენებას არ აძლევდა. აღარ აკმაყოფილებდა მზოლოდ ერთი მაყურებელი — ბებერი ჰაინრიხი, უნდოდა თავისი ხელოვნება. ხალხისათვის კვლავ ეჩვენებინა.

შევეცადე მისთვის ეს აზრი გადამეთქმევინებინა, მაგრამ არა და არ იქნა. ამის თაობაზე ლიზაისაც მოველაპარაკე და ბოლოს გადაწყვიტეთ, მისთვის ხელი არ შეგვეშალა. მას, რასაკვირველია, ძალზე სურდა, რომ ქალის როლები ისევე ლიზაის შეესრულებინა, როგორც ეს ჩვენს ქორწინებამდე ხდებოდა, მაგრამ მე და ლიზაი შევეთანხმდით, რომ მისი ნართაულები ამის თაობაზე აინუნში არ ჩაგვეგლო: შეძლებული მოქალაქისა და ოსტატის ცოლს ეს ამბავი არამც და არამც არ შეეფერებოდა.

საბედნიეროდ, და, შეიძლება, საუბედუროდაც, ამ დროისათვის ქალაქში ცხოვრობდა ერთი წესიერი ქალი, რომელსაც უწინ თეატრალურ დასში მოკარნახედ ემუშავა და ანეთ საქმეში არც თუ გამოუცდელი გახლდათ. ლიზა-დაფეხვილი — ასე უწოდებდნენ მას იმის გამო, რომ ორივე ფეხით კოკლობდა, — ჩვენს წინადადებას სიამოვნებით დათანხმდა და ხელამოობით, კვირა დღეს კი ნასადილეხვაც, მამა იოსების

ოთახში გაცხარებული შრომობდნენ. ერთი ფანჯრიდან შეგედლოთ დაგენახათ მოხუცი ჰაინრიხი, როქელიც თეატრისათვის ფიცრებსა და თამასებს ამზადებდა, მეორე ფანჯრიდან კი ჭერზე მიმაგრებულ ახლადშეღებილ კულისებს შორის მოხუცი მეთოჯინე და ლიზა-დაფეხვილი, რომლებიც ხან ერთ სცენას იმეორებდნენ, ხან მეორეს. ძალზე ყოჩალი ქალიაო, — გვარწჷვნებდა ყოველი რეპეტიციის შემდეგ მამა იოსები, — ლიზასაც კი ასე სწრაფად არასოდეს არ აუთვისებია როლიო. აი, სიმღერა კი კარგად არ გამოუდის, რაღაც რუხრუხა ხმა აქვს. რაც მშვენიერ სუსანას არ შეფერისო.

ბოლოს, წარმოდგენის დღეც დაინიშნა. ყველაფერი რაც შეიძლებოდა მართებულად უნდა წარმართულიყო. ახლა წარმოდგენები მონადირის სახლში კი არ გაიმართებოდა, არამედ რატუშის დარბაზში, სადაც წმიდა მიხეილს დღესასწაულზე გიმნაზიის უფროსკლასელები ვარჯიშობდნენ დეკლამაციაში. და როცა ჩვენი ქალაქის მცხოვრებლებმა ახლადგამოსული ყოველკვირეული გაზეთი გადაშალეს. თვალში მოხვდათ მსხვილი ასოებით დაბეჭდილი განცხადება:

„ხვალ, კვირა საღამოს, შვიდ საათზე, რატუშის დარბაზში მექანიკოს იოსებ ტენდლერის მარიონეტების თეატრი წარმოადგენს პიესას: „მშვენიერი სუსანა“, სიმღერით, ოთხ მოქმედებად“.

მაგრამ ამ დროისათვის ჩვენს ქალაქში უკვე აღარ იყო ისეთი უწყინარი და სანახაობას დანატრულებული ახალგაზრდობა, ჩემი ბავშვობისას რომ მახსოვს. ამ დროს დაემთხვა ეგრეთწოდებული „კაზაკური ზამთარი“ და იმ ახალგაზრდებს შორის, რომლებიც ხელობას სწავლობდნენ, ფეხი მოიკიდა მეტად ცუდმა აღვირახსნილობამ. ადგილობრივი დიდებულე-

ბი, რომლებსაც უწინ ასეთი სანახაობანი იტაცებდა, ახლა სხვა რამეებისაკენ მიილტვოდნენ. მიუხედავად ამისა, ყველაფერი, ალბათ, მაინც კარგად დამთავრდებოდა, რომ შავი შმიტა და მისი ყმაწვილები არ გამოჩენილიყვნენ.

პაულსენს ვკითხე, ეგ ვილა არის-მეთქი, რადგან ასეთი კაცი აქამდე ჩვენს ქალაქში არ გამეგონა.

— მჯერა, რომ არ გაგიგონია, — მიპასუხა ოსტატმა. — შავი შმიტი კარგა ხნის წინ გარდაიცვალა ლარიბთა თავშესაფარში. მაშინ კი ისიც ჩემნაირი ოსტატი იყო. ცუდი ხელი არ ჰქონდა, მაგრამ უპატიოსნო კაცი იყო შრომაშიცა და ცხოვრებაშიც. მთელი დღის ნაშრომს საღამოთი ლოთობასა და ბანქოს თამაშში ანიავებდა, მას ჯერ მამაჩემი სძულდა. სძულდა არა მხოლოდ იმიტომ, რომ მასზე გაცილებით ბევრი შემკვეთი ჰყავდა, არამედ იმიტომაც, რომ ჯერ კიდევ ერთად სწავლის დროს მამაჩემის წინააღმდეგ უშნო გამოხდომის გამო ოსტატმა დაითხოვა. იმ ზაფხულზე შმიტს სიძულვილი გაუთჟეცდა და მთელი ძალებით ჩემს წინააღმდეგ მომართა. საქმე ის იყო, რომ მაშინ ჩვენს ქალაქში ახლადგახსნილი ჩითის ფაბრიკის მანქანების მოვლა და რემონტი, შმიტის თავგადაკლული ცდის მიუხედავად, მე მომანდევს. ამის გამო ისა და მისი ორივე ვაჟი, რომლებიც მამის სახელოსნოში მუშაობდნენ და უწესო საქციელში მამას კიდევაც აჭარბებდნენ, შემთხვევას ხელიდან არ უშვებდნენ, რომ როგორმე ჩემთვის ხასიათი მოეწამლათ. მე კი მაშინ ისინი არც მახსენდებოდა.

ამრიგად, დადგა წარმოდგენის საღამო. მე ჩემს დავთრებს ვაწესრიგებდი, და რაც მოხდა, ცოლმა და ჰაინრიხმა მერეღა შემატყობინეს. ისინი მამა იოსებთან იყვნენ რატუშის დარბაზში.

წინა ადგილებზე თითქმის არავინ იჯდა, უკანა რიგებშიც ყველა ადგილი არ იყო დაკავებული. ქანდარები კი გაჭედო-ლი იყო. სპექტაკლი დაიწყო. თავიდან ყველაფერი კარგად მიდიოდა. მოხუც ლიზხენს მთელი როლი ზეპირად და შეუ-ცდომლად მიჰყავდა. შემდეგ ეს ავბედითი სიმღერები მოდი-ოდა. ლიზა-დაფეხვილი ამოდ ცდილობდა ხმისთვის ნაზი ეღერა მიეცა. როგორც მამა იოსები ამბობდა. მისი ხმა რუხ-რუხებდა. უცებ ქანდარიდან ყვირილი მოიხმა:

— ცოტა კიდევ ხმამალლა, ლიზა-დაგვაჯულო, ცოტა ხმა-მალლა!

როცა მოხუცი ამ მოწოდების შესრულებას შეეცადა და მოინდომა მისთვის მიუღწეველი დისკანტი აეღო, მთელი დარბაზი ხარხარმა შეაზანზარა.

პიესის მსვლელობა შეყოვნდა და კულისებიდან მოხუცი მეთოჯინეს აცახცახებული ხმა გაიხმა: „გთხოვთ, ბატონებო, სიწყნარე იყოს!“ ამ დროს კასპერლე, რომელიც მას ბაწრე-ბით ეჭირა და მშვენიერ სუსანასთან როლი უნდა გაეთამაშნა, ცხვირს ნერვულად გრეხდა და მანჭავდა.

ამის დანახვაზე ხალხმა ხელახლა იფეთქა:

„კასპერლემ იმღეროს!“

„რუსულად იმღეროს „მშვენიერო მინკა, გემშვიდობე-ბი!“

„ვაშა კასპერლეს!“

„არა, არა, კასპერლეს ქალიშვილმა იმღეროს!“

„აუცილებლად, პირსაც მოგწმენდავთ! ის უკვე თსტატის ცოლი გახდა, სიმღერა რალაში სჭირდება!“ — გაჰკიოდა ქან-დარა.

ამ ყვირილსა და ალიაქოთში სცენაზე უცბად მარჯვედ ნა-

სროლი რიყის ქვა დაეცა. ქვა კასპერლეს ბაწრებს მოხვდა, მეთოჯინეს მარიონეტი ხელიდან გაუვარდა და ძირს დაეცა.

მამა იოსების შეჩერება ახლა კი შეუძლებელი გახდა. ლიზაის მუდარას ყური აღარ უგლო და სცენაზე გაიჭრა. მაყუჩრებელი მას ხარხართა და ფეხების ბრაგუნით შეხკდა. საკმაოდ უცნაური სანახავი იყო, როგორ ცდილობდა მოხუცი ჩამოვარდნილი ზემო კულისი თავით შეეჩერებინა, ხელებს გაცხარებით იქნევდა და თავისი სამართლიანი განრისხების გამოთქმას ცდილობდა. უცბად ამ ალიაქოთში ფარდა დაეშვა — ეა მოხუცმა ჰაინრიხმა მოიფიქრა.

ამ დროს, ჩემს დავთრებში ჩამჯდარს, რაღაც მოუსვენრობა დამეუფლა. არა, რაღაც უბედურებას კი არ ვგრძნობდი, მაგრამ ვეღარ გავჩერდი და ჩემიანებისაკენ გავეშურე. ის იყო რატუშის დარბაზისაკენ ამავალ კიბეზე ფეხი შევდგი, რომ ზემოდან გამოცვენილი ხალხი ჩემსკენ დაეშვა. იღგა ერთი ღრიანცელი და სიცილ-ხარხარი. „ვაშაა! კასპერლე ჩაკვდა, მაწანწალა ჩაკვდა! ტაკიმასხარობას ბოლო მოელო!“ — ის-ზოდა აქეთ-იქიდან. მალლა რომ ავიხედე, შმიტის ვაჟების ჩაშავებული სახეები დავინახე. ჩემს შეხედვაზე მაშინვე გაჩუმდნენ, გვერდით ჩამიქროლეს და გარეთ გავარდნენ. მე კი უმალ მივხვდი, თუ საიდან მომდინარეობდა ეს უწესრიგობა.

ზემოთ რომ ავედი, დარბაზი თითქმის დაცარიელებული დამიხვდა. ჩემი სიმამრი სცენის უკან მიმჯდარიყო და სახეზე ხელები აეფარებინა. ეტყობოდა, ამ ამბავს სრულიად ჩაეთუთქა. ლიზაი მამის წინ ჩაჩოქილიყო. მე რომ დამინახა, ფეხზე ნელა წამოდგა.

— აბა, პაულ, ახლაც არ გეშინია, — მკითხა დამწუხრებულმა.

ეტყობა, ლიზაიმ თვალეში შემატყო, რომ არაფრისაც არ მეშინოდა, რადგან სანამ მე რამეს ვუპასუხებდი, ყელზე ჩამონეკილა.

— დაე, პაულ, მტკიცედ ვუდგეთ ერთმანეთს მხარში — მშვიდად ჩამჩურჩულა ყურში მეუღლემ.

— ჰო, შენც ხომ ხედავ. რომ სწორედ ერთგულებითა და პატიოსანი შრომით გავიკაფეთ გზა ცხოვრებაში.

...დილით რომ ავდექით, ვნახეთ, კარზე გარედან ცარცით წაეწერათ შეურაცხყოფელი მეტსახელი „მეთოჯინე პოლუ“. ეს მე მშვიდად წავშალე. მაგრამ, როცა ხალხის თავშეყრის ადგილას ერთი-ორჯერ კიდევ გამაგონეს, უტიფარს მკაცრად გავუსწორდი. ჩვენთან კარგად იციან, რომ ასეთ ამბებში ხუმრობა არ მიყვარს და „მეთოჯინეს“ წამოძახება შემდეგ აღარავის გაუბეღია. ახლა კი, ვინც შენ ეს გაგაგონა, ეტყობა, ავიზრახვით არ უთქვამს და მისი სახელის გაგებაც არ მსურს.

მაგრამ იმ საღამოს შემდეგ ჩვენი მამა იოსები ის აღარ იყო, რაც ადრე გვენახა. ამაოდ ვცდილობდი ამეხსნა მისთვის ამ გამოხდომის ნამდვილი მიზეზი და დამერწმუნებინა, რომ ამით ჩემი შეურაცხოფა უფრო უნდოდათ, ვიდრე მისი. მალე ამ ამბის შემდეგ მოხუცმა მთელი თავისი მარიონეტები ჩვენს უჩუმრად საჯარო ვაჭრობაზე გააყიდვინა. იქ დამსწრე ბიჭუჭუკებისა და მეძველმანე დედაკაცების სასიხარულოდ ფასაც აღარ გამოჰკიდებია და ჩალის ფასად გადაყარა. გადაწყვიტა, თოჯინები თვალთ აღარ დაენახა. მაგრამ ამის განსახორციელებლად უმართებულო გზა აირჩია, რადგან, როგორც კი კვლავ გაზაფხულდა და ქუჩებს მზე მოეფინა, ახალ მფლობელებს ხან ერთი თოჯინა გამოჰყავდათ მზის სინათ-

ლეზე, ხან მეორე. აქეთ კარიბჭეზე ჩამომჯდარ გოგონას გვერდით წმიდა უენევიევა მოესვა, იქით ვილაც ბიჭი დოქტორ ფაუსტს ასეირნებდა, შავ კატაზე გადასმულს. ერთ დღეს მონადირის სახლის ანლომდებარე ბაღში ალუბლის ხეზე საფრთხობელად პფალცგრაფი ზიგფრიდი და ჯოჯოხეთის ბელურა ჩამოეკიდათ. ჩვენი მოხუცი ისე მტკივნეულად განიცდიდა თავისი საყვარელი თოჯინების შარავანდედის ფეხქვეშ გათელვას, რომ ბოლოს სახლსა და ბაღს აღარ შორდებოდა. აშკარად ვხედავდი, რომ თოჯინების აჩქარებულმა გაყიდვამ გული ჩაუკლა და შევეცადე რამდენიმე თოჯინა მაინც გამომესყიდა. მაგრამ, როცა მას ორიოდ გამოსყიდული თოჯინა მივეუბნე, მოხუცს არც კი გახარებია, რადგან უმეტესობა დამტვრეული იყო. გასაოცარი ის იყო, რომ, ბევრი ცდისა და ძებნის მიუხედავად, ვერსად მივაკვლიე ყველაზე უფრო ძვირფას ფიგურას, დიდი ხელოვნებით გამოთლილ კასპერლეს, უამისოდ ხომ თოჯინების მთელი სამყაროც კაპიკად არ ღირდა!

მაგრამ, როგორც ჩანდა, მეორე, ყველაზე სერიოზულ სცენასაც მალე უნდა ჩამოჰფარებოდა ფარდა. ჩვენს მოხუცს გულის ტკივილი განუახლდა, აშკარად ეტყობოდა, რომ მისი სიცოცხლე დასასრულს უახლოვდებოდა. ბედშერიგებული და ოდნავი ყურადღების გამოჩენით აღტაცებული, დამშვიდებული იწვა ლოგინში.

— ჰო, ჰო, — იტყოდა ხოლმე იგი ღიმილით და თვალბგაბრწყინებული შეაცქერდებოდა ჭერს, თითქოს იმის იქით ქვეყნის მარადიულ სამყაროს ხედავდა. — ჭეშმარიტად, ადამიანების გული მე ვერასოდეს მოვიგე. შეიძლება იქ, ზეცაში,

ანგელოზებთან ყოფნა უფრო იოლი იყოს. ყოველ შემოიყვანაში, ლიზაი, იქ დედაშენს მაინც ვნახავ.

...ბავშვივით ალალი მოხუცი მიიცვალა. მე და ლიზაი მტკივნეულად განვიცადეთ მისი დაკლება. მოხუცი ჰაინრიხიც, რომელიც რამდენიმე წლის შემდეგ მამა იოსებს მიჰყვა, ადგილს ვერსად პოულობდა, საღამოობით ხან იქ მივიდოდა, ხან აქ. თითქოს რაღაცას ეძებს და ვერ უპოვიაო.

ჩვენი მამის კუბო მის მიერ მოვლილ-გაზრდილი ყვავილებით შევმოსეთ და გვირგვინებით დამძიმებული წაეასვენეთ სასაფლაოსკენ, სადაც ქვის გალავნის გვერდით სამარე იყო გაჭრილი. კუბო სამარეში ჩავუშვით, ჩვენი მოხუცი მღვდელი საფლავის პირას დადგა, ნუგეში გვცა და სასოება შთაგვიწერა. იგი მუდამ ჩემი ცხონებული მშობლების ერთგულა მეგობარი და კეთილისმსურველი იყო, მან მომნათლა და მანვე დამწერა ჯვარი ჩემს ლიზაისთან მთელი სასაფლაო ხალხით იყო სავსე, გეგონებოდათ, მოხუცი მეთოჯინეს დასაფლავებაზეც რაღაც წარმოდგენა გაიმართებოდა... და რაღაც უცნაური რამ მართლაც მოხდა, მაგრამ ეს მხოლოდ ჩვენ შევამჩნიეთ, ვინც საფლავთან ახლოს ვიდექით. როცა ჩვეულების თანახმად მოხუცმა მღვდელმა იქვე გამზადებულ ბარს ხელი დაავლო და კუბოს პირველი ბელტი მიაგდო, აცახცახებული ლიზაი ჩემს ხელს მოეკრო. ბელტის დაცემაზე კუბო ყრუ ხმა გაიღო. „მიწა იყავ...!“ — გაისმა მოძღვრის ხმა. მღვდელს სათქმელი დამთავრებული არ ჰქონდა, რომ გალავანს იქიდან ხალხის თავს ზემოთ გადმოფრენილი რაღაც მომხვდა თვალში. ჯერ ვიფიქრე, ფრინველი არის-მეთქი, იგი პირდაპირ საფლავში ჩავარდა. უცებ გალავნის მხარეს მივიხედე, — მე ამოყრილი მიწის თავზე ვიდექი, — და დავინახე.

როგორ გაიქცა შმიტის ერთ-ერთი ვაჟიშვილი. ახლა კი მივხვდით, რაც მოხდა. ლიზაი მე მომეკრო და ხმამალა შეპკივლა, შემკრთალმა მღვდელმა ბარი შეაჩერა. სამარეში რომ ჩავიხედე, ჩემი ვარაუდი გამართლდა: კუბოს თავზე ყვავილებსა და მიწაზე ეგდო ჩემი ბავშვობის მეგობარი, კასპერლე, პატარა, მხიარული ვაჟკაცი. მაგრამ კასპერლე ახლა მხიარული აღარ ჩანდა, ძეხვივით ცხვირი მკერდზე ჩამოვარდნოდა, ხოლო სწრაფი და მოძრავი ცერი ზეცისკენ აეშვირა, თითქოს იმაზე მანძიშნებდა, რომ თოჯინების ყველა პიესის გათავაშების შემდეგ იქ, ზეცაში ახალი სპექტაკლი დაიწყებო.

ეს ყველაფერი თვალის ერთი გადავლებით შევიცანი, რადგან მღვდელმა მიწის მიყრა და სათქმელი განაგრძო: „...და მიწაუ იქეცი!“ და კუბოზე დაყრილი მიწით, ყვავილებთან ერთად, კასპერლეს მიწის სიღრმეში ჩაიმარხა.

როცა სამარეს უკანასკნელი ბარისპირი მიწაც მიაყარეს, გაისმა დამწუხრებულთა სანუგეშო „მიწიდან ისევ აღსდგები შენ“. მოძღვარმა „მამაო ჩვენო“ წაიკითხა და, როცა ხალხი დაიშალა, ჩვენთან მოვიდა. ჩვენ ისევ ფეხმოუცვლელად ვიდექით და ამოვსებულ სამარეს დავცქეროდით.

— სიბილწეა, — წარმოთქვა მღვდელმა და თანაგრძნობით მოგვიჭირა ხელზე ხელი. — მაგრამ, მოდი, ამ საქმეს სხვაგვარად შევხედოთ! როგორც ცხონებული მომიყვა, ეს მოხდენილი ფიგურა ახალგაზრდობაში მას თვითონ გამოუთლია და თოჯინა დახმარებია ბედნიერი ოჯახის შექმნაში. შემდეგ, მთელი ცხოვრების მანძილზე ამ თოჯინით მრავალი, შრომით დაღლილი, კაცის გული გაუმხიარულებია, ამ პატარა მასხარას პირით ღვთისა და კაცის საამებო მრავალი ჭეშმარიტი სიტყვა წარმოუთქვამს. თქვენ ჯერ კიდევ ბავშვები იყავით, როცა ერ-

თი ასეთი წარმოდგენა მე თავად ვნახე. დაე, ეს პატარა ქმნი-
ლებაც თავის შემქმნელის კვალს წაჰყვეს! ეს არც საღმრთო
წერილს ეწინააღმდეგება და თქვენც ინუგეშეთ, რამეთუ ღაშა-
შვრალნი ჰპოვებენ განსვენებას.

მართლაც ასე მოხდა. სულიერად დამშვიდებულნი და და-
წყნარებულნი დავბრუნდით შინ. მაგრამ მხიარული კასპერლე,
მსგავსად ჩვენი კეთილი მამა იოსებისა, შემდეგ აღარასოდეს
აღარ გვინახავს.

... — ყველაფერმა ამან, — დაუმატა ცოტა ხნის შემდეგ
ჩემმა უფროსმა მეგობარმა, — საკმაო უსიამოვნება მოგვაყენა,
მაგრამ ამით მაინცდამაინც არაფერი გვევნო. ამის შემდეგ მალე
დაიბადა ჩვენი იოსები. ყველაფერი გვექონდა, რომ თავი ბედ-
ნიერად გვეგრძნო. იმ ამბებს ახლა ყოველთვის მახსენებს შა-
ვი შმიტის უფროსი ვაჟიშვილი, რომელიც მოხეტიალე შევირ-
დად იქცა. გაქუცული და დაცემული შმიტი თავის საბრალო
არსებობას იმ შეწირულებით იხანგრძლივებს, რომელსაც ჩვენ
ოსტატები ვაძლევთ ამქრის კანონის თანახმად. ის არც ჩემს
სახლს ჩაუვლის ისე, რომ არ დამიკაკუნოს.

ჩემი მეგობარი დადუმდა და ერთ ხანს, ხეებს იქით ჩამავა-
ლი მზით განათებულ სასაფლაოს უმზირა. ცოტა ხნის შემდეგ
სახლისკენ გავემართეთ. მე შორიდანვე შევამჩნიე ბაღის კი-
დეზე დაყრდნობილი ფრაუ პაულსენი, რომელიც ჩვენსკენ იმ-
ზირებოდა და გვიღიმოდა.

— ვერ მივმხვდარვარ, რაზე ლაპარაკობთ ამდენ ხანს, —
შემოგვძახა ფრაუ პაულსენმა, როგორც კი მას მივუახლოვ-
დით. — ახლა კი შემოდით სახლში! ღვთის მოცემული, რაც
გაგვაჩნია, ყველაფერი მაგიდაზეა. ნავსადგურის უფროსიც მო-
ვიდა, მივიღეთ აგრეთვე ჩვენი იოსებისა და მოხუცი დიასახ-

ლისის წერილიც... შენ რაღა მოგივიდა. ბიჭო, რა გაცეებით მიყურებ?

ჩემმა ოსტატმა გაიცინა.

— მას ზოგიერთი რამ ვუაშბე, ღედა. ახლა იმიტომ გიყურებს, რომ გაიგოს, ისევ ის მეთოჯინე ლიზაი ხარ თუ არა.

— ისა ვარ, მაშ რა — წარმოთქვა ლიზაიმ და ქმარს სიყვარულით შეხედა. — აბა კარგად შემომხედე, ბიჭიკო! შენ თუ ისევ ის ლიზაი არა გგონივარ, მაგისტვის მაინც ისევ ისა ვარ.

ოსტატმა სიტყვის უთქმელად ცოლს მხარზე ხელი გადახვია, სამივენი ოთახში შევედით და ქორწინების წლისთავის აღსანიშნავ სუფრას შემოვესხედით.

ჩინებული ადამიანები იყვნენ ოსტატი პაულსენი და მისი მეთოჯინე ლიზაი.



ზღვის ბაღმა ძვეუნიდან

სამგზავროდ ჩალაგებული ჩემოდნებისაგან სასტუმროს ოთახს სიმყუდროვე დაჰკარგოდა. ჩემი ბიძაშვილი — ახალგაზრდა არქიტექტორი, — რომელიც უკვე ორი დღეა აქ ცხოვრობდა, სიგარას ეწეოდა და ოთახში ბოლთას სცემდა. ერთი სული ჰქონდა, დრო მალე გასულიყო. სექტემბრის საამო დამე იყო, ღია ფანჯარაში ვარსკვლავები იმზირებოდნენ. დაბლა, დიდი ქალაქის ქუჩებში, ხმაური და ეტლთა რახრახი თანდათან მიწყნარდა და ახლა ნავსადგურიდან ღამის ნიავეთ ატოკებული ვიმპელებისა და ნავსაბმელების ხმაური მოისმოდა.

— როდის მიდიხარ, ალფრედ? — ვკითხე მე.

— სამ საათზე მიდის ნაეი, რომელიც ხომალდზე აგვიყვანს.

— რამდენიმე საათს ხომ არ დაისვენებდი?

უარის ნიშნად ალფრედმა თავი გააქნია.

— მაშ მეც შენთან დავრჩები. ძილს ხვალაც დავისრულებ ეტლში, შენისაკენ რომ გავემგზავრები. აუ გინდა, მთავრად რაიმე იმას შესახებ. მე ხომ ჯერ არ ვიცნობ და გამაგებინე, როგორ მოხდა ეს ყველაფერი.

ალფრედმა ფანჯარა დახურა და ლამპას ისე აუწია, რომ ოთახი კარგად განათდა.

— დაჯექი და მოთმინებას უხმე. ყველაფერს გეტყვი თორმეტი წლისა ვიყავი მაშინ, — დაიწყო მან, როცა ერთმანეთის პირდაპირ ჩამოვსხედით, — ეს გოგონა ჩვენს ოჯახში რომ მოიყვანეს საცხოვრებლად. იგი რამდენიმე წლით ჩემზე უმცროსი იყო. მამამისი მაშინ ჯერაც ვესტინდოეთის ერთ-ერთ პატარა კუნძულზე ცხოვრობდა, სადაც ბელისა და მოხერხების წყალობით შედარებით მოკლე ხანში ღარიბი ვაჭრიდან მდიდარ პლანტატორად გადაიქცა. გოგონა რამდენიმე წლის წინ გამოგზავნა გერმანიაში, რომ თავისი სამშობლოს სულეთა და ადამ-წესებით აღზრდილიყო. მაგრამ ის პანსიონი, სადაც ბავშვი აქამდე იმყოფებოდა, დირექტორი ქალის გარდაცვალების გამო დაიხურა, და ვიდრე სხვას გამოუნახავდნენ, გოგონაზე ჩემს მშობლებს უნდა ეზრუნათ.

ჯერ კიდევ დიდი ხნით ადრე, სანამ მას ვნახავდი, ხშირად ვფიქრობდი, ნეტა როგორია-მეთქი ეს გოგონა. ასეთი ფიქრი განსაკუთრებით მას უკმდეგ მომეძალა, რაც დედაჩემმა თავისი საძილე ოთახის გვერდით მისთვის პატარა ოთახი გაამზადა. საქმე ის იყო, რომ ეს ბავშვი რაღაც იდეალურ ბურჟუაზიის იყო მოცულა. არა მარტო იმიტომ, რომ სხვა ქვეყნიდან ჩამოვიდა და თანაც შვილი იყო პლანტატორისა, რომელიც ჩემი ნახატებიანი წაგნის მეოხებით ზღაპრულად მდიდარი და უკიდურესად გულქვა ბატონად წარმომეღვინა. არა, ამას

გარდა ისიც ვიცოდი, რომ ამ გოგოს დედა მისი მამის ცოლი არ იყო. დედამისის თაობაზე სხვა რამ ვერაფერი შევიტყვე, ამის გამო იგი აბანოზის ხესავით შავ, მშვენიერ ზანგად წარმომედგინა, რომელსაც თმამი მარგალიტები ჰქონდა გაბნეული, ხოლო მკლავებზე ბრქვივალა ლითონის რგოლები ეკეთა.

ბოლოს, თებერვლის ერთ საღამოს, ჩვენი კიბის წინ ეტლი გაჩერდა. იქიდან ჯერ ტანმორჩილი თეთრთმიანი მოხუცი ჩამოხტა. ეს გახლდათ პლანტატორთან მეგობრულად განწყობილი სავაქრო სახლის კომივოიადერი, რომელსაც გოგონა ახალი მზრუნველებსათვის უნდა ჩაებარებინა. მან ეტლიდან გადმოიყვანა პატარა, პალტოსა და მოსასხამებში შეფუთვნილი გოგონა, სახლში ერთგვარი მოკრძალებით შემოიყვანა და, მოკლე, პათოსით წარმოთქმული სიტყვის შემდეგ, მასზე ზრუნვა ბატონ სენატორსა და მის მეუღლეს გადააბარა. როგორ გავოცდი, როცა გოგონამ თავსაფარი მოიძრო — მისი პირისახე შავი კი არა, ოდნავ ყავისფერიც არ იყო. ყველა ჩემ ნაცნობ გოგოზე თეთრიც კი მეჩვენა. ახლაც თვალწინ მიდგას, როგორ ათვალეირებდა ოთახს დიდრონი თვალებით, სანამ დედაჩემი ბეწვმოვლებულ სამგზავრო პალტოს ხდიდა. როცა შლაპა მოხადეს, ხელთათმანები გააძრეს და მისი მოხდენილი ფიგურა თბილი მოსასხამებიდან გაათავისუფლეს, გოგონამ დედაჩემს ხელი გაუწოდა და, ცოტა არ იყოს, შემკრთალმა ჰკითხა:

— შენა ხარ ჩემი მამიდა?

როცა დედაჩემმა მას ნახშირივით შავი თმის კულუი შეუბლიდან გადაუწია, მკლავები მოხვია და აკოცა, გამიკვირ-

და, რომ ბავშვმა დედაჩემის ალერსს გულწრფელი სიყვარულით უპასუხა. დედამ მალე მეც მიმიხმო:

— ეს ჩემი ბიჭია. აბა შეხედე, ჩენი, როგორი კეთილი სახე აქვს, — მიმართა მას. — მეტისმეტად ცელქია და კარგია, რომ ახანაგად გოგონა ეყოლება.

ჩენიმ პოიხედა და ხელი გამომიწოდა. მაგრამ ამ დროს ისე ეშმაკურად შემომხედა, თითქოს უნდოდა ეთქვა: „გამარჯობა, მეგობარო, ჩვენ ერთმანეთს კარგად გავუგებთ“.

ეს მართლაც მეორე ღლიდანვე დადასტურდა. ამ ნაზ ბავშვისათვის არ არსებობდა ხე, რომელზედაც ასვლა გასჭირვებოდა, მალლადან ისე გადმონტებოდა, ერთ თვალს არ დაახამხამებდა. თითქმის ყოველთვის ბიჭების თამაშში ებმებოდა და უფრო სილამაზის წყალობით, ვიდრე გაძბედაობით ისე გვეუფროსებოდა, ჩვენ აზრზედაც ვერ მოვდიოდით ზოგჯერ ისეთ თავზეხელაღებულ თამაშს მოიგონებდა, ჩენი ყიყინით შემკრთალი მამა სამუშაო ოთახიდან გამოვიდოდა და ისე დაგვტუქსავდა. ყოველგვარ ხალისს გვიკარგავდა. ჩენი დედაჩემს თანდათან დაუახლოვდა, მამაჩემს ვერ შეეჩვია. მამაჩემს ბავშვებთან ურთიერთობა არ ეხერხებოდა, ამ თავისებურ გოგოს კი. ეტყობოდა, რაღაც საფრთხილით უყურებდა. ჩენი განსაკუთრებით ვერ შეეთვისა მამიდა ჟოზეფინას, ამ პატივცემულ, მაგრამ მკაცრ შინაბერას, რომელსაც, ჩვენდა საბედისწეროდ, მეცადინეობის დროს ჩენი თვალყურის დევნება ჰქონდა დავალებული. ჩენი არ გრძნობდა მისდამი განსაკუთრებულ პატივისცემას, რომელიც მას უებოჰყავდა და ამიტომ მათ შორის ხანგრძლივი, ჩუმი ომი გაჩაღდა. ამ საპა-

ტიო მანდილოსანს ერთი ნაბიჯიც ვერ გადაეძგა, რომ თავის-
და შესაშფოთებლად რამე იონს არ გადააპროდა.

მაგრამ ჯენის მხოლოდ გართობაზე კი არ ეჭირა თვალი,
ვსაუბრობდით კიდეც. მან აუარებელი ამბავი და ზღაპარი
იცოდა, რომლებსაც თვალეგაბრწყინებული და ხელების
ქნევით ყვებოდა. მათი უმეტესობა პანსიონატში გაეგონა,
ზოგიერთი რამ კი, როგორც ახლა ვასკენი, თავის სამშობლო-
ში. შებინდებისას ხშირად ვისხედით სხვენის კიბეზე ანდა
დიდ საგზაო სკივრში. რაც უფრო იღუმალი იყო ის ადგილი,
სადაც ზღაპარს ვყვებოდით, მით უფრო ცოცხლად წარმო-
ვიდგენდით ყველა ამ უცნაურ და საინტერესო პერსონა-
ჟებს — თილისმით შეკრულ ურჩხულებს, თოვლიებს, ქალ-
ბატონ ჰოლეს*. გვიყვარდა ზღაპრების სხვის თვალთაგან
მიფარებულ ადგილას მოყოლა, ამიტომ სულ უფრო მივარდ-
ნილ ადგილებს ვეძებდით. ახლაც მახსენდება, რომ ბოლოს
ერთი დიდი, ცარიელი კასრი აფირჩიეთ, რომელიც ხაკუტუნაო-
ში იდგა, მამაჩემის სამუშაო ოთახის ახლოს. საღამოთი, როცა
კერძო გაკვეთილებიდან შინ ვბრუნდებოდი, ჩავსხდებოდი
ამ წმიდათა წმიდა კასრში და მოხერხებულად ჩავცუცქდებო-
დი. წინასწარ მოვიმარაგებდით სანთლის ნამწვებს. ჩემს პა-
ტარა ფარანს მუხლებზე დავიდებდით, შემდეგ კასრის თავზე
დადებულ ფიცარს შიგნიდან ისევ ზედ, წავიფარებდით და
კარგამოკეტილ პატარა ოთახში აღმოვჩნდებოდი. როცა
საღამოობით მამაჩემთან საქმეზე მოსულნი კასრიდან ჩურჩუ-
ლის ხმას გაიგონებდნენ, ზოგჯერ კი სინათლის სხივსაც მო-
კრავდნენ თვალს, ამ უცნაური ამბის გამო ჩვენი კანცელარი-
ის მწერალს ეკითხებოდნენ — კასრი სწორედ მისი კარის წინ
იდგა, — საწყალი მოხუცი მათ ცნობისმოყვარეობას ვერ აკ-

მყოფილებდა. მერე, როცა ჩვენი სანთლის ნამწვების მარა-
გა გამოილეოდა, ანდა კიშქარში ჩამდგარი მსახური გოგოს
იხილს გავიგონებდით, კასრიდან თრითინებივით უჩუმრად
ამოვძვრებოდით და სანამ მამაჩემი სამუშაო ოთახიდან გა-
მოვიდოდა, ჩვენ ჩვენს ოთახებში მივიმალებოდით.

მისი მშობლების შესახებ კი, განსაკუთრებით დედაზე,
არასოდეს არ ვლაპარაკობდით. მაგრამ ერთხელ, ერთ კვირა
დილას, სიტყვა ამ თემაზეც ჩამოვარდა. მე ჩემს ამანაგებთან
„ყაჩაღებსა და ჭარისკაცებს“ ვთამაშობდი. ეზოს იქით, ბა-
ლის უკან იყო ჭერ კიდევ პაპიჩემისდროინდელი და ახლა
უკვე აღარაფრის მაქნისი ფაბრიკის ცარიელი შენობები, ბნე-
ლი სარდაფებითა და სენაკებით, რომელთა სახურავები ერ-
თიერთმანეთზე შეხორხლილიყო. ყველა ყაჩაღი ამ ლაბირინ-
თებში მიიმალ-მოიმალა. მხოლოდ მე—ბუნებრივია, მეც ყა-
ჩაღებს ვეკუთვნოდი, — ვერ გადამეწყვიტა, საღ დაწალუ-
ლიყავი და ისევ ბაღში ვიდექი. ვფიქრობდი ჯენიზე, რომე-
ლიც სხვა დროს ყოველთვის ჩვენთან თამაშობდა და სახურა-
ვებზე ძრომასა თუ ზემოდან სტომაში არც ერთ თავსებულ-
აღებულ ყაჩაღს არ ჩამორჩებოდა. ახლა იგი მამიდა კოჭე-
ჟინას გაკვეთილების მოსამზადებლად დაესვა ვიცოდი,
ჯენი შიგნითა ოთახში იყო, რომლის ფანჯრები ბაღში გად-
დიოდა. როგორც კი ეზოდან მეთაურის ხმა გავიგონე, თავისი
ჭარისკაცები აქეთ რომ მოჰყავდა, ბაღის ყორეს მოფარებით
გავუყვავი, სახლთან მივედი და უსმინის ბუჩქს ამოფარებუ-
ლმა ოთახში შევიხედე.

ჯენი იდაყვებით მაგიდას დაყრდნობოდა, წინ რვეული
ედო, მაგრამ, როგორც ჩანდა, მისი ფიქრი წერიითი სამუშაო-
დან შორს იყო. ცალი ხელი შავ ხუკუკ თმაში შეეყო, მეო-

რით კი საცოდავ ბატის ფრთას ურტყამდა მაგიდას. რვეულ-
თან ახლოს იღო ჩემთვის კარგად ცნობილი მამიდა ჟოზეფი-
ნას ვერცხლის სანემსე კოლოფი და მის გვერდით ჩემი ძლი-
ერი მაგნიტი. ეტყობოდა, სანემსესა და მაგნიტს ჯენი დიდი
ზანია შეჰყურებდა, უცბად მის შავ თვალებში კვიმატმა ნა-
პერწყალმა გაიელვა, როგორც ჩანდა, თავში გაუელვა იმ
ზარი საგნის ერთდროულად გამოყენების იდეამ. უხალისო
ვულგრილობა უეცარმა გაფიცებამ შეცვალა. მამიდა ჟოზე-
ფინას საგანძური მაგიდაზე მოაპირქვეავა და ყველა ნემსს სა-
თითაოდ დაუწყო დამაგნიტება. იმ წუთში ჯენი პატარა შავ-
თვალა ჰინკას ჰვავდა. ეტყობოდა, გოგო წინასწარ ტკებოდა
მონხუცი შინაბერას გაოცებითა და აღშფოთებით, როცა იგი
კოლოფიდან ამოიღებდა თავისი ინგლისური ნემსების ერთად
შეკრულ გროვას. სანამ იგი მუყათად ახორციელებდა ვერა-
გულ განზრახვას, სახეზე ნაძალადევად შეკავებული ღიმილი
დასთამაშებდა და ოდნავ გაპოზილ წითელ ბაგეთაგან ქათქა-
თა კბილები მოუჩანდა.

ფანჯარაზე ნელა დავაკაკუნე, რადგან ეზოში ჯარისკაცე-
ბის იერიშზე გადასვლის ნიშანი გაიხმა. ჯენი კაკუნმა შეაკრ-
თო, მაგრამ როგორც კი მეგობარი შეიცნო, თავი დამიქნია
და, ვითომ აქ არაფერიყო, ყველაფერი მამიდა ჟოზეფინას ნემ-
სების კოლოფში ჩაყარა სასწრაფოდ. მერე შავი თმა ყურებს
უკან გადაიწია და, ფეხის წვერებზე შემდგარი, ჩემთან მოვი-
და.

— ჯენი, ჩვენ ყაჩაღობანას ვთამაშობთ, — ჩავჩურჩულე
მას.

მან ფრთხილად გააღო ფანჯარა.

— ყაჩაღი ვინ არის, ალფრედ?

— ყაჩაღები ჩვენა ვართ, მე და შენ. დანარჩენები უკვე დაიმაღლნენ.

— მოიცა ცოტა ხანს! — შემომძახა მან, უკან მიბრუნდა და მეორე ოთახში გამავალ კარს უჩუმრად გაუყარა ურდული. — ნახვამდის, მამიდა ეოზნეფინა! — მერე ისევ ფანჯარასთან მოვიდა და ბაღში მსუბუქად გადმოხტა.

გაზაფხულის საამო დღე იღგა. ბაღსა და ეზოს მზე უხვად აფენდა სხივებს, ბებერი მახლის ხეები, ტოტები რომ სახურავებზე გადაეფინა, ერთიანად თეთრ ყვავილებში გახვეულიყო, ყვავილთა შორის ლორთქო ფოთლების სიმწვანე გამოსკვიოდა, დაბლა ტოტებზე კი ფოთლები ჯერ აქა-იქ მოჩანდა. ჯენის თეთრ კაბას შეეძლო ჩვენი გაცემა. მე ხელი წავავლე, ბაღის ყორესთან ბუჩქებში გვაჯარე და, როცა ჯარისკაცების ფეხის ხმა ფაბრიკის წინა შენობის შესავალს იქით მიიკარგა, ბაღიდან გამავალი კარით ყველაზე მოშორებულ მინაშენზე ავიპარენით, სადაც მე სამტრედე მქონდა მოწყობილი. თავი რომ ბნელ კიბეზე დავიგულეთ, ცოტა სული მოვითქვით. მტერს მოხერხებულად დავუძვერიეთ და თანდათან მალლა-მალლა შეეღუდექით ასვლას, ჯერ პირველ სხვენზე, მერე ზემოთ — მეორეზე. ჯენი წინ მიდიოდა და მე ძლივს ვეწეოდი. აღფრთოვანებული ვიყავი, — ჰო, ახლაც კარგად მახსოვს, ჯენის პაწაწინა მარჯვე ფეხები, რომლებიც კიბის საფეხურებზე თითქმის უჩქამოდ არბოდნენ. ბოლოს სხვენს რომ მივალწიეთ, ასაძვრომი კარი ფრთხილად დავუშვით და ზედ მოზრდილი ხის ნამორი მივაგორეთ, რომელიც ღმერთმა უწყოდა, ამ მიგდებულ სხვენზე საიდან მოხვედრილიყო. ერთ ხანს მტრედების ფრთების ტყაპუნს ვუსმენდი, ისინი ხან შემოფრინდებოდნენ, ხან ისევ გაფრინდებოდნენ, მერე ნა-

მორზე ჩამოვსხედით, ჯენიმ თავი ხელებზე დააყრდნო და შავი კულულები სახეზე ჩამოეშალა.

— დაილაღე, ჯენი? — ვკითხე მე.

მან ხელი გამომართვა და გულზე მიიღო.

— ნახე, როგორ მიცემს! — მიპასუხა.

როცა მე უნებლიეთ მის წვრილ თეთრ თითებს დავხედე, ახლა ჩემი ხელი რომ ჩაეჭიდა, არ ვიცი რად, მაგრამ ისე მომეჩვენა, რომ ამგვარი თითები აქამდე არ მენახა. სანამ ამაზე ვფიქრობდი, მივხვდი კიდევაც, რატომ იყო ეს თითები სხვა-ნაირი. ფრჩხილის ძირებთან ნახევარმთვარის ფორმის ლაქა ჩვენსავით ღია ფერისა კი არ ჰქონდა, არამედ რაღაც მოლურჯო და ფრჩხილზე მუქი. მაშინ ჯერ კიდეც არ წამეკითხა. რომ ეს იყო ის ნიშანი, რომლის მიხედვითაც ამერიკის შტატებში ანსხვავებდნენ მშვენიერ პარიებს*, რომელთა ძარღვებში შავი მონების სასხლი სდიოდა. მე გავოცდი და ვერ შევძელი ამ თითებისთვის თვალი მომეწყვიტა.

ჩემი დაუინებელი მზერა ჯენიმ შეამჩნია და მკითხა.

— რას დამჩერებხარ ხელებზე?

მასხენდება, როგორ შემრცხვა ამ კითხვის გამო.

— შეხედე! — მივუგე მე და მისი თითები ისე შევეაერთე. რომ ვარდისფერი ფრჩხილები მარგალიტის ბაფთას დაემგვანა ჯენიმ ვერ იგამიგო, რაც ვუთხარი.

— რატომ ეგეთი მუქი ლაქები გაქვს ფრჩხილის ძირებთან? — ვკითხე ჯენის.

ის თავის ფრჩხილებს დააკვირდა და მერე ჩემსას შეაღარა.

— აბა, მე რა ვიცი, — მიპასუხა. — სენ-კრუას* კუნძუ-

ლზე ყველას ასეთი აქვს. მე მგონი დედამს კიდევაც უფრო მუქი ჰქონდა.

შორიდან, რომელიღაც ღრმა სარდაფიდან ჩვენამდე მოაღწია ჯარისკაცებსა და ყაჩაღებს შორის ატეხილმა ღრინაცელმა. ეტყობოდა, ისინი ხელჩართულ ბრძოლაში ჩაბმულიყვნენ, მაგრამ ეს ხმაური ჩვენი თავშესაფრიდან ჯერ კიდევ შორს იყო. ამიტომ მე ისევ ჩემს საფიქრალს გავუყევი და ჯენის ვკითხე:

— რატომ დედასთან არ დარჩი?

მან თავი კვლავ ხელებზე დააბჯინა.

— ალბათ იმიტომ, რომ უნდა მესწავლა, — გულგრილად მიპასუხა ჯენიმ.

— იქ არ შეგეძლო სწავლა?

გოგონამ თავი გააქნია:

— მამამ თქვა, იქ ყველა ცუდად ლაპარაკობსო.

სხვენზე სიჩუმე იყო, თითქოს ბნელოდა კიდევ, რადგან პატარა სარკმელები ობობას ქსელით მოფენილიყო. მხოლოდ სახურავზე ერთი ახდილი კრამიტიდან შემოდინოდა მზის მკრთალი სხივი, რომელიც დიდი მსხლის აყვავებულ ტოტებს დასხლტომოდა. ჯენი ჩუმად იჯდა ჩემს გვერდით. დაკვირვებით შევეცქეროდი მის პატარა სახეს, ფერი მთლად დაჰკარგვოდა, თვალებში კი უცნაურად ღრმა ჩრდილები ჩასწოლოდა.

უცხად ტუჩები ააცმაცუნა და ხმამალა გადაიხარხარა. მეც ავყევი, ცოტა ხნის შემდეგ კი ვკითხე:

— ნეტა რა იგაცინებს?

— როგორ სძულდა მამა! — მითხრა ჯენიმ.

— ვის?

— მაიმუნს.

— ცუდად ეპყრობოდა მამაშენი?

— არა!.. რა ვიცი... როცა მამა ჩვენსა მოვიდოდა, ბრილიანტის ქინძისთავს აცლიდა ხოლმე გულისპირიდან.

— განა მამაშენი თქვენთან არ ცხოვრობდა?

ჯენიმ თავი გააქნია.

— არა, უმეტესად სადამოობით მოდიოდა ხოლმე. ქალაქში ცხოვრობდა, ერთ დიდ სახლში. ეს დედამ მითხრა, მე თვითონ იქ არ ვყოფილვარ.

— რას ამბობს მამა თქვენ სადლა ცხოვრობდით?

— ჩვენც მდიდრულად ვცხოვრობდით, ქალაქგარეთ. ჩვენი სახლი ბაღში იდგა, მაღლა, დიდი ყურეს ზემოთ. წინ სვეტებიანი ტერასა ჰქონდა. მე იქ დედასთან ერთად ვიჯექი ხოლმე. აქედან შეიძლებოდა ჩვენ ყურეში შემომავალი გემების დანახვა. — ჯენიმ ერთხანს იყურა. — ო, ძალიან ლამაზია დედაჩემი! — ამყად თქვა მან უცბად, მერე ხმას დაუწია და თითქმის დანაღვლიანებულმა დაუმატა: — შუბლზე ძალიან ლამაზი შავი კულულები ეყარა! — და ცრემლები წასკდა.

რამდენიმე ხნის შემდეგ ქვემოდან აურზაური და ჯარისკაცთა საყვირების ხმა მოგვესმა. როგორც ჩანდა, ისინი პირველი სხვენის კიბესთან იდგნენ და ერთმანეთს შემდგომი მოქმედების გეგმას უზიარებდნენ. ფეხზე წამოვიჭერი და ირგვლივ მიმოვიხედე, ამაზე აღრე არ გვიფიქრია, ახლა კი მივხვდი, რომ თავის დასაღწევი გზა არსაით გვქონდა.

— თავდაცვა უნდა მოვაწყოთ, — ჩავჩურჩულე. — ეტყობა, ტყვედ ჩავცვივდით.

ჯენიმ სწრაფად მოიწმინდა თვალები.

— ჯერ არა, ალფრედ! — მან სახურავზე დარჩენილ ხვრელ-

ზე მიმითითა. — აი იქიდან გაძვრები, მერე კი მსხლის ხეზე გადახვალ და ბაღში დაეშვები.

— არა, ასე არ ივარგებს. შენ ვერ მიგატოვებ.

— ო! — წამოიძახა მან, — ისინი მე რას დამიქვრენ! — და სახურავის ჩაბნელებული კუთხისკენ გაიხედა. — აბა, ჩქარა, მომეხმარე! აი, იქ კოჭზე ავძვრები და იმათ ხუსხუსს ზემოდან ვუყურებ.

კარგად მოიფიქრა, ორიოდ წუთის შემდეგ ჩემი დახმარებით ჯენი ნივნივებსა და კაღონებზე აფორთხდა და ყველაზე მაღალ სახურავქვეშ პატარა კოჭზე ჩამოსკუპდა.

— მხედავ? — ჩამომძახა მან, როცა მე ისევ ქვემოთ ჩამოვხტი.

— ჰო, შენ თეთრ ხელს ვხედავ.

— ახლაც ხედავ?

— ახლა სულ ვეღარ ვხედავ.

— აბა შენც გადაძვერი!

მაგრამ სახურავში დარჩენილი ხვრელი ვიწრო იყო. ამიტომ მეორე კრამიტიც ავაცალე და ძალისძალად გავძვერი: მღვევარი უკვე სხვენის კარს წასეოდა და ერთი ღრიანცელო იღგა. ვხედავდი, როგორ იწევდა ნელ-ნელა კარზე მიგდებული ნამორი.

მერე როგორ მოხდა, აღარ მახსოვს, მაგრამ სახურავზე გადავძვერი თუ არა, კრამიტებზე დავცურდი. მსხლის ტოტები სახეში მცემდა და ლაწალუწი გაჰქონდა. იღბლად, სანამ ქვემოთ მივგორავდი, ერთ ტოტს წავავლე ხელი და მასთან ერთად ძირს დავქანდი. ჩემს გვერდით რამდენიმე კრამიტმა ჩაიქროლა და ბაღში დაეცა. ბოლოჯ მეც ისეთი ძალით დავე-

ნაკრებე მიწას, რომ ლამის გონება დაეკარგე და ველარ წამო-
ვდექი.

ზემოთ რომ ავიხედე, მსხლის აყვავებულ ტოტებს შორის
დავინახე შეშინებული დიდი თვალები და წინ გადმოყრილი
შავი კულულები ჩემი ლამაზი მეგობრისა, რომელიც დანგრე-
ულ სახურავზე ძელს ზემოთ გადმოხრილიყო. მისთვის რომ
მენიშნებინა, ცოცხალი გადავრჩი-მეთქი, უფრო მეტად კი
იმის გამო, რომ ჩემი მამაცობა მეჩვენებინა, ძალა მოვიკრი-
ბე და ხმამალლა გავიცინე. როგორც კი თავი მოვაბრუნე, მა-
მაჩემის მკაცრი სახე მომხვდა თვალში. იგი უფრო წყენით
მიყურებდა, ვიდრე თანაგრძნობით. შორს შევამჩნიე მამიდა
ჟოზეფინაც. მამიდას განუყრელი საქსოვი შიშით ხელებში
შეჰყინოდა. ახლაც ვერ გამიგია, ისე ერთ წამში ჯენი როგორ
გაჩნდა ჩვენთან. ჩემსკენ დაიხარა და სახიდან და საფეთქ-
ლებიდან თმა გულმოდგინედ გადამიწია. როცა შეამჩნია, მა-
მაჩემმა ხელი როგორ გამომიწოდა, რომ გაბრაზებულს ზეზე
წამოვეყენებინე, ჯენი გაცხარებით წამოიჭრა ფეხზე.

— ჰეი! ხელი არ ახლო! — შესძახა მან, მთელი სხეული
დაძაბა და მამისკენ პატარა მუჭებით წაიწია. თვლებში ისე
თი ცეცხლი უელავდა, თითქოს იმ წუთში მტვრად აქცევსო.

მამაჩემმა რამდენიმე ნაბიჯით უკან დაიხია, თავისებურად
ტუჩები მოკუმა და ხელები ზურგზე დაიწყო, შემდეგ შებ-
რუნდა და ბუტბუტ-ბუტბუტით თავის კაბინეტისკენ გასწია.
მომესმა, თითქოს თქვა: ამას ბოლო უნდა მოეღოსო. ბაღში
ახლა დედაჩემი გამოჩნდა და ჯენი მისკენ გაიქცა. მე შევამჩ-
ნიე, როგორ ჩაიხუტა ჩემმა კეთილმა დედამ საშინლად შეშ-
ფოთებული ბავშვის ერთიანად აცახცახებული სხეული და მის
დამშვიდებას შეუდგა.

ვფიქრობ, იმ დღიდან ორივე ჩვენთაგანის გულში აღმო-
ცენდა გაგება ურთიერთერთგულებისა და პასუხისმგებლობი-
სა. მაშინ წარმოიშვა ის გრნობა, რომელიც მრავალ წელი-
წადს ჩანასახის მდგომარეობაში თვლემდა, მაგრამ შემდეგ,
ერთ მთვარიან ღამეს იმ ლურჯ, ზღაპრულ ყვავილად გადაი-
ქცა, რომლის სურნელება დღესაც მათრობს.

აბა, როგორ აგიწერო ყველა უმცირესი წვრილმანი? ამის
შემდეგ, პირველ ხანებში, როცა მამაჩემი სადილობისას მე-
ტყოდა, ზარით შინამსახური მოიხმეო, სიტყვა დამთავრებული
არ ჰქონდა, რომ ზონარს მაშინვე ჩენი მივარდებოდა, რომ
ჩემ კოჭლობას მამისთვის ის უსიამოვნო შემთხვევა არ გაეხ-
სენებინა.

მაგრამ ის მშვენიერი დღეები მიილია. მოვიდა საშინელი
ამბავი — ჩენისთვის ახალი პანსიონი აღმოაჩინეს და მალე
მისი გამგზავრების დღეც დადგა... ახლაც კარგად მახსოვს,
რალაც გაურკვეველი გულისტკივილითა და სევდით გათან-
გული ჩვენს დიდ მსხლის ხეზე ვიჯექი, მკვახე ნაყოფს ვწყვე-
ტდი და მეზობლის სხვენის ფანჯარას ვესროდი, რომელიც
ჩაფერ შუაში არ იყო. უცებ ჩემი ყურადღება ხის ქვეშ რა-
ღაც ხმაურმა მიიპყრო. ქვემოთ რომ ჩავიხედე, დავინახე ნა-
შურის სამგზავრო პალტოში გამოწყობილი ჩენი, რომელიც
ტოტიდან ტოტზე მოცოცავდა. ზემოთ რომ ამოვიდა, ერთ
ტოტს შემოეხვია, ჩიბიდან პატარა ბეჭედი ამოიღო და თით-
ზე გამიკეთა. სიტყვა არ უთქვამს, ოღონდ მეტისმეტად სევ-
დიანად შემომხედა. მე, მოზრდილი ბიჭი, უგერგილო მოკრ-
ძალებით დავმორჩილდი და, სანამ ბეჭდიან თითს დავყურებ-
დი, ჩენი ისევ ისე სიტყვის უთქმელად გაქრა, როგორც ამო-
ვიდა. მაშინ კი ისეთი აჩქარებით დავეშვი ხიდან. რომ კინა-

დამ ისევ ჩამოვვარდი. ის იყო ქუჩაში გავიჭერი, რომ ეტლიც დაიძრა და მე მხოლოდ თეთრი ცხვირსახოცილა დავინახე. რომელსაც ჯენი გვიქნევდა.

მწუხარებით ვულდასერილი უცბად შევდექი და პატარა საჩუქარს დავაცქერდი. ეს იყო ოქროსჩაჩროიანი კუს ჯავშნის ბეჭედი. მაშინ, აბა, რა ვიცოდი, რომ ჯენიმ მისთვის ყველაზე ძვირფასი ნივთი მისახსოვრა.

თხრობის დროს აღფრედს სიგარა გვერდზე გადაედო.

— შენ არ ეწევი, — მითხრა მან, — მაგრამ არ მინდა. ასე გულხელდაკრეფილი იჯდე, საქმეს გაგიჩენ, რომ არ მოგეწყინოს. — ამ სიტყვებით მან თავი ახადა პატარა ყუთს, რომელიც ჩემოდნის გვერდით იდო და მალე ხელში მეჭირა სურნელოვანი ღვინით სავსე წახანაგოვანი კიჭა.

— ალიკანტეს ღვინოა! — მითხრა აღფრედმა. — აი ესეც გარეული ბეგქონდარას ფოთლებში გახვეული ლელვი! ვიცი, რომ უძველესი ექიმობის ფუძემდებლის მზავსად შენც ტკბილი და გემრიელი საჭმელი გიყვარს. ესენი ჯენის მამამ მომართვა საჩუქრად. თავის ხელით შემოხვია, როცა ამ რამდენიმე დღის წინ გამოვემშვიდობე.

— შენს უფროს ძმაზე არაფერი გითქვამს, — შევნიშნე მე აღფრედს, როცა იგი გვერდით მომიჯდა.

— ჩემი ძმა ჰანსი მაშინ სახლიდან შორს იყო, სასოფლო-სამეურნეო სკოლაში სწავლობდა. მოგვიანებით ჯენი იმანაც გაიცნო — ჰანსის ცოლი და ჯენი ერთ პანსიონში იყვნენ, სადაც დამთავრების შემდეგ კიდევ რამდენიმე ხანს დარჩა. თავად მე იგი ხელმეორედ ათი წლის შემდეგ ვხვანხე.

ეს მოხდა წლეულს, ივნისში, როგორც იცი, მე ერთ მდი-

დარ გრაფინიას სოფელში პატარა ბაზილიკას ვუშენებდი, და როცა დავემთავრე, ტიფი დამემართა, რომელიც იმ მიდამოებში მძვინვარებდა. კარგად მივლიდნენ, მაგრამ მშობლიური ოჯახიდან შორს ვიყავი და ცელიანი კაცი შეუბრალებლად იწვევდა ჩემსკენ დაჩონჩხილ ხელებს, იმ ხანებში დედაჩემმა მამაზე ზრუნვა მამიდა ჟოზეფინას გადააბარა და თვითონ ჩემი ძმის მამულში გაემგზავრა. იქ თვითონ დედაჩემიც ავად გახდა და თავისდა სამწუხაროდ იძულებული გახდა საკუთარი ვაჟიშვილი სხვის იმედად დაეტოვებინა. მაგრამ ორივენი თითქმის ისევ გამოკვეთდით. და უახლოეს დღეებში შინ ვაპირებდი გამგზავრებას. ჩემი ძმის მამული ჯერ არ მენახა. ეს მამული ქორწინებამდე ცოტა ხნით ადრე შეიძინა. აწ გარდაცვლილი პატრონის წინაპარს, მდიდარ ფრანგ ემიგრანტს, აქ თავადური სასახლე აეშენებინა და, რაც მთავარია, მის ირგვლივ ლენოტრეს სტილზე* დიდებული პარკიც მოეწყო. დედაჩემი მწერდა, პარკის ნაწილი, ეგრეთწოდებული პაეროვანი ქალა, ჯერაც კარგად არის შემონახულიო. ანუ გააინჯე, ზოგ გუბურასთან და მყუდრო ადგილებში, მაღალ ფოთლოვან ხეთა შორის, შემორჩენილა განმარტოებით მდგომი მომაჯადოებელი სილამაზის ქანდაკებები, რომელთა მოდელებად ლუი მეთხუთმეტის სასახლის კარის წარმტაცი სეფექალები გამოყენებინათ.

ზედ გამომგზავრების წინ მივიღე ჩემი მოსიყვარულე რძლის წერილი: „მაღე თუ ჩამოხვალ, — მწერდა იგი, — საბავშვო ზღაპრებს ერთად წავიკითხავთ. საამისოდ მე ცოცხალი სახეები მყავს, აი, მაგალითად, ყაჩაღის საცოლე. მას მეტად მოხდენილი ფერმკრთალი სახე და გიშერივით შავი თმა აქვს. თავი ჩაუქინდრავს და არათითზე იყურება. რადგან იმ

თითზე ერთ ღროს ეკეთა ბეჭედი, რომელიც ორგულ ყაჩაღს მისცა ოდესღაც“. წერილი ისევ ხელში მეჭირა, რომ ფეხზე წამოვიჭერი და ჩემ ნივთებში ამოვიქექე სპილოს ძვლის ზარდახში, სადაც ჩვეულებრივ ძვირფას ნივთებს ვინახავდი. ჩენის ბეჭედიც აქ მედო. ბეჭედში შავი ბაბთა იყო გაყრილი. ჩვენი განშორების პირველ ხანებში ამ ბეჭედს, ბუნებრივია. ფარულად გულზე ვატარებდი. მერე სხვა ძვირფასეულობასთან ერთად იმ ზარდახში შევინახე, რომელიც კარგა ხანი ჩემი კუთვნილება გახდა. ახლა, თითქოს სხვაგვარად არც შეიძლებოდა, ისევე მოვიქეცი, როგორც მაშინ, ბავშვობისას: ავდექი და ღიმილით ისევ გულზე ჩამოვიკიდე, თან საკუთარ თავს დავცინოდი, თითქოს ამით ბოდიშს ვიხდიდი.

— უკან რომ დაბრუნდები,— შეწყვიტა ალფრედმა თბრობა, — ნუ დაგეზარება და გზიდან ცოტა გადაუხვიე. ეს მამული აქედან მხოლოდ ერთი მილით თუ არის დაშორებული როგორც ჰანსისაგან ვიცი, შენ კარგა ხანია მათ სტუმრობას შეპირებიხარ. იქ თავად ნახავ ყველაფერს ისე, როგორც დედაჩემი მწერდა...

ივნისის ცხელი დღე იდგა, ნაშუაღღევს მზისგან გახუნებული გზა უკან მოვიტოვე და თავი წაბლის ხეივნის ჩრდილს შევაფარე. წაბლნარი სასახლისაკენ მიემართებოდა. მალე ჩემი ეტლი შეჩერდა შენობის წინ, რომელიც ეგრეთწოდებული „კამოდის“ სტილზე იყო ნაგები. შენობა დაგრაგნილი ორნამენტებით იყო გადატვირთული, მაგრამ წინწამოწეულ პროფილითა და რელიეფებით, რომლებიც ღრმა ჩრდილებს ქმნიდნენ, მან ჩემზე მაინც გარდასული დიდების წარუშლელი შთაბეჭდილება დატოვა.

კიბეზე ჰანსი და მისი გრეტა შემეგებნენ. ვრცელ წინკარ-

ში რომ შევედით, გამაფრთხილეს, ხმადაბლა ილაპარაკე, სა-
დილობის შემდეგ დედა ისვენებსო.

სადარბაზო კართ ღიდ, ნათელ დარბაზში შევედით. ორ-
საგდულოანი კარი ტერასაზე გადიოდა. კარი ამჟამად ღია
იყო, ტერასის ქვემოთ ისეთი ფართო მოლი გაშლილიყო,
რომ თუ არ დაიყვირებდი, ერთი ნაპირიდან მეორემდე ხმას
ვერ გაუწვდენდი. გადამწვანებული გაზონები ზოგან მალა-
ტოტებიანი, ზოგან დაბლა გართხმული ჯიშის ვარდებით იყო
მოფენილი. უხვად გაშლილი ვარდები ჰაერს დამატრობელი
სურნელებით ავსებდა. იქით ბუჩქნარი მიუყვებოდა, რომე-
ლიც ვარდნარისა არ იყოს, შედარებით ახალი გაშენებულ
უნდა ყოფილიყო. ბუჩქნარს იქით კი, გვარიან მანძილზე, ბა-
ღის მთელ სიგანეზე გაჭიმულიყო „ჰაეროვანი ჭალა“, რომე-
ლიც მამულის ადრინდელ მფლობელს გაეშენებინა და ისე
გაეზარდა, რომ ვერტიკალურ მწვანე კედელს ქმნიდა. მთე-
ლი ეს სანახაობა ჩემს თვალწინ გადაიშალა, სამხრობისაკენ
გადასული მზით გაბრწყინებული.

— რას იტყვი ჩვენს სამოთხეზე? — მკითხა ახალგაზრდა
ღიასახლისმა.

— რას ვიტყვი, გრეტა? რამდენი ხანია, რაც ეს მამული
შენს ქმარს ეკუთვნის?

— მგონი, მაისში ორი წელიწადი გახდა.

— მერე და ეგეთი პრაქტიკოსი მეურნე როგორ ითმენს,
რომ ამდენი ფართობი გამოუყენებლად აქვს მიტოვებული?

— ოჰ, თავს ისე ნუ იჭერ, თითქოს პოეზიას შენს მეტი
დამფასებელი არავინ ჰყავდეს.

ჩემმა ძმამ გაიცინა:

— მართლაც რომ სწორს ამბობს, გრეტა. საქმე ის არის,

აღფრედ, რომ ამ დიდებულებას ხელს ვერ შევახებ. ნასყიდობის ხელშეკრულებაში ეს საგანგებოდ გაითვალისწინეს.

— მადლობა ღმერთს!

— მე კი ვერ შევწირავდი ღმერთს მადლობას. პატარა ტბორის შუაში დგას ნამდვილი ლუი კეთხუმეტის სტილით ნაქანდაკები ვენერა. შემეძლო იგი დიდძალ თანხად გამეყიდა: მაგრამ ვინ გაგაყიდინებს!

ამ დროს გრეტამ ხელი წამავლო და შემოჰძახა:

— აბა მოიხედე!

ჩემს ზურგს უკან კარის ზღურბლზე იდგა თეთრ საზაფხულო კაბაში გამოწყობილი ქალიშვილი. შევხედე თუ არა, მაშინვე ვიცანი. ვესტინდოელი პლანტატორის ქალიშვილის უცნაური თვალები ისევ ისეთი დარჩენილიყო, ოღონდ ერთ დროს ჯიუტი თმა ახლა შავ ნაწნავად კეფაზე მოეხვია. მისი მაღალი ყელ-კისრისათვის ეს ნაწნავი მეტისმეტად მძიმე მოჩანდა.

მისკენ გავეშურე. მაგრამ სანამ პირს გავაღებდი და რამეს ვიტყოდი, ჩემი მკვირცხლი რძალი ჩვენს შუა ჩადგა:

— ერთ წუთს შეჩერდით! — შესძახა მან. — მე უკვე ვატყობ. ორივეს პირზე „თქვენა“, „ფროილან ჩენი“ და ამგვარი უაზრო მიმართვანი მოგდგომიათ. ეს არღვევს ჩემს ოჯახურ მყუდროებას. ამიტომ, ჯობს ახლაც მსხლის ხე გაიხსენოთ!

ჯენიმ ერთი ხელი მეგობარს ააფარა პირზე, მეორე მე გამომიწოდა.

— კეთილი იყოს შენი მოსვლა, აღფრედ!

მრავალი წელი გასულიყო, მისი ხმა აღარ გამეგონა, ამიტომ მით უფრო დრმად ჩამწვდა გულში ის თავისებური აქცენტი. რომლითაც მან ჩემი სახელი წარმოთქვა.

— მადლობელი ვარ, ჯენი! — მივუგე მე. — შენმა სიტყვებმა ისევე გაიხშიანეს, ბავშვობისას რომ მახსოვს. მაგრამ, ალბათ, დიდი ხანია ეს სახელი აღარ წარმოგიტყვამს, არა?

— ეს სახელი მას შემდეგ აღარ წარმომიტყვამს, — მიპასუხა ჯენიმ — შენ ხომ ყოველთვის გაურბოდი ჩემთან შეხვედრას.

ამ საყვედურზე მე პასუხის გაცემაც ვერ მოვასწარი, რომ გრეტამ ერთმანეთს დაგვაცილა.

— ეგრე 'მოგიხდება! — წამოიძახა მან. — ახლა კი, ჯენი; წამო, ყავა გავამზადოთ, ალფრედმა კარგა დიდი გზა გამოიარა და დედაც სადაცაა გაიღვიძებს.

მალე დედაც შემოვიდა. ჩვენი შეხვედრა ძალზე ამაღლებელი იყო. დედაჩემი მე მკვდრად მთვლიდა, ახლა კი სალსალამათი გულში ჩამიკრა და ისე მეფერებოდა და მისვამდა ლოყებზე ხელს, თითქოს ისევ ბავშვი ვყოფილიყავ. როცა გავსწორდი, რომ დედაჩემი სავარძელთან მიმეყვანა, დავინახე კარადას მიყრდნობილი ჯენი, მას სახეზე ქალღმერთის ფერი დასდებოდა და თვალები ცრემლით ავსებოდა. გვერდით რომ გავუარეთ, ჯენი შეკრთა, ფაიფურის ფინჯანი ხელიდან გაუვარდა და დაემსხვრა.

— ო, მაპატიე, მაპატიე, საყვარელო გრეტა! — მიმართა შეგობარს და ხელები მოხვია.

გრეტამ ალერსით გაიყვანა იგი ოთახიდან.

ჩემ ძმას გაეცინა:

— რა სწრაფად ეცვლებათ გუნება.

— ძალიან მგრძობიარე გული აქვს, ჰანს! — შენიშნა დედამ და თვალი ალერსით გააყოლა.

გრეტა მალე შემობრუნდა.

1 — დაე, ცოტა ხანს მარტო იყოს! — განაცხადა მან.

— საწყალი ბავშვი უამისოდაც აღელვებული იყო: მამისაგან წერილი მიიღო. წერს, მალე ჩამოვალ და პირმონტში წაგიყვანო.

მე ახლალა გავიგე, რომ ეს მდიდარი ვაჭარი, რომელმაც აქამდე დაუოჯახებლად იცხოვრა, სამკურნალო წყლებზე ყოფნის შემდეგ ახლახან აშენებულ სახლში აპირებდა გადასვლას და იქ თავისი ქალიშვილის წაყვანაც უნდოდა, რომ მისთვის ოჯახის დიასახლისობა დაეკისრებინა. ეტყობოდა, გრეტა ამ კაცის მიმართ მეგობრულად არ იყო განწყობილი.

— თუმცა იგი ჯენის მამაა, — თქვა მან, — მაგრამ მზადა ვარ შევიძულო მამაკაცი, რომელიც ქალიშვილს დაუნანებლად აძლევს ათასებს, მაგრამ არ შეუძლია თავისი ძვირფასი პიროვნების, თავისი სულის ერთი უმცირესი, მეთათსედი ნაწილი მაინც უწილადოს. დიახ, ჰანს, — მიმართა მან ქმარს, რომელმაც თითქოს მის გასაჯავრებლად და ამავე დროს დასამშვიდებლად ცოლს ქერა თმაზე ხელი გადაუსვა, — ნეტა ერთი წერილი მაინც განახვა, რომელსაც იგი ჯენის უგზავნის პასუხად. ყოველ შემთხვევაში მე მათ ჩვეულებრივი ქვითარისაგან ვერაფრით ვანსხვავებ.

დღედაჩემმა ახალგაზრდა ქალს ორივე ხელი დაუჭირა.

— ახლა კი ჩვენს გრეტასაც ამოუდღულდა გული, — თქვა მან. — მე უწინ ვიცნობდი მაგ ადამიანს. გაჭირვებით ცხოვრობდა და იძულებული იყო სიღარიბესთან ებრძოლა. ამის გამო უღმობელი გახდა, ჩვენ კი, ვისაც ასეთი რამ არ გადაგვხდენია, ისევე გულჩვილნი დავრჩით. ისე, მისი სიმკაცრე მხოლოდ გარეგნულად მოჩანს ასეთი.

შემდეგ კარგა ხანს ვისხიოით და ჩემიანებს კითხვებზე

პასუხის გასაცემად კიდევ ერთხელ მომიხდა იმ ამბების თხრობა, რაც ადრე წერილობით უკვე იცოდნენ. ამასობაში ჯენიკ შემოვიდა და გრეტას ჩუმად მიუჯდა გვერდით.

სალამოთი, გულთბილი შინაურული საუბრის შემდეგ, ჰანსმა ზემოსართულში ამიჯვანა, ჩემთვის განკუთვნილ საძილე ოთახში მისი წასვლის შემდეგ კიდევ დიდხანს არ დამძინებია. ვიწეჭი ასე და ჩეტარებით ეუსმენდი ბალიდან ფანჯრებში შემოჭრილ ბუღბუღლების სტვენას, რომელიც მთელ მიდამოს ეფინებოდა.

თვალი რომ გავახილე, ოთახი ზაფხულის დილის მზეს გაენათებინა. ავადმყოფობის შემდეგ გაჯანსაღების გზაზე დამდგარი ადამიანის ისეთ სიხალისესა და ცხოვრების სიყვარულს განვიცდიდი, წინათ რომ არასდროს მიგრძენია. ტანთ ჩაეცივი და ფანჯარა გამოვალე. დაბლა გაშლილ ნამიან გაზონებიდან ოთახში დილის სიგრილე და ვარდების ჭურნელება შემოიჭრა. საათი ექვსს უჩვენებდა. საუზმემდე ერთი საათი რჩებოდა. მე კიდევ ერთხელ მოვაველე თვალი ოთახს, რომელიც, როგორც გრეტამ მითხრა გამოჯავრებით, ჩემს მოსვლამდე ყაჩაღის საპატარძლოს ოთახი ყოფილა. მართლაც, ტუალეტის მაგიდის ერთ-ერთ უჯრაში აღმოვაჩინე ვარდისფერი აბრეშუმის ბაბთა, რომელშიც შავად მბრწყინავი გრძელი თმის ბეწვი ისე ჩაწნულიყო, რომ დიდი წვალეებით გამოვხსენი. ბოლოს, როცა ამ საქმეს მოვრჩი, საწოლს ზემოთ გაკეთებულ თაროებზე შევნიშნე რამდენიმე წიგნი, რომლებზეც ჯენის სახელი და გვარი ეწერა. მე წიგნების გადათვალიერებას შევუდექი. პირველად ხელში ალბომი მომხვდა, ისეთი, ახალგაზრდა გოგონებს რომ აქვთ ხოლმე. ალბომი სავსე იყო ნაკლებ-შთამბეჭდავი ლექსებით, მაგრამ მათ შორის ზოგიერთი ლექ-

სი ისე გამოირჩეოდა, როგორც სამყურაში ნარშავი. აი პირველი; რომელიც თვალში მომხვდა.

დროზე მომწყვითე ვარდი მაისის,
თორემ ქარ-წვიმის ავი ხმა ისმის,
არა, დამტოვე, შენი გზით წადი!
აყვავებული არა ვარ ვარდი.
შემომხევეა კაბა ამ ქარში,
ვარ უსამშობლო, უღედო ბავშვი.

ბოლო სტრიქონი ორჯერ იყო გახაზული. ამგვარი ლექსი რამდენიმე შემხვდა. |

ალბომი გვერდით გადავდე და ერთ წიგნს წაეწყდი. ყლა რომ გადავშალე, თითქმის შევშინდი. ეს გახლდათ ზილსფელდის „პლანტატორის ცხოვრება“*, მისი ის ნაწილი, რომელიც შეიცავს ფერადკანიანთა, ამ გრაციოზულ არსებათა ყოფის ცოცხალ აღწერას, თუმცა ისინი ძლივს მიაჩნია ნამდვილადამიანებად. ესენი ავტორს, როგორც თვითონ წერს, მიმზიდველი სილამაზის გამო ზღვებს იქით გადასახლებულ ევროპელთა უბოროტეს გენიებად მიაჩნია. ამ წიგნშიც ზოგიერთი ადგილი იყო გახაზული. ფანქარი ზოგან ისე უდიერად დაეჭირათ. რომ ფურცელი გახელიყო.

მე გამახსენდა ამ თემაზე მრავალი წლის წინ ჯენისთან საუბარი. ყველაფერი, რაც მაშინ მის ფანტაზიაში უწყინრად შემონახულიყო, ახლა როგორც ჩანდა, მწვავე ტკივილს აყენებდა.

როცა წამოვდექი და ფანჯარაში გავიხედე, ბალის ფართო მოხრეშილ გზაზე ჯენი დავინახე. გუშინდელივით ახლაც თეთრი კაბა ეცვა. იმ დღეებში მას სულ თეთრი კაბაში ვხედავდი

ერთი წუთის შემდეგ მეც ბალში ვიყავი. ჯენი ჩემს წინ მიდიოდა ფართო ბილიკზე, რომელიც ტერაპიდან მოკიდებული გაზონს გარშემო უვლიდა. თითქოს აღელვებული ჩანდა, სწრაფად მიიბიჯებდა და აბრეშუმის ბაფთით ჩალის ქუდს მიაფრიალებდა. მე შეეჩერდი და თვალი გავადევნე. მალე სახლისკენ გამოუხვია (და მეც მისკენ გავემართე).

— მაპატიე, თუ შეგაწუხებ, — მივმართე მას, — პატარა ჯენი არ დამვიწყებია, მაგრამ მოთმინება აღარ მყოფნის, სანამ დიდ ჯენისაც არ გავიცნობ.

ქალიშვილმა შავი თვალები მომაპყრო.

— დიდი ჯენი ისე კარგი აღარ არის, ალფრედ, პატარა რომ გახსოვს, — მიპასუხა მან.

— მე კი მგონია, ასე არ არის. გუშინ უკვე დაამტკიცე, რომ ისევ ის ჯენი ხარ, ადრე რომ იყავი, ფიცხი და გულწრფელი. ასე მგონია, ეგ შავი ნაწნავებიც ჩამოგეშლება და ისევ პატარ-პატარა ჯიუტ კულულებად შემოგეხვევა შუბლის გარშემო. ამას გარდა, — განვაგრძე მე, — ნება მომეცი ისიც გითხრა, რომ გუშინ შენმა უნებურმა თანაგრძნობამ გულის შორეულ კუნჭულამდე შემძრა.

— არ შესმის შენი?!

— მაშ რის გამო იყო, ჯენი, რომ გუშინ დედა-შვილის შეხვედრის დანახვაზე ხელიდან ფინჯანი გავივარდა?

— არა, ალფრედ, ეს თანაგრძნობა არ ყოფილა. შენ აქარბებ ჩემს შეფასებაში, მე ასეთი არ ვარ.

— მაშ რა იყო, თუ არა თანაგრძნობა?

— შური! — კუჭტად თქვა ჯენიმ.

— რას ამბობ, ჯენი?!

არაფერი მიპასუხა. გზა ერთად განვაგრძეთ და შევაპჩინე,

როგორ დაეჭდო წითელ ბაგეებს მისი კრიალა კბილები. შემდეგ უცბად ამოხეთქა:

— აჰ! შენ რას გაიგებ ამ გრძნობას, შენ ხომ დედა არ დაგიკარგავს! ისიც იმ დროს, როცა იგი ცოცხალია!.. მე ხომ შვილი ვარ მისი. თავბრუ მესხმის, ეს რომ მახსენდება, რაღვან ის დრო ღრმა უფსკრულში ჩაქარგულა. მუდამ ვცდილობ, როგორმე გადავაცალო დავიწყების ნისლი მის მშვენიერ სახეს, მაგრამ ამაოდ. მხოლოდ ამასლა ვახერხებ გავიხსენო: აი ჩემ საწოლთან ჩაიჩოქა მისმა კენარმა სხეულმა, რაღაც უცნაურ სიმღერას მიგალობს და შემომცქერის ალერსიანი შვი: ხავერდოვანი თვალები, სანამ ღრმა ძილს არ მივეცემი.

ჯენი გაჩუქდა. როცა ისევ სახლისკენ მოვბრუნდით, ჩემი რძალი ტერასაზე იდგა და ცხვირსახოცს გვიქნევდა. მე ჯენის მოვკიდე ხელი და ვკითხე:

— რას ფიქრობ, ჯენი, ისევ ძველებურად მიცნობ?

— ჰო, ალფრედ. და ეს ჩემთვის ბედნიერებაა.

ტერასაზე რომ ავედით, გრეტა ორივეს თითოთ დაკვემუქრა და გაგვიღიმა.

— თუ კი მიწიერი საგძალი კიდევ გჭირდებათ. ჩაიზე გვესტუმრეთ, — გვითხრა გრეტამ და ორივენი დარბაზში შეგვიყვანა, სადაც დედაჩემი და ჩემი ძმა საუბარში გართულებულნი. ასეთ მეგობრულ გარემოში ჯენის ქორთვა სახიდან მწუხარების ჩრდილი თანდათან გადაიწმინდა. ვინ იცის, იქნებ სახიდან გულის ღრმა კუნჭულებისკენ გადაინაცვლა.

ნაშუადღევს მე და ჯენის საშუალება მოგვეცა ბავშვობის: დროინდელი ამბები გავგეხსენებინა. ჯენიმ დიდხანს და გულწრფელად იცინა. რამდენჯერმე, როცა სიტყვა დედაჩემზე ჩამოვარდა, შევეცადე, ლაპარაკი დედამისზე გადამეტანა,

მაგრამ ჯენი ან უცხად ჩუმდებოდა, ანდა სხვა თემაზე გადაიტანდა ხოლმე საუბარს. სამხრობისას, როცა სიცხემ ცოტა დაიკლო, ჩემმა ძმამ ჩვენ და თავისი ცოლი ვრცელ მოლზე ვოლანის* სათამაშოდ მიგვიწვია. მას უყვარდა ამ თამაშით გართობა და არც ერთ კვირადღეს არ აცდენდა. დედაჩემისთვის კი ტერასაზე რბილი სავარძელი გაატანინა, საიდანაც იგი ჭვენს თამაშს თვალს ადევნებდა.

აქ ჯენი თავს თავის სტიქიაში გრძნობდა. მისი დიდი, სწრაფად მოძრავი თვალები დაკვირვებით უმზერდა თამაშს და ფეხებიც ასევე სწრაფად დახტოდნენ მოლზე ხან ერთ, ხან მეორე მხარეს. იგი ყოველთვის საკირო ადგილას იყო და პატარა ხელში ჩაბღუჯული ჩოგანით დაბლა წამოსულ ვოლანს ისე დასცხებდა, რომ კვლავ ფრთამესხმულივით აფრინდებოდა ჰაერში. ერთხელ თამაშით გატაცებულმა ჩოგანი იქით გადაისროლა და ხმამაღალი ძახილით: „ო, როგორ მიფრინავს! დავეწიოთ, დავეწიოთ!“ და თითების ტკაცუნით, თვითონაც მისკენ გაეშურა. როცა ჯენი ბურთის ასაღებად დაიხრებოდა, ანდა ჩემი ძმის ძლიერი დარტყმით ბურთი თავზე გადაუფრენდა, უნდა გენახათ, როგორ გადაიქნევედა უკან სქელი ბრწყინავი თმით მოსილ თავს და როგორ მსუბუქად და მკვირცხლად აპყვებოდა მოქნილი სხეულიც. მისთვის თვალი ვერ მომეწყვიტა. ნარნარ მოძრაობაში, რომელშიც ამავე დროს ძალაც ირეკლებოდა, იყო რაღაც ისეთი, რაც ველურობის პირველყოფილებას მაგონებდა. ჩემი გულკეთილი რძალიც მოხიბლული ჩანდა. სანამ ჯენი ჰაერში გაფრენილ ბურთს მისდევდა, მან ჩემთან მობრბინა და ყურში ჩამჩურჩულა:

— ერთი ჯენის შეხედე, ალფრედ! ნუთუ თვალები არა გაქვს?

ჩემი პასუხი რომ გაიგონა: „ოჰ, დიახაც რომ მაქვს და მერე, როგორი გახეხილი-მეთქი“, გრეტამ დასავით გამიღიმა და იღუმლად მითხრა:

— იგი მხოლოდ ერთი აღამიანისათვის არ მშურს, გესმის, მხოლოდ ერთისთვის მთელ ქვეყანაზე.

მალე დედამ დაგვიძახა და გვითხრა:

— გეყოფათ, ბავშვებო!

ჯენი დედაჩემს მიეახლა და მის წინ ჩაიჩოქა. მოხუცმა ფრაუმ მის აგზნებულ ლაწევებს ხელი გადაუსვა და „ოქროს გული ვაქვსო,“ — უთხრა.

სალამოს, როცა წავაზმევეს დიდი ლამაზა აანთეს და დედაჩემი დასასვენებლად წავიდა, მე და ორივე ახალგაზრდა ქალი დარბაზის ბნელ კუთხეში მიდგმულ დივანზე დავსხედით. ჩემი სახლიკაცი საქმეების მოსაწესრიგებლად თავის ოთახში შევიდა. ტერასასკენ გამავალი კარი ღია იყო და იქიდან დარბაზში ლამის სიგრილე იჭრებოდა. ჩვენ გავყურებდით ბინდისაგან ჩამუქებულ ლურჯ ზეცაში აკიაფებულ ვარსკვლავებს, რომლებიც ჩალამებულ ხეთა კენწერობებზე ჩამომსხდარიყვნენ.

გრეტა და ჯენი თავიანთი პანსიონის თავგადასავლებს იხსენებდნენ, გაცხარებით ლაპარაკობდნენ, მე კი ვუსმენდი. ასე ვისხედით დიდხანს. მაგრამ, როცა გრეტამ წამოიძახა: ეს დრო უბედნიერესი იყო, დადუმებულმა ჯენიმ თავი ისე დაბლა ჩაჰკიდა, რომ მე მის ბზინვარე თმაზე თეთრი გამყოფი ხაზი შევამჩნიე.

ჯენი ფეხზე წამოდგა და ბალის ღია კარის ზღურბლზე შედგა. ამ დროს ჩემმა ძმამ გვერდით ოთახიდან თავის მეუღლეს მიუხმო და მე ჯენისთან მივედი. ამასობაში მთვარეც

ამოვიდა და ბალი ნაზ ნისლში გაახვია. ბინდში გაზონებიდან ხან აქ, ხან იქ გამოანათებდნენ თეთრი ვარდები, რომელთა ფურცლებს ეს-ესაა ამოსული ღამის მნათობის შარავანდელი თავს დასდგომოდა. ბოსკეტის* მხარეს მოჩანდა ჰაეროვანი ჰალის მაღალი შეკრეჭილი ხეების ერთი ნაწილი, რომელიც ნაზ მოლურჯო სინათლეში გახვეულიყო, მათ შუა გამავალი ხეივნები კი ჩაბნელებულიყო და იღუმლად გამოიყურებოდა. ხმას არც მე ვიღებდი, არც ჯენი, ნეტარებას განვიცდიდი იმით, რომ ვიდექი მის გვერდით ასე გარინდებული და წინათგრძნობით აღვსილ ღამეს გავყურებდი.

— ერთ რამეს ველარ გამჩნევ, — მივმართე ბოლოს ჯენის, — რა იქნა შენი მომხიბვლელი ეშმაკობა?

— ჰო, ალფრედ, — გამეპასუხა იგი და ხმაზე ვივრძენი. რომ ილიმებოდა, — ნეტავ კი მაშიდა ყოზეფინა გვყავდეს აქ! — მერე სერიოზული კილოთი დაუმატა: — ჩემს გონებას ახლა სხვა საფიქრელი გასჩენია.

ამაზე მე არაფერი მითქვამს. გუშინდელივით მთელი მინდამო ბულბულებს დაეპყროთ. როცა მათი სტვენა წამით მიყუჩდებოდა, ირგვლივ ისეთი მღუმარება ისადგურებდა, ასე ნევონა, გარსკვლავებიდან ვარდზე დაპკურებული ნამის ხმასაც გავიგონებდი. არ მახსოვს რამდენ ხანს ვიდექი ასე. ჯენი ერთბაშად გასწორდა და მითხრა:

— ღამე მშვიდობისა, ალფრედ! — და ხელი გამომიწოდა.

არ მეთმობოდა, მაგრამ ესლა ვუთხარი:

— მარცხენა ხელი გამომიწოდე! აი, ჩემი მარცხენა ხელი!

— აჰა, მარცხენაც, მაგრამ რატომ მარცხენა?

— რატომ, ჯენი? მარცხენას მე არავის ვუწვდი!

ჯენი წაჭიდა. ბუჩქნარებში განაბული ბულბულები დაულ-
ლელად განაგრძობდნენ სიყვარულის საგალობელს.

მაგრამ ერთხელ მძივებივით ასხმულ დღეთა კრიალოსანი
გაწყდა. ის დღე ჩემთვის განსაკუთრებით უღიმღამო იყო,
რადგან ჯენი გაემგზავრა მეზობელ მამულში თავის წაცნობის
მოსანახულებლად. ჯენი დიდი ხნის წინათ დაჰპირებოდა
მას — გინახულებო. დილაადრიან ჩაჯდა საფოსტო ეტლში,
რომელიც ჩემი ძმის მამულზე გავლით დადიოდა და ამბა-
ვი დატოვა, საღამოს შეგვიანებით დავბრუნდებო.

დღის პირველი ნახევარი დედასთან გავატარე, ვისხელით
წყნარად და ვუზიარებდი ჩემ საფიქრალსა და მომავლის გეგ-
მებს. წაშუადღევს მე და ჩემმა ძმამ მისი ველ-მინდვრები,
საძოვრები და მერგელის* მაღაროები მოვინახულეთ. შემდეგ
გრეტა თავისი დანიშვნის სასაცილო ამბავს მომიყვა, მერე კი,
როცა თანდათან მოსაღამოვდა, მოსვენება დავკარგე და ში-
ნაურების ლაპარაკს გულს ველარ ვუდებდი. როგორც კი დე-
დაჩემი თავისი საძინებელი ოთახისკენ გაემართა, მე ბაღის
გაღებულ კარის წირთხლს მივეყრდენი, საღაც გუშინ ჯენის-
თან ერთად ვიდექი. ბოსკეტის მხარეს კორდს იქით მთვარიანი
ღამის მოლურჯო ნისლში კვლავ დავინახე ჰაეროვანი ჭალის
შეკრეჭილი წიფლის ხეები. დღემდე, რაღაც შემთხვევის წყა-
ლობით, იქით არ გამევილო. ახლა კი გუშინდელზე მეტად მი-
მიზიდა დაბურულმა ტევრმა, რომლის ჩრდილებში აქა-იქ ხე-
ივნები მოჩანდა. ასე მეგონა, ფოთლებისა და ჩრდილების ამ
ლაბირინთში ზაფხულის ღამის ყველაზე ამო რამ იყო დაფა-
რული. დარბაზი მოვათვალიერე, ხომ არავინ მიყურებს-
მეთქი, და ტერასიდან უხმაუროდ დავეშვი ბაღისკენ. ის-ის
იყო მთვარე ბაღის აღმოსავლეთიდან შემორტყმულ წიფლი-

სა და წაბლის ხეთა კენწეროებს ამოსცილდა. ჩრდილ-ჩრდილ შემოკუარე კორდს. გზად უკვე დანამული ვარღი მოვწყვიტე და სახლის გადასწვრივ ბოსკეტს შევევრიე. ბუჩქნარებსა და პატარა გაზონებს შორის გამავალი ფართო ბილიკები ერთიმეორეს უწესრიგოდ ჩახლართოდნენ. სიბნელეში ხან მარცხნივ, ხან მარჯვნივ გამოჩნდებოდა უსამინის თეთრყვავილასხმული ტოტები. ცოტა ხნის შემდეგ მცირე ხანს შევჩერდი გაკრეპილ ხეებთან, რომელთა ფოთლებით შეკრულ მთლიან კედელს მთვარის ნაზი სხივები დაჰნათოდა, და ამ დიდებული სურათით ვტკბებოდი. მკაფიოდ ჩანდა ყოველი ფოთოლი. დროდადრო ფოთოლთა ტევრიდან ჩემს ზემოთ მთვარის ჩახჩახა შუქზე, მოზრდალი ხოჭო ან ღამის პეპელა გამოფრინდებოდა და ჰაერში ბზუილით დატრიალდებოდა. წინ გაშლილი ხეივანი ტევრის სიღრმეში იკარგებოდა. ვერ გამეგო, ეს იყო თუ არა ის ხეივანი, რომლის ჩრდილებმა ტერასიდან აქეთ მიმიზიდეს: აქედან ბატონების სახლი აღარ მოჩანდა, სამზერი ბუჩქნარს დაეფარა.

აქ დაკვალული ბილიკები უკაცრიელი იყო და წამიერად რაღაც ბუნდოვანმა შიშმა მომიცვა, ვაითუ უკან დასაბრუნებელი გზა ვეღარ ვიპოვო-მეთქი. ბილიკის ორივე მხარეს ფოთოლთა ისეთი გაუვალი და მაღალი კედელი გასდევდა, რომ მხოლოდ ზემოთ ვხედავდი ცის პატარა ნაჭერს. ყოველთვის, როცა გზაჯვარედინზე გავიდოდი და წინ ცოტა მოზრდილი ადგილი გამოჩნდებოდა, ასე მეგონა, სადაცაა ჩრდილიდან მთვარის შუქზე 1750 წლის მოღაზე ჩაცმული ფრანტის ხელზე დაყრდნობილი, ხაბარდიან კაბაში გამოწყობილი, გაბურღული ლამაზმანი გამოგოგდება-მეთქი. მაგრამ ყველაფერი

უცვლელად რჩებოდა, მხოლოდ ღამის სიო თუ გაიხშიანება ხანდახან ფოთლებში.

რამდენივე გზაჯვარედინი რომ გადავიარე, გუბურის პირა აღმოვჩინდი, რომელიც ასიოდე ნაბიჯის სიგრძისა და ამის ნახევარი სიგანისა თუ იქნებოდა. გარშემორტყმული ტყვიდან და ნაპირზე მდგარი ხიდან გუბურას ფართო ბილიკი აშორებდა. ჩაბნელებული წყლის სიღრმეში თეთრი დუმფარები კიაფობდნენ. მათ შორის კი, გუბურის წყლიდან ამოზიდულ კვარცხლბეკზე მდუმარედ და განმარტოებით იდგა ვენერას მარმარილოს ქანდაკება. ირგვლივ სიჩუმე გამეფებულიყო. ნაპირს გავუყევი და იმ ადგილას შევჩერდი, საიდანაც ხელოვნების ამ ქმნილებასთან ყველაზე ახლოს აღმოვჩინდი. როგორც ეტყობოდა, იგი ლუი მეტხუთმეტის დროის ერთ-ერთი უმშვენიერესი ქანდაკება უნდა ყოფილიყო. ვენერას ცალი ფეხი წინ გაეშვირა, თითქოს ეს-ეს არის წყალში აპირებს ჩასვლასო. ცალი ხელით კლდეს ჩასკიდებოდა, მეორეთი კი გახდილი კაბა მკერდთან მიეტანა. ამ ადგილიდან მის სახეს ვერ ვხედავდი, რადგან თავი უკან მიებრუნებდა, თითქოს, ვიდრე შიშველ სხეულს წყალს მიანდობდა, სურდა დარწმუნებულიყო, ხომ არავინ მიყურებსო.

მოძრაობის შთაბეჭდილება ისეთი ბუნებრივი იყო, თანაც მთვარე მის მარმარილოს ზურგს ისე ნაზად აფენდა სხივებს. რომ თუმცა ქანდაკების ქვედა ნაწილი ჩრდილს დაეფარა, მომეჩვენა, თითქოს მართლაც წმიდანის აკრძალულ, იღუმალე-ბით მოცულ სამყაროში შევიკერი-მეთქი. ჩემს ზურგს უკან ხის ქვეშ გრძელი სკამი იდგა. აქედან კიდეც დიღხანს ვუმზერდი ამ მომხიბვლელ სანახაობას. და მე არ ვიცი, იქნებ ეს

ამ სილამაზით შექმნილი განწყობილების ბრალიც იყო, მაგრამ მისი მზერისას თვალწინ ჯენი მიდგა.

ბოლოს წამოვდექი და ერთხანს უმიზნოდ ვიხეტიალე ჩაბნელებულ ხეივნებში. იმ გუბურის ახლოს, დაბალი ბუჩქნარით შემორგულ მოედანზე, აღმოვაჩინე მარმარილოს კვარცხლბეკი, კიდევ ერთი ქანდაკების ნამტვრევით. ეს გახლდათ მამაკაცის დაკუნთული ფეხი, რომელიც, აღვილი შესაძლებელია, პოლიფემს* ეკუთვნოდა. და ალბათ, რომელიმე ფილოლოგი მთლად უმართებულო არ იქნებოდა, თუ შეუღვებოდა იმის მტკიცებას, რომ ეს იყო გალათეას* მარმარილოს ქანდაკება, რომელიც ექვიანი და აღვირახსნილი ღმერთების ვაჟიშვილისაგან თავის დაღწევას ზღვაში ცდილობსო.

ჩემში ხელოვანმა გაიღვიძა. დამაინტერესა, თვითონ ამომეწონო — გალათეა იყო იგი თუ ვენერა. ამიტომ ისევ უკან უნდა მივბრუნებულეყავი, უფრო ყურადღებით რომ დავკვირვებოდი ქანდაკებას, მაგრამ რომელ ხეივანშიც არ შეეუხხეიე, იმ გუბურას ვერა და ველარ მივალწიე. ბოლოს, როცა გვერდითი ბილიკიდან ფართო ხეივანში გავედი, მის ბოლოში ალაპლაპებულ წყალს მოვკარი თვალი. მივიჩნიე, რომ ისევ იმ ადგილას ვიდექი, საიდანაც პირველად გავედი გუბურას პირას. უცნაური მხოლოდ ის იყო, ამდენ ხანს როგორ ვერ მოვაგენი აქაურობას. მაგრამ თვალებს ვერ დავუჯერე: მართალია, გუბურას შუაში კვარცხლბეკი ისევ ამოშვერილიყო წყლიდან, მისი ჩაბნელებული სიღრმიდან კვლავაც კიაფობდა თეთრი შროშანები, მაგრამ მარმარილოს ქანდაკება აღარსად ჩანდა. ვერ გამეგო, რა მოხდა და კარგა ხანს ცარიელ ადგილს ვაკვირდებოდი. როცა ბოლოს გუბურას იქითა ნაპირისაკენ გავიხედე, დავინახე მაღალი ხეების ჩრდილს შეფარებული

ქალის თეთრი სხეული. იგი ნაპირზე მდგარ ხეს მიჰყუდებოდა და წყალში იყურებოდა. აი თითქოს შეინძრა კიდევ, რადგან მართალია ისევ ჩრდილში იდგა, მაგრამ ერთბაშად მის თეთრ კაბაზე მთვარის სხივი ათამაშდა... ნეტა რა იყო? ნუთუ ძველი ღმერთები ღამით შემოივლიდნენ? საამისოდ სწორედ რომ შესაფერი ღამე იყო. თეთრ ყვავილებს შორის წყალში ვარსკვლავები ციმციმებდნენ. ხეთა ტევრში ერთი ფოთლიდან დაქანებული ნამის წვეთი მეორეს ეცემოდა. ხანდახან ნაპირზე მდგარი ხიდან მომწყდარი წვეთი ნელი წკაპანით ვარდებოდა გუბურაში. ბალის შორეული კუთხიდან ბულბულის სტვენა აქამდე აღწევდა. გუბურის დაჩრდილულ ნაპირს გავუყვები. ახლო რომ მივედი, ქალმა თავი ასწია და მე დავინახე ჩემსკენ მოპყრობილი ჭენის ფერგამკრთალი წარმტაცი სახე. მთვარე ისე ანათებდა მის სახეს, რომ ვარდისფერ ბაგეებს შორის კბილთა მოციხფრო მანანქარიც თვალნათლივ შევნიშნე.

— ეს შენ ხარ, ჭენი? — შევძახე მე.

— მე ვარ, ალფრედ! — გამეპასუხა იგი და ჩემსკენ წამოვიდა.

— აქ როგორ მოხვედი?

— ეტლიდან პარკის მეორე შემოსასვლელთან ჩამოვხტი.

— მე კი მეგონა, კვარცხლბეკიდან ქალღმერთი ძირს გადმოვიდა-მეთქი.

— ქალღმერთი კარგა ხანია კვარცხლბეკიდან ძირს გადმოსულა თუ გადმოუგდიათ. მაგ კვარცხლბეკზე იგი არასოდეს არ მინახავს.

— რას ამბობ, მე კი ამ თხუთმეტიოდე წუთის წინ ვნახე! ჭენიმ უარის ნიშნად თავი გაიქნია.

— შენ ალბათ იქით იყავი, მეორე გუბურასთან. მარმარი-

ლოს ქანდაკება იქ ახლაც დგას. აქ კი ღმერთები არ არიან, არის მხოლოდ ადამიანის საბრალო ნაშეიერი, რომელსაც დახმარება სჭირდება.

— შენ გკირდება, ჯენი, დახმარება?

ჯენიმ ბეჯითად დაიქნია თავი.

— თუკი შენ მართლაც ისე კარგად მიცნობ, გუშინ რომ შარწმუნებდი, მითხარი რა გაგიჭირდა?

— ფული! — მომიგო მან.

— შენ გკირდება ფული! — გაოცებით შეეხედე ამ მღიღრის ქალიშვილს.

— ნუ მკითხავ, რად მკირდება, — მიპასუხა ჯენიმ. — მალე გაიგებ: — შემდეგ მან ჯიბიდან ამოიღო ცხვირსახოცი და შთვარის შუქზე გამომიწოდა ზედ დაწყობილი ოსტატურად ზაქედ ბუდეებში ჩასმული მწვანე ქვებიანი სამკაული. — მე თვითონ ვერ გავყიდი ამ ნივთს, — დაიწყო მან. — შენ ხომ ვერ გამოიყიდი ხვალ? — და რაკილა კოკმანი შემატყო, სწრაფად დაუშბატა: — ეს არც ნაჩუქარია და არც საგვარეულო განძი. თვითონ ვიყიდე ერთხელ ჯიბის ფულით.

— მაგრამ რატომ მამაშენს არ შეატყობინებ ამ ამბავს? — აღმომხდა მე.

ჯენიმ თავი გაიქნია.

— მე კი მეგონა, მამაშენი უარს არაფერზე არ გეუბნებოდა, — დავასრულე ჩემი ნათქვამი.

— მართალია, ალფრედ, მამაჩემი უარს არაფერზე არ მეუბნება! — ჯენის ხმაში მწვავე გულისტკივილი გამოკრთა, — მაგრამ არ მინდა ამ კაცს რაიმე ვთხოვო.

ჯენიმ ორიოდ ნაბიჯით უკან დაიხია, ჩვენს უკან ჩრდილში მიდგმულ სკამზე ჩამოჯდა და თავი ხელებს დააყრდნო.

— ნუთუ ასე აუცილებელია მისი გაყიდვა? — ვკითხე მას.
ჯენიმ ამომხედა და თითქმის მოკრძალებით მითხრა:

— იმ ფულით ჩემი ერთი წმინდა ვალი უნდა მოვიხადო.

— ნუთუ სხვა რამ გამოსავალი არ არის?

— სხვას ვერ ვხედავ.

— კარგი, მაშ მომეცი ეგ სამკაული.

მან გამომიწოდა, და, თუმცა გული მეწინააღმდეგებოდა, ძვირფასი ნივთი გამოვართვი. ჯენი ხმის ამოუღებლად მიეყრდნო სკამის საზურგეს. მთვარის სხივი ანათებდა კალთაზე დადებულ მის პატარა ხელს და, როგორც მრავალი წლის წინათ, მის ფრჩხილებზე ახლაც შევამჩნიე ნახევარმთვარის ფორმის პატარა მუქი რკალები. არ ვიცი, რატომ, მაგრამ ამის დანახვამ შემაკრთო და მათ თვალი ვეღარ მოვწყვიტე. ჯენიმ რომ ეს შეამჩნია, ხელი ჩრდილისკენ წაიღო.

— ერთი სათხოვარიც მაქვს, ალფრედ! — მითხრა მან.

— მითხარი, ჯენი!

მან ოღნავ დახარა თავი.

— მრავალი წლის წინათ, — ჯაიწყო მან, — როცა ბავშვობისას ერთმანეთს დავემშვიდობებთ, მე ერთი პატარა ბეჭელი მოგეცი. გახსოვს?

— რატომ ექვობ, რომ მახსოვს?

— თუ ამ პატარა ძვირფას ნივთს ისე აფასებდი, რომ აქამდე შემოინახე, — განაგრძო ჯენიმ, — ძალიან გთხოვ, დამიბრუნო!

— თუკი უკანვე მთხოვ, — წყენით მივუგე, — რა უფლება მაქვს, არ დაგიბრუნო.

— ვერ იგამიგე, ალფრედ! — შესძახა ჯენიმ. — ო, ეგ ხომ ერთადერთი ნივთია, დედას რომ მაგონებს!

მე უკვე ამოვაძვრე ყელსახვევიდან ზონარგაყრილი ბეჭედი.

— აჰა, ჯენი. მაგრამ, მაპატიე, თუ გეტყვი, რომ მაინც მეწყინა.

ქალიშვილი ფეხზე წამოდგა. შევამჩნიე, როგორ გადაუარა სიწითლემ მის სახეს, მაგრამ ხელი უნებლიეთ ბეჭდისკენ გამოიწვდინა და მოუთმენლად წაეტანა. თავს დავძლიე, რომ ბეჭედს ასე იოლად შევლეოდი და ისევ ხელში მეჭირა.

— ამ ცოტა ხნის წინათ, — დავიწყე მე, — ეს ბეჭედი ჩემთვის ჩემი ბავშვობის მშვენიერი მეგობრის გასახსენებელ სამახსოვროს წარმოდგენდა. ახლა კი იმ დღეთა მანძილზე, რაც აქ გავატარე, სხვა რამედ იქცა.

უცბად გავჩუმდი, რადგან ჯენიმ ისე შემომხედა, თითქოს რაღაც დიდი ტკივილი მიმეყენებინოს.

— ასე ნუ მელაპარაკები, ალფრედ! — შემეხვეწა იგი.

ამ სიტყვებს ყურადღება არ მივაქციე და ჯენის ორივე ხელი დაუჭირე. ქალიშვილს წინააღმდეგობა არ გაუწევია.

— წაიღე, ჯენი, ეს ბეჭედი, — შევეძახე მე, — ოღონდ სამაგიეროდ შენი ხელი მომეცი!

მან ნელა გააქნია თითი.

— ფერადკანიანის ხელი, — ყრუდ თქვა ჯენიმ.

— შენი ხელი, ჯენი! სხვა რამ რა ჩვენი საქმეა!

ჯენი ისე წამოდგა, რომ არ შერხეულა. მხოლოდ მისი ხელის ცაბცახზე ვატყობდი, რომ ცოცხალი იყო.

— ვიცი, ალფრედ, რომ ჩვენ ორივე მშვენიერნი ვართ, როგორც ის ცოდვა, რომელმაც დასაბამი მისცა ჩვენს არსებობას, — თქვა მან ბოლოს, — მაგრამ მე არ მინდა გაცდუნო.

მაგრამ, როცა უსიტყვოდ გავიწოდე მისკენ ხელები, იგი ერთბაშად გულში ჩამეკრა, მკლავები მაგრად მომხვია კისერზე,

თვალეები მომაპყრო და მე ჩავეხედე მის უძირო, ანთებულ შუბლს.

— დიახ, ჯენი, — ასე მეგონა, თრთოლვამ, რომელმაც ხეებს დაუარა, ახლა მეც მომიცვა-მეთქი, — შენ მაცდუნებლად წარმტაცი ხარ. ის დემონური ქალღმერთიც კი არ იქნებოდა შენზე: წარმტაცი, ვინაც ერთ დროს ადამიანებს გონება აურიო და დაავიწყა ყოველივე, რაც კი ოდესღაც უყვარდათ! იქნებ თავად შენა ხარ იგი და ამ ნეტარ ღამით იმიტომ დადინხარ, რომ გააბედნიერო ისინი, ვისაც ჯერ კიდევ შემორჩათ შენი რწმენა?.. არა, თავს ნუ დაისხლევ, მე ხომ ვიცი, რომ შენც მიწიერი არსება ხარ ჩემსავით, რომელიც შენი მომხიბვლელობის მსხვერპლი შეიქმნა. შენც ისე უკვალოდ გაქრები, როგორც აი ეს ღამის სიო, ხეთა ფოთლებში რომ დაციგლიგობს. მაგრამ ნუ დასწყევლი იმ იდუმალ ძალას, რომელმაც თავდავიწყება ერთურთის მკერდზე გვაპოვნინა. შესაძლოა, ჩვენს შორის აქ ჩვენდა უნებურად ჩაუყაროთ საძირკველი, მაგრამ იმ შენობას, რომელიც მასზე უნდა დაშენდეს, ჩვენ საკუთარი ხელებით ავაგებთ.

ჯენის ნაზად გავაშვებინე კისერზე შემოხვეული ხელები და ხელი წელზე შემოვხვიე. შემდეგ ზონარიდან ბეჭედი მოვიგლიჯე და თითზე გავუკეთე. იგი დამშვიდებული ბავშვივით მომეყრდნო და ჩემს ნაბიჯს ფეხი ნელა ააყოლა. როცა, რამდენიმე ხნის შემდეგ მეორე გუბურას პირას აღმოვჩნდით, ვენერას ქანდაკება მართლაც ისევე თეთრ შროშანთა შორის აღმართულიყო. მე კი ახლა მტკიცედ ვიცოდი, რომ მკერდზე მიწიერი არსება მყავდა მიხუტებული.

ტაბრით ვვიდოდით, მაგრამ შორეული დაჩრდილულ ჭეივნებიდან ბოლოს მაინც ბოსკეტში გავედით, ხოლო ბოს-

კეტიდან სახლის წინ, მოედანზე. კორდს იქით ღია კარიდან დაინახეთ, როგორ მიმოდრიოდნენ დარბაზში ჩემი ძმა და მისი ცოლი და მეგობრულად საუბრობდნენ.

ჯენი დაიხარა და გონს მოგებაც ვერ მოვასწარი, მკლავებიდან გამისსლტა, მერე ისევ სწრაფად ჩამკიდა ხელი

— ამისრულე, რასაც დამპირდი, ალფრედ, — შითხრა მან, — ხოლო დანარჩენი ყველაფერი, — ძლივს გასაგონად დაუმატა ჯენიმ, — დაივიწყე!

და როცა ღია კარებში გრეტა გამოვიდა და გამოგვძახა: „ჯენი, ალფრედ, ეს თქვენა ხართ?“ — ჯენიმ დაბეჭითებით მთხოვა:

— დღევანდელ ამბავზე სიტყვას ნურავის ეტყვი, ნურც დედაშენს. არ შეიძლება გული ვატკინოთ.

— შენი არა მესმის რა, ჯენი!

მან ხელი მგზნებარედ მომიჭირა და ერთი წამის შემდეგ ტერასაზე იდგა გრეტას გვერდით. განათებულ დარბაზში რომ შევედით, გრეტამ თავი გადაიქნია, და ჯერ ერთს დაგვაშტერდა, მერე მეორეს.

დაპირების შესასრულებლად დილაადრიან ქალაქში ცხენით გავეშურე. ორ სხვადასხვა ოქრომჭედელს შევაფასებინე სამკაული. მისი ღირებულება დიდი აღმოჩნდა. იმკამად ფული საკმაოდ მქონდა და სამკაული შემეძლო ჯენისათვის შემენახა. სამკაულის ფასის შესატყვისი თანხა ოქროზე გადავცვალე და ერთმანეთზე დაწყობილი მონეტები ერთად შევახვიე. ამ საქმეს რომ მოვრჩი, ერთხანს თვალწარმტაც ნავსადურში გავიარ-გამოვიარე. შორს, რეიდზე, იდგა

მზით გაბრწყინებული დიდი ხომალდი. როგორც ერთმა მეზღვაურმა მაცნობა, ეს იყო ვესტ-ინდოეთში მიმავალი ბრიგი.* იგი აფრების ასაშვებად მზად იყო.

„ჯენის სამშობლოში“, გავდიქრე მე და მასზე ფიქრი ისე დამეუფლა, რომ იქ გაჩერება აღარ შემეძლო და შინისაკენ გამოვეშურე.

სადილობამდე ტერასაზე ავედი. აქ არავინ დამხვედრია, მაგრამ ღია კარიდან ბაღში საკმაოდ მოშორებით დავინახე ჯენი და ვილაც გამხდარი ხანდაზმული ბატონი. ბატონმა ჯენის ხაზგასმული თავაზიანობით მკლავი გაუწოდა და სახლისაკენ წამოიყვანა. ახლოს რომ მოვიდნენ, შევამჩნიე, მამაკაცს თმა თითქმის მთლად თეთრი ჰქონდა, სახის კანი კი მეტიმეტად მუქი. მახვილი თვალები მბრძანებლურად გამოიყურებოდა, ხოლო თავის სწრაფი მოძრაობა იმას გაგრძობინებდათ, რომ ეს კაცი უფროსობას იყო ჩვეული. მის გარეგნობას სათანადო იერს აძლევდა თეთრი ყელსასვევი და დახუჭუქებულ ქაბოში გარკობილი დიდი ბრილიანტისთვლიანი ქინძისთავი. მაშინვე მივხვდი, ეს ჯენის მამა იქნებოდა, მდიდარი პლანტატორი და ბიძაჩემი, რომელიც აქამდე არასოდეს მენახა. იგი სწორედ ისეთი აღმოჩნდა, როგორც ბავშვობისას ფანტაზიით წარმომედგინა. გავიგონე უცხო აქცენტით წარმოთქმული სიტყვები. იგი ქალიშვილს ელაპარაკებოდა, სიტყვებს რაღაც ნაწყვეტ-ნაწყვეტად ისროდა და ვერ ვგებულობდი. ჯენი მხოლოდ უსმენდა.

მასთან შესახვედრად მზად არ ვიყავი, ამიტომ სანამ მამაშვილი ტერასაზე ამოვიდოდნენ, დარბაზი მივატოვე და ზემო სართულში ავედი. ჯენის ოთახის კარი ღია დამხვდა, შიგ შევედი და ჩვენი შეთანხმებისამებრ სამკაულის საფასური კარს

ზემოთ განჯინაში შევლევით. აქედან ჩემს ოთახში გავედღ და დადლილი და აღელვებულნი დივანზე მივევდეთ.

აღბათ, ორიოდ წუთი თუ გავიდა, რომ კიბეზე ფეხის ხმა გავიგონე. მალე ჩემი ოთახის გვერდით მდებარე დიდ ოთახში ორნი შევიდნენ. იმ ოთახში გამაყალი კარი დივანის პირდაპირ იყო. ამყამად კარი დახურული იყო, ფანჯარას კი იქითა მხრიდან თეთრი ფარდა ჰქონდა ჩამოფარებული.

ხმით გავიგე, რომ ჯენი და მამამისი ამ ოთახში შევიდნენ, მაგრამ ბოლოში იყვნენ და მათი საუბარი არ მესმოდა. მერე კი, როცა თანდათან მოახლოვდნენ, ჩემი ოთახიდან გამოსვლა მოვინდომე, მაგრამ პირველსავე სიტყვებმა მაიძულეს აღვიღებ და ვერჩენილიყავ და სუნთქვაშეკრულს ამქვეყნად ყველაფრის არსებობა დამევიწყებინა, გარდა მათი საუბრისა.

— შენი იქ დარჩენა არ შეიძლებოდა! — მომესმა მამის ხმა, რომელიც ისევ ისე ნაწყვეტ-ნაწყვეტად ისროდა სიტყვებს.

— რატომ არ შეიძლებოდა? — იკითხა ჯენიმ.

გავიგონე, როგორ გაიარ-გამოიარა ოთახში მამამისმა რამდენჯერმე, მერე გაჩერდა და დაიწყო:

— რაკილა მაიძულე, გითხრა, მისმინე კიდევ: დედაშენის წარმოშობის გამო შენ ვერასოდეს შედგამდი ფეხს იმ საზოგადოებაში, რომელსაც მამაშენი ეკუთვნის.

— და ჩემი საკუთარი წარმოშობის გამოც, — დაუმატა მამის ნათქვამს ჯენიმ. — ეს მე კარგად ვიცი.

— კარგად იცი? მერე და ვინ გელაპარაკა ამ საკითხზე?

— არავინ. თავად წავიკითხე.

— რაკილა ასეა, მაშ ისიც გეცოდინება, თუ რად გამოგა-

გზავნე ევროპაში. მგონი, ამის გამო შენგან მადლობა შეეუთვნის.

— დიახ, ისევე, როგორც იმის გამო, რომ აქვეყნად მოვლენასაც შენ უნდა გიმადლოდე.

მამას ამაზე არაფერი არ უთქვამს. მაგრამ ფანჯარა გაიღო და მოძრაობაზე მივხვდი, როგორ გადაეყუდა კაცი ფახარაში და აღელვებულმა ხველება დაიწყო. ჯენი ზურგით იმ კარს მიყრდნობოდა, რომელიც ორივე ოთახს ჰყოფდა. ჩამოფარებულ ფარდაზე ვხედავდი მისი თავის ჩრდილს და მესმოდა მისი კაბის შრიალი.

რამდენიმე ხნის შემდეგ მამამისი უკანვე მობრუნდა.

— შენთვის ყველაფერი გავაკეთე, რაც შემეძლო, — დაიწყო მან. — მართალია, ჩემთვის არაფერი გითხოვნია, მაგრამ არ ვიცი, კიდევ რა სურვილი შეიძლებოდა გქონოდა.

ჯენი ნელა დაიძრა და მამისკენ წავიდა.

— სად არის დედაჩემი? — იკითხა მან.

— დედაშენი, ჯენი! — ისე წამოიძახა კაცმა, თითქოს ყველაფრის თქმას აიტანდა ქალიშვილისაგან, ოღონდ ეს კითხვა არ დაესვა. — შენც კარგად იცი, იგი ცოცხალია და ყველაფრით უზრუნველყოფილი.

— და ახლა, როცა შენი ახალი სახლი მზადაა და ავეჯით გაწყობილი, — ულმობლად განაგრძო ჯენიმ, — იმედია, შენ ყველაფერი იღონე, რომ იგი აქ ჩამოვიდეს და ჩვენთან ერთად იცხოვროს, არა?

გავიგონე, როგორ გაიარ-გამოიარა დიდ ოთახში მამამისმა მტკიცე ნაბიჯით, მერე ისევ შვილთან მივიდა:

— ჯერაც ბავშვი ხარ, ჯენი, — ხმადაბლა წარმოთქვა მან მკვეთრი აქცენტით, — შენ არ იცი, როგორია ცხოვრება იმ

ქვეყანაში, სადაც დაიბადე, არც უნდა იცოდე. — და თითქოს ეს მოხუცი ვაჭარი მოგონებებმა მოაჯადავესო, ისე განაგრძო: — წარმოდგენლად მომხიბვლელი იყო ეს ქალი, ზღაპრულად მშვენიერი, როცა თეთრ სამოსელში გამოწყობილი მანგოს* ფართო მწვანე ფოთლების ფონზე ქანობდა ჰამაკში გადაწოლილი, მის ქვემოთ მზით ალაპლაპებული ზღვის უბე გაშლილიყო, ზემოდან კი მილურჯო-ფოლადისფერი ტროპიკული ზეცა დაჰნათოდა, როცა იგი თავის ჩიტუნებთან ერთობოდა ანდა ოქროსფერი ბურთით თამაშობდა! ოღონდ მისი ლაპარაკი არ უნდა გაგეგონა. მისი მშვენიერი ბაგეები ჯახირითა და ტანჯვით ამოისროდა ზანგების ენაზე დამტკრეულ სიტყვებს. ეს იყო ბავშვური რატრატი... მას არ შეეძლო, ჯენი, შენ ისე გაეზარდე და ჩამოეყალიბებინე, როგორც ახლა ხარ.

ჯენი ისევ კარზე იყო აყუდებული.

— და ამიტომ წაართვი დედას შეილი? ის ყვიროდა, ო, როგორ ყვიროდა, როცა მას ბავშვი გამოჰგლიჯე და ტრაპით გემზე გადაიყვანე. ეს იყო უქანასკნელი, რაც დედისგან გავიგონე... მე მალე დამავიწყდა ეს ხმა, რადგან მაშინ პატარა ვიყავი და დახსოვება არ შემიძლო. ღმერთმა შემინდოს ამის გამო... მაგრამ ახლა კი ყოველლამ მისი ძახილი მიდგას ყურში. ვინ მოგცა შენ იმის უფლება, რომ ჩემი მომავლის საზღაურად დედაჩემი გაგეუბედურებინა?!

ფარდილან შევაძინე, ამ სიტყვების თქმაზე, როგორ ამაყად გასწორდა წელში ჯენი.

მამამ, როგორც ჩანდა, ხელი ჩაჰკიდა ჯენის.

— გონს მოდი, ჯენი, — წარმოთქვა მან. — იძულებულ

ვიყავ თქვენ ორს შორის არჩევანი გამეკეთებინა... შენ კი შვილი ხარ ჩემი.

იმ გულთბილმა, თითქოს ნაზმა კილომ, მამამ რომ ეს სიტყვები წარმოთქვა, ჯენიზე, როგორც ჩანდა, არავითარი გავლენა არ მოახდინა.

— შენ ჩემს კითხვაზე არ გიპასუხნია, — მიუგო მამას. — საზღაური, რომელიც შენ ჩემს აღზრდას შესწირე, არც შენ გეკუთვნოდა და არც მე, იგი კუთვნილებსამებრ უნდა დააბრუნო, სანამ დრო არის. მიპასუხე, იცხოვრებს თუ არა დედაჩემი ჩვენთან ერთად შენს ახალ სახლში?

— არა, ჯენი. ეს შეუძლებელია!

ამ სიტყვებს დუმილი მოჰყვა. რას განიცდიდა ჯენი ამ წუთში ან როგორ აისახა იგი მის სახეზე, მე ვერ გავიგე.

— კიდევ ერთი სათხოვარი მაქვს შენთან, — მიმართა ბოლოს მამას.

— მითხარი, ჯენი, — აჩქარებით გაეპასუხა მამა — მითხარი, რა გსურს და თუკი ჩემს ძალ-ღონეს არ აღემატება...

— გთხოვთ, იმ ხნის მანძილზე, შენ რომ პირმონტში იქნები, მე აქვე ვიყო, ჩვენს მეგობრებთან.

ჯენის მამა ერთხანს დუმდა. ბოლოს მიუგო:

— თუ კი მამასთან ყოფნას აქ გირჩევნია, რაღა მეთქმის. ჯენის აღარაფერი უთქვამს, ოღონდ ეს ჰკითხა, თუ შეიძლება ახლა მიგატოვო?

— თუკი აღარაფერი გინდა მითხრა, მაშინ მეც დაბლა ჩამოვალ, — მიუგო მამამ.

ამის შემდეგ კარი გაიღო და გავიგონე, ტალანზე გაეღიო როგორ დაეშენნენ ისინი კიბეზე. მე ისევ ოთახში დავრჩიე სანამ სადილად არ დამიძახეს.

როცა ძმამ ჯენის მამასთან წარმადგინა, მან თვალი სწრაფად ამაველ-ჩამაველო, თითქოს ჩემს პიროვნებას აფასებდა. შემდეგ სწავლისა და მოგზაურობის ამბები გამოძიებდა და ამით დაინტერესდა, შემეძლო თუ არა მიღებული ცოდნის სამშობლოში გამოყენება. ეს ყველაფერი თითქოს გამოცდას წააგავდა. ბოლოს თავაზიანად მთხოვა, როგორც კი სამკურნალო წყლებიდან დავბრუნდები, მეწვიეთ და ახლადნაგები სახლის თაობაზე თქვენი ავტორიტეტული აზრი გამიზიარეთო. ამ მამაკაცის თავაზიან თავდაქერაში ვერ იგრძნობდით ვერაფერს იმ ამბისას, რაც იმ ცოტა ხნის წინ მასა და ქალიშვილს შორის მოხდა.

მაგიდასთან იგი დედაჩემის გვერდით იჯდა და თავაზიანი საუბრით ართობდა. როცა დედამ საუბარი ერთად გატარებულ ახალგაზრდობაზე ჩამოაგდო, ჯენის მამამ ხუმრობის უნარ კი გამოამჟღავნა. სტუმარმა თავის მეზობელს გაახსენა შვილიურ ქალაქში მოწყობილი მეჯლისები, დარბაზი „პარმონია“, სადაც ისინი ერთად ცეკვავენ ხოლმე, კელის შ. ლერზე მთელი ტანით გამოსახული მსუქანი ამური.

—ახალგაზრდა ქალებს ამ ამურისა ისე ეშინოდათ, — განაცხადა ჯენის მამამ, — რომ მოცეკვავენი იმ მხარეს თითქმის არ ეკარებოდნენ.

— თქვენ კი, ბიძაშვილო, — მიუგო დედაჩემმა, — სულ იმას ცდილობდით, რომ თქვენი მეწყვილე მაინცდამაინც იმ ნახატისკენ წაგეყვანათ, — ჯენის მამამ დედაჩემს გალანტურად დაუკრა თავი:

— მე ხომ ვიცოდი, ბიძაშვილო, — შენიშნა მან, — რომ ჩემთან ყოფნისას ამურისა არ გეშინოდათ.

მე შევამჩნიე, ამ სიტყვებზე როგორ გადაურბინა დედა-

ჩემის ჯერაც მიმზიდველ სახეს ოდნავმა სიწითლემ. და ჩემ-
და უნებურად გაპიელვა, ვინ იცის, იქნებ ერთ დროს ისინიც
ისე მიისწრაფოდნენ ურთიერთისაკენ, როგორც ახლა ჩვენ,
მათი შვილები. ამ სიტყვებზე მალლა აიხედა ჯენიმაც, რო-
მელიც აქამდე სრულიად გულგრილად იჯდა და საკმელსაც
თითქმის არ მიჰკარებია, იქნებ მამისაგან მას არასოდეს გა-
ეგონა ასეთ სამხიარულო ამბებზე საუბარი. სუფრასთან ყო-
ფნისას ჯენისთვის მაშას ერთხელაც არ მიუმართავს, მიმოსვ-
ლის სხვადასხვა საშუალებებზე საუბრობდა ჩემ ძმასთან.

. შემდეგ, როცა მოგვიანებით ყავა შემოიტანეს, დედაჩემს
მიმართა:

— თქვენი შვილების კეთილი მასპინძლობის გამო ჯენის
სურს, რომ ერთხანს ისევ აქ დარჩეს. ხვალ მარტო გავემგ-
ზავრები. კარგა ხანია ჩვენ ერთმანეთს ვიცნობთ, ჩემო ბიძა-
შვილო. როცა ამის საშუალება მოგეცემათ, მოუყევით მას
ჩვენი ახალგაზრდობის ამბები. მალე მოხუც მამასთან ერთად
მოუწევს ცხოვრება და, ვგონებ, ცუდი არ იქნება, რომ მისი
ახალგაზრდობის ამბებიც შეიტყოს. — ჯენის მამამ თავისი
ახალგაზრდობის მეგობარს ხელი ჩამოართვა, ფეხზე წამოღვა
და დაუმატა: — ამით კარგ სამსახურს გამოიწევთ, ბიძაშვილო.

დღე ისე იწურებოდა, რომ ჯენის ცალკე ვერ შეეხვდი.
აშკარად ეტყობოდა, ჩემთან შეხვედრას გაურბოდა.

გრეტაც მთელ დღეს საოჯახო საქმეებში იყო გართული.
მეორე დღეს, როგორც კი სტუმარი გავემგზავრა, გრეტა ჩემ-
თან ბაღში მოვიდა. გულხელი დაიკრიფა, მიძიველ ამოიოხრა
და ღიმილით მითხრა:

— როგორც იქნა, ისევ დავრჩით მახლობლებს შორის.

ჩემდა სამწუხაროდ, გავიგე, რომ ჯენი სადილობაძლე აპი-

კებდა წასვლას ქალაქში რამდენიმე დღით, რომ იქ ეკონომ
ქალთან ერთად მამამისის ახალი სახლისთვის რაღაც ავეჯე-
ულობა შეეძინა.

როცა სამგზავროდ ჩაცმული ჯენი ტერასაზე გამოვიდა, იქ
მარტო მე ვიყავი. ჯენიმ ხელი გამომიწოდა, მაგრამ მე შემოფ-
წყერი, მარტო რად მტოვებ-მეთქი.

— რატომ მიკოდავ გულს, ჯენი, ნუთუ ასე საჩქაროა მაგ
ავეჯის შექმნა?

ჯენიმ თავი გაიქნია და მშვიდად და დაკვირვებით შემომ-
ხედა. მის თვალებში — სხვა რამ ვერ დამირქმევია — რაღაც
აძაღლებული ოცნების ანარეკლი ჩამდგარიყო.

— მაინც მიღიხარ და ისიც ახლავე? — კვლავ ვკითხე ჯე-
ნის.

— არ შემიძლია, ტყუილი გითხრა, ალფრედ, მეც არ მინ-
და, მაგრამ მოვალე ვარ. სხვაგვარად არ შემიძლია.

— მაშ მეც ყოველდღე ჩამოვალ ხოლმე და წაგეხმარები.
ჯენი შეკრთა.

— არა, არა! — შესძახა მან. — რა საჭიროა!

— რატომ არა?

— რა ვიცი, ნუ მეკითხები! გამიგონე, არ ჩამოხვიდე!

-- ნუთუ არ მენდობი, რომ გული გამიხსნა, ჯენი?

მან ისე შესაბრალისად ამოიოხრა, რომ ამის მსგავსი არა-
სოდეს არაფერი მომისმენია. მერე ხელები ჩემკენ გამოიწვდი-
ნა, აღარავისი არ მოერიდა და ისევე, როგორც იმ იღუმალ
ლაქეს, გულში ჩამეკრა, თუმცა აქამად მზე ჩახჩახებდა.

— მაშ, კარგი, წადი, ოღონდ დიდხანს არ დარჩე — ეთხო-
ვე მე. — ჩემი აქ ყოფნის დროც იწურება, მამაჩემი შინ
მიპელის.

ჯენის ხმა არ ამოუღია და მე შევხედე მის მშვენიერ, ფერ-
მკრთალ სახეს. თვალები მიელულა, თითქოს სამარადისოდ
სურდა აქ, ჩემს მკერდზე დარჩენილიყო.

ეს მხოლოდ ერთ წუთს გაგრძელდა. უცბად ხელიდან და-
მისხლტა და ჩვენ გავეშარეთ კარისაკენ, სადაც ეტლი უქვე
უცდიდა. შიგ რომ ჩაჯდა, დედაჩემმა ხელი დაუჭირა და უთ-
ხრა:

— ნუ ტირი, ჩემო გოგონი! ისე ტირიხარ, გეგონება, გუ-
ლი რაღაც ავს შემოგკენესისო.

მზიანი ამინდები გრძელდებოდა, ჩემთვის კი ყოველი დღე
დაბინდული იყო. კიდევ კარგი, რომ ძმამ ახალი სამეურნეო
შენობების დაპროექტება დამავალა და ამოსუნთქვის საშუა-
ლებას აღარ მაძლევდა. ადვილი არ იყო მისი პრაქტიკული
მოთხოვნების შერწყმა ჩემს მხატვრულ გემოვნებასთან, რომ-
ელზეც უარის თქმა არ შემეძლო. ხშირად შეუბრალებლად
გაღამინახავდა ზოგიერთ მონახაზს, ამა თუ იმ საკითხზე
ზოგჯერ დიდხანს ვკინკლაობდით და ბოლოს უკეთესი ვარი-
ანტის შესარჩევად ქალებს ვუხმობდით ხოლმე.

ჯენის წასვლიდან მეოთხე დღე იყო. ჩემს ოთახში ვიჯექე
და ვმუშაობდი, მაგრამ საქმე რაღაც ისე აღარ გამომდიოდა.
ვიფიქრე, რაისფედერია-მეთქი უვარგისი, და ახლის ამო-
საღებად ჩემოდანი გავხსენი. შინ ჩალაგებული თეთრეულ-
რომ ამოვქექე, ხელში დაკეცილი ფურცელი მომხვდა: „ჯე-
ნისაგან“ — ეწერა ფურცელს, შიგ კი ის კუს ჭავშნის ბეჭედი
იდო, მე რომ ამასწინათ თითზე გავუკეთე. ბეჭედში აბრეშუ-
მის ძაფისებრ ნაზი შავი თმის გრძელი დალალი იყო გაყრი-
ლი.

პირველად აღტაცების თრთოლვამ მომიცვა, რადგან უსაყვარლესი ადამიანის უშუალო სიახლოვე ვიგრძენი. შემდეგ რაღაც გაურკვეველი შემფოთება დამეფულა. ქაღალდი ყოველ მხრიდან შევათვალეირე. მაგრამ ზედ არც ერთი ასო, არავითარი ნიშანი არ იყო.

ერთხანს მუშაობის განგრძობა ვცადე, მაგრამ ვეღარ შევიძელე. დარბაზში ჩავედი, საღაც ჩემი ძმა და რძალი ჭენიზე ლაპარაკობდნენ.

— მაგრამ ასეთი თვალეები! — წარმოთქვა გრეტამ, როცა დარბაზში შევედი.

ქმარს, ეტყობოდა, გახუმრება უნდოდა, რადგან უპასუხა:

— ნუთუ ასეთი ველური თვალეები მშვენივრად მიგაჩნია?

— ველურიო, ჰანს? თანაც მშვენიერი არ არისო? ...თუმცა შენ მართალი ხარ, ეს თვალეები იმდენად მშვენიერია, რომ ძალაუნებურად ეწინააღმდეგები მათ მომხიბვლელობას, ხოლო შემდეგ... — გრეტა გაჩუმდა და შემწყყალებული ღიმილით ახედა თავის ახოვან ქმარს.

— რა, შემდეგ, გრეტა?

— ეს ყველაფერი სხვა არა არის რა, თუ არა თავდაცვის ცდა. გულახდილად მითხარი, ჰანს, უკვე იგრძენი, რომ ივი შენთვის საშიში ხდებოდა?

— ასე იქნებოდა, შენ რომ არ მყოლოდი!

— არა, მაინც, მიუხედავად იმისა, რომ მე გყავარ.

ძმამ ცოლს სიცილით გაუწოდა ხელები.

— აჰა ეს ხელები, მტკიცედ გეჭიროს, — უთხრა მან გრეტას, — და ყველაზე მომხიბვლელი ეშმაკიც კი ვერ შემატდენს.

მისმა ცოლმა ეს სიტყვები აინუნში არ ჩააგდო.

— ეშმაკები თქვენს სულში, მამაკაცების სულში სხედან! — შესძახა გრეტამ. — ისე კი, ეაცმა რომ თქვას, ამ ბოლო ხანს რას ჩასციებინარ მაგ საწყალ გოგოს, წინათ ხომ მუდამ რაინდულად ეპყრობოდი?

— წინათ კი ვეპყრობოდი, გრეტა, მაგრამ ახლა შეიცვალა. — ჰანსი ცოტა ხანს ჩაფიქრდა და მერე განაგრძო: — ამის თქმა ლამის მერიდება, მაგრამ ნამდვილად ასეა: მასში თავი იჩინა ვაჭრის ქალიშვილის ბუნებამ — ხარბი გახდა.

— ხარბიო! — შესძახა გრეტამ. — ეს კი უკვე მეტისმეტია! ეს ის ჯენია ხარბი, რომელიც ჰანსიონში, სასტიკი აკრძალვის მიუხედავად, მზად იყო საკუთარი კაბა გაეძრო და სხვისთვის მიეცა?

— აჰეამად იგი კაბას აღარავის მისცემს, — მიუგო ჩემმა ძმამ. — ძველჰანებით მოვაჭრეს მისცემს და, ისიც უნდა მოგახსენო, რომ საკმაო ფასსაც 'გამოართმევს.

საუბარში არ ჩავერეულვარ, მათ ბაასს კი ყურადღებით ვისმენდი. ამ ბოლო სიტყვებმა უცბად საშინელი წინათგრძნობა გამიღვიძა. გადაწყვეტილება სწრაფად მივიღე.

— ცხენს არ მათხოვებ, ჰანს? — მივმართე ძმას.

— რასაკვირველია, მაგრამ საით აპირებ?

— ქალაქში მინდა წავიღე.

ძმის ცოლი მომიახლოვდა და თვალებში ჩამხედა.

— მეტი მოთმენა აღარ შეგიძლია, ალფრედ?

— არა, გრეტა.

— მაშ ჯენის ჩემი სალაპი გადაეცი, ანდა, უკეთესი იქნება თუ აქ მოიყვან.

არაფერი მიპასუხნია. მალე ცხენს მივაგელვებდი. ერთ სა-

ათში ქალაქში ჩავედი, ჩემთვის კარგად ცნობილ ქუჩაზე გავედი, სადაც ჭენის მამის ახალი სახლი უნდა ყოფილიყო. სახლს ადვილად მივაგენი. რამდენჯერმე რომ დავრეკე, დიდი სახლის კარი ხანდაწმულმა ქალმა გამიღო. როცა ჭენი ვიკითხე, ქალმა გულგრილად მიპასუხა:

— აქ არ არის.

— აქ არ არის? — გავიმეორე მე და, ალბათ, ჩემს სახეზე ამ პასუხის გამო უკიდურესი შეშფოთება გამოისახა, რადგან მოხუცმა სახელი მკითხა.

როცა მას სახელი ვუთხარი და ისიც გავაგებინე, თუ საიდან მოვდიოდი, მოხუცმა გაჩაგრებით მითხრა:

— მაშ რაღას მეკითხებით? ფროლანი ხომ მეორე დღესვე უკან დაბრუნდა თქვენთან.

მოხუცს თავი მივანებე, ქუჩები უკან მოვიტოვე და ნავსადგურში სასწრაფოდ გავჩნდი. მზე უკვე დაბლა ეშვებოდა და დაისის მეწამული სხივები ზღვის ვრცელ ზედაპირს მოჰფენოდა. წინა დღეებში რეიდზე მდგარი ბრიგი* აღარსად ჩანდა. იქვე, მუშებისაგან, შევიტყვე ბრიგისა და მისი მფლობელის სახელი, მათ ისიც მითხრეს, რომ ხომალდი სამი დღის წინ გავიდაო. სხვა არა იცოდნენ რა, მხოლოდ ის მაცნობეს, თუ სად ათენებდა კაპიტანი ლამეს. მაშინვე იქით გავეშურე. მალე გავიგე, რომ ხომალდზე შავთვიანი ლამაზი ახალგაზრდა ქალიც ყოფილიყო. გემთმფლობელის კანტორაში შემთხვევით მოხუც ბუღალტერს მივასწარი, მაგრამ მან არაფერი იცოდა, შეზავრების საქმეს მხოლოდ და მხოლოდ კაპიტანი განაგებდაო.

სასტუმროში დავბრუნდი და ცხენი შევაკაზმე. შინსკენ შავრას ისე მივაკენებდი, ჩემ ძმას რომ დავენახე, დაუზო-

გაოპისათვის, ალბათ, რიგიანად მისაყვედურებდა. უკვე გვიანი იყო და ცაც ერთიანად ღრუბლებით გადაგრაგნილი. ქარ მკერდზე მეხლებოდა და თან მიჰქონდა ჩემი ფიქრები. მოწვენებასავით თვალწინ მედგა ის ხოვალდი; ჯენი რომ მიჰყავდა; ერთი ნაწყევცა წერტილი, გარშემოხვეული უკუნეთი და მითა და ზღვის უდაბნოთი, გაუბედავად მიტორტმანებდ წყლის სტიქიის თვალუწიერი უფსკრულის თავზე. ბოლოსეთა შორის ჩემი ძმის ეზო-მიდამოს შუქი გამოჩნდა.

აქ ყველა აღელვებული და დამწუხრებული დამხვდა ბრიგ „ელიზაბეტიდან“ გამოვზავნილი ჯენის წერილი მოსულიყო. ზღვის გადაღმა, დედისკენ გავეშურეო, იტყობინებოდ იგი, როგორც მე მითხრა, და აქაც წერდა, — წმინდა მოვალეობის შესასრულებლადო. მეტისმეტად გულითადი, სიყვარულით აღვსილი სიტყვებით გვთხოვდა, რომ გვეპატიებინა. წერილში ჩემი სახელი არ იყო ნახსენები, მაგრამ ჩემდამი მოძღვნილი მისი უტყუვი სალამი მაინც ვიგრძენი. არც მამაზე იწერებოდა რამეს.

მეორე დღეს მე და ჩემი ძმა ქალაქში წავედით, მაგრამ მხოლოდ იმაში დავრწმუნდით, რომ ბრიგ „ელიზაბეტს“ ვეღარ დავეწეოდით.

ჰანსთან ერთად შინ არ დავბრუნებულვარ და პირდაპირ პირმონტს წავედი. იქ ჩასვლის შემდეგ რამდენიმე წუთში უკვე ჯენის მამის პირისპირ ვიდექი და ჯენის გაქცევის ამბავი ვუყვებოდი. მეგონა, ეს ამბავი მოხუცს გასტეხდა, მაგრამ მითვალეებში ტკივილის ნაცვლად გაცოფება ამოვიკითხე. მაგიდაზე დაწყობილი ხელები ისე დამუშტა, რომ ძელები ზემო ამოასხდა და ქალიშვილის წყევლა-კრულვას მოჰყვა.

— ჯანღაბაჰდეც გზა ჰქონია! — წამოიყვირა მან. — მაგაო

ჯიშის ხალხს ვერ გაასწორებ. წყეულმც იყოს ის დღე, როცა
აპის შესაძლებლობა ვირწმუნე. — მერე უცბად გაჩუმდა,
იქვე ჩაჯდა, თავზე ხელები შემოიწყო და თითქოს საკუთარ
თავს ელაპარაკებო, ჩუმად წამოიწყო: — ამას რას ვამბობ!
ისინი ხომ ჩემი საკუთარი სისხლი და ხორცია. რაც მოხდა, ჩემი
იბრაღია. იმას რა ექნა, ჯერაც ბავშვია და დედა უნდოდა! —
მერე ხელები გაშალა, თვალი ერთ წერტილს გაუშტერა და
ჩამაძლდა შესძახა: — ო, ჯენი, ჩემო შვილო, ჩემო ბავშვო,
ეს რა ექენი! — ჩემი იქ ყოფნა მოხუცს თითქოს დავიწყებო-
და და მეც თავს არაფრით ვახსენებდი. — ჩვენ ხომ ყველანი
ადამიანები ვართ, — განაგრძო ისევ მან, გეპატიებინა ჩემ-
თვის, მაგრამ შენთან სალაპარაკო ენა ვერ გამოვძებნე და
ერთმანეთს ვერაფერი გავუგეთ.

მე დრო ვიხელთე, მისი ყურადღება მივიპყარი და ვუთხა-
რი, ჩვენ ერთმანეთი გვიყვარდა-მეთქი. სასოწარკვეთილი კა-
ცი ისე ჩამეჭიდა, როგორც წყალწაღებული ხავსს და შემე-
ვედრა, შვილი დამიბრუნეო.

რალა ბევრი გავაჰიანურო! მეორე დღეს კვლავ გზას გავუ-
ღექი. წინა დამით მოხუცმა ჯენის წერილი მისწერა. ახლა კი,
შერწმუნე, ეს წერილი ქვითარს აღარ ჰგავს. მთელი ის გახე-
ლება და სიყვარული, ბრალდებები და ხევწნა-მუდარა, რაც
იმ საღამოს ჩვენი ხანგრძლივი ერთად ყოფნის დროს გად-
მოაფრქვია მოხუცმა, ამ წერილში მოექცა ერთად.

— სხვა დანარჩენი ამბავი შენთვის უკვე ცნობილია, —
დაასრულა აღფრედმა თავისი თხრობა. — და აი ვლგევარ
ახლა აღჭურვილი ყოველგვარი რწმუნებულებითა და მამის
თანხმობით და მოუთმენლად ველი იმ საათს, როცა საცოლის-
ქენ გზას გავუგდები...

დაახლოებით ერთი საათი კიდევ ვიყავით ერთად. მერე სამრეკლოზე სამი დარეკეს. მუშა მოვიდა და ალფრედის ჩემოდნები ნავსადგურში წაიღო.

მე გავაცილე ჩემი ახალგაზრდა მეგობარი. გრილი ღამე იყო. აღმოსავლეთიდან მონაბერი გამქვალავი ქარი ტალღებს ნაპირისკენ მიაქანებდა და კანჯოს ნავსადგურის კიბეზე აჯახებდა. ალფრედი შიგ ჩაჯდა და ხელი გამომიწოდა.

— ან ჯენისთან ერთად დაბრუნდები, ან სულაც აღარ, ხომ ალფრედ? — შევეცადე განშორებით გამოწვეული აღელვება ხუმრობით შემენიღბა.

— არა, არა! — შემომძახა მან, როცა კანჯო უკვე ნაპირს გაშორდა. — აუცილებლად დავბრუნდები და ისიც ჯენისთან ერთად.

იმ ღამის შედეგ ნახევარ წელიწადზე მეტმა განვლო. ჩემი მეგობრის მამულში აღარ მოვხვედრილვარ, მაგრამ ამჟამად, როცა ჩემს ფანჯარაში მაისის პირველი სუნთქვა შემოიქრა, იქიდან კვლავ მომივიდა მიპატიყების ბარათი. ახლა კი აღარ ვალოდინებ. ჩემს წინ ორი წერილი დევს. ორივენი ქრისტიანშტატიდანაა გამოგზავნილი, კუნძულ სენ-კრუადან. პირველი ჯენის წერილია ალფრედისადმი გაგზავნილი, რომელიც აღრესატის არ ყოფნის გამო მისმა რძალმა გახსნა. აი, რა წერია ამ წერილში:

„ღეღაჩემი იოლად ვიპოვე, რადგან მას ნავსადგურთან ახლოს დიდი სასტუმრო აქვს. იგი ჯერაც ლამაზია და ჯანმრთელი. მაგრამ მის სახეზე, რომლის ნაკეთებს კარგად ვიცნობ. ვეღარ მიპოვია ის, რაც ამდენი წლის მანძილზე ასე მსურდა... ყველაფერს გულახდილად გეტყვი, ალფრედ. სხვა რამეს ვე-

ლოდი აქ და სხვა რამ კი დამხვდა. ამ ქალთან ყოფნა მაში-
ეებს. ახლაც მზარავს, როცა წარმოვიდგენ, როგორ გააცნო
ნან ჩემი თავი პირველ დღესვე სადილობისას გარშემოკრე-
ბილ მამაკაცებს. იქვე ყველა ენის წარვე უარგონზე ხმამალა
და ტრახბახით მოჰყვა თავისი ახალგაზრდობის ამბებს — ყვე-
ლაფერს, რაც მე იდუმლად მქენჯნის და მტანჯავს და რაც
უკუნეთ ბნელში მსურდა ყოფილიყო გადაპალული.

მისი მდგმურებისა და სტუმართა უმეტესობა ფერადკანი-
ანია. ერთ-ერთი მათგანი მღიღარი მულატი, მთელ სახლს
თავის ნებაზე ატრიალებს. დედაჩემს იგი შინაურულად ექ-
ცევა, რის გამოც თავში სისხლი მივარდება. ეს მამაკაცი, ალ-
ფრედ, — მას კბილები ძაღლივით აქვს დაკრეჭილი, — მოი-
თხოვს, რომ მისი ცოლი გავხდე. დედაჩემიც ამასვე მაიძუ-
ლებს და ხან ლამის ალერსით მახრჩობს, ხან კი მუქართა და
საყვედურებით მავსებს სხვების თანდასწრებით. ზოგჯერ შე-
შლილივით შეეყურებ ამ ქალის სახეს და ასე მვონია, ჩემს
წინ არის წილაბი, რომელიც უნდა ჩამოვგლიჯო, რათა მის
იქით კვლავ დავინახო ის მიწშიდველი ადამიანი, ბავშვობაში
რომ ჩამრჩა გულში, რათა კვლავ გავიგონო ის ტკბილი ხმა,
ძილის წინ ფუტკრის ზუზუნით რომ მიგალობდა ნანას...
ო, რა საშინელია ყველაფერი, რაც ჩემს გარშემოა! ჩემი ოთა-
ხინ ფანჯრები ნავსადგურისაკენ არის მიქცეული და დილა-
ადრიან შავკანიანი მუშებისა და მტვირთავთა ხმაური მალე-
ჭებს. ასეთ ხმებს მანდ ვერსად გაიგონებ. ესაა რაღაც ღმუი-
ლი, მხეცური ყავყავი. მის გაგონებაზე შიში მთუფლება და
თავს ბალიშებში ღრმად ვრგავ, რადგან აქ, ამ ქვეყანაში მეც
მათ ვეკუთვნი, მათი სისხლი მაქვს, მათი ჯაქვის ერთი რგოლი
ვარ, მართალი ყოფილა მამაჩემი. თავბრუ მესხმის, როცა ამ

უფსკრულში ვიყურები. შენს მკერდს ვეხვობი, ალფრედ! გამოიწოდე საშველად ხელი, დამიხსენი ამ ადგილიდან!“

საშველი ხელიც შორს აღარ იყო. მეორე წერილი რამდენიმე დღის შემდეგ ალფრედს მიეწერა რძლისათვის. იმ ხალისიანმა რწმენამ, გამგზავრების დროს რომ ჰქონდა ალფრედს, იქ ჩასვლისასაც გამარჯვება მოაპოვებინა.

„გემიდანვე დამანახვეს ჯენის დედის სამყოფელი, — იწერებოდა იგი. — წინკარში შესვლისთანავე პირველად ჯენის შევეყარე. ალტაცების შეძახილით გამოიქცა და გულში ჩამეკრა. მას შემდეგ დედამისიც კარგად გავიცანი. იგი წარმოსადეგი და ჯერაც მიმზიდველი ქალია, კრელ-კრული აბრეშუმის კაბით დაშრიალებს და სრულიად გაუგებარ ენაზე მეტყველებს. იმის მიხედვით, სტუმრებს ელაპარაკება თუ მსახურებს, მისი კილო ხან ნაზია, ხან კი მწივანა. ჯენის მამაზე მადლიერებითა და პატივისცემით ლაპარაკობს და მას კარგ „კეთილშობილ ბატონს“ უწოდებს, რომლის უფულუხვობასაც უმადლის თავის უზრუნველ ყოფას. მას აზრადაც არ მოსდის მშობლიური კუნძულის მიტოვება, მით უფრო თავისი ქალიშვილის კეთილშობილ მამასთან კანონიერი ქორწინება. ეს ქალი აქ თავის ადგილზეა და თავს კარგად გრძნობს. ამის გამო ჯენის მწარედ გაუცრუვდა მოლოდინი. ნაცვლად წარმოდგენილი გულის ტკივილისა, რომლის განსაკურნებლადაც მან ძველ სამყაროსთან ყოველგვარი კავშირი გასწყვიტა, აქ ასეთი მდაბალი გრძნობების სამყარო ნახა; სადაც ესოდენ ამაღლებულ ვნებათა აღმოსაყენებლად ნიადაგი სრულიად გამოუსადეგარია. მიუხედავად ამისა, ქალიშვილის ჩამოსვლამ ამ მკვირცხლ ქალს დიდი სიხარული მოჰგვარა. ხშირად ჩემს თვალწინ იგი გაშმაგებით, მე ვიტყვოდი, ცხოვე-

ლურადაც კი ეფერება თავის ქალიშვილს. სტუმრების წინაშე
ჯენის დედას სურს ლამაზი ქალიშვილით თავი მოიწონოს და
დაუსრულებლად ცდილობს მისი კოპწიად გამოწყობას. ჯენის
დიდ ძალღონედ უჯდება, რომ როგორმე თავი დააღწიოს დე-
დის მიერ შერჩეულ ჭყეტელა ფერის კაბებს. მაგრამ ესეც არ
ყოფნის: სტუმართა შორის ჯენის ერთი მდიდარი საქმროც შე-
ურჩია, რომლის ძარღვებშიც, როგორც მე მგონია, საკმაო რა-
ოდენობით დის ისისისხლი, აქაურებს რომ სძულთ, და მიზ-
ნის მისაღწევად ყოველი საშუალება გამოიყენა. ამ დროს
სწორედ მეც ჩამოვუსწარი. „კარგი, კეთილშობილი ბატონის“
სურვილმა და უფლებამოსილებამ ყველაფერი იოლად მოაგ-
ვარა.

კარგად ვგრძნობ, რომ ჩემ დანახვაზე ჯენის აღტაცების შე-
ძასილი მხოლოდ სიხარულით კი არ იყო გამოწვეული, არამედ
განთავისუფლებითაც. ეს კარგიც არის: საჭირო იყო ჯენის
ყველაფერი გამოეცადა, რადგან მხოლოდ ახლა გახდა ნამდვი-
ლად ჩემი. და თუ აქამდე ჯენის არ ჰქონდა ოჯახი, ახლა ეყო-
ლება ისეთი ქმარი, რომელიც ბედნიერია და ამაყი იმით, რომ
მასთან ერთად შექმნის ოჯახს და მისგან თავისი გვარის ჯანმ-
რთელ გამგრძელებლებს მიიღებს — აჰას დაიმედებით იმიტომ
გწერ, რომ დღეს ჩვენი ქორწინების დღეა. ნეტამც გენახათ,
როგორ ხასხასა მწვანე ფარჩაში გამოწყობილი იჯდა ეს ომა-
ხიანი ცქვიტი ქალი თავის მუდმივ სტუმართა შორის საქორ-
წინო სუფრის თავში, როგორ ამაყობდა თავისი წარმტაცი
ქალიშვილითა და — ტყუილს ვერ გეტყვით — სიძითაც, და
ახალგვარდაწერილებს დაუჭერებლად მოხდენილ სადღეგრძე-
ლოებს ეუბნებოდა ერთდროულად სამ ენაზე. იმედია თქვენ-

თან გაზაფხულის პირველ დღეებში ვიქნებით. და შენ, გრეტა, ექვი ნუ აგავსებს მეგობრის მიმართ თუ გეტყვი, რაც წენიმ აი ამ წუთას ჩამჩურჩულა. „ალფრედ, ახლა დამეხმარე, ღამ მამაჩემს შევეურიგდეთ“.

ორივე ეს წერილი ჰანსისა და გრეტას მიწვევასთან ერთად მომივიდა. „ამრიგად, ჩამოდით, — მწერდა ფრაუ გრეტა საკუთარი ხელით. — წენის მამა უკვე აქ არის. ალფრედი მშობლებს დღეს მოველით. მამიდა ყოზეფინაც კი ჩამოვა, თუმცაღა იგი ზოგჯერ ახლაც გამოთქვამს ექვებს იმ პიროვნების მიმართ, რომელიც ჯერ კიდევ ბავშვობისას უღმერთოდ ეპყრობოდა მის ინგლისურ ნემსებს... საზამთრო სამყოფიდან ჩვენ უკვე ვერანდაზე გადავედით. ღია კარებში გაზონებიდან შროშანთა სურნელება იჭრება, პაეროვან ჭალაში, აი იქ, სადა: ვენერას ქანდაკება დგას, გუბურას ნაპირები იებითაა გადალურჯებული“.

ქვემოთ ჩემი მეგობარი ჰანსის მსხვილი ხელით ნაწერი მოსდევდა: „ბრიგი „ელიზაბეტი“ წარსულ კვირას ლისაბონს გაძოსცილდა. წენი და ალფრედი მის ქიმზე არიან. რამდენიმე დღეში ჩვენთან იქნებიან. ზურგის ქარი მალე მოგვევრის ბედნიერ ცოლ-ქმარს“.



ტყის უური

უატიუშის თავზე, რომელიც იმავე დროს ქალაქის ბურგომისტრის საცხოვრებელ ბინასაც წარმოადგენდა, გაზაფხულის მზის სხივებზე ახლადმოფრენილი მერცხლები დანაეარდობდნენ. შენობის წინ, ქუჩაში „ბურგომისტრის ბავშვები“ იდგნენ და ამოდ ცდილობდნენ შურდულით ჰაერის დედოფლების ჩამოვლებას. თვით ქალაქის რისხვა სამუშაო კაბინეტში იჯდა. ქალაქისთავის გარდა იგი სასამართლოს თავმჯდომარე და პოლიცმაისტერიც იყო. სქელი საქალაქდების თვალყრებით გართული ყურადღებას არ აქცევდა მზის ხალისიან სხივებს, მის ოთახში რომ იღვრებოდა ფანჯრიდან. უცბად კარზე ჭლივს გასაგონად დააკაკუნეს და ბურგომისტრის უკმაყოფილო მოპატიჟებაზე ოთახში შემოვიდა ორმოცდახუთიოდე წლის შავგვრემანი, ბრვე ვაჟაკი.

სასიამოვნო, წითური სახის ბურგომისტრმა საქალაქდეს

თვალი მოაცილა, თავი ასწია, შემოსული შეათვალიერა, და რაკი თავის წინ მოხდენილად ჩაცმული კაცი დაინახა, ხელით სკამზე ანაშნა:

— დაბრძანდით, გეთაყვა, ახლავე გავთავისუფლდები და მიმსახურეთ. — და ისევ საქმეს მიუბრუნდა.

ახლადმოსულმა მისკენ ნაბიჯი წადგა.

— რა ბეჯითა გამხდარხარ, ფრიც! — წარმოთქვა მან. — წინათ სიბეჯითით დაავადებული არ მახსოვხარ.

ბურგომისტრი ზეზე წამოიჭრა, ცხვირიდან სათვალე აიგლიჯა და მომსვლელს წვრილი, კეთილი თვალები მიაპყრო.

— ეს შენ ხარ რიჰარდ? — წამოიძახა მან. — ღმერთო ჩემო, რა მალე მიცანი, თუმცაღა გვარიანად გავმელოტდი და რაც თმა შემრჩა, ისიც მთლიანად გამითეთრდა! აბა, აბა, ასე იცის ბურგომისტრობამ!

ტანმორჩილი მსუქანი ბურგომისტრი საწერ მაგიდას მოშორდა და გაკვირვებით შეაცქერდა თითქმის მთელი თავით მაღალ მეგობარს.

— აი ეს, — წარმოთქვა მან და მოკლე ხელი მეგობარს მბრწყინავ წაბლისფერ თმაზე დაადო, — ეს, რასაკვირველია, პარიკია, მაგრამ თვალები, ეს უჩვეულოდ ჭაბუკური თვალები კი ისევ ისეთია, ჩვენი უდარდელი ახალგაზრდობისას რომ მახსოვს.

სტუმარმა ნათქვამი ღიმილით მოისმინა. ბურგომისტრმა იგი ღვიანზე მოისვა გვერდით.

— აბა მომიყევი, საიდან მოდიხარ, რას აკეთებ? — იკითხა მასპინძელმა.

— მე, ფრიც? — ქილიკით შეუბრუნა კითხვა სტუმარმა. — ვეძებ ისეთ რაიმეს, რაც აზრს მისცემდა ჩემს აქამდე უშინა-

არსო ცხოვრებას. მერე სერიოზული კილოთი დაუმატა: - -
არა, კი არ ვეძებ, ცოტა არ იყოს, მაწუხებს ასეთი უაზრო ყო-
ფა.

ბურგომისტრმა თანაგრძნობით შეხედა მეგობარს.

— შენა. რიპარდ? ამას ამბობ შენ, რომელმაც უნივერსი-
ტეტის ყველა ფაკულტეტი მოილაე? როგორც გავიგე, ერთმა
ძველმა ამხანაგმა ბოტანიკური უურნალის ერთ ანონიმურ
წერილში შენი კალამი იცნო.

— მართლა ფრიც? არც შემეცდარა.

ბურგომისტრი ჩაფიქრდა.

— ხომ არ დაოჯახებულხარ?— იკითხა მან.— ჯერაც არა? ჰმ!
თავიდანვე მეოცნებე იყავი, რიპარდ. გახსოვს სტუდენტობისას
დორნბურგში* როგორ ვცეკვავდით? მაშინ შენ სადღეღოფ-
ლო შინ გიჯდა, არ გინდოდა გეცეკვნა. უჯექი კუთხეში აყლა-
ყულა ვასერმანს, — დიდი ჩექმების გადაშვიდე ვერც ის ცეკ-
ვავდა, — და სვამდი ღვინოს, — ძალიან სვამდი. არ გინდოდა
წაგებილწა საცოლესთან გატარებულ დღეთა სანეტარო მოგო-
ნება.

რიპარდი ჩაფიქრებულიყო. ბურგომისტრი ერთბაშად შე-
შფოთდა და თითქოს უძირო ჯიბიდან ოქროს საათი ამოაძვ-
რინა.

— მითხარი, მეგობარო, დღევანდელ დღეს ხომ ჩემთან
გაატარებ?

— ნასამხრევს ისევ გზას უნდა გავუდგე.

— ისევ ძველებურად დაუდეგარი ხარ?

— გთხოვ, მომიტევე, მაგრამ საფოსტო ეტლი უკვე შევუ-
კვეთე. აქ თქვენთან, ჩრდილოეთით, აქედან რამდენიმე მილის

მანძილზე ჰაობსა და ტყეს შორის ცოტაოდენი ხაკლებცხობი-
ლი ფლორა შემორჩენილა.

— დიახ, — შესძახა ბურგომისტრმა, — შავ ფეჭვებთახ,
იქ, სადაც ეს გადარეული იუნკრები ცხოვრობენ. ისინი ხელის
დაღება მინდორსაც არავის ახვნივინებენ და არც ხის მოჭრის
ნებას აძლევენ.

სტუმარმა თავი დაუქნია.

— ჰო, მეც ასე მითხრეს. იქ, იმ ბალყუმ ადგილებში ჟნდა
იყოს ზოგიერთი ამჟამად უკვე გადაშენებული მცენარე

— რაკილა ეგრეა, შენთვის უკეთესი იქნება „ბრიყვი:
თავშესაფარში“ მოეწყო.

— „ბრიყვის თავშესაფარში“?

— ჰო, სწორედ იქ. ახლანდელი ბატონების მამას თავისე-
ბური სიგიჟე სჭირდა. თავის სრა-სასახლე მეტისმეტად დიდი
მოეჩვენა და ტყესა და მინდორს შორის ერთი სახლი აიშენა
ამ სახლს ყველა ფანჯარა ცალ მხარეზე ჰქონდა. გარშემო
ოცი ფუტის სიმაღლე ყორე შემოავლებინა. ამ პატარა ციხე
სიმაგრეს იგი „ტყის ყურეს“ უწოდებდა, ხალხი კი დღესაც
„ბრიყვის თავშესაფრად“ იხსენიებს. უკანასკნელი წლები მან
ამ შამბნარში გაატარა.

რიჰარდი ყურადღებით უსმენდა.

— ახლა ვინლა ცხოვრობს იქ? — იკითხა მან.

— ახლა? მგონი, აღარაეინ. ანდა მხოლოდ ბუქნაჭოები და
ქრცვინები თუ ბინადრობენ.

მეორე ოთახში საათმა დარეკა. ბურგომისტრი წამოხტა.

— თერთმეტი გამხდარა, — თქვა მან. — იცი, რას გეტყვი
ბელო მეგობარო, ერთი სასამართლო განაჩენი მაქვს დასა-
წერი. შენ ხომ ჩვენი კორპორაციის ბექდის მცველი იყავი, —

ლიმლით განაგრძო ბურგომისტრმა, — რაკილა ასე იჩქაოი, მასაუბროდ ერთ საათს უთუოდ მოვიგდებლით, თუ დამეთაბნებოდნი, რომ ეს როლი ერთხელ კიდევ შეგესრულებინა ჩვენი მართლმსაჯულების პატივსაცემად.

ჩიპარდმა გაიღიმა.

— ნუთუ მდივანი არა გყავთ?

— არა, მეგობარო. რადგან სხვა პატივთან ერთად ქალაქი მაგისტრის მდივნის მოვალეობასაც ვასრულებ და ფულად ანაზღაურებასაც ვიღებ, იძულებული ვარ, ამასთან დაკავშირებული ყოველი უსიამოვნო საქმეც მე აღვასრულო, თუკი შემთხვევა შენისთანა უნარიან და თავაზიან მეგობარს ამომგვრის შინ.

რამდენიმე წუთის შემდეგ ორივენი გვერდით მდებარე სასამართლოს ოთახში მწვანე მაგიდას უსხდნენ.

— ალბათ, გახსოვს ყვითელთმიანი თეოლოგი, — დაიწყო ბურგომისტრმა და ღირსებააღვსილი იერით ჩაეშვა თავმჯდომარის მაღალ სავარძელში, — რომელსაც მაშინ დამსახურებულად შევარქვით მამუზლარას სახელი. რამდენიმე წელია აქ უხოვრობს, ჩვენს მხარეში. ბატონ მაგისტრს აქვს შემოსავლიანი პანსიონატი და თავად-ანაზღაურებისა და წარჩინებულთა დიდი პატივისცემით სარგებლობს. ისიც კი უნდოდათ, რომ მისთვის ჩვენს საპყრობილეში ღვთისმსახურების საქმე მიენდოთ.

— მერე და რა დაემართა? — იკითხა იმპროვიზებულმა მეოქმემ, მას საწერი ფრთა წაეთალა და შუაზე გაკეცილი ქალღივი მოემარჯვებინა. — მახსოვს მხოლოდ მისი გაცვეთილი ფრაკი და დიდი წითელი ხელები.

— ახლა გამოგვეცხადება, — მიუგო ბურგომისტრმა და ცა-

ლი ხელი მწვანე მაგიდის თავზე დაკიდებულ ზარის ზონარს წაავლო. — ის ვაჟბატონი ერთ უდედმამო გოგონას მეურვეობდა. ბავშვი რამდენიმე წელიწადს მის სახლში იმყოფებოდა, კარგა ხანს მის სკოლაშიც იარა. ახლა ამ თეოლოგს ბრალად ედება გოგონას გაუპატიურების ცდა. დღეს ორივეს ერთმანეთს პირში წავუყენებთ.

ბურგომისტრმა ზარი ჩამორეკა და შემოსულმა გუშაგმა მაგისტრის შემოყვანის ბრძანება მიიღო.

მეტისმეტად ამაზრზენი იყო იმის დანახვა, თუ როგორი ლაქუციით გაუარა გვერდით ღია კარში ჩამდგარ გუშაგს და პატიმრებულმა და მლიქვნელური თავის დაკვრით შემოვიდა ოთახში.

— ახლოს მოსვლა საჭირო არ არის! — მიმართა მას ბურგომისტრმა და მაგისტრმა მაშინვე უკან დაიხია, შემდეგ ყვითელთმადატყეპებული ბრტყელი თავი ზევით ასწია, თვალები ჰერს მიაპყრო და თავისი უდანაშაულობის მტკიცებას საზეიმო ფიცით შეუდგა.

ბურგომისტრმა ამას ყურადღება არ მიაქცია, ზარი მეორედ ჩამორეკა და ფრანცისკა ფედერსი შემოაყვანინა.

ეს იყო გამხდარი გოგონა, რომელიც ახლა იწყებდა აყვავების ასაკში შესვლას. ლამაზი არ ეთქმოდა. მუქი, ჩალისფერ-ნაწინავებიანი თავი ოდნავ დაეხარა. ტუჩები სქელი ჰქონდა, ცხვირი მკვეთრად გამოკვეთილი. მაგრამ, როცა გოგონამ ზემოთ აიხედა და მეოქმემ მის ღრმადჩამხსნდარ, ნაცრისფერ თვალებს შეავლო მზერა, თავისდაუნებურად ჩაილაპარაკა: „Scintis bonum et malum.“²

სახეატკრეცილმა გოგონამ თავი გვერდით შეაბრუნა და ყოფილი მეურვის წინააღმდეგ აღრე მიცემული ჩვენება შეუვა-
28

ლი სიმტკიცით გაიმეორა. ბრალდებული ამ დროს გამხდარ თითებს იმტვრევდა და ისევ იფიცებოდა.

გოგონა რომ ლაპარაკს მორჩა, მაგისტრმა ჯერ მოიარებით, შემდეგ კი პირდაპირ და ჭიქურ განაცხადა, გოგომ ჩემს თანა-შემწესთან პირი შეკრა, რათა დავემარცხებინე და ჩემს შემოსავლიან პანსიონატს დაუფლებოდნენო.

პირდაღებული და კისერდაჰიმული ისმენდა გოგონა ამ ბრალდებას. რიჰარდმა კალამი დადო და ფრანცისკა ფედერსს შეატქერდა. ამ უკანასკნელს მეტისმეტი სიძულვილისაგან თვალები ჩალამებოდა. უცხად გოგონამ თავი მალა ასწია.

— ტყუით, თქვენ, ტყუით! — ბასრი მახვილივით გაჰკვეთა ჰაერი მისმა ბავშვურმა ხმამ. მაგრამ თითქოს საკუთარი ხმისა შეეშინდაო, უმწეოდ დაიწყო აქეთ-იქით მზერა. ამ დროს მისი თვალები შეხვდა მამაკაცის თვალებს, რომლებიც მას მშვიდად შეჰყურებდნენ.

მაგისტრმა ხელები ზეცისკენ აღმართა.

— თქვენ! შენ მე „თქვენობით“ მელაპარაკები, ფრანცისკა! შენ, რომელიც ბატკანივით მიყვარდი... — კაცმა სენტიმენტალური ცრემლები გადმოლვარა. ამ დროს იგი აწკმუვლებულ მაიმუნს ჰგავდა.

— თქვენ უკვე აღარ გელაპარაკებით! — მშვიდად თქვა ფრანცისკამ, რომელიც უცხო კაცს ისევ თვალებში შესცქეროდა, თითქოს აქ იპოვა თავისი საყრდენი და ახლა მისი დაცარგვისა ეშინიაო.

უცხო მამაკაცის სული კი თითქოს ზმანებას მოეცვა: თვალწინ წარმოუდგა ტყის განაპირას მდგარი წყნარი სახლი; აქ ცხოვრობენ მარტოხელა კაცი და ბედის ანაბარა მიტოვებული გოგონა. ახლა უკვე აღარც კაცი იყო მარტოხელა და

ადარც გოგონა გარიყული. გარშემო ზაფხულის თბილი ჰაერა გაუღენთილია მცენარეთა სურნელებით, ფრთოსანთა გალოზით და სადღაც შორს გაისმის კუტკალიათა დაუსრულებელი ჭრიჭინი.

ოთახში ზარის წკარუნი გაისმა. როცა რიპარდმა ზემოთ იხედა, კარებში გამავალი გოგონა დაინახა. მაგისტრი ციხის გუშაგმა წაიყვანა.

— ო, რა საზრიანი გაიძვერაა ეს ფრანცისკა, — წარმოთქვა ბურგომისტრმა და წესისამებრ ოქმს ხელი მოაწერა. — სამ წუხაროა, რომ მას არავითარი in bonis* არ გააჩნია. პირდაპირ არ ვიცი, რა მოვეხერხო. ჩვეულებრივი მსახურის პირობაზე ბევრი ცოდნა აქვს, მაღალი მდგომარეობის შესაფერებლად კი — ძალზე მცირე.

სტუმარი ოთახში ბოლთას სცემდა.

— თქმა არ უნდა, მიმზიდველი გოგონაა, — თქვა მან, მაგ. ძამ ეს სიტყვები ისე გაისმა, თითქოს სულის სიღრმეში სხვა ძამ უღევსო.

— ჰმ, რიპარდ, შენც ჩვენი ფიზიკოსივით ფიქრობ, — განაგრძო ბურგომისტრმა და საქალაქეები ერთად შეკრა. — მისი აზრით, — ხანდახან ფიქრობს ხოლმე იგი ასე. — ამ გოგონას თვალები გაცილებით ხნიერი ადამიანისა აქვს ვიდრე თვითონ არის.

— ახლა ვინდაა მაგის მეურვე, ფრიც?

— მეურვე? ნათესავი არავინ გააჩნია, ამჟამად არც მეურვე ჰყავს. გამოძიების დაწყებიდან იგი ხარაზთან ცხოვრობს, შავსადგურის კუთხეში.

გართი საათის შემდეგ დაინახეს, როგორ გამოვიდა ბურგო-

ჰისტორის სტუმარი ხარაზის პატარა სახლიდან და ქალაქის გა-
ნაპირა უბნისაკენ გაემართა.

ბოლო სახლთნ მას თავგადახდილი ეტლი ელოდა. დიდ-
ლომისფერი ძაღლი, რომელიც კოფოზე მყვინთავ მეეტლეს
ხელზე თოკით გამოება, წამოხტა და გახარებული წკმუტუნათ
პატრონისაკენ გაიქცა, თან გზადაგზა ძლიერ კუდს ურტყამდა
ქუჩას.

— აქა ხარ ლეო, ჩემო ქოფაკო? აბა, აბა, მეც მოვდივარ! —
აღლი მეტისმეტად გაახარა პატრონის ალერსიანმა ხმამ.

მათ წინ გადაშლილიყო მზით გაბრწყინებული ვრცელი დაბ-
ლობი, საითკენაც დახვეული გზა ეშვებოდა. მიდამოს გაზი-
ფხულის სურნელება ავსებდა. მოგზაური უკვე ეტლში იჯდა,
ეტლი დაიძრა და გზას გაუდგა ლურჯი ტყისაკენ, რომელსაც
აღვის თუ გაარჩევდი ჰორიზონტისგან, ძაღლი კი დიდი ნახ-
რომებით აედევნა.

სოფელ შავი ფიჭვების ფუნდუკის წინ მუხებში კაჭკა-
ქები გნიასებდნენ და გაცხარებით იცავდნენ ბუდეებს თრ-
წითელმკერდიანი კირკიტისაგან. მეინახეებს ერთმანეთის ლა-
პარაკი აღარ ესმოდათ.

— ეშმაკმა დალახვროს მაგათი თავი! — წამოიძახა მუზო-
ბელ ქალაქელმა მედუქნემ, რომელმაც თავის წინ მჭდარი მე-
ფუნდუკესაგან ის-ის იყო ერთი კვარტალის ანგარიში მიიღო

— ეს უბედურებაა, რამდენი მტაცებელი შემოგსევით,
ინსპექტორო, ნუთუ კირკიტების დახოცვაც არ შეიძლება?

ყავისფერქუთუკიანმა თეთრწვერა მოხუცმა, ვისაც ამ
სიტყვებით მიმართეს, სპილენძის პატარა საკეციტ მაგიდაზე

დადგმული ტაფიდან ნაკვერცხალი აიღო, ახლადდატენილ მოკლე ჩიბუხს დაადო, ამონასუნთქი ბოლი მაგიდაზე მოფინა და თქვა:

— აბა, მე რა ვიცი, პფეფერს, კირკიტებთან არაფერი მესაქმება. ამის თაობაზე ახალ მეტყევეს კითხეთ.

თუმცა ჯერ ისევ დილა იყო, მაგრამ, როგორც ჩანდა, ინსპექტორს უკვე შემოევლო ველ-მინდვრები და აქ მცირე ხნით შემოსულიყო დასასვენებლად. შუბლზე ისევ შერჩენოდა ოფლის ცვარი. ჭილის ქუდი მოეხადა და მუხლებზე დაედო.

— ახალ მეტყევესო? — იკითხა მელუქნემ. — ვინ არის და საიდან მოვიდა?

— დანამდვილებით არ ვიცი, — მიუგო მოხუცმა, — მგონი, პრუსიიდან. მაგრამ ქაჩივით კი ახვედრებს მიზანს და გოგობსაც მონუსხულივით დასდევს.

— ოჰო, ძია კასპერ! ახლა კი ცხრაკლიტულში უნდა ჩავათ თქვენი ანა-მარგრეტი!

— თავად დაიცავს თავს, პფეფერს, — მიუგო მეფუნდუკემ. მაგრამ მელუქნის კითხვები ამით არ ამოწურულა.

— ეჰ, ინსპექტორო, თქვენს ტყეში ბევრი სიახლე ჩანს. თქვენი ბატონები უცბად რაღაც ხალხის მოყვარულნი გახდნენ! მართლა მიაჭირავეს მათ „ბრიყვის თავშესაფარი“ საიდანღაც მოსულ უცხო კაცს?

— ამჯერად კი მიზანში მოახვედრეთ, პფეფერს, — მიუგო მოხუცმა და ქურთუკის ჯიბიდან უხეშად ნაკეთები უზარმაზარი გასაღები ამოიღო. — გუშინ უკვე დაეტვირთე და გადმოეტვირთე რამდენიმე ფორანი ხაბაკსუბაკი. ჯოჯობეთური სამუშაო იყო, ახლაც იქით მივდივარ, ფანჯრები უნდა დავადო და ვნახო, ხომ ყველაფერი რიგზეა. გუშინ ჩემი ფილაქ-

სი გალავანს იქით გამოვკეტე, რომ ამდენ ხარა-ხურასთან ერთი სულიერი მაინც დარჩენილიყო.

— მერე და საიდან მოვიდა ეგ ახალი მობინადრე? — ისევ იკითხა მელუქნემ.

— არ ვიცი, პფეფერს, და ამის უცოდნელობა არც მაწუხებს მაინცდამაინც, — უპასუხა მოხუცმა. — მე თვითონაც ვერ გამიგია. ისე კი, ეტყობა, ეგ ბატონი, ბოტანიკოსი უნდა იყოს. ეგეთ ხალხს ხომ გარეული მცენარეულობა იტაცებს.

ამასობაში მეფუნდუკემ მელუქნესთან გასასწორებელი მაგიდაზე ცარციტ დაწერილი ანგარიში კიდევ ერთხელ შეაშოწმა, მერე წინ წაიხარა, ხმას დაუწია და თუმცა ოთახში ამ სამის მეტი არავინ იყო, ჩურჩულით დაიწყო:

— არ გახსოვთ, რამდენიმე წლის წინათ გაზეთებში სტუდენტების დიდ შეთქმულებაზე* რომ წერდნენ, მეფეების ამოქლეტა სურთო, აი, ეგეც ამბობენ, იმათი ამხანაგი ყოფილა. მელუქნემ გაჭიანურებულად დაუსტვინა.

— აჰ რაღაც სუნი ტრიალებს, ინსპექტორო! — წარმოთქვა მან და განაგრძო: — ვიცი, ამის მოსმენა არ გსიამოვნებთ, მაგრამ მაგ იუნკრებსაც კარგი ხუსტურები სჭირდათ ახალგაზრდობისას, ეგ თქვენი იუნკერი ვოლფიც ხომ ვარტბურგის შეკრების* მონაწილე იყო.

მოხუცს ამაზე პასუხი არ გაუცია, მაგრამ მეფუნდუკეს ბეკრი რამის თქმა შეეძლო, გეგონებოდათ, ჭკვიან კირკიტებს მისთვის ქვეყნის ოთხივე კუთხიდან ახალი ამბები მოუტანიათო.

— როგორც ამბობენ, ის ახალი მობინადრე ამ მიდამოებიდან უნდა იყოს, მაგრამ პრუსიელებს მრავალი წელი უმყოფებიათ ბნელ სკანში. ამ ხნის მანძილზე არ დაუნახავს არც მზე,

•ტყ ვარსკვლავები. ახრჩოლებული კრაქის შუქზე თურმე სქელ წიგნებს უჯდა და დღე და დამ დაუსრულებლად კითხულობდა.

— ძია კასპერ, იქნება ისევ სასაზღვრო დავაში ჩავითრი-
ეს? — ჰკითხა მელუქნემ და მეფუნდუკეს თავახდელი სათუ-
თუნე გაუწოდა.

— მე მეკითხებით? როგორ გავიგოთ ეს შეკითხვა, პფე-
ფერს?

— კანაღამ ვიფიქრე, ქალაქში კიდევ თუ მოინახულა თა-
ფისი ვეჭილი, რომლისგანაც იმდენივე ფულით უამრავი აბ-
დაუბდა შეიტყო-მეთქი.

ბიძა კასპერმა მიწოდებული სათუთუნიდან ერთი მწიკვ-
ბურნუთი ამოიღო.

— მაშა, მაშა, პფეფერს, — მიუგო მან და ცალი თვალს
ფანჯრისაკენ გააპარა, — რას იზამ, როცა კაცს მოსვენებას არ
კადღევენ. ერთი ამათ დაუგდეთ ყური, ეს საწყალი კაჭკაჭებ-
ბოგორ ჩხავიან.

— ჰო, ბიძია კასპერ, მაგრამ შენ ერთი ეს მითხარი, რა
ხოუვიდა მერე ბატონ ბოტანიკოსს?

— ბოტანიკოსს?! გინდ დაიჯერეთ, გინდ არა და, ერთ
წმენიერ დღეს მოულოდნელად დაბრუნდა. მაგრამ, ეტყობა,
ჟდროო დროს, რადგან ქუჩაში რომ მიდიოდა და თავის უნია-
თო თვალებს ჰუტავდა, მოულოდნელად ეტლმა მიწაზე წააქ-
ცია, და გაისროლა.

— ის დაწყევლილი მეეტლე, ისა! — წამოიძახა მელუქნემ

— მაშა, პფეფერს. მაგრამ თქვენ ვერ მიხვდებით, რა მოხ-
და, თქვენ ხომ უცოლშვილო კაცი ხართ. ეტლში მსხდომი ბა-
ტონი და მოხდენილი ქალბატონი ცხენის ყურებს იქით ვერა-

ფერს ხელივდნენ, ურთიერთის თვალთა მზერით იყვნენ გატყეობულნი.

— იმ საწყალს რაღა დაემართა, ხომ არ დაშავდა?

— არა, პფეფერს, არ დაშავებულა, მაგრამ ქალი ფტლში ხომ ბატონს უჯდა, სწორედ იმ საწყალის ცოლი იყო.

მედუქნემ ერთხელ კიდევ დაუსტვინა.

— ეს კი მაგარი საქმეა! ესე იგი ის კაცი დაოჯახებულა ვოფილა, როცა პრუსიელებს ტყვედ ჩაუგდიათ, ცოლსაც ხომ თან არ ჩამოიყვანდა?

— არა მგონია, — მიუგო ბიძა კასპერმა, — რადგან გულის პროცესის დაუსრულებლად გაჭიანურების გამო მან ვვარჩიანი თანა გადვიხადა.

— ბარონი? იმას რაღა დაემართა?

— ბარონიო, პფეფერს? ბარონი იმ კაცმა მოკლა და ჯერე იქაურობას გაეცალა, რომ ეს უსიამოვნო ამბები გადაევიწყებინა. არა, ჩემო ძმაო, იმ მოხდენილ ქალს ის, რასაკვირველია, არ ჩამოიყვანს, მაგრამ მოხუც, გამოყრუებულ ვიბ ლევერენცს კი გადმოიპატიუებს თქვენი ქალაქიდან. არც ის არის ცუდი ქალი. უპატრონო ბავშვთა თავშესაფრიდან გათავისუფლდა, ახლა აქ ჩამოვიდა და თავის უკანასკნელ დღეებს „ბრიყვის თავშესაფარში“ გაატარებს.

ინსპექტორი ფეხზე წამოდგა.

— იყბედეთ რამდენიც გინდათ, ეშმაკსაც წაუღიხართ! — წარმოთქვა მან და სკამზე მსხდომთ ღიმილით გადახედა, შემდეგ თავისი ჭიქა გამოსცალა და მძიმე გასაღების ქნევით კარისკენ გაემართა. გაიარა მუხის ქვეშ, საიდანაც კაქკაქებთან გამარჯვებული კირკიტა იქაურობას გადმოსცქეროდა, გადაიარა ეზო და იმ გზაზე გავიდა, რომელიც ტყის თხილით მო-

ფენილ მიწაყრილებს შუა მიიმართებოდა და სოფლის ჩრდილოეთით შარაგზას უერთდებოდა. შუაგზაზე, განაკაფში მარცხნივ შებრუნდა და საცალფეხო ბილიკზე გადავიდა. მზე უკვე გვარიანად აცხუნებდა. ინსპექტორმა ბორცვებიანი მწვანე მინდორი გადაიარა და მუხის ბუჩქებით მოფენილ ჭაობნარისაკენ დაეშვა. მის უკან დილის მოციხფრო ნისლში მოჩანდა ფოთლოვანი ტყე — მუხებისა და ტანაყრილი წიფლის ხეები. მოხუცი ტყის ჩრდილში შევიდა და შუბლზე ხელსახოცით ოფლი შეიშურალა. მალალი ხის ტოტებიდან მიღამოს შაშვის ქახქახი ეფინებოდა.

თხუთმეტოდე წუთის შემდეგ ფოთლოვანი ტყე წიწვოვანმა შესცვალა. უცბად გვერდით ბილიკიდან ორნი მიუახლოვდნენ.

— ეს გზა „ბრიყვის თავშესაფარში“ ხომ არ მიგვიყვანს? — ღკითხა გლეხის ბიჭმა, რომელსაც თუმცა ქალაქურად, მაგრამ უბრალოდ ჩაცმული გოგონას ჩემოდანი მოჰქონდა.

მოხუცმა თავი დაუქნია:

— წამომყევით.

— მე „ბრიყვის თავშესაფარში“ მივდივარ, — უთხრა გოგონამ.

— ეს გზაც სწორედ იქით მიდის. თუ „ბრიყვის თავშესაფარში“ რაიმე საქმე გაქვთ, მაშინ სწორ გზაზე დგახართ.

— იქ უნდა ვიცხოვრო, — მიუგო გოგონამ მოხუცს.

მოხუცი, რომელიც გზაზე აქამდე მშვიდად მიდიოდა, ახლა უკან შებრუნდა, გოგონას დააკვირდა და თანდათან გამხიარულდა.

— მე კი ფრაუ ლევერენცი, ასე ვთქვათ, ორიოდ წლით

მაინც უფროსად მყავდა წარმოდგენილი, — წარმოთქვა მოხუცმა.

მაგრამ გოგონა, როგორც ჩანდა, ხუმრობის ხასიათზე არ იყო. მოხუცი ნაცრისფერი თვალებით შეათვალიერა და თქვა:

— მე ფრანცისკო ფედერსი მქვია. ფრაუ ლევერენცი და ბატონი, ალბათ, უკვე იქ არიან.

— ახლა კი ცდებით, ქალიშვილო, — მიმართა მას მოხუცმა და ცალი ხელით შლაპა მოუხადა, მეორეთი კი დიდი გასაღები უჩვენა. — ბატონები დღეს სალამოს მოვლენ, თუმცაღა თქვენ მაინც შეგიძლიათ სახლში შეხვიდეთ.

გოგონა შეკრთა და ერთი წუთით ბაგეზე საჩვენებელი თითი მიიღო.

— რას ვიზამთ, — თქვა გოგონამ, — სხვა დროისათვის მეეტლე ვერ დავითანხმე. წავიდეთ, ბატონო ინსპექტორო.

ისინი ერთად გაემართნენ მოჩრდილული, წიწვებით მოფენილი ბილიკით. გზაზე თანდათან უფრო გოლიათური ფიქვები ხვდებოდათ, მგზავრები მათ ტოტებქვეშ მიდიოდნენ. უცბად განაკაფში გავიდნენ. მათ გზა გადაუჭრა ველის ბალახებით მოფენილმა ღარტაფმა, რომელიც ამომშრალი მდინარის კალაპოტს მიაგავდა, მის იქით კი, მეორე ნაპირზე, ბექობს კვლავ მუხნარი და წიფუნარი მოსდებოდა. პირდაპირ მოჩანდა მოტიტვლებული ადგილი, საიდანაც ჰორიზონტამდე ყავისფერი ველი გაშლილიყო. მარცხნივ აღმართული აგურის ძველი შენობა უკანა კედლით ზედ ტყეს ებჯინებოდა. აწოწილი სახურავის გამო შენობა კოშკს მიაგავდა. გალაგნის ზემოთ მხოლოდ მეორე სართულის ოთხი ფანჯარა ჩანდა, თვითონ გალაგანი შენობის ფასადის გაგრძელება გეგონებოდათ, კიდებობის-

კენ ოვალურ ფორმას იღებდა და თითქმის ღარტაფამდე აღწევდა.

გზაში მოხუცმა ფრანცისკას უამბო, თუ რამდენი თავშისახლელი შეახვედრა ბატონის ამ სახლში გადასვლამ. ახლა იგი შედგა და ხელით ანიშნა მათ პირდაპირ გალავნის შუაში დატანებულ კიშკარზე, ზედ რომ მძიმე ლითონის ფურცლები გადაეკრათ. ალაყაფის კარზე გაკრულ სილაქვის დაფაზე მოჩანდა წარწერა. ოდესღაც მოოქროვილი ასოები მზის სხივებზე ახლაც ადვილად იკითხებოდა.

— „ტყის ყურე“, — ამოიკითხა ფრანცისკამ.

— ოპო, ფილაქს! — წამოიძახა ინსპექტორმა. — გესმით მამზელხენ; * ფეხის ხმაზე მიცნო. — კიშკარგამოკეტილი ეზოდან ძაღლის ყეფა მოისმა. ტყიდან სახლის სახურავზე გადმოშვერილი მუხის ტოტიდან რაღაც მტაცებელი ფრინველი წამოფრინდა და გამსკვალავი ჩხაველით განმარტოებული შენობის თავზე ირაო შეკრა.

ამასობაში ისინი ტყის მიტოვებული ბილიკით ღარტაფში დაეშვნენ. თანდათან მზით განათებული შენობის სამხრეთ ფასადს უახლოვდებოდნენ. ოქროს ვარაყის ნარჩენები ბრწყინავდა წყალსადინარი მილების დრაკონის თავებზე, რომლებიც ტყისკენ იმზირებოდნენ. სახურავის მოკლე თხემის ბოლოებს ამშვენებდა ორი ფლუგერი, რომელთაგან ერთი თითქმის მთლიანად მწვანე ფოთლებში ჩამალულიყო, მეორე კი უძრავად გამოკვეთილიყო ლურჯი ცის ფონზე.

მგზავრებმა ღარტაფის მეორე მხარეს მიაღწიეს. ინსპექტორმა ძელებით შეკრული კარის საკეტში გასაღები გადაატრიალა. შევიდნენ გათლილი ქვით მოგებულ დაჩრდილულ ეზოში, გახარებული პუდელი პატრონს ზედ ახტებოდა. შესასვ-

ლელის მარცხნივ ქვით ამოშენებულ ქასთან ახალი, წყლით ავსებული ვედროები იდგა. სახლის კედელს, რომელზედაც ის-ის იყო მზის სხივები იფრქვეოდა, ზედ აპყოლოდა მაღალი, კოკრებით დატვირთული ვარდის ტოტები და თითქმის მთლიანად დაეფარა კარის აქეთ-იქით დატანებული და ეზოსკენ მიქცეული ორი ფანჯარა.

— ეს ვარდები თვითონ მოხუცი ბატონის დარგულია: — თქვა ინსპექტორმა.

მოსულები ორსაფეხურიანი კიბით სახლში ავიდნენ. წინ-კარის მარცხნივ სამზარეულო იყო, მარჯვნივ ერთფანჯრიანი ოთახი, რომლის მორთულობით ადვილად დაასკვნდით, თუ ვის უნდა ეცხოვრა აქ. თუმცა მაღალ საწოლზე არც მიჩიგდანი ჩანდა და არც ბალიშები, მაგრამ კუთხეში იდგა სართავი ჯარა და შულო, ხოლო ძველფრანგული კამოდის თავზე ძველებურივე სარკე ეკიდა, აკლდა მხოლოდ მის უკან გადაჯვარედინებული ფარშევანგის ფრთები.

— ჩანს, ეს არ არის შენი ოთახი, მამზელხენ, — წარმოთქვა მოხუცმა. ეტყობოდა, იგი კვლავ ხუმრობის ხასიათზე იყო. მაგრამ რაკილა გოგონასაგან პასუხი ვერ მიიღო, მეორე სართულზე ამავალი კიბისკენ გაქცეულ პუდელზე მიუთითა და უთხრა: — მოდი, ჩვენც მას მივყევთ, აქ მხოლოდ სათავსოებია.

ზემოთ რომ ავიდნენ, მოხუცმა ერთი საშუალო სიდიდის ოთახის კარი გააღო. ოთახი ფაქიზად იყო გაწყობილი, ფარდებიც არ დავიწყებოდათ. ორი ფანჯრიდან ნაძვნარი და ღარტაფი მოჩანდა. ეს ის ორი ფანჯარა იყო, წელიდან რომ დაინახეს მეორე სართულზე. მარცხენასთან მაღალი სავარძელი იდგა, მეორე ფანჯრის გვერდით, კედელთან — უჯრებიანი საწე-

რი მაგიდა. მაგიდის თავზე ეკიდა შორეულ შვარცვალდში დამზადებული პატარა, მოხდენილი გუგულიანი საათი, რომლის ქანქარას უკვე ტაკა-ტუკი გაჰქონდა. კედლებზე აეკრათ მუქ ყავისფერ მიწაზე ამოხატული წითელ და იისფერყაყაჩოებიანი ძველებური, მაგრამ კარგად შენახული შპალერი.

ფრანცისკა მოხუცს ფანჯრების გაღებას შველოდა და ჩუმად და ყურადღებით აკვირდებოდა ყველაფერს.

ამ ყაყაჩოებიანი ოთახის აქეთ-იქით, დიდ ოთახში გამავალი თითო-თითო ვიწრო ოთახი იყო. ვიწრო ოთახებს თითო ფანჯარა ჰქონდათ, ეს ფანჯრებიც ნაძენარს გაჰყურებდა. მარცხნივ ოთახში, რამდენიმე სკამს გარდა, ერთი რკინის საველე საწოლი და რამდენიმე მაღალი ზანდუკი ელაგა. ფრანცისკამ ესენი აჩქარებით შეათვალიერა, მისმა გამცილებელმა კი მეორე ოთახის კარი გააღო.

— აი, წასაკითხს სად ნახავ! — წამოიძახა მოხუცმა — ბატონი დოქტორი მთელი დღე უჯდა აქ წიგნებს.

მართალს ამბობდა მოხუცი. აქ იყო საკმაოდ მდიდარი საოჯახო ბიბლიოთეკა. ლამაზად დაკაზმული წიგნები კედლის გასწვრივ გაყოლებულ ღია თაროებზე ელაგა. მაგრამ სანამ გოგონა თაროდან მაგისტრის პანსიონატიდან ცნობილ ოკენის „იზიდას“* ჩამოიღებდა, მოხუცმა ფანჯრის პირდაპირ ჩასმული კარი გააღო.

ეს ოთახი დასაველეთით მდებარეობდა, ფასადის მზიანი ოთახების საპირისპირო მხარეს და ტყის ჩრდილით იყო ჩაბნელებული.

— ნუ შეგეშინდებათ, მამზელხენ, — მიმართა მოხუცმა, გოგონას და ერთადერთ ფანჯარაზე გარედან გაკეთებულ

რკინის ცხაურზე მიუთითა. — ეს საპყრობილე არ გეგონოთ, მოხუცის ახირების ნაყოფია მხოლოდ.

— ასე ადვილად არაფერი მაკრთობს, — მიუგო გოგონამ და კარისკენ წასულ მოხუცს მიჰყვა.

— ახლა კი იმ ყმაწვილს თქვენი ნივთები ზემოთ ამოვატანინოთ, რადგან ამ ოთახში საწოლი და კამოდის თავზე დაკიდებული ქალწულის სარკე, ალბათ, თქვენთვის არის გამიზნული.

როცა ფრანცისკამ თავისი ნივთები ჩაიბარა და ყმაწვილს ფული გადაუხადა, მოხუცმა უთხრა:

— ახლა კი, მამზელხენ, ისევ სოფელში წაგიყვანთ. მართალია, ერთი საათის სიარული მოგიწევთ, სამაგიეროდ კასპერის მარგრეტი სადილად გემრიელ ერბოკვერცხს მოგიმზადებთ, სალამოს კი ბატონი დოქტორი ეტლით გამოივლის, რომ გასაღები ჩაიბაროს.

გოგონამ თავი გაიქნია.

— რაკილა მოვედი, დავრჩები კიდევ. საჭმელი კი სამგზავრო ჩანთაში მეც მომიქვება.

მოხუცმა წვერი მოიფხანა:

— მაშინ თქვენი ჩაკეტვა მომიწევს, რადგან დოქტორს გასაღები თვითონ მე უნდა გადავცე.

— ჩამკეტეთ, ბატონო ინსპექტორო.

— ჰმ. იქნებ ფილაქსიც დაგიტოვოთ?

— ფილაქსი? რად მინდა? სხვა არა იყოს რა, საჭმელი ორივეს არ გვეყოფა.

— როგორც გენებოთ. მე მხოლოდ შემოგთავაზეთ. მასთან კარგად გაერთობოდით.

— სულაც არ ვარ მოწყენილი.

— პო, მართალი ხართ.

— ამრიგად, შევთანხმდით, ბატონო ინსპექტორო.

— შევთანხმდით, მამზელხენ. ახლა ჩაგკეტოთ?

გოგონამ სერიოზული სახით დაუქნია თავი, შემდეგ მოხუცს მშვიდად ჩაჰყვა ეზოში და გარეთ გააცილა. როგორც კი ინსპექტორი გაღავნიდან გავიდა და კარი გასაღებით დაკეტა, გოგონა მკვირცხლად შემობრუნდა და ოთახში ავიდა, თავი ფანჯრის ჩარჩოს მიადო და გზად მიმავალ მოხუცს გახედა. ის უკვე ბალახმოდებულ ბილიკზე აღიოდა ლარტაფის გაღმა მხარეს. როცა მოხუცი და მისი ძალი ფიქვენარში მიიმალნენ, გოგონა შუა ოთახში გამოვიდა, ფეხის თითებზე წამოიწია, ღრმად ამოისუნთქა, ირგვლივ ყველაფერს დაკვირვებით მოავლო თვალი და ორივე ხელი მკერდზე მიიღო. კმაყოფილების ღიმილმა გადაურბინა გოგონას პატარა სახეს, რომელზედაც ამ წუთას განსაკუთრებით მკაფიოდ გამოკრთოდა ნაკვთები. შემდეგ ბიბლიოთეკა გაიარა და თავის ოთახში გავიდა, რომელსაც უკვე მზე მისდგომოდა. სარკესთან მივიდა, სხვილი ნაწნავები დაიშალა და მუქი ჩალისფერი თმა მხრებზე ტალღებად გადაიყარა. ჩემოდანი გახსნა, თავისი ნივთები ამოალაგა და კამოდის ცარიელ უჯრაში ჩააწყო. ამოიღო ზეთის საღებავების კოლოფი, ფუნჯები, ფერადი ფანქრები და არც თუ ცუდად დახატული ყვავილები. ყველაფერი რომ მიალაგ-მოალაგა, თმა ისევ დაიწნა და ყველაზე მოხდენილი კაბა გადაიცვა.

ნივთების დალაგებას რომ მორჩა, სამგზავრო ჩანთიდან რამდენიმე ბუტერბროდი ამოიღო და შეჭამა. შემდეგ, თითქოს ვილაცამ ამ კედლებს შორის მოქცეული ყოველი კუთხე-კუნძულის საგულდაგულო შესწავლა დაავალაო, მკვირცხლად

შემოიბრინა მთელი სახლი, ყველა ოთახი, სამზარეულო, იქი-
დან დაბლა ჩაირბინა და სარდაფიც დაათვალიერა. შემდეგ იქ-
ვე კიბე შენიშნა და სხვენში აირბინა. აქ მალალ და ჩაბნელე-
ბულ სახურავზე მოხვდა. გვერდით რაღაცამ გაიხრჩინა, იქ-
ნებ, ქრცვინი იყო, იქნებ — კვერნა, გოგონას ამისთვის ყუ-
რადღება არ მიუქცევია, დაკეტილ სანათურთან მივიდა და იმ-
დენხანს ეჯაჯგურა, სანამ არ გაალო. სანათური სახურავის უკან
მხარეზე იყო მოქცეული. აქედან დაბლა იშლებოდა ვრცელი
ველი, რომელიც თითქოს ტყიდან ამოზრდილიყო და, რაც
მეტ ხანს უყურებდით, უფრო თვალუწვდენელი ხდებოდა.

ამ სიბნელეში გოგონა სანათურის ჩარჩოზე ჩამოჯდა. მი-
სი ნაცრისფერი, არწივისებური თვალები ერთ ადგილას ვერ
ისვენებდა, ხან შუადღის ხვატში გარინდულ ტყეს შეაკქერ-
დებოდა, ხან გზაზე დარჩენილ ეტლის თვლების ორიოდ ნაკ-
ვალევს, რომელიც ველიდან ეს-ეს იყო მისგან მიტოვებული
სამყაროსკენ მიემართებოდა.

დრო გადიოდა და „ბრიყვის თავშესაფრის“ ტყის ბინად-
რებს დაერღვათ ზაფხულის ჩვეულებრივად წყნარი ცხოვრე-
ბა. ახალგაზრდა ნაძვების ნაკრძალიდან მოულოდნელად გა-
მოხტება ირემი, ახლადმოცვლილ რქებს ყურადღებას არ აქ-
ცევს და გახელებული გარბის მახლობელი უღრანისაკენ. იქით,
ქაობიდან, ჰაერში კრიახით აიჭრება ორი მოლურჯო-ფოლა-
დისფერი როჭო, რომლებიც აქამდე, წლების მანძილზე, თავის
ნებაზე ტიხტიხებდნენ. თვით ოსტატ მელასაც მოსვენება დაუ-
კარგეს. მალალ ბებერ ბორცვზე მოუწყვია თავისი მალეპარ-
ტუსი*, შუადღის გულზე ბუნაგის ერთ სამკრომთან დამჯდარა
და ხან მინდორზე ატორტმანებულ კოლოების გუნდს შესცქე-
რის გულმოწყალედ, ხან პატარა ლეკვებს, რომლებიც დედის

ირგვლივ პირველ მაღაყებს ბედავენ. უცხად დედა მელა თავს მალლა სწევს და ყურებს წკაპავს: წიფლნარის პირიდან რაღაც უცნაური ხმები მისწვდა მის სმენას.

რამდენიმე წუთის შემდეგ მინდორზე მამაკაცი გამოჩნდა, იგი ახალგაზრდობის ასაკიდან გამოსულა, მაგრამ ჯანმრთელი კი ჩანს. დიდი ლომისფერი ძაღლი წინ გარბის და დრუნჩს ჩრის სოროში, სადაც მელამ და მისმა ლეკვებმა თავის შეფარება ძლივს მოასწრეს. მაგრამ პატრონი უხმობს ძაღლს და ისიც იმწამსვე უკან გარბის. დიდი ხანი არ არის, ძაღლი და პატრონი ტყიდან გამოვიდნენ. ახლა გზას მინდორზე განაგრძობენ. მალე ორივენი ჰაობს გასტოპავენ. ყოველდღე ერთად დადიან, მაგრამ ტყის ბინადრებს მათი არ უნდა ეშინოდეთ, რადგან ძაღლი მხოლოდ თავის პატრონს შესტკეერის, ის კი— მცენარეთა უტყვ სამყაროს. თუ რომელიმე უცნობ მცენარეს შეამჩნევს, ხელიდან არ გაუშვებს. დღეს განსაკუთრებით აინტერესებს ხავსები და ჯუჯა ლერწმისებრნი, რომლებსაც დაუნანებლად ალაგებს თავის მწვანე ყდაში.

ზოგჯერ გვერდით გოგონაც მისდევს. ეს იშვიათად ხდება, როცა ზოგჯერ ახლო-მახლო გადის ხოლმე. გოგონა უმეტესად დარტაფის გაღმა რჩება, „ტყის ყურეს“ მაღალ გალავანს შიგნით. იქ იგი სამზარეულოში ეხმარება მოხუც ქალს, რომლის კეთილ სახეს დიდი ხნის სიყრუით გამოწვეული გულგრილობა აღბეჭდვია. სიყრუის უფრო ნათელ ნიშანს წარმოადგენს სასმენი მილი, რომელიც მონადირის საყვირივით გადაუკიდია მხარზე. გოგონამ იცის, რომ ეს მოხუცი ერთ დროს მისი ახლანდელი ბატონის მომვლელი იყო, ცდილობს თავაზიანი იყოს და ყველაფერი ასიამოვნოს. თვით ბატონთან კი თავი სხვაგვარად უქირავს. კაცი სულ ელის, მაგრამ მისგან ერთხელაც

აღარ უგრძენია ისეთი შეხედვა, იქ რომ დაიჭირა, სასამართლოს ოთახში, როცა ბურგომისტრის მდივნის მოვალეობას სრულებდა.

ზოგჯერ, როცა სადილის შემდეგ ზემო ოთახებს მიაღაგებს, — ამას იგი მუდამ გულმოდგინედ აკეთებს ხოლმე, — გოგონა სიამოვნებით მიჰდება პატარა ბიბლიოთეკის ფანჯარასთან და მოყავისფრო ქალაღზე ხატავს საგველას ან ყვავილის დეროს, რომელიც ტყიდან დოქტორს ან ორივეს ერთად მოაქვთ. ასეთ დროს დოქტორი დიდხანს დგან გოგონას გვერდით და მოჯადოებულებით, ჩუმად შესცქერის პატარა, მარდ ხელს.

ასე იყო ერთ საღამო პირასაც, უკვე რამდენიმე კვირა გასულიყო, რაც ისინი ერთ ვერქვეშ ცხოვრობდნენ. კაცმა გოგონას წინ დაუდო წყლის ბამბისა და ლანძილის თაიგული. გოგონა მუყაითად შეუდგა მათ ქალაღზე გადახატვას. ხატვისას დოქტორი თითო-ოროლა სიტყვას ჩაურთავდა ხოლმე, გოგონაც თავაუღებლად პასუხობდა.

— სიამოვნებით გადმოხვედით ამ სახლში საცხოვრებლად? — ჰკითხა მას დოქტორმა. •

— რასაკვირველია, რატომაც არა? ხარაზთან ყველგან ტყავის სუნი იდგა, გარდა ამისა, ისინი მათხოვრებივით ლატაკებზე იყვნენ.

— მათხოვრებივით ლატაკები? რატომ ხმარობთ, ფრანცისკა. ასეთ უხეშ გამოთქმებს? — კაცს ეგონებოდა, დოქტორი გოგონაზე ბრაზობსო, მაგრამ კარგა ხანია გაბრაზება აღარ შეეძლო. კაცმა ერთ ხანს უყურა ფრანცისკას, რომელიც ახლაც ფოთოლზე ჩრდილებს ხატავდა, და რაკილა მისგან პასუხი ვერ მიიღო, თვითონვე განაგრძო: — მართალია მე მათხოვარივით

ლატაკი არა ვარ, მაგრამ თქვენთვის აქ ძალიან მოწყენილობაა.

— მე ეს მომწონს, — წყნარად მიუგო გოგონამ და ფუნჯი საღებავში ამოაწო.

გოგონას წინ, მაგიდაზე, რამდენიმე დასრულებული ნახატი იდო. დოქტორმა აიღო ერთი მათგანი, რომელზეც *Coinus suecica** იყო დახატული და ქვეშ ფანქრით მიაწერა:

მე დავეძებდი სულ სხვაგვარ ყვავილს,
ვეძებე, მაგრამ ვერ ვპოვე ვერსად.
ნიადაგიდან იზრდება იგი
იქ, სადაც ორნი არიან ერთად.'

კაცმა ნახატი გოგონას დაუღო წინ, მან ლექსს სწრაფად გადაავლო თვალი, ზემოთ არც აუხედავს, ფურცელი სხვა ნახატებთან ისე დადო და უფრო მეტად თავდაღუნულმა ხატვა განაგრძო.

კაცი კიდევ რამდენიმე ხანს იდგა მასთან, თითქოს წასვლას ვერ ბედავსო, მაგრამ რაკილა გოგონა სამუშაოს ჩუმად განაგრძობდა, დოქტორმა ძალღს დაუსტვინა და მასთან ერთად ტყი-სკენ გაემართა.

მინც რა უცნაურად აეწყო ამ გოგონასთან ურთიერთობა! წამიერი გატაცებით, თითქმის დაუფიქრებლად დაუკავშირა იგი დოქტორმა თავის ცხოვრებას, ვით ერთფეროვანი ცხოვრების შემამკობელი და აზრის მიმცემი რამ საშუალება. მაგრამ სულ სხვაგვარად კი გამოვიდა! რასაკვირველია, მოხუცი ფრაუ ვიბი, რომლისთვისაც, სიყრუის მიუხედავად, ცხოვრება არავითარ საიდუმლოებას არ შეიცავდა, ამას ვერ ამჩნევ-

და, მაგრამ ლომისფერი ძაღლიც კი გრძნობდა, რომ მისი პატრონი ამ უცხო გოგონას დამორჩილებოდა, მთლად მის ხელთ იყო. ამიტომ ეტმასნებოდა ძაღლი ადრინდელზე მეტად თავის პატრონს, და თითქოსდა საყვედურით აღესილი თვალებით შეჰყურებდა.

დიღხანს იხეტიალეს უმიზნოდ და უაზროდ ორივემ ერთად. მერე, როცა ტყეში ჩამობნელდა, ბატონი და ძაღლი დიდი მუხნის ქვეშ ბილიკის ახლოს დასხდნენ. საღამო პირას, სანამ დასაძინებლად თავიანთ ბუდეებს მიაკითხავდნენ, ამ მუხანზე ყორნები იკრიბებოდნენ ხოლმე.

დოქტორმა თავი ხავსმოდებულ გრანიტის ლოდს მიადო. აქეთ გამოსეირნებისას ფრანცისკას რამდენჯერმე დაუსვენია ამ ლოდზე. დოქტორი შესცქეროდა ხეს, რომელზეც ერთმანეთის მიყოლებით სხდებოდნენ ყორნები, შემდეგ ტოტიდან—ტოტზე ხტოდნენ და ყრანტალებდნენ, თითქოს ერთმანეთს დღევანდელ ამბებს უყვებიანო. ამჯერად ფრთოსანთა შავ-მონაცრისფრო საზოგადოება მას ნაკლებ აინტერესებდა, ოცნებით ხელადა მსუბუქ ნაბიჯებს იმისას, ვისი მოღლილი ფეხებიც ცოტა ხნის წინ ისვენებდა ამ ლოდზე, რომელზეც ახლა ფიქრებით აფუსფუსებული თავი თვითონ მიედო.

ეს რა გრძნობები იტაცებს რიჰარდს, რომლის მსგავსი ჯერ არ გამოუცლია? ყველაფერი დანარჩენი, რაც ცხოვრების ნახევარ გზაზე აუტანელ ტანჯვად თან ახლდა, გაქრა, მიავიწყდა. ნუთუ ეს იყო სწრაფვა იმისკენ, რომ ახალგაზრდობის უკანასკნელი ბედნიერება ახლა განეცადა? იქნებ, ეს იყო ჯადო ახალგაზრდული თვალებისა, რომლებშიც ზოგჯერ უძირო უფსკრული მოჩანდა? გოგონას იგი ამჩნევდა ზოგიერთ თვისებას, რაც მას უკუ უბიძგებდა: სიმკაცრესა და დამოუკიდებ-

ლობას — გოგონა თითქმის ზიზღით უარყოფდა ყოველგვარ შემწეობას, და მამაკაცს ეს აბრაზებდა. ამის გამო მოსვენება ვერსად ეპოვნა. ამაში იგრძნობოდა რალაც მტრობა, რაც მას თითქოს საბრძოლველად იწვევდა და იგი გრძნობდა, რომ გამარჯვნა კიდეც, სიყვარული უფრო მეტად წარიტაცებდა.

კაცი წამოხტა, დამუშტული ხელები ზემოთ შემართა, თითქოს ძარღვებს ისინჯავსო, რათა ახლავე შებრძოლებოდა შეყვარებულ მოწინააღმდეგეს სამკვდრო-სასიცოცხლოდ.

მუხაზე ფრთოსნები ფართქუნებდნენ. უცბად ძალღმა შეპყეფა და ყორანთა გუნდი ყრანტალით აიჭრა, ტყიდან კი სხვა ხმა მოისმა: პატარა ფეხები მუხისკენ მსუბუქად და აჩქარებით მოაბიჯებდნენ. მამაკაცმა მალე შეამჩნია ხეთა შორის ზოფრიალე კაბის კალთები. მამაკაცმა ხელები მკერდზე მიიღო, თითქოს ამით შეიძლებოდა აბობოქრებული გულის ძგერის ჩახშობა.

გულამოვარდნილი გოგონა მის წინ შედგა.

— რა ფერმკროალი გამოიყურებით, ფრანცისკა! — შესძახა კაცმა.

— ვირბინე, თქვენ გეძებდით!

— მე, ფრანცისკა? ტყეში უკვე ბნელდება.

მამაკაცის სახეზე გოგონას შეეძლო ამოეკითხა, თუ როგორ პასუხს ელოდნენ მისგან, მაგრამ მან უბრალოდ თქვა — ეს იყო მსახურის კილო, რომელიც ბატონს დაბარებულს გადაცემს:

— ვილაც მოვიდა, თქვენი ნახვა სურს.

— ჩემი ნახვა სურს?

გოგონამ თავი დაუქნია.

— ჩემი მეურვეა, ხარაზი, — წარმოთქვა გოგონამ უხალისოდ, თითქოს თავს რაღაც უხერხულად გრძნობსო.

— თქვენი მეურვე? მერე და ჩემგან რა უნდა?

— არ ვიცი, რა უნდა, მაგრამ მეშინია მისი.

— მაშ წავიღეთ, ფრანცისკა!

ორივე აჩქარებით გაუდგა გზას.

ტანმორჩილი, ცხვირპაკუა, მოყუყუჩო სახის ხარაზი ფრაულევერენცის პატარა ოთახში იცდიდა. რიპარდმა იგი ზემოთ აიყვანა, სადაც ფრანცისკა აღრევე ასულიყო.

— აბა, ოსტატო, რას მიბრძანებთ? — ჰკითხა მას მასპინძელმა და საწერ მაგიდასთან სავარძელში ჩაჯდა.

თუმცა დაჯდომა შესთავაზეს, მაგრამ ხელოსანი კართან შემკრთალი ატუზულიყო, ნაწყვეტ-ნაწყვეტად რამდენიმე სიტყვა წარმოთქვა და დღევანდელი შეწუხებისათვის წინასწარ ბოდიში მოიხადა. მერე კი საქმეზე გადავიდა: ერთ მოხუც მდიდარ, ძალიან მდიდარ და უშვილო ხაბაზს უნდა ფრანცისკას შვილად აყვანა. თუ კი ნაშვილები წესიერად მოიქცევა, ხაბაზი არ დაივიწყებს და ანდერძში მასაც მოიხსენებს. ჩემი, ე. ი. მეურვის მხრივ, უსინდისობა იქნებოდა, რომ მეურვეობაში მყოფისათვის ასეთი ბედნიერება დამეკარგაო.

რიპარდმა ეს ამბავი მშვიდად მოისმინა, ყოველ შემთხვევაში, გარეგნულად ასე ჩანდა.

— ვაფასებ თქვენს მზრუნველობას, ოსტატო, — დაიწყო მან და, როგორც იქნა, მღელვარება დაიოკა, — მაგრამ ფრანცისკა ჩემს სახლშიც ნაკლებ უზრუნველყოფილი არ იქნება. მზად ვარ ამის გარანტია მოგცეთ.

ხარაზმა ერთხანს ქუდი ხელში ატრიალა, მერე თქვა:

— შეიძლება, მაგრამ ამას ვერ ვიზამ!

— რატომ ვერ იზამთ?

ხარაზს პასუხი არ გაუცია, პირდაკუშტული დასცქეროდა იატაკს. მათი საუბრისას გოგონა ფანჯარასთან იდგა და ხმას არ იღებდა. როცა რიპარდმა მისკენ მოიხედა, დაინახა, თუ როგორ გაფართოებოდა გოგონას ისედაც დიდი ნაცრისფერი თვალები, ყოველგვარი ურჩობა ჩამოსცილებოდა და შიშითა და მულარით შესცქეროდა დოქტორს.

— ფრანცისკა! — ჩაიღულუნა მან. ოთახში ერთ წუთს სამარისებური სიჩუმე ჩამოვარდა.

შემდეგ დოქტორი კვლავ ხარაზს მიუბრუნდა, გული ისე უცემდა, რომ სიტყვებს ძლივს ამბობდა.

— თქვენ ჩემთვის ნამდვილი მიზეზი არ გითქვამთ, ოსტატო. გულახდილად მითხარით ყველაფერი და მოვრიგდებით. ხარაზმა მხოლოდ ეს უპასუხა:

— სხვა აღარაფერი მაქვს სათქმელი.

ფრანცისკა, რომელსაც აქამდე თავი წინ წამოეწია და მოსაუბრეებს პირდაღებული უსმენდა, დოქტორის სავარძელს ამოეფარა.

— მე ვთქვა ეგ მიზეზი, მეურვე? — იკითხა ფრანცისკამ ისეთი კილოთი, რომ ყურს ბასრ დანასავით მოხვდა.

— რაც გინდათ, ისა თქვითო — მიუგო ხელოსანმა და ჭიუტად გვერდზე გაიხედა.

— რაკილა თქვენ არ ამბობთ, მე ვიტყვი: ხაბაზს თქვენი სახლი გირაოდ აქვს აღებული და ვიცი, რომ ახლა გავიწროვებთ.

რიპარდმა შვებით ამოისუნთქა.

— მართლა ასეა? — ჰკითხა ხარაზს.

ხარაზმა ნათქვამის სისწორე დაადასტურა.

--ვალი რამდენი გაქვთ აღებული?

ხარაზმა ისეთი თანხა დაასახელა, რაც წერილი ხელოსნის უძრავ-მოძრავის საფასურს რამდენჯერმე აღემატებოდა.

—კარგი, ოსტატო, — დაიწყო რიპარდმა სწრაფად, მაგრამ სანამ წინადადებას დაამთავრებდა, ყურში ფრანცისკას ჩურჩული ჩაესმა:

— ნუ აჩუქებთ, გემუდარებით, ნუ აჩუქებთ!

და ხელზე შიშით შემკრთალი ფრანცისკას ხელის ოდნავი მოჭერა იგრძნო.

რიპარდი მაშინვე გონს მოეგო, გოგონას სათქმელი სწრაფად გაიგო:

— ოსტატო, — მიმართა მან ხარაზს, — ფულს მე გასცხებთ, აი ახლავე, თქვენ კი მხოლოდ ხელწერილი მომეცით. გამიგეთ სწორად, სანამ თქვენს მეურვეობაში მყოფი ჩემს სახლში იქნება, პროცენტებს არ მოგთხოვთ. თანახმა ხართ?

ხარაზმა უარის თქმა სცადა, მაგრამ, როგორც ეტყობოდა, მხოლოდ ჩვეულების გამო, და ცოტა ხნის შემდეგ ამ პირობაზე დათანხმდა.

— ცოტა ხანს მომითმინეთ! ახლავე ჩემს ვეჟილთან საჭირო მინდობილობებს გაგატანთ.

ფრანცისკა წელში გაიმართა. რიპარდმა სავარძელი საწერ მაგიდასთან მისწია. დოქტორი ისე გაცხარებით შეუღლა წერას, რომ კალამი ქალაღდს კაწრავდა.

წერილი სწრაფად დაბეჭდა და დახარბებული კაცის ხელს გადასცა. ხარაზი კარებამდე მიაცილა. ფრანცისკა ძველ ადგილზე დარჩა. ორივე მონუსხულივით შესცქეროდა ის-ის იყო მოხურულ კარს, თითქოს სურდათ დარწმუნებულიყვნენ, რომ

ეს მძიმე ნაბიჯები ნამდვილად ქვემოთ ჩადიოდა. კიდევ ერთი წუთი და მათ სმენას მისწვდა სახლის კარის გაღებისა და დახურვის ხმა, შემდეგ კი ჭიშკარის ხმაც გაიგონეს.

რიჰარდი ახლალა მიბრუნდა ფრანცისკასაკენ.

— მოდი! — ხმადაბლა წარმოთქვა მან და მკლავები გაშალა.

ნათქვამი არც ისე ხმადაბალი აღმოჩნდა. — გოგონა კაცს მკერდზე მიეხუტა, რიჰარდმა იგი ისე მიიკრა, თითქოს გასრესა სურდა, რომ შემდეგ მის თავს აღარავინ შესცილებოდა.

— ფრანცი! ავად ვარ შენი სიყვარულით, სად ვიშოვო წამალი?

— აი, წამალი! — მიუგო გოგონამ და ნაზი, ბროწეულის ყვავილისფერი ბაგეები გაუწოდა.

ოთახის კარი მათ უჩუმრად გაიღო, ღრიჭოში გამოჩნდა ძაღლის მშვენიერი მუქყვითელი თავი, შემდეგ ძლიერი ცხოველი ოთახში შემოვიდა. იგი მაშინლა შეამჩნიეს, როცა თავი პატრონს მიადო ფეხზე და მშვენიერი ყავისფერი თვალები საყვედურით შეავლო.

— ეჭვიანობ, ლეო? — თქვა რიჰარდმა და პირუტყვს თავზე ხელი გადაუსვა. — ამის წინაშე, ჩემო საბრალო მეგობარო. ორივენი უძლურნი ვართ.

ამ დღესაც საღამო მოჰყვა. შვარცვალდულმა საათის პატარა ხელოვნურმა ფრინველმა ის იყო ფრთები დასცხო და ათჯერ დასძახა „გუ-გუ“. რიჰარდმა საწოლი ოთახიდან დიდი გასაღები გამოიტანა, რათა ამ საღამოსაც ჩვეულებისამებრ დაეკეტა ჭიშკარი.

ფრანცისკა სამზარეულოდან წინკარში გამოვიდა, რიჰარდმა სიბნელეში მას ხელი ჩასჭიდა და ეზოში გაიყვანა. გოგო-

ნა მის მკლავს დაჰყრდნობოდა და ხმას არ იღებდა. რამდენიმე ხანს ასე იდგნენ და ღია ჭიშკრიდან ღამეს გაჰყურებდნენ.

უცბად მიდამოს ქარმა დაჰბერა, ნაძვებმა ტორტმანი დაიწყეს, ტყის მიღმა ფერგამკრთალ ცაზე შავი ღრუბელი მიჰქროდა. უღრანიდან ბუქნაქოტის კივილი ისმოდა.

— უჰ, რა საშინელი რამ არის, — შეაკანკალა გოგოს.

— შენ რა, გეშინია? — ჩაჰკითხა რიპარდმა. — მე მეგონა, არაფრისა არ გეშინოდა.

— ახლა მეშინია, — მიუგო გოგონამ და თავი მკერდზე მიაყრდნო.

ისინი უკან შემობრუნდნენ და რიპარდმა ჭიშკარს ურდული გაუყარა. ზემო ფანჯრიდან გალავანშემოვლებულ ეზოს ლამპის შუქი ეცემოდა.

— ღამეული შიში გარეთ დარჩა! — თქვა რიპარდმა.

გოგონამ გაიცინა.

— ასევე მეურვეც! — ყურში ჩასჩურჩულა მან რიპარდს.

გრძნობით მთვრალმა რიპარდმა გოგონა ხელში აიტაცა და შინ შეიყვანა. აქაც გადაბრუნდა გასაღები და გარეთ რომ ვინმე მდგარიყო, დაინახავდა, ამ ხმის გაგონებაზე როგორ დაწვა ძალღი კართან. ზემო სართულის ფანჯრებში შუქი მალე ჩაქრა და ღამისეული ტყის ღიად მღუმარებაში სხვა მრავალ ჩრდილთან ერთად სახლიც პატარა ჩრდილად გამოჩნდა.

ახალ სახლში. გადასვლისას ფრანცისკას მეტად ღარიბული სამოსი ეცვა. თუმცა მის მეურვესთან პირველი მოლაპარაკების დროს რიპარდმა ამ მხრივ ყოველგვარი საზრუნავის მოგვარება თავად იკისრა, მაგრამ თვითონ გოგონას ხელსაყრელი მომენტი აქამდე ვერ შეუჩრჩია, რომ ამ საკითხზე მოლაპარაკე-

ბოდა. თქმა არ უნდოდა, რომ სიღარიბე, ხოლო უფრო მეტად მორცხვობა, რომლითაც ფრანცისკა მის დაფარვას ცდილობდა, რიჰარდის თვალში გოგონას მომხიბვლელობას უფრო მატებდა; ასეთ დროს მისი ახალგაზრდული, ჩვეულებრივად ოღნავ მკაცრი სახის ნაკეთები მეტად წარმტაცი, რაღაც გულისშემძვრელი ხდებოდა ხოლმე. მაგრამ აღარ შეიძლებოდა ასე გაგრძელებულიყო, ფრანცისკას გარდერობი შეესებას მოითხოვდა.

მათი ტყის სახლიდან სამხრეთით სამი მილის მანძილზე მდებარეობდა ერთი დიდი სავაჭრო ქალაქი. ერთ დილას, აღრიანად ჭიშკართან მსუბუქი ეტლი გაჩერდა. რიჰარდი და ფრანცისკა ქალაქში უნდა წასულიყვნენ. ლეო სახლში გამოკეტეს. სასმენი მილით ფრაუ ვიბს ორივემ რამდენიმე მეგობრული სიტყვა ჩასძახა, იმანაც ეტლში ასულებს თავი მხიარულად დაუქნია, და ეტლი მინდვრის ოღროჩოღრო გზას გაუდგა.

შუა გზაზე ერთ სოფლის სამიკიტნოში ჩამოხტნენ. როცა დიასახლისმა შეკვეთილი რძე მოუტანა, გოგონას ჰკითხა:

— ალბათ, ბატონი მამათქვენიც იწებებს რძეს?

— რასაკვირველია, — მიუგო ფრანცისკამ, — რძეს ბატონი მამაჩემიც მიირთმევს, — და ეშმაკური ღიმილით გადახედა რიჰარდს.

შუაღლეც არ იქნებოდა, დიდ ქალაქს რომ მიაღწიეს.

ჯერ საკაბე ქსოვილები შეიძინეს, საზაფხულოდ ღია ფერის ლამაზყვავილებიანი, საზამთროდ — საღა ფერის რბილი შალის ქსოვილები. შესაკერად იქვე მისცეს, იმავე მაღაზიაში. ზომების ასადებად ფრანცისკა მკერავ ქალს ცალკე კაბინეტში შეჰყვა. გამყიდველის ცხარე პროტესტის მიუხედავად,

რიპარდმა ყველაზე სადა მოდა შეარჩია „საშინაოდ და ტყეში სახმარებლად“. ფრანცისკასაც მეტი გზა არ ჰქონდა და ღუმელით აიტანა ახალგაზრდა გამყიდველების თანაგრძნობა, რაც მას „ბატონი მამის“ სიჭიუტის გამო გამოუცხადეს.

ამის შემდეგ სავაქროში მისამართი დატოვეს და გზა განაგრძეს.

გზად ფრანცისკას სახატავი მოწყობილობა, ორი უბრალო, მოხდენილი ჩალის ქუდი შეიძინეს და თეთრეულის სავაქროში შევიდნენ. ფრანცისკამ ხმის ამოდებაც ვერ მოასწრო, რომ რიპარდმა მისთვის ერთი ღუფინი პერანგი იყიდა.

— დიდი მფლანგველი კი ხართ! — მიმართა მას ფრანცისკამ. — პერანგებს ხომ თავადაც შევიკერავდი.

— მართალი ხარ, — მიუგო რიპარდმა და მეორე ღუფინისათვის ქსოვილი იყიდა.

— თუ ასე განაგრძობთ, რიპარდ, სხვაგან აღარ შეგყვებით.

— ხარაზთანაც და ეს იქნება და ეს. მაგრამ „თქვენობით“ რატომ მელაპარაკები? ნუთუ მიბრაზდები, ფრანცი?

— არა, მაგრამ დღეს რაღაც ზვიადი მეჩვენები.

— წავიდეთ, წამო!

ცოტა ხნის შემდეგ ისინი მოხდენილი ფეხსაცმელების მალაზიაში იყვნენ. გამყიდველმა ქალმა აგდებულად შეავლო თვალი გოგონას წარმოუსადეგ ტანს და ფეხსაცმელების მთელი გროვა უგულოდ დაულაგა წინ.

ფრანციმ ბაგეები ზიზლით შეაქანა, როცა ამ მდარე ხარისხის ფეხსაცმელებს დახედა, რადგან მისი ლამაზი ფეხების ბადალი იმ მიდამოში არ მოიძევებოდა, რაიც ფრანცისკამ კარგად იცოდა, მაგრამ გოგონა სავარძელში მანაც ჩაჯდა და კაბა კოჭებამდე აიწია.

გამყიდველ ქალს ხელში ფეხსაცმელი ეჭირა. როცა მან ფრანცისკას წინ ჩაიჩოქა, ალტაცების წამოძახილი აღმოხდა:

— ოჰ! რა ზღაპრული დედოფლის ფეხები გაქვთ! წავალ, ბავშვის ფეხსაცმელს მოგიტანთ!

ფრანცისკა პრინცესასავით იჯდა სავარძელში. რიპარდი მის გამარჯვებას წინასწარ გრძნობდა და ახლა ალტაცებით დაიჭირა გოგონას მოზეიმე გამოხედვა.

გამყიდველი ქალი სრულიად შეცვლილიყო. მის თვალში მყიდველები უცბად არისტოკრატთა დონემდე ამალღებულები იყვნენ. შემინული კარადებიდან გამალებით გამოალაგა უამრავი ფერისა და ფირმის წაღები. ყველა მათგანი თანამედროვე მოდისა იყო და მაღალი ქუსლები ჰქონდა.

— არა, არა, — ღიმილით წარმოთქვა რიპარდმა, — ეს კარგი იქნებოდა ჩვეულებრივი ქალის ფეხისთვის, ზღაპრული ფეხებისთვის კი ამგვარი კალაპოტისა არ გამოდგება.

— მართალი ბრძანდებით, ბატონო ჩემო, — გაეპასუხა გამყიდველი ქალი, — მაგრამ მოვალენი ვართ ჩვეულებრივი მყიდველისათვის მოღური ფეხსაცმელი ვიქონიოთ.

მერე ისევ კარადებში ქექვას შეუდგა და ისეთი მსუბუქი და რბილი წაღები შეარჩია, რომ ცეკვისას წყლის ფერიებსაც არ დაამძიმებდათ. პირველივე წყვილი ჩამოსხმულივით მოერგო ფრანცის პაწაწინა მოხდენილ ფეხებს.

რამდენიმე წყვილი სხვაც შეარჩიეს, აიღეს ტყეში სასიარულო მაღალყელიანი ტყავის ფეხსაცმლის ზომაც, შემდეგ კი ორივენი დიდი ქალაქის ხალხმრავალ ქუჩებს გაუყვნენ. გოგონა კაცს მკლავზე ჩამოჰკიდებოდა. რიპარდი ალტაცებას განიცდიდა მისი ყოველი ჰაეროვანი ნაბიჯის გადადგმისას და ძალაუნებურად ფეხს უჩქარებდა, თითქოს სურდა გამვლელე-

ბისათვის ამ ფეხების მომხიბვლელი იღუმალემა დაეფარა, რადგან იგი ახლა მხოლოდ მას უნდა ჰკუთვნებოდა და სხვას არავის.

უკვე ბინდდებოდა, როცა ეტლი „ტყის ყურეში“ სახლის წინ შედგა.

რამდენიმე დღის შემდეგ შიკრიკმა ქალმა ქალაქიდან დიდი ფუთა მოიტანა. ყველა შეეკვთა გაემზადებინათ. ფრანცისკამ ყველაფერი თავის ოთახში შეიტანა და ჩაიკეტა. კარგა ხნის შემდეგ გამოვიდა და რიჰარდისკენ გაემართა, სიტყვის უთქმელად კისერზე შემოეხვია და აკოცა. მერე ფრაუ ვიბის ცოსაყვანად სამზარეულოში გაიქცა.

მაგრამ, რაც ფრანცისკას საწოლსა და კამოლზე კეთილი მოხუცის გასაკვირებლად გამოეფინა, მხოლოდ ნაწილი იყო და ისიც ყველაზე უბრალო იმ სამოსიდან, მათ რომ იყიდეს. იმდენ ფრანცისკას არ დავიწყებია და რიჰარდსაც მოაგონა, რომ საჭირო იყო მოხუცისთვისაც ეყიდნათ რიგიანი საკაბე და საკვირაო თავშალი. მოხუცი ქალი ფრანცისკას ბევრს ეხვეწა, ქსოვილს ჩემთვის ნუ გააფუჭებო, მაგრამ გოგონამ მანამ არ მოისვენა, სანამ ახალი კაბის ზომა არ აუღო. მეორე დღეს უკვე ფრაუ ვიბის ოთახში საკერავ მანქანას უჭდა და გარშემო გამოჭრილი ქსოვილი და ქალაღდის თარგები შემოეღებინა. ფრანცისკამ ისე ადვილად მოახერხა მოხუცი ქალის დაჭერება — არც თუ ისეთი ბებერი ხარ და, შეიძლება, აქ როზეტი მიეკეროს, იქ კი ნაოქები აესხასო, რომ ვიბი სამზარეულოდან წარამარა გამოვბოდა და ჯადოქარის სახელოსნოში შედიოდა, თან ბატონს არწმუნებდა — ფრანცისკამ უნდა გამაახალგაზრდაოსო.

რიჰარდი ამ გაწამაწიას თითქოს არ ამჩნევდა. მხოლოდ

ერთხელ დაიპირა გოგონა წინკარში, როცა იგი საკერავი მოწყობილობით ხელში კიბეზე ჩამოვიდა, და უთხრა:

— რას უშვრები ჩვენ კეთილ მოხუცს? სიბერის დროს ზერსავიასავით* პატივმოყვარე გახდება.

ფრანცისკამ მას ერთ ხანს უყურა, მერე კი უთხრა:

— დამეხსენ! მოხუცსაც თავისი წილი სიხარული სჭირდება! — და კარებს იქით მიიმალა.

ისინი ცხოვრობდნენ ველსა და ტყეს შორის, სადაც, აგერ უკვე საუკუნე იყო, კაცის ხელი არ შეხებოდა არაფერს. მათ ირგვლივ ბუნების თავისუფალი სამეუფეო გადაშლილიყო.

ხალხი შორს იყო აქედან, მხოლოდ თითო-ოროლა ფუტკარი თუ გაიზუზუნებდა ყვავილთა თავზე. ერთხელ აქეთ მოხუცმა ინსპექტორმა შემოუხვია და ფრაუ ვიბს სათბობის მომარაგებაზე ესაუბრა, ორიოდე დღის შემდეგ აქაურობას დიდი ფორანი მოადგა და სახლის წინ შავი ტორფი გადასცალეს. ერთხელ კიდევ ქალაქიდან მედუქნე მოიჭრა და იქაურობა ცნობისმოყვარე თვალებით დაზვერა, კარგადაც ივაჭრა, მაგრამ მერე კარს იქით გააცილეს და უთხრეს, შემდგომში რაც დაგვჭირდება, ფოსტით გაცნობებთო. სხვა არავინ არ მოდიოდა შიკრიკი ქალის გარდა, რომელსაც კვირაში ორჯერ მოჰქონდა წერილები და გაზეთები ან სხვა რამ, რაც სჭირდებოდათ, და ქვემოთ სტოვებდა სამზარეულოში. მართალია რიჰარდი ტყის იქით ციხე-სასახლეში მცხოვრებ იუნკრებს შეპირდა — მოგინახულებთო, მაგრამ სტუმრობის დღეს თანდათან შორს სწევდა. ამის გამო იქიდანაც არავინ მოსვლია. თვით სამყაროს ამბების მომტანი გაზეთებიც საწერი მაგიდის ქვედა უჯრაში დასტებად ელაგა წაუკითხავი.

თითქმის ყოველ დილას ისინი ერთად სეირნობდნენ ზაფხულის სურნელებით გაჟღენთილ ჰაერზე. ამ დროს ფრანცისკას მაღალყელიანი ტყავის წალები ეცვა, კაბა წამოეკალთავენინა, მხარზე პერბარიუმის ყდა გადაეკიდა, რომელიც რიჰარდმა საგანგებოდ მისთვის დაამზადებინა. ხშირად მათ გვერდით ძაღლიც მოხტოდა. ზოგჯერ კი, როცა გარემო ნისლით აივსებოდა, როცა იღუმალეებით გაჟღენთილი ჰაერი ველს უძრავად დაეფინებოდა, ხოლო ტყე მათ ბინდმოცული იღუმალეებით მიიზიდავდა ხოლმე, ორივენი თითქოს ჩუმიად შეთანხმებულანო, კარიდან გადმომხტარ ლომისფერ ძაღლს უკანვე შეაგდებდნენ, მძიმე ალაყაფის კარს გამოკეტავდნენ, ყურადღებას არ აქცევდნენ ძაღლის წკმუტუნსა და ყეფას და იქაურობას აჩქარებით გაეცლებოდნენ ბუჩქნარსა და ველს შორის მდებარე ადგილს რომ მიაღწევდნენ, ძაღლის ხმა აღარ ისმოდა, აღარაფერი არღვევდა ირგვლივ გამეფებულ დიად სიწყნარეს, ზოგჯერ ახლოს გველი თუ გასრილდებოდა ანდა სადღაც ხმელი ტოტი გატყდებოდა. ფრთოსნები დაბურულ ფოთლებში შემალულიყვნენ, პეპლებს ფრთები დაეკეცათ და ბუჩქებზე ჩამოკიდებულიყვნენ.

ტყის პირას ასკილის ბუჩქები ერთიანად მუქ-წითელ ყვავილებში გახვეულიყო. როცა მათ გზაზე ყვავილთა სურნელი მიელამუნებოდა, ურთიერთს უჩუმრად ჩასჰიდებდნენ ხელს და თვალგაბრწყინებულნი შესცქეროდნენ ერთმანეთს, სუნთქავდნენ ველური მცენარეების სურნელებით გაჟღენთილ ჰაერს. ისინი იყვნენ ერთადერთი სულიერი არსებანი ამ საოცნებო სამყაროში.

ერთხელ, ბევრი სიარულის შემდეგ, როცა მზემ დააცხუნა და სხივები უხვად დააფრქვია დედამიწას, რიჰარდი და ფრან-

ცისკა მოულოდნელად ტყის პირას გავიდნენ. მათ თვალწინ გადაიშალა უკიდვებანო ფერდობებს შეფენილი ყანები. ქვავის ყვავილობის დრო იყო. ჟამიდან-ჟამზე მათთან ნიავს ნაზი სურნელი მიჰქონდა. ცის დასალიერამდე ლურჯ-ოქროსფერი ტალღების ნელი ტორტმანის მეტი არაფერი ჩანდა.

უცბად იმ მხრიდან, სადაც ციხე-სასახლე უნდა ყოფილიყო, ზარის წკრიალი მოისმა. ეს ხმა შუადღის სიჩუმეში ძახილად გაისმა და თითქოს ფრანცისკაც ამ ძახილს მიჰყვო, ალივლივებულ ყანას შეერია, ხოლო წიფლის ხეს მიყრდნობილი რიპარდი მას გაჰყურებდა. გოგონა თანდათან შორს მიდიოდა, მის ირგვლივ ქვავი ღელავდა და ტორტმანებდა და რიპარდს თანდათან შორდებოდა ამ უცხო ზღვაზე აცურებული გოგონას პატარა თავი. უცბად კაცს მოეჩვენა, თითქოს რაღაც იღუმალი ძალა უპირებდა ფრანცისკას წართმევას. ვინ იცის, როგორია ის მიწა, რომელსაც ამჟამად ფრანცისკას ფეხი ეხება? იქნებ ეს არ იყო ბებიების ნაამბობი ფუჭი ზღაპარი მოსავლის ბავშვის* თაობაზე, რომელსაც თითქოს ყანაში თუ დაინახავ, სამუდამოდ თვალთ დაგიბნელდება. რამდენი რამ. ჩაგვსაფრებია, რომ ხელში ან ფეხში ჩაგვებლაუქოს და დასალუპავად გაგვწიროს.

— ფრანცი! — გასძახა რიპარდმა, — ფრანცი!
გოგონამ მისკენ მოიხედა.

— ზარი! — შემოესმა კაცს. — მინდა გავიგო, საიდან ისმის ამ ზარის ხმა!

— რა ჩვენი საქმეა, ფრანცი ალბათ, ციხე-სასახლეში მისცეს სადილის ნიშანი.

გოგონა უკან მობრუნდა და მისკენ გამომართა. კაცმა გნებით ჩაიკრა გულში.

— ნუთუ არ იცი, რომ ყანაში ასე შორს შესვლა საშიშია?
— საშიში? — უცნაური ღიმილით შეაცქერდა ფრანცისკა რიპარდს. შემდეგ ორივენი ტყეში შებრუნდნენ.

მეორედ, ერთი ძალიან ცხელი დღის შემდეგ, ისინი ნაშუადღევს გავიდნენ ტყეში. როცა გვარიანად შებინდდა, იქვე ტბის პირას დაისვენეს. ირგვლივ მაღალი წიფლები შემოდგომოდათ.

სიწყნარე იდგა, მაგრამ მათ ფეხთით ლელი შრიალებდა. იქითა ნაპირზე, ტყის უკან, რომელიც ჩრდილს მდინარის სარკეზე აფენდა, წამდაუწუმ ელავდა. ტბას ზამბახის სურნელება მოჰფენოდა. უჩუმარი ელვა ანათებდა მის ზედაპირს.

რიპარდი გოგონასკენ დაიხარა, ვითომ ეთამაშებოდა. ფრანცისკას ფერმკრთალი სახე კი სიბნელიდან ხან ამოტივტივდებოდა, ხან ისევ იკარგებოდა.

— იცი, რას ამბობენ? ქალის თვალებში ზოგჯერ სამოთხის გველის ფერთა ცვალებადობა შეიძლებაო დაინახო, — წარმოთქვა რიპარდმა. — ამ გაელვებისას შენს თვალებში ფერთა ასეთი თამაში შევნიშნე.

— მერე, ლამაზი იყო? — ჰკითხა გოგონამ და კაცს ფართოდ გახელილი თვალებით შეაცქერდა.

— გასაგიებლად ლამაზი იყო.

— სულელი ხარ, რიპარდი!

— ეგ მეც ვიცი, ფრანცი, — მიუგო რიპარდმა და თავი კალთაში ჩაუდო, მერე მისკენ აიხედა და დიდხანს უმზირა მის მუქ თვალებში ფერთა ცილის ანარეკლის გამოშუქებას.

ასე გადიოდა დრო. ერთ დილას, როცა ოთახის ფანჯრიდან ნაძენარი წვიმის ფარდის წინ ნისლის კედელივით გამოჩნდა, ხოლო დრაკონის თავები პირიდან განუწყვეტლივ

ასხამდნენ წყლის შადრევნებს, განმარტოებული რიპარდი ჩაფიქრებული იდგა საწერ მაგიდასთან და დროდადრო დაბნეული გახედავდა ხოლმე პირმოქუშულ ამინდს.

ოთახში ფრანცისკა შემოვიდა. რიპარდს იგი დღეს არ ენახა. საუზმეზე ამოდ ელოდა. გოგონამ თვალები დახუჭა და ნძისამოუღებლად მკერდზე ისე მიეკრა, თითქოს მისი სხეულის ნაწილიაო. კაცმა ხელები შემოხვია, მაგრამ არ უკოცნია, მისი ფიქრები სხვაგან იყო. თითქმის ვერ გაიგო, როცა გოგონა უცბად ხელიდან დაუსხლტა და ოთახიდან უჩუმრად გავიდა.

მალე მასთან სამეურნეო საკითხების მოსაგვარებლად ფრაუ ვიბი შევიდა, ბატონი გამოწეული უჯრის წინ დაუხვდა, ქალადებს ალაგებდა. აქ იყო ზოგიერთი მოწმობა, რომელიც საჭიროა გარკვეული აქტების რეგისტრირებისას გამოქალაქო წესრიგის დასაცავად.

— ერთი მითხარი, ვიბ, — შესძახა რიპარდმა მას, — რომელ ეკლესიაში ვარ მონათლული? ამ ამბავს მაშინ, ალბათ, შენც ესწრებოდი.

— რაო? — ჩაეკითხა მოხუცი და სასმენი მილი მისკენ მიმართა, — რომელ ეკლესიაშიო?

— ჰო, რომელ ეკლესიაში. ნათლობის მოწმობა ვერ მიპოვნია. საბუთები ხომ წესრიგში უნდა მქონდეს.

მან ერთხელ კიდევ ჩასძახა ვიბს სასმენ მილში და მოხუცმა ეკლესია ახლადა დაუსახელა.

რიპარდს კი თითქმის არც გაუგონია.

— არა, არა, — ჩაილაპარაკა ხმადაბლა, მკაცრი კილოთი და თითქოს თავს იცავსო, ხელი ასწია. — ვის რა ესაქმება! ამას ნურავინ ნუ შეეხება!

როცა რიპარდი შემობრუნდა, მისი მოხუცი ეკონომი ქალისევე ოთახში იდგა და დაჟინებით შესცქეროდა კედელზე გაჩურულ შპალერს.

— რა ნახე, ვიბ, ამ გახუნებულ ყვავილებში? — შეეკითხა რიპარდი მოხუცს.

ქალმა თავი დააქნია.

— ენ აქ შემთხვევით არ არის, მიუგო მან. — ამას წინათ რომ ინსპექტორი იყო ჩვენთან სათბობის საკითხებზე, იმან მიამბო. დაივიწყე და დაგივიწყებენო, ბატონო რიპარდი!

ვინც ამ მიწაზე იცხოვრებს დიდხანს

ამას გამოცდის უთუოდ იგი

ჰკუის სასწაულად და სატანჯავად.

მოხუც ბატონს, რომელიც იქითა მხარეს ცხოვრობს, ციხე-სასახლეში, — ის იყო ახლანდელი ბატონის პაპა, — მხოლოდ ერთი ვაჟი ჰყავდა და ისე უსაზღვროდ უყვარდა თურმე, რომ გვერდიდან არ იშორებდა, მაშინაც კი, როცა დავაჟაკადა. ამის გამო ახალგაზრდა ბატონი კინდამ უცოლშვილოდ დარჩა. ბოლოს ვაჟი დაქორწინდა. მას ისევე უსაზღვროდ უყვარდა თავისი ცოლი, როგორც მამამისს შვილი. მაგრამ მოხუც ბატონს არ შეეძლო აეტანა ის ამბავი, რომ მისი ვაჟის თვალებს ახლა მხოლოდ უცხოდ მოსული ქალისთვის ემზირნა. მათ ის სასახლე დაუტოვა, თავისთვის კი აი ეს სახლი აიშენა და სრულიად განმარტოებით ცხოვრობდა. ეს შპალერი ამ ოთახში, სადაც მან კიდევ მრავალი წელი გაატარა, მოხუცმა თვითონ შეიარჩია. ეს ყვავილები ძილისა და დავიწყების ყვავილებია, ასე უწოდებდა მათ მოხუცი. კადევ ხომ არაფერი ვნებავთ მიბრძანოთ, ბატონო რიპარდი?

რიპარდს არაფერი ჰქონდა სათქმელი.

როცა მოხუცი ოთახიდან გავიდა, კაცმა ერთხანს კიდევ უნდა წითელ და იისფერ ყაყაჩოებს. შემდეგ თვალში მოხვდა კედელზე დახატული სურათი, რომელიც წინკარში გამავალი კარის თავზე შპალერს შენაცვლებოდა.

ეს იყო ვრცელი ველი, შესაძლოა, სწორედ ის „ტყის ყურეს“ რომ ეკვროდა ზედ. ველზე ეს-ესაა ამოწვერილი წითელი მზის სხივებით აფერადებული ბურუსი მოფენილიყო. შორს მოჩანდა ორი ახალგაზრდის სილუეტი, ერთი მათგანი კბამუკი იყო, მეორე ქალიშვილი, მათ ერთმანეთისთვის ხელი ჩაეკიდათ და განთიადისკენ მიისწრაფოდნენ. წინა პლანზე ჩანგატეხილი მოხუცი კაცი ჯოხს დაპყრდნობოდა და ახალგაზრდებს გაჰყურებდა.

როცა რიპარდმა მზერა სურათიდან მის ჩარჩოზე გადაიტანა, თვალში მოხვდა სანახევროდ არაბესკებში შეფარებული წარწერა, რომელიც ახლო დათვალიერებისას ფანტასტურად დაგრეხილი ასოების სახით მთელ ჩარჩოს გასდევდა.

მოვალე იყო მშვენება ნაზი
ნაბიჯი შენთვის შეეწყო მხოლოდ,
მაგრამ მოვიდა სხვა სილამაზე
და იმას გაჰყვა ასული ბოლოს.
ბედნიერების გზებზე და ხვედრმა
არც ერთი უკან არ მოახედა.

ასეთი იყო ეს წარწერა. დიდხანს უმზირა რიპარდმა ამ სურათს, აქამდე რომ თითქმის ყურადღებასაც არ აქცევდა. ნეტა ეს მოხუცი რომ უცბად მისკენ შებრუნებულიყო, ამ სახლის ამშენებლის სახე ექნებოდა, თუ იგი საერთოდ სიბერის ალეგორია იყო? ხომ არ იცნობდა ამ სურათში იგი საკუთარ თავს? ამისთვის, ალბათ, ერთი თამამი სიტყვა იყო საჭი-

რო. ნუთუ ამ გამოსახულებიდან მისკენ ავსულისეული ცივი სუნთქვა მოდის?... რიპარდმა უნებურად წაივლო ხელი თმასა და წვერში და ფიცხლად გასწორდა წელში: არა, არა! ეს სუნთქვა მას ჯერ არ შეხებია. მაგრამ რამდენ ხანს გასტანს ასე, ბოლოს ხომ მაინც შეეხება! მერე, მერე რაღა ჰქნას?...

იგი ნელა შებრუნდა და საწერ მაგიდასთან მივიდა. ზედ გაშლილი ქაღალდები უკანვე ჩაალაგა უჯრაში, საიდანაც წელან ამოკრიფა...

გარეთ გადაუღებლად ასხამდა წვიმა.

მეორე დილას მზემ ისევ გამოანათა, მაგრამ ტყეში ჯერ არ შეიძლებოდა გაეღა. შუადღის შემდეგ რიპარდი და ფრანცისკა ველზე გაუყვნენ გზას. საკმაო ხანს ისეირნეს. როცა იმ ბორცვს მიაღწიეს, სადაც ოსტატი რაინიკე მელა ცხოვრობდა, სახლიდან წამოღებული სამხარი შექამეს, ხოლო ლეო, რომელიც ამჯერად უკან არ გაუგდიათ, ამაოდ იკვლევდა იდუმალებით აღსავსე სოროს შესასვლელ-გამოსასვლელს.

შებინდებისას შინ მობრუნდნენ.

რიპარდთან რომ შევიდა, ფრანცის უკვე ის წაღები ეცვა, რომელსაც ჩვეულებრივად შინ ხმარობდა.

— რაღაც ფერმკრთალი ხარ, — უთხრა რიპარდმა, — იქნებ, ეს გასეირნება შენთვის შორი აღმოჩნდა?

— არა, არც ისე შორი.

— დაღლილი ხარ, მოდი ჩემთან! — რიპარდმა იგი ფანჯარასთან მიდგმულ სავარძელში ჩასვა.

ფრანცისკას წინააღმდეგობა არ გაუწევია და თავი საზურგეს მიაყრდნო. მისი გამხდარი სხეული ფართო სავარძელში ჩაიკარგა.

— რა ნორჩი ხარ ჯერ! — წარმოთქვა რიპარდმა.

— მე? ჰო, საკმაოდ ახალგაზრდა ვარ.

გოგონამ ფეხი წინ გასწია და რიპარდი მოჯადოებულებით დააცქერდა.

— თანაც, როგორი ყაჩაღანა, — განაგრძო რიპარდმა. — ფეხი ისევ გაგიკაწრავს! — კაცი წინ დაიხარა და ნატყენ აღგილზე ხელი გაუსვა. — რამდენი წყვილი ასეთი წალა გინდა წელიწადში, პატარა პრინცესავ?

გოგონამ რიპარდს თავის პატარა ფეხი მიანება, მძიმე ნაწნავები ჩამოიშალა და თმა კალთაზე ჩამოეთინა, თვალები მილულა და სავრძელში გაიჭიმა.

ოთახში თანდათან ჩამობნელდა. გარეთ ლარტაფს თეთრი წისლი გადაეკრა, იქით კი, ნაძენარში უკვე ღამეს მოეკალათებინა. უტბად ძაღლმა ყუფა ასტეხა. ფრანცი გასწორდა და თვალები დაჰყიტა.

მიდამო ისევ სიჩუმემ მოიცვა, მხოლოდ ტყის მეორე მხრიდან საღამოს ნიავმა მუსიკის ხმა მოიტანა.

— მოეშვი, ჩვენთვის არ უკრავენ, — უთხრა მას რიპარდმა.

მაგრამ გოგონა მთელი ტანით წამოიმართა და სიბნელეს ხარბად დააკვირდა.

— ქორწილია ფრანცი, მზითევით ტყისპირას მიდიან.

— ქორწილია! ნეტა ვინ გათხოვდა?

— ვინა? მგონი, სოფლის მამასახლისის ქალიშვილი, კარგად არ ვიცი. რა ჩვენი საქმეა, მათ ხომ არც ვიცნობთ.

— ჰო.

ახლა ორივენი ფანჯარასთან მიმდგარიყვნენ. რიპარდს გოგონას მხარზე შემოეხვია ხელი, ფრანცის მის მკერდზე მიეყრდნო თავი. მუსიკის ხმა ერთი-ორჯერ კიდევ შემოიჭრა ოთახ-

ში, თუმცა თანდათან სუსტდებოდა. მერე ყველაფერი მიწყნარდა, იქაურობა ისეთმა სიმშვიდემ მოიცვა, რომ კაცს ესმოდა, როგორ უქირდა ფრანცისკას სუნთქვა.

— რაიმე ხომ არ გტკივა? — ჩაჰკითხა რიჰარდმა.

— არა! რა უნდა მტკიოდეს?

კაცს ხმა აღარ ამოუღია. გოგონა უფრო მაგრად მიეკრა რიჰარდს.

— მისმინე! — ძლივს წარმოთქვა გოგონამ.

— ჰო, რა გინდა?

— რატომ ჩვენ არ ვიწერთ ჯვარს?

კაცს თითქოს ელექტროდენმა დაუარა. მის თვალწინ ამოტივტივდა საშინელ მოგონებათა მთელი ნაკადი, გარესამყარო მის ბედნიერებას მსახვრალი ხელით ეპოტინებოდა.

— ჩვენ, ფრანცი? — გარეგნულად დამშვიდებით გაიმეორა გოგონას კითხვა. — რა საჭიროა? რა შეიცვლება ამით?

— ჰო, არაფერი. — გოგონა ერთი წამით ჩაფიქრდა, — მაგრამ ჩვენ ხომ ერთმანეთი გვიყვარს?

— კი, ფრანცი, მაგრამ... — რიჰარდმა მას თვალებში ჩახედა და, თითქოს ხმამაღალ თქმას ვერ ბედავსო, ჩურჩულით განაგრძო: — ამას შესაძლოა, ერთხელ ბოლო მოეღოს და ეს იქნება უცაბედად, მოულოდნელად.

გოგონა გაოცებით შეაცქერდა რიჰარდს.

— ბოლო მოეღოსო? მაშინ მე აქედან უნდა წავიდე!

— უნდა წახვიდე? ვაი მე, თუ ეს საჭირო გახდება.

ორივემ იყუჩა.

— რამდენი წლისა ხარ, ფრანცი? — დაიწყო რიჰარდმა ისევ.

— ხომ იცი, რამდენისაც, თვრამეტის გავხდები.

— ჰო, ჰო, ვიცი, თვრამეტისა. მე მთელი თაობით დიდი ვარ შენზე. ამ უფსკრულის თავზე გადმოიფრინე ჩემსკენ და ახლაც გიხდება მისი დაძლევა. შეიძლება, ერთხელაც იქნეს და ამ უფსკრულმა შეგაძრწუნოს.

— რას ამბობ? არ მესმის შენი.

— არც საჭიროა, ფრანცი.

მაგრამ სუნთქვაშეკრულ გოგონას, დაჯინებით რომ შესცქეროდა რიპარდს, უცბად ბაგეები შეერხა. ასე გეგონებოდა, მისი სულის სიღრმეში რალაცამ გაიღვია და იქვე ჩაიმარხათ.

ნუთუ რიპარდის სიტყვებმა გაამახვილა მისი მზერა და ქალმა მის სახეზე ახალა დაინახა ის. რასაც აქამდე ვერ ამჩნევდა — დაწყებული ჰქნობის მაუწყებელი ერთი ნაოჭი? მაგრამ გოგონას უკვე ჩაეკრა მისი თავი მკერდში და გაშმაგებული კოცნით ახრჩობდა. შემდეგ უცბად გაუსხლტა და ოთახიდან გაეარდა.

როცა გოგონა ოთახიდან გავიდა, რიპარდი სწერ მაგიდას მიუჯდა. განსაკუთრებული ხელოვნებით ნაკეთები გასაღებით გააღო ის უჯრა, სადაც ფასიან ქალღმერთებს ინახავდა. სხვადასხვა შეკვრიდან თითო-თითო ქალღმერთი ამოიღო, გარედან თეთრი ქალღმერთი შემოახვია და წარწერა გაუკეთა. ამის შემდეგ აიღო მეორე გასაღები, ზუსტად პირველის ცალი, საკეტის ხერხელში გასინჯა და მაგიდაზე ამ ქალღმერთის გვერდით დასადა.

უკვე ისე მოსაღამებულისყო, რომ ეს ყველაფერი თითქმის ბნელში გააკეთა. ნაძვნარს გადაღმა დაისის უკანასკნელი სხივი ჩამქრალიყო.

რამდენიმე ხნის შემდეგ ფრანცისკამ ოთახში ანთებული

ლაშა შეიტანა და ის იყო ოთახის ხმისამოუღებლად მიტოვებას აპირებდა, რომ რიპარდმა ხელი დაუჭირა და მაგიდისკენ წაიყვანა.

— იცი, ეს რა არის, ფრანცისკა? — ჰკითხა მას და რამდენიმე ქალაღი გაშალა.

გოგონა ყურადღებით დააკვირდა.

— კარგად ვიცი, — მიუვო მან. — ეს ივრეა, რაც ფული. სახელმწიფო ქალაღებია.

— ჰო, ვიცი. ერთხელ მაგისტრთან ასეთი ქალაღების სია უნდა შემედვიხა.

რიპარდმა ძას ერთი შეკვრა უჩვენა, რომელზეც ეს-ეს იყო ძისი სახელი წაწერა და უთხრა, რა თანხასაც შეაღვენდა.

— ეს შენი საკუთრებაა.

— ჩემია, ამდენი ფული? — გოგონა შეკვრას, გაფაციცებით შესცქეროდა.

— გამიგე, ფრანცი, — დაიწყო ისევ რიპარდმა. — იგი ახლავე შენია. მაგრამ უფრო მეტად მაშინ იქნება შენი, — კაცი თვლებით სკანდა მის ნორჩ სხეულს. — როცა შენ თავად აღარ იქნები ჩემი. მაშინ შენ სრულიად თავისუფალი იქნები, ახლავე შეგიძლია ასე იგრძნო თავი.

ფრანცისკას კაცი ისე შეჰყურებდა, თითქოს მისგან რაღაც შეკითხვას, თხოვნას ელოდა — ამიხსენი ეს რას ნიშნავსო. მაგრამ რაკილა გოგონა არაფერს ამბობდა, რიპარდმა ისეთი კილოთი განაგრძო, ვითომ ვხუმრობო:

— რადგან შენ უკვე კაპიტალისტი ხარ, საჭიროა საკუთრების გრძნობაც გაგიღვივო.

რიპარდმა ირგვლივ მიმოფანტული გაზეთებიდან ერთ-ერთი აიღო, გოგონა მუხლებზე დაისვა და მასთან ერთად ფულის

კურსის თვალთვალს შეუდგა. მერე, რაკილა შეატყო, გოგონა ყურადღებით მისმენსო, თავის მოძღვრულ მუყაითობაზე თვითონვე გაეცინა.

— სასაცილოა პირდაპირ! შენ და სახელმწიფო ქალაქები, ფრანცი? ალბათ, ჩემი ლაპარაკიდან არაფერიც არ გაგივია? მაგრამ გოგონა არ იცინოდა, მისი მუხლებიდან ჩამოვიდა და დაწვერილებით ეკითხებოდა იმაზე, რაც ახლახან მოისმინა. რიჰარდი გოცებით შესცქეროდა ფრანცისკას.

— საშინლად ჰკვიანი ხარ, ფრანცი! — უთხრა მას.

— განა ის გერჩივნა, რომ შენი ახსნილიდან არაფერი გამეგო?

— არა, არა, რატომ მერჩივნა.

გოგონას წასვლა უნდოდა, მაგრამ რიჰარდმა უკან მოიხმო.

— გასაღებს ნუ დაივიწყებ. — მერე გოგონა საწერ მაგიდასთან მიიყვანა და დაუმატა: — ამ უჯრაში ჩემი და შენი საკუთრებაა. დაე, ნურასოდეს დავაშორებთ მათ ერთმანეთს.

ფრანცისკამ კისრიდან მოიხსნა ზონარი, რომელზეც პატარა ოქროს მედალიონი ეკიდა, ამაში ედო ადრეგარდაცვლილი დის თმა, და სურდა გასაღებიც ზონარზე ჩამოეკიდა, მაგრამ რიჰარდმა მას ხელი დაუჭირა.

— არა, არა ფრანცი! რას აპირებ? — მან გოგონა თავისკენ მიიზიდა და ვნებიანად დაკოცნა. — სხვაგან შეინახე. შორს მანდედან, სხვა ნივთებთან ერთად. რას ფიქრობ, ნუთუ შენს მკერდზე მე სალაროს გასაღები უნდა მომხვდეს ხელში?

გოგონა გაწითლდა.

— რა ფიქრები მოგდის ხოლმე! — მიუგო მან და გასაღები ჯიბეში ჩაიღო.

ეს აგვისტოს პირველ ნახევარში მოხდა. ჩახუთული დღეები იდგა. ფრთოსნებს ბუმბული სცვივოდათ და მოწყენილები ისხდნენ ტყეში. მხოლოდ თითო-ოროლა ისინჯავდა ახალ ფრთებს, შორეული გადაფრენის დროს როგორ გამოგვადგებო. მაგრამ მეტისმეტად ლამაზი იყო მაცოცხლებელი გრილი ღამეები. ტყის ტბაში, სადაც ადრე ზამბახი ჰყვავდა, და ეზოში ამოთხრილ ღია ქის ფსკერზე, ახლა ულამაზესი ვარსკვლავები ირეკლებოდა.

რამდენიმე დღის მანძილზე რიპარდს „ტყის ყურეს“ ახლომახლო მიდამოები არ მიუტოვებია. ციხეში ყოფნისას შეძენილმა სნეულებამ, რომელიც მხოლოდ ამ კუთხის ვეჭილის წარმოსახვის შედეგი არ იყო, ისევ გაიხსენა და რიპარდისაკენ გაიწვდინა მსახვრელი ხელი.

ახლა რიპარდი გალავნის გარეთ გაკეთებულ ხის სკამზე იჯდა და შვებისმომტან ღამეს ელოდა. გვერდით ლომისფერი ძაღლი იწვა. შორეული ცის ლურჯ თავანზე ვარსკვლავები ზედიზედ სხდებოდნენ. უცბად მას უდარდელი ბავშვობის ხანა გაახსენდა. სად იყო და რას წარმოადგენდა მაშინ ფრანცისკა? არაფერს, მთვლემარე ჩანასახს მხოლოდ! უკვე კარგა ხანია რიპარდი ცოცხლობს... ლარტაფიდან გრილმა სუნთქვამ დაუარა. მისთვის, ალბათ, უკეთესი იქნებოდა, რომ ამ საღამოს სიგრილეში არ მჯდარიყო.

უცბად ძაღლმა ყეფა ასტენა და ფეხზე წამოხტა. ნაძვანრიდან აქეთ მომავალი ფეხის ხმა მოისმა. მალე გამოჩნდა ახლავანი მამაკაცი, რომელიც ბილიკზე სწრაფად ეშვებოდა.

— წყნარად, ლეო! — წარმოთქვა რიპარდმა და ძაღლიც მორჩილად დაწვა პატრონის გვერდით.

ამასობაში უცნობი მიუახლოვდა და რიპარდმა დაინახა

ეგერის ტრადიციულ ფორმაში გამოწყობილი თმახუქუქა. კადნიერი გამომეტყველების ახალგაზრდა.

როცა მან ქუდს ოდნავ შეაწო ხელი და „საღამო მშვიდობისა“ წარმოთქვა, წერილი უღვაშის ქვემოდ კბილები თეთრად აუქათქათდა.

— გნებავთ რაიმე? — ჰკითხა რიჰარდმა და ფეხზე წაპოღვა.

— თქვენთან არაფერი, ბატონო ჩემო. მე მინდა თქვენს სახლში მყოფ ახალგაზრდა ქალიშვილს ველაპარაკო.

ახალგაზრდის კილოში იმდენი თავდაჯერებულება იგრძნობოდა, რომ რიჰარდს ძარღვებში სისხლი აუჩქროლდა.

— შერე და რა გნებავთ მისგან? — იკითხა მან.

— ჩვენ, ახალგაზრდობამ ქალაქში საკვირაო ცეკვების მოწყობა განვიზრახეთ, მოვედი მის მოსაწვევად

— როგორც კილოზე გეტყობათ, თქვენ აქაური არ უნდა იყოთ, თუ შეიძლება მიბრძანეთ, ვის უნდა უმადლოდეს იგი ესოდენ პატივს?

— სრულიად სწორია, — ისევე უდარდელად მიუგო ყმაწვილმა. — მე მხოლოდ არდადეგების განმავლობაში ვცვლი აქაური ბატონების მეტყევეს.

— ცდებით, ბატონო მეტყევევ. ახალგაზრდა ქალი, რომელიც ამ სახლში ცხოვრობს, ანეთ ცეკვებზე არ დაიარება.

— ო, ბატონო ჩემო, იქ ძალიან თავაზიანი საზოგადოება იქნება.

— ექვი არ მეპარება.

ახალგაზრდამ მცირე ხანს იყუჩა.

— მინდოდა ახალგაზრდა ქალბატონისთვის თავად მეკითხა. ამის შესაძლებლობა არ არის.

რიპარდი ჭიშკრისკენ გაემართა. მეტყევე მიუახლოვდა თითქოს მისი შეჩერება უნდაო, მაგრამ ძალღმა ძლიერი კისერი დაჭიმა და ავისმაუწყებლად დაიღრინა.

— ნულარ შეწუხდებით, ბატონო მეტყევე! — მიუგო რიპარდმა.

ახალგაზრდა კაცის თვალში ელვა გამოკრთა და უღვაში ჩაიკვნითა. შემდეგ აღრინდულად ქუდს ოდნავ შეეხო და სიტყვის უთქმელად იმავ გზას დაადგა, წელან რომ მოვიდა. შუაგზაზე უკან შებრუნდა და თვალი ერთხელ კიდევ მოავლო „ტყის ყურეს“ ფანჯრებს. შემდეგ ნაძვნარის შავ ჩრდილს შეერია.

რიპარდი შინ შებრუნდა, ძალი კი, თითქოს გუშავი ყოფილიყო, ისევ ღარტაფის პირას იდგა. ოთახში შესვლისას რიპარდმა ფანჯარასთან მიმდგარი ფრანცისკა დაინახა. შუბლი შეშაზე მიედო, ხელში მტკრების საწქენდი ტილო ეჭირა.

— ფრანცი! — დაუძახა რიპარდმა.

იგი შემკრთალი შებრუნდა მისკენ.

— დაინახე, ფრანცი, ის ახალგაზრდა? — მიმართა გოგონას რიპარდმა. — ეგ ხომ წინათ ორიოდეჯერ შეგვხვდა ზემო ტყეში.

— ჰო, დავინახე.

— სხვა დროსაც თუ გინახავს? — რიპარდის კილოში ფრანცისკამ ისეთი რამ შეამჩნია, ჯერ რომ არასოდეს ეგრძნო.

გოგონა მას გამომცდელად შეაცქერდა.

— მე? სად უნდა მენახა?

— მან თავაზიანად მიგიპატიუა საცეკვაოდ.

— ოჰ, საცეკვაოდ?! — გოგონას რუხ თვალებში ახალგაზრდულმა სიხალისემ გაიელვა.

რიპარდი შეშინებული შეჰყურებდა.

— რას ფიქრობ, ფრანცი? — ჰკითხა გოგონას. — მე, რასაკვირველია, უარი ვუთხარი.

— უარი უთხარი! — ჩაილაპარაკა გულდათუთქულმა და ანთებული თვალები ერთბაშად ჩაუქრა.

— სწორად არ მოვიქეცი, ფრანცი? უკან ხომ არ მოვაბრუნო?

უარყოფის ნიშნად გოგონამ ხელი ჩაიქნია.

— შენ თუ გიცეკვნია როდისმე, — რამდენიმე ხნის შემდეგ ჰკითხა ფრანცისკამ რიპარდს ისეთი კილოთი, მისგან რომ კაცს ჯერ არ სმენოდა.

— მე, ფრანცი? რატომ მეკითხები? კი, ოდესღაც ვცეკვავდი.

— და გსიამოვნებდა, არა? ხომ სწორია?

— კი, ფრანცი, — ყოყმანით მიუგო რიპარდმა. — ვფიქრობ, მსიამოვნებდა.

— ახლა, ახლა კი აღარ ცეკვავ? — იმავე კილოთი იკითხა ფრანცისკამ.

— არა ფრანცი, როგორ შემიძლია ვიცეკვო? ეს წარსული ამბავია... რა კარგი დაკითხვა მომიწყვე, — რიპარდი გაღიმებას შეეცადა, მაგრამ როცა გოგონას შეხედა, დაინახა, როგორ ცივად უმზერდნენ მისი რუხი თვალები.

„წარსული ამბავია, — თავისთვის ჩაილაპარაკა რიპარდმა.. — იგი შიშმა შეიპყრო და უფსკრულზე აღარ გადმოფრინდება.“

როცა გოგონა მას ყელზე ეხვეოდა და ყურში გულმოდგინედ ჩასძახოდა: „მაპატიე, სისულელე ვთქვი, ცეკვა სულაც არ მინდოდაო“. რიპარდი წყნარად იყო და პასუხს არ აძლევდა.

ავადმყოფობამ რიპარდს ბოლო კვირებში თანდათან ისე დარია ხელი, ოთახიდან ვეღარ გამოდიოდა. ექიმი არ მოუყვანიათ, რადგან ადრინდელი შეტევებიდან კარგად იცოდა, რითაც უნდა ემკურნალა. კატეგორიულად უარყოფდა თვით ფრაუ ვიბის მიერ სანთლისა და ხის ზეთისაგან მოხარშულ მალამოს. შეღავათს ისევ ფრანცისკა აძლევდა. იჯდა სავარძელში, სადაც გოგონამ მისთვის ხელოვნური პიუპიტრი მოაწყო და წერდა სტატიას აქ ნაპოვნ იშვიათ ქოლგოსან მცენარეთა შესახებ. გოგონა ჩვეულებრივად გვერდით უჯდა, ხან რიპარდის დახმარებით გაკეთებული ჰერბარიუმიდან სათანადო ეგზემპლარები მოჰქონდა, ხან საჭირო წიგნები ბიბლიოთეკიდან. გადაუშლიდა ადრე ჩანიშნულ ადგილებს და ხმამაღლა უკითხავდა.

— თუ როდესმე პროფესორი გავხდით, — მხიარულად ამბობდა რიპარდი, — ასისტენტის საკითხი უკვე გადაწყვეტილი მექნება.

მაგრამ ფრანცისკა მისი მხოლოდ ასისტენტი კი არ იყო, ის იყო ქალიც, რომლის მშვიდი სიახლოვე ესოდენ კეთილად მოქმედებდა, როცა რიპარდი კალამს გვერდით გადასდებდა, ფრანცისკა მის ხელს თავისაში მოიქცევდა, უსწორებდა სავარძლის ბალიშს, ტაბურეტს მიუჯდებოდა და ალერსიანი ხმით მალე გამოძახობინების იმედს უნერგავდა.

დღეს სადილის შემდეგ რიპარდმა იგი ტყეში გაგზავნა ჭრელტუჩიან მცენარეთა მოსაძებნად, რომელიც მისი აზრით ახლა აყვავებული უნდა ყოფილიყო. ტყის ტბასთან, სადაც ისინი დღის ყოველ დროს ყოფილან ხოლმე, აქა-იქ ხვდებოდათ ეს მცენარე. თვითონ სავარძელში დარჩა და დაწყებული სტატიის წერა განაგრძო. ირგვლივ სკამებზე ეწყო წიგნები

და ფურცლები, რომლებიც ფრანცისკამ ზრუნვით ახლოს მიუწია. ეს-ესაა მოძებნა ფრანცისკას ერთ-ერთი ნახატი, რომელიც მისი აზრით, სტატიასთან ერთად უნდა დაბეჭდილიყო. მაგრამ მისი ფიქრები ახლა თვით მხატვარს დასტრიალებდა თავს. მხატვარს კი ამჟამად ტყე მალავდა ღარტაფს იქით. გოგონას თავდადებული ზრუნვა სავარძელს მიკრული ავადმყოფისათვის რიპარდს რაღაც ავისმაუწყებლად მოეჩვენა: ამ ბოლო ხანებში ფრანცი ცოტა არ იყო გაურბოდა მას და რიპარდი ამას თავის თავს არ უმალავდა. გოგონა თითქმის ისეთივე მოკრძალებული გახდა, ადრე რომ იყო. ნუთუ მისმა მორჩილმა სამსახურმა შეცვალა მათ შორის არსებული აღრინდელი ურთიერთობა? თითქოს მთელ მის არსებას, მთელ მის საქმიანობას რაღაც მოღუნებულობა დაუფლებოდა.

რიპარდმა თავი უკან გადასწია და ფანჯარაში გაიხედა. მოწმენდილ ზეცას სამხრეთისკენ დაძრული ფრინველები აკვეროდნენ. ისინი რომ მიიმაღლნენ, რიპარდს თვალში მოსვლანაძენარის წინ ღარტაფის პირას მდგარი ცირცელი. შუადღის მზის მსურვალე სხივებით ალაპლაპებული ცირცელის მწაცე კუნწულები მკვეთრად გამოირჩეოდა მწვანე ფონზე. ნაყოფი ფრთების ტკრციალითა და გამყინავი ქახქახით თავს დასტრიალებდა შაშვების გუნდი.

შორს ტყეში თოფის ხმა გაისმა.

— ბართლომეს ღამე*!— ჩაილაპარაკა თავისთვის რიპარდმა. — იუნკრებმა ნადირობის სეზონი გახსნეს. ნეტა კი ფრანცი მალე დაბრუნდებოდეს!

ფრანცისკას გამო აუტანელმა ნაღველმა მოიცივა რიპარდი. ფრანცისკას ერთხელ ცეკვის ნება არ მისცა და გოგონას ამის თაობაზე ხმა არასოდეს ამოუღია. რიპარდისათვის ახლა ერთ-

ბაშად ცხადი გახდა, რომ ამის გამო მის გულში წუხილს დაე-
სადგურებინა. ეპ, ახლა რომ კარგად იყოს! მუდმივად აქ არ
დარჩებიან. თვითონაც ხანდახან მოიწყენს ხოლმე ამ ბალყუმ
ადგილას და ქალაქური ცხოვრების საერთო ფერხულში ჩაბ-
ჭა მოუხდება. მერე, როცა ადამიანთა შორის იცხოვრებენ,
ყველაფერს ეწევიან. ის, რაც ერთ დროს რიპარდმა გოგონა-
საც აუკრძალა და თავის თავსაც, ახლა ავადმყოფურ ილუ-
ზიად, უდაბური ქაობის ანაორთქლად მიაჩნდა. არა, არა! ახალ-
გაზრდა ცოლს გვერდით ამოიყენებს და ისევ ცხოვრების
ორომტრიალში ჩაებმება, წარსულის რუხი აბლაბუდებისაგან
განთავისუფლებული სრულყოფილი, ხალისიანი კაცი გახდე-
ბა.

— ფრანცი, ჩემო ტკბილო ფრანცი! — შესძახა მან და ხე-
ლები გაიწვდინა.

მაგრამ იგი ჯერაც არ ჩანდა.

რიპარდმა მუშაობის განგრძობა სცადა, რამდენიმე წიგნი
გადაშალა, ორიოდ ხაზიც დაწერა. მაგრამ მერე კალამი ისევ
ხელიდან გააგდო.

გალაენის დასავლეთით მდგარი მუხებიდან ჩრდილი უკვე
მთელ ეზოს დაეფინა. ოთახში მზე გვერდითი ფანჯრების ზე-
მო შუშებიდანლა შემოდრიოდა. რიპარდმა უცბად ნაძვნარში
თვალი მოჰკრა ფრანცისკას კაბას. იგი ჩაბნელებული ტყვიდან
გამოვიდა და ნელა გამოუყვა ბილიკს. როცა ღარტაფი ამოი-
რა, ორჯერ შედგა, თითქოს სულის მოთქმა უნდაო.

ფრანცისკა ოთახში შემოვიდა და რიპარდს წინ დაუდო
ლურჯი ბერძნული ენდროსა და მინდვრის ყვავილების თაიგუ-
ლი. აქვე იყო ტუჩოსანას ღეროც, მაგრამ კოკორი ჯერ არ გამ-
ლოდა. ამოდ ვეძებე ამ მცენარის გაშლილი ყვავილიო, განა-

ცხადა ფრანცისკამ. ხვალ ან ზეგ უთუოდ გაიშლება და მოვიტანო.

ფრანცისკას თვალები უბრწყინავდა, ლოყები ასტკრეცოდა. რიპარდმა ხელი ჩასჭიდა, უნდოდა გულში ჩაეკრა.

— შორს მოგიხდა მის საძებნელად წასვლა, არა?

რიპარდმა იგრძნო, რომ ქალი ნებას არ დაჰყვა.

— ო, საკმაოდ შორს! ცოტა დავსველდი, ფეხსაცმელები უნდა გამოვიცვალო.

— გამოიცვალე და მალე მობრუნდი. მე უკვე ვწუხდი, არაფერი დაემართოს-მეთქი.

— ჩემს გამო? რა საჭირო იყო?

— შეიძლება, არ იყო, მაგრამ როცა კაცი ავადმყოფობის გამო სკამზეა მიჯაჭვული! ტყიდან სროლის ხმა მომესმა, აი იქიდან, ტბა რომ არის. შენ არ გაგიგონია?

— მე? არა, არაფერიც არ გამიგონია. — გოგონამ მაშინვე თავი შეაბრუნა. — ახლავე მოვალ, — თქვა მან ისე, რომ რიპარდისათვის არ შეუხედავს და კარისკენ აჩქარებით გაემართა.

ფრანცისკა რომ გავიდა, ოთახში ძაღლი შემოვიდა. ძაღლმა იცოდა, როგორ გაეღო ფართო თათით ოთახის კარი. პატრონს თავი კალთაში ჩაუღო და ყავისფერი თვალებით ახედა. რიპარდმა მშვენიერ ცხოველს ალერსით გადაუსვა ზურგზე ხელი.

— მშვიდად იყავი, ლეო! — უთხრა მან. — ჩვენ ორივენი შემდგომაც ერთად ვიქნებით. — რიპარდი ძაღლს ყურებს უკან აბრეშუმით რბილ ბალანს უწეწავდა. — მოიტა, მიჩვენე ერთი, ეგ ნაჭირილობევი თუ ისევ გეტყობა. მაშინ კი მართლა მაგარი ჩხუბი მოგიხდება იმ ლომბარდულ ყაჩაღთან

ეგეთი ამბავი მეტად აღარ დაგვემართება. შენს ახალგაზრდა ქალბატონთან ერთად მოგზაურობა კი ნამდვილად შშენიერი იქნება. თავის ნათელ, შევარდნისებრ თვალებს წინ გაშლილ ლანდშაფტს მოავლებს, ხოლო შენ, ჩემო ძაღლო, მის ეტლს გაჰყვები გვერდით, როგორც ერთ დროს მე მომდევდი ხოლმე, როცა მარტონი დავეხეტებოდი ერთად. ასე იქნება იმიტომ, რომ ისევ გავალთ ქვეყანაზე, მოვინახულებთ მას კიდით კიდე და შენ, რასაკვირველია, მუდამ ჩემთან იქნები.

რიჰარდი წინ გადაიხარა, მაგრამ ლეომ შშვიდად მილულა თვალები და ახლა კუდის ქიციანით ამქლავებდა თავის შინაგან კმაყოფილებას. ასე ისხდნენ ხოლმე ისინი წინათაც, როცა დღისით ხშირად სოფლის გზებზე დასეირნობდნენ, ღამით კი მყუდრო ბინაში ისვენებდნენ. მაღალგონიერი ადამიანი და გონებრივად მისგან ესოდენ ჩამორჩენილი არსება ამ წუთში მოეცვა ურთიერთერთგულების გრძნობას, რომელიც მათ გულს ცის მაცოცხლებელ ნამად ეპყურებოდა.

რიჰარდმა ვერ მოახერხა ფრანცისთვის ეთქვა თავისი გადაწყვეტილება. ნაფიქრი ვერც მაშინ გაუზიარა, როცა ქალი ოთახში შემობრუნდა და ვერც მომდევნო დღეებში. ფრანცი კიდეც რამდენჯერ იყო ტყეში, რიჰარდს მოუტანა ის გაშლილი ყვავილი, რომლის გულისთვისაც პირველად წავიდა. მოუტანა სხვა ყვავილებიც, რომლებიც მას ნაშრომისათვის დასჭირდა. ყოველ წასვლაზე რაღაც ახალი მცენარე მოჰქონდა. თითქმის ყოველდღე მაგიდაზე დადგმულ ვაზაში სდებდა ბალახისა და ველური ყვავილების ახალ-ახალ თაიგულებს, რომელთა შორის ახლა შავი და წითელკენკრიანი ტოტებიც ბრწყინავდა.

როგორც კი ფრანცისკას ტყეში გაგზავნიდა, რიჰარდს

მოუსვენრობა შეიპყრობდა, თუმცა ამაში გამოტეხას საკუთარ თავთანაც ერიდებოდა, ფიქრობდა, რა შეიძლება მას ტყეში შეხვდესო? შემდგომში რიპარდს თოფის ერთი გასროლაც აღარ გაუვონია. თუკი ნადირობა საერთოდ კიდევ გრძელდებოდა, ალბათ, სადღაც დაშორებულ უბანში.

რიპარდი დღითიღვე ჯანმრთელდებოდა. მალე სახლში დაიწყო სიარული, მერე ხან ლეოს და ხან ფრანცის თანხლებით ახლო-მახლო მიდამოებიც რამდენჯერმე მოინახულა. ხარბად სუნთქავდა შემოდგომის გამჟვინრვალე, სურნელოვან ჰაერს ახლა განმეორებით მოიცვა მოუთმენლობამ, რომ სანამ აქ ხეებს ფოთლები ჩამოსცივოდა, თავისი გეგმები განეხორციელებინა. იგი სასწრაფოდ მიუჯდა საწერ მაგიდას და თავის მეგობარს — ბურგომისტრს განზრახვა წერილობით შეატყობინა. თანაც შეეცადა ეს განზრახვა სათანადოდ დაესაბუთებინა დისიც მისწერა, მალე გინახულებო. იქვე საშრობქვეშ იდო ახლახან დამთავრებული შრომა, რომელიც ფრანცისკას სუფთად გადაეწერა და ერთ-ერთი ბოტანიკური ჟურნალის რედაქციაში გასაგზავნად მზად იყო. წერილთან ერთად ესეც ფოსტაში შეიკრიკ ქალს დღესვე უნდა წაეღო.

დალუქვამდე რიპარდმა სტატია კიდევ ერთხელ გადაიკითხა. უცებ მას თავში გაუელვა ერთმა აზრმა, რომელსაც დაზუსტება ესაჭიროებოდა. სააპისო ლიტერატურა ბიბლიოთეკაში მოეძებნებოდა.

ოთახიდან გავიდა თუ არა, მეორე კარიდან. ფრანცისკაც შემოვიდა. როგორც კი ფრანცისკამ მაგიდაზე ახლადდაწერილ წერილს მოჰკრა თვალი, ფეხაკრეფით მიუახლოვდა, თავი ფრთხილად გასწია და თვალები ხარბად დააშტერა, თითქოს წერილის თითოეული სიტყვის ამოკრეფა ნდომოდეს. კიდევ

რამდენიმე წამს იდგა ასე, პირზე ხელი აეფარებინა, სახეზე საშინელი შიში აღბეჭდოდა; მერე, როცა ბიბლიოთეკიდან ფეხის ხმა შემოესმა, ოთახიდან გაიპარა, კიბე ჩაირბინა და ეზოში ჩავიდა, გალავანს აკრულმა კიშკარი გაიარა და სახლის უკან ველზე გავიდა. აქ რამდენიმე ხანს მუხლებზე ხელებშემოხვეული მუხის რაყაში იჯდა. ხან სახლის ფლუგერებს შესცქეროდა, რომლებიც დილის მზენზე მწვანე ფოთლებიდან ოჭროსფრად ელვარებდნენ, ხან ტყეს, მერე იმეგ მწვანე ხეთა შორის მშვიდად ჩამდგარ ბებერ კედლებს დაადგამდა თვალს. უცბად ფეხზე წამოიღვა, კენარი ტანი სულ ერთიანად უთართოდა. მტკიცე გადაწყვეტილებით ტყისაკენ გაიხედა. ბუჩქნარით ღარტაფისაკენ გაიქცა. როცა უკან მოიხედა და სახლი ვეღარ დაინახა, ატეხილ შამბნარს შეერია, ღარტაფში ჩაირბინა და იქითა მხარეს ტყეში მიიშალა

როცა საათზე მეტი ხნის შემდეგ შინ მობრუნდა, მის სახეს მღელვარების ნატამალი აღარ შერჩენოდა.

— როგორც იქნა, მოხვედი, ფრანცი! — მიაგება რიჰარდმა. რომელიც მის შესახვედრად წინკარში შემოვიდა. — მთელი საათია გექძებ.

ფრანცისკამ მას ოდნავ მოუჭირა ხელი.

— მაპატიე, რომ ვერ გითხარი. თავი მტკიოდა და ჰაერზე მინდოდა გავლა.

რიჰარდმა ხელზე მოკიდა ხელი.

— წამო! — უთხრა მას და კიბით ზემო ოთახში აიყვანა. მერე ორივე ხელი დაუჭირა და დიდხანს სიყვარულით უმზირა.

ფრანცისკამ თავი ჩაჰკიდა და ჰკითხა:

— რა დაგემაართა, რიჰარდ? რალაც საზეიმო განწყობილებაზე ხარ.

— გახსოვს, ფრანცი, მაშინ საქორწინო მუსიკის ხმები რომ შემოგვესმა, შებინდებისას, ტყის პირიდან.

გოგონას მალლა არ აუხედავს, თავი ისე დაუქნია.

— ისიც გახსოვს, რაც მაშინ გითხარი? სულელი ვიყავი, ფრანცი. უჩვეულო მარტობამ ნებისყოფა მომიდუნა. ახლაც ისევ ეგოსტი გავხდი. სხვაგვარად არ შემიძლია, მტკიცედ უნდა შეგინარჩუნო, ვერსად გაგიშვებ, ჩემგან წასვლაც რომ მოინდომო! ველარ ავიტან, რომ თავისუფალი იყო. ეს არის სწრაფვა საკუთარი არსებობის შენარჩუნებისაკენ, ფრანცი, უშენოდ ველარ ვიარსებებ.

თანდათან მეტი სითბოთი და სიყვარულით ევსებოდა რიჰარდს თვალეები, მეტად იკრავდა ფრანცის გულში. ქალი მთელი ტანით თრთოდა.

— როდის? — ჰკითხა ფრანციმ: — როგორ გგონია, როდის მოხდება ეს?

— ვერ მოგისვენია, ფრანცი? — რიჰარდმა მის მსხვილ აბრეშუმისებრ ნაწნავს მოჰკიდა ხელი და თავი უკან გადაუწია, რომ მისი სახე უკეთ დაენახა. — მოულოდნელად მინდოდა გამეხარებინე. მოდი ფრანცი! საქორწინო მუსიკა ჩვენ არ გვჭირდება ამ წყნარ ადგილას, სადაც შენ ჩემი გახდი, გარე სამყარომაც თავისი კუთვნილი უნდა მიიღოს. კეთილი მოხუცი ვიბო და მისი მეგობარი ინსპექტორი — სხვა მოწმეები არა გვჭირდება! ზევ შენს მეურვესთან წავალ, ჩვენს მეგობარ ბურგომისტრსაც ვნახავ. კიდევ რამდენსამე დღეს იქნები უქმროდ. შემდეგ კი ერთმანეთს აღარასოდეს არ დავცილდებით.

რიჰარდო გაჩუმდა.

გოგონამ ბაგე გახსნა, მაგრამ, სიტყვის დაძვრა ვერ შესძლო.
— მერე და, უკან როდისღა მობრუნდები? — როგორც იქ-
ნა, იკითხა ფრანციმ.

— შაბათს წავალ, სამშაბათს კი ისევ დავბრუნდები, იმედი
მაქვს ყველაფერს მოვიტან: საჭირო მოწმობებს, ნებართვას,
საქორწინო კაბას. ჰო, ფრანცი, შენი თავისუფლების დღენი
დათვლილია! ამ ხნის მანძილზე ხომ არსად გამექცევი?

უბედნიერესი ღიმილით ჩასცქეროდა რიპარდი ფრანცის-
კას.

— აბა, ახლა წადი, ჩემო საყვარელო მეუღლე! ზოგიერთი
რამ კიდევ უნდა მოვაგვარო.

დადგა გამგზავრების უკანასკნელი ღამე. „ტყის ყურეს“
სამი ბინადარი თავთავიანთ საძინებელ ოთახებში იყვნენ. ერ-
თგული მცველი ლეო, როგორც ყოველთვის, ახლაც წინკარის
შესასვლელთან დაწოლილიყო. სახლი მდუმარებას მოეცვა,
ოღონდ დრო და დრო მოხუცი ფრაუ ვიბი ახველებდა მიჩიგ-
დანიან საწოლში და ზემო ოთახიდან გაისმოდა გუგულის ხმა,
რომელიც ღამეს თითო საათიან მონაკვეთებად ანაწილებდა
ხეთა შორის ქარი ღმუოდა, სახურავზე ფლუგერები ფრიალებ-
დნენ და, როცა ახალ შემოქროლვამდე ქარი სუნთქვას შეიკ-
რავდა, ტყიდან ათასგვარი ხმები ისმოდა.

აბა იყურე! ხომ არაფერმა გაიწქარუნა დასავლეთით დატა-
ნებულ ერთადერთ ფანჯარაზე, სადაც მუხის ტოტები თითქ-
მის ზედ გალავანს მიჰკვრია.

არა, ეს მხოლოდ ქარმა დაჰბერა ძალუმად. მერე თითქოს
აღარაფერი, შერხეულა. მოხუცმა ფრაუ ვიბმა დაახველა. ზე-
მთ გუგულის ხმა გაისმა: პირველია! ღამე განაგრძობს მსვლე-

ლობას. არაფერი უჩვეულო არ ისმის. თითო-ოროლა ვარსკვლავი, რომელიც გაქენებულ ღრუბელთა შორის ხანდახან გამოჩნდება, თანდათან ჰკარგავს ფერს.

ოდნავ რომ ინათა, ფრანცი რიპარდის საწოლის წინ იდგა კაცს ისევ ეძინა. გოგონამ საწოლთან ჩაიჩოქა და რიპარდს ხელზე აკოცა, რომელიც საწოლიდან დაბლა ჩამოვარდნოდა. კაცმა თვალები გაახილა და ფრანციმ უთხრა:

— ადექი, რიპარდ. ეტლი მალე აქ იქნება.

— შენა, ფრანცი! — წარმოთქვა რიპარდმა და გოგონას შეხედა.

ცოტა ხნის შემდეგ ძილის ბურანი ერთიანად გაიფრთხო და ფრანცის მიმართა. — ამ ღამით ჰოტის ხმა თუ გაიგონე. როცა საათმა პირველი დარეკა?

ფრანცის ოდნავ შეუთამაშდა მხრები.

— მისი ხმა ხომ ყოველდამ ისმის, — წყნარად უთხრა მან

— არა, ფრანცი, არა! იმ ტყის ჰოტზე კი არ გეუბნები, რომლებითაც აქაურობა სავსეა, ის სულ სხვა ხმაზე იძახოდა, რაღაც უცნაურად! ჯერ დავეჭვდი, ეგებ ესეც იმათი ჯიშისაა-მეთქი. წინკარიდან მომესმა, ლეო რამდენჯერმე წამოდგა და გაიარ-გამოიარა.

— მე ვერ გავიგე, — ხმადაბლა თქვა ფრანცისკამ.

— ალბათ, მაგრად გეძინა, ფრანცი. ფრინველი აქ საღდაც, სულ ახლოს, იჯდა.

მერე ისინი საუზმეს მიუსხდნენ, მაგრამ ფრანცისკამ ერთ ლუქმაც ვერ გადაყლაპა. შემდეგ რიპარდი ეტლში ჩაჯდა.

— არ დაგავიწყდეს, სამი ღღე! — გადმოსძახა მან და ეტლი ველზე გაქანდა. ხმამაღალი ყეფით ძალლი წინ გარბოდა. დიდხანს იდგა და თვალმოუშორებლად გაჰყურებდა ფრან-

ცისკა ეტლს, სანამ მისი შავი კონტურები ჰორიზონტზე არ გაფერმკრთალდა.

შუაღღე გადასული იყო, როცა რიპარდი თავის მეგობარ ბურგომისტრის ოთახში შევიდა.

— ო, ტყის კაცი! — შესძახა ბურგომისტრმა და პატარა დამუშტული ხელი მუქარით დაუქნია. — ეგ რა ოინი მოგიფიქრებია?

— მაშასადამე, ჩემი წერილი მივიღია, არა?

— რასაკვირველია! ოჰ, როგორ შეაშინებ ხოლმე კაცს! მაგრამ ეს ამბავი, ბუნებრივია, მხოლოდ ხუმრობაა და მეტი არაფერი.

— სრულიად სერიოზული განზრახვით გეახელი.

— გასაოცარია! — შესძახა ბურგომისტრმა. — რომანტიკულია, მთლად რომანტიკული! სანამღელოს ჩამოვდივარ, ჯერ არ იცი, თუ ვინ იყვნენ გოგოს დედ-მამა.

— რა ჩემი საქმეა!

— მაგას რად ამბობ, შენ ხომ ნათლობის ცნობა გკირდება...

— მაგის გარდა, სხვა რამეც, ფრიც! ალბათ, შენი დახმარებაც დამჭირდება, როგორც მთავარი მეურვისა, თუ ის ყაჩაღი ხარაზი კიდევ მოისურვებს, რომ თავის მეურვეობაში მყოფი ვინმე მდიდარ მეპურეს მისცეს.

— ჩემი დახმარება, რიპარდ? არა, არა. ეგ რა გიფიქრია? მაშინ ხომ ჩემი სინიღისის საწინააღმდეგო საქმეს ვიზამდი.

რიპარდს გაელიმა

— შენ ხომ ჩემი მეურვე არა ხარ. და ესეც რომ იყოს, გან ჩემისთანა კაცის მეურვეობა საკადრისად არ მიგაჩნია?

— ღმერთია მოწმე, მართალი ხარ, რიჰარდ! ამ წუთას შენ ისეთივე ხარ, სტუდენტობისას რომ მახსოვხარ. ამიტომ შენთან ვერაფერს გავაწყობ.

ბურგომისტრმა ცხვირიდან ოქროს სათვალე აიძრო, შუ-შები ბაცი ყვითელი აბრეშუმის ცხვირსახოციტ გაწმინდა და თვალეზმოწკურულმა -თავის ქნევიტ მეგობარს გახედა

— ჰმ, აი მეოცნებეც ასეთი უნდა! — თქვა მან. — საოცარი კი არის, რომ შენგვარი ხალხი მუღამ...

რიჰარდმა პატარა კეთილ კაცს ორივე ხელი ჩაჰკიდა და დასრულება აღარ აცალა.

— მასზე უარს ვერ მათქმევიტებ, — გულწრფელი კილო-თი წარმოთქვა რიჰარდმა. — უმჯობესია ის მითხრა, მაგისტრის საქმე როგორ არის?

— ზის! — ხალისიანად მიუგო ბურგომისტრმა.

— მისი პროცესი?

— ძვრა არა აქვს. ჩაკვდა! ასეც ჯობია!

— ფრანცისკა?

— მეტად აღარ შეაწუხებენ. ოქმები გაგზავნილია. განაჩენიც თავის დროზე მოვა.

— მაშ დამეხმარე, ფრიც, და მოდი ყველაფერი სწრაფად მოვაგვაროტ.

... ყველაფერი მართლაც მალე მოგვარდა. მეორე დღეს შუადღემდე ნებართვა და ყოველგვარი საჭირო მოწმობები ხელტ ჰქონდა. გეგმიდან შესასრულებელი დარჩა დიდ ქალაქში ჩასვლა, მაგრამ კვლავ შიშნარევა მ სევდამ მოიცვა და ისეც ტყისკენ გაბრუნდა. განზრახული საყიდლების შეძენა კი ფრანცისკასთან ერთად გადაწყვიტა.

ამგვარად მან უკანდაბრუნება ბრძანა.

— აბა, მარდად, მეეტლევ! — მიმართა მან. — ორმაგ გადასაკრავს მიიღებ.

მეეტლემ მათრახი გასარჯა. შუადღე ახალი გადასული იყო, სოფელს რომ მიადწიეს, მაგრამ უსწორმასწორო ქვაფენილზე ეტლს თვალი გამოსძვრა და სოფლის სამკედლოში ნახეარი საათის წამუშავება გახდა საჭირო. რიპარდი და ლეო ტრაქტირისაკენ გაემართნენ. წინკარში ძაღლმა ყრუდ დაიღრინა, იმავე წუთას სასტუმრო ოთახიდან გამოვიდა ახალგაზრდა მეტყევე, რომელმაც საღმის უთქმელად რიპარდს გვერდით ჩაუარა, მხოლოდ ანთებული თვალებით გადახედა.

რიპარდი თავისდა უნებურად შედგა. როგორც კი ღია კარიდან დაინახა, მეტყევე ეზოდან გავიდაო, რიპარდიც გარეთ გაჰყვა და სოფლის გზაზე აჩქარებით მიმავალს გახედა.

რიპარდს სძულდა ეს კაცი და თვითონაც ვერ გაეგო, რატომ იდგა ახლა გზაზე და რად გაჰყურებდა მის გზას.

რიპარდი სწრაფად შემობრუნდა და ტრაქტირისაკენ გაემართა. დარბაზიდან რამდენიმე კაცის გაცხარებული ლაპარაკი შემოესმა, წელან კი მდინახეები წყნარად ისხდნენ. როცა ისა და ძაღლი დარბაზში შევიდნენ, იქ ბევრ ხალხს მოეყარა თავი. არც გაჰკვირვებია, კვირა საღამო იყო. მაგრამ საუბარი ერთბაშად შეწყდა. მას მეტრაქტირე გამოეგება და საგანგებო ყურადღებით გამოჰკითხა მარცხიანი მგზავრობის ამბავი. ერთერთი მაგიდიდან რიპარდმა ყური მოჰკრა მეტყევის სახელს, რომელიც შემთხვევით გაგონილი ჰქონდა, მაგრამ მოსაუბრეს მეზობელმა იდაყვი წაჰკრა. შემდეგ ისევ ატყდა ღრიანცელი. გლეხები წლის ამ დროისათვის ჩვეულებრივ, სალაპარაკო თემას დაუბრუნდნენ — მოსავალსა და გასაყიდ ფასებს.

ბოლოს ღერძი შეაკეთეს და ეტლმა გზა განაგრძო. რიპარ-

დი ჩაფიქრებული იჯდა. რაღაც გაურკვეველ, უსიამოვნო გრძნობას მოეცვა. შინ დაბრუნება აღარ უხაროდა, თითქოს შორეული რუხი ნისლიდან თვალთა წინ რაღაც უფორმო აჩრდილთა სურათები წარმოუდგა. ოჰ, როდის იქნება შინ, როდის დაინახავს ისევ ფრანცისკას.

ეტლი მიჰქროდა და ტყეს თანდათან უახლოვდებოდა. აი ეტლი უკვე მინდვრის გზაზე მირახრახებს მუხის რაყაში, ბოლოს სახლის სახურავიც გამოჩნდა და რიჰარდმა სალამოს მზით გაბრწყინებული ფლუგერებიც დაინახა. ტყის ჩრდილიდან ვიღაც გამოვიდა. ეს ხომ თვითონ ის არის! მისი ღია ფერის კაბა, მისი ჩალის ქუდი, რიჰარდმა მკაფიოდ გაარჩია. როგორც ჩანდა, ფრანცისკას ეტლი არ შეუშინებია, რადგან სახლისკენ მიმავალს გეზი არ შეუცვლია. რიჰარდი წინ გადაიხარა და ველზე გასძახა:

— ფრანცი, ფრანცი!

ქალი შედგა და როცა რიჰარდმა ისევ დაუძახა, შემობრუნდა და ეტლისკენ ნელა გამოემართა. როგორც ღმნა, ნახა რიჰარდმა თავისი სანატრელი. ფერმკრთალ სახეზე გაფართოებული თვალები ჩამუქებოდა. არასოდეს არ სჩვენებია რიჰარდს ფრანცისკა ასეთი.

ეტლის გაჩერებამდე რიჰარდი ძირს გადმოხტა და ფრანცისკა მკლავებში მოიქცია.

— მადლობა ღმერთს! — წამოიძახა მან და შვებით ამოისუნთქა, თითქოს გულიდან უზარმაზარი ლოდი მოეცოდებოდა. — ასე მეგონა, ვეღარ გნახავდი!

— ეგ რა ფიქრები მოგდის! — მოკლედ გაეპასუხა ფრანცისკა.

ქალმა, რიჰარდს რომ ჰყავდა მკერდზე მიკრული, იქვე

მდგარი ძაღლი შეამჩნია, რომელსაც ღრუნჩი ტყისკენ ეჭირა, იქით, საიდანაც ეს-ეს იყო ფრანცისკა გამოვიდა და ჰაერს მოწადინებით ყნოსავდა. მან თითქმის შექანიკურად წაავლო ხელი ძაღლის ლითონის საყელურს.

— შინ წავიდეთ, რიჰარდ, — უთხრა აჩქარებით. — ეს ძაღლიც, დაიჭირე, თორემ აღრინდელივით, ალბათ, შველს დაედევნება.

კაცს იქით არც გაუხედავს, იგი მხოლოდ იმ ახალგაზრდა სხეულს შესცქეროდა, რომელიც მკლავებში მოექცია. ბავშვივით ხელში ატაცებული აიყვანა ეტლში, მერე ძაღლს დაუსტვინა და სახლამდე დარჩენილი მცირე მანძილიც მალე მოილიეს.

შინ ყველაფერი ჩვეულებრივ წესრიგში დახვდა. მოხუცი ფრაუ ვიბი მათ გაქათქათებულ საკვირაო ტანსაცმელში გამოეგება, იგი აღტაცებული იყო რიჰარდის მოულოდნელი დაბრუნებით. რიჰარდმა ვიბს აცნობა, ეტლი ხვალაც მოვა და დიდ ქალაქში მე და ფრანცისკა საქმეზე უნდა წავიდეთო. ფრანცის კი ჩასჩურჩულა:

— ხომ კმაყოფილი ხარ, ფრანცი? კვლავ მოვინახულებთ იმ გამყიდველ ქალს, შენ რომ აღაფრთოვანე, დაე ახლა აბრეშუმის პატარა წაღები მოგიძებნოს. ყველაფერს თავად შეარჩევ. თუმცა არაა შენ ძალიან მორიდებული ხარ, შენ მარტო კაბები იყიდე. მე კი — მე მინდა მთლად თეთრ ნისლში გაგხვიო, ისეთ თხელ, ისეთ ნაზ ნისლში, რომ ღრუბლად ქცეულმაც ვერ შეიძლოს გაბრწყინებული ვარდის დაფარვა.

რიჰარდმა ვერ შეამჩნია, როგორ დააჭირა თეთრი კბილები ქალმა ერთმანეთს და როგორ აუკანკალდა ბაგეები.

— აბა, ფრანცი, რას ფიქრობ? — განაგრძო კაცმა. — ხომ ცმაყოფნლი ხარ?

ქალმა უჩუმრად გამოართვა რიპარდს ხელი და ტუჩებზე მიიღო, შემდეგ მკვანედ უთხრა:

— ვფიქრობ, ისევ ფულის გადაყრა გინდა... შენ დიდი წარმოდგენა გაქვს ჩემზე, რიპარდ, მე ხომ ერთი საბრალო მსახური გოგო ვარ.

— მე კი ვფიქრობ, რომ შენ სულელი გოგო ხარ.

დაღამდა. რიპარდმა ჩვეულებრივად დაკეტა ძელებიდან შეკრული კიშკარი და სახლის კარი. წინკართან ძალი იწვა, კიშკრის დიდი გასაღები რიპარდის საწოლ ოთახში ეკიდა კარის წირთხლზე.

კაცმა ნაზად შემოხვია ხელი ფრანცისკას, რომელიც ფანჯარასთან მდგარიყო და ჩაშავებულ ტყეს გაჰყურებდა, და ბიბლიოთეკის გავლით მისი ოთახისკენ წაიყვანა. რიპარდისათვის იგი ხელშეუხებელი საცოლე იყო და კაცს მისი ოთახის ზღურბლი არ გადაულახავს.

— ტკბილად იძინე, ჩემო ფრანცი! — წარმოთქვა რიპარდმა. — უცბად ისე მომეჩვენა, თითქოს ჩემი ბედნიერება ისევ სადღაც შორს არის-მეთქი.

ქალმა კარი გამოაღო, მაგრამ რიპარდმა იგი ძალით შემოაბრუნა და გულზე მიიკრა.

— ღამე ნებისა, ღამე ნებისა, ფრანცი!

მერე ფრანცისკა ოთახში შევიდა. კარს მიღმა რიპარდმა რამდენიმე ხანს კიდევ უსმინა მისი პატარა ფეხების ხმას.

შემდეგ სამუშაო ოთახში დაბრუნდა. გზად, მაგიდიდან ანთებული სანთელი აიღო, კარს ზემოთ მოთავსებულ ძველ

სურათს მიანათა და აჩქარებით მოავლო თვალი. აქედან თავის საძინებელ ოთახში შევიდა. დაღლილს ღრმად ჩაეძინა. აღარ ესმოდა, როგორ შრიალებდა ტყე შემოდგომის ბნელ ღამეში, აღარც პაწაწინა ხელოვნური ფრინველის გუ-გუს ძახილი აკრთობდა მეზობელი ოთახიდან. ღამეს ზენიტისთვის მიეღწია. იქით ოთახში გუგულმა თორმეტჯერ დასძახა. რიპარდი უსიზმრო ძილს განაგრძობდა, ღამე — თავის მსვლელობას. საათმა ჯერ პირველისა დააგუგულა, შემდეგ — ორისა, მერე კი — სამისაც! რიპარდს სიზმარი ეწვია. ყველაფერს, რაც დღისით ამოტივტივებულიყო მის თვალწინ საშინელ ნისლში, ახლა ხორცი შეესხა, — ხან კაშკაშა შუქი ეღვრებოდა და ხან ცრიატი, რომელიც არც დილის შუქს ჰგავდა, არც საღამოსას, როგორი ფერი დასდებოდა მის მკლავებში მოქცეულ ფრანცის! და რა საოცარი იყო, მისი თვალეები გაუბრბოდა რიპარდის შეხედვას! იქით. კი, ხეების უკან მონადირე იდგა...

რიპარდი რამდენჯერმე კენესით გადაბრუნდა ლოგინში. პირიდან მრისხანე, ურთიერთთან დაუკავშირებელ ბგერებს აფრქვევდა. უცბად ზეზე წამოიჭრა და ბალიშს დაეყრდნო, რაღაც ხმაურის გამომძახილი ისევ ყურებში უწიოდა. მიხვდა, რომ ეს ხმაური მის ოთახში ეზოდან ამოიჭრა. იმავე წუთს ფანჯარასთან მიიჭრა. ოდნავ ენათა, მაგრამ კარგად გააჩნია, როგორ მიიხურა იმ წუთში ალაყაფის მძიმე კარი. თითქოს ისევ სიზმარში ხდებოდა, კედელზე დაკიდებული ორი დამბა-ჩიდან ერთერთი ჩამოგლიჯა, ფანჯრის მინამ გაიზრიალა და ტყვია ტკაცანით ჩაჯდა კიშკრის ძელში.

მერე ყველაფერი სიჩუმემ მოიცვა. რიპარდმა მეორე დამბა ჩამოხსნა და ასე პერანგისამარა ოთახიდან გაიჭრა. გასვლისას წირთხლზე გასაღები მოძებნა, მაგრამ იქ აღარ იყო.

— ლეო, ლეო! — გასძახა კიბიდან გარეთ. — სად ხარ, ჩემო ძაღლო?

არავინ გამოპასუხებია. კიდევ ერთხელ დაუძახა და ბნელ წინკარში ჩაირბინა.

აქ რალაცას ფეხი წაჰკრა. დაიხარა და მოსინჯა. ხელში გრძელი, აბრეშუმივით ბალანი შერჩა. რიჰარდს ყვირილი აღმოხდა. მერე, თვითონაც ვერ გაერკვია რად, თავისი მოხუცი მსახურის ოთახში შეირბინა. ყრუ მოხუცი მშვიდად სუნთქავდა ლოგინში. მაგიდიდან სანთელი აიღო, ანთო და ისევ წინკარში გამოვიდა. იქ უძრავად ეგდო ძაღლი, ფეხები გაეჭიმა, ყავისფერი თვალები გაფართოებოდა და ღიად დარჩენოდა. კაცი ძირს დაეცა და სანთელი გვამს ზედ დაანათა. მოლურჯო აპკს დაეფარა თვალთა ბრწყინვა. ცივად, თითქოს უსიტყვო საყვედურით შესცქეროდა პატრონს. რიჰარდს მოეჩვენა, თითქოს კედლები გამჟვირვალე გახდა და დაინახა, თითქოს გელზე ორი ახალგაზრდა გარბის და წითლად მოელვარე აისის ფარდის იქით უჩინარდება.

უცბად კაცმა კიბე აირბინა და ფრანცისკას ოთახში შეიჭრა. ოთახი ცარიელი დაუხვდა, ლოგინი გაუშლელი. როგორც ჩანდა, საბანზე ზემოდან დაწოლილიყო მცირე ხნით დასასვენებლად. ბალიშზე მისი ხელის ანაბეჭდი დარჩენილიყო.

თავი ვერ შეიკავა, ანაბეჭდს ხელით არ შეხებოდა, თითქოს მისი აქ ცხოვრების უკანასკნელ კვალს ეალერსებაო. შემთხვევით მის ხელში იარაღმა გაიქვრიალა და მეყვსეულად თავში სხვა ფიქრმა გაუელვა. სწრაფი ნახტომით კიბესთან გაჩნდა, მაგრამ აქ შესდგა. რა უნდა ექნა? ერთხელ უკვე შეიღება წითლად ღელები. კიბე ნელა აიარა და საძინებელ ოთახში შევიდა, პისტოლეტი თავის ადგილზე ჩამოჰკიდა. შემდეგ

გულმოდგინედ გამოეწყო. ჩაცმას რომ მორჩა, სამუშაო ოთახში გავიდა, ფანჯრებზე ფარდები ააწია და მაგიდის უკრა გააღო, რომელშიც ფასიანი ქაღალდები ელაგა.

წინასწარ იცოდა, იქ რა დაუხვდებოდა. რაც მისი იყო, ხელუხლებლად იღო, ფრანცისკას სახელდაწერილი შეეკვრა კი გამქრალიყო. რამდენიმე ხანს კიდევ ეძება, ეგებ ფრანცისკამ რამე ბარათი დამიტოვა, გამოსამშვიდობებელი სიტყვა, ანდა სხვა რამეო. მთელი უკრა ამოაქოთა, მაგრამ ამაოდ, ვერაფერი იპოვა.

ფანჯარაში დილის მზის პირველი სხივები შემოიჭრა და კარს ზემოთ ბნელიდან გამოჰკვეთა ძველი ნახატი. როცა კაცმა შემთხვევით სურათს შეხედა, უცნაური რამ მოეჩვენა — გზის პირას მდგარ მარტოხელა მოხუცს თავი მოებრუნებინა და მას გადმომოჰყურებდა.

მზემ შეიმალლა. შპალერზე დავიწყების ყვავილები ბრწყინავდნენ. რიჰარდი ისევ სურათს შეჰყურებდა. ის, რასაც იგი უყურებდა, მისი სახის ორეული იყო.

ოქტომბერი დადგა. ნაშუადღევს ტრაქტირი „შავ ფიქვებში“ ერთმანეთის პირდაპირ დამსხდარიყვნენ მეტრაქტირე და ჩია ტანის ქალაქელი მედღუქნე. მთელი მაგიდა ცარკით ნაწერციფრებს დაეფარა. ისინი ისევ კვარტლის ნახარჯს ანგარიშობდნენ, ჯამი გამოიყვანეს და ანგარიში გაასწორეს. დარჩენილი დრო სამასლაათოდ იყო განკუთვნილი და ისინიც საამისოდ იყენებდნენ.

ძია კასპერი ჩვეულებრივად მოსწყდა ამ მიწიურ ამბებს და ფანტაზიორობას შეუდგა.

— გინდ დამიჯერეთ, გინდ არა, — დაიწყო მან იღუმალი

ხმით. — გოგონა მისი საკუთარი სისხლი და ხორცი იყო. მაგრამ მას, რასაკვირველია, არ უნდოდა, ვინმეს რაღაც სცოდნოდა ამის შესახებ, რადგან იგი ფედერსის გვართ მონათლეს და ერთ მაგისტრთან გაიზარდა. მისთვის მეურვეც სასამართლოს მეშვეობით დაანიშნინა.

— ძია კასპერ, — იკითხა პატარა მეღუქნემ, — თქვენ ისევ თქვენს ვეჭილთან იყავით ქალაქში?

— ო, პფეფერს, გინდ დამიჯერე, გინდ არა! ის მეურვე თვითონ ჩემთან იყო, სწორედ მაგ ადგილზე იჯდა, სადაც ახლა თქვენ ზიხართ, და თავისი წილი არაყიც მანდ გამოწრუპა. იქ, „ბრიყვის თავშესაფარში“ ისინი სწორედ ეს-ესაა შეთანხმდნენ, რომ საბრალო ბავშვს მიათხოვებენ მდიდარ მეპურეს, რომელიც უკვე მეტისმეტად დაჩაჩანაკებულია. გოგონა ისე გაველურებულა, რომ ობლების მოხუც მომელელს უკვე აღარ შეუძლია მისი დაჭერა. რას იზამ პფეფერს, მან ხომ არჩია იმ შავხუჭუჭა ბიჭთან... — მან მეღუქნეს თავი დაუქნია და მრავალმნიშვნელოვნად შეუბერა გაფარჩხულ თითებს.

— ეს კი დიდებული ზღაპარი შეთხზე, ძია კასპერ, — ჩაერია მეორე, — ოღონდ თარიღები არ ემთხვევა ერთმანეთს. საქმე ის არის, რომ როცა გოგო დაიბადა, ლოქტორი სამი წლის წასული იყო ამ მიდამოებიდან. მაგრამ, ჯობს, ეს ჭიქები ერთმანეთს მივუჯახუნოთ, თქვენ კი გიხაროდეთ, რომ შავხუჭუჭამ თქვენი ანა — მარგრეტიც თან არ წაიყვანა. იმ ყმაწვილს ისეთი სახე აქვს, ერთს, ალბათ, დიდხანს არ დასჯერდება.

ბიძა კასპერმა გაიცინა და ფანჯარაში გაიხედა.

— აი, ინსპექტორიც მოდის! — წარმოთქვა მან..

ინსპექტორმა ამ დროს თავისი პუდელის თანხლებით ბე-

ბერი მუხის ქვეშ გაიარა, რომლის წვერზე ფოთოლგამეჩხერე-
ბულ ტოტებში ამჟამად ცარიელი ბუდე ჰოჩანდა.

ინსპექტორს მეფუნდუკე კარებთან შეეგება.

— რას გვეტყვი, ბატონო ინსპექტორო, — მხიარულად
შესძახა მან, — ყველაფერი ისევ ძველებურად არის?

— ყველაფერი. ძვრა არა აქვს, — მიუგო მოხუცმა, „ტყის
თავშესაფრის“ დიდი გასაღები მაგიდაზე დაახეთქა, თვითონ
კი სკამზე დაეზღერთა. — გუშინ წავიდა ქალაქისაკენ უკანას-
კნელი ფორანი, — ყველაფერი, მთელი ქონება ჩაქუჩის დარ-
ტყმას ელის¹. მთელ ფულს მოხუცი ლევერენცი მიიღებს.

— ბატონი დოქტორი? — იკითხა მეფუნდუკემ. — ის სად
წავიდა?

— არ ვიცი, — მიუგო მოხუცმა. — არც მაინტერესებს.
ქვეყანა დიდია.

პატარა პფეფერსმა მაგიდიდან გასაღები აიღო და იქ
მსხლმთა თავებს ზემოთ ასწია:

— ვინ ყიდულობს „ბრიყვის თავშესაფარს“? პირველი —
მოხუცი ბატონი, მეორე — ბატონი ბოტანიკოსი. მესამედ ვინ-
ღა იყიდის?

— მოეშვი ავციობას, პფეფერს! — უთხრა მოხუცმა და ხე-
ლიდან გასაღები გამოართვა. — ის ლომისფერი ძაღლი მენა-
ნება მხოლოდ. გულანდილად გეტყვით, ნამდვილად ფასდაუ-
ღებელი განძი იყო! ჩემს ფილაქსსაც კი სჯობდა.

¹ საჯარო ვაჭრობით გაიყიდებაო (მთარგმ.).



ფ ს ი ქ ე ა

ავგისტო იყო. თუმცა მზე საშუაღდეოზე ასულიყო, მაიხც ციოდა. ჩრდილო-დასავლეთის ძლიერი ქარი ქროდა. ქარი და ზღვის მოქცევა გაშმაგებით მიერეკებოდა აქაფებულ ტალღებს ორ ჯებირს შორის მოქცეულ ფართო ყურეში, რომელიც ქალაქს ზედ მიდგომოდა. ზღვის ნაპირზე შორიშორ შიბშული ორი საბანაო ბოგირი ხან მალლა აიწეოდა, ხან დაეშეებოდა. ქალაქში ლაპარაკობდნენ, ალბათ ზღვაზე ქარიშხალი მძვინვარებსო, და არც ცდებოდნენ, რადგან სხვა დროს მობანავეებით ავსებული სანაპირო დღეს უკაცრიელი ჩანდა. მხოლოდ ქალაქიდან ყველაზე დაცილებულ საბანაო ბოგირის გვერდით აღმართული ფარდულის წინ იდგა ხმელ-ხმელი, ხანდაზმული ქალი. გახუნებული მერდინის ფართოფარფლებიანი შლაპის ვრძელი ბაბთები ჰაერში უფრიალებდა და ტკაცუნობდა. ქალებისა და ბავშვების საბანაო ქუდები და პირსახოცები ხელუხლებლად ელაგა ფარდულის თაროებზე.

— ჯობს, შინ წავიდე, — ჩაილაპარაკა თავისთვის, — ამ ძაღლ ამინდში საბანაოდ არავენ მოვა.

თვალეზთან აფრიალებულ ბაბთებს ხელი წააელო და საგუბარის გაყოლებით ქალაქისაკენ გაიხედა. საგუბრის ახლოს დაბმული ცხვრები, სადამდეც კი თოკები გასწვდნოდნათ, ერთად შექუჩებულისყვნენ და ქარისთვის ზურგი შეექციათ. სხვა არაფერი ჩანდა... მაგრამ არა, საგუბრის კედელზე ორი მამაკაცი მოდიოდა. მალე ისინი უახლოესი ბოგირის იქით ჩებირის ქვემოთ ჩავიდნენ. თავისებური მდებარეობის გამო ეს ბოგირი მამაკაცებისათვის დაეთმოთ. თან წამოღებული პირსახოტები თავსზემოთ ასწიეს და ააფრიალეს. მათი ქაბუკური სიცალი და მზიარული წამოძახილები მოხუც ქალამდე ვერ აღწევდა — ბგერებს ქარი პირიდან გლეჯდა და ქალაქისაკენ მიიქროლებდა.

— შინ ერჩიათ დარჩენილისყვნენ. — ჩაიბუზღუნა მოხუცმა, როცა ორი ვაჟი საბანაო ფარდულის კარსშიგნით მიიძალა. — მაგრამ რა ჩემი საქმეა, ჯობს, შინ წავიდე. — სარტყელიდან დიდი ტომპაკური* ჯიბის საათი ამოაძერინა და ციფრები თითით დაითვალა. — მხოლოდ ერთი ვინმე შეიძლებოდა მოსულყო ასეთ უამინდობაში, მაგრამ მისი დროც გადასულა. მოქცევა ხეგარ საათსდა გაგრძელდება, და მოსვლა რომ ნდომოდა, ამდენ ხანს შინ არ გაჩერდებოდა.

მოხუცმა ფარდულის ჩრდილოეთით მოქცეული კარის შეღებ დააპირა, მაგრამ ქალაქისაკენ კიდევ ერთხელ გაიხედა და ორივე ხელი შლაპაზე წაივლო.

— ღვთისმშობელო მარიამო! — წამოიძახა მან. — შეიძლება, კაცი კათოლიკე გახდეს*, ეს ხომ ის არის!

მართლაც შეამჩნევდით ქალაქის მხრიდან ჩებირზე მომავალ ქალს. მაგრამ იგი ქალი კი არა, ნორჩი გოგონა, ჯერ სრულიად

გაუშლელი კოკორი ჩანდა. ქარისა და უამინდობის მიუხედავად, მაინც სწრაფად ახლოვდებოდა. ჩალის ქუდი მოხდოდა და ახლა ბაბთით ეჭირა ხელში. მზისფერი ნაწნავები ქარს დაეშალა და ზურგზე უფრიალებდა. ნაბიჯს თანდათან უმატებდა და შავი თვალებით მიდამოს ათვალეირებდა. როგორც კი ფარდულის წინ გამხდარი მოხუცი შენიშნა, ჯებირიდან ძირს ჩახტა და მისკენ გაიქცა.

— კატი! — დაიძახა მოსულმა, — აღრე მოსვლა ვერ შევიძელი. ვიფიქრე კიდევ, ვაი თუ შინ წავიდა-მეთქი.

— კარგი იყო, ამდენი ჭკუა რომ მქონოდა, — ჩაილულლულა მოხუცმა.

— ნუ ბუზღუნებ, კატი! — გოგონამ თითი დაუქნია მას, მოხუცმა კი სიყვარულით შეხედა თვალებში.

— ცუდი ამინდი რომ არის, გოგონი? — უთხრა მოხუცმა და ქალიშვილს ქერა თმა გადაუწია შუბლიდან.

— სწორედ ეს არის კარგი! დღეს აქ აღარც ძუძუმწოვრები არიან და აღარც ბებერი დეიდები. ეს ქვეყანა დღეს მე მეკუთვნის, ძირს მე ვარ ბატონი, მაღლა — ფრინველები. აბა იმ მშვენიერ ვერცხლისფერ თოლიებს შეხედე. ვაშა, კატი, რა კარგი იქნება დღეს აქ!

— მაშა, გოგონი, მაშ ფრინველებიც კი ხმელეთისკენ მიეშურებიან.

— თუ ქარი მიერეკება მიწისკენ? მე კი, კატი, ვერაფერს დამაკლებს.

მოხუცმა გაკვირვებით შეხედა ქალიშვილს:

— რას ამბობთ, ბავშვებო! აბა შეხედეთ, როგორ ჭოჭინა ცხენივით ირწევა ბოგირი. იქამდე მისასვლელი გზა წყლით არის დაფარული.

ქალიშვილი ფეხის წვერებზე აიწია და სანაპიროს გახედა.

— უკეთესი იქნება, ფეხსაცმელები და წინდები შენს ფარდულში გავიხადო, — უთხრა ქალს და თავი მხიარულად დაუქნია.

კატის ფარდული საკმაოდ გულმისაჯალი იყო. თუმცა აქაც მხოლოდ ცარიელი ფიცრები ელაგა, მაგრამ კარის პირდაპირ რბილი ტახტი იდგა და ზედ ფერად-ფერადი ბალიშები ეწყო. ერთ მხარეს, საბანაო ნივთების თაროს გვერდით, მეორე თარო გაეწყოთ, რომელზედაც მიხაკისფერი ყუვადანი, კოლოფები და ფინჯნები ჩაემწყვრივებინათ. ქალაქის მხარეს დატანებული ფანჯრიდან შუადღის მზე შემოდრიოდა და ფარდულს სითბოთი და შუქით ავსებდა.

— ჰმ, — თქვა გოგონამ და ღიმილით თაროსკენ ანიშნა. — ყველა ამ ქ—ნ კამერეტინებს*, ქ—ნ კრიგსრეტინებს* და ქ—ნ ბარონებს თავიანთი შაქრისა და ყავის კოლოფების გასაღებები ჭიბეში უწყვიად. ერთი შეხე, ყველგან კლიტეები არა ჰკიდიო! მაშასადამე, მაგ კოლოფებს თითსაც ვერ დავაკარებთ, კატი?

— მერე რა გინდათ, თქვენც ხომ იმ სამი ბებერი ქალბატონივით ბანაობის შემდეგ ყავას არა სვამთ?

— არა, მე კი არა, კატი, მაგრამ შენ როგორ დალევ?

— მე? მე სახლში ჩემი ვარდკაჭკაჭა მაქვს. კატასაც თავისი წილი აქვს.

გოგონამ ჭიბეში ხელი ჩაიყო და ფინჯნების თაროს ქვეშ მაგიდაზე ქაღალდის ორი პატარა პარკი დადო.

— აი მოკა, — თქვა მან საზეიმოდ, — და წვრილად დამტვრეული რაფინადი. დედაჩემმა საკუთრად შენთვის გამიხვია. იცოდა, დღეს ჩემი ყურისმგდებელი მხოლოდ შენ იქნებოდი.

აბა. სპირტქურა აანთე და ყავა მოხარუე. შენს კატას კი ჩემი სალამი გადაეცი

გოგონა ტახტზე დაჯდა და წინდებისა და ფეხსაცმელის გახდას შეუდგა. მოხუცი ქალი მის წინ იდგა და გოგონას შესციცინებდა. მადლობა ხმამაღლა არ უთქვამს. მხოლოდ ეს წაილაპარაკა:

— დედათქვენი არ მივიწყებს. — ცოტა ხნის შემდეგ კი ჰკითხა: — დედათქვენმა გამოგიშვათ?

— გამომიშვაო?.. დედაჩემი შენსავით მშიშარა კი არ არის! არა გრცხვენია, კატი, ამხელა ქალს, ეგეთი მშიშარა რომ ხარ?

— კარგი, კარგი, არც მე გედავებით, გოგონი. ვერასოდეს ვერ ვივიწყებ იმ შიშს. ერთხელ რომ გამოვცადე პაპათქვენთან, როცა მოხუც ბურგომისტრთან ბავშვების გამზრდელად ვმუშაობდი. ქალბატონი დედათქვენი, — ის ალბათ არ მიწყენს, — მაშინ სწორედ თქვენი ხნისა იყო.

გოგონამ შიშველი ფეხები ტახტის კიდეზე შეაწყო და სიამოვნებით მიუფიცხა თბილ მზეს.

— ერთხელაც მომიყევი, კატი, ის ამბავი.

მოხუცი გოგონას გვერდით დაჯდა.

— ხშირად მიაშინია, მაგრამ ისევ დედათქვენი კი მიდგას თვალწინ, ეგრე რვა-ცხრა წლის დაუდეგარი გოგონა იყო. თქვენსავით მშვენიერი, ოქროსფერი თმა ჰქონდა.

— ოქროსფერი, კატი?... მადლობელი ვარ.

— ოქროსფერი არ არის? რა ვიცი — მშვენიერი კი არის და

— კი, კატი, მაგრამ დედაჩემის თმა დღესაც ხომ სჯობია ჩემსას? ორ გრძელ მსხვილ ნაწნავს ატარებდა, არა?

მოხუცმა თავი დაუქნია.

— მაგრამ, კატი, განა დედაჩემი არასოდეს დადიოდა ჩვეულებრივად, როგორც მე ხნ სხვები დავდივართ?

— ჩვეულებრივ სიარულად ის მიგაჩნიათ, წელან სავუბარი დან რომ ჩამოხტით? — ლამაზ გოგონას მოხუცმა თავზე ხეშეშა ხელი გადაუსვა. ბავშვი თვალებგაციოსკროვნებული შესტკეპროდა მოხუცს, რომელმაც ისევ განაგრძო: — დია, დიახ, საკმაოდ ბევრი რამით ჰგავხართ დედას. ერთხელ, ერთ დილას, მან სიმაღლიდან ხტომაში ისახელა თავი. შვიდი ფუტის სიმაღლის კედელზე იჯდა ის ქაჯი, თავისი სავარძლით, სათამაშო მაგიდითა და თოჯინების ჩაის სერვიზით. კედელთან დაგრეხილა, ზებერი იასამანი იღვა. ყველაფერი ამ იასამანზე დაელაგებინა და თვითონაც გაშლილ ყვავილებში ისე მოთავსებულიყო, თითქოს ფანჩატურში ზისო.

გოგონა მოხუც მეგობარს ხელს აღარ უშლიდა, პირი გაეღო და თვალებგაცეცებული ყურს უგდებდა მოხუცის თხრობას.

— მე უმცროსი დის, დეიდათქვენის, ქალბატონ ელსაბეს გამზრდელი ვიყავი, — განაგრძო მოხუცმა. — თან დედათქვენი ზედაც უნდა მჭეროდა თვალი. მაგრამ ყაჩაღანას ყოველ წუთს თვალს როგორ ადევნებ? დიდი ბალის ყორე ერთ ადგილას მთლად დადაბლებული იყო. იქ იშვიათად თუ გაივლიდა კაცი. იმ დღეს, როცა დეიდათქვენი ასე კარგად ერთობოდა, ჩვენ იმ ბაღში წავედით. ბატონ ბურგომისტრს თავისი ყვავილებიანი პიჟამა ეცვა და თავზე ფუნჯიანი ჩაჩი ეხურა. იგი მულაჟ ალერსიანი ბატონი იყო.

„მოდი, კატი, — დამიძახა მან, — პატარა ელსაბე აიყვანე ხელში. იქ, ზემოთ ყორის თავზე გაჩვენებთ ჩემს ბაიის საწოლს...“ მაგრამ, ო, უცებ რა დაჯინახეთ!.. ეს კოპწია ქაჯი იმ

საშინელ კედელზე პრინცესასავით გამოჰიმულიყო, გარს ყვავილები შემოხვეოდა, ხელში ფინჯანი ეჭირა და პატარა კაკუზით ურევდა. მერე ფინჯანი პირთან მიიტანა, ვითომ მართლა სვამდა და მაგიდაზე კალათში მჭდარ თოჯინას თავი დაუქნია. ძარღვებში სისხლი გამეყინა. კინალამ ელსაბე გამივარდა ხელიდან. ბატონ ბურგომისტრსაც თმა ყალყზე დაუდგა. გაშეშებული იღვა მშვენიერ პიჯამაში გამოწყობილი და ხმის ამოდებას ვერ ბედავდა. ახლა იმანაც შეგვაძჩნია. „ო, მამა! მამა და კატი!“ დაიძახა გაკვირვებით და თავი ჩვენსკენ მოაბრუნა. ძამამ მხოლოდ ხელი დაუქნია ჩუმაღ.

— რაო მამა, შენთან ჩამოხვიდე? ახლავე, ახლავე, აბა დამიჭირე!

სანამ ჩვენ გონს მოვიდოდით, მთელი კოვზები და ფინჯნები ძირს ჩამოყარა. ბატონმა ბურგომისტრმა ხმა ვერ ამოიღო, იმასლა ცდილობდა, ბავშვი როგორმე მოხერხებულად დაეჭირა. დედაშენმა მაგიდა რომ მოასუფთავა, თოჯინა ხელში აიყვანა, თოჯზე მოცეკვავესავით მრგვალ კედელზე რამდენიმე ნაბიჯი გადმოდგა, და, — ო, იესო ქრისტევ! მე, ბატონმა ბურგომისტრმა და ელსაბემაც ერთად შევყვირეთ, ის გადარეული კი თავის თოჯინიანად ქვემოთ გადმოხტა, შიგ ბატონ ბურგომისტრის ბაიის საწოლში.

გოგონას თვალები უბრწყინავდა.

— იცი, კატი, — თქვა მან, — დედაჩემი, ალბათ, ძალიან მიმზიდველი იყო, არა? ნეტავ ერთხელ მაინც მენახა ისეთი: თუმცა ახლაც ახალგაზრდა და ლამაზია. მჯერა, დღესაც შეუძლია კედლიდან გადმოხტეს.

მოხუცმა თავი გადააქნია.

— რას არ მოიფიქრებდა ის დაუდევარი, ყოველ დღე რაღაც ახალს მოიგონებდა ხოლმე.

ის-ის იყო მოხუცმა თბრობის განგრძობა დააპირა, რომ ქარია ფარდულის კარი შემოგლიჯა. კონონებმა ფარდულის გვერდზე ჩაიფრინა და დაიყრანტალა. ნაპირიდან წყლის შხუ-ლი ისმოდა.

გოგონა უცბად მთელი ტანით წამოიშრათა და მოხუცს წინ დაუდგა.

— ო, შე ცბიერო კატი, — წამოიძახა მან და პატარა მუშტი მუქარით მოუღერა. — ახლალა შევამჩნიე, რომ ჩემი დაყოვნება გინდა, სანამ შენი ტომბაკური საათი პირველს მიუახლოვდება და შინ წასვლის დრო მომივა, არა? ახლა კი, კატი...— გოგონამ მოხდენილი რევერანსი გააკეთა, უცბად გარეთ გაჯარდა და ხელები ისე აამოძრავა, თითქოს ჰაერში ცურავსო. მოხუციც ფეხდაფეხ გაჰყვა. მიხვდა, რომ გოგონამ ეშმაკობა გაუგო.

— ღვთის გულისთვის, დღეს ბოვირიდან ნუ გადმოხტებო, — შეეხვეწა მოხუცი.

— რატომ, კატი? შენ ხომ იცი, რომ კარგად ვცურავ! ეს სახლისოც კი იქნება.

თევზი და ფრინველი;
ქარი და ტალღა —
ეს ხომ ჩემი შეგობრებია!

მშვენიერი თავი ქარს შეაგება და ნაპირისაკენ სიმღერით გასწია. შიშველ ფეხებში ზაფხულის თხელი კაბა ებლანდებოდა.

მოხუცმა თავი გადააქნია და ფარდულში შებრუნდა. სავარძლის წინ დაწყობილი გოგონას წინდები და ფეხსაცმელები ფაქიზად გასწია გვერდით. შემდეგ თუნუქის ქვაბში სურიდან წყალი ჩაასხა და სპირტის ნათურას მოუკიდა.

— დღეს ბავშვიც სიამოვნებით დალევს ერთ ფინჯანს, —

თქვა მან, თაროდან ფინჯანი ჩამოიღო და ყავის პატარა კოლოფი ფინჯანზე დადგმულ ძაბრზე მოაპირქვეავა.

მაგრამ ვერ იქნა და ვერ დამშვიდდა. იმ კრუხს ჰგავდა, რომელმაც წიწილების მაგიერ იხვის ჭუჭყულები გამოჩეკა, წარამარა რომ წყლისკენ გარბიან.

რამდენჯერმე კარში გაიხედა, მერე გარეთ გავიდა და ნაპირისაკენ გაიქცა. სახტომ ბოგირამდე მისასვლელი ბილიკი წყლით დაფარულიყო და იფიქრებდით, ატორტმანებული ფარდული მიწაზე აღარაფრით არის დამაგრებულიო. თვალწინ აღელვებული მწვანე ზღვა გადაშლილიყო. მეორე მხარეს წყალი ისე მოსდებოდა, რომ ქალმა მწვანე ნაპირის მოხაზულობა ძლივს გაარჩია.

— ფროილან, ფროილან! — გასძახა მოხუცმა.

პასუხი არავის გაუცია, ქარმა თუ ჩაახშო მისი ხმა, მაგრამ ბოგირთან წყლის ჭყაპანი გაისმა. კმაყოფილმა მოხუცმა თავი დაუქნია და ისევ ფარდულში შებრუნდა.

ამასობაში პირველ ბოგირთან, სადაც ტანისამოსის საერთო გასახდელი იყო, ორმა ქაბუკმა საუბრით გული იჯერა. უფროსი, დაგრუზული წაბლისფერთმიანი ახალგაზრდა, მოქანდაკე იყო. იგი იტალიასა და საბერძნეთში მოგზაურობიდან სამიოდეთვის წინ დაბრუნებულიყო თავის მშობლიურ ჩრდილო გერმანიის დედაქალაქში. ამ ზღვისპირა ქალაქში კი, რომელიც დედაქალაქთან ახლოს იყო, რამდენიმე დღის წინათ ჩამოსულიყო ძველი მეგობრის სანახავად. სამხრეთ გერმანიაში სწავლის დროს მათ ყველაზე ახლო ურთიერთობა ჰქონდათ. რამდენიმე დღის ერთად ყოფნა საკმარისი არ იყო, რომ მეგობრებს ურთი-

ერთისათვის განცდილ დღეთა შთაბეჭდილებანი გაეზიარებინათ.

— შენ რა, მართლა გინდა დღეს საღამოს გაემგზავრო, მე კი ამ აქტების მტვერში მიმატოვო მარტოდმარტო და ისიც მას შემდეგ, რაც ამდენი განცდით ამავეს?

ახალგაზრდა ხელოვანმა ჯერ გაიღიმა, მერე კი სერიოზულად შეხედა მეგობარს და უთხრა:

— რატომ არ მოკიდებ წელს საპრისსა და ფუნჯს? ერთიცა და მეორეც ახლა შენს ბედად უნდა მიიჩნიო.

— ეს მაინც არ არის იმის მიზეზი, დღესვე რომ მიმატოვო.

— იძულებული ვარ, ერნსტ. დედაჩემს შეეპირდი, რომ ხვალინდელ დღეს შინ ვიქნებოდი. ამას გარდა, ხომ იცი, ჩემი ბრუნჰილდე* არ მასვენებს. — მოქანდაკემ წაბლისფერ თმაზე ხელი გადაისვა და ნათელ თვალებს ზემოთ შუბლი ისე შექმუნხნა, თითქოს გონებრივ შრომას იწყებდა.

— ბრუნჰილდე! ჯერაც არ მესმის, რატომ აირჩიე სწორედ ეს თემა? — წარმოთქვა მეორემ.

— შენ მეკითხები, რა არის ჩემთვის ჰეკუბა*. მეც არ ვიცი. ერთხელ, როგორც მეგონა, დამაინტერესა, მაგრამ...

— მაგრამ, — შეაწყვეტინა მეგობარმა, — ალბათ, განმარტებას შენი ქანდაკების საძირკველზე ამოკრი. რა საჭიროა თემის ასეთი შორეული წარსულიდან აღება? განა თანადროულობას არაფერი აქვს გამოსადეგი?

— რატომ, ერნსტ, შენ თითქმის ისევე ლაპარაკობ, როგორც, აღარ მახსოვს, რომელიღაც დიდი კრიტიკოსი* იმერმანის „ტრისტან და იზოლდაზე“. რა საქმე აქვს ხელოვანს დროსთან. ან სიუჟეტთან? შესაძლოა, ზეციდან, რომელიც ცოცხლებს მალლიდან დაგვყურებს, ელვამ იფეთქოს. მაგრამ, რასაც ეს ელ-

ვა კანათებს, გინდაც იგი წარსულის უღრმეს სამარეში იყოს
ვაგვავებულნი, ცოცხალი იქნება იმისთვის, ვისაც მისი დანახვა
შეუძლია.

ახალგაზრდა ხელოვანის თვალები ახლა პირველად შეყვარე-
ბული წარმტაცი გოგონას ალტყინებისაგან გაბრწყინებულ თვა-
ლებს მოგაგონებდათ.

— დღეს ნუ ვიდავებთ, — უკანა მერემ და მეგობარს
აღერსით ახედა, — მაგრამ, ეს ელვა როდის გაკაშკაშდება?

— იყავ ღვთისმომშიში და ადიდე ღმერთები! მხოლოდ მაშინ
ელირსება ახლად გაღვიძებულ სიცოცხლეს დღის შუქზე გამო-
ტანა. მე მგონია, და შენც დამეთანხმები. რომ ჩემმა თვალებმა
უკვე რამდენიმეჯერ შეიძლეს ხილვა, ჩემი ხელები საკმაოდ
ძლირი და უზადო აღმოჩნდა... სწორედ ამაშია საქმე, — განაგრ-
ძო მან ისევ, რაკილა მეგობარმა თავისი რწმენა ხელის ჩამორ-
თმევით დაუდასტურა. — მე, ცოტა არ იყოს, ვშიშობ, რომ ამჯე-
რად დანახვა რიგიანად ვერ შევიძელი. ეგებ ამის მიზეზი ისიც

არის, რომ სამშობლოში ჯერ კიდევ ცოტა ხანია ვარ. ჩრდილო-
ეთის საშინელ ვალკირიებს* ჩემს წარმოდგენაში კვლავ სდევ-
ნის ანტიკური ღმერთების ნათელი. ჩრდილოეთის ზღვის ამ
მწვანე ტალღებიდანაც კი თვალწინ ლევკოთეას* სახე წარმო-
მიდგება, ოდისევისის მშველელი მეგობრისა. ახლა გამიშვი, მა-
ინც ხომ არაფერში გამოგადგები!

ამ საუბარში ტანისამოსიც გაიხადეს და ზღვაში გადასაშვე-
ზად გარეთ გამოვიდნენ.

კაცი ისურვებდა, რომ ამ მოქანდაკის გარდა, რომელიც თავის
მეგობარზე უფრო მშვენიერი იყო, აქ ყოფილიყო რომე-
ლიმე სხვა ხელოვანიც, რათა მომავალ ქმნილებათა გამოსაძერ-
წად ამ ახალგაზრდების სინატიფით გაყდენთილიყო.

თვალწინ გადაშლილ აბობოქრებულ ზღვის სივრცეს ყმაწვილკაცები მოჯადობებულებივით შესცქეროდნენ. ამოგორდებოდა ძალუმი ტალღები ზღვის სიღრმიდან ზედაპირზე, ერთი წამით მზე დაკრავდა და შემდეგ ქაფად იქცეოდა, მათ ისევ სხვები მისდევდა, შეუსვენებლად და დაუღალავად. ირგვლივ ქარიშხლისა და ზღვის გამაყრუებელი გმინვა იდგა. ზოგჯერ ამ გმინვაში ზღვის ფრინველთა ხმებიც გამოერეოდა. ფიცარნაგს, რომელზეც ყმაწვილები იდგნენ, უცბად ძლიერი ტალღა მიეხალა და შეფეხები შეასხურა.

— ოჰო, ტალღები თანდათან მოთმინებას კარგავენ! — წამოიძახა ახალგაზრდა აქტენმანმა, — აბა, გადავეშვათ და ტრიტონებივით* ვისრიალოთ ამ მწვანე კრისტალებში.

ხელოვანი შორს იყურებოდა და მეგობარს არ უსმენდა.

— რა დაგემაართა, ფრანც?

— აბა იქით გაიხედე, ქალების ფარდულისაკენ! — ხელით ანიშნა აქაფებულ ტალღებზე.

— ქალია! არა, ბავშვია! — წამოიძახა ერნსტმა შიშით.

— ასე ჩანს, მაგრამ ოკეანიდე* როდია!

— არა, არა! ამოდ ებრძვის ტალღებს. და ზღვის დამამშვიდებელი ბუკიც სამწუხაროდ მხოლოდ ბებერ მამა ტრიტონს აქვს!

ერნსტი გადასახტომად მოემზადა, მაგრამ მეგობარმა უცბად შეაჩერა.

— შენ ნუ გადახტები, ერნსტ! მე უკეთესი მოცურავე ვარ. ერთიც საკმარისია. შენ იმ მოხუც მეჭისესთან გაიქეცი და ეს ამბავი შეატყობინე.

ამ სიტყვების წარმოთქმისთანავე წყალმა მალღა ამოასხა და უცბად ბოგირიდან მოცურავის ხუჭუჭა, წაბლისფერთმიანმა

თავმა ზღვიდან ამოყვინთა. მკლავების მძლავრი მოსმით ტალღები გააპო და წინ გაიქრა. ირგლივ ყველაფერი კაშკაშებდა და თვალისმომკრელად ელვარებდა. მკლავების ერთი-ორჯერ გაქნევა და ვაჟი ტალღას ქოჩორზე მოექცა, თვალი აქაფებულ წყალს მოავლო.

ვაჟისგან მოშორებით ტალღები მშვენიერ ოქროსფერ თმას ითამაშებოდა. ხანდახან ორი პატარა ხელი გაიელვებდა მოძრავ კრისტალებში, მაგრამ ტალღები ამ ხელებსაც უკვე თავის ნებანზე ათამაშებდა. იქვე ახლოს ზღვის მერცხალი დაეშვა, კვლავ წამოფრინდა, მკახე, თითქოს დამცინავი ხმით დაიქლურტულა და წყლის ზედაპირზე გადაიფრინა.

მოხუცი კატი ყავის საფქვეავს ახრიალებდა და გოგოზე ფიქრი არ ასვენებდა. ქარიშხალი მისი ფარდულის ფიცრებს ურტყამდა, გარედან ქარს წარამარა მოჰქონდა ფრინველთა ჩხავილის ხმა. სკამზე მეტხანს ველარ გაძლო. გარეთ გავიდა, ფეხთ გაიხადა და ბოგირისაკენ გატოპა. იქ გაძვალტყავებული თითებით ხან ერთ სააბაზანოს კარზე აკაკუნებდა, ხან მეორეზე.

— ვაჰ, მე უბედურს. ხმა გამეცით, ფროილან, ხმა!

პასუხი არავის გაუცია. მხოლოდ ზღვის ერთფეროვანი გრილი ისმოდა. როცა მოხუცმა ხმელეთისაკენ უმწეოდ მოიხედა, დაინახა, რომ მისი ფარდულისაკენ ვიღაც კაცი მორბოდა. მაშინვე შეძახილიც ჩაესმა ყურში.

— ფრაუ კატი! ფრაუ კატი ვუღღ!

— აქა ვარ! რა მოხდა, ღმერთო! — გასძახა ქალმა და ატორტმანებულ ფიცარნაგზე ხმელეთისაკენ სწრაფად გაირბინა. — ო, ღმერთო ჩემო, ეს თქვენ ბრძანდებით, ბატონო ბარონო? ოჰ, ბავშვი, ბავშვი!

ერსტმა სიტყვის უთქმელად ქალს ხელი ჩაკიდა. ძალით შემოაბრუნა და ზღვის გაშლილ სივრცისაკენ გაახედა.

— ის ბატონი ბავშვს ეძებს?— იკითხა შემინებულმა მოხუც-
ნა

ჭაბუკმა თავი დაუქნია.

— მოწყალეო ღმერთო! უკადრისი ლაპარაკი საჭირო არ არის, მე კი ვილანძღებოდი, ბატონონ ბარონო, როცა წელან ჯებირზე დაგინახეთ. უკადრისი ლაპარაკი არ შეიძლება. არა, არასოდეს, არასოდეს!

ბარონმა არაფერი უპასუხა. დაძაბული იმზირებოდა ტალღებისაკენ. შორიდან ყრუ გუგუნი ისმოდა. თრიოდე წამის შემდეგ ბარონმა მოხუცს ხელი ჩააგლო და უთხრა:

— ეგერ შეხედეთ, კატი! ფრანცს გოგონა ხელით მოჰყავს! მოხუცმა შეჰკივლა.

მოცურავის ფართო მკერდი აქაფებულ ტალღებს ასცდა. მალე დაინახეს, ვაჟი ნელა, მაგრამ მტკიცე ნაბიჯით ამოდიოდა ციცაბო ნაპირზე, მკლავებზე ეწვინა ქორფა სხეული, რომელიც არც ზრდადასრულებული ქალივით ხორცსავსე იყო და არც ბავშვივით გამხდარი. ნამდვილ ფსიქეას ჰგავდა: ხამდვილი ფსიქეა იქნებოდა, იგი რომ როდისმე არსებელიყო. პატარა თავი უკან გადაეწია, ცალი ხელი უსიცოცხლოდ ძირს დაეკილა. ზეციდან დაშვებული შხის სხივი ანათებდა მათ სხეულებს.

— ყველაფერი ისეა, როგორც იმ დროს, როცა ღმერთები ბატონობდნენ, — ჩაილულლულა ჭაბუკმა, რომელიც ამ ამბავს სუნთქვაშეკრული შესცქეროდა. — ახლა კი, ქალბატონო კატი, ნაპირზე ჩადით. ბავშვს მიეგებეთ. მე ქალაქში გავიქცევი ექიმისათვის, შეიძლება საჭირო იყოს.

ჭაბუკმა მოხუც კატის კიდეგ რამდენიმე საჭირო მითითება

მისცა და ქალაქში ისე გაიქცა, რომ ქალიშვილის სახელიც არ უკითხავს.

რამდენიმე წუთის შემდეგ მთლად ძალმიხდილი ნაზი გოგონა ფარდულში ტახტზე იწვა. მკერდამდე მოხუცის წითელი შალი ეფარა. აცახცახებული მოხუცი მის წინ იდგა და ქვითინის შეკავებას ცდილობდა. ხელი პირსახოცს დაავლო და შეეცადა ყველაფერი ისე გაეკეთებინა, როგორც დაარიგეს. შემდეგ ისევ დაიღუნა და თავის საყვარელ გოგონას ჩააცქერდა სახეში.

— კატი! — ეს სიტყვა ნორჩმა ბაგეებმა წარმოთქვა. გოგონამ თვალები იმედიანად შეავლო მოხუცს. — ხომ არ დავმხრჩვალვარ, კატი!

მოხუცი მის წინ მუხლებზე დაეცა, თვალებიდან მღუღარება გადმოედვარა და გოგონას ხელები, მკერდი და ლოყები დაუკოცნა.

ო, ფრონლაინ, საყვარელო ბავშვო, რა შიში გვაქამეთ რა გვეშველებოდა ის ახალგაზრდა ბატონი რომ არ შეგსწრებოდა! მე კი უკადრისად მოვიხსენიე, მე ჭკუათხელმა, ჭებირზე მომავალი რომ დავინახე.

გოგონამ უცბად გაუწოდა ქალს ხელი.

— გაჩუმდი, კატი, ღეთის გულისათვის! არ მინდა ვიცოდე მისი სახელი, არასოდეს არ მინდა გავიგო.

— მას ხომ არც ვიცნობ! პირველად ვნახე, აჭაური არ უნდა იყოს.

გოგონა წამოიწია, თავი ხელებზე დააყრდნო და მოღუშული ერთ წერტილს მიაშტერდა.

— კატი, — წარმოთქვა გოგონამ, — კატი, ვისურვებდი, რომ იგი მომკვდარიყო.

— რას ამბობთ. ბაეშვო, ღმერთს რადა სცოდავო? ო, ფრო-
ილან, ის ხომ ისე კეთილი აღმოჩნდა! მან ხომ სიციოცხლე გას-
წირა თქვენთვის?!

— სიციოცხლე გასწირა? ჩემთვის? მართლა გასწირა? მე კი
არც მიფიქრია.

— ნამდვილად. განა ზღვას თქვენი ორივეს ერთად დახრ-
ჩობა არ შეეძლო?

— ჩვენი? ორივესი!? — გოგონამ თვალები დახუჭა,
მაგრამ მაინც ვერ მოიშორა ფერმკრთალი ყმაწვალის მშვენი-
ერი სახე, რომელიც წელან შიშითა და სინაზით აღესილი დაქ-
უყურებდა.

მოხუცმა პირსახოცი აიღო და გოგონას სველი თმის შემ-
შრალემა დაუწყო, თან წამდაუწუმ ფერგამკრთალ შუბლზე
გაძვალტყავებულ ხელს უსევამდა.

— კატი, — დაიწყო გოგონამ, — არა, იმას არა და მე კი და-
მახრჩობდა! ო, ჩემი საბრალო დედა! — დახუჭულ თვალთა-
გან ცრემლები გადმოსცივდა. — არ შემიძლია, კატი, მადლობა
გადავუხადო. არასოდეს. არასოდეს! ო, რა უბედური ვარ!

— დამშვიდდით, ფროილან, ეს არცაა საჭირო. ყველაფერს
დედა მოაგვარებს.

— დედა? — წამოიყვირა გოგონამ.

— ღმერთო ჩემო, ფროილან, რამ შეგაშინათ?

გოგონას შიშველი მკლავები წინ გაეშვირა და ისე იჭდა
ტახტზე. ასე ხელებგაშვერილი ნაზი არსება თვით საბრალო მო-
ხუცი ქალისთვისაც კი უმწეო მშვენების მომხიბვლელ სურათს
წარმოადგენდა.

— დედა?! — კვლავ წამოიძახა გოგონამ. — დიახ, დიახ, კატი,
ის ყველაფერს მოაგვარებდა, ბევრიც რომ მეხვეწნა... მაგრამ,

კატრი, დედამ არაფერი არ უნდა გაიგოს. აღმიტყვი, შემომფიცე, რომ არასოდეს არაფერს ეტყვი. — გოგონამ დაჩოქილ მოხუცს კისერზე მკლავები შემოხვია.

— კარგი, კეთილი, ფროილან, თუკი თქვენ ამით დამშვიდდებით, სამარესავით ჩუმი ვიქნები.

— არა, კატი, წესიერად შემომფიცე. თქვი: ღმერთსა ვფიცავარ, რომ კრინტს არსად დავძრავ-თქო.

— აჰა, კარგი: ღმერთსა ვფიცავარ. დაუფიცებლადაც არ დამცდებოდა არც ერთი სიტყვა.

— მადლობელი ვარ, ბებერო კატი. მაგრამ აქ ვილაც სხვა ვაჟიც იყო.

— კი, ის...

— არა, არა, მის სახელს ნუ მეტყვი, — პატარა ცივი ხელი გოგონამ კატის პირზე დააფარა. — მხოლოდ ის მითხარი, ხომ არ მიცნო?

— მგონი, არა, ფროილან. როცა თქვენ ჯებირზე მოდიოდით ის და მისი ამხანაგი იქით იდგნენ ბოგირზე. შემდეგ შორს იყო. ახლა კი ქალაქში გაიქცა.

გოგონამ თავი დაიქნია, მკლავები თავქვეშ ამოიღო და ისევ ტახტზე დადებულ ბალიშზე მიესვენა.

— ახლავე დავბრუნდები, — თქვა მოხუცმა და ფეხზე წამოდგა, — წავალ და მეორე ბატონს ვეტყვი, რომ კარგად ხართ და ექიმი საჭირო არ არის-მეთქი.

— მაგრამ არ დაგავიწყდეს, რაც...

— არა-მეთქი, ფროილან, ხომ შემოგფიცეთ.

...რამდენიმე ხნის შემდეგ უკანმობრუნებულ მოხუცს ახალგაზრდა ქალი უკვე სრულიად ჩაცმული დაუხვდა და ახლა თავზე შალს იხვევდა. მაგრამ კატიმ გოგონა არ გაუშვა, და რად-

გან ძალიან შეცივებული იყო, ერთი ფინჯანი ცხელი ყავა და-
ალევიანა.

— თუ ფროილანი ცოტას მოიკდის, ჩვენ ახლავე ერთად
წავალთ, — თქვა მოხუცმა.

მაგრამ ფროილანის პირდაპირი გზით არ უნდოდა ქალაქში
დაბრუნება. სურდა შორი გზით მოეგლო, კოოგეზე* გაეელო
და ქალაქში ისე მისულიყო.

— თუ თქვენ ახალგაზრდა ბატონს ასე ძალიან ერიდებით,
ის ახლავე ბოგირიდან დაბრუნდება. ცოტა შევიცადოთ და
ამასობაში ქალაქისკენაც გზას გაუდგება.

გოგონა არ დათანხმდა.

— მაშ კარგი, — უთხრა მოხუცმა, — მაშინ მეც თქვენთან
ერთად წამოვალ. შინ მხოლოდ პინცი მელოდება, ალბათ,
აღარც ის მელოდება, უკვე კაფელის ღუმელთან ეძინება. თქვენ
კი არ შეიძლება მარტო იაროთ, ამ ბილიკებზე ხომ ნახირია
მოფენილი.

გოგონა მაინც უარზე იდგა. მარტო უნდოდა წასულიყო.

— კატი, ბებერო კატი, — გოგონამ ხელები კატის დანა-
ოქებულ ლოყებს მოუთათუნა. — ძროხები და ხარები რას მერ-
ჩიან. შემხედე, სულ-თეთრებში ვარ, ტუჩებზეც კი არ შემრჩე-
ნია სიწითლე. — ხელით ზაფხულის თხელი კაბა შეისწორა და
ისევ განაგრძო: — აქ ხომ მყარ მიწაზე ვდგევარ, სწრაფად გავი-
ქცევი. მერე ჩვენს ბაღში ბოლოდან შევიპარები და არავის და-
ვენახვები. ისე რომ ეს ამბავი შენს მეტს არავის ეცოდინება,
შენ კი ხომ შემომფიცე?

მოხუცმა თავი გადააქნია. გოგონა უკვე გარეთ იყო. ფრთხი-
ლი ფრინველივით ჭერ ჭებირის მოლზე აირბინა და მეორე
მხარეს დაეშვა. აქ ერთი წამით გაირინდა, თითქოს დამალვა უნ-

დაო. წედანდელი სიანცე. მოხუცის წინ დგომისას რომ სახე-ზე ეხატა, ახლა სრულიად გაქქრობოდა. თავი ჩაფიქრებით მალ-ლა ასწია და სერიოზული დიდი თვალეზი მარშის* გადამწვანე-ბულ დაბლობს მოავლო, რომელიც თვალუწედნელ სივრცე-ზე გაქიშულიყო. მოლაპლაპე არხებს შუა, სადამდეც თვალი გასწედებოდა, უზარმაზარ ფართობზე, მოჩანდა მობალახე სა-ქონელი და ქანქრობში მოდებული დაბალი კვრინჩხნარი. ყვე-ლაფერს ამას კარგად იცნობდა, ხშირად მოუვლია თვალი ამ მადამოსათვის. ახლა ქალაქისაკენ ზურგშექცეული დაადგა ვიწ-რო ბილიკს, რომელიც არხსა და მაღალ ჯებირს შუა იყო მოქ-ცეული. რადგან ქარი ჩრდილო-დასავლეთიდან უბერავდა, გო-გონა აქეთ გადმოვიდა და ჯებირის ზღვისაკენ მიქცეულ მხარეს მოერიდა. ქარმა ერთხელ ჩალის ქუდიც მოჰგლიჯა და საგუ-ბარს შეახალა. რამდენჯერმე შეჩერდა, რომ აფრიალებული თავშალი ნიკაპთან მაგრად შეესკვნა. შემდეგ უკან შიშით მო-იხედა, მაგრამ ძეხორციელი არსად ჩანდა, მხოლოდ ხანდახან გადაუფრენდნენ თავზე ზღვის ფრინველები, ანდა კოოგედან პრანწია წამოფრინდებოდა.

უცბად გზა ჩაშავებულმა წყალმა გადაულობა. ასობით წლების განმავლობაში ზღვის ტალღებს გაენგრია საგუბარის კედელი და აქ დაგუბებულებო. წყალი სწორედ მაშინ გადმო-ესხა გზას, როცა გოგონამ გაიარა. ორმა რუხმა იხვმა, რომელიც ჩამუქებული წყლის ქოჩორზე ქანაობდა, უჩუმრად ჩაყვინთა სიღრმეში.

ჩაშავებული ტბორის უკან ჯებირი დასავლეთისაკენ უხვევ-და და აქედან არხებს და კოოგეს შუა მაშინვე იწყებოდა ბა-ლახით დაფარული ვიწრო ბილიკი. როცა გოგონამ ბილიკის ბო-ლოს მიიღწია, საიდანაც გზა ქანქრობზე გადიოდა, საგუბრის

ძირში შეამჩნია ქალაქისკენ მიმავალი მამაკაცი, იგი უკვე შორს იყო და აჩრდილივით მოჩანდა. გოგონა შიშისაგან შეხტა. ბოგაზე შემდგარი ფეხი უკან გადმოდგა და ხელით ბოძს ჩაეკიდა. ქარიშხლისგან ჩამოგდებული ფრინველივით დაეკიდა იგი დამპალ ბოძს: გაღებულ ბაგეები უძრავად დარჩენოდა, მხოლოდ შავი თვალები უელავდა და მონუსხულივით შექყურებდა შორეულ სილუეტს, რომელიც თანდათან მკრთალდებოდა. გოგონას ნორჩ ბაგეთაგან მოისმა ტაქიზი, კოკორის გაფურჩქნის ხმის მსგავსი ბგერა. შემდეგ იგი ბილიკზე შეხტა და ზმანება-მორეულივით გზას გაუყვა. ხანდახან მისკენ რომელიღაც ძროხა გაიქცეოდა კულაპრეხილი, მაგრამ გოგონა ვერაფერს ამჩნევდა. ძროხა ჩერდებოდა და უაზროდ თვალებდაკაკლული გზად მომავალს მანამდე შექყურებდა, სანამ იგი თვალს არ მოეფარებოდა.

იქით კი საგუბარზე შეუმჩნევლად იდგა კიდევ ერთი ადამიანი, რომელიც შუადღის ნათელ ცაზე უზარმაზარი სილუეტით მოჩანდა. ეს იყო ქალი, რომელსაც თავზე უზარმაზარი ქუდი დაედო, ისეთი, როგორსაც ოცდაათი წლის წინათ ხმარობდნენ ქალები.

ქუდი ჰორიზონტზე მანამდე მოჩანდა, სანამ ქვემოთ, კოგეზე, თეთრი კაბა მიიმალებოდა.

დადგა ზამთარი. დეკემბრის სისხამი დილის პირველ სხივებს ცა გაებრწყინებინა და მოქანდაკის სახელოსნოს ბინდბუნდსაც ებრძოდა. სახელოსნო მოფენილი იყო ჩამოსხმული ანტიკური ქანდაკებებითა და ცალკეული შოდელებით, რომელიც ხელოვანის საკუთარ მარჯვენას შეეკმნა. ერთ კედელზე ეკიდა ბახუსის ღრეობა, მეორეზე პართენონის* ფრიზები. მაგრამ ყვე-

ლაფერი ეს ჯერ კიდევ ბინდში იყო მზის პირველ სხივს წით-
ლად შეეფაკლა ლოყები ფავნისა*, რომელიც ფლევიტას უკრავ-
და. ბინდიდან გამოჩნდა შესავლის მარჯვენა კუთხეში მიდგმუ-
ლი რუხი თიხისაგან გამოძერწილი ჩრდილოეთის ვალკირიას
ზეადამიანურად ძლიერი ფიგურა. დასრულებული იყო მხო-
ლოდ მისი ზემო ნაწილი და ერთი ხელი, მუქარის გამოსახატა-
ვად, ზემოთ იყო აწეული. დაბლა ჯერ სახემიუცემელი თიხის
მასა იდო და ისეთი შთაბეჭდილება იქმნებოდა, თითქოს იგი
უხეში კლდიდან გამოზრდილაო. შეიძლება იგი საშინელ ბრუნ-
პილდედაც მიგეჩნიათ, რომელიც წარბშეკრული გასცქეროდა
საბერძნეთის მხიარულ წარმომადგენლებს.

კარში გასაღებმა გაიჩხაკუნა. სახელოსნოში შემოვიდა
თაფლისფერთვალებიანი, თმახუჭუჭი ტანადი ახალგაზრდა.
დღეს მისი თვალი არც საკუთარი ყალმით დახატულს მიუზიდ-
ნია, არც სხვის მიერ შექმნილ ტილოებს. მათ უგულოდ ჩაუა-
რა და სულწასულის სისწრაფით აიტაცა წერილი, რომელიც
სამოდელო მაგიდაზე იდო. იქვე სავარძელში მოსხლეტით ჩაჯ-
და და წერილის ის ადგილი მოძებნა, რომელიც გუშინ რამ-
დენჯერმე წაიკითხა.

„მგონი, მენდობი, ფრანც, რომ ჩემს აღთქმულს შეევასრუ-
ლებ. ის ამბავი არც ვინმე გარეშესათვის მითქვამს და არც რო-
ნელიმე მეგობრისათვის. შენს მიერ დახრჩობას გადარჩენილი
ქალიშვილის ვინაობის გაგების ყოველი სურვილი გულში ჩა-
ვიკალ. მაშინაც კი, როცა ერთ დღეს საიდუმლოების გასაგებად
საკმარისი იყო მხოლოდ ბალის ღობე გადამეწია, თუმცა ძალის
დატანებით, მაგრამ მაინც კატონის* სიმტკიცით გვერდით ჩა-
ვიარე. მეორე მხარეც ასეთსავე დუმილს ინარჩუნებს და ჩვენს
შოხუც მექისესაც პირზე გასაღებმოურგებელი კლიტე ადევს.

მაგრამ ჩემი მუყაითობის გარეშე საიდუმლოს ფარდა მაინც ეხსნება.

ჩვენს ქალაქში არის ერთი სრულიად ყმაწვილი ქალი, ბიჭივით გამბედავი და პეპელასავით ფაქიზი. თუმცა მან მხოლოდ ამ გაზაფხულს დაამთავრა სასწავლებელი, მაგრამ ზაფხულის დახუთულ ღამეს, ალბათ, მრავალი ვაჟი ოცნებობს იმაზე, რომ ზამთარში დახურულ სამეჯლისო დარბაზში გოგონა ფრთებით დაიჭიროს. მინდა გულწრფელად გაგიმჟღავნო, — ნუ გამიბრაზდები, — ამ მამაც მეოცნებებს მეც ვეკუთვნოდი. შემთხვევით გავიგე, რომ მოხუცი ბურგომისტრის ცოლს, რომელიც ამ გოგონას კერპივით თაყვანსა სცემს, მისთვის წინასწარ თეთრი კაშკაღია გაუზრდია. ამჟამად იმედი გამართლებია და კამელია სწორედ მეჯლისის წინა დღეს გაშლილა. მაგრამ ზეიმზე არ მოსულა, არც თეთრი კამელია და არც თვით ღმერთების ქერა ასული. იატაკს არ შეხებია მისი ვერცხლისებრი ფეხი, მხოლოდ ხელოვანისათვის გულისამრევი ჩვეულებრივი მოკვდავნი ირეოდნენ ერთმანეთში აგზნებული სახეებით.

მდგომარეობა შემდეგაც არ შეცვლილა. გუშინდელ მეჯლისზე არაფერი გარკვეულა, ის მხოლოდ ძალიან ვიწრო წრეში ჩნდება, რომელსაც მე, სამწუხაროდ, არ ვეკუთვნი. ზაფხულიდან მოკიდებული დედის სახლსა და ბაღს არ გასცილებია. იმ დღიდან ეს გაბედული მოცურავე არ გამოჩენილა არც ჭებირზე და არც ზღვის პირას.

ამის თაობაზე ბევრს ლაპარაკობენ. ზოგი ამბობს, რომ იგი უკვე აკვანში დაუნიშნავთ სადღაც მყოფ ბიძაშვილზე, რომელსაც თურმე არ ჰყვარებია, როცა ქალი ცეკვავს ან ცურავს და თავისი უფლებები ახლა გამოიყენაო. მეორენი ამბობენ —

შეყვარებული არისო. ჩემთვის ყველაფერი გამჟღავნებელი პირ-
ბადეშია გახვეული და დღესავით ნათელია.

არა, არა! ნუ შეგეშინდება. სახელს კი არ გიხსენებ. კარგად
გიცნობ — კაშკაშა დღემ სუსტი სხივითაც კი არ უნდა გაარღვი-
ოს შენი ფანტაზიის ბურუსი. შენმა კეთილმა თვალმა აროდეს
უნდა იხილოს იგი. ამგვარად თქვენ ორივენი უვნებელი იქნე-
ბით. შენ შენი ხელოვნებით, ის კი თავისი უბიწო ქალწულო-
ბით, რომლის დაცვასაც შენ, სხვათა შორის. — ო, ადამიან-
გულის იდუმალო წინააღმდეგობავი — თითქმის ანგარებია
გახელებით ცდილობ“.

ფრანცმა კითხვა შეწყვიტა. წერილი ხელიდან გააგდო,
თვითონ წამოდგა და ზურგზე ხელებდაწყობილი თავის პირ-
ქუშად მომზირალ ჩრდილოურ ვალკირიას წინ დადგა. ამ წუ-
თას მისთვის ვალკირია იყო ფონი, რომელზეც მისი გონების
თვალს სხვა ნათელი სურათი ესახებოდა. ნელა შებრუნდა და
ფანჯარასთან მივიდა.

ხელოვანის სახლი ჩრდილოეთის დედაქალაქის ერთ-ერთ
გარეუბანში იდგა. აქედან თვალწინ იშლებოდა ვრცელი მინ-
დვრები და ბუჩქნარი, რომლებიც ახლა კაშკაშა აისს გაესხი-
ვოსნებინა. ვარდისფერი შუქის ათინათი სახეზე დასთამაშებ-
და ახალგაზრდა ხელოვანს, რომელიც გარინდებული გაპყუ-
რებდა მიდამოს, თითქოს შორს, ცის დასალიერთან ხედავდა
იმას, რაც მის წარმოსახვაში ასე ძალუმად ცდილობდა გან-
სხეულებას...

— საბრალო ფსიქეა! — წარმოთქვა ვაჟმა. — საწყალო მო-
ფარფატე პეპელავი შენი მშობლიური აყვავებული ველიდან
უცხო ზღვისაკენ გაიწიე... არა, ფრანცი თავს რად იტყუებ, სულ
ერთია, მაინც ველარ მოიტყუებ... ფსიქეა, გასაშლელად გამზა-

დებულო ვარდის კოკორო, ყოველგვარი მშვენიერის მიძინებულო იღუძალებავ, ეს შენ იყავი, ფსიქეა... როგორ ხარბავ გიკრავდნენ ტალღები. როგორ ფარვანასავით ფაქიში ფრთებით დატორტმანებდი!.. ნუთუ მართლა მე ვიყავი, მკლავებზე დასვენებული რომ ამოგიყვანე?

ოთახში შებრუნდა. მისი ხელები უნებურად შეეხნენ სამუშაო დაზგაზე დადგმულ ჩვილ თიხის გუნდას. შემდეგ იქვე მიდებული საძერწი აიღო.

— როგორ გადმოგვეცემს აპულიეოსი* მიმზიდველ ზღაპარს? — ფსიქეამ, მეფის საწყალმა, იოლად მორწმუნე ბავშვმა, დაიჯერა შურიანი დების ნათქვამი, — შენი შეყვარებული, რომელსაც შენთან მეწამულ ღამეს დროს უტარება უნდა, უჩინელიაო. არგუსების* რჩევის შემდეგ ანთებული ღამპითა და ბასრი ხმლით შეიარაღებული ფსიქეა მძინარე შეყვარებულთან მივიდა ბანაკში და აღტაცებით აცახცახებულმა იცნო ღმერთთა შორის უმშვენიერესი. მაგრამ პატარა ღამპა უკანკალებდა და ცხელი ქონის წვეთმა მძინარე გააღვიძა. გაჯავრებული ღვთაება ქალის სუსტ მკლავებს გაუსხლტა და პაერში აფრინდა. კვიპაროსის კენწეროზე შემდგარმა უკადრისი სიტყვებით მოიხსენია გადარეული შეყვარებული ფსიქეა, მერე ფრთები გაშალა და უხილავ სივრცეს მოეფარა...

— ო, ტკბილო ფსიქეა! როგორც კი იგი თვალთავან მიგეფარა, შენ ახლოს ტალღების ტყლაშუნი შეიცან. მაშინვე ახტი და ტალღებში გადაეშვი. მოკრძალებული სიცოცხლე ყინულისით წყლისთვის გაიმეტე. მაგრამ წყლის ღმერთს შეეშინდა ძლიერი ღმერთისა, რომელიც ზღვასაც კი აღუღებს, ხელში ევაქიზად აგიყვანა, ნაპირზე გამოგიყვანა და აყვავებულ ბალახებზე დაგაწვინა... და განა ღმერთები ხშირად არ იღებდნენ

ადამიანის სახეს? ჰო, და ახლა, ალბათ, მან ჩემი სახე მიიღო, და მე მომეჩვენა, თითქოს ეს თავად ვიყავი. ო, ტკბილო ფსიქეა შენ თავს არც ერთ ღმერთს არ დავანებებდი!“.

ამ სიტყვებს იგი თავის გულში ლაპარაკობდა.

აისის ალი ცაზე გაბაცდა და მშვენიერ განთიადს ნაცრისფერი დღე მოჰყვა. ფლეიტის დამკვრელი ფაენი და სხვა სკულპტურებიც ახლა ზამთრის ცივი სინათლით განათებულიყო. მხოლოდ ხელოვანის სახეს შერჩენოდა ჭაბუკური შუქი. ამდენი სულიერი განცდების შემდეგ გულის სიღრმეში ჩარჩა ერთი სურათი, რომელიც უტყვად და მხურვალედ ეგედრებოდა განოკვეთილი სახის მიცემას. ვაჟიც გამალებით შეუდგა მუშაობას და თიხის უფორმო მასიდან თანდათან საცნაური გახდა ფაქიზი ქალიშვილის სახე, გამოჩნდა მოხუჭული თვალები და პატარა, ოდნავ გაღებული ბაგეების მოხაზულობა.

მოშუაღღევდა. ზამთრის დღეს სინათლე მიეძალა. კარზე ჩუმად დააკაკუნეს, მაგრამ ვაჟს არაფერი ესმოდა. მისი თვალიც და ყურიც საკუთარი ქმნილებისადმი იყო მიპყრობილი, რომელიც თანდათან უფორმო ქაოსიდან დღის სინათლეზე გამოდიოდა.

კიდევ დააკაკუნეს. შემდეგ კი კარი გაიღო.

სახელოსნოში მოხუცი ქალი შემოვიდა.

— ნუთუ საუზმე არ გინდოდა, ფრანც?

— შენა ხარ, დედა! — შეკრთა ვაჟი და სწრაფი მოძრაობით იქვე მდებარე ტილო ნაძერწს დააფარა.

— არ მაჩვენებ, ფრანც? ახალი თემის ხორცშესხმა დაიწყე? სხვა დროს რომ არაფერი დაგიმაღავს ჩემთვის!

— მართალია, დედი, მაგრამ ამჯერად ვგრძნობ, რომ ეს უნდა

იყოს ჩემი საყვარელი ნამუშევარი, და ამიტომ ჯერ არ მინდა გაჩვენო, ჩემო კარგო, ჭაღარა დედავ.

ვაჟმა მხრებზე მოხვია ხელი და სახელოსნოდან გამოიყვანა დედა, რომელიც ვაჟიშვილს სიყვარულით შესცივინებდა. მალე შევიდნენ მყუდრო ოთახში, სადაც მათთვის საუზმე კარგა ხანია გაშლილი იყო.

ზამთარი მიიღია და გაზაფხული ძალაში შევიდა. მალე გაზაფხულმაც გაიარა და ნახევარმა ზაფხულმაც. დედაქალაქის ფართო ქუჩებში ცაცხვებს მტკერი დასდებოდათ და ფოთლები სანახევროდ შეხმობოდათ. ბუნების ნაცვლად, რომელმაც აქ თავის სიმშვენიერზე ასე ადრე აიღო ხელი. ახლა ხელოვნებამ გამოაჩინა თავისი საუნჯენი. წლებანდელი წელი ხელოვნების ნიმუშთა გამოფენის წელი იყო. აკადემიის კარი რამდენიმე კვირის წინ გაეღოთ დამთვალეირებელთათვის.

მოქანდაკეთა ნამუშევრებს შორის იყო ერთი ნატურალური სიდიდის ნახევარზომში შესრულებული მარმარილოს კომპოზიცია, რომელმაც ყველა დამთვალეირებლის მოწონება დაიმსახურა: ისლის გვირგვინით თავშემკულ ახალგაზრდა წყლის ღმერთს, რომელიც ფლატეებიან ნაპირზე ზემოთ ისწრაფვის, ხელში უჭირავს წარმტაცი გოგონა. ამ უკანასკნელს თავი უკან გადაუგდია და თვალები დაუხუქავს. მნახველები მას სუნთქვაშეკრულნი უახლოვდებიან, თითქოს ეს-ეს არის მისი უმანკო მკერდი აბორგლებო... „ფსიქეას გადარჩენა“, — ასე ეწოდებოდა ნამუშევარს კატალოგში.

ყველას პირზე ეკერა ახალგაზრდა მოქანდაკის სახელი. მის ქმნილებას განუწყვეტლივ ეხვეოდა მნახველი. სადაც კი ავტორს მოიხელთებდნენ ცნობისმოყვარენი, თავს აბეზრებდნენ შეკითხვებით.

—სომ მართალია, პატივცემულო.—მიმართა მას მოხუცმა ხელოვნების მეცენატმა, როძელსაც ახალგაზრდა მოქანდაკე საგამოფენო შენობის წინ გაეჩერებინა და გულითადად ესაუბრებოდა, — რომ ეს ნამუშევარი თქვენი რომში მოგზაურობის შედეგია? მაგრამ ამ უმშვენიერეს სახეს სად მიაკვლიეთ?

პირველ კითხვაზე ხელოვანს პასუხი არ გაუცია. მეორეზე კი ხალისით უპასუხა.

— ზამთრობით ხეტიალი მიყვარს. ერთ დღეს დავინახე, რომ ოლიმპოზე ფარდა შეირხა და მე ბედად მერგო მისთვის ერთ-ხელ მაინც შემეგლო თვალი.

მოხუცმა მოქანდაკეს ეშმაკურად შეხედა.

— თქვენ თავს არიდებთ პასუხის გაცემას. დიდხანს გაგრძელდა. ალბათ ეგ თვალის შევლება.

ახალგაზრდა ხელოვანმა თავი გადააქნია.

— მაგრამ, პატივცემულო, თქვენი მზერა სომ უცბად მელანქოლიური გახდებოდა?

— ჩემი მზერა? ეგებ ასეც იყო. სომ მოგეხსენებათ, არ შეიძლება დაუსჯელად უმზერდეთ ღმერთებს.

— დიახ, დიახ, თქვენ მართალი ხართ, — უპასუხა მოხუცმა და მსხვერპლი ამჯერად ამით გაათავისუფლა.

როგორც ჩვეულებრივად დიდი ქების შემდეგ ხდება ხოლმე, ახლაც ქებას ძაგება მოჰყვა; ზოგს ქანდაკება უხეირო სტილით შესრულებულად მიაჩნდა, ზოგი კი ამას ამბობდა — ფსიქეას ძირსდაშვებული ხელი განსაკუთრებით ნატურალისტურიაო.

— განა თქვენ, მამაკაცებს, რაიმე შემჩნევის უნარი გაქვთ? — წამოიძახა მხნე შესახედაობის თვალეხანთებულმა ქალმა, რომელმაც ქანდაკების მზერისას ის-ის იყო ასეთი შენიშვნე-

ბი მოისმინა. — ეს მშვენიერი მკლავი რემინისცენციაა. დამერ-
წმუნეთ ამას თავისი ცოცხალი ორეული ჰყავს. ეს ქანდაკება
სამახსოვრო ძეგლია, ალბათ...

— სიყვარულის საფლავზე?

— შეიძლება, ვინ იცის!

— ო, მოწყალეო ქალბატონო, თქვენ რაღაც იცით. გაგვიზი-
არეთ, გემუდარებით!

— არაფერი არ ვიცი, და რომ ვიცოდე, ასეთ რამეს ქალი
ვერც გეტყვით.

— მაშინ ხომ ყოველგვარ კრიტიკას ბოლო მოეღებოდა.

— მე მგონი, რომ ასეა.

ეს საუბარი სხვებმაც გაიგონეს. ამის შემდეგ ერთი ახალ-
გაზრდა მხატვარი თავის მეგობარ მოქანდაკეს სახელოსნოში
ეწვია და ზუსტად გადასცა საუბრის შინაარსი.

მოქანდაკემ დუმილით მოისმინა. ზურგით ფანჯარას მიეყრ-
დნო და ხელები ერთმანეთს გადააქლო იმ კაცის მსგავსად, რო-
მელიც თავის სამუშაოს შესრულებულად თვლის. შესასვლელ-
თან, კუთხეში, ჯერაც დაუმთავრებელი ვალკირია იდგა მუქა-
რის პოზაში, ბახუსის ღრეობის გვერდით ფაფნი უკრავდა ფლე-
იტას. სახელოსნო დილის ჭარბი მზით განათებულიყო, მაგრამ
სხვა ახალი სამუშაო არსად ჩანდა.

— გინდა სხვა რამეც გითხრა, ფრანც? — ჰკითხა მხატვარმა.

— საკმარისზე მეტ სისულელეს მოისმენ ქვეყნად.

მხატვარმა თავი გაიქნია.

— ჯერ ერთი, რატომ არის შენი წყლის ღმერთი, ფსიქეას
მსგავსად, ასე ძალიან ახალგაზრდა? კონტრასტის ზემოქმედე-
ბა ხომ გაცილებით შთამბეჭდავი იქნებოდა და ამავე დროს
წესიერი საზოგადოების შთაბეჭდილებაც მშვენივრად გან-

მტკიცდებოდა, შენ რომ ამ საშიში ახალგაზრდის მაგიერ მოხუცი საფრთხობელა აგედო, ერთი წყურთის სიგრძე ისლის წვერით. რომელზეც რამდენიმე ათეული კიბო და გარნელი იქნებოდა აღოდებული... ახლა ხედავ, ფრანც, რომ ძალზე ახლომხედველი და გულუბრყვილო გულშემატკივარი ხარ?

მოქანდაკემ არც ახლა უპასუხა. მაგრამ ოდნავ კი შეკრთა. წყლის ღმერთზე მას არც მაშინ უფიქრია, როცა თემა ჩაიფიქრა და არც შემდეგ, როცა სწრაფად შეასხა ხორცი. წყლის ღმერთის ჭაბუკური სხეულისათვის მას მზა ორეული ჰყავდა.

— ახლა კი უკანასკნელ კოზირს ჩამოვალ, — განაგრძო მხატვარმა, — წყლის ჭაბუკი ღმერთი შენ თავად ხარ. არა, სწორედ შენ კი არა ხარ, მაგრამ მას უეჭველად მიგამსგავსებენ.

— რას ამბობ? მე მიმამსგავსებენ, — უცბად გამოცოცხლდა ფანჯარასთან მდუმარედ მდგარი მოქანდაკე და სახელოსნოში შემოფოთებით დაიწყო წინ და უკან სიარული. შეეცადა ენერგიულად უარეყო მეგობრის აზრი.

მხატვარმა გამსჭვალავად შეხედა მოქანდაკეს.

— ძალიან გულზე კი მოგბვდა ჩემი ნათქვამი მოქანდაკე ისევ დადუმდა.

მსახურმა გოგონამ შეკვეთის ქაღალდი შემოიტანა.

— წერილი ხომ არ არის ჩემ სახელზე? — მოუთმენლად ჰკითხა მას ფრანცმა.

ფოსტის დამტარებელს ჯერ კიდევ არ ჩაევლო.

მხატვარმა შეატყო, საუბარი კვლავინდებურად ველარ აეწყობაო, და მეგობარს მალე გამოეთხოვა. მოქანდაკე ფანჯარასთან მივიდა და მინდორს გახედა. ჰორიზონტზე ზამთრის აისი

აღარ მოჩანდა. ნაგვიანევი ზაფხულის შუადღის ერთფეროვანი სითეთრე გადაჰკროდა ცას.

ფრანცს ახლა გაახსენდა ის საუბარი, დედასთან რომ ჰქონდა ამ ბოლო ხანს. „შენ პატარა მოგზაურობა უნდა მოაწყო, ფრანც“, უთხრა მაშინ დედამ. „დაძაბული მუშაობით დაიღალე“. „კი, დედაჩემო, ცუდი არ იქნება“. „მაგრამ ახალი აღარაფერი წამოიწყო,“ უთხრა დედამ. „ასე ფიქრობ? ჩემი აზრით ახლის წამოწყება, პირიქით, უკეთესი იქნებოდა“. დედას ეს, ცოტა არ იყოს, არ ესიაშოვნა. „რას ლაპარაკობ, ფრანც. შენს თავს ეწინააღმდეგები“.

„ნუ ნაღვლობ, დედა, ხელს აღარაფერს მოგკიდებ“.

ეს სიტყვები რაღაც უცნაური კილოთი ნათქვამი გამოუვიდა. ტანმორჩილი დედა შვილის ხელს დაეკიდა: „ჩემო ბიჭო, რაღაცას მიმაღავე“. მაშინ ვაჟი დედისაკენ დაიხარა და სიყვარულით უთხრა:

„ვის თვალთა წინ ავხადე პირველად საბურველი ჩემს ფსიქეას, დედიკო? ახლაც მაცალე ცოტა ხანს, სანამ მე თავად გავერკვეოდე. თუ არ გამოვიდა...“ წინადადება აღარ დაამთავრა ფრანცმა.

დედამ ორივე მკლავი შემოხვია თავის ტანაშოლტილ ვაჟკაცს და შეახსენა: „ნუ დაგავიწყდება, რომ შენ ისევ ჩემს გულში ზიხარ“. მერე ლოყაზე დაგორებული ცრემლები შეიშრო და ვაჟიშვილს გულდაჭერებით შეხედა. „მაინც უნდა წახვიდე, ფრანც. კარგი იქნება, შენს ზღვისპირელ მეგობარს ესტუმრო. იგი მხიარული და გულღია ახალგაზრდაა, ადრე რამდენჯერ გთხოვა გულწრფელად, მალე მეწვიეო“.

დედამ სწორედ ის თქვა, უნებლიეთ, რაც მის ვაჟს სურდა და აღელვებდა. ვაჟმა ვერაფერი უპასუხა, უეცრად ისე აუთ-

რთოლდა გული. წერილი კი იმავე დღეს გაუგზავნა მეგობარს.
და აი დღეს ელის იმ წერილის პასუხს. აგერ გაიღო კარი.
წერილი უკვე მოეტანათ.

—ერნსტისგანაა! — წამოიძახა გულშეკუმშულმა.

კონვერტი უცბად გახსნა და მეგობრის წერილი სულმოუთქ-
მელად გადაიკითხა.

„კარგად ვიცოდი, — წერდა მეგობარი, — რომ დამეთანხ-
მებოდი... მას შემდეგ, რაც შენმა მარმარილოს ქანდაკებამ შე-
ნი სახელოსნო დატოვა და სამყაროს წინაშე წარსდგა, ის ის
აღარ არის. ისიც, სხვათა მსგავსად, შენი ხელოვნების ქმნი-
ლება გახდა. ახლა კი ცოცხლები გაგიხდია შენი შემოქმედე-
ბის საგნად. მოვლენათა მსვლელობა იმდენად ბუნებრივია,
რომ ყოველ ექიმს შეეძლო შენთვის წინასწარ ეთქვა.

შეიძლებდი თუ არა მასთან გაუცნობლად დაახლოებას,
დაუხუჭა თუ არა მაშინ მას ტალღებმა, — აბა სხვამ რა-
ლამ? — თავისი ცისფერი თვალები, — ვის შეუძლია ეს განსაჯოს!
მუდამ გჯეროდეს, მე შენ გახსენებ შენსავე დევიზს: იყავ მორ-
წმუნე და ადიდე ღმერთები!

შენი ოთახი და მეგობარი შენ მოგელიან. მაგრამ ფრანცაი
ახლა მომისმინე გულდამშვიდებით! — შენ ეს კარგად იცი,
რადგან ოვიდიუსი წაგიკითხავს, — სადღაც სამყაროზე შიწის,
ჰაერისა და წყლის სამმაგ მიჯნაზე, განკერძოებულ მწვერვალ-
ზე დგას ფამას* ბრინჯაოს სახლი. მას უამრავი შესასვლელი
აქვს, რომელიც ღიაა დღითა და ღამით. იქ სიწყნარეს ვერსად
ნახავ, არც ერთ კუთხეში არ არის სიმშვიდე. უხილავ გველთა
გუნდების მსგავსად დასრიალებს დუღუნე და რბაზების თავა-
ნებქვეშ; ნიადაგ გაისმის მიმსვლელ-მომსვლელთა აქ შემოჭ-
რილ ხმათა გუგუნე. აღამიანის ხმადაბალი ჩურჩულიც კი, მისი

მკერდიდან ამოსული ჩუმი ამოხვრა, გინდაც იგი ათასობით წელი მანძილიდან მოდიოდა, უთუოდ მოხვედბა აქ, ახვინანებული კედლები მას ირგვლივ მიმოფანტავს და ერთიორად და ერთიათად გამრავლებულს კვლავ სამყაროს ხარბ ყურს მოჰფენს.

იქიდან უნდა იყოს იგი მოსული. მოხუცი მექისე კატი ყბედად არ მიმაჩნია, მაგრამ მათ ეს იციან, ნამდვილად იციან. ამის თაობაზე ლაპარაკობენ ყველანი ყველგან. მხოლოდ შენმა სახელმა ვერ მიაღწია ამ ბრინჯაოს სახლს, ალბათ, მას ტალღების ხმა ახშობს ჭერსნობით. მათ სამართლიანად ვუვებ ნიშანს, როცა ცხვირით ჰაერის ყნოსვას იწყებენ, როგორც კი მათი ყურები სინარბისაგან პირველყოფილ მდგომარეობას უბრუნდებიან და ჩოჩქოლობენ და წრიალებენ, მაგრამ მაინც ვერაფერს გებულობენ.

ასი მოუხეშავი და ვერაგი ხელი ეპოტინება შენს მშვენიერ პეპელას, რომ ფრთის მინანქარი გადააცალოს. ამიტომ ეს პეპელა აფრინდა და სადღაც გადაფრინდა. საით? ეს ფამას ჩემთვის ჯერ კიდევ არ გაუნდვია“.

...დიდი ხანი იყო, დედა წერილის კითხვით გართულ ვაჟი-შვილის წინ დამდგარიყო და მის აღელვებულ სახეს უმზერდა. ვაჟი ახლა ნელა შებრუნდა და თვალები დედას მიაპყრო.

— ჩემი „ფსიქეა“ გამოფენიდან უნდა გამოვიტანო, — თქვა ვაჟმა ნაწყენი ხმით. — მერე კი გავემგზავრები, მაგრამ არა ჩრდილოეთის ზღვისაკენ.

გათენდა დილა. ვაჟმა წასვლა გადაწყვიტა. ხელოვანს სურდა საკუთარ თავთან სრულიად მარტო დარჩენილიყო. არც მეგობარი, არც ამხანაგი, ძეხორციელი არავინ სურდა. ვაახსენდა შპრეს ტყე, რომლის დაბურულ ტოტებში ერთხელ მეგობარ

მხატვართან ერთად ზაფხულის ერთი მშვენიერი თვე გაატარა თევზაობაში. ერთადერთი ნავით მისრიალებდა მაშინ თხმელების თაღქვეშ აჩურობულ ლელიანში და ფართოფოთლებიან წყლის შროშანებში. რა გამამხნეველელი სიგრილე ელამუნებოდა სახეში.

ფრანცი აჩქარებით მიდიოდა დედაქალაქის ცაცხვებშემორგულ ქუჩაზე. გამგზავრება ხვალ, თუნდაც დღესვე შეეძლო. მაგრამ ერთხელ კიდევ სურდა ფსიქეა ენახა და შემდეგ მეგობარს გამოატანიებდა გამოფენიდან.

მზე ჯერაც ირიბად ეკიდა ცაზე. აკადემიის დარბაზები თუმცა ღია იყო, მაგრამ დამთვალეირებელთა შემოსვლის დრო არ დამდგარიყო. მხოლოდ ზემო სართულში, სადაც სურათები იყო გამოფენილი, აქა-იქ რამდენიმე უცნობი იდგა. ქვემო სართული კი, სადაც სკულპტურული ნიმუშები წარმოედგინათ, ცარიელი იყო. ქვემო დარბაზები დასავლეთით იყო მოქცეული, წაბლის რამდენიმე ხესაც ზედ ფანჯრებს წინ გაეშალათ უხვად შეფოთილი ტოტები, ამის გამო აქ ისევ ბნელოდა. მაღალ დარბაზებში დილის სიწყნარეს დაესადგურებინა და მშვენიერი მარმარილოს ქანდაკებები რაღაც საზეიმო მღუმარებაში გარინდებულიყო.

მიუხედავად იმისა, რომ ჯერ ადრე იყო, ერთი დამთვალეირებელი მაინც შემოსულიყო. როგორც კი ახალგაზრდა მოქანდაკე დარბაზში შევიდა და კარი დახურა, ბოლო დარბაზში ფრთხილი ნაბიჯის ხმა გაისმა. თუმცა ფრანცი თავს აქ ისე გრძნობდა, როგორც საკუთარ სახლში, მაინც კრძალვით დადიოდა, თითქოს ირგვლივ გამეფებული მღუმარების დარღვევისა ეშინიაო.

შუა დარბაზში ვაჟი ვენერას წინ შედგა. მნახველს ისეთი

შთაბეჭდილება რჩებოდა, თითქოს ვენერა ამ წუთას პირგახსნილი ნიჟარიდან პირველად შეჰყურებდა მზის სინათლეს. მაგრამ მის დიდებულ სახეზე, რომელსაც ხელოვანის ნატიფი ხელი ეტყობოდა, თვალები რაღაც დაბნეულად გამოიყურებოდა. ივითონაც ვერ გეტყობდათ, რატომ შეჩერდა მისთვის ესოდენ უცხო სურათის წინ. მისი ქმნილებაც აქვე იდგა, ბოლო დარბაზში. ის ხომ იმიტომ მოვიდა, რომ ერთხელ კიდევ შეემოწმებინა, თუ რამდენად გასცა ქანდაკებამ ავტორის საიდუმლო. ეგებ იმიტომაც მოვიდა, რომ თავისი ქმნილების ნახვით გამოსთხოვებოდა იმას, ვინც იგი შთააგონა. ანაზღად დარბაზის დუმილში ვაჟს მოეჩვენა, რომ ქანდაკება კვლავ მისი გახდა, რომ შეეძლო ღია კარიდან ამ მშვენიერი ქვის სუნთქვის გაგება

უცბად კარიდან შესაბრალისი ხმა შემოესმა.—ეს უკვე ზმანება არ იყო. „სადღაც ტყეში ერთხელ მსმენია ასეთი ხმა, დაკრილი ფურ-ირემისა“, — გაიფიქრა ვაჟმა.

კარის ზღურბლიდან სწრაფად მიიჭრა და იქვე გაშეშდა: პორფირის სვეტს, რომელიც დარბაზის თავანს შესდგომოდა, მიჰყუდებოდა სრულიად ნორჩი გოგონა და ფართოდ გაღებულ თვალებით ფრანცის ნამუშევარ მარმარილოს კომპოზიციას დაჟინებით შეჰყურებდა. მის გვერდით, იატაკზე, ზატხულის პატარა ქუდი ეგდო.

ვაჟის ფეხის ხმა რომ გაიგონა, გოგონამ თავი შემოაბრუნა და მათი თვალები ერთმანეთს შეხვდნენ. თითქოს ელვამ გაჰკრა და თვალისმომჭრელად გაანათათ მათ ირგვლივ. გოგონას მშვენიერი სახე, რომელიც მას ვაჟისაკენ მიექცია, საშინელების უკიდურესმა განცდამ თითქოს ერთბაშად გააქვავა. ასე იდგა გასაქცევად გამზადებული, ტანაშოლტილი გოგონა და

მკლავები ძირს ჩამოეყარა. თვალებს მოუსვენრად ატრიალებდა, თითქოს თავის დაღწევას ლამობსო.

ამაო იყო ყველაფერი! დარბაზიდან გასასვლელ ერთადერთ კართან იდგა მშვენიერი, საშიში ახალგაზრდა ვაჟი, რომელსე ფიქრსაც გოგონა კარგა ხანია ცდილობდა გაჰქცეოდა. ვაჟიც უძრავად იდგა, მხოლოდ ხელები გაეწვდინა გოგონასაკენ.

გოგონამ კიდევ ერთხელ გაბედა ვაჟისაკენ მიხედვა, მერე უმწეო ბავშვივით სახე ხელებში ჩამალა: მთელი მისი სიმტკიცე ამოწურული იყო.

და სასწორის ისარიც მხოლოდ ერთი წამით შეირხა სიკვდილ-სიცოცხლეს შორის, მხოლოდ ერთი წამით.

— ფსიქეა! ტკბილო, წარმტაცო, ფსიქეა! — ჩაიჩურჩულა ვაჟის ბაგეებმა და გოგონა თავის მკლავებში მოიქცია.

გოგონამ თავი უკან გადაჰკიდა და ვაჟმა შეამჩნია, როგორ მიელულა მას ვარსკვლავებივით ანთებული თვალეები. აღტყინებით მთვრალმა ვაჟმა გოგონა ხელში აიტაცა. მერე მღელვარებისაგან აკანკალებული ხმით ყურში ჩუმად ჩასჩურჩულა, რასაც ადრე თავისთვის ფიქრობდა:

— ახლა კი აღარ გაგიშვებ, არც ერთ ღმერთს შენს თავს აღარ დავანებებ!

შემდეგ გოგონამაც გახსნა მშვენიერი ბაგე:

— მითხარი: „არასოდეს!“ — ოდნავ მოისმა მისი მიღებული ხმა, — თორემ სირცხვილი დღესვე წამართმევს თვალის შუქს.

— არასოდეს! — დაიყვირა ვაჟმა და ეს ყვირილი დარბაზის თაღებში მეორედ მოსვლის ქუხილივით გახშიანდა. — არასოდეს, სანამ დღის შუქზე ვივლი.

— არა, არ კმარა, თქვი: „არასოდეს, უკუნითი უკუნისამდე!“

— აჩასოდეს, უკუნითი უკუნისამდე! იქაც, ქვესკნელშიც, იფარფატებულ აჩრდილთა შორისაც შენთან ვიქნები!

დაჰყურებდა ვაჟი ქალის უზომოდ მიმზიდველ სახესა და წამწამებით შემოჭარულ მშვენიერ თვალებს. ნელ-ნელა გახსნა ასულმა წამწამები და ჯერ ისევ კრთომით, შემდეგ კი, ნდობით შეხედა ვაჟს და სანდომიანი სახე თანდათან მზისებრ გაუცისკროვნდა.

რამდენ ხანს ეკავა ვაჟს ასული მკერდზე მიკრული, ვერავინ გეტყვით. წაბლის ხიდან ფანჯრისაკენ მოფრენილმა ჩიტმა მიიტანა მათ ყურამდე სამყაროსეული პირველი ბგერა.

ვაჟმა გოგონა ფრთხილად ჩამოსვა იატაკზე; ერთი ხელი ისევ ფაქიზად ჰქონდა შემოხვეული.

— შენ კი, მშვენიერო ქმნილებავე, როგორ მოხვდი აქ? ეგებ თავად ბედმა მოგიყვანა? — უცბად ჰკითხა გაოცებულმა ვაჟმა.

ასულმა მოკრძალებით მიუთითა მარმარილოს კომპოზიცი-აზე და მაშინვე ვაჟის მკერდში ჩამალა თავი.

— ამბობდნენ, რომ აგერ ის, ყველაზე უკეთესი რამ იყო, — წარმოთქვა გოგონამ და ძლივს გასაგონად დაუმატა: — მინდოდა იგი მარტოს მენახა, სანამ სხვები შემოვიდოდნენ. მეშინოდა... არ მკითხო, — რად, თავადაც არ ვიცი. მაგრამ ძალიან კი მეშინოდა აქ ყოფნისა.

— ვინ სხვები? — იკითხა ვაჟმა.

— ვინც ჩემთან არიან, — დედა და ბიძაჩემი. ზემოთ ვიყავით სურათების დარბაზში, და მე აქ გამოვიპარე.

შემდეგ ფერმკრთალ სახეზე უცბად აღრინდელმა მედიდურობამ გადაურბინა:

— მაგრამ რა გქვია შენ? ღმერთო ჩემო, მე ხომ ჯერ შენი სახელიც არ ვიცი?

— აბა გამოიცან!

გოგონამ თავი გააქნია და ოქროსფერი თმები შუბლზე ჩამოეშალა.

— აბა ჯერ შენ გამოიცანი ჩემი სახელი.

— მე? აბა მე რა გამოვიცნო?

— რა გამოიცნო? როგორ, განა მე სახელი არა მაქვს?

— ეს ხომ უკვე დიდი ხანია ვიცი, — უთხრა ვაჟმა და აბრე-შუმისებრ ფაქიზი თმა შუბლიდან გადაუწვია. — ეგერ, შეხედვის ხომ შენა ხარ! ესეც იცოდე, მთელი ამდენი ხნის მანძილზე მე ყოველდღე გესაუბრებოდი.

ლოყებშეფაკლულმა გოგონამ ხელები გაშალა და ვაჟს კისერზე შემოეხვია. ვაჟმა ღრმად ჩახედა გოგონას თვალებს.

— ო, რა ბედნიერებაა, რომ მოქანდაკე ხარ! — შესძახა გოგონამ.

ვაჟმა ქალი გულში ჩაიკრა და პირველად დაეკონა მის უბიწო ბაგეს.

მცირე ხნის შემდეგ ქალმა თავის სახელი ჩაიჩურჩულა ისე წყნარად, თითქოს საიდუმლო ყოფილიყოს და არ სურდა, მათ ირგვლივ მდგარ ქვის ქანდაკებებს გაეგონათ. მერე, როცა ვაჟის სახელიც მოისმინა, გახარებულმა წამოიძახა:

— ო, რა კარგი სახელია, სხვა სახელი არც უნდა გრქმეოდა.

ვაჟი ოცნებამორეული შესცქეროდა ქალს და ვერ გაეგო რატომ ერქვა მას „მარია“.

როცა ქალმა ვაჟის ნაფიქრალი გაიგო, გაეცინა და ყურში ჩაუჩურჩულა:

— ბურგომისტრის მოხუცი ცოლიც იმას მეუბნებოდა, რომ მე უკუღმა ვარ მონათლული.

— მონათლული! — გოცებით წამოიძახა ვაჟმა — რა კარგია, რომ მონათლული ხარ.

ერთ წამს კითხვით აღსავსე თვალებით შესცქეროდა ასული ვაჟს. მერე კი ბედნიერი ბავშვებივით ერთმანეთს შესცინეს.

ამასობაში დარბაზში სხვებიც შემოსულიყვნენ. შემოსასვლელიდან ფეხის ხმა ახლოვდებოდა. შუა დარბაზში გამოჩნდა მოხუცი მამაკაცის ხელზე დაყრდნობილი ჯერაც მშვენიერი გარეგნობის ქალი.

— შენი ქალიშვილი არც აქა ჩანს, — უთხრა შეწუხებულმა მოხუცმა ქალს.

ამაზე ქალს გაეცინა:

— დროა შევეჩვიოთ, რომ იგი თავისი საკუთარი გზით ივლის. ალბათ, ისევ ზემოთაა რომელიმე სურათისაგან დატყვევებული. მაგრამ „გადარჩენილი ფსიქეა“ სად არის?

ამ კითხვაზე პასუხი ვერ მიიღო, რადგან იმ წუთას დედას კაცერზე ქალიშვილი შემოეხვია:

— აქაა, დედი! იგი შენი ქალიშვილია. იყავით კეთილი და შემწყალებნი, გემუდარებით!

— ჩემო გოგონი, ჩემო საყვარელო შვილო! — სცადა დედამ აღელვებული შვილის დამშვიდება.

გოგონამ აჩქარებით ჩასჭიდა ორივეს ხელი და ბოლო დარბაზისაკენ წაიყვანა, სადაც მისი გულის სწორი მღუმარედ იდგა თავისი შთაგონების ნაყოფთან.

ამ დროს შინ, მოქანდაკის სახელოსნოში, ქანდაკებებსა და მოდელებს შორის პატარა ქალი მიმოდოდა. ძიუხედავად

იმისა, რომ ხელში მტკრის საწმენდი ტილო ეჭირა, ეტყობოდა, არაფერი საქმე არ ჰქონდა. ბოლოს ქალი სამუშაოზე დაზვის გვერდით სავარძელში ჩაჯდა და ძლივს გასაგონად ამოიოხრა. ეს ოხვრა დედის გულს თავის დიდ ბავშვზე, ყველაზე საყვარელ ბავშვზე ზრუნვამ წარსტაცა, ჩაფიქრებით შესცქეროდა ცარიელ ადგილს, სადაც ცოტა ხნის წინათ მისი ვაჟიშვილის ბოლო ნამუშევარი იდგა.

უცბად წინკარში ლაპარაკისა და ფეხის ხმა გაისმა. სანამ დედა მძიმე ფიქრებიდან გამოერკვეოდა, გაღებულ კარში ორი წყვილი გამოჩნდა. ერთი უფროსი დიასახლისისათვის სრულიად უცნობი იყო, ხოლო მათ უკან მდგომი ყმაწვილი კაცი, რომლის მკლავს მშვენიერი გოგონა დაჰყრდნობოდა, — თუ მას თავისი ბებერი თვალები არ ატყუებდა, — მისი ვაჟიშვილი იყო.

შეცბუნებული დედა ფეხზე წამოიჭრა. ამასობაში ახალგაზრდა წყვილი მას მიახლოებოდა და ხელში ხელი ჩაეჭიდა.

— დედა, — წარმოთქვა ვაჟმა, — აი ჩემი საიდუმლო. ეს გოგონა გეტყვის, მარია მქვიაო, მაგრამ შენ ხომ ატყობ, რომ ფსიქეაა, ჩემი ცოცხალი ფსიქეა, რომლის წყალობითაც მე და ჩემი ქმნილება სიცოცხლეს განვაგრძობთ. — ვაჟი მხიარულად წელში გასწორდა, თავის დაუმთავრებელ ქანდაკებას თვალი შეავლო და ისე განაგრძო: — და შენც, ვალკირია, შენც გაგათავისუფლებს იგი ანათემისაგან.

მოხუცი დიასახლისი მივიდა, ფსიქეას თავისი პატარა მკლავები შემოხვია და ყურადღებით, თითქმის გაკვირვებით დაუწყო თვალთვლება. თანდათან შინაგანი სითბოთი ნათლდებოდა მისი გამოხედვა და მერე კი მთლად აცახცახებული ბავშვი თავის დედობრივ მკერდში ჩაიკრა.

თავჩაქინდრული, ზმანებაპორეული იდგა ახალგაზრდა შო-
ქანდაკე, ასე ეგონა, შორიდან ჩრდილოეთის ზღვის ტალღების
ტყლაშუნი მესმისო. წარმოიდგინა, რომ თავისი სულისდგააც
თან ჰყავდა იქ, მარიამ უცბად ცრემლჩამდგარი თვალებით
ახედა ფრანცს და ჰკითხა:

— მოხუცი კაცი ხომ უნდა მოვიწვიოთ ჩვენს ქორწილში?
ამ სიტყვებზე ყველა იქ მყოფს ბედნიერების მხიარული
სიცილი წასკდათ. ფაენი თავის ფლეიტას ახმიანებდა, ცაზე
მთელი მონდომებით ბრწყინავდა მზე, ისევ ის ჰომეროსის მზე,
და თავს დაჰნათოდა აყვავების ასაკში მყოფთა ბედნიერებას.
მეორე დილით ჩრდილოეთისაკენ მიმავალი მატარებლით
ძველი ზღვისპირა ქალაქისკენ სიხარულის ნაუწყუყუღი მო-
კლე წერილი მიფრინავდა.



ლენა პინი

არა, არ შემიძლია გვერდით გულგრილად ჩავუარო შენს დაბალ სახლს, ჩემო სიჭაბუკის სათაყვანო მეგობარო, რომელსაც შეჭერაზადსავით ამბების ამოუწყავი ქისა მულამ თან დაგქონდა. ავიღებ ბატის ფრთას, წვერსაც არ წავეუთლი,—დაე თეთრმა ფრთის ალამმა, როცა მე ამ სტრიქონების წერას შევუდგები შენდა გასახსენებლად, თავისი წარმოშობის გამო ფრინველის საამო ქლურტულით მომაგონოს წარსული დრო.

ამ სახლის წინ ისევ ისე დგას ქვის სკამები, ფანჯრის დარაბებზეც ისევ ისე ხატია სახლის პატრონის ხელობის მაუწყებელი პურის კვერები. საკმარისია სქელ, მწვანემინებიან სახლის კარს შეეხო, რომ ზარმა გაიწკრიალოს და სახაბაზოს უკან მას „მარგალიტამ“ ყეფის ხმა შეუერთოს. ძალღი თუმც მოკვდა, მაგრამ გაუმარჯოს ძაღლს!—ძაღლი არ

კვდება! ჩემი სიჭაბუკის „მარგალიტი“ კი აღარ არის ცოცხალთა შორის.

რამდენჯერ მივსულვარ შემოდგომისა და ზამთრის სდამოს ამ პატარა სახლში! მივსულვარო? არა, მიმირბენია, მივარდნილვარ სულშეგუბებულნი! მაშინ ჩვენს ქალაქში ქუჩებს არ ანათებდნენ და ამის გამო უფრო მეტი იყო მოჩვენებანი. ვილაცას რაღაც მოელანდებოდა, საღღაც რაღაც დაიჭყავლებდა, ხოლო ციხე-სასახლეში ღამდამობით გაღეული შავი ქალი დაბორიანობდა. ყოველ საღამოს ეს ამბები მაგონდებოდა, ამას გარდა ჩემი პატარა ხელის ფარანი უღიმღამო შუქს ჰფენდა უკაცრიელი ეზოს ფიცრის მესერს, რომლის გვერდითაც მიხდებოდა გავლა. როგორც კი სახლამდე უვინებელი მივადწევი, კარს მივვარდებოდი, ზარი გაიწკრიანებდა, სახაბაზოს უკან მარგალიტა ჩაქვს ააჩხარუნებდა და გაშმაგებით აყეფდებოდა.

სუნთქვაშეკრული მივდიოდი ფიცხ ფინიასთან, რომელიც მხიარული წკმუტუნით ზედ მახტებოდა. კედლის გასწვრივ თაროებზე აყუდებული ახლადგამომცხვარი კვავის პური ირგვლივ საამო სურნელს აფრქევდა. გვერდით ოთახის ღია კარში მოჩანდა ვარცლთან მოფუსფუსე მოხუცი დედა ვისი, რომელიც საფუარით სახვალიოდ პურის ცომს ამზადებდა, სახაბაზოში კი მეზობლის ბავშვები შეგროვდებოდნენ, თიხის ჯამებით ხელში საღამოს მონაწველ რძეს ელოდნენ: ოჯახის პატრონს რძის ფერმაც ჰქონდა, ოთხ თუ ხუთ ღიდრონ ძროხას მარშებზე* აძოვებდნენ.

— ჩერ არ მორჩენილა საქმეს ლენა?—ვიკითხავდი ქვემოგერმანული კილოკავით. მოხუცი ქალი ცომის ზელას თავს

მიანებებდა და ჯერ ისევ მშვენიერი დედობრივი სიყვარულით სავსე თვალებით შემომხედავდა.

— არა, ლენა და მამამისი ვისი ისევ ბოსელში არიან და ძროხებს წველიან.

სასწრაფოდ ვაქრობდი სანათს და მაგიდაზე ვდგამდი, მერე ქვით მოგებულ ეზოს გადავჭრიდი და ძველისძველ დაბალ ბოსელში შევდიოდი. ზაფხულში ამ ბოსლიდან გადავდიოდი ხოლმე წითელი ცენტროლოებიტა* და წვრილი და ტკბილი ხურტკმელით სავსე საოცრად წყნარ ბაღში. თავი აქ დიდ ვინმედ მიმაჩნდა და ცხვირს ვუბზუებდი მეზობლის საწყალ ბავშვებს, რომლებიც ქონის სანთლის მკრთალ შუქზე მიჩენილ ადგილზე წყნარად უნდა მსხდარიყვნენ, სანამ თავიანთ კუთვნილ რძეს მიიღებდნენ.

ბოსელში, ჭერქვეშ, რქაში ჩადგმული ლიფლიფა ეკიდა. მაგრამ იქაურობას შუქს ვერა ჰფენდა, მოჩანდა მხოლოდ ალის ირგვლივ ოდნავ განათებული წრე. მიუხედავად ამისა, იგი მაინც ესოდენ მყუდრო, პატარა სამყაროს ცენტრს წარმოადგენდა.

ბავასთან ძროხები იცოხნებოდნენ და სიბნელიდან თითქოს მკაფიოდ მესმოდა ძველი ხალხური სიმღერა:

შტრიპ, შტრამ, შტროლ,—
მალე გაივსება ვედრო?

ამ სიტყვებს მხიარულად გავძახებდი სიბნელეში, იქიდან კი მაშინვე ჩემი მეგობარი ლენას კვიმატი პასუხი შემომესმოდა: ვინც მოითმენს, ის მოიგებსო, რასაც ძროხის იქით ამომდგარი მამა იოჰან ვისის ნაამები ბუყბუყა სიცილი მოჰყვებოდა.

სახუმარო სიტყვებით ლენა ადვილად მიმორჩილებდა, სა-

ამისოდ მისი შავი, გონიერი თვალებიც საკმარისი იყო; მეც მოთმინებას მოეუხმობდი და კართან თივის ხელეურზე მივჯდებოდი. იქვე გვერდით ქანდარაზე მამალი და მისი სამწყსო ძილში რაღაცას ჩაიკრიახებდნენ. ბაგიდან რძის ჩხრიალი მოისმოდა, რასაც ზოგჯერ შეძახება არღვევდა, როცა კრელა ან ნიშა ისე არ დადგებოდა, როგორც საჭირო იყო.

ბოლოს სახეატკრეცილი ლენა ავსებული ვედროებით ლიფლიფას შუქზე გამოვიდოდა და მეგობრულად „სალამო მშვიდობისას“ მისურვებდა. ლენა ტანდაბალი იყო. სახეზე ეტყობოდა, — ჩემი ბავშვობისას იგი, ალბათ, ოცდაათს იქნებოდა გადაცილებული, — რომ ოდესღაც მეტად მომხიბვლელი უნდა ყოფილიყო, მაგრამ ყვავილს ძალზე უმოწყალოდ დაემახინჯებინა მისი ბავშვური სახე, ხალხის ენამახვილი თქმისა არ იყოს, თითქოსდა მართლაც დაუბარავთ და აღარ გაუთონნიათო. თვითონ კი ფიქრობდა, კაცმა ამით შეიძლება თავიც მოიწონოს, რადგან „ნაოსტატარი მეტად იშვიათი ნახელავი გამოვიდაო“. მხოლოდ მისი მშვენიერი მუქი თაფლისფერი თვალები აფრქვევდნენ ადრინდელ შუქს, როგორც ჩემი ბავშვობის ვარსკვლავები, ისე მინათებენ ეს თვალები და ზოგჯერ, ცხოვრების მძიმე წუთებში, ასე მგონია, ახლაც ვხედავ, თუმცაღა უკვე დაშრეტილია მათი სინათლე.

სანამ ლენა რძეს ჰყიდდა, მამამისი ძროხებს თივას უყრიდა, დედა ვარცლში ცომს მიაგუნდავებდა და ფრთხილად აფარებდა საჩულს. მე წინასწარ შემგზავნიდნენ ვიწრო, მაგრამ გულმისავალ ოთახში, სადაც მთელი ჩემი სიცოცხლის მანძილზე ყველაზე წარმტაცი ამბები მომისმენია, იქ, თითქმის ყოველთვის ჰყვოდა, — ყოველ შემთხვევაში ამჟამად ასე ვფიქრობ, — ფანჯრის რაფაზე შემოდგმული ზამ-

თრის წითელი ლევკოიონი. თვალს მტაცებდა თუჯის მაღალი ღუმელი, რომელიც, მოპირდაპირე კედლის წალოსთან მიდგმული, საწოლის წინ ჩამოფარებულ ორ ფარდას შორის იდგა. ეს ღუმელი შეადგენდა ჩემი გატაცებული დაკვირვების ობიექტს, არა მხოლოდ იმის გამო, რომ ზედ გაკრულ დაფაზე დიურერის* გრავირების სტილით ამოჭრილი იყო მარიამ ღვთისმშობლის ხარების სცენა, არამედ აქეთ-იქით, გვერდებსა და ზემოთ, ორივე კუთხეში ჩახრახნილი თითბრის გაკრიალებული ბუნიკების გამოც. მრავალი გაფრთხილების მიუხედავად, შემთხვევას ხელიდან არ გავუშვებდი და ბუნიკებს წარამარა ამოეხრახნიდი. ამოხრახნილი ბუნიკი თითქმის ყოველთვის ფეხზე მეცემოდა. ღუმელიდან საამო სურნელება ამოდიოდა, —ამას კაცი ყველა ღუმელზე ვერ იტყვი, — და ლევკოიონის არომატს უერთდებოდა. ეს სურნელება ჩემს მენსიერებაში დღესაც ისევე ავსებს იმ ოთახს, დღესაც მესმის ის დამატკობელი მუსიკა, ამ ბინაში რომ გაისმოდა დაუსრულებლად. სურნელება მოდიოდა ვაფლითა და შემწვარი ვაშლით თავდადგმული ჯამიდან, რომელიც უთუოდ თბილად ინახებოდა გაკრიალებულ თითბრის ლანგარქვეშ ღუმელის ფურნეში. ხოლო იმის გამო, რომ ღუმელს სახაბაზოს გვერდით მიდგმული სამზარეულოდან ათბობდნენ, იქიდან ოთახში გამუდმებით შემოდის კრიტიკას გალობა.

აქვე უნდა გამოვტყდე, თუმცა ეს, ალბათ, ჩემი ძველი მეგობრის იოჰან ვისის მიმართ გამოთქმული საყვედური იქნება, რომ იგი შეუბრალებლად სდევნიდა, არ ვიცი კი რად, ამ პაწაწა მუსიკალურ მწერებს. ხშირად, როცა თავზე ცისფერ ჩაჩდაკოსებულ, ღირსებით აღსავსე გამომეტყველე-

ბით, გულხელდაკრეფილი მშვიდად იჯდა სავარძელში, გოცებული შევეყურებდი ამ გულკეთილ მოხუცს და ვფიქრობდი, როგორ შეეძლო ასეთი საშინელი საქციელის ჩადენა.

ამჯერად იოჰან ვისი ჭრიჭინებზე ნადირობას არ აპირებდა ისინი, ლამის სიბნელეს თავშეფარებულნი, არხეინად გალობდნენ თბილ სახაბაზოში. სანამ მე ჭრიჭინებსა და წყნარად მოტიკტიკე კედლის საათს ვუსმენდი, ლენაც შემოვიდოდა, სამუშაო ტანსაცმელს გამოიცვლიდა, თავზე წვრილნაკეცებიან გაქათქათებულ ქუდს დაიხურავდა, მუშამბაგადაფარებულ მაგიდაზე ჩაის ჭურჭელს გააწყობდა და ვახშამს გაამზადებდა. მაგიდა ზედ ლუმელთან იდგა, მარიამის ხარების გრავიურისა და გაკრიალებული თითბრის ბუნიკების ქვეშ. მალე ორივე მოხუციც შემოვიდოდა და ლუმელის აქეთიქით თავთავიანთ ადგილებს იკავებდნენ. დედა ვისი წარმოშობით სოფლიდან იყო. ქუდქვეშ უკან გადავარცხნილი ჭადარა თმა მოუჩანდა, აი ისე, უწინ ჩვენი გლეხის ქალები რომ ივარცხნიდნენ. მარჯვე ხელები დამახინჯებული ჰქონდა ნიკრესის ქარისაგან, რომელიც ჩვენს სანაპიროზე მოხუცებს იშვიათად ინდობს, და ფინჯნის პირთან მიტანისას უკანკალებდა. მაგრამ, ამის მიუხედავად, როგორც კი ჭამას მოვრჩებოდით, კუთხიდან ჯარას გადმოდგამდა და დღის ნაქსოვს საღამოს ნაშრომს უმატებდა. შემდეგ თითბრის სახურავქვეშიდან გამოიღებდნენ ჯამს, რომელიც ოთახში სურნელებას აფრქვევდა, და იოჰან ვისი ნაამები გადაწვებოდა თავის სავარძელში. მეც ვიჯექი, უფრო კი სკამზე გადამჯდარი დავეკნაობდი. ეს სკამი წარმოადგენდა ამჟამად უკვე გამქრალ იშვიათობას, რომელსაც დაკუთხული დასაჯდომი

ჰქონდა, ხოლო ზედ, ახლაც არ დამვიწყნია, კრელსაკერბ-
ლიანი ბალიში იღო.

შემდეგ, კი, ჰო, შემდეგ ლენა ვისი ამბების თხრობას
წამოიწყებდა. მერე და რა მოყოლა იცოდა! ლაპარაკობდა
ქვემოგერმანული დიალექტით, ოდნავ დაგუბული ხმითა და
რალაც მოკრძალებული ზეიმურობით; იყო ეს ლეგენდა
მოჩვენებადქცეული თეთრცხენიანი მხედრისა, რომელიც
ქარიშხლიან ღამით ჯებირზე გამოჩნდებოდა ხოლმე და სა-
შიშროების მოახლოებისას თავისი ტაიჭით ზღვის მორეეში
გადაეშვებოდა; საუკეთესო თავგადასავალი, თუ ყოველკვი-
რეული უურნალიდან ან სადღაც ამოკითხული ამბავი,—რო-
ცა ის ყვებოდა, ყველაფერი განსაკუთრებულ სიცხადეს
იძენდა და თითქოს იღუმალი სიღრმეებიდან მზის სინათ-
ლეზე ამოვიდაო,—მსმენელს მკაფიოდ წარმოუდგებოდა
თვალწინ. მოხუცი დედა ხშირად წასწვდებოდა ხოლმე ჯა-
რას ბორბალს და აჩერებდა, ხოლო კუთხეში მიმჯდარი იო-
ჰან ვისი კმაყოფილი აფახურებდა თვალებს. საათი ტიკტი-
კებდა, ღუმელის უკან მიმალული კრიჭინები კი თავის სა-
გალობელს გალობდნენ. ზოგჯერ, შემოდგომით, სადამო პი-
რას—ყველაზე წარმტაცი მაინც ეს იყო!—შორიდან ცაცხვების
შრიალიც მოისმოდა, ქუჩის მეორე მხარეს, ღობის უკან, ბაღში
რომ აზიდულყვენ...ო, რა შორს იყო ხოლმე მაშინ ყო-
ველდღიური ცხოვრების ერთფეროვნება! შესვენებისას,
როცა, ლენა საუბარს წყვეტდა, ვაფლსა და შემწვარ ვაშ-
ლებს გეახლებოდი, მაგრამ სიჩუმეს დიდხანს ვერ ვიტან-
დი და ლენაც იმდენად მოუღლეელი იყო, რამდენადაც მე
ვიყავი ამბების სმენას დახარბებული. თავს ოდნავ წინ წა-
მოსწევდა, ხელებს კალთაში ჩაიწყობდა და ახალი ამბის

თხრობას განაგრძობდა, თან ცერებს ერთმანეთის გარშემო ატრიალებდა. შემდგომში ასეთ ამბებს მე თავად ვთხზავდი და ჩემს წიგნებს ლენას ვუგზავნიდი. შეხვედრისას იგი ღიმილით მეტყოდა, ეს ხომ ჩემგან ისწავლეო.

მაგრამ ამ სანაქებო სახლში მე მხოლოდ თხრობის ხელოვნება კი არ ვისწავლე, აქვე შევიძინე კაცის ზნეობრივი საფუძვლების პატივისცემაც... ერთი პატარა შემთხვევა წარუშლელად ჩამრჩა მენსიერებაში. ერთი პატივცემული ოჯახის ქალიშვილი დანიშნეს ერთ ვაჟზე, რომლის საქციელზეც ვერ იტყოდა კაცი—უნაკლოაო. პატარა ქალაქს ეს ამბავი უცბად მოედო, შინ და გარეთ ყველა ამაზე ლაპარაკობდა, ზოგი დაცინვით, ზოგი სერიოზულად. ერთხელ ამ თემაზე საუბარი აქაც ჩამოვარდა, როცა ჩაის გეახლებოდით. იმის გამო, რომ მეც მიხდოდა საუბარში ჩავრეულიყავ, ბავშვური მოუფიქრებლობით წამოვროშე უხერხული სიტყვა, რომელიც ღმერთმა იცის, სად, ალბათ, ქუჩაში თუ გავიგონე. აქამდე გაცხოველებული საუბარი უმალვე შეწყდა, ლენამ თვალები მაგიდისაკენ დახარა და კარგა ხნის დუმილის შემდეგლა აიხედა ზემოთ, და, ვითომ არაფერი მომხდარაო, სხვა ამბებზე გააბა საუბარი. არ მგონია, სხვა დროს როდისმე შემრცხვენოდა ასე. შემდგომშიც, როცა უკვე მოვიზარდე, თავს უხერხულად ვგრძნობდი, როგორც კი ეს დამსახურებული და მიღებული სასჯელი მახსენდებოდა.

მაგრამ, ასეთი საყვედურის მიუხედავად, მე არ მიგრძნია, რომ ამ ოჯახისათვის არასასურველი გავხდი და მისდამი ჩემი სიმპათიაც არ შემცირებულა, რადგან ამ ოჯახის მეორე, და ძალიან საყვარელი ქალიშვილი, მრავალი წლის მანძილზე ერთგულად მზრდიდა და მივლიდა. იგი კარგ

ოჯახისშვილზე გათხოვდა და იმეამად ერთ შორეულ დიდ ქალაქში ცხოვრობდა. ბეჩვენებოდა, რომ ჩემს წასაყვანად მშობლები მუდამ ადრე მიგზავნიდნენ ხოლმე ეტლს, ხოლო როცა მოვიზარდე და შინ მარტო მივდიოდი, ასე მეგონა, კედლის საათი ათს ნაადრევად რეკდა. ახლაც მახსოვს, უკანასკნელ თხუთმეტ წუთს ლენას მუდამ ვეჭიჭლინებოდი, ერთი თუნდაც სულ პატარა ამბის მოყოლას კიდევ მოვასწრებთ-მეთქი, მაგრამ უცებ საათში რაღაც გაიჩხაკუნებდა და იმის მოლოდინი, რომ ათს დარეკავდა, ჩემს ყველა იმედს ბოლოს უღებდა: შინ უნდა წავსულიყავი. ჰოდა, რა იცი, მერე გზად რა შეგხვდებოდა, მოლანდება გამოჩნდება ან რაღაც დაიქყავლებს, ამას გარდა, სახლებში სანათიც აღარსად ენთო, რადგან იმ ქუჩაზე უმეტესად ეგრეთ წოდებული პატარა ხალხი ცხოვრობდა, რომლებიც დღეის ლუქმას იშოვნიდნენ თუ არა, მაშინვე იძინებდნენ.

ლენას ვემუდარებოდი, გამაცილე-მეთქი, და მანამ არ მოვეშვებოდი, სანამ იგი კამოდის უჯრას არ გამოაღებდა და თავშალს არ ამოიღებდა. ვთხოვდი, იმ საძულველი მესერის ბოლომდე მაინც გავეცილებინე. მაგრამ იქ რომ მივიდოდი, მერეც არ ვეშვებოდი, თუ აღარ გამომყვებოდა, იქვე მაინც უნდა დარჩენილიყო და რამდენჯერმე ხმამაღლა „ღამე მშვიდობისა“ დაეძახა ჩემთვის, სანამ ხელში პატარა ფარანაბლუჯული, თავქუდმოგლეჯილი უახლოეს ქუჩის კუთხეში შევუხვევდი. აქედან ჩვენს სახლამდე რამდენიმე ნაბიჯიღა რჩებოდა.

მრავალ წელიწადს გრძელდებოდა ასე. ახლაც გულს საამოდ ეფინება იმ ადამიანთა გახსენება, რომელთაც ჩემი ახალგაზრდობის მრავალ ბედნიერ საათს ვუმაღლი. მაგრამ

დრო მიდიოდა. მე დავტოვე მშობლიური ქალაქი, წავიდი სასწავლებლად, რაათა დაუფლებოდი მომავალ პროფესიას, ისინი კი თავიანთ პატარა სახლში დარჩნენ და ძველებურად განაგრძეს ცხოვრება.

შემდეგ მოვიდა სიკვდილი, მამა ვისი წამოაყენა თავისი სავარძლიდან და უფრო მყუდრო სავანეზე მიაწვინა. როცა რამდენიმე წლის შემდეგ შინ დავბრუნდი და საკუთარი ოჯახიც შევექმენი, სიკვდილმა მოხუცი დედა ვისის გამრჯე ხელებიც დაასვენა, წაჰგლიჯა იგი ვარცლსაც და სართავ ჯარასაც, ჩვენ კი გვაიძულა, მოსასვენებლად იგი მშვენიერ ახასხასებულ სასაფლაოზე წაგვეყვანა, იქ, სადაც საფლავთა შორის ზღვიდან მონაბერი გრილი ქარი დათარეშობს.

ლენა ახლა მარტოდმარტო დარჩა. მაგრამ ოჯახში ერთი ნათესავი გოგონა მოიყვანა და მშობლების საქმე მისი დახმარებით განაგრძო. ხშირად, როცა ზაფხულის მშვენიერ დღეებს დაიკერდა და მათი ეზოს უკან ბაღჩაში ცენტროლიები აყვავდებოდა, დიდი ქალაქიდან და ან დის შვილები ესტუმრებოდნენ. ამ დროს დაბალი სახლი გამხიარულდებოდა, ირგვლივ ყველაფერი—ოთახებიცა და ადამიანის გულებიც მზით ივისებოდა. მაგრამ ამ უმცროს დასაც ლენაზე ადრე ეწერა სიკვდილი. ეს ამბავი გავიგე, თუ არა, ლენას თან მივედი. იგი უჯრებსა და ზარდახშებში შენახულ ფულს ეძებდა, რომ იმ დღესვე გადაეგზავნა სიძისათვის—ცოცხლად დარჩენილთ მწუხარებაც ეყოფათ, დაე ცხოვრებაში სხვა გაჭირვება ნულარ ექნებათო.

შემდეგ ჩემს ქვეყანაში დანიელთა გაბატონებამ მაიძულა სამშობლო მიმეტოვებინა და ჩემს მეგობარს მაშინლა ვნახულობდი, როცა მშობლებთან ჩავიდოდი, რაც მეტად

იშვიათად ხდებოდა. სამართლიანი გაბოროტებით აღვსილი ლენა, მტკიცედ იყო დარწმუნებული გერმანელი ხალხის საბოლოო გამარჯვებაში. ახლა ჩვენი სასაუბრო თემა ის სულიერი მწუხარება იყო, რომელსაც იგი განიცდიდა სამშობლოში მოძალადე მტრის თარეშის გამო. როცა, ბოლოს და ბოლოს, გერმანელთა შერცხვენას ბოლო მოეღო და მე სამშობლოში დაბრუნების საშუალება მომეცა, ფიზიკურად და სულიერად გამხნეებული ლენა ვისი სიხარულით გაბრწყინებული შემომეგება. ლენას ტკბილი მოხუცებულობა ჰქონდა: ნაშვილები ქალიშვილი გათხოვდა და ახალგაზრდა ცოლ-ქმარი, რომლებმაც მეურნეობის გაძღოლა ახლა თვითონ იკისრეს, ლენას საკუთარ დედასავით ელოლიავენდნენ და პატივსა სცემდნენ. ჰოდა, მე ისევ ნაამები ვუჯექი მათ ჩაის მაგიდას, წითელი ლევკოიები უწინდებურად აფრქვევდნენ სურნელებას ფანჯრის რაფებიდან და ჯუგბარი ნამცხვრის ჯამიც ისევ ისე იღგა გაკრიალებული თითბრის სახურავქვეშ. მხოლოდ ეგ იყო, მოხუცი ცოლ-ქმრის ნაცვლად ახლა აქ ახალგაზრდები ტრიალებდნენ და პატარა ბიჭუკელას ნაცვლად, ვისაც ასე უყვარდა ამბების მოსმენა, უკვე სიბერეში შესული კაცი უჯდა მაგიდას, მაგრამ ოჯახის სული და ჩვევები იგივე იყო, ხოლო ლენას მუქ თაფლისფერ თვალებში კვლავ ადრინდელი სინათლე და გონიერება გამოკრთოდა.

მის გულს ისიც ახარებდა, რომ დის ორივე ქალიშვილი ღვთის მსახურებს გაჰყვნენ ცოლად და საერთო პატივისცემა დაიმსახურეს, ხოლო დის ერთადერთი ვაჟიშვილი იმ დიდი ქალაქის მეტად აღიარებული ექიმი გახდა, ექიმი დისშვილი მრავალჯერ ეაჯა დეიდას, მესტუმრეო. მაგრამ ლე-

ნა ფიქრობდა, არ შემფერის იქ წასვლა, დაე ახალგაზრდები თვითონ მესტუმრონო, და მართლაც ასე ხდებოდა.

ლენამ იოლად ვერ მოახერხა დამშვიდობებოდა ცხოვრებას. ისეთმა ავადმყოფობამ დარია ხელი, ადამიანს რომ თანდათან ინელებს, რომელსაც ვერ მოიშორებს და ვერც გაექცევა, წლობით შეეთვისება, სანამ ბოლოს არ მოუღებს. მისი სიცოცხლის ბოლო წელიწადს ანდერძის შედგენისას მიმიხმეს. მან ისურვა ამ საზეიმო ცერემონიალს რაც შეიძლება ლაზათიანად ჩაცმული დასწრებოდა. მიწვეულ ხალხს მშვიდი და სერიოზული სახით შეგვხვდა. ლისფერბაფთიან თეთრ ჩაჩში მოქცეული მისი სახე ავადმყოფობან ვერ დაემახინჯებინა, მხოლოდ სხეული დაპატარავებოდა. მან გვერდით ოთახში გამიყვანა და სხვების დაუსწრებლად თავის მოსალოდნელ სიკვდილსა და ამასთან დაკავშირებულ საჭირო საქმეებზე მელაპარაკა. იმაზე, თუ როგორ იტანჯებოდა, ერთი სიტყვაც არ დაუძრავს. მადლიერებით მოიხსენია ისინი, სიყვარულით რომ უვლიდნენ, ერთი რამ კი აფიქრებდა—ვაითუ ჩემი ძლიერი სხეულის გამო დასასრულის ლოდინი დიდხანს დამჭირდესო.

მართლაც დიდხანს დასჭირდა. საშინელმა ავადმყოფობამ არ დაზოგა და მრავალი წამება გადაატანინა. მაგრამ მაინც ისეთივე დარჩა, ჯანმრთელად ყოფნისას რომ იყო—შინაგანად მშვიდი, სხვებისათვის დავდადებული. „ლენა ვისი გმირივით კვდება“, იტყოდა ხოლმე მასზე ექიმი. იმისათვის, რომ თავისი ტკივილების გამო ახალგაზრდა ნათესაებები ძალიან არ შეეწუხებინა, სიცოცხლის ბოლო დღეებში ხელმეორედ ითხოვა, ეზოსკენ მიქცეული ფანჯრები რომ აქვს, იმ პატარა ოთახში გადამიყვანეთო. მაგრამ „ძალოს-

თვის“, სანამ იგი ცოცხალთა შორის იყო, ახალგაზრდებს არაფერი ეშურებოდათ და ასე დარჩა იგი თავის ყვავილებთან იმავე გულმისავალ ოთახში, რომელთანაც ლენას თავისი ცხოვრების ყველა საამო მოგონება აკავშირებდა.

ავადმყოფობის დროს ლენას ხანდახან ადგილობრივი მღვდელი მოინახულებდა, მაგრამ ლენა ვისს სიკვდილ-სიცოცხლის თაობაზე თავისი შეხედულება ჰქონდა და იმ ჰკუაზე არ იყო, რომ მეორე პირის ჩაგონებით ერთ წუთში აედო ხელი იმაზე, რასაც წლობით აყალიბებდა. ჩუმად და ყურადღებით აკვირდებოდა სულიც იმ მამის მსჯელობას; მერე მისთვის დამახასიათებელი ჰკვიანური ღიმილით შეხედავდა, ხელს მკლავზე დაადებდა და ეტყორდა: „ეჰ, ბატონო მამამთავარო, მე თქვენს ჰკუაზე ვერ მომაქცევთ!“ ის კი, ალბათ, ამას ფიქრობდა: დაიცავი თავი, რამდენიც გინდა: სულ ერთია, ღვთის მოწყალეობა მოგაგნებსო...

როცა უანასკნელად შევედი მის ოთახში, მისმა შეხედვამ შემადრწუნა: სახე სულ დამახინჯებოდა. ჩემი გამომეტყველება შეამჩნია. უნდოდა, სიკვდილსაც ომახიანად შეხედროდა: „ერთი ამას უყურე, რას დავემგვანე!“—თითქოსდა სიმხნევით შემომძახა მან. დაჯდომა ძლივს მოვასწარი. რომ გარეთ ფანჯარასთან რაღაც ხმაური ატყდა. „ისევ იმ საწყალ ყმაწვილს აბრაზებენ“, თქვა ლენამ, სიკვდილის პირად მისული წამოდგა და ქუჩაში გავიდა. მეზობლის გონებაჩლუნგი ბიჭი ამოდ ცდილობდა გაქცეოდა ანცი ბიჭბუკების გუნდს. მალე გარეთ, სახლის კართან ჩემი მეგობრის წყნარი ხმა გაისმა და ფანჯარიდან შევამჩნიე, როგორ დარცხვენით მიიმალ-მოიმალნენ სიმშვიდის დამრღვევნი.

—ძალუაჩემს ისინი უწინდელივით სცემენ პატივს,—შე-

სამხნევი სიამაყით წარმოთქვა ფანჯარასთან ჩემ გვერდით
მღვთმმა ახალგაზრდა ქალმა.

მაშინ უკანასკნელად ვნახე ლენა ვისი. გავიდა კიდევ რა-
მდენიმე ტანჯვით აღსავსე კვირა, შემდეგ თავისი მყუდრო
სახლი იმანაც სასაფლაოს ვიწრო სამარეზე გადასცვალა, სა-
დაც ამჟამად განისვენებს მშობლების გვერდით.

ზაფხულობით, დილასისხამზე, დროდადრო მოვინახუ-
ლებ ჩემი ახალგაზრდობის ძველისძველ მეგობრებს და
ამოვიკითხავ მათი საფლავის ჯვრებზე წარწერებს. ჭრიჭი-
ნები თავიანთ საგალობელს აქაც მღერიან, მაგრამ ეს იმ კე-
რის ჭრიჭინობელები როდი არიან და მათ ჭრიჭინთან ერ-
თად ამბებსაც აღარავენ ჰყვება.



მწვანე ფოთოლი

ერთი ძველი წიგნი იყო, ალბომის მინამგვანი. ლოკაცი-
ვით ვიწრო და მოგრძო ფორმა ჰქონდა, ფურცლები კი ყვით-
ელი. იგი მან მოწაფეობის დროს ააკინძვინა ერთ პატარა ქა-
ლში წიგნების მკაზმავს და შემდეგ მუდამ თან დაჰქონდა. იმის
მიხედვით, თუ როგორ გუნებაზე იყო, ხან ლექსებს წერდა
შიგ, ხან ყოველდღიურ განცდებს. თავის თავზე ჩვეულებრივ
მესამე პირით წერდა, ალბათ იმიტომ, რომ გულწრფელად
წერს საკუთარი „მე“ არ შეელახა, ან შეიძლება იმიტომაც. —
მე ეს უფრო სარწმუნოდ მიმაჩნია, — რომ სურდა საკუთარი
ფანტაზიით შეევსო მომხდარი ამბის ხარვეზები. ჩანაწერები
უმეტესად ისეთ უმნიშვნელო მოვლენებს ეხებოდა, რომ შე-
იძლებოდა მოვლენა არც კი გვეწოდებინა. გასეირნება მთვა-
რიან დამით, მშობლების ბაღში გატარებული შუადღის სა-
ათები, აი ეს იყო მთელი თავი და ბოლო. ლექსები უგერგილო

და ურითმო გამოუდიოდა. მიუხედავად ამისა, მათ სიამოვნებით ვკითხულობდი. ჩემი სიყვარულის სანაცვლოდ იგი ამის ნებას მაძლევდა.

ეს წიგნი აქ, საველე ბანაკშიც თან წამოვღო. იგი მუდამ თან დაჰქონდა დამის ბრძოლებში, მთელი ომი ერთად განვლეს ბოლო გვერდებზე სანგრებისა და ძელმიწურების ჩანახატებს აკეთებდა.

ჩვენი ასეული ფორპოსტებზე გუშაგობდა. ამჟამად ისევ ჩვენს ქოხში დაგვაბრუნეს. ქოხი მკვრივად იყო ნაგები, გარეთ ცა რომ ჩამოქცეულიყო, ჩვენ წვეთი არ ჩამოგვივიდოდა.

მან საწმენდ მოწყობილობას დაავლო ხელი და ჩვენი თრფეაბის წმენდას შეუდგა. მე ჩემს ხალთაზე ვიჯექი და ვსწავლობდი მის რჩეულ თხზულებებს, ამ უჩვეულო სახის დღიურს, რომელიც მთელ ჩვენს საველე ბიბლიოთეკას წარმოადგენდა. თუმცა დღიურს ხშირად ვფურცლავდი, მაკრამ ყოველთვის აღმოვაჩინედი ხოლმე რაღაც ახალს, რომელიც უწინ გამოპჩინოდა. ახლაც უცბად თვალში მომხვდა შიგ ჩადებული წიფლის ფოთოლი. იქვე ლექსი იყო მიწერილი.

მოხეტიალის ზაფხულის დღეთა
ერთი ფოთოლი თან მიმაქვს ახლა.
ის მომაგონებს ყველაფერს ერთად:
ბულბულის ხმას თუ სიმწვანეს ტყეთა.
ვხეტიალობდი აჰამდე სადაც

— ეს ფოთოლი მთლად გაყავისფერებულა, — წარმოკთქვი მე.

მან თავი გაიქნია.

— აბა მეორე გვერდზე წაიკითხე!

მეორე გვერდი გადავშალე და ამოვიკითხე:

მინდვრის ვიწრო ბილიკზე კაცი მიდიოდა. ვინ იცის, იქნებ სტუდენტი იყო, ანდა, შეიძლება, ახალგაზრდა დოქტორი. ეტყობოდა, მხარზე თასმით გადაკიდებული თოფი ემომიმებოდა. რადგან სიარულისას მალ-მალე იცვლიდა მხარს, ხან კი ჩამოიხსნიდა და ხელით მიჰქონდა. ქუდი მოეხადა და საშუაღლეოზე ასული მზე თმას უხურებდა. ირგვლივ მიდამო გამოცოცხლებულიყო, ველ-მინდორი ავსებულყო ათასგვარი სულიერით, — ივნისის ცხელი დღეები ხომ მათი ბარტყობის საუკეთესო დროა. ისინი ფეხქვეშ უძვრებოდნენ და თავს ბუჩქნარს აფარებდნენ, ყოველ ნაბიჯზე წინ ხედებოდნენ და თვალს სჭრიდნენ. ველი ჰყვაოდა, ჰაერი სურნელვით ავსებულყო.

მგზავრი უცბად შედგა და ირგვლივ თვალუწვდენელ სივრცეზე გაშლილ ერთფეროვან ველს გახედა, რომელიც ახლა მზის წითელ სხივებში გარინდებულყო. წინ, ცის დასალიერთან, მოჩანდა ტყის ზოლი, რომელსაც თეთრი კვამლი ასდიოდა და კამკამა ცისკენ მრინართებოდა. ეს იყო და ეს.

გზის გვერდით, არცთუ ისე შორს, მაყვლნარითა და ასკილით დაფარული დაბალი ბორცვი ჩანდა. ეს უცნობი ტომის სამარხი გახლდათ. ასეთები აქ ცოტა არ არის. კაცი ბორცვზე ავიდა და აქედან ერთხელ კიდევ მოათვალიერა ვრცელი მიდამო, მაგრამ ტყის პირას მდგარი ქოხის მეტი ვერაფერი დაინახა, საიდანაც წელანდელივით კვალი ისევ ამოდიოდა. გაყამირებული მიწიდან ერთი ბლუჯი მანანა ამოგლიჯა და მის ფაქიზ ვარსკვლავისებურ ყვავილებს დააცქერდა. შემდეგ თოფი ჩამოიხსნა, თბილ ბალახზე გაიშოტა, თავ-

ქვეშ ხელი ამოიდო და მიდამოს მანამდე უმზირა, სანამ ფიქრები ზაფხულის ცხელ, აცახცახებულ ჰაერში გაებნეოდა.

რაკილა ახლა საკუთარი ფეხის ხმაც შეწყდა, აქამდე რომ თან მოსდევდა და მთელ ველზე კრიჭინობელათა გაბმული კრიჭინის, ყვავილთა ნექტარს დაწაფებული ფუტკრის ზუზუნისა და ჟამიდან-ჟამზე ცაში მიკარგული ტოროლების ყივივის მეტი აღარა ისმოდა რა, ყმაწვილკაცს ზაფხულის მოდუნებამ დაუძლევლად დარია ხელი. ეს ცისფერი პეპლები აქეთ-იქით დაფარფატებდნენ, მათ იქ კი ზეცის ვარდისფერი ზოლები ბრწყინავდა. მანანების სურნელებამ მის თვალებს ნაზი ზეწარი გადაათარა.

ველს ზაფხულის ქარმა გადაუქროლა და იქვე მახლობლად მტვერში მზეს მიფიცხებული შავი გველი გამოაფხიზლა. მან რგოლები გაშალა და გაყამირებულ მიწაზე გასარიალდა. მისი ხორკლიანი მუცლის ქვეშ ბალახი ამრიალდა. წაძინებული ყმაწვილი კაცი ნახევრად გამოფხიზლდა, თავი გვერდით შეაბრუნა და თვალებში შეხედა გველს, რომელიც მისკენ მოიკლაკნებოდა. ხელის აწევა მოინდომა, რაგრამ ვერ შესძლო. მცურავი მას თვალს არ ამორებდა. ყმაწვილკაცი ასე განაგრძობდა წოლას, ძილ-ფხიზლობის საზღვარზე მყოფი; უცბად თვალზე თითქოს რაღაც გამჭვირვალე ფარდა ჩამოეთარა და ამ ფარდის იქით დაინახა, რომ მისკენ მოიმართება ნორჩი ჯანღონით სავსე გოგონა, რომელსაც სქელი ქერა თმა ორ მსხვილ ნაწნავში მოექცია. გოგონამ ბალახბულახი გვერდით გადასწია და მის გვერდით მიწაზე დაჯდა. უცბად გველის თვალები სადღაც გაქრა. კაცი ველარაფერს ხედავდა. შემდეგ სიზმარი ესტუმრა: აი, ვითომ კვლავ ჰანსია,* — ბავშვობაში რომ ბაძავდა ხოლ-

მე ხშირად ერთი ზღაპრის გმირს,— გველების გამოქვაბულის წინ წევს და მოჯადოებულ პრინცესას გამოხსნას ცდილობს. გამოქვაბულიდან თავი გამოჰყო გველმა და დაუძახა:

ნაცრისფერლოყიანი
საწყალი გველის მტერია!

მერე ბიჭმა გველს აკოცა და მოხდა უცნაური რამ: წარმტაც პრინცესას იგი მკერდში ჩაეკრა. გასაოცარი ის იყო, რომ თმა ორ ნაცრისფერ ნაწნავად დაეწნა, ხოლო კორსაჟი გლეხის გოგოსავით ეცვა.

შემდეგ გოგონამ მკლავები მუხლებზე შემოიხვია და თვალი ველს გაუშტერა. ისმოდა მხოლოდ ათასგვარ მცენარეულთა იღუმალი შრიალი და ფაჩუნი, ჟამიდან-ჟამზე ზეციდან ან ქაობიდან მოისმოდა ფრთოსანთა კუტკუტი, რომელსაც მძინარე კაცის სუნთქვაც ჩაერთვოდა ხოლმე. ასე გავიდა რამდენიმე ხანი. ბოლოს გოგონა-ვაჟისკენ დაიხარა და მისი გრძელი ნაწნავეები მძინარის ლოყებს შეეხო. ვაჟმა თვალი გაახილა და, როგორც კი გოგონას ქორფა სახე დაინახა, ისევ ძილბურანში მყოფმა წარმოთქვა:

— ო, რა ლურჯი თვალები გაქვს, პრინცესა!

— ძალიან ლურჯი! — მიუგო გოგონამ. — დედისგან გამომყვა.

— დედისგან? მერე და დედა გყავს?

— რა სულელი ხარ! — მიუგო გოგონამ და ფეხზე წამოხტა. — ოთხი კვირაა, დედაჩემი მამასახლისის გაჰყვა ცოლად. მას შემდეგ პაპასთან ვცხოვრობ.

ვაჟი სულ გამოფხიზლდა.

— ჩემს მშობლიურ ადგილებში დაგიბენი. გზა მაპოვნის-
ვე მანამდე კი მითხარი, რა გქვია?

— რეგინა! — მიუგო გოგონამ.

— რეგინა!... მე კი გაბრიელი მქვია.

რეგინას თვალები გაუფართოვდა.

— არა, მთავარანგელოზი გაბრიელი არა ვარ!

— ნუ იტინი! — უთხრა გოგონამ. — იმას შენზე კარგად
მე ვიცნობ.

— რას ამბობ! მაშ შენ მასწავლებლის შვილიშვილი
ხარ?

გოგონამ თქვა:

— არა მასწავლებლის შვილი ვარ. მამაჩემი შარშან გაზაფ-
ხულზე გარდაიცვალა.

ერთხანს ორივემ იყუჩა. მერე გაბრიელმა გოგონას უთ-
ხრა, ხვალ დილას ქალაქში უნდა ვიყო და როგორ მივიღეო
გოგონამ ხელი ტყისკენ გაიშვირა.

— პაპაჩემი იქ ცხოვრობს. ჯერ ვისამხროთ, მერე კი გზა-
საც გიჩვენებ.

გაბრიელი დაეთანხმა. გოგონა ვიწრო ბილიკიდან ველზე
გადავიდა და ტყისკენ გაემართა. ვაჟი თავისდაუნებურად
მას ფეხებს შესცქეროდა, რადგან გოგონა სწრაფად და მტკი-
ცედ მიდიოდა ეკლიან ბუჩქნარში და ყოველ გადაბიჯებაზე
ფეხქვეშ ჭრიჭინობელები უფრინდებოდნენ. ასე მიაბიჯებდნენ
ისინი გაჩახჩახებულ მზეში, რომელიც ფოთლებ შორის ოქ-
როს ქსელივით გაბმულიყო. დროდადრო ველს ქარის თბილა
სუნთქვა გადაუვლიდა და ახალგაზრდებს ყვავილთა სურნე-
ლებაში ახვევდა. ტყიდან უკვე მოისმოდა სკვინჩების ჟღერ-

ტული და წიფლის კენწეროებს შეფენილი გარეული მტრედების ფრთათა დახშული ტყლაშუნი.

გაბრიელმა, რომელიც ისევ თავის მოგზაურობაზე ფიქრობდა, სიმღერა წამოიწყა:

მზის წყნარ სხივებში გახვეულა მწვანე მიდამო,
მშვიდი ცხოვრება საამოა, ნათლის მომფენი,
მაგრამ ისეა მოწყობილი წუთისოფელი,
გინდა თუ არა, ცისქვეშეთში, უნდა ვიდავოთ.

ახლა კი უნდა ვიაროთ მტკიცედ,

ომი დაიწყო!

ყველგან ომია,

ის მისწვდა ქუჩას, გზასა თუ სივრცეს

ამ ომმა ჩვენც თან გაგვიყოლია.

მშვიდობით დედა! მწყობრისაკენ გვიხმობს საყვირი,

თუმცა ჩემს გულში ახლა, ამწუთას

აელერდა შენი ნანა სათუთად,

მე იგი მესმის გარკვევით, ნათლად,

ამ საზარელი საყვირის ნაცვლად.

რეგინა შედგა და მომღერალს მოხედა:

— ომი?

გაბრიელმა თავი დაუქნია.

— ომზე პაპაჩემს ნურაფერს ეტყვი,—უთხრა გოგონამ.—
ამაზე ფიქრიც არ უნდა.

— შენა?—ჰკითხა გაბრიელმა.—შენ რას ფიქრობ ომზე?

— მე?.. რა საქმე აქვს ომს ჩვენთან, ქალებთან!

ვაჟს არაფერი უთქვამს და ორივემ ჩუმად განაგრძო გზა.
ტყიდან თანდათან მკაფიოდ გამოიკვეთა წიფლისა და მუხის
ხეები. მალე ისინი ჩრდილქვეშ შევიდნენ და შემოლობ-
ეზოს მიადგნენ. აქ, მინდვრის კიდეზე, იდგა პატარა გლეხუ-

რი სახლი, რომელიც ჰორიზონტისკენ დახრილ მზეს თავის სხივებში გაეხვია. ისლის დაბალ სახურავზე მზეს მიფიცხებული კატა მათ დანახვაზე დაბლა ჩამოხტა და ნახევრადგლებულ კარში გაძვრა. ვაჟი და გოგონა წინკარში შევიდნენ, სადაც კედლების გაყოლებით, ცარიელი სკები და ბალ-ბოსტანში სამუშაო იარაღი დაეხორავებინათ. რეგინა წინ წავიდა და მეორე კარი გააღო. მის მხრებს ზემოთ გაბრიელმა პატარა ოთახს მოჰკრა თვალი. ეს ოთახი ცარიელი იყო, ოღონდ მზის სხივი ეთამაშებოდა ღუმელის თითბრის საკეტს. ისმოდა ძველი შვარცვალდური კედლის საათის ტიკტიკი.

— საფუტკრეში გავიდეთ, — მიიწვია გოგონამ გაბრიელი.

გაბრიელმა თოფი მოიხსნა და ოთახის კუთხეში მიაყუდა. მერე ორივენი ბაღში გავიდნენ, რომელიც იქვე, ფანჯრებიდან იწყებოდა. გაიარეს ლაღადგაზრდილი ალუბლის ქვეშ, რომელსაც ძლიერი ტოტები სახლზე გადაეფარებინა. ვიწრო კვლებს შორის გამავალი სწორი ბილიკით ისინი გავიდნენ პატარა ველზე, სადაც წიფლის ხეები პატარა ოთხკუთხედ მოედანს მწვანე კედელად შემოვლებოდა. შიგ შესასვლელი გზა პატარა კარს გადაეკეტა, მაგრამ კარი იმდენად დაბალი იყო, რომ გაბრიელმა იქაურობა კარგად მოათვალიერა. ახლოს რომ მივიდნენ, მწვანე კედლის პირდაპირ ჩრდილში, გაბრიელმა ფუტკრის როგოები შენიშნა. მათ ზემოთ, ორრიგად ჩამწკრივებინათ ჭილისაგან მოწნული კალათები. ცოტა მოშორებით იჯდა ადგილობრივ გლეხურ ტანისამოში გამოწყობილი მოხუცი კაცი. მზე დაჰნათოდა მის უნიშნო, მხცით მოსილ თავს. გვერდით მიწაზე ეწყო წმინდა მავთულის ბადე, ცარიელი კალათა და რამდენიმე სხვა იარაღი, ხელში ბარამბოს ღერო ეჭირა და ყურადღებით ათვალიერებდა. კარგად რომ დააკვირდა, გაბრი-

ეღმა შეამჩნია, რომ ბარამბოს ფოთლებს ფუტკრები დახვევოდა, ნაწილი კი დაბლა ჩამოცოცებულყო და მოხუცის ხელებზე დაფუთფუთებდა.

— პაპაშენია? — ჰკითხა მან გოგონას.

— უფრო სწორად, დედაჩემის პაპაა, — მიუგო რეგინამ.

— ძალზე მოხუცია.

გოგონამ კარი შეაღო.

— ა, შენა ხარ, რეგინა? — იკითხა მოხუცმა.

— ჰო, მე ვარ.

— გუშინ საღამოს დედაფუტკარმა ამოდ იზუზუნა. ხვალ დილით ისევ უნდა ვუდარაჯო, — წარმოთქვა მოხუცმა და უცხო სტუმარი შეათვალა. — ახლოს მობრძანდით. ყმაწვილო. დღეს უკვე აღარ იყრიან.

მოსულები შიგნით შევიდნენ. რეგინამ კალათა აიღო, მერე ბაღში სამუშაო იარაღები წამოკრიფა, — ახლა მაინც საჭირო აღარ იყო, — და სახლისკენ წაიღო. მოხუცმა ფრთხილად აიცალა ხელიდან ფუტკრები.

— ესენიც ადამიანებივით გონივრები არიან, ოღონდ მათთან მუშაობისას მოთმინებამ არ უნდა გიღალატოს. — მოხუცმა ყვავილის ღერო ბალახებში ჩაღო და გაბრეილს ხელი გაუწოდა.

მოხუცმა სტუმარი გვერდით მოისვა და თავის ფუტკრებზე გაუბა საუბარი. მოუყვა, როგორ უვლიდა მათ ჯერ კიდევ ახალგაზრდობისას, მერე როგორ გააკეთა ამ სამოცდაათწლის წინ ეს ღობე და ღვთის წყალობით საფუტკრემ ისეთი შემოსავალი მისცა, რომ მთელი მეურნეობა ფეხზე დააყენა, შემდეგ თავისი დაქორწინების ამბავი გაიხსენა, უამბო შევიღე-

ბის, შვილიშვილებისა და შვილთაშვილების შესახებ. მათ ნათლობასა და გარდაცვალებაზე და მთელ მის საუბარს აჲ მოსცილებია ფუტკრის ხსენება. მოხუცის საუბარი წყლის წანწკარს მოგაგონებდათ, საამოდ აღწერდა მშვიდი ცხოვრების სურათებს. გაბრიელს თავი ხელზე დაეყრდნო და შეჰყურებდა დაგვიანებულ ფუტკრებს, რომლებიც მწვანე კედლებზე გადმოდრიოდნენ და შინისკენ მოეშურებოდნენ. ზოგჯერ ბალია მეორე მხარეს მდებარე სახლიდან კარის ხმა მოისმოდა. ფოთლებს შორის მატლმა თავი გამოჰყო და ყმაწვილს ცნობისმოყვარეობით შეაცქერდა. ასე გავიდა რამდენიმე ხანი. მერე რეგინა დაბრუნდა, იდაყვებით ბალის კარს ჩამოეყრდნო და კაცების ლაპარაკს მიუგლო ყური. ფოთლებს შორის გოგონას ქორფა სახე ისე მოჩანდა, თითქოს მწვანე ჩარჩოში ჩაუსვამთო.

თანდათან მინელდა ჰაერში სულიერთა ხმიანობა, მწვანე მიდამოს ბინდი დააწვა. გაბრიელი გოგონას გასცქეროდა. მოხუცი ისევ თავის ამბებს ჰყვებოდა დინჯად. ზოგჯერ დროის თანმიმდევრობას ვეძარ იცავდა, შვილებს შვილიშვილებში ურევდა, შვილიშვილებს შვილთა ბაღიშებში, ასეთ დროს გოგონა ეუბნებოდა პაპას:

— თქვენ ცდებით, პაპა. ეს ბიძაჩემი იყო, ახლა კი დედაჩემის ამბავს ჰყვებით.

მოხუცი კი მკაცრად აწყვეტილებდა:

— ყველა მათგანი კარგად მახსოვს, არც ეგეთი გულმავიწყი ვარ.

ბოლოს როცა კარგად აგრილდა, მოხუცი წამოდგა.

— შინ შევიდეთ, — თქვა მან. — საღამოა. უკვე ჩიტმაც მოძებნა ბუდე.

ერთმანეთის თანმიყოლებით გამოვიდნენ და მოხუცმა კარს ურდული გაუყარა.

ოთახში რომ შევიდნენ, მზის სხივთა უკანასკნელი მკრთალი ათინათინი სხვენქვეშ გადებულ კოჭსდა ხვდებოდა. ფანჯრის რაფაზე მათიოლები მძაფრ სუნს აფრქვევდნენ. უხეშად ნაქსოვი სუფრაგადაფარებული მაგიდა ორ ფანჯარას შუა მიედგათ. ზედ მოხდენილად დაელაგებინათ შავი პურის ნაჭრები, მოყვითალო კარაქი და ახალად მოწველილი რძით სავსე კიჭები. მოხუცი ფანჯარასთან მიდგმულ სავარძელში ჩაჯდა, გაბრიელი მეორეში, მის პირდაპირ, ხოლო საშინაო საქმეში გართული რეგინა ხან გადიოდა და ხან შემოდოდა.

მამაკაცები ამ მოკრძალებულ ტრაპეზს შეექცნენ. გაბრიელი წამდაუწუმ პატარა ფანჯრიდან ბაღში იმზირებოდა. მოხუცმა სათვალე მოირგო, რძიანი ჯიქიდან დანის წვერით ღამის ქინქლა ამოიღო და ფრთხილად დასვა მაგიდაზე.

— არაფერი დაზიანებია, კიდევაც იფრენს, — თქვა მოხუცმა. — აუცილებელია, ყოველ სულიერს გაჭირვებაში დაეხმარო.

ფანჯარასთან მდგარი ბებერი ალუბლის ხიდან გაბრიელს რამდენჯერმე ტკაცანი შემოესმა. ზემოთ რომ აიხედა, თვალი შეასწრო ორ მარდ ფეხს, რომელიც ხის ტოტებში მიიმალა. იმავე წუთს ბაღს ჩხავილით რამდენიმე ფრინველმა გადაუარა. ალბათ, ტყიდან თუ იყო, ნაჯახის ერთფეროვანი ხმა ისმოდა.

— როგორც ეტყობა, აქედან სოფელი საკმაოდ შორს არის, არა? — იკითხა გაბრიელმა.

— თითქმის ერთი საათის სავალია, — მიუგო მოხუცმა. — ჩვენი სახლი ნამდვილად ღვთის საუფლოშია. მას შემდეგ, რაც მასწავლებლის ცოლი მეორედ გათხოვდა, გოგონა ჩემ-

თან იზრდება.—მოხუცმა ხელი კარს ზემოთ გაკეთებულ ვიწრო აარობისაკენ გაიშვირა. გაბრიელმა მასზე სხვა წვრილმან ნივთებთან ერთად რამდენიმე კარგად შენახული წიგნი დაინახა.—ეს წიგნები მამამისისაგან დარჩა,—განაგრძო მოხუცმა.—მაგრამ გოგოს წიგნი არ იტაცებს, შინ ვერ ჩერდება. მხოლოდ შაბათობით, როცა ღარიბ-ღატაკი ფრიცი მოვა ხოლმე, დასდებიან ერთად ღუმელის უკან და ფრიცის ზღაპრებს ჯადოქრებზე ბოლო არ უჩანს.

ამასობაში ოთახში გოგონა შემოვიდა და მაგიდაზე მთელი წინსაფარი წითლად გაღუებული ალუბალი გადმოჰყარა.

— ეს შაშვები კიდევ შემოსევიან ტყიდან!—თქვა გოგონამ.

— მერე მაგ ქურდბაცაცებს რატომ არ დაამწყვდევ?— ჰკითხა მას გაბრიელმა, რომელმაც ფანჯრის ალათაზე ცარიელი გალია შენიშნა.

გოგონამ ვაჟს თვალი ჩაუყრა. პაპამ შვილიშვილს მუქარით დაუქნია ხელი.

— ეს იმისთანა ეშმაკი ვინმეა, რომ გალიაში ჩიტს არ აყენებს.

გაბრიელმა გოგონას გახედა. რეგინამ გაიცინა და ლოყები შეეფეკლა. ვაჟმა თვალი აღარ მოაცილა. გოგონამ ნაწნავზე წაივლო ხელი, კბილებით მოწიწკნა და ოთახიდან გაიქცა.

— მთლად თავის განსვენებულ მამას ჰგავს,—წარმოთქვა მოხუცმა და სავარძლის საზურგეს ნელა მიეყრდნო.

კარგად მოსალამოვდა. სიბნელე ხეებს ბალიდან მოეპარა და თანდათან სახლისაკენ წამოვიდა. გაბრიელმა მოხუცს უთხრა, ხვალ დილით, ადრე ქალაქში უნდა ვიყო და საით უნდა წავიდე ან რომელი გზით, რომ არ დავიგვიანო.

— მთვარე მალე ამოვა, — მიუგო მოხუცმა. — წასასვლელად სწორედ რომ კარგი დროა.

ცოტა ხანს კიდევ ისაუბრეს. როცა მთლად დაბნელდა, ბერიკაცი გაჩუმდა და ჩაბნელებული ფანჯრიდან ბაღში დაიწყო მხერა. გაბრიელი შესცქეროდა მოხუცის მშვიდ სახეს, რომელსაც გარედან შემოჭრილ სიბნელეში ძლივსღა არჩევდა და თვითონაც გაჩუმდა. ოთახში დუმილი გამეფდა, მხოლოდ ძველი კედლის საათიღა ტიკტიკებდა შეუჩერებლად.

რეგინა შემოსვლას აგვიანებდა. ბაღის იქით მიდამოს უყვე მოედო ამომავალი მთვარის ნათელი. გაბრიელი წამოდგა და გოგონასთან გამოსათხოვებლად ბაღში გავიდა. მაგრამ გოგონას იქ არ ჩანდა. უცბად ცერცვის კვლებთან შრიალი გაისმა. რეგინა კვლებში ჩაცუცქულიყო და კალთა ცერცვით შუამდღე მოეყარა.

— უყვე გვიან არის, — თქვა გაბრიელმა, კვლებზე გადმოხრილი ცერცვი აქეთ-იქით მისწი-მოსწია და მისკენ წავიდა. — უნდა წავიდე. მზის ამოსვლამდე ქალაქში უნდა ვიყო.

რეგინა თავაუწევლად განაგრძობდა კრეფას.

— ქალაქამდე არც ისე შორი გზაა, — უთხრა გოგონამ და დაიხარა, რომ შორს დარჩენილი პარკები ჩამოეკრიფა.

— დადიხარ ხოლმე იქ? — ჰკითხა გაბრიელმა.

— მე?... არა! ასე შორს არ დავედივარ. მხოლოდ ერთხელ ვიყავი. ჩრდილოეთში მამაჩემს ერთი და ჰყავდა, იქ მისვლამდე თითქმის მთელი დღე ვიარეთ. მაგრამ იქაურობა სულ არ მომეწონა: არც იმ ხალხის ლაპარაკი მესმოდა. თუ რამეს ვიტყვოდი, მეკითხებოდნენ, სადაური ხარო.

— აქ რომ მარტო ხარ? მთელი დღეები ბებერი პაპის მეტს ვერავის ხედავ.

გოგონამ თავი დააქნია.

— პო, სოფელში უფრო მხიარულება. დედაჩემი და მამასახლისი პაპას ბევრს ეხვეწნენ, აქ გადმოდიო, მაგრამ მოხუც აქედან არ მიდის. ამბობს, აბა, იმდენ სახლებში რა ჰაერი უნდა მეყოსო.

გაბრიელი გოგონასთან მიცუცქდა და ცერცვის კრებაში შეეშველა. რეგინა წამდაუწუმ ახანხალებდა კალათს, რომელიც უკვე გავსებულიყო და ცერცვის პარკები აღარ თავსდებოდა. სიბნელე თანდათან ძალას იკრებდა. ვაჟი და გოგონა ცერცვს ვეღარ არჩევდნენ და ხელის ცეცებით პოულობდნენ. მოკრეფილი პარკები კი სავსე კალათიდან ძირს ცვიოდა, მაგრამ, თითქოს მოჯადოებული იყვნენ, კრებას მაინც არ ეშვებოდნენ.

ერთბაშად გაბრიელს რაღაც დაგუბული, ყრუ ხმა მოესმა, თითქოს მიწის გულიდან მოდისო. მიწაც ოდნავ შესამჩნევად შეიჩრცა. ყური მიწას დაადო და ასე გაიტრუნა. კიდევ რამდენჯერმე მოისმა ყრუ გუგუნის. ნეტა იქ რა ხდება, რომ ამ ღამინად ქვემეხებს აგრიალებენ?... რეგინას, ეტყობოდა, ვერაფერი გაეგო. მან თავი ოდნავ წამოსწია და მშვიდად თქვა:

— სოფელში ათი საათისა დარეკეს.

გაბრიელი ფეხზე წამოიჭრა. გახელებულმა მოუთმენლობამ შეიპყრო, აღარ შეეძლო ამ გაურკვეველ სიმშვიდეში დარჩენილიყო.

— ო, ნეტავ კიდევ დავბრუნდებოდე, რეგინა! — ხმამალა წამოიძახა გაბრიელმა.

რეგინამ ვაჟს ახედა და სიბნელეში გაბრიელმა ორი დიდი მბრწყინავი თვალი გაარჩია.

უცბად ბილიკზე ბერიკაცის ნაბიჯის ხმა გაისმა. გაბრიელი

მადლობის სათქმელად მისკენ გაემართა და ისიც უთხრა. ახლა წავალო. როცა მოხუცმა მოინდომა, მისთვის გზა კიდევ ერთხელ ესწავლებინა, რეგინა ზეზე წამოდგა და მშვიდად თქვა:

— არ გინდა, პაპავ. ბორნამდე მე გავაცილებ.

პაპამ თავი დაიქნია და გაბრიელს ხელი გაუწოდა. მერე თოფზე წაუვლო ხელი, — როცა კუთხეში იყო მიყუდებული, მაშინაც რამდენჯერმე შეათვალიერა ყურადღებით, — და ეშმაკური ღიმილით უთხრა:

— ეჭვი არაა, ერთმანეთს კვლავ ვნახავთ, კაბუკო. თქვენ ისევ დაბრუნდებით ზვალ იქნება, თუ ზეგ.

ბერიკაცი სახლისაკენ გაემართა, ხოლო გაბრიელი რეგინას მიჰყვა და ბალიდან გამოვიდნენ. ველს რომ მიაღწიეს, მთვარემ პირდაპირ სახეში შეანათა. ბილიკი საფუტკრის გვერდით მიიმართებოდა, მაგრამ ახლა იქაურობა მიწყნარებულიყო, მხოლოდ რომელიღაც მწერი დაბზუოდა ფუტკართა მიძინებულ საბრძანებელში. აქედან ორიოდ ასეულ მეტრზე იდუმლად ჩაშავებული ტყე მოჩანდა. მისი ჩრდილები შორს ეფინებოდა ველს. როცა მათ ტყის ნოტიო ჩრდილს მიაღწიეს, გაბრიელმა შეამჩნია ფიჭვის ფესვებისაგან გაკეთებული პატარა კიბე, რომელიც ზემოთ უფრო ხშირი ტყისკენ მიიმართებოდა. ტოტები მისწი-მოსწიეს და კიბით ტყის შუაგულში შევიდნენ. სიბნელეში ჩაკარგული ბილიკი ზედ ტყის პირას გადიოდა. მარტო მდგომ ხეებსა და ბუჩქნარს შორის მოჩანდა მთვარის შუქით გაჩახჩახებული ველი. რეგინა წინ მიდიოდა. მთვარის სხივები ლივლივებდა ტოტებში და ჩაშავებულ ფოთლებს ნამის წვეთებად ეკიდებოდა. დროდადრო მთვარე სიბნელიდან გამოჰკვეთავდა გოგონას ქერათმიან თავს, რომელიც

ისევ მალე იკარგებოდა სიბნელეში. გაბრიელი ხმის ამოუღებლად მიჰყვებოდა რეგინას. ესმოდა, როგორ მიაშრიალებდა წინა წლის გამხმარ ფოთლებს რეგინა, ხან კი ხის ქერქში ჩაბუდებული ხოჭოების ფუთფუთი აღწევდა მის სმენამდე. ნიავე არ იძვროდა. მიდამო გაყურსულიყო, მხოლოდ ფოთოლთა ჩუმი ტკაცუნნი თუ ხვდებოდა ყურს. რამდენიმე წნის შემდეგ ტყის სიბნელეს რაღაც ჩრდილი გამოეყო და მათ გვერდით გაუყვა გზას. სულ ახლოს გაბრიელმა ორი მოელვარე თვალი შენიშნა.

— ეს რა არის?—იკითხა მან.

ბილიკზე შვლის ნუკრმა ისკუპა.

— ჩემი მეგობარია!—შესძახა გოგონამ და სწრაფად გაიქცა, შველი კი უკან მიჰყვა.

გაბრიელი მათ ჩამორჩა და ერთ ხეს მიეყრდნო. ესმოდა, როგორ გარბოდა ბუჩქებში შველი,—გოგონა კი ტაშს უკრავდა, შემდეგ ყველაფერი სიშორეშე შთანთქა. მის ირგვლივ მღუმარება გამეფდა. მხოლოდ ზაფხულის ღამის იღუმალეებით აღსავსე მუსიკა თუ ჩაესმოდა ხანდახან ყურში. ვაჟმა სუნთქვა შეაჩერა და გაინაბა, ყური მიუგდო ათასგვარ უნაზეს ხმას, რომლებიც ხან წარმოუდგენლად შორს გაისმოდა, ხან ისე ახლოს, რომ შეკრთებოდა კიდეც; ხან საამოდ ეფინებოდა მიდამოს, ხან კი ისევ მიჩუმდებოდა. გაბრიელს ვერ გაერკვია, ეს ტყესა და ველზე მოლიკლიკე წყაროებისაგან დაღვრილი ხმები იყო, თუ თვით ღამე ვიდოდა მელოდიურად. ახლა ისე ეჩვენებოდა, თითქოს უსასრულოდ ბევრი დრო გასულიყო, იმ დღლას აქეთ, როცა მან მიატოვა მშობლიური სახლ-კარი და გამოეთხოვა დედას.

ბოლოს გოგონა უკანვე მობრუნდა. გაბრიელთან მივიდა და ხელი თოფზე დაადო.

— ძალიან შემეჩვია, — თქვა მან, — ხშირად დავრბივართ ერთად.

თოფის თასმის გახმიანებამ გამოაფხიზლა ვაჟი.

— წამო, წავიდეთ, გზა მიჩვენე, — მიმართა რეგინას.

რეგინას ერთხანს ხმა არ ამოუღია. შემდეგ სტუმარს და-მორჩილდა და გზაწვრილიდან ტყეში გადაუხვია. აქ უკვე აღარსად ჩანდა კაცის ფეხდადგმული ბილიკი. მიწიდან ამოჩ-რილი ფესვები გაბრიელს ფეხებში ებლანდებოდა, დაბლა და-შვებული ტოტები სახეში სცემდა ან თოფში ეჩხირებოდა. ისე ჩამოხნელდა, ძლივსა არჩევდა მის წინ მიმავალ გოგონას, რომელიც ლაღად მიძვრებოდა ბუჩქნართა შორის. ხანდახან, როცა ბარდნარის ეკლები გაკაწრავდა და ვაჟი შემკრთალი შე-ჰყვირებდა, წინიდან გოგონას მზაკვრული ჩაკისკისება ესმოდა: ბოლოს რეგინა დაელოდა გაბრიელს და ხელი გაუწოდა. გზა ხელიხელჩაკიდებულეებმა ჩუმად განაგრძეს, შორიდან წყლის ტლაშუნი მოისმა. გაბრიელმა ყური მიუგდო.

— ნავტიკია, — უთხრა გოგონამ, — ჩვენს ქვემოთ მდინარის უბეა.

ვაჟმა მალე მკაფიოდ გაარჩია ნიჩბების მოსმის ხმა. ტყეშ ერთბაშად უკან დაიხია და მათ წინ გადაიშალა მთვარით გა-ნათებული ველის ფაქიზი კონტურები. მთელი მინდორი ნა-მის მოვგრცხლილ წვეთებს დაეფარა. ზედ გავლებული ბილი-კი შავად ეშვებოდა მდინარისაკენ. წყალზე გადასარკული მთვარის სხივთა ხიდი ოდნავ ცახცახებდა ტალღების ლივ-ლივს აყოლებული. გაღმიდან წამოსული ნავტიკი მთვარის

სხივთა კონაში ჩრდილად შეიქრა. გაბრიელმა გაღმა გაიხედა, მაგრამ ნისლის ლეჩაქში კერაფერი გაარჩია

— აღარ წამოვალ,— თქვა გოგონამ და გაბრიელს ხელი გაუწოდა.

— აი, ეს ბილიკი ჩადის ნავმისადგომთან, გზა აღარ დაგეკარგება.

ისინი ჯერაც ჩრდილში იდგნენ, მაგრამ მათ ირგვლივ ისეთი შუქი იდგა, რომ გაბრიელი ნათლად ხედავდა გოგონას სხეულს, მის ყოველ მოძრაობას. სირბილისას გოგონას ნაწნავები თავზე შემოეხვია და ახლა გვირგვინივით ადგა. ერთბაშად ვაჟს რეგინა ძალზე ამაყი და უმწიკვლო მოეჩვენა მთვარის შუქზე გოგონას ხელი გაეშვირა და გზას უჩვენებდა გაბრიელს, რომელსაც მისთვის თვალი ვედარ მოეწყვიტა.

— კარგად იყავი, რეგინა!— მიმართა ვაჟმა და გოგონას ხელი გაუწოდა.

მაგრამ გოგონამ უკან დაიხია და გაუბედავად ჰკითხა:

— ერთი ეს მითხარი... რატომ მიდიხარ ოქში?

— განა არ იცი, რეგინა?

გოგონამ თავი გადაიქნია.

— პაპაჩემი ამ საკითხზე არაფერს ამბობს,— წარმოთქვა მან და ბავშვივით ახედა გაბრიელს.

გაბრიელი მის თვალებში ჩაიძირა და ხმა ვერ გაიღო. უცბად ბუჩქებიდან ბუღბუღლის სტვენა გაისმა, ფოთლებმაც რაღაც ჩაიჩურჩულეს. გოგონა იდგა ვაჟის წინ უსიტყვოდ, თვალსაც აღარ ახამხამებდა და სიცოცხლის ნიშანი ნაზ სუნთქვაზედა ეტყობოდა. მხოლოდ თვალებში, თვალთა უძირო ფსკერზე ემჩნეოდა გულის თრთოლვა და სულის ფანცქალი. ვაჟმა არ იცოდა, რატომ უმზერდა გოგონა ასე.

— ჰო, მიპასუხე, — ამოთქვა ბოლოს გოგონამ.

ვაჟმა თავს ზემოთ გადმოხრილი ტოტი მოიწია და ერთი ფოთოლი შეაცალა.

— აი ამ მიწის გამო, — უთხრა მან, — შენ გამო, ამ ტყის გამო... რათა აქ უცხოებმა არ ითარეშონ, რომ აქ არ ისმოდეს შენთვის გაუგებარი ლაპარაკი, რათა აქ ყველაფერი ისევე დარჩეს, როგორც ახლაა, როგორც უნდა იყოს კიდევ, თუ კი გვინდა, რომ ვიცოცხლოთ. მივდივარ ჩემი სამშობლოს შეურყვნელი, ტკბილი, საოცრად სუფთა ჰაერის გამო.

გოგონამ თავზე ხელი გადაისვა, თითქოს რაღაცამ შეაკრთო.

— წადი! — წყნარად მიუგო ვაჟს. — ღამე მშვიდობისა!

— ღამე მშვიდობისა.. სადღა გიპოვო შემდგომში?

გოგონამ ვაჟს კისერზე მოხვია ხელები და უთხრა:

— აქვე ვიქნები, ჩემს პაპასთან.

ვაჟმა აკოცა გოგონას.

— ღამე მშვიდობისა, რეგინა!

გოგონამ მას ხელი გაუშვა. ვაჟი მთვარით განათებულ ბილიკს დაადგა. როცა რამდენიმე ხნის შემდეგ უკან მიიხედა, მოეჩვენა, თითქოს გოგონას მშვენიერი სახე იმავე ადგილიდან უმზერდა, სადაც წელან დატოვა — ტყის ჩაბნელებული კარიბჭიდან.

წიგნი დაკვეცე და ქოხთა მწკრივების გასწვრივ მოქუშულ დღეს გავხედე. გაბრიელი ჩემთან მოვიდა და გაკრიალებული თოფი მხარზე მომაყუდა. თოფმა თვალებში შემომანათა. მე წაკითხულის შთაბეჭდილებიდან ვერ გამოვსულიყავ და გაბრიელს ვკითხე:

- ეს დამკვნარი ფოთოლი რილასი ნიშანია?
 — შენ ისევ არ იშლი შენსას! — წამოძახა მან. — ეგ ისევე
 მწვანეა, ისევე მწვანე, როგორც იენისშია ფოთოლი.
 — იმის შემდეგ იქ აღარ ყოფილხართ?
 — გვერდი ას მეცამეტე! — ღიმილით მითხრა მან.
 წიგნი ას მეცამეტე გვერდზე გადავშალე. აქ ლექსი დამხვდა.

და ეღვრებოდა მთის მდელის ციდან
 ზღაპრულ სხივებად ქცეული მთვარე,
 ფოთოლთა ჩრდილში გოგონა იღვა
 ვერცხლისფრად მკრთომარ ზაფხულის ღამეს.
 თუ ვპოვებ ისევ სიზმრისებრ ნეტარს
 გზას ქაობსა და მინდორში, ნეტაე?
 გზას შინ მოსასვლელს?.. და ერთი მიკვირს,
 გოგონა . რომ არ სცილდება ტყისპირს.

- მაგრამ მაინც რომ მოსცილებოდა?—ვთქვი მე.
 — აბა, იარაღი ავისხათ! ეს ტყე და მისი მშვენიება მტრის
 ხელთ არის.



წყნარი მუსიკოსი

ჰო, მოხუცი მუსიკოსი! მას ქრისტიან ვალენტინი ერქვა. ხანდახან, როცა საღამო ჟამს გახურებულ ღუმელთან ოცნებას მივეცემი, თვალწინ მისი გამხდარი, შავი მაულის გახეხილ სერთუკში გამოწყობილი ფიგურა წარმომიდგება. და როცა იგი სხვა მნახველთა მსგავსად, აქ რომ ღუმელითა და უჩუმრად გარს მეხვევიან, თანდათან ისევ იმ ნისლში. უჩინარდება, საიდანაც ეს-ეს იყო ამოტივტივდა, გულში რაღაც ამითრთოლდება, მსურს ხელები მისკენ გავიწვდინო, შევაჩერო და უკაცრიელ გზაზე ორიოდ გულთბილი სიტყვა თან გავატანო.

მრავალ წელს ვცხოვრობდით ერთმანეთის მეზობლად ერთ ჩრდილო-გერმანულ ქალაქში. ეს თმაშეთხელებული, მოკრძალებული ქერა მამაკაცი ხშირად ჩამივლიდა გვერდით. ერთ დღეს კი ბუკინისტის სავაჭროში შევხვდი. ამ წუთიდან

მოკიდებული ჩვენ შორის ნაცნობობა გაიბა. ორივენი წიგნების შეგროვებით ვიყავით გატაცებულნი, თუმცა ორივეს ჩვენ-ჩვენი მიღრეკილება გვექონდა. სავაჭროში რომ შევედით, მას ხელში ჰაუფის „ლიხტენშტაინის“* ილუსტრირებულ გამოცემა ეჭირა. დახლზე დახრილიყო და მთელი გულისყურით წიგნს ფურცლავდა. ამის მიუხედავდ მაშინვე სალმით შემეგება.

— სასიამოვნო წიგნი გიშოვიათ! — შევნიშნე მე და სალამზე ვუბასუხე.

მან წიგნს თავი მიანება და შემომხედა.

— მართლაც სასიამოვნოა! — მითხრა მან, ფერდაკარგული თვალები აუციმციმდა და ჩვეულებრივი ულამაზო სახე ბავშვურმა ღიმილმა გაუცისკროვნა. — თქვენც მოგწონთ ეს რომანი? ძალზე გამახარეთ. დაუსრულებლად შემიძლია მისი კითხვა.

საუბარი გავაბით. მე მოვუყევი, რომ შარშან ის ადგილი მოვინახულე, სადაც წიგნში აღწერილი მოქმედება მიმდინარეობს და კლდის ქიმზე ავტორის მიერ სახელგანთქმულ ციხე-დარბაზთან* მწერლის ბიუსტიც ვნახე, რამაც ძალზე გამახარა-მეთქი. მაგრამ ამან ჩემი მსმენელი სულაც არ დააკმაყოფილა.

— მხოლოდ ბიუსტი? — მკითხა მან. — ასეთი ადამიანისათვის მთელი ქანდაკება უნდა დაედგათ! გაგაცინეთ, არა? — განაგრძო მან ისევ მოკრძალებული, მეგობრული კილოთი. — ნუ გაგიკვირდებათ, შესაძლოა, მაინცდამაინც ნატიფი გემოვნებისა არ აღმოვჩნდე.

... შემდგომში იგი უფრო ახლო გავიცანი. არ შეიძლებოდა მდარე გემოვნების ადამიანად მიგეჩინათ; მაგრამ თუ მუ-

სიკის სამყაროში ჰაიდნი და მოცარტი სწამდა, პოეზიაში ულანდის* გაზაფხულის მაუწყებელ, ნათელ ლექსებსა და ჰიოლტის* სამარისებურად მშვიდ სტროფებს აღძვრებდა მის მაგიდაზე ხშირად მინახავს ამ ავტორების წიგნები გადაშლილი.

ამის შემდეგ, როგორც კი ერთმანეთს ბუკინისტთან ან სადმე ქუჩაში შევხვდებოდით, რამდენიმე ხანს ერთად გავივლიდით და ურთიერთს რაიმეზე აზრს გავუზიარებდით. ასე გავიგე, რომ იგი აქ, თავის მშობლიურ ქალაქში, ფორტეპიანოს მასწავლებელი ყოფილა, მაგრამ გაკვეთილებს მხოლოდ საშუალო ფენისა და ღარიბ მოსამსახურეთა ოჯახებში აძლევდა. არც ის დაუმაღავს, რომ გაკვეთილების გასამრჯელო თურმე მხოლოდ უბრალო ოთახის ქირად ჰყოფნის, რომელიც ქალაქთან ახლოს ერთი მოსარეცხისაგან დაუქირავებია რამდენიმე წლის წინ.

— რას იზამ! — წარმოთქვა მან, — უცოლშვილოდ დარჩენილი ბერიკაცისათვის ეს სულაც არ არის ცუდი. ოღონდ ეს კია, უსიამოვნო აზრები ახლო არ უნდა გაიკარო! სახლის წინ მშვენიერი მწვანე კორდია და თუ იქ სარეცხი არ ფენია, ფანჯრიდან კარგი გასახეღია. ჯერ კიდევ ბავშვობისას ვთამაშობდი ამ ველზე, როცა ჩვენს მსახურ გოგოებს აქ სარეცხით სავსე, მქიმე კალათების მოტანაში ვეშველებოდი. ის ვაშლის ხეც, ადრე რომ ხშირად არხევდნენ ჩემთვის, თავის ძველსავე ადგილას დგას.

მართლაც და, როცა ერთხელ ჩვენი ერთად სეირნობის შემდეგ მუსიკოსთან ერთად მის ბაწაწინა ოთახში შევდგი ფეხი, იქაურობა გულმისავალი მეჩვენა. იმჟამად კორდზე სარეცხი არ ეფინა და ფანჯრიდან ხასხასა ბალახი მოჩანდა.

დივანის ზემოთ, კედელზე, ლესინგის* ორი ცნობილი ტყის პეიზაჟი ეკიდა. ესენი, როგორც მასპინძელმა მითხრა, მამის დანატოვარი ყოფილა. კარგად მოვლილი თავახდილი როიალის ზემოთ გრაფიტით დიდებულად შესრულებული ქალის პორტრეტი ეკიდა ნეგოს შტოებით გარშემოვლებული. პორტრეტის წინ შევდექი და ყურადღებით შევაცქერდი. მუსიკოსი გვერდით ამომიდგა და მოკრძალებით მითხრა:

— შეიძლება თქვენ არც კი დამიჯეროთ, ეს კეთილშობილი ადამიანი დედაჩემი გახლავთ; დიახ, ნამდვილად დედაჩემია.

— სიამოვნებით დავიჯერებ, — მივუგე მე, რადგან სურათიდან მიშერდა თვით მუსიკოსის სახე, რომელიც ხშირად მინახავს მეგობრული ალტყინებით გაბრწყინებული.

თითქოს ჩემი ფიქრები ამოიკითხაო, მასპინძელმა ნათქვამს დაუმატა:

— თქვენ მისი ღიმილი უნდა გენახათ! ნახატი ხომ ამას ვერ გადმოსცემს!

როცა შემდეგ საუბარი მის საყვარელ კომპოზიტორებზე ჩამოვარდა, თავისი აზრის გამოსათქმელად იგი დროდადრო როიალზე ამა თუ იმ მუსიკალური ფრაზის რამდენიმე ტაქტს უკრავდა. მე ვთხოვე, დაკვრა განაგრძეთ-მეთქი, მაგრამ მასპინძელმა დაიმორცხვა და თავის არიდება სცადა. ბოლოს, რაკილა არ მოვეშვი, შემკრთალმა მითხრა:

— ო, ოღონდ კი დაკვრას ნუ მთხოვთ! უკვე მრავალი წელია აღარ ვუკრავ.

— მაშ ეს რა არის? — შევეკითხე მუსიკოსს და „წელიწადის დრონის“* პარტიტურაზე მივუთითე, რომელიც პიუ-

პიტრზე იღო გადაშლილი. — მაგას ხომ თქვენი მოწაფეები არ უკრავენ?

მან აჩქარებით დამიქნია თავი.

— დიახ, დიახ, მაგრამ ეს მხოლოდ თვალის გადასაველებლად მქონდა გადაშლილი. როცა გამუდმებით მუსიკის მხოლოდ ელემენტალურ საკითხებს ასწავლი, ამის გადათვალთვრებაც საჭიროა... პირდაპირ განსაცვიფრებელია, ერთმა კაცმა, როგორ შეიძლო ამდენი რამის დაწერა! — და ალტაცებული სახით ნოტების წიგნის ფურცვლას შეუდგა.

როცა რამდენიმე ხნის შემდეგ მისი ოთახიდან გამოვედი, დავინახე კარზე გარედან გაკრული წარწერა, რომელიც მოცარტის Ave verum-იდან* ამოღებული რამდენიმე ტაქტი აღმოჩნდა. შემდგომი სტუმრობისას შევამჩნიე, რომ წარწერას დროდადრო აახლებდა — ან რომელიმე მწერლის გამონათქვამს უმატებდა ანდა, უფრო ხშირად, ძველი მუსიკალური ნაწარმოებიდან ამოღებულ რამდენიმე ტაქტს. ერთხელ მას ამ უცნაური ამბის თაობაზე ვკითხე. სახეზე მისთვის დამახასიათებელმა ბავშვურმა ღიმილმა გადაურბინა.

— განა ეს საუკეთესო მისალმება არ არის, როცა კაცი თავის პატარა ქერქვეშ დაღლილი ბრუნდება? — გულწრფელი კილოთი მიპასუხა მუსიკოსმა.

დიდხანს ჩვენი ურთიერთობა ამგვარად გრძელდებოდა. უფრო ახლოს მისი გაცნობა ვეღარ მოვახერხე. ერთხელ, ისიც იყო ქუჩაში ფარნები აანთეს, რომ ერთი დიდი სახლის ჭლაცაფის კარიდან გამოსულს მოვკარი თვალი. დაძაბული შრომის შემდეგ ქუჩაში გავლას ვაპირებდი და მუსიკოსს შევეხმიანე. მან მიცნო და თავი მეგობრულად დამიქნია.

— რამდენი ხანია, რაც თავმჯდომარის ოჯახში ატარებთ გაკვეთილებს?

მუსიკოსს გაეცინა.

— მე მეუბნებით? თქვენ, ალბათ, ხუმრობთ! არა, მუსიკის გაკვეთილებს იქ ახალგაზრდა ლაიფტიგელი დოქტორი ატარებს. თქვენ ხომ იცნობთ მას! ბრწყინვალე მუსიკოსია. გარწმუნებთ, დიდებული ახალგაზრდაა!

— უკვე ასე კარგად გაიცანით? — ღიმილით ვკითხე მე.

— ო, არა, სულაც არ ვიცნობ. მაგრამ ასეთი მუსიკოსი, კარგი ადამიანიც უნდა იყოს.

ამის საწინააღმდეგო მეც არაფერი მქონდა.

— ხომ არ გავიაროთ ცოტა ხანს ერთად? — ვკითხე მე.

მან თავი დამიქნია და ორივენი ქუჩას გაუყუევით.

— უკანასკნელი გაკვეთილი ჩვეატარე, — დაიწყო მან. — მასწავლებლის გოგონაა, აი იქით ცხოვრობენ, ქვემოთ, იმ ეზო-ყურეს იქით. იმასაც ოქროს გული აქვს, თანაც ისეთი მუსიკალურია, პირდაპირ გენიაა.

— რატომ თქვენთან არ იბარებთ მოსწავლეებს? თქვენ ხომ ახლოს ცხოვრობთ!

მან ღიმილით გაიქნია თავი.

— არა, არა, ბავშვებს ამას როგორ მოვთხოვ. ის კი ჩემთანაც მოდის ხოლმე. ამჟამად მძიმე ავადმყოფობის შემდეგ თანდათან იკრებს ძალ-ღონეს. გოგონა უკვე მოტარტის შესწავლას შეუდგა; მერე და რა ხმა აქვს! თუმცა კი მისთვის ეს ჯერ ადრეა: მხოლოდ ცამეტი წლისა შესრულდა.

— ესე იგი, თქვენ სიმღერასაც ასწავლით? მაშ თქვენ აქ ერთადერთი კაცი ყოფილხართ, ვისაც ამ საქმის რამე ესმის.

— ო, რასა ბრძანებთ, ღმერთმა დამიფაროს! — შესძახა

პიანისტმა. — რაკილა გოგონა სკოლის მასწავლებლის შვილია და ამიტომ დიდოსტატი მუსიკოსების კარი მისთვის დახშულია, მე ვცადე, თუკი ღმერთი ორიოდ დღეს კიდევ მაყოცხლებს. ერთ დროს ერთი ხანდაზმული მომღერალი ქალის მეზობლად ვცხოვრობდი. მას თავის დროზე თვით მოცარტისთვის უმღერია და მისი მოწონებაც დაუმსახურებია. ახლა კი მისი საბრალო ბებერი ყელი კარის ანჯამებსაც ვეღარ სჯობდა. ჰო, კარგად მახსოვს, — ხმას დაუწია მუსიკოსმა, — ჩემი სახლის პატრონის ცელქი გოგონა იმ მომღერალს ჩვენ შინაურ ცხოველს ადარებდა, — სიმღერა იმასაც უყვარდა, და კეთილ მოხუცს „სენიორა კატერინას“ ეძახდა. სამაგიეროდ სენიორა კატერინამ სიმღერის ფასი იცოდა და ჩვენ ორივეს ბევრჯერ შეგვისრულებია ერთად შიშის მომგვრელი დუეტი. მას სიმღერა არ ბეზრდებოდა და მე თანდათან ვეზიარე მისი სიმღერის მეთოდებს. „დაიხსომეთ, მუსიო ვალენტინ!“ — მეტყოდა ხოლმე იგი, ფეხის თითებზე წამოიწევედა და ხელის თითებს გამწვირიანებულ ჩაჩზე წაივლებდა: „აი ამას მოითხოვდა დიდი მაესტრო!“ — და მისი ბებერი, ამომშრალი ყელიდან, უჩვეულო სიზუსტითა და გასაოცრად მეტყველად შესრულებული რომელიმე მოცარტისეული არიის კოლორიტული პასაჟი ამოხეთქავდა. როცა სიმღერისას ჩემი აკომპანემენტი მოეწონებოდა ხოლმე, ჭიბიდან მუდამ სავსე ბროლის კოლოფს ამოიღებდა და გამხმარი თითებით პიტნის მარმელადს ჩამიდებდა პირში. ღმერთმა აცხონოს ჩემი საწყალი ბებერი მეგობარი! — დაუმატა მან უცბად აჩვილებული ხმით. — ვინ იცის, იქნებ მოხუცი ქალის იმ უკანასკნელმა მონდომებამ ახალგაზრდა გოგონას მთელ ცხოვრებას თავისი კეთილი კვალი დააჩნიოს, რადგან... — პიანისტმა თითი შუ-

ბლზე მიიკაკუნა, — აი აქ შევინახე ყველაფერი, რაც საჭიროა, რათა ყოველი ვოკალი სიმღერისას ისე გამოითქვას, როგორც ამას უკვდავი მანესტრო მოითხოვდა ახალგაზრდა პრიმალდონსაგან.

— ჩემთვის ჯერ არაფერი გაიმბნიათ თქვენი ახალგაზრდობის წლების შესახებ, — შევნიშნე ვალენტინს, როგორც კი გაჩუმდა. — თქვენი მშობლების ოჯახშიც უყვარდათ მუსიკა?

— რასაკვირველია, მხოლოდ ამის გამო ვარ მუსიკოსი!

— ვითომ მხოლოდ ამის გამო? ამას კი ვერ დაგიჭერებთ.

— რა ვიცი. შეიძლება ეს ნამდვილად ჩემი მოწოდებაც იყო. მაგრამ ყოველთვის რაღაც თავის ბრუალი მიშლიდა ხელს. ო, ვერც კი წარმოიდგენთ, როგორ ძალიანს პირველად რომ სოფლის ეკლესიაში ორდანი მოვისმინე, ისე აქვი-თინდი, რომ ველარავინ გამაჩუმა. არა, ეს მუსიკის ზემოქმედების ბრალი როდი იყო. კარზე ზარიც რომ მოულოდნელად აწკარუნებულყო, მე ისევე ვიწყებდი ქვეთინს. ამაში ბრალი ჩემს საბრალო ავადმყოფურ თავს მიუძღვის, იგი ბავშვობიდანვე მიმძიმებს ამ მხრებს. — ვალენტინი ერთ წამს შედგა. გავიგონე, როგორ ამოიოხრა მოხუცმა, თითქოს გულში შეპარულ ვარამს იკლავსო.

— მამაჩემს ასეთი რამე არც წარმოედგინა, — განაგრძო პიანისტმა ცოტა ხნის შემდეგ. — იგი ჩვენი ქალაქის პატივცემული და აღიარებული ვეჭილი იყო. საყვარელი დედა თოთხმეტი წლისამ დაგვარგე. მას შემდეგ მე და მამაჩემი ვცხოვრობდით ერთად, ჩემი და-ძმანი უფროსები იყვნენ და თავთავიანთი ოჯახები ჰქონდათ. საქალაქელებისა და ისტორიული ხასიათის საუცხოო ბიბლიოთეკის გარდა, რომლის გამო-

ყენება მე ვერაფრით ვერ ვისწავლე, თუმცა კი ძალიან მაქე-
ზებდნენ, მაშაჩემს კიდევ ერთი რამ უყვარდა, — ეს გახლდათ
მუსიკა. შეიძლება ითქვას, რომ ძირითადი მუსიკალური ცოდ-
ნა მისგან შევიძინე. შეიძლება, უკეთესი ყოფილიყო, რომ
სხვა მყოლოდა მასწავლებელი... ცუდად ნუ გამიგებთ! არ
გეგონოთ, რომ მის სიყვარულით გამთბარ ზრუნვას უმადუ-
რად ვიხსენებდე, მაგრამ როგორც კი თავბრუხვევა შემომი-
ტევდა, მამაჩემი ადვილად ბრაზდებოდა, მოთმინებას კარგავ-
და, ეს კი სულ თავგზას მიბნევდა. ამის გამო ბევრი უსიამოვნ-
ება გადავიტანე. ახლა ვიცი, რომ მამაჩემი სულაც არ იყო
დამნაშავე, რადგან სწრაფი მოსაზრება ჰქონდა და არ შეეძლო
ჩემი მდგომარეობა გაეგო. იმას ეგონა, რომ დაბადებითვე
ზოზინა ვიყავი და საჭირო იყო გამოვცოცხლებულიყავ.

მაგრამ ერთხელ, — მაშინ სწორედ კონფირმაციას ველო-
დი, — მამაჩემი ჩემს ყოფას მჩხვდა. ო, ჩემო ძვირფასო
მამავ, არასოდეს დამავიწყდება; — მან ხელები წინ გაიშვირა
და უტბად დაუშვა. ამერე კი კვლავ განაგრძო: — სასტუმრო
ოთახში ვისხედით და ოთხი ხელით კლემენტის* სონატას
ვუკრავდით. წინა საღამოს დიდხანს ვუჩქეკი ჰარმონიის ერთ
ძნელ თემას და, როგორც ჩემი ცხონებული დედა იტყოდა
ხოლმე, თავი გამომილაყდა. როცა სონატის რონდოს* შუა
ნაწილს მივალწიეთ, გონება სულ ამერია და რამდენჯერმე
ზედიხედ ყალბი ნოტი ავიღე. მამა გაცხარდა. „რას ჰგავს ეს
საქციელი? ეს ხომ ათასჯერ დაგიკრავს?“ რამდენიმე გვერდი
უკანვე გადმოშალა და იმ ნაწილის დაკვრას თავიდან შევუ-
დექით. მაგრამ ამაოდ! არაფერმა არ მიშველა! როგორც კი
საბედისწერო ადგილთან მივდიოდით, ისევ მეშლებოდა.
მამაჩემი წამოხტა და სკამი უკან მოისროლა... მიუხედავად

იმისა, რომ გულფიცხი კაცი იყო, თითი არასოდეს დაუკარებია. იმ დღეს კი, შეიძლება სხვა რამითაც იყო გაჯავრებული. რადგან სწორედ ახლა, როცა ბავშვი უკვე აღარ მეთქმოდა, მამა ისე გაფითრდა, რომ თავი ვეღარ დაიმორჩილა. ნოტებიატაკზე ჩამოცვივდა. მე ხმის ამოუღებლად ავკრიფე. ლოყებზე ცეცხლი მომედო, გული საშინლად ამიძვერდა და ასე მეგონა, პირიდან სისხლი ამომხეთქავდა. მაგრამ კვლავ როიალს მივუჯექი და ათრთოლებული ხელები კლავიშებს დავადე. მამაც გვერდით მომიჯდა. ერთმანეთისათვის არ შეგვიხედავს, არც სიტყვა გვითქვამს, სონატის დაკვრა განვაგრძეთ. ახლაც კარგად მახსოვს, — შემდეგ ხშირად მიკითხავს საკუთარი თავისთვის, იმ დიდმა გულისტყენამ ხომ არ გამიათქეცა-მეთქი ძალ-ღონე, — უცბად გულზე მომეშვა, ნოტებითიქოს თავად გაცოცხლდნენ, თითქოს აღარც შავი და თეთრი კლავიშები არსებობდნენ, რომელიც ჩემს უმწეო თითებს უნდა-აეხმაურებინა. „აი, ხომ ხედავ! — მითხრა მამამ. — საჭიროა გულით მოინდომო“.

სონატა მოვათავეთ. რაკილა ეს სონატა ასე მოულოდნელად კარგად შევასრულე, მამამ პიუპიტრზე სხვა მუსიკალური პიესა დამიღო. იგი მარტო მე უნდა დამეკრა. მკც გაბედულად შევეუდექი დაკვრას. მაგრამ მამაჩემი ახლა მხარს კი არ მიჭერდა, არამედ გვერდით მედგა და მკაცრად მიმზერდა. მე ისევ დავიბენი და ამაოდ ვცდილობდი, რომ ისე უცაბედად მოსული რწმენა შემენარჩუნებინა. ეს ეგებ იმიტომაც მოხდა, რომ ჯადოქრულმა ძალამ ზემოქმედება დაკარგა. ჩემს გონებაში ყველაფერს კვლავ ნისლი გადაეფარა, ძველმა შიშმა მომიცვა ისევ და მეხსიერება ისე გამეფანტა, თითქოს ფრინველები მიეფარნენ ნაცრისფერ ღრუბლებსო.

დაკვრაც შეეწყვიტე. „არ მცემო, მამა, — შეეძახე მე და გულზე ხელები მივაბჯინე. — არ ვიცი, რა შემართება, რალაც რეტი მესხმის, ამიტომ ველარ ვუკრავ“.

როცა გავბედე და მამას ავხედე, თვალში მომხვდა მისი გაშმაგებული შემოხედვა, მაგრამ მე, ალბათ, სახეზე მკვდრისფერი მედო, — საერთოდაც ხომ უფერული ვიყავი.

„ერთხელ სცადე შენ თავად!“ — წყნარად მითხრა მამამ, მარტო დამტოვა, ტალანი გაიარა და ზემოთ, თავის ოთახში ავიდა.

მე კი დაკვრა აღარ შემეძლო. ისეთი სასოწარკვეთილება დამეუფლა, წინათ რომ არ გამომეცადა. საკუთარი თავი ისე შემებრალა, თითქოს სიცოცხლეს ვტოვებდი. როილის თავზე დედის სურათი ეკიდა, აი ის, ამას წინათ რომ ნახეთ. ახლაც თვალწინ მიდგას, როგორ გავიწვდინე მისკენ ხელები და ბავშვური გულუბრყვილობით რამდენჯერმე ვთხოვე: „ო, ჩემო დედიკო, მიშველე რამე, მიშველე რამე!“ შემდეგ თავი ხელებში ჩავრგე და მწარედ ავტირდი.

რამდენ ხანს ვიყავი ასე, აღარ მახსოვს. კარგა ხანი იყო, წინკარში ვილაცის ფეხის ხმა გავიგონე, მაგრამ არ გავნძრეულვარ, თუმცა სახლის იმ მხარეს ჩემს მეტი არავინ იყო. ბოლოს კარზე დააკაკუნეს და მეც წამოვდექი. კაცი ნაცნობი ხელოსანი აღმოჩნდა. იგი მამაჩემთან საქმეზე მოსულიყო.

„ავად ხომ არ ხართ, ყმაწვილო ბატონო? — მკითხა მან. უარის ნიშნად თავი გავაქნიე და ესლა ვუთხარი: „მამას ვკითხავ, თუ მიგიღებთ“.

ოთახში რომ შევედი, მამა წიგნების დიდ თაროსთან დავინახე. ხშირად იდგა ხოლმე აქ, ხან ერთ წიგნს გამოიღებდა და ხან მეორეს, გადაფურცლავდა, გადმოფურცლავდა და ისევ

შედებდა. დღეს კი სხვაგვარად იყო, იდაყვი თაროს კიდებზე ჩამოედო და ხელი სახეზე აეფარებინა.

„მამა“, — ხმადაბლა წარმოვთქვი მე.

„რა იყო, შვილო?“

„ვიდაც გკითხულობს, შენი ნახვა სურს“

მან არაფერი მიპასუხა, თვალებიდან ხელი ჩამოიღო და სახელი დამიძახა.

მისკენ გავიქეცი და მკერდში ჩავეკარი. ეს პირველი იყო ჩემს ცხოვრებაში. ვგრძნობდი, რომ მამას ჩემთან ლაპარაკი სურდა, მაგრამ იგი უხმოდ მისვამდა თავზე ხელს და უსიტყვოდ, ვედრებით შემომყურებდა. „ჩემო საყვარელო, ჩემო საბრალო ბიჭუნო!“ მხოლოდ ეს სიტყვები ამოსცდა მის ბაგეებს. თვალები მივლულე. ასე მეგონა, ახლა კი ცხოვრების ვერავითარი უსიამოვნება ველარ შემეხებოდა. დედის სიკვდილის მიუხედავად, დავივიწყე, რომ ყველაფერი კვდება და იცვლება.

ამის შემდეგ ოჯახში ჩემთვის ბედნიერი დღეები დაიწყო. მამაჩემი აღარასოდეს მიჯავრდებოდა, პირიქით, დედაც კი ვერ მომეპყრობოდა ისე ალერსით. იმ წელს გაზაფხულიც უჩვეულოდ მშვენიერი დაიჭირა. ქალაქგარეთ, მწვანე ღობესა და მიწაყრილებს შორის, ერთი ბალყუმი ადგილი იყო. აქ ერთ დროს სააგარაკო სახლი იდგა, რომელიც ამჟამად აღარავის აინტერესებდა. წინათ მოვლილი ყვავილნარიდან, ახლა მხოლოდ იაღა შემორჩენილიყო. გაზაფხულის პირველივე დღეებიდან ია გულუხვად ჰყვავდა. იქ შემდეგაც ხშირად დავდიოდი, როცა მწვანე ღობედ შემოვლებული კუნელი თოვლისფერი ყვავილებით მოირთვებოდა. მერეც მიყვარდა იქ სიარული, როცა ყველაფერი დაიყვავილებდა და ბუჩქნარში

ქვინტები და ყანის ჩიტებილა დაძვრებოდნენ. მრავალი საათი გამიტარებია იქ ბალახში ჩაწოლილს. ირგვლივ ყველაფერი რაღაც საზეიმო მდუმარებაში იყო ჩაფლული, მხოლოდ ფოთლები და ჩიტები ბედავდნენ თავისი სათქმელის გამჟღავნებას. მაგრამ არასოდეს მინახავს აქაურობა ისეთი წარმტაცი, იმ გაზაფხულს რომ იყო. ჩემ მსგავსად, ფუტკრებიც მინდვრად გამოსულიყვნენ. საამოდ დაზუზუნებდნენ ბალახებიდან ლურჯად ამობიბინებული უთვალავი იების თავზე, უძვრებოდნენ ბუტკოში. დაკრეფილი იებით მთელი ცხვირსახოცი გავავსე. საამო სურნელებით გაჟღენთილი ჰაერი, მზით გაჩახჩახებულ მიდამო ნეტარებით მავსებდა. ბალახში ჩავექეპი, ჯიბიდან ძაფი ამოვიღე და გვირგვინის დაწვნას შევუდექი, გოგობა რომ იციან ხოლმე. ცის ლურჯ სივრცეში მონდომებით გავლობდა ტოროლა. „ო, დიდებულო სამყაროვ ღვთისა!“ — გავიფიქრე ანაზღად და გონებამ რითმები ააწყო. ეს, რასაკვირველია, მხოლოდ ბავშვური პოეტობა იყო. მაგრამ ძალზე კი მსიამოვნებდა.

შინ რომ დავბრუნდი, გვირგვინი მამის ოთახში დავკიდე. მანსოვს, როგორ სიხარულს ვგრძნობდი მაშინ, რაკილა შემეძლო მამასთან ასე თავისუფლად მოვექცეულიყავ.

კიდევ ერთი რამ უნდა გითხრათ! საკმაო ხნის შემდეგ, მის დანატოვარ ქაღალდებს შორის ვნახე ჩემ სახელზე შევსებული საბანაკო წიგნაკი საკმაო თანხით. როგორც რიცხვიდან ჩანდა, პირველი თანხა მამაჩემს იმ უბედურ თუ ბედნიერ დღეს შეეტანა. გული ძალზე ამიჩქროლდა, როცა ანდერძთან ერთად ეს წიგნაკიც ვნახე. საბედნიეროდ, მატერიალური დახმარება მაშინ არ მესაჭიროებოდა...

საუბრისას ჩვენდა უნებურად ქალაქის მიყრუებულ ქუ-

ჩებს დავდგომოდით. და ახლა კვლავ ერთ-ერთ მთავარ ქუჩაზე გავედით. დროდადრო შეუქმინებლად გადავხედავდი. ჩემს გვერდით მიმავალ, სიბერეში ვადააყულ მამაკაცს, უცბად მან მკლავზე წამავლო ხელი.

— არ გინდათ ნახოთ? — მკითხა მან. — აი აქ ვცხოვრობდით, როცა მშობლები ცოცხლები მყავდნენ. ეს სასლი ჩვენი იყო. იგი მამის სიკვდილის შემდეგ გავყიდეთ.

მალლა რომ ავიხედე, ზემო სართულზე გაჩანჩახებული დიდებული ფანჯრები დავინახე.

— იქ ერთხელ გაკვეთილები შემომთავაზეს, კარგ ანაზღაურებასაც დამპირდნენ, — განაგრძო პიანისტმა, — მაგრამ არ მსურდა მტანჯველი მოგონებები განმეახლებინა. მეწინაადა, რომ ერთხელაც იქნებოდა კიბეზე შემხვდებოდა საბრალო ფერმიხდილი ბიჭი, რომელიც დაკაცებისას დიდი ვერაფერი შვილი დადგა.

პიანისტი დადუმდა.

— ეგრე ნუ ლაპარაკობთ! — ვუთხარი მე. — აქამდე დარწმუნებული ვიყავი, რომ თქვენც ჩვენზე, დანარჩენებზე ნაკლებ ბედნიერი არ იყავით.

— ო, რასაკვირველია! — დარცხვენით წარმოთქვა მან და ნაცრისფერი ფეტრის შლაპა რამდენჯერმე მომიხადა. — ვარ კიდევ! ვარ კიდევ! არა, ეს ისე; ხანდახან კაცს უცნაური აზრები მოგივა. აბა, როგორ შეიძლება, უსიამო ფიქრებს აპყვე.

კარგა ხანია შევამჩნიე, რომ ამ ბოლო ფრაზას იგი ერთგვარ თეჯირად იყენებდა, რათა ამაო სურვილებსა და იმედებს გამიჩვენოდა.

თხუთმეტი წუთის შემდეგ უკვე ჩემს ოთახში ვისხედით,

სადაც იგი სავაზმოდ მოვიწვიე. სანამ სპირტქურაზე ჩრდილოურ პუნშს მოვხარშავდი, იგი წიგნების თაროსთან იდგა და აშკარად ნაამები ათვალეირებდა ხოდოვეცკის* დასურათებულ მშვენიერ გამოცემებს.

— ერთი რამ კი მაინც გაკლიათ! — შესძახა სტუმარმა. — ბიურგერის* ხელმომწერთა გრძელი სიადართული ლექსების კრებული. სასიამოვნოა, ამ ძველ ბატონებს შორის საკუთარ წინაპრებსაც შეხვდე კაცი. — ვალენტინმა გულწრფელი დიმილით შემომხედა. — ეს წიგნი, შემთხვევით, ორი ცალი მაქვს. ხომ არ გინდოდათ, როცა ჩემთან მოხვდებოდით, ერთი თქვენთვის მომეცა?

ამაზე მადლობა მოვახსენე.

მალე ერთმანეთის გვერდით დივანზე ვისხედით. წინ ცხელი პუნშით სავსე ჭიქები გვედგა. შეთავაზებულ სიგარებს მან ჩემი გრძელი ჩიბუხი არჩია და ახლა სიამოვნებით აბოლებდა. მერე პუნში მოსვა, ჭიქა ცოტა ხანს ხელში შეაჩერა, თვალით სასმელზე მანიშნა და დაიწყო:

— ახალი წლის წინა საღამოს ოჯახში ყოველთვის ვსვამდით პუნშს. ერთხელ, ბავშვობისას, ისე გამოვთვეერი კიდევ, რომ შემდეგ ეს კეთილშობილური სასმელი დიდხანს მეზიზღებოდა. ახლა კი ისევ სასიამოვნოდ მეჩვენება. — ამის თქმაზე კარგა გვარიანი ყლუპი მოსვა და ჭიქა მაგიდაზე დადგა.

თამბაქოს გწევდით და თან ვმუსაიფობდით. ხან რას გავიხსენებდით, ხან რას.

— არა, — დაიწყო მან, — მაშინ ჩვენში, გერმანიაში, არ იყო დაწესებულება, რომელსაც ახლა კონსერვატორიას უწოდებენ. მე კარგ პიანისტს მიმაბარეს. მასთან რამდენიმე წელი-

წადს ვიშუშავე და თეორიასა და პრაქტიკაში გვარიანად გა-
კიწაფე. ჩემს გარდა იმ პიანისტთან მეცადინეობდა კიდევ
ერთი მოსწაულე, რომელმაც კარის პიანისტის სახელი მოიპო-
ვა. მაგრამ, მიუხედავად ამისა, როცა ზოგჯერ ვიჯექი და მას
ვუსმენდი, თავიდან ვერ ვიშორებდი აზრს, რომ მე, ქრისტიან
ვალენტინი ყველაფერს უკეთ დავუკრავდი, თუკი... დიახ,
თუკი ჩემი თითები და აზრები ასე მარჯვედ შეეწყობოდნენ
ერთმანეთს. აი, შეხედეთ, — დაუმატა მან და ცერი და ნეკი
გაშალა მაგიდაზე, — დამნაშავე ესენი როდია, საკმაოდ კარ-
გად მაქვს გავარჯიშებული კლავიჩემბალოზე.*.

— იქნებ, საკუთარი თავისგან ძალიან ბევრს ითხოვთ, —
გავაწყვეტინე ქრისტიანს. — დახვეწილი ადამიანის ხელსა და
აზრს შეუთანხმებლობა არ ახასიათებს.

უარის ნიშნად ქრისტიანმა თავი გააქნია.

— არა, საქმე სხვა არის, მაგრამ ასეც რომ იყოს, მაინც კე-
რაფერს ვუშველიდი. სანამ აქ ხანგრძლივად ფეხს მოვიკი-
ლებდი, სხვა ქალაქში ვასწავლიდი მუსიკას. იქ არავინ მაიძუ-
ლებდა, კონცერტები გამემართა და ალბათ ამიტომ მოვახერ-
ხე გამეკეთებინა ის, რაც შემეძლო. ამის გარდა, თუმცა-ღა
იმ დროს ყველგან მცირე საზღაურს იძლეოდნენ, მე პირვე-
ლივე წლების მანძილზე მოვახერხე საკმაო თანხის გადანახვა,
ვინ იცის, რისთვის დამჭირდებოდა უცოლშვილოდ დარჩე-
ნილ მარტოხელას...

ქრისტიანმა ჭიქა ასწია და ერთბაშად გამოსცალა.

— აი, ასე, — ჩაილაპარაკა მან, — ახლა კი სიმხნევე მო-
ვიკრიბე. თქვენ სიამოვნებით გიყვებით ყველაფერს. ასე გა-
სინჯეთ და თქვენთან ჩემს მოცარტსაც კი დავუკრავდი
კიდევ ერთხელ.

ქრისტიანმა ორივე ხელი დამიჭირა. ფერმკრთალი ღაწვი-
ბი ოდნავ შეეფაკლა.

— მაშინ ერთ წიგნების მკაზმავთან ვცხოვრობდი, — კვლავ
დაიწყო თხრობა. — მას პატარა ბუკინისტური ღუქანიც
ჰქონდა. ბევრი მშვენიერი წიგნი შეეძინე იმ დროს ჩემს ბიბ-
ლიოთეკას. მაგრამ თუკი ვინმე დამცინოდა, როცა რომელიმე
ძველი წიგნი ძვირფასი განძივით მიმქონდა სახლში, ეს გახლ-
დათ ბუკინისტის ქალიშვილი. ლამაზი სახელი ერქვა — ანიკო.
წიგნებს დიდ პატივს არ სცემდა, სამაგიეროდ სიმღერა უყვარ-
და მღეროდჯ ხალხურ და საოპერო არიებს, — ღმერთმა
უწყის, სად მოისმინა და ისწავლა ისინი. ახლა რა ხმა ჰქონდა!
სინიორა კატერინა, რომელიც იმავე სახლის მანსარდში ცხოვ-
რობდა, მეტად ნაწყენი იყო, რომ „ამ თავქეიფას“ არ სურდა
მისგან გაკვეთილები მიეღო. „მუსიო ვალენტინ!“ — მითხრა
მან ერთხელ, როცა დიდი ხნის ხვეწნის შემდეგ ანიკო გადა-
იბირა და ახლა მის წინ იდგა და ილიმებოდა, — აბა, შეხედეთ
ამ გოგონას! ბედი კარზე მოსდგომია, ის კი ხელსა ჰკრავს.
მერე კი, — დიახ, დიახ, ბალო! — სიბერე შეუმჩნევლად მო-
გეპარება. აი, ახლა რომ მე ასე მიყურებთ, თავის დროზე თავა-
დებსა და დიდებულებს შემეძლო გავყოლოდი ცოლად.

— მე კი, — მიუგო „თავქეიფამ“, — შემეძლია პრინცს
გავყვე ცოლად. და ასეც ვიზამ, თუ კი თავის ოქროს კარეტით
აქ გამოივლის! აბა, თქვენ თუ შეგიძლიათ, სინიორა, ჩემნა-
ირად იმოეროთ? — შესძახა მან და წარმოუდგენელი სისწრა-
ფით წაიმღერა რაღაც გარითმული უაზრო სიტყვები, ხმას
ხან აუწევდა, ხან დაუწევდა, ხან მოასუსტებდა, ხან კი ჯა-
ლუმად ააყდერებდა. — „ხედავთ, სინიორა, აი ეს არის ბუნე-
ბრივი ხალასი ნიკი!“

ასეთ ყოყონობაზე ბებერი მომღერალი უმეტესად პასუხს არ აძლევდა. მაშინაც ხმის ამოუღებლად შემოიხვია წითელი შალი, რომელსაც სახლშიც არ იცილებდა მხრებიდან, ღირსების გამოსახატავად ცხვირი მალლა ასწია და თავის მანსარდს მიაშურა.

როგორც კი შოხუცი მომღერალი მოგვეცილდა, ანიკომ ხელეპი ზურგზე დაიწყო, ჩემს წინ შეჩერდა და ტოტზე შემკადარი ჩიტივით სიმღერა განაგრძო. „შეაბიელი, ბავარიელი, გოგონები, იუხჰე!“ ცეცხლის ბურთივით ავარდა ჰაერში მისი „იუხჰე!“ მერე თაფლისფერი თვალეპი მოჰაპყრო და გულწრფელად მკითხა: „ხომ კარგად ვმღერი, ბატონო ვალენტინ?“

ჩემს ოთახში ვიყავით, სადაც ვახშამი მულამ ანიკოს ამოჰქონდა. მე როიალს მივუჯექე. „განაგრძე სიმღერა, ანიკო!“ ეუთხარი მას. აი ასე, ჩემს მარტოვ აკომპანემენტზე, ანამ ჯერ ერთი სიმღერა იმღერა, მერე მეორე, მესამე და აღარც კი მახსოვს, რამდენი ლამაზი სულელური სიმღერა შეასრულა ის კი ვიცი, რომ რაღაც გამოუთქმელი სიამოვნება მომანიჭა. „არა, პირდაპირ საოცარია! — შესძახა გოგონამ, — განა თქვენ უველა ჩემი სიმღერა იცი? აი რა გითხრათ, ბატონო ვალენტინ, ჩემი ხმა ხომ მთელ სახლში ისმოდა! სინიორა კატერინა, ალბათ, თავის მანსარდში მთლად შალში შეფუთული ზის“.

იმ დღის შემდეგ, ანიკოს აზრით, ჩემთვის მუსიკაში შეუძლებელი აღარაფერი აღარ იყო. მეც თანდათან დამეუფლა მისი გულუბრიყვილო აღფრთოვანება და საკუთარი თავის რწმენა. ერთხელ, როცა გოგონა ჩემი ოთახიდან გავიდა, მაგიდას მივუჯექე და ჩემი ქონება გავიანგარიშე. რაღა ბევრი გავაგრძელო, ეს თავქეიფა გოგონა უცბად მთელ ჩემ ფიქრებს

დაეუფლა. მაგრამ ამ დროს უკვე სიმღერის წრეები შემოდინდნენ მოდაში.

— სიმღერის წრეები? — ვკითხე ქრისტიანს გაოცებით, თან პაუზით ვისარგებლე, რომ მისი ქიქა გამახალისებელი სითხით შემევესო. პუნში ისევ სპირტქურის ლურჯ ალზე იდგა, რომ არ გაცეიბულიყო.

— ჰო, სამწუხაროდ, მომღერალთა წრეები, — გაიმეორა მან, ჩიბუხი ხარბად მოქაჩა და ბოლი დიდ-დიდ რგოლებად გამოუშვა. — არასოდეს მომწონდა მხოლოდ კაცებისაგან შემდგარი ასეთი ქორო. იგი ისევე მოსაწყენია, როგორც წლების მანძილზე მუსიკალური ნაწარმოების მხოლოდ დაბალი რეგისტრით შესრულება. ამის გარდა, ასეთი გუნდი მუდამ ლუღხანის სუნის შეგრძნებას იწვევს. მიუხედავად ამისა, როცა ასეთი ახალი გუნდის ხელმძღვანელობა შემომთავაზეს. უარი ვერ ვთქვი. ძალზე კრელი ხალხი იყო თავმოყრილი: ხელოსნები, ვაჭრები, მოხელეები. გუნდში ერთი ღამის დარაჯიც მიიღეს; იგი სამაგალითო მამაკაცი და უმაგალითო ბანის პატრონი აღმოჩნდა. მისი გუნდში მიღება სწორი იყო, რადგან, ჩემი აზრით, ხელოვნება ისეთი წმიდათაწმიდა რამ არის, რომ წოდებრივ სხვაობას მისთვის არავითარი მნიშვნელობა არა აქვს.

უნდა გითხრათ, რომ წრე გულისყურითა და მონდომებით მეცადინებოდა. როცა ერთი თავის პარტიას სწავლობდა, სხვები დროს ლაქლაქში კი არ ატარებდნენ, ნოტებს აიღებდნენ და ჩუმად სწავლობდნენ თავთავიანთ პარტიას. ამგვარად, კარგი მიღწევებით ჩავატარეთ ზამთრის ორი კონცერტი, მაგრამ მესამე კონცერტის ჩაბარებამდე რამდენიმე დღით ადრე ავად გაგვიხდა პირველი ტენორი—თეთრი ყვავი მაღალი ბე-

მოლით, ურომლისოდაც ზოგიერთი ნომრის შესრულებაზე ფიქრიც კი უაზრობა იყო, თუმცა მთელი გულისყურით ვემზადებოდით.

სასომიხდილი დავდიოდი და არ ვიცოდი, ნაკლი როგორ შემევისო. ანიკოს კი თურმე ჩემს მაგიერ მოეფიქრებინა.

— როიალი დარბაზში გადაატანინეთ და თქვენ თვითონ შეასრულეთ რამე, — მითხრა ანიკომ. — როდემდე უნდა უკრავდეთ მხოლოდ ჩემისთანა სულელი გოგოსა და მანსარდში შეყუყული ბებრუხანასათვის?

მუქარის ნიშნად ანიკოს თითი დავუქნიე, მაგრამ მის რჩევას კი დავუჯერე.

საკონცერტოდ შევარჩიე მოცარტის სონატა-ფანტაზია, რომელსაც იმ დროს ყველა მუსიკალური სკოლა არ ასრულებდა. დილით, გაკვეთილების დაწყებამდე, და საღამომობით ვიჯექი და გულმოდგინედ ვვარჯიშობდი როიალზე. როცა ასე ვიჯექი მარტოდმარტო და ამ ნაწარმოების შესრულების გარდა ქვეყანაზე ჩემთვის აღარაფერი არსებობდა, ხანდახან მეჩვენებოდა, თითქოს დიდი მაესტრო მოწონებით მიქნევდა თავს და მესმოდა მისი ხმა: „კარგია, კარგია, ძვირფასო ვალენტინ! აი, მეც სწორედ ეგრე მქონდა ჩაფიქრებული, სწორედ ეგრე!“

ერთხელ, ის იყო ადამიო დავასრულე, რომ ღია კართან უცბად სინიორა კატერინა აისვეტა და თავისი შუშისებური ხმით სიცილს მოჰყვა. მისი დანჯღრეული სოპრანო მაშინ ძალზე საშინელი მომეჩვენა. სინიორა, სიცილს არ ეშვებოდა და თან მარწმუნებდა — მკაფიოდ და ხმამაღლა იძახდი საკუთარი თავის გამამხნეველ სიტყვებსო. შემდეგ ლოყაზე ბეჭდებით აჩონჩხილი გამხმარი ხელი მომითათუნა.

— ჰო, ჰო, caro amico! — მითხრა მან, — თვითონ დიდი მანქანით ადარ არის ცოცხალთა შორის, მაგრამ მისი მოსწავლე ხომ აქ ვარ და მე გეუბნებით: bravo, bravissimo! ახლა კი da capo², ზოგიერთი შენიშვნა უნდა გაგიზიაროთ.

ჰოდა, ადაეიოს გამეორებას რომ შევუდექი, იგი ზურგს უკან დამიდგა და ხან ოდნავ მიქნევდა თავს, ხან კი შენიშვნებს მაძლევდა. არც კი დავიჯერებთ, როგორი მუსიკალური სული ჰქონდა ამ მოხუც ქალს! და მიუხედავად ამისა, როცა მას სხვათა თანდასწრებით სიმღერის წადილი დაეუფლებოდა, სიცილისაგან თავს ვერ იკავებდნენ. მხოლოდ მე არ მეცინებოდა, პირიქით, ვექცეოდი იმ გრძნობათა სამყაროში, რომლის შექმნა მხოლოდ მას შეეძლო თავის ხელოვნებით. ვერ ვიტყვი, თითქოს ეს თანაგრძნობის გამო მემართებოდა. რადგან შებრალება მას არ სჭირდებოდა, — ეს უფრო საშინელების რაღაც აუხსნელი ძრწოლა იყო: თავს ისე ვგრძნობდი, თითქოს თვით მე დამცინოდნენ. სინიორა კატერინა კი, როგორც ეტყობოდა, გუმანიტაც ვერაფერს ხვდებოდა. ამაყი დედოფალივით დადგებოდა შუა ოთახში, ტანზე თავის წითელ ქაშმირულ შალს შემოიხვევდა და რომელიმე ცნობილ არიას ჩააგუგუნებდა. უნდა გამოვტყდე, რომ როცა მარტონი ვრჩებოდით, იმის გამო, რომ მსურდა ძისგან რაიმე მესწავლა, უფრო იმას ვუსმენდი, რასაც მისი სული მღეროდა და არა იმას, რასაც მისი ყელი ახერხებდა, რადგან რის გამოხატვაც მას სურდა — და ამის ამოცნობა კი მე მალე ვისწავლე თითქმის ყოველთვის ქეშმარიტებად მიმაჩნდა.

¹ ძვირფასო მეგობარო (იტალ.).

² თავიდან (იტალ.).

ახლაც, კონცერტის წინა საღამოს, როიალს ვუჯექი. როგორც მისი მორჩილი და ყურადღებიანი მოსმენელი. დაკრია მაშინაც არ-შემიწყვეტია, როცა კიბეზე ამომავალი ნაცნობი აატარა ფეხების ბაკიბუკი მოძესმა. დავინახე, სინიორას ხელი, რომელმაც კარისკენ მკაცრად მიუთითა ჩუხად შემობარულ ანიკოს. მაგრამ თითქოს რაღაც ეწეოდა. გოგონა თანდათან მომიახლოვდა, ორივე ხელი წინსაფარში შეიყო და ჩემს გვერდით როიალს დაეყრდნო. ვიგრძენი, როგორ მომაპყრო დიდრონი თაფლისფერი თვალები. შთაგონებით აღტაცებულმა. დაკვრა განვაგრძე. სონატა ბოლომდე რომ ჩაეთათვე, ანიკომ ღრმად ამოიოხრა.

— ო, რა წარმტაცი იყო! — წამოიძახა მან. — ღმერთო ჩემო, რა კარგად უკრავთ, ბატონო ვალენტინ!

თითქოს მლოცავსო, სინიორამ თავზე ბეჭდებიანი ჩელი დამადო.

— ჩემო ძვირფასო, თქვენ დიდი წარმატება გელით.

იმავე წუთას კბილებს შორის პიტნის მარმელადი ვიგრძენი.

სათქმელად ადვილი იყო! თვინიერი გოგონა, აღტაცებაში რომ პოულობდა სიხარულს, მუსიკალური სული მოხუცისა, რომელიც მეცადინეობაში მეხმარებოდა, შავადღაფოთლილი მეძებარი ძალდი პოლი, — მე სწორედ ახალა შევნიშნე, რომ იგი თავგვივით ჩუხად შემომძვრალიყო და კარის ზღურბლზე დასკუბებულისყო, — მხოლოდ ესენი იყვნენ ახლა ჩემი მსმენელები! — მაგრამ მერე, როცა აძღენი უცხო ადამიანი შემომატყერდებოდა?

სხვათა შორის, ერთი რამ გულს მიმაგრებდა: ახალი საეკლესიო ორღანის გასასინჯავად მოწვეული იყო ცნობილი

დამკვრელი, რომელიც ქალაქში სწორედ ჩვენი კონცერტის შემდეგ, მეორე დღეს უნდა ჩამოსულიყო. დიახ, უნდა გამოეტყდე, რომ მე თვითონ ვიზრუნე, საქმე ასე მოწყობილიყო.

მეორე საღამოს ცოტა გულდამძიმებული შევედი საკონცერტო დარბაზში. იგი ისე გავსებულიყო, რომ ზოგი მანდილოსანი ფეხზეც კი იდგა. სიმღერები, რომლითაც საღამო გავსენით, წარმატების მოკრძალებული განაცხადი იყო: თუმცაღა ამჯერად სუსტი ტენორი გვყავდა, მაგრამ ისეთი ძალები შემოვინახეთ, რომ ზოგიერთ დიდ გუნდსაც შეშურდებოდა. მარტო ლამის დარაჯსა და ჩვენს სქელ სკოლის დირექტორს ისეთი ძლიერი ბანი ჰქონდათ, რომ იოლად ავსებდნენ მაღალი ხმებით დატოვებულ სიციხიელს. მხურვალე ოვაციები გავვიმართეს. პატარა ქალაქის მომღერლებიცა და მსმენელებიც ერთმანეთის კმაყოფილები იყვნენ.

პროგრამა თანდათან სონატა-ფანტაზიას უახლოვდებოდა. ის იყო შეწყდა ლუდვიგ ბერგერის* მშვენიერი სიმღერის „როცა ანდრეას ჰოფერი პოსეირადან...“ გამო გამართული ოვაცია, რომ როიალს მე მივუჯექი. დარბაზი მოლოდინში გაიხუსა. რანდენჯერმე ღრმად ამოვისუნთქე და ნოტები გადავმალე. შემდეგ თვალი დარბაზისკენ გავაპარე. ჩემსკენ მოქცეულმა სახეებმა რაღაც გაურკვეველი შიში აღმიძრა. ჩემდა საბედნიეროდ, დარბაზში ანიკოს დიდი თაფლისფერი თვალებიც შევნიშნე, იგი გახარებული შემომცქეროდა. იმავე წუთს დარბაზი — ეს მრავალთავიანჭი ურჩხული — ჩემდამი კეთილგანწყობილ არსებად იქცა. გაბედულად შევასრულე დასაწყისის მაუწყებელი რამდენიმე აკორდი. მერე კი გონებაში გამიელვა: ო, წმინდა მანესტრო! შენს ოქროს ბგერებს აუცილებლად მივიტან ადამიანთა გულებამდე!“ და დავიწყე ჩემი

მოცარტის—მისი ადაჯიოს შესრულებზე. ახლაც მჯერა, რომ მაშინ ეს კარგად შევასრულე, რადგან აღვსილი ვიყავ თვით ნაწარმოების სილამაზითა და გამსჭვალული იმ სურვილით, რომ მისი მოსმენით სხვებ-სტვისაც სიხარული მიმენიჭებინა. ახლაც მჯერა, რომ ასეთი შესრულებისათვის ჩემი ბებერი მომდერალიც კი შემაქებდა-მეთქი. მაგრამ იგი ღია კონცერტა არასოდეს ესწრებოდა.

უკვე ანდანტინოს* ბოლო გვერდზე ვიყავი, როცა დარბაზში ამტყდარმა ჩურჩულმა ჩემს ყურამდეც მოაღწია, შემეშინდა, არ მისმენენ-მეთქი და ამის მიზეზი მე ვიყავი, აბა მოცარტი ხომ არ იქნებოდა? უსიამოვნო გრძნობით აღვსილი შევეუდექი სონატის ალეგროს, და ამ გრძნობას ის უფრო ზრდიდა, რომ მეორე ნაწილის ერთი ადგილი ძნელად გავიკაფე. მაინც მალე დავეშვილდი: ხომ არის ხალხი, ვისაც მხოლოდ საყვირის ხმა სიამოვნებს. რა საქმე ჰქონდათ ასეთებს ჩემთან? მხოლოდ ერთი რამ მაწუხებდა: დაკვრის დროს სკოლის სქელი დირექტორი თანდათან მიახლოვდებოდა. ვინ იცოდა რა ბოროტი ზრახვა ედო გულში? იქნებ, სანთლებიდან ნაწვერის მოცილება უნდოდა და, შეიძლება, თითბრის დიდი მაშა კლავიშებზე დაცემულიყო, შეიძლება ჩემთვის ნოტის გადაფურცვლაც სურდა. ამის ნებას მე არავის არ მივცემდი. დავაშურე და მეორე გვერდი აჩქარებით ჩამოვათავე, რომ მისი მსხვილი ხელი უდროოდ დროს არ შეხებოდა ნოტებს. მიშველა კიდევ ამან: დირექტორი მოჯადოებულებით გაიყინა იქვე, სადაც იღვა. უკვე გადავშალე შემდეგი გვერდი და იმ საბედისწეროდ ადგილს მხნედ ვუახლოვდებოდი. ამ დროს დაბლა დარბაზის კარმა გაიჭრიალა და მე ვიგრძენი რომ ყველა თავი შემოსულისკენ მიბრუნდა. ახლა უფრო ხმაძალა

დაირბა ჩუჩქელის ხმა. მაზიზი არ ვიცოდი, მაგრამ სუნთქვა
ნაისც შეჩვევა. უცხად ჩემს ახლოს ვილაცის ხმამ სრულიად
გარკვევით წარმოთქვა:

— შე კი მეგონა, ის ხვალ ჩამოვიდოდა. რა კარგია, რომ
დღეს მოვიდა.

მაშასადამე, ის მაინც მოვიდა! ეს ჩემთვის გამანადგურებე-
ლი დარტყმა იყო. რა შეშემლო ამ კაცისათვის, ცნობილი დი-
დი ხელოვანისთვის, მეჩვენებინა ჩემი დაკვრით? ნეტა ახლა
სად იქდა? ასეულობით მსმენელი ახლა მისი თვალებით შე-
მომყურებდა. და აი მან სმენა დაძაბა, რომ ყოველი ბგერა
მკაფიოდ შეიცნოს — ეს მე ვიგრძენი. საზარელმა შიშმა გა-
მიელვა თავში. უეცრად გახევებული თითებით კიდევ რამ-
დენიმე ტაქტი დაუჟკარი. შემდეგ რალაც დაუძლეველმა გულ-
გრილობამ მომიცვა, თითქოს ძველმა, მივიწყებულმა მდგო-
მარეობამ გამიხსენა. უცხად ისიც კი მომეჩვენა, თითქოს როი-
ალი თავის ძველ ადგილს იდგა, ჩემი მშობლების სასტუმრო
ოთახში. მამაჩემიც საიდანლაც იქვე გაჩნდა და კლავიშებზე
დარტყმის ნაცვლად ხელები მისკენ გავიწვდინე.

რაც შემდეგ მოხდა, აღარ მახსოვს. გონს რომ მოვეგე,
სცენის უკან ოთახში აღმოჩნდი სკამზე. ამ ოთახში ზედა ტა-
ნისამოს ვტოვებდით ხოლმე. ავად ვარ-მეთქი, ვილაცას, მგო-
ნი, ასე ვუთხარი.

მაგიდაზე გვარიანად დამწვარი სანთელი ენთო. უღიმლა-
მოდ განათებული ოთახის კედლები, ირგვლივ დახორავებუ-
ლი შავი სამოსი მეტისმეტად პირქუშად გამოიყურებოდა.
ერთხელ უკვე ვიჯექი ასე, ბავშვობისას, თუმცა მაშინ ასე
განადგურებული არ ვყოფილვარ; იმასაც ვგრძნობდი, რომ
ამჟამად თვალები მშრალი მქონდა და არც არავინ აკაქუნებდა

კარზე, არც არავინ მოითხოვდა, მამას დაუძახეო. ახლა ხომ უკვე კაცი ვიყავი. „ჩემი საბრალო, საყვარელი ბავშვი!“ რამდენი ხანია მკვლარი იყო ის, ვინც ერთ ღროს ეს სიტყვები წარმოთქვა!

უცბად ჩემამდე დარბაზიდან ხალხის გუგუნის ხმამ მოაღწია. არ მახსოვს ადრეც ისმოდა, თუ მხოლოდ ახლა დაიწყეს ხმაური, მაგრამ წელანდელმა ძრწოლამ მომიცვა. უქუდოდ და უპალტოდ გავვარდი ქუჩაში და უკანმოუხედავად გავიქეცი. ქალაქის ალაყაფს რომ გავცილდი, მაშინვე ცაცხეების ხეივანში მოვხვდი. მერე ფართო, მოტიტვლებული სოფლის გზა იწყებოდა. მივდიოდი და მივდიოდი, არც აზრი მქონდა, არც განზრახვა. მხოლოდ შიში მიბურღავდა ტვინს, შიში სამყაროს, ხალხის წინაშე.

ქალაქიდან კარგა დაშორებით გზა მალლა-მალლა მიიწევდა მთაზე, რომელიც ცალ მხარეზე ფრიალოდ ეშვებოდა უფსკრულში. დაბლა აქაფებული ნაკადული მიისწრაფოდა. იგი მთელ გზაზე გვერდით მომდევდა. ახლაც კარგად მახსოვს, აღმოსავლეთით მთვარის გალეული ნამგალი ეკიდა. დამესვერ ანათებდა, მაგრამ ჩაბნელებულ ცაზე მკვეთრად მოჩანდა. მიწა სიბნელეში გახვეულიყო. მთის წვერზე ავედი, ხის ძირში წყალზე გადაკიდებული დიდი რიყის ქვა შევნიშნე. თვითონ არ ვიცი, რად, მივედი და ამ ქვაზე დავჯექი. მარტის პირველი კვირა იყო. ხის ტოტები ფოთლებს ჯერ არ დაეფარათ და ასე გაშიშვლებულს ღამის ქარი ერთმანეთზე ახეთქებდა. ხანდახან თმაზე ცივი წვეთები მეცემოდა და მერე სახეს მისველებდა. ჩემს ქვემოთ მოჩხრიალებდა ნაკადული, მოჩხრიალებდა დაუღალავი, მონოტონურად და იავნანასავით ძილისკენ მიხმობდა. თავი ხის სველ ძირს მივაყრდენ და

წყლის მაცთუნებელ ჩუხჩუხს მიეუგდე ყური. „ჰო, ჰო, ძილი, — ვფიქრობდი გამაღებით, — ოღონდ კი ძილი შეიძლებოდადეს!“ უცბად მომეჩვენა თითქოს ჩემი ფიქრი სიტყვებად იქცა და ქვემოდან ამომძახა: „ო, დაბლა, დაბლა, რა გრილი მყუდროებაა!“* ეს ხმა სულ უფრო მეტად იპყრობდა ჩემს გულს. შუბერტისეული მელანქოლიური ტკბილი მელოდით... უცბად შორიდან ფეხის ხმა მომესმა და მეყვსეულად, თითქოს ერთბაშად გამოვფხიზლდიო, ფეხზე წამოვიჭერი. მე ხომ იმ მეწიქვილის ლირიკული შეგირდი არ ვიყავი, შუბერტის სიმღერაში რომ არის. საქმიანი, პრაქტიკოსი კაცის შვილი ვიყავი. ასეთ რამეზე ამჟამად არც უნდა მეფიქრა.

ქალაქის მხრიდან ფეხის ხმა სულ უფრო მიახლოვდებოდა. ფეხის ხმასთან ერთად თანდათან პატარა თათების ტკაპანი გავარჩიე. ეს ალბათ ძალიან თუ მორბოდა. ექვი არ იყო — ის მოდიოდა თავისი პატარა მეძებრით. მაშ კიდევ ყოფილა ძეხორციელი, რომელსაც არ დავვიწყებია არ ვიცი, სიხარულისა თუ შიშისაგან, ვაი თუ მოვტყუვდე-მეთქი, გული ისე ამიძგერდა, რომ სულს ძლივს ვითქვამდი. მაგრამ სიბნელეში სინათლის სხივად მომეჩვენა მისი საამო ხმა:

— ბატონო ვალენტინ, ეს თქვენა ხართ, ბატონო ვალენტინ?

— ჰო, ანიკო, მე ვარ, რასაკვირველია! — გავეპასუხე დარცხვენივით. — თქვენ აქ საიდან მოხვედით?

გოგონა მომიახლოვდა და ხელზე ხელი დამადო.

— ქალაქში ყველას ვეკითხებოდი, მითხრეს, ალყაფის კარს გაცილდაო.

— მერე და თქვენი აქეთ წამოსვლა როგორ შეიძლებოდა, ამ მიყრუებულ გზაზე.

— ისე შემეშინდა, ვაითუ ავად გახდა-მეთქი! ღმერთო ჩემო, რატომ შინ არ დაბრუნდით?

— არა, ანიკო, — მივეუგე გოგონას, — ავად არა ვარ. ეს ისეთი ტყუილი იყო, რომელსაც გაჭირვება ან სირცხვილი გვატყმევინებს. ცოტა არ იყოს, მეტი წარმოდგენა მქონდა ჩემს ნიჭზე, რომელიც ღმერთს ჩემთვის არ მოუცია...

უცბად კისერზე ორი ახალგაზრდული მკლავის შემოსხვევა ვიგრძენი და ანცი ანიკო ქვითინით გულში ჩამეკრა.

— როგორ წამოსულხართ! — ჩურჩულებდა იგი, — არც ქუდი გახურავთ, არც პალტო გაცვიათ!

— ჰო, დამავიწყდა რომ წამოვედი.

პატარა მკლავები კიდევ უფრო მაგრად მომხვია ანიკომ. ვრცელ, ბინდით მოცულ ველზე მდუმარება გამეფებულყო. ფინია ჩვენს ფეხებთან ჩატუტქულიყო. ახლა რომ ვინმეს დავენახეთ, აუცილებლად იტყოდა, ცხოვრებაში მათ სამარადქამო კავშირი შეუკრავთო, მაგრამ ეს გამომშვიდობება იყო.

ამ სიტყვებზე ჩემმა წყნარმა სტუმარმა კიქას მოჰკიდა ხელი და ისე დააკვირდა, თითქოს მის ძირზე თავისი ახალგაზრდობის ოცნებები ამოტივტივებულყო. ღია ფანჯრიდან შემოიჭრა რომელიღაც ფრინველის ჩხავილი.

პიანისტმა ზემოთ აიხედა.

— გაიგონეთ? — მკითხა მან, — თბილ ქვეყნებიდან მოფრენილმა ასეთი ფრინველების ჩხავილმა გაგვახსენა იმ ღამეს სახლი. მთელი გზა ისე გამოვიარეთ, რომ ერთმანეთისათვის ხელი არ გაგვიშვია.

მეორე დილით სინიორა კატერინაც ჩამოვიდა თავის გალია მანსარდიდან. აღელვებისაგან მთლად გაცოფებულყო.

— თანაც ამ ჩია კაცუნების წინაშე? — შესძახა მან. — უბრალოდ, სცენაზე გამოსვლა არ იცით, ესაა და ეს, მუსიკოს ვალენტინ. შემხედეთ, აი ასე გამოვდიოდი ხოლმე ჩემ დროს რამპების წინ. — და შალში გახვეული სინიორა ჰეროიკული პოზით ჩემს წინ გაიქიმა. — ერთი მანახა, ვინ გაბედავდა, ჩემთვის ხმა ჩაეწყვეტინებინა! თვით დიდი მაესტროს წინაშეც კი ცოტა თრთოლვა მომიცავდა, ეგ იყო და ეგ.

რალა შეეძლო მის ლაპარაკს ჩემთვის ეშველა? იმავე დღეს ისიც გავიგე, რომ ჩემი ძველი თანაგვრეული და კოლეგა ამავე ქალაქში აპირებდა მუსიკის მასწავლებლობას. როგორც ჩანდა, მისთვის მაინცდამაინც ბედს არ გაუღიმიო, მაგრამ ის მაინც ჰქონდა, რაც მე მაკლდა. ვგრძნობდი, რომ აქედან ჩემი წასვლა იყო საჭირო.

რამდენიმე დღის შემდეგ ანიკო უკვე მეხმარებოდა ზანდუკების ჩალაგებაში. ბევრი თანაგრძნობის გამომხატველი ცრემლი ჩამოუგორდა თვალთაგან და დაეწვეთა ჩემ ძველ წიგნებს. ბოლოს იგი ჩემივე დასაწყნარებელი შეიქნა.

საით წავსულიყავი, არც მიფიქრია. მართალია, აქ, ჩემს მშობლიურ ქალაქში, სახლ-კარი არ მქონდა, მაგრამ ქალაქის კიშკარს იქით მშობლების სამარე მაინც მეგულებოდა. აქ რომ მოვალწიე და ჩემი ავლადიდება დავალაგე, ნოტებქვეშ ჩემთვის კარგად ნაცნობი ბროლის კოლოფი ვნახე პიტნის მარმელადით პირთამდე სავსე. კეთილი სინიორა კატერინა! მას მაინც სურდა, ჩემთვის საპატიო ჯილდო რომ გადმოეცა.

— უკვე გვიანია, — უცბად შეწყვიტა თხრობა სტუმარმა, ფეხზე წამოდგა და ჯიბიდან დიდი ოქროს საათი ამოიღო. — კარგა გვარისად გადასცილებია იმ დროს, როცა წესრიგის

მოყვარული ბიურგერები იძინებენ. რას იფიქრებენ ჩემი მოხუცი მოსარეცხეები?

— ანიკო? მისი ბედი როგორღა წარიმართა? — ვკითხე მე. ვალენტინი ამ დროს თავის ადგილას, კაცზე პკიდებდა გრძელტარიან ჩიბუხს, საიდანაც წელან ჩამოვხსენი, ჩემსკენ რომ შემობრუნდა კვლავ შევამჩნიე ის მშვიდი ბავშვური ღიმილი, რომელიც მას ესოდენ უხდებოდა.

— ანიკო? — გაიმეორა მან. — ისე, როგორც უმეტესად ყოველი გიჟმაჟი გოგონას ცხოვრება წარიმართება, — ქკვიანი ცოლი და დედა დადგა. მას შემდეგ, რაც ჩვენს სინიორას ამქვეყნიური სცენიდან, როგორც ვიმედოვნებ, ერთგული მოვლით ძნელი დაშორება გაუადვილა, თუმცა პრინცს არა, მაგრამ, როგორც თავის ძველ მეგობარ ქალს ვაანდო—სკოლის კარგ, პატიოსან მასწავლებელს კი გაჰყვა ცოლად. რამდენიმე წელიწადია უკვე ამ ქალაქში ცხოვრობენ. ამას წინათ რომ შემხვდით, სწორედ მათგან მოვდიოდი.

— მაშ ანიკო თქვენი საყვარელი მოსწავლის დედაა? ვალენტინმა თავი დამიქნია.

— ხომ დამეთანხმებით, თუ ვიტყვი, ცხოვრება მთლად სასტიკად არ მომქცევია-მეთქი? ახლა კი ღამე ნებისა; ბიურგეოი არ დაგავიწყდეთ!

ხელი რუხ შლაპას წაავლო და წავიდა.

მე ღია ფანჯარას გადავეყუდე და, როცა დაბლა სახლის კარიდან გარეთ გავიდა, „ღამე მშვიდობისა“ კიდევ ჩავძახე.

ვალენტინი მბუუტავი ფარნებით ოღნავ განათებულ ქუჩას ჩქარი ნაბიჯით აუყვა და ბოლოს სიბნელეში გაუჩინარდა.

ირგვლივ ღამის მყუდროება გამეფებულიყო. თვალშეუდ-

გამი უკუნეთით მოცული ცის ქვეშ, ჩაბნელებულ დედამიწაზე ძილს მისცემოდა კაცთა სამყარო, ყველა თავისი ამოუხსნელი გამოცანით.

ერთი კვირის შემდეგ მოსარეცხეთა სახლისაკენ გავემართე, მიახლოებისთანავე როიალის ხმა შემომესმა. „ოჰო, — გავიფიქრე მე, — ახლა კი წავეუსწრებ, როგორი შთაგონებით ასრულებს თავის მოცარტს“. მაგრამ სახლში რომ შევედი და ჩემი მეგობრის ოთახის კარს მივაღეჭი, შიგნით უკვე შუბერტის „moments musicaux-ს უკრავდნენ. თანაც შესრულების ყაიდას ეტყობოდა, დამკვრელი მამაკაცი არ უნდა ყოფილიყო.

— staccato არა, portamento! * — მოწესმა მეგობრის ხმა.

მაგრამ ახალგაზრდულმა, განსაკუთრებით წმინდა ხმამ უპასუხა:

— ვიცი, ძია, მაგრამ აქ განა staccato უფრო არ უხდება?

— ო, შე დაუდებარო, — მოისმა კვლავ, — ასეთი რამ ჯერ თავად დაწერე მერე ისე დაუკარი, როგორც შენ გინდა.

ცოტა ხანს ჩამიჩუმე აღარ ისმოდა. მერე portamento მოისმა. ნათლად დამიდგა თვალწინ, თუ როგორ გადასცემდა ნორჩი გოგონას თითები ერთი კლავიშის ბგერას მეორეს.

— აბა ერთხელ კიდევ, რომ უკეთ დაიხსომო!

ნაწარმოები კიდევ შეასრულეს უფრო სრულყოფილად და თავდაჯერებით.

ჩემ წინ, კარზე, როგორც ეტყობოდა, ახალი წარწერა იყო გაკრული:

გამოჩანმრთელდა! — შაღლობა უფალს.
უიმედობა გაქრა სრულიად.
მიწაც და ზეცაც ხალისით სუნთქავს
ახლა სიცოცხლე სიხარულია!

ეს სტროფი „ვანდსბეკელი მაცნედან“* იყო და კარგად ვიცოდი, მაგრამ ჩემმა მეგობარმა ვალენტინმა ამჟამად თავს ნება მისცა, იგი ოდნავ შეეცვალა: ლექსში მოხუცი ასმუსი მხოლოდ თავისი გაჯანსაღების შესახებ ლაპარაკობდა.

ამ ფიქრებში გართულმა კარი შევალე. ვალენტინის გვერდით როიალს პატარა გოგონა მისჯდომოდა და დიდი, ყურადღებიანი თვალებით მასწავლებელს მისჩერებოდა.

მასპინძელი თავისი ჩვეულებრივად მომხიბვლელი ღიმილით შემეგება, რომელშიც აჟამად, ცოტა არ იყოს, დარცხვენაც შეიმჩნეოდა.

— მაშინდელმა ჩვენმა საუბარმა ხომ კმაყოფილება მოგანიჭათ? — ვკითხე ვალენტინს და ხელი გავუწოდე.

— მე? — კითხვა შემიბრუნა მან. — ო, განსაკუთრებული! თქვენ კი? ალბათ, ბევრი ვილაპარაკე, არა? ხომ იცით, როცა ასე მოიკალათებ მეგობართან და თან კარგი სასმელიც გვერდით გექნება... — ეს ისე ჩუმად წარმოთქვა, თითქოს ბოდიშს იხდისო, და თან თავისი ღია ცისფერი თვალები გულწრფელი სიყვარულით მომაპყრო.

— პირიქით, — დავამშვიდე მე, — ჯერ მაინც არ ვარ კმაყოფილი, უფრო მეტს უნდა მომიყვეთ; მაგრამ, — ჩავუბრუნე ხმადაბლა, — ჯერ თქვენ საყვარელ მოსწავლესთან გაკვეთილი დაასრულეთ, ეს ხომ ის არის?! მე თქვენს წიგნებში ბიურგერს მოვნახავ.

თარგმანი ლეილა ერადისა.

— მალე მოვრჩებით! — თავი დამიქნია ვალენტინმა და თავის მოსწავლეს მიუბრუნდა.

მისი პატარა ბიბლიოთეკა გადაეჩხრიკე და მალე ხოდოვეცკის დასურათებული ორივე ტომი აღმოვაჩინე, რომელთაგან ერთ-ერთი ალაღბედზე ამოვიღე. სანამ სატიტულო გვერდზე აღბეჭდილ პორტრეტს ვათვალიერებდი, — ბალადების დიდი ოსტატი აქ გრძელკულულებიანი პარიკით იყო გამოხატული, ბაზრის მოედანზე იდგა და არფას უკრავდა, — თან კი „moments musicaux“ მელიოდის ვისმენდი, მსახურმა ქალმა ყავის ჭურჭელი და ნამცხვარი შემოიტანა. დივანის წინ დადგმულ პატარა მაგიდაზე თოვლივით თეთრი სუფრა გადაფარა და შემოტანილი ჭურჭელი გაშალა: ბუნცლაუს ყავადანის გვერდით ორი თეთრ-ცისფერ ადგილიანი ფინჯანი დადგა, მაგრამ ვალენტინის ჩუმად მიცემულ ნიშანზე მსახურმა ქალმა მესამეც მიუმატა. მხოლოდ ეს შევამჩნიე, რადგან შემდეგ წიგნის წინა თავისუფალი გვერდის წინ ჩაკრული ლექსი აღმოვაჩინე. იგი გულუბრყვილო ბავშვური ლექსი იყო, მაგრამ გაზაფხულის სურნელება კი მომაფრქვია:

ო. დიდებულო საშყაროვ ღვთისა,
ლხენად აღმავსე, შენს მადლსა ვფიცავ!
სულ მცირე ხნის წინ ის ძრწოლას მგვრიდა,
ახლა კი ღვთიურ სხივსა გვფენს წმინდას.
ირველავ იფრქვევა ყვავილთ სურნელი,
გალობს ფრინველი, ტკობის მსურველი:
„ვისაკ გული გაქვთ წმინდა და წრფელი,
ჩემთან მოგროვდით, ვიმღეროთ ლხენით!“
მეც ამ ხმას აუყევე უცებ, აღვილად,
რადგან წრფელი მაქვს გული ნამდვილად.

თარგმანი ლეილა ერადისა.

ლექსი რამდენჯერმე გადავიკითხე. ეს სტრიქონები ხომ იმ იეზიტ მოფენილ ველზე იყო შეთხზული! მთელი ვალენტინი მოჩანდა აქ. ასეთად ვიცნობდი მას, ალბათ, ასეთივე იყო იგი ყმაწვილობისას.

აი თვითონაც ჩემ წინ დგას, ხელი მოხდენილი, ოდნავ ფერმკრთალი, წაბლისფერთმიანი გოგონასათვის ჩაუყიდა და ჩემს წინ დამდგარა.

— დიახ თქვა მან, — ეს არის ჩემი კარგი გოგონა, მარია. დღეს კვლავ ერთად ვატარებთ კვირა საღამოს და გულწრფელად გეუბნებით, უსასრულოდ მიხარია, რომ თქვენც მოსკვდით. — მერე ხელში იმ ლექსზე გადაშლილი წიგნი შენიშნა და უცბად პატარა ბავშვივით გაწითლდა, — თქვენთვის მეორე ცალი აიღეთ, — მითხრა მან, — გთხოვთ. გრავიურები იქ უფრო მკაფიოდ არის გამოსული.

შევეცადე წიგნი გამომერთმია.

— ეს არ შეიძლება მქონდეს? ალბათ, ვერ შეეღვევით არა? ვხედავ, ეს წიგნი ბავშვობიდან გაქვთ.

მის თვალებში მადლობა აღბეჭდილიყო.

— სერიოზულად ამბობთ? — მკითხა მან. — ესე იგი, წიგნი კარგ, ყველაზე საუკეთესო ხელში მოხვდა.

შემდეგ სამივენი საკვირაო ყავის სუფრას მივუსხედით. პატარა გოგონა დიასახლისის როლს კარგად ასრულებდა და ჩვენს საუბარს ჩუმად ისმენდა.

— ჩემო მეგობარო, — დავიწყე მე, — კიდევ ერთ აზბავს უნდა მომიყვეთ. ეს მუქი სასმელიც კარგად უხსნის ენას აღამიანს. რა დაემართა შემდგომ თქვენს იეზიტ მინდორს? ისევ გაზაფხულის მზე დაჰნათის, თუ როგორც მრავალი სხვა წარმტაცი ადგილი, იგიც კარტოფილის სათესად იქცა?

ვალენტინს სახეზე მხიარულმა ეშმაკურმა ღიმილმა გადაურბინა.

— თქვენ ხომ ჯერ არ იცით, რომ მე ჩუმი მფლანგველი ვარ?

— რას ამბობთ, მეგობარო?

— დიახ, დიახ! ეს ადგილი ერთ ბებერ შეპრეტულ კაცს ეკუთვნოდა. ამჟამად მე მისი მემკვიდრე ვარ, ესე იგი, მისი მემკვიდრეობიდან წმინდა ვერცხლით შევიძინე ეს უსარგებლო მიწის ნაკვეთი. ხომ სწორია, მარია? — ვალენტინი თავის უსაყვარლეს მოსწავლეს მიუბრუნდა. — ჩვენ ორივემ კარგად ვიცით ამ ნაკვეთის ფასი, ისიც ვიცით, თუ ვის დაბადების დღეს უნდა დავკრიფოთ იქ იები.

ტანკენარმა გოგონამ ვალენტინს თავი მხრებზე დაადო და მკლავები კისერზე შემოხვია.

— დედაჩემის დაბადების დღეს, — ჩუმად თქვა მან. — მაგრამ ძია, ამ დღემ ხომ უკვე გაიარა.

— მერე რა, კიდევ ხომ მოვა გაზაფხული.

— ღვთის წყალობით, ჩემო მეგობარო, — ჩაფურთე მე. — შეიძლება, მაშინ მეც წამოგყვეთ და გვირგვინების დაწენაში გიშველოთ?

ჩემკენ გამოწვდილ ორ ხელს — ერთს მოხდენილს, მშვენიერს, ახალგაზრდულს, მეორეს — კარგად ვიცოდი — ერთგულ ხელს, ჩემი ხელები შევაგებე.

მათ ვერ წაყვევი. ჯერ კიდევ მანამ, სანამ ზამთარი დედამიწაზე ბინას დაიდებდა, ცხოვრებამ ამ ქალაქიდან შორს გამტყორცნა. ერთხელ ჩვენმა საერთო ნაცნობმა ვალენტინისაგან სალამი გადმომცა. გაზაფხულის დადგომისას კიდევ რამ-

დენჯერზე გამახსენდა მისი იებიანი ველი და მერე თანდათან მიმავიწყდა. ჩემს ცხოვრებაში ახალი სახეები შემოიჭრნენ და წყნარი მუსიკოსის ხსოვნა ნელ-ნელა დავიწყების ბინდში გახვიეს.

დაახლოებით ათიოდე წელმა გაიარა, როცა ხანგრძლივი მგზავრობის შემდეგ ერთ შუაგერმანულ ქალაქში მოვხვდი, რომლის საორკესტრო გუნდი მაშინ ფართო წრეებს დიდად მოსწონდათ, არა მარტო კარგი შესრულებით, არამედ უფრო მეტად იმის გამო, რომ, მცირე სახსრების მიუხედავად, დირექცია თითქმის ყოველი კონცერტის გამართვისას რომელიმე ცნობილი ხელოვანის მიწვევას ახერხებდა.

გვიანი შემოდგომის საღამო იყო, იმ ქალაქში რომ ჩავედი. ერთმა ჩემმა მეგობარმა, რომელიც იქ ცხოვრობდა და მუსიკის მოყვარული იყო, — იგი სადგურზე დამხვდა, — მაცნობა, დღეს ამ ორკესტრის კონცერტია და უნდა ვიჩქაროთ, თუ არ გვინდა დავიგვიანოთო. გამოცდილებით კარგად ვიცოდი, რომ ამ ენთუზიასტს ასე იოლად ვერ დავუძვრებოდი და ჩემი ბარგის ქეითარი და ზედმეტი სამგზავრო ხაბაკხუბაკი რომელიღაც ხასტუმროს მსახურს გადავეცი. მალე ეტლში ჩავსხედით და ორმაგი საფასურის გალებით სწრაფად მივედით ჩემთვის უკვე ადრე ცნობილ „მუზეუმში“. გზად ისიც გავიგე: რომ დღეს ერთი ახლადმოწვეული მომღერალი ქალი გამოვიდოდა, რომელიც კლასიკური მუსიკის განუმეორებელი შემსრულებელი ყოფილა და ერთი უცნაური ახირება სჭირვებია — თურმე ყოველ გამოსვლაზე რომელიღაც, სრულიად უცნობი, მუსიკოსის მოწაფედ აცხადებს თავს.

კონცერტი ახალი დაწყებული იყო, ჩვენ რომ მივედით. იძულებული გავხდით დახურული კარის უკან გვეცადა, სანამ

„ჰებრიდების“* უვერტიურის ბოლო ტაქტი არ ჩაათავეს. კარი რომ გაიღო, ჩემმა მეგობარმა სადღაც ნაშოვნი პროგრამა ფრაკის ჯიბეში ჩამიკუჭა, ხელი ჩამკიდა, გატენილ დარბაზში შემეიყვანა და მალე, ვერ მივხვდი, როგორ მოახერხა, ორი თავისუფალი ადგილი გამოძებნა. ჩემს გვერდით აღმოჩნდა ვიღაც მსცით მოსილი შავთვალა კაცი, რომელსაც სახის ფაქიზი ნაკვთები შევნოდა.

— ახლა მოცარტია — თავისთვის ჩაილაპარაკა მან და ხელები მუხლებზე გაშლილ ყვითელ აბრეშუმის ცხვირსახოცზე დაიწყო.

სანამ მე გაზის ლუსტრების ჩახჩახა შეუქნე უბრალოდ, მაგრამ გემოვნებით მოხატულ დარბაზის კედლებს ვათვალიერებდი, სცენაზე მომღერალი გამოვიდა — ფერმკრთალ გოგონას ორი შავი ნაწნავი თავზე შემოეხვია. ორკესტრმა ელვირას არიის პირველი ტაქტები ააუღერა „დონჟუანის“ მეორე აქტიდან. მომღერალმა ნოტები აიღო. „In quali eccessi, o muni!“* ასე მეგონა, არასოდეს მომესმინა ასეთი სადა და ამავე დროს ასეთი დამატყვევებელი სიმღერა. მოხუცი მეზობელი თავს თანდათან უფრო ენერგიულად იქნევდა. ეს იყო კუმარიტი ხელოვნება, რომელიც მთელ მიწიერ ვაებას წარმტაც სიმღერად აქცევდა. მაგრამ, როგორც ყველაფერი, მშვენიერი სიმღერაც დასრულდა, გრძნობით მთვრალ სმენას კი ისევესურდა მისი მოსმენა.

დარბაზში რამდენიმე ადგილას გაისმა ხმამალალი bravo. აქა-იქ ტაშიც დასცხეს, მაგრამ ეს ოვაცია არ იყო. წინ მჯდომი სუფთად გაპარსული ახალგაზრდა ჩემ გვერდით, მოხუცი მეზობლისკენ გადმოიხარა:

რას იტყვი, ძია? ხმა კარგია, მაგრამ რაღაც აკლია, ეტყობა, თვითნასწავლია.

მოხუცმა მას გამსჭვალავად შეხედა.

— ჰო, უფალო დისწულო! — მიუგო მან. — სულ ეს არის, რაც შეიცანი? — შემდეგ მე მომიბრუნდა და თოქმის საზეიმო კილოთი მითხრა:

— აი ეს იყო ნამდვილი მოცარტი! აი ასეთი მომისმენია იგი ჩემს ჭაბუკობაში.

კონცერტი გრძელდებოდა.

— ახლა თვით ორკესტრის გამოსვლას მოვისმენთ! — მეორე მხრიდან ყურში ჩამჩურჩულა მეგობარმა.

მართლაც სცენაზე გამოვიდა ერთ-ერთი თანამედროვე კომპოზიტორის მევიოლინეთა კვარტეტი. დიდი მუსიათობის მიუხედავად, მუსიკოსები ვერ ჩასწვდომოდნენ ნაწარმოების სულსა და არსს. მსმენელები დაღლილი სახით, უხალისოდ უმზერდნენ ერთიმეორეს. ჩემმა მოცარტის თაყვანისმცემელმა მეზობელმა რამდენჯერმე დაამთქნარა და სახეზე ყვითელი აბრეშუმის ცხვირსახოცი აიფარა. ბოლოს მესამე ნაწილმა უჩვეულო რიტმით—ხუთ მერვედზე, წარმატებით ჩაიქროლა.

მევიოლინეებმა სცენა მიატოვეს. პიუპიტრები სიღრმეში გადაიტანეს. დარბაზში მსხდომთ სახეზე გაოცება გამოხატოდათ. ეტყობოდა, ვერ გაეგოთ, როგორ ალუქქათ მოსმენილი. მაგრამ აი დარბაზში კვლავ გამოვიდა ახალგაზრდა მომღერალი ქალი. ხელში ნოტების პატარა ხვეულა ეჭირა. სახეზე რაღაც ეშმაკური, გამარჯვებაში ღარწმუნებული იერი ედო და მე ექვმა გამკრა, — მოდერნული სავიოლინო კანკა-

ნი* vox humana¹ კიდეც უფრო ხმაურიანი პიესით ხომ არ სურს გადაფაროს-მეთქი.

საბედნიეროდ შევცდი. სწორი არ ვიყავი, რადგან აკომპანემენტისათვის ორკესტრი სცენაზე არ დარჩენილა, ავანსცენაზე გამოტანილ როიალს მხოლოდ კაპელმანისტერი უჭდა. გაისმა პირველი აკორდები და შემდეგ პიესის შესავალი დიდებული უბრალოებითა და უტკბილესი ყდერადობით შეასრულეს. უეცრად მთელ დარბაზს შვების სიხარულმა გადაუარა და აი გაისმა წყნარი და ბრძანებლური ხმა:

ო, დიდებულო სამყაროვ ღვთისა,
ღმინად აღმავსე, შენს მადლსა ვფიცავ.

რა იყო ეს? სიტყვები შეცნაურა, იგი ხომ ბიურგერის ლექსების კრებულში ჩაკრულ თეთრ ფურცელზე ეწერა. ეს ხომ მოხუცი მუსიკის მასწავლებლის, ქრისტიან ვალენტინის, ლექსი იყო! ღმერთო ჩემო! რამდენი ხანია იგი აღარ გამხსენებია!

წმინდა, ახლგაზრდულმა ხმამ იგი მთელ დარბაზს მოჰფინა. მღელვარებამ მომიცვა. ნეტავ თუ მუსიკაც თვითონვე დაწერა ამ ლექსისათვის? მომღერალს დაბლა დაშვებულ ხელში ნოტბის რვეული ეკავა და მისი ახალგაზრდული ბაგეები აღტაცებას, მგზნებარე სიყვარულს აფრქვევდა ირგვლივ.

აი ბოლო სიტყვებიც წარმოთქვა აუწერლად ტკბილი მელოდიით:

ამ ხმას აყვავი უცებ. ადვილად,
რადგან წრფელი მაქვს გული ნამდვილად.

სიმღერის დასასრულს დარბაზში წუთით უჩვეულო სი-

¹ ადამიანური ხმა. (ლათ).

ჩუმემ დაისადგურა, შემდეგ კი ირგვლივ მქუხარე ტაშმა იფეთქა. ოვაციას დიღხანს დასასრული აღარ უჩანდა. ვერც კი შეევამჩნიე, როგორ ჩამქვიდებოდა მოხუცი მეზობელი ხელში და ნაზად მიქერდა. „აი ტალანტი! აი გრძნობა!“ — იძახდა იგი და თავს აქეთ-იქით აქანებდა. უცბად ჯიბიდან პროგრამა ამოვიღე და, როგორც მოველოდი, იქ ჩემი ძველი მეგობრის გვარი ამოვიკითხე. ორგან ეწერა — პირველად მომღერლის გვერდით, რომელიც თავს ვალენტინის მოწაფედ აცხადებდა, და მეორედ, როგორც იმ მუსიკის ავტორი, ახლა რომ ალიტაცა მთელი დარბაზი.

ფეხზე წამოვდექი და ირგვლივ მიმოვიხედე. ასე მეგონა, მასაც მსმენელთა შორის ვნახავდი, თვალს მოვკრავდი მის მობერებულ სათნო სახეს, რომელსაც ბავშვური ღიმილი უცისკროვნებდა, ამბო მოლოდინი იყო — ჩემს მოხუც მეგობარს არ მოუსმენია თავისი ახალგაზრდობის სიმღერის ტოროლასებური ტკბილი მელოდია, მაგრამ მსმენელთა სახეზე ჩუმი სიხარული აღბეჭდილიყო. თავად მე თავს ისე ვგრძობდი, თითქოს ჩემს წყნარ მუსიკოსთან ერთად მისი იების ველზე ვიყავი.

კონცერტის დანარჩენი ნაწილიდან ბევრი აღარაფერი გამიგია. მაგრამ მოგვიანებით, როცა სასტუმროს საშინელ დამურკლულ ლეიბზე ჯვარცმულივით გაწამებული ვიწექი სანამ ძილი წამომეპარებოდა, გულს საამოდ მივსებდა იმ სიმღერის ნეტარი ხმები, რომელიც, გარეთ ამტყდარი ოქტომბრის ქარიშხლის მიუხედავად, ბავშვთა გალობად ჩამესმოდა. მოხუქულ თვალთა წინ მედგა მომღერლის ფერმიხდილი სახე. მაშ ვალენტინმა თავისას მაინც მიაღწია! მოხუცი სინი-

ორა კატერინას მთელი ხელოვნება ახლა ამ ახალგაზრდა მოქ-
ლერლის ზარივით წყრილა ხმაში გაცხადებულყო. ერთი
წუთით არ შემპარვია ექვი, ვისაც ვუსმენდი, თუმცა ამ ორ-
მაგად საყვარელი ბავშვის სახელი ვერ გავიხსენე, გვარი კი
საერთოდ არ ვიცოდი. მას არც ახლა დავასახელებ. მის შესა-
ხებ მაშინ ყველგან ლაპარაკობდნენ, უფრო მეტიც, მისი ტა-
ლანტის განსჯისას ერთხანს ძველი და ახალი მუსიკის მოყვა-
რულებიც ერთმანეთს შეეჯახნენ. მაგრამ 'მომღერალი მალე
იმათ ზურგს უკან ამოეფარა, რომლებიც თავის ჭირსა და
ლხინს მხოლოდ ვიწრო წრეს უმჟღავნებენ, გარეთ კი არ ლა-
პარაკობენ.

მეორე დღიას პირველი საზრუნავი, რალა თქმა უნდა, ის
იყო, რომ მომღერალი მოჰქებნა და თითქმის მივიწყებული
მეგობრის თაობაზე ზოგი რაჲ გამოემეკითხა. მაგრამ გაუთვა-
ლისწინებელმა საქმეებმა შემიშალა ხელი. ისევ ის მეგობარი
დამეხმარა, რომელმაც გუშინ კონცერტზე წამიყვანა, და მე
კი მისი დამთავრების შემდეგ თითქმის მუხანათურად მივა-
ტოვე.

მასთან ბევრი სტუპარი შეკრებილიყო. მალე შევატყვე,
რომ ისინი წმინდა წყლის მუსიკის მოყვარულები იყვნენ,
გუშინდელი ჩემი მეზობელი, მოცარტის მოყვარული 'მოხუ-
ციც აქ ვნახე და ერთმანეთს ხელის ჩამორთმევით მივესალ-
მეთ.

თვითონ მომღერალიც აქ აღმოჩნდა, მეგობრულად ელაპა-
რაკებოდა მასპინძლის მოხდენილ გოგონას, რომელიც სტუ-
მარს აღტაცებული შესციცინებდა.

დისახლისის მისალმების შემდეგ ჩემმა მეგობარმა მომ-
ღერალთან წარმადგინა, თავის გოგონას კისერზე მოხვია

ხელი და ალერსით თავისკენ მიიზიდა. მომღერალმა ერთი წამით დაკვირვებით შემათვალა, მერე კი ხელი გამომიწოდა.

— ხომ სწორია, რომ ეს თქვენა ხართ? — ვკითხე მე. — ერთხელ კვირა საღამო ერთად გავატარეთ, არა?

მან თავი ღიმილით დამიქინა.

— არ დამეწიყებია. ჩემი ბებერი მეგობარი და მასწავლებელი მერეც ხშირად მიამბობდა თქვენ შესახებ. განსაკუთრებით, გაზაფხულობით, თქვენ ხომ ჩვენთან ერთად გსურდათ მისი იების ველზე წამოსვლა.

— ისეთი გრძნობა მაქვს, — ხმამალა წარმოვთქვი მე, — თითქოს გუშინ საღამოს ვიყავით იქ, სხვა თუ არა, ჩვენ ორნი მაინც.

მომღერალმა გულწრფელი თვალები მომაპყრო.

— კონცერტზე იყავით? ო, რა ძალზე მიხარია!

შემდეგ მცირე ხნით გაეჩუმდით. მომღერალი გოგონასავე დაიხარა, რომელიც ისევე მას აკვიროდა.

— პროგრამაში თქვენ თავს მის მოწაფეს უწოდებთ, — დავიწყე კვლავ. — მომღერლებს არ სჩვევიათ, თავიანთი დიდება მოხუც მასწავლებლებს გაუყონ.

მომღერალს სახეზე სიწითლე მოედო.

— ო! — წამოიძახა მან. — ასეთი რამ არც მიფიქრია. თავად არ ვიცი, რად მოვიქეცი ამრიგად. ეს თავისთავად ასე იგულისხმება. ასე მგონია, თითქოს ახლაც ვყავარ აყვანილი ხელში. ძალიან ვარ მისგან დავალებული.

თავად ის, ჩვენი მანქანის ვალენტინი, რას ფიქრობს ამაზე? — ვკითხე მომღერალს.

მან ჩოჩად შემავლო თვალი.

— საქმეც ეგ არის, — მითხრა მან. — ის დიდი ხანია, ცოცხალი აღარ არის.

ამის შემდეგ ახალგაზრდა მომღერალიც აღარ მინახავს. იმედია, კარგა ხანია ბედნიერი დედაა და სალამო ხანს, როცა აღამიანი ისვენებს და ღამეული წმინდა სიჩუმე ეფინება დედამიწას, კვლავ ახდის თავს როიალს და შვილებს უმღერის დიდი ხნის წინათ გარდაცვლილი მეგობრის შეთხზულ ტოროლასებურ საგალობელს.

და ესეც ხომ კურთხევაა მისი ხსოვნისა.



უნივერსიტეტში

ლორე

და არ მყავდა, რომელიც ჩემი ტოლი გოგონების გაცნობაში ხელს შემეწყობდა. სამაგიეროდ ცეკვის სკოლაში დავდიოდი. ცეკვის გაკვეთილები კვირაში ორჯერ იმართებოდა ქალაქის რატუშის დარბაზში. რატუშაში ამავე დროს ბურგომისტრის საცხოვრებელი ბინაც იყო. ბურგომისტრის ვაჟთან ერთად — იგი ჩემი უერთგულესი მეგობარი იყო — მოცეკვავენი რვანი ვიყავით, ყველანი ჩვენი მშობლიური ქალაქის გიმნაზიის ბოლო კლასის მოსწავლენი. რაც შეეხება მოცეკვავე გოგონებს, თავიდან მათ მოზიდვაში თითქოს დაუძლეველი სიძნელეები შეიქმნა — ვერ გამოვნახეთ ჩვენივე წრის მერვე მოცეკვავე გოგონა.

გამოსავალი ბურგომისტრის ვაჟმა ფრიცმა მონახა. ერთი მზარეული ქალი, რომელიც წინათ ბურგომისტრის მშობ-

ლებს ემსახურებოდა და ახლა საზეიმო წვეულებების დროს ბურგომისტრის ცოლს შველოდა ხოლმე, გათხოვილი იყო მკერავზე, ერთ პირყვითელ, ჩამომხმარ კაცზე. ამ კაცს ფრანგული გვარი ჰქონდა და სამკერვალო მაგიდასთან ნემსით ჯახირს სამიკიტნოში მჭევრმეტყველება ერჩივნა. ეს ოჯახი ქალაქის განაპირა უბანში ცხოვრობდა იქ, სადაც ქუჩა სასახლის პარკთან გადის. ყველამ კარგად ვიცოდით პატარა, მოცუტქნული სახლი, რომლის ერთადერთი ფანჯარა იქვე აღმართული დიდი ცაცხვისაგან თითქმის მთლად ჩაბნელებულიყო. ხშირად ავეუღლ-ჩავუვლიდით ხოლმე ამ სახლს, რათა რეზედასა და გერანის ქოთნების შიგნით საკერავზე თავდახრილი მშვენიერი გოგონასათვის თვალი შეგვევლო. ჩვენს ბავშვურ წარმოსახვაში იგი საკმაოდ დიდ როლს თამაშობდა. ცამეტი წლის მიმზიდველი გოგონა ფრანგი მკერავის ერთადერთი შვილი იყო. ხელმოკლეობის მიუხედავად დედამისი მუდამ ფაქიზად აცმევდა. გოგონას მუქი ხორბლისფერი კანი და დიდრონი შავი თვალები მამამისის უცხოურ წარმოშობაზე მეტყველებდნენ. ახლაც კარგად მახსოვს, რომ საფეთქლებისაკენ ჩამოვარცხნილი სწორი შავი თმა მის ისედაც პატარა თავს რაღაც განსაკუთრებულ ფაქიზ შეხედულებას აძლევდა. ფრიცი და მე შევეთანხმდით, რომ მერვე მეწყვილე ლეონორე ბორეგარი უნდა ყოფილიყო. მაგრამ ამ მიზნის მისაღწევად დაბრკოლებების გადალახვა გახდა საჭირო: როგორც კი ჩვენი აზრის გამოთქმა გავბედეთ, დანარჩენი ფროილაინები და კეთილშობილი ქალიშვილები უსიამოდ აიმრიზნენ. მხოლოდ ფრიცის — დედის ამ უსაყვარლესი ვაჟიშვილის — ხერხიანობის წყალობით მოხერხდა ბურგომისტრის ცოლის ჩვენს მხარეზე გად-

მოზივება. ამ გაბედული ქალის მხიარული და შეუპოვარი ხასიათის წინაშე კი ვერაფერს გააწყობდა ვერც ჩვენი პატარა ქალბატონების ცხვირის ჩამოშვება და ვერც მათი დედების პროტესტები, რაც ჩვენთვის უფრო საშიში იყო.

ასე და ამგვარად, ერთ დღეს, ნაშუადღევს მე და ფრიცი ფრანგი მკერავის სახლისაკენ გავემურეთ. იმ ხანებში ხშირად ვნანობდი, რომ აღარ ვმეგობრობდი ჩვენი ოჯახის დურგალთან, რომლის და თითქმის ყოველდღე დადიოდა პატარა ბორეგართან. ერთ ხანს ვიფიქრე, ქრისტოფთან ნაცნობობა კვლავ აღმედგინა და მამამისის სახელოსნოში დურგლობის შესწავლაც დამეწყო. საერთოდ ქრისტოფი კარგი ბიჭი იყო და გონიერობაც არ აკლდა, მაგრამ რაღაც გასაოცარ სიძულვილს გრძნობდა „ლათინელების“ მიმართ, — ასე უწოდებდა იგი ზიზლით კლასიკური გიმნაზიის მოსწავლეებს. თავის თანამზრახველ მეგობრებთან ერთად ქრისტოფი დროდადრო ხელჩართულ ბრძოლას უმართავდა ხოლმე „ლათინელებს“ გიმნაზიის სავარჯიშო მოედანზე, მაგრამ ამ ცემა-ტყეპით ძველი მტრობა არ ნელდება.

ახლა მე ქრისტოფის დახმარება აღარ მჭირდებოდა, უკვე პატარა სახლის წინ ვიყავით და ნოემბრის ქარის მიერ ცაცხვიდან ჩამოყრილი ყვითელი ფოთლების შარიშურით დაბალი კარისკენ მივემართებოდით. ზარის ხმაზე სამზარეულოდან ფრაუ ბორეგარი გამოგვეგება, თეთრ წინსაფარზე ხელი მონდომებით გაიწმინდა და ოთახში შეგვიპატიჟა.

ვერ იფიქრებდით, რომ ეს ქერა ქალი ამ ნაზი შავგვრემანი გოგონას დედა იყო. როგორც კი ოთახში შევედი, გოგონამ საკერავი გადადო, ფეხზე წამოდგა და სკივრს მიეყრდნო. სახეზე ცნობისმოყვარეობა და შეკრთობა გამო-

ხატოდა. როცა ფრიცმა ჩვენი მისვლის მიზეზი აცნობა, გოგონას სიწითლემ გადაჰკრა, თვალები გაუფართოვდა და გაუცისკროვნდა. მაგრამ, რაკი დედამ ხმის ამოუღებლად თავი ჩაფიქრებით გაიქნია, გოგონა დედის ზურგს უკან უჩუმრად გაიპარა კარში, რომელიც ალბათ საძინებელ ოთახში გადიოდა. მე იმ მაგიდას გადავხედე, გოგონა რომ უჯდა ჩვენს შემოსვლამდე. ბაბთებსა და ზიზილ-პიპილებს შორის, გოგონებს რომ ესოდენ უყვართ, იღო ლასტიკის ერთი წყვილი თითქმის მთლად გამზადებული პაწაწინა, ფეხსაცმელი, რომლის მორთვასაც ლოჯრა ეს—ეს იყო ამთავრებდა. ფეხსაცმელი მეტისმეტად პატარა იყო და ჩემს აგზნებულ ბავშვურ ფანტაზიას თვალწინ დაუდგა, როგორი იქნებოდა მისი სარგო ფეხი. ასე მეგონა, უკვე ვხედავდი, როგორ დაგოგმანობდნენ ცეკვის დროს ეს ფეხები და მსურდა შევხვეწნოდი, ერთ წუთს მაინც შეჩერებულიყვნენ, მაგრამ ისინი ხან ჩემს ირგვლივ ტრიალებდნენ, ხან კი თვალთაგან მეფარებოდნენ და კვლავ დაუსრულებლად აღმაგზნებდნენ.

სანამ ჩემს თვალთა წინ საკუთარი ფანტაზიით წარმოსახული სურათები იცვლებოდა, ფრაუ ბორეგარმა ჩემს მეგობარს საუბარი გაუბა. არ იცოდა, რა ექნა, გამოეშვა თუ არა ლორე ცეკვაზე, მაგრამ როცა სასწორზე ბურგომისტრის ცოლის აზრიც დაიღო, საქმე თანდათან ჩვენს სასარგებლოდ შემობრუნდა.

— აი საცეკვაო ფეხსაცმელიც მაგიდაზე დევს! — წარმოთქვა ფრიცმა. — განა ბატონი ბორეგარი მეწაღეც არის?

ქალმა თავი გააქნია:

— თქვენ ხომ კარგად იცით, ფრიც, რომ ჩემი ქმარი,

თითქოს ღვთის გამოსაჯავრებლად, ყველაფრის ოსტატია. ამ გაზაფხულზე საათი არ შეგიკეთათ? ეს პაწაწა ფეხსაცმელები კი საშობაოდ გაუმზადა ჩვენს გოგონას.

— დედაჩემს მთელი ერთი ზანდუკი ნახმარი კაბებით აქვს გავსებული. ისეთებია, სულ ახლები გეგონება. შეგიძლიათ, მარგარეტ, ეს კაბები ლორას გადაუკეთოთ. თითო კაბიდან, ალბათ, სამიც გამოუვა.

ქალმა გაიცინა, მერე ისევ სერიოზული სახე მიიღო.

— რა ვიცი, ჯობდა, არ ევლო, მაგრამ რაკილა ქალბატონ ბურგომისტრის ცოლს ასე სურს...

ამ საუბრისას გოგონა ისევ ოთახში შემოვიდა და დედას ვვერდით ამოუდგა. შევამჩნიე, რომ ლორას თეთრი საყულო გაეკეთებინა, წელან თითქოს არც მარჯნისთვლიანი საყურეები ჰქონია.

— შენ რას იტყვი, ლორა? — ჰკითხა ფრიცმა გოგონას, რაკილა დედამისი ჯერაც ისევ ჰოკმანობდა და ვერ გადაწყვიტა, რა გზას დასდგომოდა. — არ გსურს ჩვენთან იცეკვო?

გოგონას არაფერი უთქვამს, ორივე ხელი დედას მოხვია კისერზე და ყურში რაღაც ჩაუჩურჩულა. ამ დროს სახეზე თანდათან სიწითლე მოედო.

დედა ნაზად შეეცადა გოგონანგან განთავისუფლებულყო.

— ფრიც, — მიმართა მან ჩემს მეგობარს, — მერჩინა, ეს ამბავი მარტო ჩემთვის გეთქვა. მაშინ ამ საქმიდან არც არაფერი გამივიდოდა, ახლა კი ეს გოგოც ამიმხედრეთ და წინასწარ ვიცი, აღარ მომასვენებს...

მაშასადამე, ჩვენ გავიმარჯვეთ.

— ოთხშაბათს, საღამოს შვიდ საათზე! — მიაძახა ფრიცმა და კარისაკენ გაემართა.

დედა-შვილმა გამოგვაცილეს და გარეთ გამოვედით.

ცოტა ხნის შემდეგ, უკან რომ მოვიხედეთ, ჩვენი ახალგაზრდა მეგობარი კართან იდგა. თავი რამდენჯერმე დაგვიქნია და მერე სწრაფად შინ შევიდა.

ცეკვის გაკვეთილება

მეორე დღეს, გამანდო ფრცხვა, ფრაუ ბორეგარი დედამისთან მისულა, მასთან ერთად დიდხანს უქექქია გარდერობი და მერე კაი გვარიანი ფუთათი წასულა შინ.

ოთხშაბათ საღამოს ცეკვის გაკვეთილი იყო დანიშნული. ცეკვის დაწყებამდე სულ რამდენიმე წუთით ადრე მოვიტანე მეწაღისაგან ლითონის აბზინდიანი ლაქის ფესხაცმელი და მკერავისაგან ახალი ქურთუკი. როცა საცეკვაო დარბაზში შევედი, ყველა შეკრებილი დამხვდა. ჩემი მეგობრები ფანჯარასთან ცეკვის მოხუც მასწავლებელს შემოხვეოდნენ, 'ომელიც თითოთ ვიოლინოს სიმებს ხმას უსინჯავდა, თან ქაბუკ მოსწავლეთა ლაპარაკს უსმენდა. გოგონებს ერთმანეთისათვის ხელკავი გაეკეთებინათ და ასე გუნდ-გუნდად მიმოდიოდნენ დარბაზში.

ლენორა მათ შორის არ იყო. იგი განმარტოებით მიმდგარიყო კართან და მოღუშული გასცქეროდა გოგონებს, რომლებიც გაცხარებით ლაქლაქებდნენ, წარჩინებულთა ამ შესაკრებ დარბაზში თავს თავისუფლად გრძნობდნენ და მას ყურადღებასაც არ აქცევდნენ.

არაფერია ახალგაზრდობაზე უფრო ეგოისტური და შეუბრალებელი! ჩემს შემდეგ დარბაზში ბურგომისტრის ცო-

ლიც შემოვიდა. როგორც კი ახალგაზრდებს მიესალმა და, ფრიცის თქმისა არ იყოს, იქ მყოფნი „უფლებამოსილად“ შეათვალეირა, ლორასაკენ წავიდა და ხელი ჩაჰკიდა.

— საჭიროა წყვილები შეირჩეს. აბა კაველრები მოაწყვეთ! — მიმართა მან ცეკვის მასწავლებელს და, როცა ეს უკანასკნელი ზანკარგულებას შეუდგა, ფრიცის დედამ გოგონების სიმაღლის მიხედვით დააყენება დაიწყო. ფოსტის უფროსის ქერა გოგონა ყველაზე მთელი თავით მაღალი აღმოჩნდა. იგი კედელთან ჩვენს პირდაპირ დააყენეს. მომდევნო გოგონას შერჩევა საქოჰმანო გახდა.

— არ ვიცი, შარლოტა, შემდეგი რომელი იქნება, შენ თუ ლორა? მგონი, ორივე თანაბარი სიმაღლისანი ხართ, — განაცხადა ბურგომისტრის ცოლმა.

შარლოტამ, ჩინოვნიკისა და კამერჰერის ქალიშვილმა, ერთი ნაბიჯი უკან გადადგა.

— რასაკვირველია, მამზელ ლორა უფრო მაღალია, — დაუდევრად ჩაილაპარაკა მან.

— ო, რას ამბობ, საყვარელო! — შესძახა ფრიცის დედამ. — აბა მაგ კუთხიდან. გამოდი და მამზელ ლორას დაეტოლე!

გოგონა იძულებული გახდა წინ გამოსულიყო და dos-à-dos¹ დასტოლებოდა მკერავის ქალიშვილს. მაგრამ — ჩემს თვალს არ გამოჰპარვია, — შარლოტამ ისე მოახერხა, რომ ხელოსნის ქალიშვილის თავს თავი თითქმის არც კი მიაღო.

კამერჰერის ქალიშვილი ღია ფერის სამოსში იყო გამოწყობილი. ლორას წითელზოლებიანი შავი შალის კაბა ეცვა, ყელზე კი თეთრი ყელსახვევი შემოეხვია. კაბა ძალიან შავი და რაღაც უჩვეულო იყო, მაგრამ ლორას ძალზე შეენოდა.

¹ ზურგი — ზურგ (ფრანგ.).

ბურგომისტრის ცოლმა ორივე გოგონა დაკვირვებით აათვალიერ-ჩაათვალიერა და-კამერჰერის ქალიშვილს მიმართა:

— შარლოტა, შენ ცეკვის ნამდვილი ოსტატი ხარ, მაგრამ ფრთხილად იყავ, ეგ პატივი ლორამ არ წაგართვას. მე რაღაც ასე მგონია.

მომეჩვენა, თითქოს ამ სიტყვებზე ლორას შავ თვალეზმ-ნაპერწყლებმა გაიელვეს.

ცოტა ხნის შემდეგ წყვილები შეირჩა. ბიჭებში მეორე ადგილზე მე ვიდექი და ჩემს მეწყვილედ ლორა აღმოჩნდა. ლორამ ხელი ხელში ჩამიდო და გამიღიმა.

— ჩვენ ყველაზე უკეთესად უნდა ვიცეკვოთ, — ვუთხარი ლორას და შევასრულეთ კიდეც ეს.

იმჯერად მაზურკის ცეკვაში უნდა გავწაფულიყავით და პირველივე გაკვეთილის ბოლოს, როცა ჩვენმა მოხუცმა მანესტრომ შეამჩნია, რომ ერთი ფიგურა კარგად ვერ გამოდიოდა, ვიოლინოზე ქამანი დაკაკუნა.

— პატარა ბორეგარ! ბატონო ფილიპ! აბა თქვენ უჩვენეთ!

მასწავლებელმა ვიოლინო ააქდერა, თან სიმღერა ააყოლა, ჩვენ ცეკვას შევუდექით. ლორასთან ცეკვას დიდი ნიჭი არ სჭირდებოდა, დარწმუნებულიც კი ვარ, ამას ყველა ადვილად მოახერხებდა, მაგრამ ბებერი მანესტრო წარამარა ალტაცებული „ბრავოთი“ გვაქეზებდა. ბურგომისტრის კეთილი ცოლი კმაყოფილი ღიმილით გადაწვა სავარძელში, იგი ცეკვის დაწყებიდანვე ყურადღებით თვალს გვადევნებდა.

ფროილან შარლოტას ჩემი მეგობარი ფრიცის მეწყვილეობა ერგო წილად, და, როგორც შევნიშნე, მისმა გიჟმაყ-

მა ბუნებამ ისე გაიტაცა, რომ ფრიცს მალე დაავიწყა მკერავის ქალიშვილი. ეს ამბავი ჩემთვის სასიამოვნო იყო. რაკილა ლორა ახლა მხოლოდ ჩემად მიმაჩნდა, ჩემი მეწყვილის სინატიფესა და მოხდენილობას კრიტიკული თვალით ვაფასებდი. დავინახე, როგორ დაჟინებით უმზერდა ლორას მისი უნაკლოდ ჩაცმული მეტოქე და შევამჩნიე, რომ მშვენიერი გოგონას მფარველს ერთი რამ მაინც ვერ გაეთვალისწინებინა: მისი პაწაწა ხელებისთვის ხელთათმანები ზედმეტად დიდი ჩანდა, თანაც აშკარად ეტყობოდა, მრავალჯერ იყო გარეცხილი.

ამ ამბავმა მოსვენება დამიკარგა. მეორე დღეს, როგორც კი სკოლიდან დავბრუნდი, იმ კარადას ვეცი, სადაც ჩემი კალის ყულაბა ინახებოდა. ფულის ამოსაღებად ყულაბა იმდენხანს ვაჩანჩხარე, სანამ ჭრილიდან, სადაც წითელი მაუდის ენა იყო გამოყოფილი, ერთი ტალერი არ ჩამოვადე. მერე დუქნისაკენ გავეშურე.

— პატარა თეთრი ხელთათმანები მინდა! — დარცხვევით მივმართე გამყიდველს.

ნოქარმა ჩემი ხელები საქმის მკოდნე კაცის თვალით შეათვალიერა.

— შეექვსე ზომა დაგჭირდებათ! — მითხრა და დახლზე ხელთათმანის კოლოფი დადო.

— მეხუთე ზომა მომეცით! — ხმადაბლა ვთხოვე ნოქარს.

— მეხუთე ზომა? რომ არ გარგებთ! — მითხრა ნოქარმა და ხელზე ხელთათმანის წამოცმა დამიპირა.

სახეზე სისხლი მომაწვა.

— ჩემთვის არ მინდა! — ვთქვი მე და ახლა ყველაზე უფრო მეტად ვინანე, და რომ არ მყავდა, ვისაც შეეძლო ამ

მდგომარეობიდან ჩემი გამოყვანა. მაგრამ კოლოფიდან ამოღებულმა აბრეშუმის თეთრბაბთიანმა პაწაწა ხელთათმანმა აღტაცებაში მომიყვანა. ორი წყვილი ვიყიდე და, როგორც კი დუქნიდან ქუჩაში გამოვედი, რომელიღაც ბიჭი გამოვიჭირე.

— ეს ლორა ბორეგარს წაუღე და ბურგომისტრის ცოლის სალამიც გადაეცი, — ვუთხარი ბიჭს. — აქ ცეკვის გაკვეთილზე სახმარი ხელთათმანები აწყვია-თქო, და პასუხი მომიტანე. აქვე კუთხეში დაგელოდები.

ათი წუთის შემდეგ ბიჭი დაბრუნდა.

— რა ჰქენი?

— ხელთათმანები დედამისს მივეცი.

— მერე რა თქვა?

— ეს უკვე ზედმეტიაო. ბურგომისტრის ცოლმა დღეს დილას ერთი წყვილი ხომ უკვე გამოუგზავნაო.

„ძალიან კარგი, — გავიფიქრე მე. — ვერაფერსაც ვენდგაიგებს“.

შემდეგ გაკვეთილზე ლორას უკვე ახალი ხელთათმანებო ეცვა. არ ვიცი, ჩემი ნაყიდი იყო, თუ ბურგომისტრის ცოლის გაგზავნილი, მაგრამ თათმანები ხელზე ჩამოსხმულივით მორგებოდა. ახლა კი ვერც ერთი გოგონა ვეღარ ახდენდა შავ კაბაში გამოწყობილ ლორაზე უფრო კეთილშობილურ შთაბეჭდილებას.

ცეკვის გაკვეთილებში თავის წესსა და რიგზე ტარდებოდა. მაზურკის შესწავლის შემდეგ კონტრდანსზე გადავედი. ახლა ლორასთან ფრიცი ცეკვავდა.

ჭერჭერობით გაურკვეველი რჩებოდა ლორას და დანარ-

ჩენი გოგონების ურთიერთობა. მხოლოდ ერთი-ორჯერ შევამჩნიე, რომ ლორა აწოწილ ჯენისთან ერთად მიმჯდარიყო და საუბრობდა. ჯენი დანარჩენებზე უფროსიც იყო და უფრო ჰქვიანიც. მათ სახლისკენ მიმავალი გზაც ნაწილობრივ საერთო ჰქონდათ და ჯენი ხანდახან ხელგაყრილი მოსდევდა ხოლმე მკერავის ქალიშვილს. ცეკვებს შორის შესვენებისას ლორა უმეტესად მარტო იდგა, თუ კი მასთან ვიოლინოთი ხელში არ მივიდოდა მოხუცი მასწავლებელი, რათა ლორასთვის თავისი ახალგაზრდობისდროინდელი საბალეტო პა ეჩვენებინა: მასწავლებელს სურდა საყვარელი მოსწავლისათვის ცეკვის ხელოვნების ყოველი წვრილმანი ესწავლებინა. ამ დროს მალვით შევყურებდი, როგორი მოჩვენებითი გულგრილობით უსმენდა ლორა მოხუცს და მხოლოდ ზოგჯერ თუ შეხედავდა და მშვიდად და თითქოს შემთხვევით გაიმეორებდა ხოლმე მის ნაჩვენებ ფიგურას. მაგრამ როგორც კი საცეკვაოდ მოვემზადებოდით და მიესტრო ვიოლინოზე ქამანს გაუხვამდა, ყველაფერი იცვლებოდა. გეგონებოდათ, ლორა ყველაზე ნაკლებად ფიქრობდა ცეკვისათვის საჭირო პასა და შემობრუნებაზე. მისი თვალეზი სადღაც სივრცეში იმზირებოდა, აზრი თითქოს შორეთში დანავარდობდა, ბაგეები კი ილიმებოდა, ხოლო პატარა ფეხები უხმაუროდ და მსუბუქად დასრიალებდა იატაკზე.

— ლეონორა, სად ხარ? — ვკითხავდი ხოლმე ასეთ დროს, როცა ახალი ტურისას ხელს გავუწვდიდი.

— მე? — წამოიძახებდა იგი და შავ თმაზე ხელს ისე გადაისვამდა, თითქოს ოცნებისაგან ერკვევაო, და ცეკვის ახალი ილეთი ჩემგან ისევ შორეთში გაიტაცებდა. და ახლაც, როგორც კი სხვადასხვა ერების ხალხურ მელოდია-

თა ზილხერისეულ* კრებულიდან ესპანური ცეკვის მუსიკას გავიგონებ, მაშინვე ლორა გამახსენდება.

მას შემდეგ, რაც ცეკვის გაკვეთილები დაიწყო, ფრანგი მკერავი განსაკუთრებული კეთილმოხურნეობით მეპყრობოდა, რაც — ტყუილს ვერ ვიტყვი — რამდენადმე უხერხულ მდგომარეობაში მაგდებდა. სადაც კი შემხვდებოდა, ქუჩა იქნებოდა თუ ბაღში სასეირნო ბილიკი, აუცილებლად შემაჩერებდა და ხმამალალ საუბარს გამიბამდა. პირველსავე შეხვედრაზე მომიყვა, Louis Seize-ს¹ კარზე პაპაჩემი ტიულრიში ცეცხლფარაშად მუშაობდაო.

— დიახ, მუსიო ფილიპ, — ამოიოხრა მკერავმა და ფაიფურის საბურნუთე გამომიწოდა. — აი სანამდე შეიძლება დაეცეს გვარი... შაგრამ ჩემი ლორა.. თქვენ გესმით ჩემი, მუსიო ფილიპ!.. — მან ჯიბიდან ჭრელი კუბოკრული ცხვირსახოცი ამოიღო და პატარა შავი თვალეები მოიწმინდა. — რას ვიზამთ! მე საწყალი ვარ, ჩემი გოგონა კი... ის ჩემი განძია, ჩემი გულის ხატი!

ამ სიტყვების თქმისას თვალეები აახამხამა და ისეთი მშობლიური გრძნობით შემომხედა, თითქოს თავის დაცემულ გვარში ჩემი შეფარებაც განიზრახაო.

დადგა ბოლო გაკვეთილი, რომელიც პატარა მეჭლისში უნდა გადაზრდილიყო. ცეკვის სანახავად მშობლებიც მოიწვიეს. დედამ აღმიტქვა მოსვლა, მამაჩემი კი თავისი თანამდებობის გამო — ის ოლქის ექიმი იყო — საზოგადოებრივი ღონისძიებისაგან შორს იდგა.

როგორც კი მოსალამოვდა, მოუსვენრობამ შემიპყრო

¹ ლუი XVI (ფრანგ).

და დანიშნულ დრომდე შევედი დარბაზში, სადაც ღლეგან-
დელი დღის გამო უკვე აენთოთ ქალებისა და კედლის შან-
დლების ყველა სანთელი. უკან რომ მოვიხედე, დავინახე
ლორა, რომელიც ჩემკენ ზურგშექცევით ფანჯარასთან მარ-
ტოდმარტო მიმდგარიყო. კარის მიხურვის ხმამ ლორა
შეაერთო და ხელიდან ოქროს სამკაულის წაძრობას შეეცა-
და. ლორას მივუახლოვდი და დავინახე, რომ იგი ამოდ
ცდილობდა სამაჯურის ხელიდან შეხსნას.

— გაუშვი, გეკეთოს! — ვუთხარი მე.

— ჩემი არ არის, — დარცხვენით მიპასუხა ლორამ. —
ჯენის დარჩა აქ.

ვენეციური მქრქალი ოქროს ნაზი ყვავილი ელვარებდა
მის მოხდენილ ხორბლისფერ მაჯას.

— ნუ მოიხსნი, გეკეთოს, — წარმოვთქვი ჩურჩულით.

ლორამ ნაღვლიანად გაიქნია თავი და კვლავ სამაჯურის
შეხსნას შეუდგა.

— მოიცა, ხომ ხედავ, ვერ ახერხებ. მე გიშველი.

ხელში მეკავა მისი ფაქიზი ხელი, სამაჯურის შეხსნას
არ ვჩქარობდი და მოჯადოებულებით დავცქეროდი ზედ.

— ჩქარა, რა, გეხვეწები! — მემუდარებოდა ლორა. სა-
ხეზე სიწითლე მოსდებოდა და თველები ძირს დაეხარა.

ბოლოს სამაჯური შევუხსენი. ოქროს სამკაული ლორამ
უჩუმრად დადო ფანჯრის რაფაზე ყვავილებს შორის.

დარბაზში ხალხი იკრიბებოდა. ფრაუ ბორეგარმაც არ
ისურვა დაჰკლებოდა ამ სიამოვნებას და, თუმცა მსახურის
მოვალეობას ასრულებდა, მაგრამ თავისი ქალიშვილის ნახ-
ვასაც ასწრებდა. თავზე ახლადგახამებული ჩაჩი დაეხურა

და სტუმრებს შორის ხან ნამცხვრის პინაკს ჩამოატარებდა, ხან დიდ ლანგარს.

ბოლოს მუსიკოსებიც გაისარჯნენ. იმ დღისათვის ოთხნი მოეწვიათ. მოხუცმა ცეკვის მასწავლებელმა ვიოლინოზე დააკრევიანა, ლორამ ხელი გამომიწოდა და მაზურკა დავიწყეთ.

ო, როგორ ვცეკვავდით! ჩემს მკლავებს მინდობილი ლორა მსუბუქად მიასრიალებდა იატაკზე ნამცეცა ფეხებს. მეც მუსიკის რიტმმა ამალივლივა და შორს გამიტაცა. ო, როგორი მტანჯველი იყო ეს ტკბობა — ეს იყო, ალბათ, ჩვენი უკანასკნელი ცეკვა, ალბათ, სამარადქამოდ ვეთხოვებოდით ერთმანეთს.

ახლად შევამჩნიე, ლორას ღია ფერის ყვავილებიანი შალის თხელი კაბა ეცვა. როგორც ჩანდა, ეს კაბაც მისი მფარველის გარდერობიდან იყო გადაკეთებული, რადგან ამ ვარდების ფერადი თაიგულების შეხამება ბურგომისტრის ცოლის ფართო მკერდსა და სპილენძისფერ ლოყებთან წინა ზამთარს ქალაქში ყველას გამქირდავ სიცილს ჰგვრიდა. ახლა კი ფაქიზი ნაყში სხვაგვარად გამოჩნდა — გოგონას ნორჩ ხორბლისფერ სახეს გასაოცრად ამშვენებდა.

მაზურკა დასრულდა. ლორამ თავი დახარა და ლამაზი მკლავები ძირს დაუშვა. მე თავის ადგილზე მივაცილე. ფრიცი და შარლოტაც გამოსულიყვნენ და იქვე ახლოს ისხდნენ. ფრაუ ბორეგარმა ჩაი და ნამცხვარი მოგვიტანა. წარჩინებული გვარიშვილის, შარლოტას, შემდეგ ლანგარი თავის ქალიშვილს შესთავაზა. ფრაუ ბორეგარს ლორასათვის ხმა არ გაუცია, მხოლოდ გაუღიმა და სიამაყით შეანათა თვალები.

დედა-შვილს შარლოტამ ერთხანს დაუდევრად უმზინა, შემდეგ ფინჯანში შექარი ჩაყარა და ქალს მიმართა:

— თქვენი ქალიშვილი, ფრაუ ბორეგარ, ღღეს პეტის-მეტად მომხიბლავია!

ნაამებმა დედამ შარლოტას თავაზიანად დაუკრა თავი.

— ბატონი ბურგომისტრის ცოლი დაგვენმარა, ფროილიან.

— ოჰ, დიახ, ეს ვარდის თაიგულეები, არა? — და შარლოტამ დიდხანს ყურადღებით ათვალიერა ლორას ჩაცმულობა.

ლორას თვალეები დაუნისლიანდა და ლოყაზე ცრემლეები ჩამოუგორდა.

შარლოტამ თითქოს ვერაფერი შეამჩნია და ყურადღება ღია კარზე გადაიტანა. შიშით შეენიშნე, რომ კართან თავმჯოყრილ მსახურთა შორის, რომელიც მოცეკვავეებს გვიმზერდნენ, ფრანგი მკერავის ყვითელი სახეც გამოჩნდა. როგორც ჩანდა, თავს სრულიად à son aise¹ გრძნობდა, ფაიფურისკოლოფიან ხელს აქნევდა და სიხარულჩამდგარი შავი თვალეებით დარბაზში იჭყიტებოდა.

— ეგ მამათქვენი არ არის, მამზელ ლორა? — იკითხა შარლოტამ და თითი კარისაკენ გაიშვირა.

ლორამ იქით მიიხედა და შეკრთა.

— დედა! — შესძახა მან და უნებლიეთ წაავლო ხელი ჭერაც ისევ ჩვენ წინ მოფუსფუსე ქალს.

ხასიათზე მონულ ქმარს რომ შეხედა, ფრაუ ბორეგარი დიდად არ აღფრთოვანებულა, მაგრამ თავი შეიკავა და ესლა თქვა: „ტრაქტირიდან მოდის. სურდა ენახა, როგორ ცეკვაე“.

¹ თამამად (ფრანგ).

ლორა კარისაკენ წავიდა და მეც უნებლიეთ მივყევი უკან. ამ დროს ბურგომისტრიც მივიდა მკერავთან და ჭიქა პუნშის დასალევად დარბაზში მოიწვია. მაგრამ მკერავი ადგილიდან ფეხს არ იცვლიდა.

— თქვენი მორჩილი მსახური გახლავართ, ბატონო ბურგომისტრო! — წარმოთქვა მან, კატასავით აიბუზა და უკან დაიხია. — მეც რომ პაპაჩემივით ლუი XVI კარზე შემსახურა!.. ახლა კი ვიცი ჩემი ადგილი.

ბურგომისტრი უკან გაბრუნდა, ფრიცმა კართან მდგარ მკერავს ჭიქა პუნში მოუტანა.

— გამოთ, ოსტატო! — გულკეთილად უთხრა ფრიცმა. — ახლა კი წავალ და ლორასთან ვიცეკვებ. ამაში მას ბადალი არა ჰყავს.

მკერავს სავსე ჭიქებით გარს შემოეხვია ბიჭების გუნდი მოხუცი მათ ჭიქას უკაკუნებდა და ყოველ მიკაკუნებაზე თავს თავაზიანად ხრიდა. ბიჭებიც მის გამოსაჯავრებლად კატასავით იბუზებოდნენ და დამცინავი ქათინაურებით უმასპინძლდებოდნენ.

ლორა ერთ ადგილას იდგა და მამამისს თვალს არ აცილებდა. გავიგონე, როგორ გააკრაჭუნა კბილები ლორამ.

მუსიკოსები დასაკრავად მოემზადნენ და ბიჭები კვლავ დარბაზში შემობრუნდნენ. მე ლორასთან ერთად ისევ კართან ვიდექი.

— ო, მუსიო ფილიპ! — შესძახა მკერავმა და ხელი გამო მიწოდა. — რა თავაზიანი, საამო ახალგაზრდა ბატონები არიან ეგენი. მაგრამ, ჩვენს შორის დარჩეს, ისინი და ლორა, ისინი, მუსიო ფილიპ, და ლორა!?

ამ სიტყვების თქმაზე პატარა შავი თვალები საოცარი

სინაზით მიაპყრო. თავის გოგონას. მერე თითქოს დაუძღველ გრძნობებს წინ ვერ აუდგაო, ხელი გაიწოდა და გოგონა, მკერდზე მიიკრა.

— ჩემი შვილი, mon bijou! — ჩურჩულით წარმოთქვა მოხუცმა. გოგონამ აკოცა მამას, მკლავები მგზნებარე, მტკივნეული სინაზით შემოხვია კისერზე და თავი მკერდზე მიაყრდნო. მერე მოსცილდა მამას, ხელები დაუჭირა და ყურში რაღაც მტკიცედ უთხრა. სიტყვები ვერ გავიგონე, მაგრამ დავინახე, როგორი მუდარით მიაპყრო თვალები მამას და თითქოს ტკივილის დააჰება სურდა, გამხდარ ლაწვებზე აცახცახებული ხელი გადაუსვა.

მოხუცმა რაღაც ურწმუნო ღიმილით გაიქნია თავი, მაგრამ თვალებში თანდათან გაუქრა ის მხიარული თავდაჯერება, წელან რომ ჰქონდა კართან ჩამდგარს.

— ვიცი, ვიცი, გიყვარს შენი საწყალი მოხუცი მამა, — ჩაიჩურჩულა მან და, რაკი დარბაზში კონტრდანსის მუსიკის ხმა დაიღვარა, გოგონას ხელზე ხელი მოუჭირა და ჩუმად და უკან-მოუხედავად გაუყვა გრძელ ტალანს.

იმავე წუთს კართან ფრიცი მოვიდა და თავისი მეწყვილე წაიყვანა.

ლორა ახლაც ჩვეულებრივი ძალდაუტანებლობით ცეკვავდა მაგრამ აღრინდელი უდარდებლობა აკლდა; მით უფრო ველარ იგრძნობდით იმ გრაციოზულ ზეიმურობას, წინათ რომ ეტყობოდა ამ ცეკვის დროს. ცეკვებს შორის შესვენებისას ლორა გამტერებული სადღაც შორს იმზირებოდა და საფეთქლებთან თმაზე ისვამდა ხელს. კავალერის მახვილსიტყვაობა მას, როგორც ეტყობოდა, არ ესმოდა.

¹ ჩემი საუნჯე (ფრანგ.).

კონტრდანსით ამოიწურა ჩვენი ნასწავლი ცეკვები, მაგრამ ცეკვის სურვილი ვერ დაგვილია. ჩვენს ბილეთებში ვალსი, ეკოსეზი და გალოპიც იყო აღნიშნული. უნდა გვეცეკვა კათილიონიც, რისთვისაც ლორას წინასწარ მოეუმზადე ჩინებული ბაბთები და ცოცხალ-ცოცხალი ყვავილები.

მაგრამ ლორას დარბაზი მიეტოვებინა. დანარჩენ გოგონებს დედები შემოხვეოდნენ, გადაცურებულ შარფებს და ბაბთებს უსწორებდნენ. კარებში ხელახლა გამოჩნდა ფრაუ ბორეგარი, რომელსაც ხელში ტკბილეულობით სავსე ლანგარი ეკავა. დარბაზი მოათვალიერა, მაგრამ ქალიშვილი ველარსად ნახა. მე ფრიცს დავუწყე ძებნა. იგი მუსიკოსთა მაგიდასთან იდგა კუთხეში და გამოცლილ ჭიქებს ისევ ავსებდა.

— სად არის ლორა? — ვკითხე ფრიცს.

— არ ვიცი, — უკმაყოფილოდ ჩაიბუზღუნა მან. — ჩემთან ერთი ხმა არ ამოუღია.

ფრიცი ტალანში გამოვიყვანე. იმ ოთახთან რომ გავიარეთ, სადაც სტუმრებს პალტოები გაეხადათ, ლორა წინ შეგვეხეჩა. პალტო ჩაეცვა და თავზე აბრეშუმის შავი კაპორი დაეხურა.

— ლორა! — შევძახე მე და შევეცადე ხელში წავწვდომოდი. მაგრამ გამისხლტა, გასასვლელისაკენ გაემართა და მოკლედ მომიჭრა:

— გამიშვი, შინ მივდივარ!

ერთ წამში ქუჩაში გამავალი მძიმე კარი გამოალო და ქვის კიბეები ისე ჩაირბინა, რომ რკინის მოაჯირისათვის ხელი არ მოუცილებია. როცა ფრიცი პარმალზე გვერდით

ამომიდგა, ღორა უკვე ქუჩაში შორს გარბოდა და ბინდში ძლივსღა მოვკარი თვალი.

— დაეხსენ! — მითხრა. ფრიცმა, — ან იქნება კატათავგობანას თამაშის ხასიათზე ხარ?

კატათავგობანას თამაში დიახაც მინდოდა, მაგრამ არ ვიცოდი, როგორ დამეწყო.

კვლავ დარბაზში შევბრუნდით. ფრაუ ბორეგარი შინ წავიდა, მაგრამ უშედეგოდ. ღორა შეუძლოდ არის, ლოგინში წევს და თავზე მამამისი ადგიაო, გამოგვიცხადა მან.

დარჩენილი დრო სულ ჩამშხამდა და სანამ კატილიონი დაიწყებოდა. რომლის ცეკვასაც ასე მოუთმენლად ველოდი ღორასთან, დაყურსებული და ხასიათწამხდარი შინ წავედი.

წინავეილი გუზუარაჲ

ახალი წელი უკან დარჩა. კარგა ხანია გულისძგერით შევეცქეროდი ჩემი პოლანდიური ციგურების ფოლადის გლუვ ძირს და, ცოტა არ იყოს, მშურდა ჩემი ამხანაგებისა, რომლებიც უკვე ციგურაობდნენ რკინადაკრული მარხილებით. ბოლოს ხანგრძლივი ყინვებიც დაიჭირა.

კვირა დღე იყო. წინქვილის გუბურას — ამ ქალაქის ახლო მდებარე წყალსაცავს, მბრწყინავი ყინული გადაჰკვროდა. ზამთრის სუფთა ჰაერზე, აქ თითქმის ნახევარი ქალაქი მოგროვილიყო. მოხუცი და ახალგაზრდა, ზოგი წყვილი და ზოგი ცალი ციგურით, ზოგი კი ფეხზე ამოკრული ხბოს ძელით იწაფებოდა ყინულზე სრიალის კეთილშობილურ ხელოვნებაში. გუბურის ნაპირზე კარვები დაედგათ. მათ ახლო აბრიალებულ კოცონზე დაკიდებული ქვაბებიდან

სხვადასხვაგვარი ცხელი სასმელის ოხშივარი ამოდიოდა. ამ ჯგლეთაში ხან აქ ხან იქ შეამჩნევდით უცბად გამოვარდნილ ციგებს, რომლებშიც თბილადშეფუთული გოგონები ისხდნენ. მათ ციგურებზე შემდგარი ბიჭები მიასრიალებდნენ. მაგრამ ყველა მათგანი ცდილობდა ნაპირს არ დასცილებოდა. შეიძლებოდა, შუაგული ჯერ კარგად არ ყოფილიყო გამაგრებული.

ფოლადის ციგურები ამოვიკარი და გუბურას ნაპირს მარტო გავუყვი. უკან რომ. მოვბრუნდი, ჩვენ ცეკვის წრის თითქმის ყველა წევრს თავი კარვებთან მოეყარა. ახალ ქურქებში გამოწყობილ პატარა ქალიშვილებს ხელები წინ გაუწვდინათ და ფრთხილად სრიალებდნენ ციგურებით უკვე გვარიანად დახაზულ ყინულზე. აქვე იყო ფრიციც, რომელსაც ჯერ კიდევ წინა დღეს მოეტანა წისქვილში თავისი ხისგან გამოჭრილი ირმის თავით შემკული ყვითელი ციგა იგი ახალი დაბრუნებული ჩანდა; ფროილან შარლოტასთან ერთად ესეირნა. შარლოტას ადგილი ციგაში, ვეფხის დიდებული ტყავის ქვეშ, ახლა სხვა გოგონას დაეკავებინა. კავალერი რაღაც აგვიანებდა და უმწეოდ იხედებოდა აქეთ-იქით, თითქოს გოგონების მომსახურების საძნელო საქმეში ვიღაც დახმარებას ეძებსო. მაგრამ მე სწრაფად შევბრუნდი, რადგან მოშორებით მდგარ ხელოსანთა წოდების ცოლებისა და შვილების ჯგუფში შევამჩნიე ლორა ბორეგარი, რომელიც იმ უკანასკნელი ცეკვის საღამოს შემდეგ აღარ მენახა. დაბალი ფენის გოგონები რიგრიგობით სხდებოდნენ ჩვენი ღურგლის შეგირდის მსუბუქ მარხილში. მაშინვე გამახსენდა, რომ ეს მარხილი ქრისტოფისეული იყო — ჩვენ ხომ წინათ ერთად ვთამაშობდით ხოლმე. მისი დაც იქვე შევნიშნე,

თვით ქრისტოფი კი იქ არ ჩანდა. იგი ქალაქის ერთ-ერთი საუკეთესო მეციგურავე გახლდათ და შეიძლებოდა ტბის სარკესავით მოლაპლაპე ყინულმა შორს გაიტყუა.

ერთხანს ახლომახლო ვიტრიალე. ვერ გადამეწყვიტა, როგორ შემეთავაზებინა ლორასათვის დახმარება ისე, რომ ძალიან ზრდილობიანად გამომსვლოდა. რამდენჯერაც ვცადე მიახლოება, მან თავი ამარიდა და სხვა გოგონებში შეერია. აი ბიჭი დაბრუნდა თავისი მარხილით.

— ახლა ლორას რიგია! — დაუყვირა ვიღაცამ, მაგრამ ლორამ უარი განაცხადა.

— ბარტელმა ჯერ ერთი გადაჰკრას და მერე, — თქვა ლორამ და ბიქს ხელში რაღაც ჩაუდო.

როგორც კი ეს გავიგონე, თავში ერთმა აზრმა გამიელვა. თითქოს იქმყოფთა ამბავი სულ აღარ მაინტერესებდა, მთელი სისწრაფით კარვებისაკენ გავქანდი. ერთ კარავთან ფრიცის დედა დავინახე.

— ფილიპ, თუ ლორას ეძებ, აი, იქით არის, — გამოჯავრებით მითხრა მან და იქით მიმითითა, სადაც დაბალი წრის გოგონები იდგნენ.

— დიახ, ვეძებ! — მივუგე მე და გვერდით ჩავუსრიალე.

— შენ კი ეძებ, მაგრამ მას ახალგაზრდა ბატონების შეხედვაც აღარ სურს.

ეს სიტყვები შორიდან მომესმა, უკვე დიდი კარვის წინ ვიდექი, სადაც ღვინოს ყიდიდნენ. ბარტელიც ძალე მოვიდა, რომლისთვისაც მთელი ჩემი ფული გავწირე და კიქა პუნში და ძეხვიანი ბუტერბროდი გავამზადებინე.

— აბა, აიღე, — მივმართე ბარტელს, — ამ გოგონებს იოლად მაინც ვერ გადაურჩები.

ბიჭი ისე მადიანად ილუქმებოდა და ისე ხარბად სვამდა, რომ გავიფიქრე, მისი მოსყიდვა ძნელი არ იქნება-მეთქი.

— რა იქნება, ბარტელ, რომ შეგცვალო?

ბიჭმა შუბლიდან ოფლი მოიწმინდა და ბუტერბროდის ლექვა მშვიდად განაგრძო. მერე, როცა ვუთხარი, როგორ უნდა მოვქცეულიყავით, ბარტელმა მანიშნა, გავიგე, რასაც მეუბნებიო. ჭამას რომ მორჩა, თავის სახლისაკენ გაბრუნდა.

მე დავინახე მარხილში ჩამჯდარი ლორა — თავზე ბეწვიანი აბრეშუმის კაპორი ეხურა, ხელები კი პატარა მუფთაში შეეყო. მძიმე-მძიმედ მიასრიალებდა მარხილს ნაპირ-ნაპირ. ხალხს რომ გამოცილდნენ, ჩემი გლუფძირიანი ციგურებით უხმაუროდ მივეპარე და მარხილს უკან ამოვუდექი, კიდევ ერთი წამი და მარხილს მე მივასრიალებდი, ბარტელი კი უკან ჩამომრჩა. სიხარულით კინალამ წამოვიყვირე, მაგრამ კბილი კბილს დავაჭირე. მსუბუქი მარხილი მბრწყინავი ყინულის ზედაპირზე ფრთებშესხმულივით მიფრინავდა.

— თითქოს მივფრინავთ, არა, ბარტელ? — დაიძახა ლორამ.

მე სიჩქარეს ცოტა მოვუკელი. მეშინოდა თავი არ გამეცა და ვცდილობდი, ჩემი ციგურები ისე ამეხმიანებინა. როგორც ბარტელის დაქანგული ციგურები, მაგრამ ეს სიფრთხილე საჭირო არ იყო: ლორამ მუფთაში უფრო ღრმად შემალა ხელები და მოხერხებულად მიეყრდნო მარხილის საზურგეს, რის გამოც ბეწვიანი კაპორი თითქმის ჩემს ხელს ეხებოდა.

— კიდევ შორს, კიდევ შორს, ბარტელ! — იძახდა იგრ და ბარტელიც თხოვნას არ ამეორებინებდა.

უკან მოვიტოვეთ მოციგურავეთა სასრიალო ასპარეზის

საზღვრები, ოდნავი სიო არ იძვრებოდა. ჩამავალი მზის ირ-
იბ სხივებში თვალისმომკრელად ელვარებდა თეთრად შეთრ-
თვილური ლელი, რომელიც ნაპირს თვალუწვდენ სიგრძეზე
მიუყვებოდა. ყინულის გამკვირვალე საფარქვეშ შევამჩნიე
ჯველივით დაკლანძილი წყალმცენარეები.

ტბის შუაგული დაუძლევლად მიზიდავდა. მარხილი შეუ-
მჩნევლად შევებრუნე და ნაპირს თანდათან დაეშორდი. უკან
რომ მოვიხედე, ალაპლაპებული ლელი ძლივსა დავინახე.
იღუმალი იერი ეღო ბინდდაკრულ ზედაპირს, რომელიც შორს
გაფენილიყო და ძნელი იყო გაგერჩია — მყარად გაყინული
ტბის ზედაპირი იყო ეს, თუ უძრავად გარინდული წყალი. ბო-
ლოს ტბის შუაგულს მივალწიეთ. აღარსად ეტყობოდა ადამი-
ანის ნაფეხურები. უკიდევანო სივრცეში გადაკარგულივით
მოჩანდა შავ უფსკრულთან მისული მარხილი. წყალმცენარის
ვერც ერთი ფოთოლი ვეღარ აღწევდა ზემოთ, ყინულის თხელ
კრისტალურ ზედაპირამდე — ტბა აქ უფსკერო ჩანდა. ხან-
დახან ისე მეჩვენებოდა, თითქოს ჩვენი ფეხების ქვემოთ ბნე-
ლი რაღაც მიცურავდა... იქნებ, ეს იყო რომელიმე მტაცებ-
ელი თევზი, რომელიც ამ ტბის ყველაზე ღრმა ადგილებში
ბინადრობს და ზემოთ მხოლოდ მაშინ ამოცურდება, როცა
ტბა მსხვერპლის ჩასაყლაპად ემზადება?...” მართლა რომ
ასე იყოს? — გამიელვა თავში, მართლა რომ ჩატყდეს ყინუ-
ლი?“ და ჩემი თვალები ცდილობდნენ როგორმე გამკვირვალე
გაეხადა ეს შავი ჭანსაცმელი, რომლის შიგნით ჩემთვის საო-
ცნებო სხეული მიმალულიყო...

მარხილი ისევ შევებრუნე და პირდაპირ გავასრიალე,
ვცდილობდი შუა ადგილას არ გადაეცდნოდი შორს, ჩვენს
პირდაპირ, იქ სადაც ტბის ნაპირები ერთმანეთს უახლოვდება

და ვიწრო გასასვლელია რჩება, გამოჩნდა ხიდის კონტურები, რომელიც რუხ სიბნელეში ჩრდილივით ეკიდა.

— უკან დავბრუნდეთ, ბარტელ! უკვე აცივდა! — წარმოთქვა ლორამ.

მისი თხოვნისთვის ყურადღება არ მიმიქცევია „ნეტავ კი უკან მოიხედავდეს“ ვფიქრობდი მე. და მარხილს უფრო სწრაფად მივაქანებდი. მოუთმენლად ველოდი, როდის მოიხედავდა ლორა ჩემკენ. მაგრამ ლორას, ჩანდა, თხოვნა დავიწყებოდა ჯიშვით, თავი დაბლა დახარა და პალტო უფრო კარგად შემოიხვია. მარხილი ისევ მისრიალებდა. ზოგჯერ ისეთი შეგრძნება მქონდა, თითქოს ჩვენს ქვემოთ ზვირთის ცემას ვგრძნობდი, თითქოს ყინულის თხელი საფარველი ზედ მიმჭროლავი ტვირთის სიმძიმის გამო ხან მალდა აწევდა, ხან კი დაბლა დაეშვებოდა, მაგრამ არ მეშინოდა, ვიცოდი, რომ ახლადპირშეკრული ყინული გაგვიძლებდა.

ამასობაში ზამთრის ხანმოკლე დღე იწურებოდა. მზის გავარვარებული ბურთი უკვე ჰორიზონტის კიდეზე დასულიყო. აცივდა. ისმორდა ყინულის ქრიალის ხმა. უცებ უზარმაზარ ბინდაცემულ ყინულის სარკეზე გამაყრუებელი ქახანი გაისმა და ერთი ნაპირიდან მეორე ნაპირისაკენ გაქანდა.

ლორამ ხმამალა შეჰყვირა და უკან გადმოიზნია.

— ნუ გეშინია! — მშვიდად ვთქვი მე, — ყინული არ ჩატეხილა, ასე იცის ყინვამ სალამო ხანს.

გოგონამ უკან მოიხედა და თავზარდაცემული დაუინებოთ შემომაცქერდა.

— ეს შენ ხარ? — წამოიძახა გაოცებით. — საიდან გაჩნდი?

— ოღონდ ეგრე გაბრაზებით ნუ მიმზერ, — ვთხოვე მე და შევეცადე ხელზე ხელი წამეველო, მაგრამ არ დამანება.

— ბარტელი სად არის?

— იქ დარჩა, ტბაზე კი მე გასირიალებდი.

გოგონა ფეხზე წამოიჭრა.

— გამიშვი! — შესძახა მან და თვალთაგან ცრემლი წას-
კდა.

მისთვის ყური არ მიგდია და მარხილი ქალაქისაკენ შე-
მოვაბრუნე.

— ხომ არაფერი მიწყენინებია, ლორა? — ვკითხე გო-
გონას.

ლორამ პატარა ხელი დამუშტა და მკერდში მატაკა.

— იმ შენ კეთილშობილ ქალიშვილთან შიბრძანდი არა-
ფერი საქმე არ მაქვს თქვენთან, არც შენთან და არც იმასთან.

ამ სიტყვაბმა ისე გამაბრაზეს, რომ ლორას ორივე ხელი
წავაკლე და მარხილზე უხეშად დავსვი.

— დაწყნარდი, — მივუგე ლორას და ხმა ამიკანკალდა, —
თორემ მარხილს კვლავ მოვაბრუნებ და ხიდის ქვეშ ჩაბ-
ნელებულ ადგილას შეგაცურებ, იქ, სადაც წყლის დინება
ყველაზე მძლავრია. ჩემთვის სულ ერთია, შეგვიკავენს ყინუ-
ლი, თუ ჩატყდება!

ლორა თითქოს არც კი მისმენდა და სულ ტბას გასცქე-
როდა; ეს კი იყო, რომ წყანარად იჯდა და წინააღმდეგობას
ალარ მიწევდა. მერე შევამჩნიე, რომ გოგონა უჩუმრად ერთ
და იმავე მხარეს გააპარებდა ხოლმე თვალს. მეც იქით მივი-
ხედე, ერთი მოციგურავე ჩვენსკენ მოისწრაფოდა. როგორც
ჩანდა, მას ყველაფერი დაენახა და ახლა მთელი ძალით ცდი-
ლობდა დაგვეწოდა.

ვიცანი, ვინც იყო. ეს იყო ჩემი ძველი ამხანაგი, ვისთან ერთად ბავშვობისას ვთამაშობდი ხოლმე. „ლათინელების“ მტერი და მოძულე. ვიცოდი, ახლა რაც მოხდებოდა. ყველაფერს ის გადაწყვეტდა, ვინ უფრო სწრაფი აღმოჩნდებოდა.

— აბა, მოუმატე! ხომ ხედავ გეწევა, — მითხრა ლორამ და ბეწვმოვლებული კაპორი უკან ისე გადაიწია, რომ შავი თმის პწკალები გამოუჩნდა.

ლაპარაკის დრო არ იყო, მარხილი ადრინდელზე მეტ სისწრაფით გავაქანე. მაგრამ დიდი ხნის სრიალის გამო ძალღონე მეღეოდა და სულისთქმა მიჭირდა. მღვეარი თანდათან მეწეოდა, ჩუმაღ და შეუსვენებლად შოგვდევდა ფეხდაფეხ. მერე მისმა ციგურებმა ერთბაშად დამუხრუჭების გამო ზედ ჩემ ყურთან გაიღრქიალეს და მისი ხელი ჩემი ხელის გვერდით მარხილის საზურგეზე მძიმედ დაეშვა.

— მოდი ერთად ვასრიალოთ, ფილიპ! — მითხრა მან და მეორე ხელი მკერდზე წამავლო.

ხელი გავაშვებინე და მარხილს ისე ვუბიძგე, რომ ქრისტოფი შორს დაგვრჩა. მაგრამ იმავე წუთს მუშტი მომხვდა. პირალმა წავიჭეცი და კეფა ყინულს დავახალე. ერთხანს კიდევ მესმოდა მარხილის სრიალის ხმა, მერე კი გრძნობა დავკარგე.

ყინულზე დიდხანს არ დავრჩენილვარ.

შემდეგში ქრისტოფი მომიყვა, უკან რომ მოვიხედე და აღარ მომდეგდი, ისევ შენთან მოვბრუნდიო. ორივეს ძალიან შეშინებია, ლორა მარხილიდან გადმოსულა და მარხილში მე ჩავუწვენივარ.

ეს ყველაფერი ბუნდოვნად მახსოვს, თითქოს სიზმარში

ვიყავი. ზოგჯერ გონებამდის სიტყვებიც აღწევდა. „პალტოს ნუ გაიხდი, ლორა!“ — ჩამესმა ქრისტოფის ხმა. „ო, არა. მე რად მინდა, ვმოდრაობ“, — გავიგონე ლორას პასუხი და იმავე წუთას ვიგრძენი, რაღაც თბილი დამაფარეს. მარხილს ნელა მიატურებდნენ. შემდეგ გონება ისევ დაძიბნულდა, მაგრამ ვიღაცის ჩუმი ტირილის ხმა ყურიდან არ მცილდებოდა.

გონს რომ მხოვეგე, დივანზე ციწეკი მეწისქვილის სახლში, რომელიც ზედ გუბურის პირას დგას. ამასობაში ლორას დედაც მოსულიყო და გოგონა შინ მიჰყავდა. ქრისტოფი კი ჩემთან დარჩა და მეწისქვილის ცოლის რჩევით კეფაზე სველ ტილოებს მადებდა. თვალი რომ გავახილე, ქრისტოფს სკამზე, მუხლებს შორის, თიხის ჯამი ჩაედგა. და ის იყო ტილოს გამოცვლას მიპირებდა, მაგრამ ახლა უკან გასწია და შემკრთალმა მკითხა:

— შეიძლება დაგეხმარო, ფილიპ?

დივანზე წამოვჩეკი და გონების მოკრებას შევეცადე, თავი საშინლად მტკიოდა.

— არა, შენი დახმარება არ მჭირდება, — მიუხედავად მე.

— იქნებ, ვინმე მოგიყვანო ქალაქიდან?

— გამეცალე, ქალაქამდე თავადაც მივალ.

ქრისტოფი გაუბედავად წამოდგა და ჯამი მაგიდაზე დადგა. გავიგონე, როგორ გაიჭრიალა კარმა, მაგრამ ქრისტოფს სახელური ისევ ხელში ეჭირა და წასვლას არ აპირებდა. მისკენ მივიხედე და დავინახე. ძველი ამხანაგი გულწრფელი სინანულით ავსილი თვალებით შემომტკეროდა.

თუ აქამდე ცოტას ვმერყეობდი, ახლა ფეხზე წამოვდექი, ქრისტოფს ხელი გავუწოდე და ვუთხარი:

— თუ დრო გაქვს, ცოტა ხანს კიდევ დარჩი. მერე ხელ შემაშველე და ქალაქში ერთად დავბრუნდეთ.

ამ სიტყვებზე ქრისტოფს სიხარულით გაებადრა სახე-მომიახლოვდა და ხელი ჩამომართვა:

— ძალიან გატკინე, არა?

ნახავარი საათის შემდეგ, როცა უკვე სრულიად ჩამობნელდა, ჩვენ ნელა გავუყევით ქალაქისაკენ მიმავალ გზას.

მაგრამ ეს ამბავი ასე იოლად არ დამთავრებულა. მეორე დღეს ლოგინიდან ველარ წამოვდექი და იძულებული გავხდი მშობლებისათვის მეტქვა, გუშინ ყინულზე დავეცი-მეტქი.

მეორე დღეს, საღამო ხანს, როცა თითქმის მთლად მოვკობინდი. დედამ ჩემ წინ, მაგიდაზე დადო წითელი ხისგან გაკეთებული გაკრიალებული საკალმე კოლოფი.

— ეს ქრისტოფ ვერნერმა მოგიტანა. საგანგებოდ შენთვის გაუკეთებია.

კოლოფი შევათვალიერე. დიდებული ნახელავი იყო სახურავზე პაწაწინა სურათები ამოეჩუქურთმებინა.

— ისიც იკითხა, როგორ არისო, — განაგრძო. დედაჩემმა

— განა ისევ განაახლეთ მეგობრობა?

— განვაახლეთ? როგორ გითხრა, დედა... — ღიმილით მივუგე მე.

მაგრამ დედაჩემი მანამდე არ მომეშვა, სანამ ეს პატარა თავგადასავალი მთლიანად არ მოუყევი. შეკითხვებითა და

ალერსიანი საყვედურებით დედაჩემი გზადაგზა ლაპარაკს მაწყვეტინებდა.

მერე ყველაფერი ისე მოხდა, როგორც დედამ თქვა. „ლათინელმა“ და ღურგლის შეგირდმა მეგობრობა განაახლეს. ამიერიდან კვირაში ორჯერ, ერთსა და იმავე დროს მივდიოდი მოხუც ღურგალ ვერნერთან, რომ ამ ხელმარჯვე ოსტატთან სხვა თუ არაფერი, ღურგლობისა ცოტა რამ მაინც შემესწავლა.

სანახლის ბაღში

მე შავი შაშვის ქანკახი მესმის,
თეთრი აპრილის ნაზი გრიგალი
დამათრობელად შემოდის ჩემში.
გვედარს გააცოცხლებს, დღეა იმგვარი.
დრო კი ქქრის...
ქრება სიცოცხლე კაცის,
როგორც სიმწვანე ფოთლის თუ ხისა!

დადგა გაწათხული; თუმცა იგი ბუღბუღს არ უხარებია; რადგან ეს ფრთოსანი ჩვენს მხარეში იშვიათად თუ მოხვდებოდა, და მაშინაც, ზღვის ნაპირიდან მონაბერი ნორდ-ვესტრ ისევ შორს გადააფრენდა, მაგრამ ქალაქის გალავანთან სასახლის ბაღის ხეივანებში, იქ, სადაც ორი ქუჩა კუთხეს ქმნის, შაშვები ქანკახებდნენ. მთავარი შესასვლელის პირდაპირ მწვანე მდელოზე, ბაზრის დიდი მოედნების ირგვლივ გაშენებული ბაღების გადაღმა, შინდებს აქეთ ტრიალებდა კარუსელი. ეს იმის მაუწყებელი იყო, რომ მხოლოდ გა-

¹ თარგმანი ა. აბულაშვილისა.

ზაფხული კი არ დადგა, არამედ საგაზაფხულო ბაზრობაც დაიწყო, რომელიც მთელ კვირას გრძელდებოდა. ქალაქს ესტუმრნენ მეარღნეები და, რასაკვირველია, არფის დამკრელი გოგონებიც. ხელიხელგადახვეული წითელქუდა გიმნაზიელები ბაზარზე გამწკრივებული ფარდულების ირგვლივ დახორხორობდნენ იმ იმედით, იქნებ რომელიმე ნორჩი აზიელი ლამაზმანის თვალებს წაეაწყდეთო — სხვა დროს ხომ მათ ჩვენს ქალაქში ვერ ნახავდით.

თავისთავად ცხადია, რომ საგაზაფხულო ბაზრობისას კლასიკურ გიმნაზიასაც და სხვებსაც არდადეგები ეწყებოდათ. მთელი ჩემი არსება ამ საზეიმო დღეებით იყო აღსავსე, მით უფრო, რომ ცოტა ხნის წინ დამამთავრებელ კლასში გადავედი, რის გამოც ჩემს წითელ ქუდს საკუთარი გემოვნების თარგზე შეკერილი შაქობიანი სერთუკიც დაემატა. ახლა წინანდებურად აღარ მიწევდა საღამოობით რატუშის განათებულ სარდაფში ჩასასვლელი კიბის თავზე დგომა — ამ სარდაფიდან მუდამ მუსიკისა და გამხიარულებულ მოცეკვავეთა ხმა ამოდიოდა. ახლა, თუკი მოვისურვებდი, მეც შემეძლო იქ ჩავსულიყავი და რომელიმე უცხო გოგონასთან მეცეკვა, და ამისთვის ვერც ვერავინ დამსჯიდა.

მაგრამ სწორედ იმხანად მინდორში უფრო მიყვარდა მარტოდმარტო სეტიალი. თანაც რაკილა მტკიცედ ვიყავო დარწმუნებული, რომ სარდაფში ჩასვლით მიღებული სიამოვნება არსად გამეჭეცოდა, ამ სიამოვნებით დატკობას რამდენიმე ხნით იქით ვდებდი.

დღესაც ასე მოხდა. რამდენიმე წლის წინ მამაჩემის დახმარებით, რომელიც გატაცებული ენტომოლოგი იყო, პეპ-

ლების კოლექციის შედგენა დავიწყე და ამ საქმეს ისევ მუყაითად განვაგრძობდი. სადილის შემდეგ ჩემს ოთახში განვმარტოვდი და ერთ-ერთი შუშის კოლოფთაბ შევჩერდო — სამი ასეთი კოლოფი უკვე კედელზე ეკიდა. შუადღის მზის სხივები მეტისმეტად მიმზიდვლად ბრწყინავდა არგუსის ლურჯ ფრთებსა და ანტიოპას ყავისფერ ხავერდზე. ამის შეხედვაზე უცებ ისევ მომინდა გავსულიყავი ყოლო ფარვანას საპოვნელად, რომელიც ადრე რამდენჯერმე ამაოდ ვძებნე. ამ მშვენიერ ზეთისხილისფერ ზაფხულის პეპელას საცხოვრებლად წყნარი ტყეები უყვარს და სიამოვნებით ისვენებს მზისგულზე ამოსულ ბუჩქნარზე, ჩვენს უტყეო მხარეში კი დიდ იშვიათობას წარმოადგენს.

ლურსმნიდან პეპლების საჭერი ბადე ჩამოვიღე და დაბლა ჩავედი, დედას ფუნთუშა გამოვართვი და მათარაში წყალღვინო ჩავისხი. სამზადისს რომ მოვრჩი, გადავიარე კარუსელის მრედანი და გზას სასახლის ბალისაკენ გავუყევი რომლის ხეივნები უკვე ლორთქო ფოთლებით დაჩრდილულიყო. მერე მთავარი შესასვლელის პირდაპირ მდებარე პატარა კარით მინდორში გავედი. წინა ღამით ეწვიმა, ახლათბილოდა და ჰაერი გამჟვირვალე გამხდარიყო. პირდაპირ იქ, სადაც ჰორიზონტი სილის გორაკს თავზე დამხობოდა. ქარის წისქვილი ფრთებს აქნევდა.

ჯერ სასახლის ბალის გასწვრივ გაჭიმულ გზას დავადექი, მერე მზით განათებულ მინდორს ალაღბედზე გავუყევი; ხან ხნულზე გამავალ გზაწვრილზე მივაბიჯებდი და ხან ბილიკებზე. ქვიშისა და ქვის ზვინებზე, რომლებითაც ნაკვეთები იყო შემომიჯნული, იშვიათად თუ შეამჩნევდით ასკილის ან სხვა რომელიმე უბადრუკი მცენარის ბუჩქს. აქ,

სადაც ზღვის მკაცრი ქარი დილაადრიანად დაუბრკოლებლად დაქშუის, მცენარეს ფოთლები ძლივს გამოედო. რაღაც საამო გრძნობით აღვსილი მივაბიჯებდი და სადაც შორს ვიმზირებოდი. ჩემ ირგვლივ კი გზაზე, ბალახებსა და წითლად აყვავებულ კინკრებში, ვინ იცის, იქნებ, პეპლებიც დაფარფატებდნენ, მაგრამ ამას ყურადღებასაც არ ვაქცევდი.

დღემ ისე გაირბინა, ვერც კი გავიგე. როცა წისქვილის ტბორის პირას ბალახზე დავჯექი და ჩემი ღარიბული სამხარი გეახელი, ქალაქში ოთხჯერ ჩამორეკეს. ჩემს ფერხით გადაშლილი ჩაბნელებული ვრცელი წყლის ზედაპირიდან საამო სიგრილე მელამუნებოდა. ალბათ, ტბორის ეს შუაგული იყო, სადაც ახლა პატარა ტალღები დალივლივებდა, ლორამ რომ თავისი პალტო დამახურა. დიდხანს ვუყურე ამ ადგილს ტალღების ჩქერში და ძლივს მივაკვლიე; იქამდე მიღწევა კი ამჟამად შეუძლებელი იყო.

მაგრამ მე ხომ ეოლოს ფარვანას დასაჭერად წამოვედი. რა უნდოდა ამ ფარვანას აქ, სადაც ირგვლივ არც ერთი ბუჩქი არ იყო, არც ქარისაგან დაცული რამ პატარა ადგილი ჩანდა? მაშინ გამახსენდა სხვა ადგილი, სადაც რამდენიმე წლის წინ ჩემზე დიდ ბიჭებთან ერთად ჩიტის კვერცხების საძებნელად ვიყავი. იქ საბალახოებს შორის ბორცვებზე თხილნარი და კუნელი იყო მოდებული. წარამარა გვხვდებოდა ეკლებზე დაგებული კრაზანები — ყველაფერი ისე იყო, როგორც უნდა ყოფილიყო, თუ ბუნებისმცოდნეობის ისტორიას დაეუჯერებთ იმას, რასაც ლაქოებზე მოგვითხრობს. მალე ბუჩქებიდან გამოფრენილ ჩიტებსაც მოვკარით თვალი და ხშირ ფოთლებში მიმაღული დაწინწყალუკვერცხებიანი ბუდე-

ებიც დმოვაჩინეთ ალბათ, ამავე ეკალბარდებით შექმნილი თავშესაფარი წარმოდგენდა იშვიათი ჯიშის პაწაწინა ბარტყების სამყაროს. „საფლობი“ — ასე უწოდა ამ ადგილს ჩემმა გამყოლმა ბიჭმა, რაც დაბლობად უნდა მიგვეჩინა. მაგრამ ეს „საფლობი“ სადღა იყო? მხოლოდ ის მახსოვდა, რომ ქალაქიდან მაშინ ამავე მიმართულებით წამოვედით და რომ ის ადგილი ვრცელი ველის ახლო არის, რომელიც ქალაქიდან ერთი მილის შემდეგ იწყება.

ცოტა ფიქრის შემდეგ დავწვდი ჩემ ბაღეს და ისევ გზას გაუდექი. გავიარე ხევხუვები, რომელიც ამ ადგილებში ზედ ტბის ნაპირებს ებჯინება და ავედი ბექობზე, საიდანაც კარგად დავინახავდი წინ გადაშლილ ვაკეს. მაგრამ აქაც სილის ისეთივე შიშველი ბორცვებით მოდებული ველი აღმოჩნდა, რომელსაც გაზაფხულის მწველი მზე დანათოდა. მერე ველის კიდეზე აღმართული ქოხის მხარეს თითქოს რაღაც ბუჩქნარის მსგავსი შევამჩნიე. იქამდე კარგა ერთი საათის სავალი იქნებოდა, მაგრამ დღეს ხეტიალის წასიათზე ვიყავი და იქით მხნედ გავემართე.

გზიდან წარამარა ამოფრინდებოდნენ ლიმონურა და თეთრი ავრორა, ხან კი რუხი ბუქნაქო გადალოდებოდა ბალახის ღერებზე, მაგრამ ულოს ფარვანას კვალი არსად ჩანდა.

როგორც ეტყობოდა, ტაფობში ვეშვებოდი, რადგან ჰაერი თანდათან დაიხუთა. ახლა კუნელის ხშირი ბარდნარების გაყოლებით მივდიოდი. ხანდახან სიო დაუბერავდა და რაღაც საამო სურნელებას მოიტანდა, მაგრამ ვერ ვგებულობდი, რომელი ყვავილისა უნდა ყოფილიყო, რადგან ბუჩქნარი მიშლიდა ხელს. მარჯვენა მხარეს ბორცვა ერთ-

ბაშად უკან დაიწია და ჩემ თვალწინ მწვანე კორდი გადაშალა. მიწას აქა-იქ მაყვლის ყლორტები და მოცვის ბუჩქები მოსდებოდა. შუა ადგილას კი, სადაც პატარა ჩაშავებული ტბორი იდგა, განმარტოებით აღმართულიყო მზით განათებული მაღალი ხე. მის ხშირ, თვალისმომპკრელად ხასხასა ფოთლებში მოჩანდა ფაქიზი თეთრი მტევნები. არფის ქღერას მოგაგონებდათ ხის კენწეროზე დახვეული ფუტკრების დაუსრულებელი ზუზუნნი. ამის მსგავსი რამ არსად მინახავს, არც ქალაქის ბაღებში და არც შორეულ ტყეებში. რაღაც სასწაულს მოგაგონებდათ ამ უდაბურ ადგილას აღმართული ეს აყვავებული ხე და მეც განცვიფრებული შევცქეროდი მას. ცოტა მოშორებით, მწირი სახნავ-სათესის გადაღმა გადაშლილიყო თვალუწვდენელი ყავისფერი ველი. ჰორიზონტის შორეული ხაზები ჰაერში ცახცახებდა. თვალსაწიერზე სულიერი არ ჰკანებდა, არც კაცი, არც რამ ცხოველი.

აყვავებული ხის ძირას მივწეკი ბალახზე, გუბურის პირად. რაღაც ტკბილი იდუმალი გრძნობა დამეუფლა. შორიდან ტოროლას საამო გალობა ისმოდა. ზემოთ, ყვავილებში ფუტკრები გაბმულად ზუზუნებდნენ. ირგვლივ გამეფებულ მდუმარებას სხვა არაფერი არღვევდა. ზოგჯერ სიო დაჰქროლებდა და მიდამოს საამო სურნელებას მოაფრქვევდა. ტბორის პირად პეპლები დაფარფატებდნენ, მაგრამ მათ ყურადღებასაც არ ვაქცევდი, ჩემი ჩოგანი ამაოდ ცდებოდა.

გამახსენდა ამას წინათ ნანახი სურათი — ამ ველივით თვალუწვდენელ და ვრცელ მინდორზე კომბალს დაყრდნობილი ახალგაზრდა მწყემსი, ისეთი, როგორიც პირველყოფილი ადამიანი წარმოგვიდგენია. თეძოებზე თხის უხეში ტყავი აკრავს. მის ფერხით წარმტაცი გოგონა გაწოლილა და ვა-

ჟი ზემოდან დასცქერის. ქალიშვილის დიდრონი შავი თვალები ნეტარებით გასცქერის უდაბური ველის განთიადს. „მარტოდმარტო სამყაროზე“ — ასე ეწერა ამ სურათს.

თვალები დავხუჭე. ასე მეგონა, ამ უდაბური ადგილიდან ჩემთან მოვიდოდა ის გოგონა, ქვეყნად ვიქნებოდით მხოლოდ ორნი და დავივიწყებდით ყოველგვარ სურვილს, მოთხოვნილებას, დავიურვებდით ყოველ სწრაფვას, ყოველ გატაცებას. „ლორა!“ წარმოვთქვი ჩურჩულით და მკლავები წინ გავიწვდინე.

ამასობაში მზე დაბლა დაშვებულყო და დაისის სხივები ველს მოჰფენოდა. ხეც დადუმებულიყო, ფუტკრებს უკვე მიეტოვებინათ. დრო იყო შინ გავბრუნებულიყავ. ხელი წამოვავლე ძირს დაგდებულ პებლისსაქერ ბადეს, რად მკირდებოდა ეს ბავშვის სათამაშო? ფეხზე წამოვხტი და ბადე ხის ხშირ ფოთლებში დავკიდე ტოტზე. უკან ნელა გამოვბრუნდი. გზაზე ჩემს დაბანგულ თვალებს დიდხანს არ მოსციელებია მკერავის მშვენიერი ასულის წარმტაცი ხატება.

როცა სასახლის ბღის ალაყაფის კარიდან გამოვედი, უკვე გვარიანად ბნელოდა. კარუსელთან ლამპები ენთო. ჩემამდე მოაღწია არღნის ჭყვიტინმა, სიცილმა და ხალხის უწესრიგო ლაპარაკმა. ამ ხმებს ერთვოდა დაშნაზე რკინის რგოლის წამოცმით გამოწვეული ჟღერიალის ხმა. შეეჩერდი და მოედნის ირგვლივ მდგარი ცაცხვების ჩრდილიდან დავაკვირდი ამ მხიარულ სანახაობას. კარუსელი თავბრუდამხვევად ტრიალებდა, სავარძლები და ცხენები მთლად დაეკავებინათ, ირგვლივ კი ორივე სქესის ყოველგვარი ასაკის სანახაობას დახარბებულთა ბრბო დახორხოცობდა. აი კარუსელმა ტრიალს უკლო და ძწვანე ტოტებიდან კარგად გავარჩიე ზედ მსხდომთა სახეები.

ჩემდაუნებურად კარუსელს მივეუახლოვდი და მის გარშემო შემოვლებულ მავთულებში გავძვერი. ყავისფერ ცხენზე ამხედრებული გოგონა ჩემი მეგობარი ქრისტოფის და აღმოჩნდა. მას კი მეორე მხედარი მოჰყვა, ეს უფრო მოხდენილი გოგონა ჩანდა. იგი დაუდევრად მოსჯდომოდა თავის ხის ცხენს. კარუსელი ნელა ბრუნავდა, გოგონა თანდათან ახლოვდებოდა და გაღიმებული შესცქეროდა ხალხს... ეს იყო ლორა. რაღაც საშინელმა შიშმა დამიარა თავიდან ფეხებამდე. იმანაც მიცნო, მაგრამ თვალები მხოლოდ ერთი წამით მომაპყრო, მერე კი გვერდით გადაიხარა და ისეთი სახე მიიღო, ვითომ კაბას ისწორებდა. პატარა ხელში ამაყად ეპყრა რკინის მძიმე დაშნა თითქმის თავამდე აცმული რგოლებით საცხე.

ამასობაში კარუსელის მეპატრონემ ჩამოიარა, რომ შემდეგ ტურის ფული აეკრიფა. ლორა თავის ტაიჭიდან წამოიმართა და კაცს დაშნა უჩვენა. „უფასოდ მეკუთვნის“, უთხრა ლორამ, დაშნა თავქვე დახარა და მეკარუსელეს რგოლები ხელში ჩაუცურა.

კარუსელის პატრონმა ლორას თავი დაუქნია და მეორე სავარძელთან მივიდა. აქ ბიჭბუჭებს მოეყარათ თავი და ადგილის გამო დავიდარაბა გაემართათ. მე ისევ ლორასაკენ გავიხედე. მასთან ახლა ქრისტოფის და მისულიყო, მაგრამ ჩემსკენ ზურგშექცევით იდგა და, როგორც ჩანდა ვერ მამჩნევდა.

— არ წამოხვალ, ლორა? მე შინ მივდივარ, — მიმართა მან ლორას.

ლორამ ერბაშად არ უპასუხა, თვალები მალვით გამოაპარა და შემომხედა. განძრევას ვერ ვბედავდი, ჩემმა თვალებმა კი უპასუხა მის ჩუმ შეკითხვას, ხოლო ბაგეებმა ოდნავ გაზაგონად ჩაიჩურჩულა: „ღარჩი!“

— მითხარი, რას გაჩუმებულხარ. უკვე რვა საათისა დაჰკრეს. ლორამ უზანგში შეჰყო ფეხი, მე გადმომხედა და მეგობარს უთხრა: დავრჩები, მე ხომ უფასოდ მეკუთვნის ტრიალი. მერე ხმადაბლა დაუმატა, — შეიძლება, დედაჩემმაც მომაკითხოს.

მივხვდი, რომ ლორამ ეს ტყუილად თქვა. სახეზე აღმური მომედო, ყურებმა შუილი დამიწყო, ამ პატარა მატყუარამ ორივენი იღუმალების ბადეში გაგვხვია. ეს პირველად მოხდა ჩემს ცხოვრებაში, ასეთი მაცუთნებელი დაპირება რომ მივიღე. აქამდე ზოგჯერ ფიქრში თუ წარმოვიდგენდი, შეიძლებოდა თუ არა საერთოდ ასეთი რამ.

ქრისტოფის და თავის გზას გაუდგა. არლანი ისევ აახმიანეს, ბებერ ჯახრაკს 'მოლტი გადაუჭირეს და სოფლის ბიჭებისა და გოგონების ჟრიამულში კარუსელი კვლავ დატრიალდა. ლორამ ერთი კიდევ მომხედა, მერე დაშნა უნაგირში ჩაუყარა, ხელები კალთაზე დაიწყო და გაირინდა, გარემოს გამოეთიშა. სწრაფად ჩამოაქროლებდა ხოლმე კარუსელის ბორბალი ჩემს გვერდით ლორას, რომელსაც ყელზე შემოხვეული წითელი თავსაფარი ეფრიალებდა. ძლივს ვასწრებდი მისი აელვარებული თვალების შეხედვას, რომ ისევ მიეფარებოდა და ბინდში, უღიმღამო ლამპის შუქზე მხოლოდ მისი თეთრი კაბაღა მოჩანდა მკაფიოდ.

უცბათ რაღაცამ გაიტკაცუნა, გოგონები აყვირდნენ და კარუსელი გაჩერდა.

— ნუ წამოდგებით, ბატონებო! — დაიძახა კარუსელის პატრონმა და თანაშემწესთან ერთად დაზიანების მოსაძებნად განივ კოჭზე ავიდა, შემდეგ ორი ფარანი მოიმარკვა და თლას დაკაუნს შეუდგნენ, მაგრამ, როგორც ჩანდა, დაზიანებულ აღ-

გილს ასე იოლად ვერ შეაკეთებდნენ. დრო გულისწამლებად გაიწელა. ამოდ ვეძებდი თვალებით პატარა მხედარს. ბოლოს გარსმოჯარული ხალხიდან გამოვძვერი და მოედნის მეორე მხარესკენ გადავინაცვლე ხან ძალის გამოყენებით, ხანაც თხოვნამუდართ ბარიერისკენ გავალწიე და პირდაპირ ლორას გვერდით აღმოვჩნდი. თავის ხის რაშიდან გადმოსულიყო და აქეთ-იქით იხედებოდა, თითქოს ვილაცას ეძებსო. მერე დაშნის თამაშს მოეშვა, კვლავ უნაგირში გაამაგრა და ძირს ჩამოხტომა დააპირა. მაგრამ, ვიდრე კაზას აიკეცავდა, მეც მავთულის იქით წრეში შევედი.

— სადამო მშვიდობისა, ლორა!

— სადამო მშვიდობისა, — მშვიდად მიპასუხა მან.

გლახის ბიჭები ყვიროდნენ და ფულს უკან ითხოვდნენ. მე ლორას ჩავკიდე ხელი და გარეთ გამოვიყვანე. მაგრამ ჩემი გამბედაობა ამით ამოიწურა. ლორამ ხელი წამართვა და ჩუმად და დარცხვენით გავყევით ქუჩას, რომლის ბოლოშიც მათი სახლი იდგა.

სასახლის ბაღის შესასვლელთან ჩვენსკენ ბიჭების ჯგუფი მოემართებოდა. ბიჭები გაცხარებული ლაპარაკობდნენ. მათში ჩვენი კლასის რამდენიმე ყველაზე თავზეხელაღებული ბიჭის ხმა ვიცანი, უნებლიეთ ორივე შევდექით.

— მოდი, ბაღზე გადავიაროთ! — ვუთხარი ლორას.

— აქედან შორს არის.

— არც ისე შორსაა.

ჭიშკარი გავიარეთ და დავეშვით ფართო ბილიკზე, რომელსაც კვრინჩხის დაბალი ბუჩქნარი შემორტყმოდა აქეთ-იქით. ბილიკი რცხილის ხეებით გადაბურული ხეივნისკენ მიემართებოდა. ამ ცოცხალი ღობის იქით ტყის გასაშენებლად დამუშა-

გებული ზოლი მიუღიოდა, რომელიც ჯერჯერობით მოტატყ-
ლებული იყო, ამიტომ ღამის სიბნელე ხელს ვერ მიშლიდა,
რომ ჩემ გვერდით მომავალი გოგონას სიახლოვით დავეტკბა-
რიყავი. ასეთ განმარტოებულ ადგილას მისი სიახლოვე მთელ
არსებას შიშით მივსებდა.

ძველ პარკში ჩვენ გარდა კაციშვილი არავენ ჩანდა, ირგე-
ლივ ისეთი მდუმარება გამეფებულყო, ფეხის ყოველ გადადგ-
მაზე მკაფიოდ გვესმოდა სილის ხრაშუნი.

— ზელს! ხომ არ ჩამკიდებდი? — უკითხე ლორას. ;
მან თავი გადაიქნია.

— რატომაც არა?

— არა, არ ივარგებს! ვინმემ რომ დაგვინახოს?

ახლა ბებერი წიფლის თაღებქვეშ მივაბიჯებდით. ეს ადგი-
ლი ძალიან დაბნელებული იყო, რადგან ორივე მხარეს ასეთი-
ვე მაღალი წიფლები იდგა და ქვეგაფენილ მოლს უკუნეთი
ჩრდილი დასწოლოდა. ახლა ლორას ვედარ ვხედავდი, მხო-
ლოდ მისი სუნთქვა და მსუბუქი ფეხის ხმა მესმოდა. უცბად
გონებაში და გამიელვა— დღეს ხომ სახლიდან პებლის დასაქე-
რად გამოვედი-მეთქი, და ამ აზრმა თითქოს გამაღიზიანა. „აი,
ბოლოს მაინც ხომ დავიჭირე!“ ვუთხარი საკუთარ თავს და
სიბნელით გამხნევებულმა ლორას ჩავეკიდე ხელი. გოგონას წი-
ნააღმდეგობა არ გაუწევია. მაგრამ ვიგრძენი, როგორ კანკა-
ლებდა, არც მე მადგა უკეთესი დღე — გული თითქოს ყელში
მებჯინებოდა.

გზა ნელნელა განვაგრძეთ. ქალაქიდან ძლივსღა ისმოდა არ-
ღნის მისუსტებული ხმა და ბაზრობაზე შეკრებილი ხალხის გუ-
გუნი. ჩვენ წინ, ხეივნის ბოლოში, მიუღწეველ მანძილზე, ზე-
ცის პატარა ნაგლეჯს კიდევ შემორჩენოდა დაისის ციაგი. ლო-

რას ხელკავი გავუკეთე. უცბად გზაზე რაღაცამ გაიწლივინა. ვინ იცის, იქნებ თავგებზე სანადიროდ გამოსული ზღარბი იყო. გოგონა შეერთა და მე მომეკრა. უნებლიეთ მეც ხელი შემოვხვიე და ლორამ თავი მხარზე დამადო.

მაგრამ შემდეგ, როცა სულ რაღაც წამით, ჩემი ბავშვური ბაგეები მისას შეეხნო, შეშლილებივით მოვწყდით ადგილს და ჩრდილიდან ღია ადგილზე გამოვცვივდით. გოგონასთვის ხელი არ გამიშვია, ხეივნების ბოლომდე ისე ჩავივრბინეთ, პატარა კარიდან მინდორზე გამოვედით და იმ გზას დავადექით, ქალაქის განაპირა სახლებისკენ რომ მიიმართებოდა. ერთმანეთის გვერდი-გვერდ აჩქარებით მივდიოდით, თითქოს გვსურდა ურთიერთს მალე დავშორებოდით.

— ვინ იცის, იქნებ მამა მეძებს. უკვე გვიანია, — თავაუღებლად ჩაილაპარაკა ლორამ.

— შეიძლება, მართლა გეძებს, — მივუგე მეც და ფეხი წელანდელზე მეტად ავუჩქარეთ.

გზა მოთავდა. პირველი სახლის წინ ვიდექით. მკერავის სახლიდან გამომავალი სინათლის შუქზე ცაცხვის ქვეშ ჭასთან ვილაც გოგო შევნიშნე. ლორას აქ უნდა დავმშვიდობებოდი.

მაგრამ ის იყო ლორამ ფეხი ქვაფენილზე დადგა, რომ გონებაში გამიელვა, მისი ასე გაშვება არ შეიძლება-მეთქი.

— ლორა, რაღაც მინდოდა მეთქვა, — ვუთხარი დაბნეულმა.

— რა გინდოდა? — ჩამეკითხა და ჩემკენ მოიწია.

— ცოტა ხანს კიდევ მოიცადე!

ლორა ჩემსკენ შემობრუნდა და მშვიდად შემომაცქერდნერე თმაზე ხელი გადაისვა და ყელსახვევი მჭიდროდ შემოიჭირა. დიდხანს ამაოდ ვეცადე მომეკრიბა აზროვნება, რომელიც ჩემს გარშემო ჩაწოლილი ბნელი ნისლით გაძვანტვოდა.

— ლორა, — წარმოვთქვი ბოლოს, — კიდევ ხომ არ მიბრაზდები?

მან დაბლა დაიხედა და თავი გააქნია.

— მოხვალ აქ ხვალ?

გოგონამ ცოტა ხანს იკოკმანა და მერე მომიგო:

— სხვა დროს საღამოთი აღარ გამომიშვებენ.

— არა, ნუ მატყუებ, სწორი მითხარი. — ხელი დაეჭვა რე, მაგრამ არ დამანება. — ჰო, აბა მითხარი! არ გინდა მითხრა?

ლორა ერთხანს კიდევ ასე გაჩუმებული იდგა, მერე თავი მაღლა ასწია და შემომხედა.

— კარგად ვიცი, რომ ბოლოს იმ შენი კეთილშობილი ქალიშვილებიდან შეირთავ ვინმეს, — ხმადაბლა წარმოთქვა ლორამ.

ხმა ველარ დავძარი. ამ საყვედურს არ მოველოდი, ასეთ რთულ საკითხებზე ჭერ არ მეფიქრა, ამიტომ არც პასუხის გაცემა შემეძლო.

გონზე მოსვლა ვერ მოვასწარი, რომ „ღამე მშვიდობისა“ შემომესმა და გოგონა სახლების ჩრდილში გაუჩინარდა. გაცივონე ფრთხილად მიხურული კარის ხმა, შემდეგ უკან შეკბრუნდი და სასახლის ბალისკენ ნელა გავუყევი გზას.

შინ არ მივახშვია, კიბეზე ჩუმად ავიბარე და ჩემს პატარა ოთახში ავედი. გაბრუებულივით დავემხე ბალიშზე. თხუტმეტიოდე წუთის შემდეგ კარი გაიღო და ოდნავ გახელილი წამწამებიდან დავინახე, როგორ შემოვიდა დედა ანთებული ლაქპრით და თავზე დამადგა. მერე ლოგინზე გადმოიხარა. თვალები დავხუჭე და ოცნება განვაგრძე. მიუხედავად იმისა, რომ ლორასთან გამომშვიდობება საიმედოს არაფერს აღმითქვამდა, ასე მეგონა, თითქოს სურნელოვან ვარდების გირლანდებს მივწვდი.

და ახლა ჩემი ცხოვრება სულ მუდამ ვარდ-ყვავილებით იქნებოდა მოფენილი.

თუ ამ სალამოს განმარტოებისკენ მივისწრაფოდი, მეორე დილას ხალხისკენ მიწევდა გული. აქამდე გამოუცდელმა თავისუფლებისა და სხვათა მიმართ საკუთარი უპირატესობის გრძნობამ მომიცვა. და მსურდა ეს გრძნობა სხვათა თანდასწრებით გამომეცადა. როგორც კი საუზმეს მოვრჩი და დედაჩემის უსიამოვნო შეკითხვებიც ასე თუ ისე დაეაკმაყოფილე, ჩემი მეგობარი ქრისტოფის სახელოსნოში წავედი. ქრისტოფი რაღაცას გაცხარებით აკეთებდა, წითელი ხის ფირფიცრებს არჩევდა და ხერხავდა.

— რაღაც ლამაზს აკეთებ, არა? — ვკითხე მეგობარს.

— ნემსებისა და ძაფების ზარდახშას, — ისე მიპასუხა ქრისტოფმა, თავი არ აუწევია.

— ზარდახშას? ვისთვის?

— ლეონერა ბორეგარისთვის. ჩემს დას უნდა, დაბადების დღეზე საჩუქრად მიართვას.

ქრისტოფს ირიბად გადავხედე და გამომწვევად ვკითხე:

— რა, ლორა შენი გულის ვარდი ხომ არ არის?

ეს ისეთი უკადრისი შეკითხვა იყო, რომ გულკეთილ ბიქს სახეზე ცეცხლივით მოედო სიწითლე. მერე, ეტყობა, თავისმა სირცხვილმა თვითონვე გააბრაზა.

— სულ არ იყო საჭირო, რომ თქვენ, ლათინელებმა, იგი თქვენს ცეკვის წრეში ჩაითრიეთ! — გაჯავრებით წარმოთქვა მან და დაჟინებით შეუდგა დანით ფირფიცრის კვეთას.

— ხომ არ ეპკვიანობ, ქრისტოფ? — ვკითხე მე.

არაფერი მიპასუხა, მხოლოდ თავისთვის ჩაიბურღლუნა:

— ერთი ჩემი და იყოს!..

ჩემს სიხარულს გამეორება აღარ ეწერა, რადგან რამდენი არ ვცადე, ლორასთან მარტოდმარტო შეხვედრა მაინც ველარ მოვახერხე. თუმცა ზაფხულის მანძილზე კიდევ რამდენჯერმე შევხვდი გზაზე სასახლის ბაღთან, მაგრამ მასთან იყვნენ ქრისტოფი და მისი და. გულკეთილი ბიჭი ისეთი სახით მიჰყვებოდა ლორას, თითქოს მზად იყო მთელი ქვეყნის „ლათინელები-საგან“ დაეცვა იგი. ამის გარდა, როცა ლორასთან საუბრის გამბა დავაპირე, მან აშკარად ამარიდა თავი და და-ჩქა ააჩქარა, წავიდეთო.

შემდეგ, როცა წმინდა მიხეილის სადღესასწაულო ბაზრობა გაიმართა, ისევ კარუსელის იმედი მქონდა. ჩემ მეგობარ ფრიცს ათასგვარი მიზეზით თავს ვარიდებდი და ყოველ საღამოს, როგორც კი ცოტა მობინდებოდა, მოედანზე მივდიოდი. მაგრამ ყოველ მოსვლაზე ამაოდ ვათვალისწინებდი კარუსელზე მოტრიალე გოგონებს შორის შავგრემან ლორას, ვისი გულისთვისაც აქ დავიარებოდი. მარტოდმარტო დავეხეტებოდი ჩაბნელებულ პარკში და გაფრენილი ბედნიერების გამო ნაღვლიანი ფიქრები მიხუთავდა სულს.

მთელ ამ ამბებს ერთბაშად მოელო ბოლო, როცა ზამთრის დამდეგს მამაჩემის სურვილით ჩვენი ქალაქის გიმნაზია მივატოვე და შემდგომი განათლების მისაღებად შუაგულ გერმანიის ერთ-ერთ ქალაქში გადავედი. ნეტა ისევ თუ ჰკიდია იმ აყვავებულ ხეზე, გუბურის პირას, ჩემი პეპლების საქერი ბაღე? არ ვიცი, რადგან იქ აღარ ვყოფილვარ. ყოლოს ფარვანას შეპყრობაც დღემდე ვერსად ვერ შევძელი.

მას შემდეგ მრავალი წელი გავიდა.

როცა ბოლოს სამონასტრო სასწავლებლის მარწუხება თავი დავაღწიე, შემოდგომაზე რამდენიმე კვირა ჩემს მშობლიურ ოჯახში გავატარე. ძველი ამხანაგებიდან ადგილზე ქრისტოფილა დამიხვდა. დანარჩენი ყველა, მათ შორის ფრიციც, ბუდიდან აფრენილიყო. ერთნი მხიარულ სტუდენტურ ცხოვრებას დასწაფებოდნენ, სხვებს თვალუწვდენელი ზღვისთვის მიენდოთ ბედი, ზოგს სავაქრო კანტორის ბნელი ოთახი მოეძებნა. ყველა იმ გზას დასდგომოდა, რაც მისთვის ბედსა და გარემოებას ერგუნებინა. ქრისტოფიც, რომელიც ამ ხნის განმავლობაში ცოტა ტანმორჩილ, მაგრამ ჩასხმულ ვაჟკაცად ქცეულიყო. გასამგზავრებლად ემზადებოდა — ქარგლობისათვის მიედწია და ქვეყანად უნდა მიეხედ-მოეხედა.

მანამდე კი ჩვენ ერთხელ კიდევ წავიმუშავეთ მამამისის სახელოსნოში. ჩვენი შრომის შედეგი იყო მშვენიერი სათუთუნე, რომელიც უნივერსიტეტს ჩემთან ერთად დაუბრუნდებოდა.

დედაჩემისგან შევიტყვე, რომ ჯანსაღი და მხნე ფრაუ ბორეგარი ერთი წლის წინ უეცრად გარდაცვლილიყო, მისი ქალიშვილი კი ერთ პატარა საუნივერსიტეტო ქალაქში საცხოვრებლად გადასულა გაუთხოვარ დეიდასთან, რომელიც ანდერძით თავის მცირე ქონებას სიკვდილის შემდეგ მას უტოვებდა. ცაცხვებქვეშ მდგომი პატარა სახლი დედის სიკვდილის შემდეგ ვალებში გაუყიდათ და ფრანგი მკერავი იმითაც კმაყოფილი უნდა ყოფილიყო, რომ სხვა ოსტატთან თავი ხელის მუშად შეუფარებია.

ერთ კვირა დღეს, საღამო ხანს, სასაფლაოს მივარდნილ კუთხეში სკამზე მიმჯდარი ვნახე იგი. ლაწვებზე უფრო მეტად დასდებოდა გოგირდის ფერი. შავი თმა ძალზე გაჭალა-რავებოდა. ახველებდა და, როგორც ჩანდა, მზე სიამოვნებდა.

— ო, მუსიე ფილიპ! — შესძახა მან, როცა შემიცნო და თავისი ძვლადქცეული ორი თითი გამომიწოდა; დანარჩენი სამით კი ჩემთვის კარგად ნაცნობი ფაიფურის სათუთუნე ეჭირა. — ეჰ, მაშინ სულ სხვა დრო იყო, მუსიო ფილიპ! — ხენეშით განაგრძო მან. — ჩემი მოუსვენარი მეუღლე, აი ამ შავი ჯვრის ქვეშ განისვენებს. ჩემი გოგონა, ლორა კი... — მან რამდენჯერმე ამოისლუკუნა და ბურნუთის გვარიანი ღოზა შეისუნთქა, — ალბათ, გაიგეთ! მას არ უნდოდა თავისი საწყალი შამის მარტო დატოვება, მისი პატარა ხელები კისრიდან ძლივს შემოვიხსენი. მაგრამ რას იზამ! შვილს ხომ ბედს არ გაუფუჭებ! — მკერავმა თავი ჩაკიდა, მკლავები უსიცოცხლოდ ჩამოუკვივდა მუხლებზე. — მინდა მისი წერილები გაჩვენოთ, — წამოიწყო ისევ მოხუცმა. — თქვენ თვითონ ნახავთ, მუსიო ფილიპ, თქვენ ხომ ნასწავლი კაცი ხართ! რა ლამაზი ასოებია, როგორი გულთბილი სიტყვები! თვით მარკიზაც უკეთესად ვერ დაწერდა...

ასე ლაპარაკობდა მოხუცი, სანამ დავემშვიდობებოდით. მას შემდეგ ფრანგი მკერავისთვის თვალი აღარ მომიკრავს. რამდენიმე დღის შემდეგ გავემგზავრე, რათა ერთ-ერთ უნივერსიტეტში იურისპრუდენციის შესწავლას შევდგომოდი. ნახევარი წლის შემდეგ კი დედამ მომწერა, მუსიო ბორეგარიც, ლუი XVI კარის ცეცხლფარეშის შვილიშვილი, ამჟამად შავი ჯვრის ქვეშ განისვენებდა.

სამი წლის შემდეგ მშობლიურ ქალაქთან ახლომდებარე უნივერსიტეტში გადავედი, რათა, სანამ გამოცდას ჩავაბარებდი,

მიღებული წესის მიხედვით, ერთი წელიწადი აქაც მესწავლა ფრიცი, რომელთან ერთადაც ბოლო სემესტრი ჰაიდელბერგში მოვისმინე, მომავალ შემოდგომაზე აპირებდა სამშობლოში დაბრუნებას. ჩემმა მეგობარმა ქრისტოფმაც დაამთავრა თავისი უნივერსიტეტი. იგი ავეჯის მაღაზიის ერთ-ერთ საუკეთესო მუშაკად ითვლებოდა. ერთხელ, საღამო ხანს, ქალაქის ბაღში შევხვდი, სადაც იგი დავარგებულ ლუდის კათხას მისჯდომოდა მარტოდმარტო ჩაფიქრებული სიგარას აბოლებდა. ხშირ ქერა ბაკენბარდებსა და მოხდენილ კოსტიუმს ისე შეეცვალა. სანამ ახლოს არ მივედი, ვეღარც კი ვიცანი. უხმოდ დავადე მხარზე ხელი. ქრისტოფმა თავი მოაბრუნა, თუმცა ამჯერად ფერადი ქუდი აღარ მეხურა. მისთვის მე უდავოდ ისევ საძულველ „ლათინელებს“ ვეკუთვნოდი. მაგრამ როგორც კი მიცნო, თვალებში სიხარულის სხივი აუციალდა.

— ეს შენა ხარ, ფილიპ? — შემომძახა მან, გაწვდილი ხელი ქალიშვილური მოკრძალებით ჩამომართვა, მერე კი მაგრად მომიჭირა. დიდხანს ვილაპარაკეთ, გავიხსენეთ ჩვენი მშობლიური ქალაქი, მშობლები და ბავშვობის ამხანაგები. როცა მე გაყინულ ტბორზე ჩვენი ცუდად დამთავრებული სრიალი მოვიგონე, ჩვენი ბავშვური სიყვარულის საერთო საგანიც გავიხსენე.

ლენორა ისევ თავის ნათესავთან, მოხუც მკერავ ქალთან ცხოვრობდა. კაბების შესაკერად მასთან ერთად დადიოდა წარჩინებულთა ოჯახებში, მაგრამ ჩემს შეკითხვებზე ქრისტოფი მოკლედ და უხალისოდ მპასუხობდა. ბოლოს კი საუბრის თემის შეცვლა სცადა. როგორც ჩანდა, მისი უდალატო გული ამ მომხიბვლელი გოგონას სიყვარულის მარწუხებიდან ჯერაც ვერ განთავისუფლებულიყო, მე კი ვფიქრობდი, ეს სიყვარული ჩემი სამშობლოს მტკვერთან ერთად ჩამოვიცილე-მეთქი.

ვინ იცის, შეიძლება, ვცდებოდნი კიდევ.

რამდენიმე ხნის შემდეგ ჩემს მეგობარ ქალიშვილებთან ერთად გადავცურე ზღვის ყურე, რომლის ნაპირზე ქალაქია გაშენებული და მეორე მხარეს გადავედი. ის იყო იმ დროისათვის სანუკვარი სასეირნო ადგილი. სალამო ახლოვდებოდა და ზღვის ნაპირზე გამოვედი, რომ სადმე ნავი გვენახა და უკან დავბრუნებულყავით. თითქმის მთლად სავსე ორი ნავი გასამგზავრებლად მზად იყო. ერთი ნავის ახლოს, რომელიც ჩვენგან ოცდაათიორდე ნაბიჯით თუ იქნებოდა დაშორებული, მოხუცი კოჭლი მკერავი ქალის გვერდით თვალშისაცემი სილამაზის გოგონა იდგა. ამ მკერავს რამდენჯერმე შევხვედრივარ ჩემი დიასახლისის ოჯახში. გოგონას ფეხი უკვე ნავში ჩაედგა და ზედ ასვლას აპირებდა, მაგრამ ამ დროს ჩვენსკენ მოიხედა და შეჩერდა. ჩემს მზერას წააწყდა გასაოცარი სილამაზის შავი თვალები, რომელიც დიდი ხანია აღარ მენახა, თუმცა საიდანლაც კი მახსოვდა. უკვებ აღვიდგინე, რომ ეს ლენორე ბორეგარი იყო ხორბლისფერი ღაწვი ახლა ნორჩი ქალიშვილის ყირმიზისფერს შეეცვალა. მის ყოველ მიხრა-მოხრაში ახლაც იგივე წარმტაცი სინარჩარე გამოსჭვიოდა, რომელიც ერთ დროს ასე იპყრობდა ჩემს ბავშვურ გრძნობებს. გული საშინლად ამითრთოლდა და ჩემ გვერდით მდგომი ქალიშვილები ლამის სულაც გადამავეიწყდნენ, რადგან ეს შავი თვალები თითქოს რაღაცას შევედრებოდნენ. შემომესმა, რომ მკერავმა ქალმა ლენორას რაღაც უთხრა. იმასაც მოვკარი ყური, რომ მენავემ მათ არც თუ მთლად თავაზიანად შეუძახა, ჩასხედითო, მაგრამ ტანაშოლტილი ქლიშვილი ისევ უძრავად იდგა, თითქოს მოუჯადოებიათო, და მე შემომცქეროდა.

რაღაც გაუცნობიერებულმა ძალამ მიბიძგა და ნავისაკენ რა-

მდენიმე ნაბიჯი წარვსდგი, მაგრამ დიდი იძულებით თავი ისევ შევიკავე — უცებ თვალწინ ქრისტოფი დამიდგა, მისი ანკარა, პატიოსნებით სავსე ცისფერი თვალები.

— ეგ ნავი ყველას ვერ დაგვიტევს, — ვუთხარი ჩემს თანამგზავრ ქალიშვილებს და მეორე ნავისკენ ზღვას ნაპირნაპირ გაუყუევით.

მაგრამ გულმა არ მიქნა და ლორას ერთხელ კიდევ მოვხედე. მას თავი ჩაეკიდა და ნელა ჯდებოდა ნავში, რომელიც დაისის მზის ოქროვან სხივებით გადასარკულ წყლის ზედაპირზე უძრავად იდგა.

ნავში საჭეს მივუჯექი და ხმას ვერ ვიღებდი, თუმცა მთელი ჩემი არსება შეშფოთებას მოეცვა. თვალს ვერ ვაცილებდი ჩვენს წინ მცირე მანძილით დაშორებულ ნავს. თანამგზავრები ამოღო ცდილობდნენ საუბარში ჩავეთრიე.

— დღეს პირდაპირ აუტანელი ხართ! — მომმართა ერთმა შათანმა. — როგორც ჩანს, ჩვენმა წარმტაცმა მკერავმა გოგონამ წაგართვათ მეტყველების უნარი.

— ლორა თქვენი მკერავია? — ფიქრებიდან ჯერაც ისევ გამოურკვეველად ვიკითხე მე.

— ლორა? მერე და თქვენ საიდან იცით მისი სახელი?

— ერთი ქალაქიდან ვართ. ცეკვას რომ ვსწავლობდით, მაზურკა პირველად მასთან ვიცეკვე.

— ჰოო? იგი ახლაც სიამოვნებით ცეკვავს სტუდენტ ბიჭებთან.

ლორაზე ჩვენი საუბარი ამით დასრულდა, მაგრამ ახლა უკვე ვიცოდი, რატომ არ შეეძლო ქრისტოფს მასზე ლაპარაკი. მაგრამ შემდეგ, ზამთარში ქრისტოფი რამდენჯერმე დავინახე ლორასთან ერთად თავშეყრის ადგილებში. ქალიშვილთან ერ-

თად ხშირად ან კოჭლი მარია იყო ან ვილაც მოხუცი ქალი. ის ალბათ, მისი დეიდა თუ იყო, რომელმაც ლორას თავისი ქონება უმემკვიდრა და სიკვდილის წინ საბრალო ფრანგ მკერავს თავის გულის საგანძური წაართვა.

ერთ საღამოს—ახალწლის შემდეგ უკვე რამდენიმე კვირა გასულიყო — ჩემს ოთახში ქუჩიდან რაღაც ხმაური შემოიჭრა. ფანჯარა გამოვალე და დავინახე, რომ ქვემოთ ქუჩაში, წითელ-ქუდიანი სტუდენტები მიდიოდნენ. რომ დავაკვირდი, ქუჩის ფარნის სინათლეზე ჩვენი ერთ-ერთი პედელიც* შევამჩნიე.

— რა ამბავია მანდ, დოზე? — ჩავძახე ზემოდან.

— ო, რა მასალა მიღეწ-მოღეწეს, ბატონო დოქტორო!

თუ რატომ გეძახდა დოზე ბატონ დოქტორს, ეს მხოლოდ ჩვენ ორმა ვიცოდით.

— რას მელაპარაკები, ალბათ ისევ საცეკვაო დარბაზი, არა? — რაღა საკითხავია? მაშ სად იქნებოდა!

საცეკვაო დარბაზში სახალხო ცეკვები იმართებოდა, აქ ჟამიდან-ჟამზე იფეთქებდა ხოლმე სტუდენტებსა და ხელოსან ქარგლებს შორის ძველთაგანვე მომდინარე მტრობა. ამჯერად, ეტყობოდა, სერიოზული შეხლა-შემოხლა მომხდარიყო, რადგან ამის ნიშნად დოზემ მუშტი ჰაერში ენერგიულად შეათამაშა.

— ვის მოხვდა? — ჩავძახე ისევ.

მოხუცმა პირზე ხელი მიიფარა და ისე ამომძახა:

— ვისაც უნდა მოხვედროდა, ბატონო დოქტორო!

ერთმა ჩემმა ნაცნობმა, რომელმაც ჩვენს საუბარს ყური მოჰკრა, უცბად მომიგო:

— გრაფ ყოყოჩას! ქარგლებმა გემოზე მოსდეს! — და ისევ გაიქცა.

ეგრეთწოდებული „გრაფი ყოყოჩა“ მეტად მოხდენილი გარეგნობისა, მაგრამ ასევე ქარაფშუტა და ფუქსავატი ყმაწვილი კაცი გახლდათ, რომელსაც პროფესორების ლექციების მოსმენას, სადმე სამიკიტნოში ღვინის სმა ერჩია. ის ერთ-ერთი იმათგანი იყო, რომლებიც უნივერსიტეტში მნიშვნელოვან როლს ასრულებენ, შემდეგ კი ცხოვრებაში უკვალოდ ქრებიან.

გრაფი სძულდათ ახალგაზრდა ქარგლებს, რომელთა შეყვარებულ გოგონებს იგი თავგზას უბნევდა და თავისკენ იბირებდა. სამაგიეროდ პირშეღინდლული სტუდენტების დიდი უმრავლესობისთვის იგი ლაჩრული აღტაცების საგანს წარმოადგენდა. მას შემდეგ, რაც რამდენიმე უნივერსიტეტი მოიარა, ზოგიერთიდან კიდევ გამორიცხეს, ყოყოჩამ მიზანშეწონილად ჩათვალა, რომ ახლა ჩვენს უნივერსიტეტში მოეკიდა ფეხი. ყველა იმაზე ლაპარაკობდა, გრაფი ოჯახიდან ძალიან ბევრ ფულს იღებს, მაგრამ მაინც ძალიან ბევრი ვალები აქვსო. ტიტული „გრაფი ყოყოჩა“, რომელიც მას ჩვენთანაც ჩამოჰყვია, იმ დროს მოგვაგონებდა, როცა მუშტის კანონი მეფობდა, როცა ძველი იუნკერები სუსტებს მხოლოდ თავიანთი სურვილების დასაკმაყოფილებად იყენებდნენ. ამ იუნკერთა მთელი ზნე-ჩვეულება გრაფ ყოყოჩას მემკვიდრეობით მიეღო.

რაკილა გრაფს არც კარგად ვიცნობდი და არც მისი პიროვნება მაინტერესებდა, ფანჯარა მივხურე, დასაძინებლად დავწეიქი და მასზე აღარ მიფიქრია.

მაგრამ მეორე დღეს, საღამო ხანს მისი გახსენება ისევ მომიხდა.

ის იყო ყავა დავლიე, დივანზე ჩამოვკეჭი და პანდექტების * განმარტებებში ჩავიძირე, რომ კარზე დააკაკუნეს.

მობრძანდით-მეთქი შევეხმიანე. კარში გამოჩნდა ჩემი მეგობარი ქრისტოფის ზორბა სხეული. ოთახში რაღაც ყოყმანით შემოვიდა.

— მართო ხარ, — მკითხა მან.

— როგორც ხედავ, ქრისტოფ.

შემოსულმა ერთხანს იყუჩა, მერე დაიწყო:

— აქაურობა უნდა დავტოვო, დღესვე, ამ საღამოს. შორს მიხდება წასვლა — რაინზე, დედის ძმასთან. ბიძაჩემი დაუძლურდა და დამხმარე სჭირდება, რომ იქაურობას ყური უგდოს. რაც ფული მაქვს, სამგზავროდ არ მეყოფა, მე კი არ მინდა სხვა ვინმეს ვთხოვო.

ჩემს სამუშაო მაგიდასთან მივედი და გადანახული მცირე-ოდენი თანხა ამოვიღე.

— ეს გეყოფა ქრისტოფ?

— მადლობა, ფილიპ, — მითხრა მან და ფული მონდომებით შეინახა ქისაში, საღაც ოქროსა და ვერცხლის მონეტებიც ელაგა.

მე ახლალა შევამჩნიე, რომ ქრისტოფი საგარეო ტანსაცმელში გამოწყობილიყო.

— შენ მთლად გამზადებულხარ კიდევ, აქ მოსვლამდე სად ყოფილხარ?

— პირდაპირ პოლიციიდან მოვდივარ, — ფართო შუბლზე ჩაფიქრებით მოისვა ხელი ქრისტოფმა.

— პასპორტი მიიღე?

— ჰო, გასამგზავრებლად პასპორტი მომცეს.

მე გაოცებით შევატყერდი.

— ყველაფერი კი იმ საცეკვაო დარბაზში დატრიალებული სულელური ამბის გამო მოხდა.

ახლა მივხვდი, რაშიც იყო საქმე.

— მაშ ეგ შენ იყავი? რატომ მაშინვე ვერ მივხვდი!

— რასაკვირველია, მეც იქ ვიყავი, ფილიპ.

— ლენორაც შენთან ერთად იყო?

ქრისტოფმა თავი დაიქნია.

— ეგ შენ მიბეგვე გრაფი ყოყოჩა?

— ასე ამბობენ, შენ იყავიო, — თქვა ქრისტოფმა და სახეზე სიამოვნების მალეწყებელი ღიმილი გაუერთა. გიმნაზისტების ამ ძველი მტრის კილოში ისეთი კმაყოფილება იგრძნობოდა, რომ მომხდარ ამბაეში საეჭვო აღარაფერი იყო.

ხმამალლა გადავიხარხარე.

— მიამბე ერთი, ყველაფერი როგორ მოხდა, — ვთხოვე ქრისტოფს.

— შენ ხომ იცი, ფილიპ, ლორას ვერ ვშორდები?

— თანხმობა თუ გაქვთ ერთმანეთისთვის მიცემული?

— თითქოს კი, — მიპასუხა მან. — ლორა ყოჩალი გოგონა ამას გარდა, მოხუცი დედის სიკვდილის შემდეგ ცოტაოდენი ქონებაც ღარჩება.

ქრისტოფს ღიმილით გადავხედე.

— მაგას გარდა, თვითონაც გონჯი არ არის, თორემ არც ისე იოლად გადაწყვეტილი!

ქრისტოფი ერთხანს ჩაფიქრებული იდგა.

— სწორი რომ ვთქვა, არც კი ვიცი, — დაიწყო მან.... — მე და ლორა ვდგავართ დარბაზში... მხოლოდ იმიტომ წავედი, რომ მისთვის შესიამოვნებინა. და აი ჩვენსკენ წამოვიდა ერთი მალალი, ფერმიხდილი ყმაწვილი, რომელიც შორიდანვე სულ

ლორას უყურებდა, თან თავის ამფსონს რაღაცას ეჩურჩულებდა, და ლორასთან ცეკვა მოინდომა.

— უღირსად ხომ არ მოიქცა?

— უღირსადო? მას მთელი სიფათი უღირსისა აქვს.

— ლორამ რაღა ქნა? — ვკითხე და დაჟინებით მივატყერდი. — მას, ალბათ, სიამოვნებას მოჰგვრიდა ამ ლამაზ გრაფთან ცეკვა, არა?

ქრისტოფი მოიღუშა და თვალებიც უსიამო ბინდმა დაუნისლა.

— ეს მე არ ვიცი, — ჩუმად წარმოთქვა მან, — მაგრამ თქვენი მხრივ კარგი არ იყო, რომ მაშინ ლათინელებმა — ეს გოგონა საცეკვაო წრეში ჩააბით, მხოლოდ იმის გამო, რომ მას დაკენტებულ კავალრის მეწყვილეობა გაეწია.

ქრისტოფმა ხელი გამომიწოდა.

— კარგად იყავი, ფილიპ! — მითხრა მან. — ფულს გადმოგიგზავნი. ჩემს შესახებ შეიძლება ბევრი ვერაფერი გაიგო, მაგრამ ღმერთმა ქნას, რომ ერთი წლის შემდეგ ისევ დავბრუნდე, ან შინ მაინც მოვახერხო ჩასვლა.

ქრისტოფი წავიდა.

მეცადინეობის განგრძობა ვცადე. ბავშვობის მეგობრის გამო გულში რაღაც გაურკვეველმა ტკივილმა დაისადგურა. კარგად ვიცოდი, რაც ქრისტოფს არ სურდა ეთქვა. მისი ოცნება მხოლოდ ამ ქალიშვილს დასტრიალებდა თავს და მთელი ძაღონით ცდილობდა, თავისი ცხოვრება მასთან დაეკავშირებინა.

ქრისტოფის წასვლის შემდეგ მალე ჩავედი ჩემს დიასხლისთან, სადაც მაშინ ვსადილობდი ხოლმე. ალბათ, ადრე იყო, რადგან სხვა ბინადრები ჯერ არ მოსულიყვნენ. გვერდით ოთახში დამხვდა პატარა მკერავი: — კოჭლი მარია, რომელიც ღრუბე-

ლივით თეთრი ქსოვილით შეფუთულიყო და ნემსით ჩუმად და მარტოდ-მარტო საქმიანობდა. მასთან ხშირად მენახა ორივე ახალგაზრდა, რომელთა ბედი მე ამჟამად მაინტერესებდა. მარიას გუშინდელ ამბავს მოგუყუევი იმ იმედით, იქნებ, მიზეზი როგორმე გავიგო-მეთქი.

— ვგრძნობდი, ეს ამბავი როდესმე მოხდებოდა ტუჩების კენეტით წარმოთქვა მარიამ. — ის ღურგალი კარგი ვაჟია, მაგრამ გოვოს მიმართ მეტისმეტად დამთმობია. აბა რა უნდოდა, საცეკვაო დარბაზში რომ წაჰყვა!

მე უფრო დაწვრილებით შევეუდექი გამოკითხვას. მარიამ სკამიდან ქსოვილი გადასწია, თავით მანიშნა, ჩამოქეიო და დაიწყო:

— თქვენ, ალბათ, გინახავთ პაფენგასეზე რომ პატარა სახლია. ეს სახლი ლორას დეიდამ, მოხუცმა შმიდენმა, რამდენიმე წლის წინათ შეიძინა თავის მეზობლისგან, რომელიც ცხენებს აჭირავებდა. ცხენების გამჭირავებელმა სახლი კი გაჰყიდა, მაგრამ ეზო არ გაუყიდა, რადგან თვითონ სჭირდებოდა. ისე, რომ ეზო საერთო იყო. სახლს შემორჩა პატარა მწვანე ვაზონი, სადაც მოხუც ქალს შეუძლია თეთრეული გააშროს. შმიდენი დედ-ჩემის ძიძიშვილია და ჩემი კონფირმაციის შემდეგ მას ოჯახებში დავეყვებოდი და კერვაში ვშველოდი.

შარშან წმინდა მარტინის დღესასწაულამდე, მგონი, რამდენიმე დღით ადრე, შუადღის შემდეგ შმიდენთან წავედი — დიდი სარეცხი გვქონდა დაგროვილი. გზაში შემხვდა ღურგალი, რომელიც მაშინ უკვე დადიოდა ლორასთან. ცოტა ხანს ვილაპარაკეთ და როცა წავედი, სიცილით დამიძახა: შაბათს მოვალ და სარეცხის გაფენას გიშველითო. ეს ამბავი ლორას გადავეცი, მაგრამ მას ამისთვის ყურადღება არ მიუქცევია.

საღამოს რეცხვა დაეასრულეთ და გარეთ გამოვედით, რომ გაზონების აქეთ-იქით დარქობილ ბოძებზე თოკი გაგვება. ლორამ წალებს ზემოთ კაბა წამოიკეცა, შავი თმა ყურებს უკან გადაიტანა და თოკის გასაბმელად ხის პატარა კიბეზე შედგა. მოხუცი შინ დარჩა, რომ სავარძელში თვალი მოეტყუებინა, მე კი, აბა, რა სიმაღლე მაქვს და ლორას რას ვუშველიდი.

ამ სიტყვებზე მთხრობელი შეეცადა წელში კარგად გამართულიყო.

— იქვე, სარეცხ კალათას გვერდით, გათლილ ქვაზე ჩამოეჯექი და მეზობლის მოსამსახურე ბიჭს შეეცაქერდი, რომელიც თავლის წინ სამურველით ქურანას წმენდდა. ცხენები მე ძალიან მიყვარს, ერთ დროს მამაჩემი მეფორნე იყო. ის ქურანა კი მეტიმეტად მოხდენილი ცხენია. ჩრდილიდან თავს მზისკენ რომ აბრუნებდა. მთელი კანი ისე უბრწყინავდა, თითქოს ლითონისააო. მაგრამ ამ ცხენს კოჭებზე შევატყვე, რომ ჩვენი მეზობლის საფორნე ჯაგლაგი არ უნდა ყოფილიყო. „ვისია ეგ ცხენი? ვკითხე ლორას, რომელმაც პატარა კიბე მეორე ბოძისკენ გადაიტანა. „ეგ ცხენი? ვილაც ახლად ჩამოსული სტუდენტისაა, სახელი არ ვიცი“, — მეუბნება ლორა და ფეხის თითებზე იწვევს, რომ თოკი ძელზე დაახვიოს. მე ზემოთ ავხედე, ის კი არც მიყურებს და ისევ თოკის დახვევას განაგრძობს. მე ლამის მოთმინება გამიწყდეს. ამ დროს ჩემს ზურგს უკან ვილაცის ხმა გაისმა: „საკმარისია, ფროილან ლორხენ.“

თითქოს ახლაც ვხედავ, როგორ დაუშვა ლორამ უცბად ხელები და აკეცილი კაბა ჩამოიწია. უკან რომ მოვიხედე, დავინახე ის ფერმიხდილი დიდგვაროვანი სტუდენტი. ლორას ხმა არ ამოუღია, კიბიდან ჩამოხტა და გვერდით ამომიდგა. ის ყმაწვილი ბატონიც დგას და ლორას მისჩერებია, თითქოს მეტი არაფერი

იცისო. „ოჰ, ეშმაკსაც წაუღიხარ!“ გამიელვა თავში და ქერანა ცქენზე დავიწყე ლაპარაკი, რაც პირზე მომადგა. იმდენი ვილაპარაკე, რომ ბოლოს იმ კეთილშობილმაც პასუხი გამცა. გონზე მოსვლაც ვერ მოვასწარი, რომ სამივენი მეზობლის ეზოში გადავედით. ცხენი ფლოქვით მიწას თხრის და ჭკვიანი თვალებით მესცქერის პატრონს. ლორა ცხენს გვერდით აძოსდგომია. ეტყობა, პირუტყვი ძალიან მოსწონს და ხელს სარკესავით გაწმენდილ კისერზე უსვამს. „ცხვარივით ჭკვიანია“, ამბობს ყმაწვილი ბატონი. „რას იტყვით ფროილაინ ლორა, ცქენი ხომ არ შეგვეკაზმა, თავლაში ქალის უნაგირიც არის“. ლორამ თავი გაიქნია, მაგრამ, ეტყობა, ამის თქმაზე სული შეუგუბდა და თვალები სიხარულით გაუბრწყინდა. ბატონი გრაფიც მიხვდა. მის ნიშანზე ბიჭმა თავლიდან უნაგირი გამოარბენინა, ცხენი თვალის დახამხამებაში შეეკაზმა და მსუბუქი აღვირიც ამოსდო. ამ ამბავს ლორა მოჯადოებულებით შეჰყურებს და თვალს ვერ აცილებს. მეჩინებემ პატარა კიბეც მოარბენინა და ცხენს მიუდგა, მაგრამ ახალგაზრდა ბატონმა კიბე გვერდზე გადაისროლა. „ფუ, იოჰანს“ შესძახა მან ბიჭს და, თითქოს აქ არაფერიაო, ლორას იდაყვზე წაავლო ხელი. „მაგრად დადექით“, წარმოთქვა გრაფმა და ფეხის დასადგმელად მეორე ხელი მიუშვირა, თან დაყინებით შეჰყურებდა ლორას. ლორაც არ ახანებს და თითქოს საჭიროა ყველაფერი ისე გააკეთოს, როგორც ყმაწვილ ბატონს სურს, ფეხს ხელზე ადგამს. ბატონი ცოტა ხანს აყოვნებს და მერე ერთბაშად სვამს ცხენზე.

ლორა შეერთა და თვალები ძირს დახარა, მაგრამ მიწოდებულ ალვირი გრაფს მორჩილად გამოართვა და თითებით დაიჭირა. ქურანამ თავი გაარხია და ხმამაღლა დაიხვიხვინა. პატრონმა ცხენს ალერსით რამდენჯერმე გადაუსვა ხელი აბრეშუმივით

ბევწზე, მერე ერთი ხელი ლორას ზურგსუკან უნაგირს დაადო, მეორეთი ალვირი აილო და ცხენი გაზონის ირგვლივ ნელა შემოატარა. მინდა ვაღიარო, რომ დიდებული წყვილი კი იყო ლორა და ის სტუდენტი. და, ვინც შეხედავდა, ვერავინ იფიქრებდა, ლორა მხოლოდ ერთი საბრალო მკერავი და უბრალო მკერავის ქალიშვილიაო.

ძალე ლორას მოეჩვენა, რომ ცხენი ძალიან ნელა მიდიოდა. ხელი ჰაერში აიჭნია და ცხენმაც ჩორთით გასწია. ბატონი გაზონზე გადავიდა; მაგრამ ლორას თვალს მაინც არ აშორებდა ხელში მათრახი ეჭირა და ცდილობდა ცხენს არ ჩამორჩენოდა. გრაფი მოჯადოებულებით შესცქეროდა ლორას, მის გაწეწილ შავ თმას, მის უნაგირზე გადალაგებულ ფეხს, რომელსაც კაბა ასცილებოდა. ხან ლორას ამხნევებდა, ხან თავის ქურანას. ცხენი თანდთან უმატებდა სიჩქარეს, ფრთხვინავდა და კუდს ჰაერში არხევდა. ლეონორა ყურადღებას არაფერს აქცევდა, თითქოს მიფრინავსო. იღიმებოდა და შესცქეროდა ახალგაზრდა გრაფს, თითქოს ცხენზე მისი თვალების ძალით ყოფილიყოს დამაგრებული.

ასე ეჭირა თავი ერთხანს. „ნეტავ კი მოხუცი არ გამოიხედავდეს, — ვფიქრობ ჩემთვის, — მაშინ ხომ ლორას რისხვა არ ასცდება!“. მაგრამ დეიდამისი არ გამოსულა. უცბად ეზოს ფრთების ტლაშუნით გადაუფრინა მტრედების გუნდმა. ცხენი შეკრთა და განზე გახტა. მეგონა, ლორა გადმოვარდებოდა, მაგრამ არა, იგი ცხენს კისერზე დაეკიდა. საშინლად კი გაფითრდა. „ვირგინია, სდექ!“ — შესძახა გრაფმა, ცხენთან მიიბრინა, ლორა ხელში აიყვანა, ერთხანს გამსკვალავად უძწირა და შემდეგ მიწაზე ფრთხილად დასვა. გონს მოსვლა ვერც კი მოვასწა-

რე, რომ ეზოს კარის ხმა შემომესმა, ვიფიქრე, ახლა კი გამოვა მოხუცი-მეთქი, მაგრამ იქით რომ მივიხედე, ღურგალი დავინახე. მოხუცი რომ ყოფილიყო, ისე არ შევშინდებოდი, რადგან ბიჭი გაქვეავებულივით იდგა და ადამიანის სახე დაკარგოდა. „უკვე დაამთავრეთ მუშაობა, ბატონო ვერნერ?“ ვეკითხები ქრისტოფს, მაგრამ ის ყურადღებასაც არ მაქცევს. „სალამო მშვიდობისა, მარია,, მეუბნება ხმაჩახრიწული, და, ეტყობა, ხმის ამოღება ისე უჭირს, თითქოს სიტყვები ყელში დასცობი-აო. „შინ ხომ არ შევიდეთ?“ ვიკითხებ კვლავ. „არა, მადლობელი ვარ, ჩემს გარდა სტუმარი სხვაცა გყოლიათ“, ამბობს ქრისტოფი, ლორასთვის არც შეუხედავს, არც სიტყვა უთქვამს, შებრუნდა და ქუჩაში გავიდა.

ლორა დამდგარა ცხენის გვერდით და არ ინძრევა. „რა უნდოდა მაგ კაცს?“ იკითხა გრაფმა. „ჩვენებურია“, ხმადაბლა ამბობს ლორა. „ბატონი ვერნერია, ავეჯის დიდ მაღაზიის ერთ-ერთი მოწინავე თანამშრომელი“, ვაცნობე მე გრაფს, რადგან შევამჩნიე, რომ ქრისტოფს მან დამცინავად გააყოლა თვალი.

მარიამ საკერავი დაამთავრა, წამოდგა და ქსოვილი დაკეცა. გვერდით ოთახში, სადილის მოლოდინში სხვა მობინადრეებიც შეკრებილიყვნენ.

— მერე რაღა მოხდა? — ვეკითხებ მარიას.

— მერე რა მოხდა? — გაიმეორა მან ჩემი შეკითხვა. — მე ხან ერთთან ვაწრმოებდი მოლაპარაკებას, ხან მეორესთან. ღურგალი ლორას ვერ შეეღევა და ლორაც, თუ მთლად არ გადაი-რია, უნდა გრძნობდეს, რას წარმოადგენს ქრისტოფი მისთვის. ის ახალგაზრდა ბატონი რა ლორას შესაფერისია.

მაგიდისკენ გავემართეთ. კოჭლი მარიას ნაამბობმა გული

დამიძძიმა. ლორა და ქრისტოფი! — არ შეგეძლო მათი ერთად ცხოვრების წარმოდგენა.

ზ ა ს ე ი რ ნ ე ბ ა

აღდგომა ახალი გასული იყო, რომ დედაჩემი მოულოდნელად ავად გახდა და შინ გავემგზავრე. აგვისტოში, როცა უკვე შეიძლებოდა სრულიად გაჯანსაღებული დედა მამაჩემისა და გამომაცოცხლებელი ჰაერის იმედად დამეტოვებინა და ჯავრი აღარ მქონოდა, უნივერსიტეტს დავუბრუნდი. აქედან რომ მივდიოდი, ზღვის უბეს, რომლის გაყოლებითაც ქალაქია გაშენებული, ყინული ის იყო სცილდებოდა. ახლა კი გზებზე ჩამწკრივებული ხეები საამოდ შრიალებდა.

დილა იყო, ქალაქში რომ ჩავედი. ნაცნობთაგან ჯერ არავინ მენახა. ჩაფიქრებული ვიდექი ჩემი პატარა სტუდენტური ოთახის შუაში, რომელსაც უსიამო შეხედულებას აძლევდა მაგიდაზე მდგრი აშპორებული სამეღნე და მტვრის სქელი ფენით დაფარული წიგნები. იქაურობას სილამაზეს არც ნახევრად ამოლაგებული ჩემოდანი მატებდა. ოთახში შემოჭრილი მზე გარეთ მიხმობდა. ქუჩაში გავედი და როგორც ბავშვობისას მიყვარდა, ჩრდილში მარტო გავუყევი თელების ხეივანს, რომელიც ზღვის მალალ ნაპირს გაუდევს.

ჩემს ზემოთ უზარმაზარი ხის თაღები ჩაბნელებული ჩანდა, აქეთ-იქით კი ფოთლებსა და ბალახებზე, სიმწვანეში მიმალულ პატარა საზაფხულო სახლების ფანჯრებზე დილის მზე ბრწყინავდა. ბუჩქებს იქით ალაგ-ალაგ თვალში მხვდებოდა ალაპლაპებული ზღვის ათინათი. ნელა მივდიოდი და ზღვის სუფთა ჰაერს ღრმად ვისუნთქავდი. გზაზე თითო-ოროლა უცნობი მხვდებოდა — სეირნობის დრო ჯერ არ დამდგარიყო.

ბალი დამთავრდა და თელეები მაღალმა წიფლის ხეებმა შეცვალა. ცოტა მანძილიც რომ გავიარე, გრილ ტყეში მოვხვდი, მარცხნივ იგი პატარა ბორცვს აუდევს, მარჯვნივ კი ხეების შორის ზღვა ელვარებს. ტყის სიღრმიდან სკვინჩების ზარივით ხმა და შავი შაშვის საამო ჭახჭახი ისმოდა. დაუსრულებელ მუსიკად გაისმოდა ფოთოლთა შარიშური და ჩემს ფერხით გაწოლილ ზღვის ტალღების ნელი ტლაშუნი. უცბად გამახსენდა, რომ აქ, სადღაც. ტყეში ნახევრად დანგრეული სახლი უნდა ყოფილიყო. ის ჯერ კიდევ გიმნაზიის ბოლო კლასში ყოფნის დროს ვნახე ჩემ ნათესავ სტუდენტ ვაჟთან ერთად, რომელთანაც სანახავად ვიყავი ჩამოსული. ის სახლი, როგორც მაშინ მითხრეს, ვილაც მიკიტანს აუგია ფულის მოსაგებად, მაგრამ ამ მიყრუებულ ადგილას საკმარისი ხალხი ვერ მიუზიდავს და ფულის მოგების იმედიც გასცრუებია. მეტი გზა აღარ ჰქონია, შენობა გაუყვლიდა. ახალ პატრონს კი ეს ღარიბი მეურნეობა ერთი კელნერის იმედად მიუტოვებია.

გამახსენდა ის მაღალი, ფერმიხდილი ყმაწვილი და ბორცვის ფერდობზე მაღალი წიფლების ქვეშ აღმართული ერთსართულიანი შენობაც ნათლად წარმომიდგა თვალწინ. სვეტებით შემოზღუდულ პატარა დარბაზში, რომელიც ფასადის შუა ადგილს იყო მოთავსებული, მაშინ პირველად დავლიე ჭიქა გროგი. აქედან ფართო დასაკეცი კარით გავედით ძალაქერთან ჩაბნელებულ დარბაზში, რომლის ფანჯრებიც ტყის მხარეს იყო წიქცეული. ძალიან მომინდა იმ მიყრუებული ადგილის დათვალიერება, მაგრამ იმის გაფიქრებაზე, ვაითუ ან ის სახლი იქ აღარ იდგეს ანდა ვერ მივაგნო-მეთქი, გული უსიამოდ ამიძგერდა.

ასეთი ფიქრებით განვაგრძე გზა. თავი რომ ავწიე, მარცხნივ შევამჩნიე ხეებს შორის გამავალი ბილიკი, რომელიც ზემოთ მიიკლაკნებოდა. აღრე ნანახი ეს ადგილი გამახსენდა და უცბად შევჩერდი, მერე აღმართს ნელა ავუყევი. ცოტა ხნის სიარულის შემდეგ ხეებს შორის ჯერ ფიქალის სახურავი, მერე კი თანდათან პატარა სვეტების კოლონადა და ფანჯრის ჩარჩოების ზედა ნაწილიც გამოჩნდა. ორიოდ ნაბიჯი კიდევ გადავდგი და ქვის ფართო კიბემ ხის ჩრდილებიდან პატარა მოსწორებულ მოედანზე ამიყვანა.

აი, შუა ტყეში ჩადგმული მზით განათებული და სიჩუმეში გარინდებული სახლი. როგორც ეტყობოდა, დროს თავისი კვალი მაინცდამაინც ვერ დაემჩნია. ერთ დროს წითლად შეღებილი კედლები მაშინდელივით ახლაც მწვანე ხავსს დაეფარა; ხის სვეტების ბზარებიდან რაღაც მოყავისფრო ღრუბლების მაგვარი კორძები გამოჩენილიყვნენ; პატარა დარბაზში ნახევრადგაღებულ დასაკეც კართან ახლაც ძველებურად იდგა, მუქმწვანე ფერად შეღებილი მერხები. - მე ერთ-ერთ მათგანზე ჩამოვჯექი და დაბლა გადაშლილ ზღვას გადავხედე, რომლის მზით გადასარკულ ზედაპირზე მეთევზის ნავი მისრიალებდა.

კაციშვილი არსადა ჩანდა, შენობაშიც, სრული სიწყნარე იდგა. მხოლოდ ტყის ფუტკრები თუ გადაიბზულილებდნენ აჩქარებით, და ქვის კიბის გვერდით მწვანე კორღზე დაფარფატებდა ორი მუქი ფერის პეპელა.

ცოტა ხნის შემდეგ წამოვდექი და დარბაზში შევედი. აქაურობა უფრო ჩაბნელებული აღმოჩნდა, ვიდრე ველოდი. ზედ ფანჯრებთან აღმართულ ხეებს ტოტები სახურავზე გადაელაგებინა. მაგიდაზე ჯოხი დავარტყი, მისი გამოძახილი მალაღმა ქერმა გაიმეორა. მაგრამ არავინ გამოჩენილა. მარცხნივ წავედი

და ოთახში შევიხედე. აქ მხოლოდ ბილიარდის მაგიდა იდგა. დარბაზის მეორე მხარეზე კიდევ ერთი კარი იყო, კარი გავაღე და ვიწრო ტალანში გავედი, აქედან კი ისევ გარეთ აღმოვიჩნდი.

კეგლის სათამაშო პატარა მოედანთან, რომელიც ზედ შენობას ეკვროდა, მწვანე წინსაფრიალი ხანდაზმული კაცი ბალახზე წამოწოლილიყო და ეძინა, ჰო, ეს ხომ ის კელნერია, მაშინაც რომ აქ მუშაობდა!... კელნერს ჯოხით შევეხე, მან თვალები გაახილა და ფეხზე წამოხტა.

— უკაცრავად გახლავართ, ბატონო ჩემო, — წარმოთქვა მან, — მთელი ღამე მოსვენება არ მქონდა.

გაოცებით შევხედე.

— არაფერი გაგიგიათ? — მკითხა კელნერმა და თავიდან ფეხებამდე შემათვალიერა. — აქაური კორპორაციის სტუდენტები აღდგომის შემდეგ სულ აქ ქეიფობენ.

ეს ამბავი მართლაც არ ვიცოდი, თუმცა ჩემი ნაცნობი სტუდენტების უმრავლესობა ამ კორპორაციის წევრები იყვნენ.

ერთი ტოლზა ლუდი და ნაჭერი პური შევუკვეთე და დარბაზში დავბრუნდი. როცა დარბაზში ღიად დატოვებული კარისგან მზის სხივებმა შემოანათა, შუა ადგილას იატაკზე დაინახე რამდენიმე შავი ლაქა, რომლის მიხედვითაც შეიძლებოდა დაგესკვნათ რომ აქ, მიყრუებულ ადგილას, სტუდენტები არა წარტო ქეიფობდნენ, არამედ „პაუკერაიებსაც“¹ აქვე აწყობდნენ, რომლითაც ჩვეულებრივად მთავრდებოდა ხოლმე სტუდენტთა ქეიფი.

— მერე ეს სისხლი ჩაატომ არ მოგიწმენდიათ, — ვკითხე კელნერს.

— უკაცრავად ვარ, ბატონო ჩემო, მაგრამ ეს ლაქები მას

¹ სტუდენტთა დუელი დაშნებით (გერმან.).

შემდეგ დარჩა, ის უბედურება რომ დატრიალდა, — მითხრა სანთლისფერმა კელნერმა. — მას შემდეგ იგი იატაკს ველარ მოვაშორე. ო, რა საშინელი სანახავი იყო ის ახალგაზრდა. სი-
ცოცოხლით სავსე ყმაწვილი ერთბაშდ დადუმდა და ცვილის-
ფერი გახდა.

გამახსენდა ეს შემთხვევა, რომელიც ოფიცრის საწყალი ქერივის ვაჟიშვილს სიცოცოხლედ დაუჯდა. ეს ამბავი ჩემი აქ-
ედან გამგზავრების შემდეგ მალე მოხდა და ერთხანს მთელი ჩვენი მხარე შფოთავდა.

გარეთ გამოვედი და მწვანე მერხზე ჩამოვჯექი. გონებიდან არ მცილდებოდა ამბავი იმ ფიცხი ყმაწვილისა, რომელიც ცხოვ-
რებას ისე დაემშვიდობა, რომ მხოლოდ ეს უსიამოვნო ლაქა-
დასტოვა იქ, იატაკზე.

ცოტა ხნის შეჰდეგ კელნერმა შეკვეთილი საუზმე მომიტა-
ნა.

— დღეს საღამოს უსათუოდ გაგიმასპინძლებოდით, — მი-
თხრა კელნერმა. და მაგიდაზე ტოლჩა და თეფში ჩამოდგა. —
დღეს მეჯლისი იმართება, ამ დროს ჩემი უფროსი ყოველ-
თვის საკუთარ მზარეულ ქალს მიგზავნის ხოლმე.

— მეჯლისიო? — გაოცებით ვკითხე კელნერს. — მერე და
ამ შუაგულ ტყეში საცეკვაოდ ვინ მოდის?

— ამას ყველაზე დიდგვაროვანი სტუდენტები აწყობენ, —
მითხრა კელნერმა და ტუჩაბზუებით შეათვალიერა ჩემი უკვე
ზოდიდან გამოსული ტანისამოსი.

უცებ გამახსენდა ერთი ადგილი წერილიდან, რომელიც
შინყოფნისას მეგობარმა გამომიგზავნა ამ ქალაქიდან. „ჩვენ
ამას კუდიანთა ღრეობა ვუწოდებთ და შეშლილებივით ვატა-
რებთ დროს!“ — სწორედ ასე წერდა მეგობარი. ახლა კი მივხ-

ვდი, რაზეც იყო ლაპარაკი, ოღონდ ადგილის სახელი აღარ მახსოვდა.

სხვათა შორის, კელნერს ამის გახსენება მაინცდამაინც არ ექაშნიკა. შევეცადე მისგან რაიმე მაინც გამეგო, მაგრამ ამ დროს გორაკზე ორი ჩემთვის უცნობი სტუდენტი ამოვიდა, კარის მეორე მხარეს მერხზე დასხდნენ და ჩემთვის ყურადღებაც არ მოუქცევიათ, კელნერს უხეშად მიაძახეს, თითო ტოლჩა ლუდი მოგვიტანეო. ახალგაზრდები გაბრაზებული ჩანდნენ. კელნერი წავიდა. სტუდენტებმა ლაპარაკი წამოიწყეს მომავალ მეჯლისზე, სიტყვებს ნაწყვეტ-ნაწყვეტად ისროდნენ, ხან უსტვენდნენ, ხან ხმამაღლა ამტქნარებდნენ. ერთმა, რომელიც ჭერ ახალბედა სტუდენტი ჩანდა, ეტყობოდა, მეჯლისის მოწყობის დღე ახალა გაიგო მეორე ამხანაგისაგან. ეს უკანასკნელი ორიოდ უწმაწური სიტყვით იცნობდა მეჯლისზე მოწვეულ ქალიშვილებს. პირველად ვიღაც პროვინციელი ცეკვის მასწავლებლისა და ლოთობაში გადავარდნილი პოლიციელის ქალიშვილები დაასახელა, რომელთა დანმარებითაც ეს საქმე აეწყო. შემდეგ ის გოგონები, რომლებსაც არც მშობლები ჰყავდათ და არც მეგობრები და ყოველდღიურ ლუკმა პურს ნემსით შოულობდნენ.

მე ჩუმად გადავყლაპე საუზმე და ახლა სკვინჩას ვაპურებდი, რომელიც ჩემს ირგვლივ ქვის ფილებზე უშიშრად დახტოდა და გადაყრილ ნამცეცებს კენკავდა.

— შენ ერთი ის გრაფინია ნახე! — ისევ წამოიწყო უფროსმა სტუდენტმა და პატარა უღვაშები აიგრიხა.

— ვინ? — გაოცებით იკითხა უმცროსმა.

მისმა მეგობარმა გადაიხარხარა.

— ერთი მკერავია და მეტი არაფერი, ლუდვიგ. მაგრამ ისე

კვად შემოგხედავს შავი თვალებით, რომ!... შეჩვენებული სი-
ლამაზის გოგოა.

— მერე გრაფინიას რატომ უწოდებთ?

— იმიტომ რომ ის გრაფ ყოყონას გოგოა.

არ ვიცი, რატომ, მაგრამ ამ სიტყვებმა შემაქროთ. ის იყო
დავაპირე, ახალგაზრდა ჩხუბისთავისთვის უფრო დაწვრილებით
გამომეკითხა ყველაფერი, რომ გამახსენდა ჩემს დიასახლისთან
სადილობამდე კოჭლი მარიას ნალაპარაკევი.

მაშინვე უკან გამოვბრუნდი. ნახევარი საათის შემდეგ უკვე
მარიასთან ვიყავი და ვსაუბრობდით.

— მაშ დიდი ხანია ლეონორა აღარ გინახავს?— ვკითხე მას.

— აღარ ვეკარები, — ცოტა ხნის დუმილის შემდეგ მიპასუ-
ხა მარიამ და თვალი საკერავისთვის არ მოუცილებია.

— მე კი მეგონა, კარგი მეგობრები იყავით!

— წინათ კი ვიყავით, — მარიამ ფრჩხილი ნაკერს გაუსვა—
მაგრამ იმის მერე, რაც მან სტუდენტებთან ცეკვა დაიწყო...
მოხუც დეიდასთან კარგა ხანია არ შეუხედავს. ალბათ, ანდერ-
ის ამბავიც სხვაგვარად იქნება ახლა.

„რატომ მოხდა ასე?“ — გავიფიქრე მე.

კარგა ხნის წინ ქრისტოფმა ნასესხები ფული დამიბრუნა
და ისიც მომწერა, რომ ბიძის ოჯახში სიხარულით შეხვდნენ
ბიძა-ძალოც და მათი უკვე საკმაოდ ხანდაზმული ქალიშვილიც.
საკეთებელიც ბევრი დახვედრია. მას შემდეგ მე არც ქრისტო-
ფისა გამიგია რამე და არც ლეონორასი.

— მერე და რატომ მოხდა ეს ყველაფერი? — ვკითხე ცო-
ტა ხნის შემდეგ, რაკილა შევატყვე, რომ მარია აღარაფრის
თქმას არ აპირებდა.

— ეს ამბავი შობამდე ორი კვირით ადრე მოხდა, — დაიწ-

ყო მარია — ლორა უკვე კარგა ხანია უხასიათოდ იყო, ჭეჭ ვფიქრობდი, ალბათ, იმიტომ, რომ დურგალი არაფერს სწერდა, მერე ასე მეგონა, ქრისტოფზე დანიშვნა აწევს გულზე დარდად, რადგან თავის გრძნობებში ვერ გარკვეულა-მეთქი. თუ რამეს ჰკითხავდი, მოკლედ გიპასუხებდა და სულ არ ნაღვლობდა როცა მე ან კეთილშობილ ქალბატონს აწყენინებდა. ყველაზე ცუდი კი ის იყო, რომ ლორას საცეკვაო დარბაზიდან მუსიკის ხმა ესმოდა. მან კი დურგალს აღუთქვა, საცეკვაოდ აღარ წავალო.

ერთ საღამოს კარის წინ მერხზე ვისხედით, როცა სახლში წინა დღით დაბრუნებულმა ჩემმა დისშვილმა მინახულა, თან ორი ქარგალიც მოიყოლა. ისიც მკერავია და რაინის მხარის ორ-სამ ქალაქში მოუხდა მუშაობა. ამხანაგები ეკითხებიან, ის პასუხობს.

— მაშ ქრისტოფ ვერნერიც ნახე? — ეკითხება ერთი ქალი.

— დურგალი? რასაკვირველია, ვნახე. აი ბედი ვის ეწია!

— რა ბედი ეწია? — ჰკითხა ახლა მეორემ.

— რა და ოსტატის ქალიშვილზე იწერს ჯვარს. მას კი იმდენი ქონება აქვს... შენც კარგად იცი!

ბიჭმა თითები ისე გაუსვა ერთმანეთს, თითქოს ფულ^ა ითვლისო.

ამ სიტყვებმა საშინლად შემაშინა.

— არა გრცხვენია, ბიჭო! ეგ რა აბდაუბდას რომავ? — გავუწყერი დისშვილს.

— რატომ უნდა მრცხვენოდეს, დეიდა, მეც იქ ვიყავი, როცა ქრისტოფი თავიანთი საწოლისთვის ფიცრებს აშალაშინებდა.

ამ სიტყვებზე ლორა წამოდგა, სიტყვის უთქმელად აიღო თავისი შლაპა და უკანმოუხედავად გაუყვა ქუჩას.

— რა დაემართა? — შკითხა დისშვილმა.

— რა ვიცი, დიტრიხ.

მე მართლაც არ ვიცოდი, რა დაემართა ლორას. მაინცდა-
მაინც ძალიან გატაცებით არც ჰყვარებია დურგალი, რომელიც
ამდენ ხანს დასდევდა, ლორა კი მრავალი ფიქრის შემდეგ
ძლივს დასთანხმდა ცოლობაზე.

ერთ ხანს კიდევ ვუსმინე ამ ბიჭების ლაპარაკს. გულში
სხვაგან გამიბოდა, ვეღარ მოვითმინე და ლორას დავედევნე.

გოგო იქ ვნახე, სადაც ველოდი — თავის დეიდასთან, პა-
ტარა ოთახში. იქ ჰქონდა მთელი თავისი ავლადიღება
შენახული. შუა ოთახში გაჩერებულა, სახეზე მკვდრის ფერი
ადევს და ტუჩებს ისე იკვნეტს, რომ ნიკაპზე სისხლი სდის.
კუთები და ზარდახშები ამოუქოთებია და იატაკზე მოუფან-
ტავს ბაბთები და სალექაჩე ქსოვილი.

— ლორა! — შევეძახე მე, — რას სჩადი, ლომა!

ის კი თითქოს არც მისმენს.

— კვირას ცეკვები თუ იქნება დარბაზში? — შეკითხება
ლორა.

— დარბაზში? მერე შენ რა გინდა!

— წავალ, ვიცეკვებ.

— იცეკვებ? მერე რას გეტყვის შენა ნიჯნური!

— რა მესაქმება მიჯნურთან? — მითხრა ლორამ, შლაპა
დაიხურა და კამოდიდან შალი ამოიღო. მერე გახსნა ზარდახში,
სადაც მთელი დანაზოგი ფული ჰქონდა გადანახული. მართა-
ლია, ლორა სამკაულებისთვის ზოგჯერ ხარჯავდა ფულს, მაგ-
რამ ამჟამად იყო და საქმროსთან უქონელი და ხელცარიელი აქ
პივიდოდა. ჰოდა, გახსნა ქალაქში შეხვეული ფული და ჯიბე-
ში ჩაიღო.

— წამომყვები? საყიდლებზე მივლივარ, — მითხრა ლორამ.
არ ვიცოდი, რას აპირებდა, მაგრამ მეცოდებოდა და გაუყევი. თან ისევ იმედი მქონდა, საცეკვაოდ წასვლას გადავაფიქრებინებ-მეთქი. მაგრამ ტყუილად ვირჯებოდი; ლორა აჩქარებული მიდიოდა, მე კი არც მიყურებდა და არც პასუხს მაძლევდა.

მივედით ბაზარში რომ ქსოვილების მაღაზიაა, და დახლიწინ დავედქით. ლორამ გამყიდველს აბრეშუმის სქელი ბაბთები და ყველაზე მოდური მუსლინის ქსოვილები გადმოალაგებინა. ასეთებს ქალაქის წარჩინებული ქალბატონებიც იშვიათად იყიდავენ. სინჯავს ქსოვილებს და ერთიერთმანეთში ურევს. ნოქარი კიდევ სხვა ქსოვილს აწვდის.

— თუ კი ის ქალბატონი, ვინც კაბა შეგიკვეთათ, ფასზე უკან არ დაიხევს, — ეუბნება ნოქარი ლორას და ხელს გამპვირვალე ქსოვილის ქვეშ ჰყოფს.

— არა, — ეუბნება ლორა, — ფასის გამო უკან არ დაიხევს.

მე ჩუმად წავკარი ხელი, რადგან მივხვდი, რომ ეს ქვირფასიანი ქსოვილი თავისთვის უნდოდა.

— ლორა, — ვეუბნები ჩუმად, — გონს მოდი, აბა ეგეთი ფაქიზი საკაბე რად გინდა?

მაგრამ ის ყურადღებას არ მაქცევს, ნოქარს საკაბეს აქრევილებს და დახლზე გვარიან თანხას ალაგებს, ის კი აღარ ახსოვს, რომ სანამ ფულს მოაგროვებდა, რამდენი ოფლი მოიწურა.

— რას შერები, ლორა! — ვეუბნები მას და ხელს ვუჭერ.
— თავი დამანებე! ერთხელ მეც მინდა ჩავიცვა ლამაზად. აქაურ ლამაზებს რით ჩამოვრჩები?

მერე შინ გაბრუნდა და მთელი დღე და ღამე გაცხარებით ამუშავა, სანამ ძვირფასი კაბა არ გაიმზადა.

მარია ცოტა ხანს შედგა, ნემსში ძაფი გაუყარა და ისევ განაგრძო:

— კვირადღეს, გვიან საღამოს, შავ თმაში თეთრი შროშანები ჩაიბნია და საცეკვაო დარბაზისკენ გაემართა. ეს ამბავი შემდეგ ჩემი დისშვილისგან გავიგე, — დაუძატა მარიამ. — იგი ცეკვის თავგადაკლული მოყვარულია და არც ერთ საღამოს არ აცდენს... ლორა ჯერ კარგა ხან ისე მჯდარა, რადგან ახალგაზრდა ხელოსნებს მასთან მისვლაც ვერ გაუშვდავთ, სტუდენტებს კი თურმე ყველას უარი უთხრა. ამის გამო დარბაზში მყოფნი უკმაყოფილონი დარჩენილან. ის ფერმიხდილი სტუდენტიც, რასაკვირველია, იქა ყოფილა... რას ეძახით მას?

— გრაფ ყოყოჩას.

— ჰო, იქა ყოფილა, მაგრამ ლორას ყურადღებასაც არ აქცევდა თურმე... ბოლოს კი მაინც მისულა მასთან, გოგო ძალიან მომზიზველელი ყოფილა, პირდაპირ ცისკრის ვარსკვლავი იყო, ასე ამბობდნენ. როცა გრაფი მასთან მისულა, ლორას სახეზე ცეცხლი მოსდებია და მთელი ტანით აცახცახებულა. მაგრამ ახლა კი ფეხზე წამომდგარა და გრაფისთვის ხელი გაუწვდია, ხოლო გრაფს ისეთი თვალით შეუხედავს, თითქოს შეჭმას უპირებსო. ესეც ჩემმა დისშვილმა მითხრა. ლორას მის გარდა არავისთან უცეკვია, ეს წყვილი თურმე მანამ ცეკვავდა სანამ მუსიკოსები ვიოლინოებს შეინახავდნენ.

მარია დადუმდა.

— ჰო, ასე ყოფილა — თქვა ცოტა ხნის შემდეგ, თითქოს

თავისივე ნაამბობის მორალი გამოამზეურაო, და უფრო მუყა-
ითაღ შეუღდა საქმეს.

საკმარისი იყო, რაც გავიგე. გადავწყვიტე, დღეს საღამოს
„კუდიანთა ღრეობაზე“ წავსულიყავი და ყველაფერი საკუ-
თარი თვალით მენახა.

ტ ვ ე შ ი

უკვე ბნელოდა, ტყეში ჰაერი დახუთულიყო. ხეებს შორის
გზას ძლივს ვიკვლევდი და გორაკზე მალლა-მალლა მივიწვევდი.

ქვის კიბე რომ ავიარე, უნებურად შევდექი. იქვე ახლომ
ხეებს შორის ორმა თეთრმა კაბამ გაიღვა და შენობაში გაუ-
ჩინარდა. ჩანდა, ცეკვებს შორის შესვენება იყო. გაქაშქაშე-
ბულ დარბაზში მუსიკოსები ვიოლინოებს სიმებს უწყობდნენ.
გაღებულ კარებში სტუდენტები და გოგონები მიმოდოდნენ
და მხიარულად მასლაათობდნენ. დარბაზში მაშინვე შესვლა
ვერ შევძელი. გონების თვალით ნათლად ვხედავდი ბავშვო-
ბის დროინდელ ლორას. თვალწინ დამიდგა, როგორ ეხვეოდა
აგი თავის საბრალო მამას. გავიხსენე ისიც, თუ როგორი სი-
კერპით გაუბრბოდა იგი ჩემს ბავშვურ გრძნობებს. გული
უეცარმა ტკივილმა დამიწურა. ვერ გამეცნობიერებინა, თა-
ნაგრძნობა იყო ეს თუ ეჭვიანობა.

ბოლოს დარჩენილი საფეხურები ავიარე და აივანზე დი-
კარის წირთხლს ისე მივეყრდენი, რომ შეუღმჩნევლად დავრჩე-
ნილიყავ. შესვენება გრძელდებოდა, მაგრამ გამოცოცხლება
არ ნელდებოდა. განაპირა მაგიდებთან და გვერდით ოთახებ-
ში მსხდარი სტუდენტები დაუსრულებლად ჭაჭანებდნენ და
ლუდის ტოლჩებს აბრაზუნებდნენ, გოგონები კისკისებდნენ

და წინ და უკან მიმოდიოდნენ. ხანდახან ხმამაღლა რაღაცას წამოიძახებდნენ.

მათ შორის მოხდენილი გარეგნობის გოგონებს შეამჩნევდით. ვნებით აღესილი დიდთვალება ნორჩი გოგონების მიმზიდველობა არაფერს ჰკარგავდა იმით, რომ ზოგიერთ მათგანს ცხოვრებით უდარდელი ტკბობის დალი აღბეჭდოდა, ზოგს კი წარმავალი ტკივილი.

სიღარიბის მიუხედავად, ყველა მათგანს სუფთად ეცვა: ღია ფერის გამჭვირვალე ქსოვილის კაბები, საგულდაგულოდ დაფარცხნილი თმა კი ყვავილებით შეემკოთ.

მაგრამ გოგონების ეს მუყაითობა ამოდ იკარგებოდა და ყვალრების პატივისცემას მაინც ვერ იმსახურებდა; განსაკუთრებით პირტიტველი ყმაწვილები და კორპორაციის ეგრეთწოდებული „ყოჩი ბიჭები“ არაფერს დაგიდევდნენ და სავარძლებში გაშხლართულები ქალიშვილების თანდასწრებით ფეხებს მაგიდებსა და სკამებზე ფარჩხავდნენ.

თვალით ლორას დავეძებდი. ცოტა ხნის შემდეგ იგი საბილიარდოს მოპირდაპირე მხარეს დავინახე, ორ თავისუფალგაზრდა გოგონას შორის ჩამჯდარიყო. გოგონები გაცხარებით რაღაცაზე ელაპარაკებოდნენ, ლორა კი ხმას არ იღებდა და გარინდებულ ერთ წერტილს მიშტერებოდა.

ლორას თმაზე თეთრი ვარდი დაემაგრებინა. რაღაც წლის ამ დროს იშვიათობას წარმოადგენდა. მის სახეს კი ვარდობის დრო უკვე გადასვლოდა — მის მშვენიერ ფერმიხდილ ლაქებს ვარდისფერი აღარ დაჰკრავდა.

გრაფი ყოყონაძე დავინახე. ის დარბაზის მეორე ნახარეს იჯდა, ფეხი ფეხზე გადაედო და მოქანცული გამოიყურებოდა. მასთან ახლოს მივედი. მუსიკოსებმა ინსტრუმენტები მოამ-

ზადეს. ამ დროს ყოყობასთან ვილაც ახალგაზრდა სტუდენტ-
მივიდა და მოკრძალებით მიმართა:

-- შეიძლება, ამჯერად ლორასთან ვიცეკვო?

— სხვა დროს, ფუქს¹, — მიუგო მან და თავით კედელ-
მიეყრდნო. ლამაზი სახე ძალზე გასცრეცოდა.

მუსიკა დაუკრეს. მხოლოდ ის ერთი არ ამდგარა, რომ თავისი მეწყვილე საცეკვაოდ გაეწვია. ხელი ზანტად ასწია და თითით ლორას მიუხმო. შევამჩნიე, როგორი გაავებული მზერა ესროლა ლორამ, არც განძრეულა, მხოლოდ თვალები დაიფარა ხელით. ყოყობამ კოპები შეიკრა, ცოტა ხნის შემდეგ კი ფეხზე წამოხტა, დარბაზი გადაიარა და ლორას წინ შედგა. ლორას თავი არც ახლა აუწევია, ვაჟმა ხელი მოხვია და ზევით აიტაცა. მომეჩვენა, თითქოს ვაჟმა რაღაც გაჯავრებო უთხრა. ამ დროს უკვე შორს ვიდექი და მკაფიოდ არაფერი მესმოდა. მერე გრაფი ლორასთან ერთად მოცეკვავეთა თავში ჩადგა და ცეკვა დაიწყო.

ლორა უკვე ზრდადასრულებული და საკმაოდ ტანმაღალ გოგონა იყო, მაგრამ გრაფს მხრებამდე ძლივს სწვდებოდა. დიდხანს შევცქეროდი მათ: ლორას თავი უკან გადაეწია, თვალები მიელულა და თითქოს ვაჟის მკლავებს აპყოლიაო. იატაკზე ფეხებს ოდნავ აკარებდა; გრაფი მისკენ გადახრილიყო და მტაცებელი ფრინველივით დასცქეროდა ლორას სახეს. ცეკვა რომ დასრულდა, ვაჟმა იგი თავის ადგილამდე მიაცილა და სკამზე მსუბუქად დასვა.

შესვენება დიდხანს არ გაგრძელებულა. დარბაზი მალე ისევ შეჩოჩქოლდა. მუსიკამ გახელებული ტემპი აიღო და წყვილებიც სასწრაფოდ დაეწყვნენ.

¹ ფუქს • — პირველი სემესტრის სტუდენტო.

ცეკვა განახლდა, ისმოდა თავაწყვეტილი ხარხარი და წამო-
ძახილები. ქალიშვილთა პატარა ფეხები სულ უფრო მეტი
გახელებიან როკავდნენ დალაქავებულ იატაკზე. და აი, რომე-
ლიდაც შშავი შემობრუნების შემდეგ საბრალო გოგონებმა
თავი ვედარ შეიკავეს და იატაკზე გაიშლართნენ.

მუსიკა ერთბაშად დადუმდა, თითქოს ვიღაცამ ანიშნაო.
კავალრები სიცილით მისცვივდნენ თავიანთ ღამებს, მაგრამ
პათ მოასწრეს, ალექსილი სახით ფეხზე წამოცვივდნენ და ზოგი
თმის სწორებას შეუდგა, ზოგი კი ამდენი წვალებით შეკერი-
ლი სამეჭლისო კაბის წმენდას.

არ ვიცი, იყო ეს მსხვერვისადმი ახალგაზრდული მიდრეკი-
ლება თუ სჩვისი ზეგავლენის წინააღმდეგ გალაშქრების სურ-
ვილი, რაც ყოველი ადამიანის შინაგანი სწრაფვის მათუწყებე-
ლია, მაგრამ, როგორც ჩანდა, სტუდენტებს ქალების მიმართ
ქედმაღლური მოქმედებით გული ვერ ეჯერებინათ.

ლორა, რომელსაც თვალს არ ვაცილებდი, ისევ იმ სკამზე
იჯდა, რომელთანაც გრაფმა მიაცილა.

ეტყობოდა, მტკიცედ ჰქონდა გადაწყვეტილი, აღარავისთან
აღარ ეცეკვა.

მუსიკამ კონტრდანსი წამოიწყო. ალბათ, მეტი კონტრას-
ტისათვის, მოცეკვავენი მას განსაკუთრებული ზარზეიმით
ასრულებდნენ. ნაცნობთან ერთად მე გვერდით ოთახში გავე-
დი. აქ რანდენიმე უფროსკლასელი სტუდენტი დაგვიხვდა.
მალე ჩვენ-ჩვენ კათხა ლუდს მიეუხსნედი და მომავალ გა-
მოცდებზე დავიწყეთ საუბარი, რაც ყველას თანაბრად
გვანტერესებდა.

ღარბაზში მუსიკის ხმა შეწყდა და ჩვენს ოთახში კიდევ
რამდენიმე წყვილი გამოვიდა. მათ შორის გრაფი და ლორაც.

ისინი მაგიდას მიუსხდნენ. გრაფი საკმელების მენიუ^ს თვალიერებას შეუდგა. მალე კელნერმა მათ წინ თეფშები და შამპანურის ბოთლი დადგა. გრაფმა ბოთლი ფრთხილად გახსნა — გახსნისას შამპანური მას არასოდეს არ ექცეოდა — და აქაფებული ღვინო ჭიქებში ჩაასხა. დანარჩენმა გოგონებმა, რომლებსაც უბრალო საუზმე მიაართვეს, თავიანთ კავალრებს იდაყვი გაჰკრეს. ამ წყვილმა ჩემი ყურადღებაც მალე მიიპყრო.

ფერმიხდილ ლორას ცალ ხელზე თავი დაეყრდნო, მეორე კი შამპანურით სავსე ჭიქისათვის შემოეხვია. გაოგნებული ჩანდა. გრაფი გემრიელად მიირთმევდა ტოროლას რაგუს და ზედ ღვინოს აყოლებდა.

— შენ არ გშია, ლორა? — მიმართა ბოლოს ლორას.

უარის ნიშნად ქალიშვილმა თავი გააქნია.

გრაფმა დაკვირვებით შეხედა.

— შენი ნებაა, თუ არ გინდა, — უთხრა მშვიდი, კვლავ ჭიქა შეივსო და ჭამა განაგრძო.

გოგონამ ჭიქა ბაგეზე მიიღო და მწყურვალევით ერთბაშად გადაჰკრა. თავი ისევ ხელზე ესვენა. მეორე ხელი შამპანურის ბოთლს წააგლო და ცარიელი ჭიქისკენ ისე დახარა, რომ ღვინო ნელა გადმოდიოდა და ქაფი ზემოთ მიიწევდა. სასოწარკვეთილი შესცქეროდა ლორა ბოთლიდან გადმოდვრილ სითხეს, თითქოს ეს მისი საკუთარი ცხოვრება იღვრებოდა ასე. ყურადღებას არ აქცევდა იმას, რომ ჭიქიდან ქაფი მაგიდაზე გადმოდიოდა. აქედან კი იატაკზე იღვრებოდა. შავი აბრეშუმივით თმაში შეცურებული ხელები დაკრუნჩხოდა.

— ლამაზო, თუ შეიძლება, ერთი წვეთი მაინც მარჯუნეთ

დაქცეულიდან, — ჩასჩურჩულა მას ახლად უღვაშაშლილმა კობტა კაბუქმა და ლორას კიქა თხოვნით გაუწოდა.

ლორას ზემოთაც არ გაუხედავს. ის კი შევამჩნიე, რომ ტუჩები ოდნავ შეარხია.

— რა გინდა, ფუქს? — ჰკითხა მას ერთ-ერთმა უფროს-კურსელმა, რომელიც აქამდე თავისი კათხის იქით არაფერს ხედავდა. — ოჰ, რატომ აქცევ! — შესძახა მან უცბად და გოგონას მკლავზე ხელი წაავლო.

როცა ღვინომ გრაფის ახლოს დაიწყო წვეთვა, იგი ოდნავ ვეერდით გადაიხარა.

— თავი დაანებე, — თქვა მან. — ასეთი ბუნების ქალია, რომ სწორს ვამბობ, ლორა? — გრაფი ღიმილით მიუბრუნდა გოგონას. — ჩვენ ორივეს გვიყვარს ფლანგვა და ერთმანეთსაც კარგად ვუგებთ.

ლორამ ბოთლი მაგიდაზე დადგა და გრაფს სიძულვილით შეავლო თვალი. მერე წამოდგა და დარბაზისაკენ გაემართა. მაგრამ გრაფიც იმავე წუთას ფეხზე წამოიჭრა. მისი ლამაზი სახის ნაკვთები გაცოფებას დაემახინჯებინა.

— რას აპირებ? — მიმართა ლორას და ხელი წაავლო.

ლორა მორჩილად შედგა, ხელის გათავისუფლება არც უცდია, ოღონდ სიძულვილით აელვარებული შავი თვალები შეანათა გრაფს და გამომცდელად შეაცქერდა. გრაფი შეეცადა მისი გამოხედვისათვის გაეძლო. მაგრამ მალე ხელი გაუშვა ოდნავ ჩაიცინა, კვლავ მაგიდას მიუბრუნდა და ბოთლში ჩაბჩენილი ღვინო დაისხა.

ლორა დარბაზში გავიდა და მოცეკვავეთა შირის გაუჩინარდა.

გული ამიღულდა. ჩემი მოთხიდან ყველაფერი კარგად და-

ვინახე. ცოტა ხნის შემდეგ თანამეინახეებს თავი ვანებე და ლორას სანახავად დარბაზში შევედი.

მოცეკვავეთა შორის იგი არ ჩანდა. როცა ვალსის რიტმს აყოლილი წყვილები გავარდვიე, დავინახე, ლორა ფანჯარასთან მიმდგარიყო. სახე თმაში ჩაწნული თეთრი ვარდივით გასთეთრებოდა. იდგა ლორა უძრავად და ატორტმანებულ მოცეკვავეებს შესტკეროდა.

— შეიძლება ველარ მიცანიო? — ვკითხე ლორას, როცა მივუახლოვდი.

მას სახეზე ერთბაშად სიწითლემ გადაუარა.

— ო, როგორ არა! — ხმადაბლა მითხრა მან.

— ხომ არ ვიცეკვოთ, ლორა?

ქალიშვილმა ხელი გამომიწოდა და თავი ისე ჩაჰკიდა, რომ მის თვალებს ველარ ვხედავდი. ის კი მაინც შევნიშნე, როგორ დაიკბინა ტუჩები ლორამ.

მხოლოდ ორიოდ წრე ჩამოვუარეთ, რადგან ლორაც კარგად გრძნობდა, რომ ცეკვისთვის არ მცხებოდა. მალე ორივენი ფართოდ გაღებულ გასასვლელში ვიდექით. გარეთ სრული სიბნელე გამეფებულებო, მხოლოდ ახლომდგომი წიფლის ხეები მოჩანდა შენობიდან გამომავალ შუქზე. სახეზე ღამის სუფთა, საამო ჰაერი მოგველამუნა. დარბაზიდან ვილინოთა ჭრიჭინი და მოცეკვავეთა ბრაგა-ბრუვი მოისმოდა, გარედან კი ხეთა კენწეროზე ატოკებულ ფოთოლთა ნელი შრიალი.

გოგონა ჩემს გვერდით იდგა, თავი ჩაეკიდა და ხმას არ იღებდა.

ვამბედაობა მოვიკრიბე და ლორას ვკითხე:

— როგორ არის ქრისტოფის საქმე?

ლორა შეერთა და რაღაც გაურკვეველად ჩაიღუღლულა. ფერგამკრთალი ღაწვი მუქწითლად შეეფაკლა.

— რას იტყობა, აქ რომ ენახე?

ლორას სუნთქვა შეეკრა და აცახცახებული ხელი კრუნხებით წაივლო გულის პირზე.

— ო, გემუდარებით, — ამოთქვა ბოლოს ლორამ. — ოღონდ აქ ნუ, ოღონდ აქ ნუ.

— მაშ სად? არ გინდათ, მოისმინოთ ჩემი სათქმელი?

ლორამ თავი ასწია და ამომხედა.

— გარეთ გავიდეთ, — მითხრა ჩუმად. — ახლაც გამოვალ. ერთი ეს ცეკვაც ჩავათავოთ. თვითონ მინდოდა თქვენთან ლაპარაკი, იმ ოთახში რომ დაგინახეთ.

კიდევ ვიცეკვეთ. შემდეგ თავის ადგილას მივაცილე და მე კოლონადიან აივანზე გამოვედი.

სადღაც შორს დაიქუხა. კიბეს დავუყევ და დაბლა ჩავედი. უცბად ისე გაიელვა, რომ ხეები და დაბლა აელვარებულნი ზღვის ზედაპირი ნათლად გავარჩიე.

შენობას შემოვუარე და კეგლის სათამაშო მოედანთან შევიცადე. დიდ დროს არ გაუვლია, თეთრმა კაბამ გაიელვა და მაშინვე ლორას ფეხის ხმაც შემომესმა. მალე ლორა ჩემს წინ იდგა და სულს ძლივს ითქვამდა.

აი, როგორც იქნა, მარტოდმარტო ვდგავარ მასთან ზაფხულის ბნელ ღამეში. მაგრამ ახლა უკვე სხვა დროა. სანამ რამის თქმას მოვასწრებდი, ლორამ ჯიბიდან ქაღალდი ამოიღო. შუქზე შევამჩნიე საფოსტო ბეჭედი და წერილის ლუქი.

— ქრისტოფის წერილია, — მითხრა ლორამ და ქაღალდი ჩემდაუნებურად გაწვდილ ხელში ჩამიღო.

— ქრისტოფისა? — წამოვიძახე მე. — როდის მიიღეთ?

— დღეს, — წყნარად მითხრა ლორამ.

— მერე და მაინც აქ მოხვედით?

გოგონა ხმას არ იღებდა.

— შეიძლება, წავიკითხო?

— თავად უნდა მეთხოვა, წაიკითხეთ-მეთქი.

ღარბაზის ერთ-ერთ განათებულ ფანჯარას მივადექი. ლეონორაც უკან მომყვა და სანამ წერილს ვკითხულობდი, ვგრძნობდი ჩემდამი მოპყრობილ მის თვალებს.

წერილი გრძელი იყო. ქრისტოფი ლორას სწერდა, თუ რატომ სდუმდა ამდენ ხანს: ბიძისაგან სახელოსნო მიეღო, მაგრამ მდგომარეობა კიდევ დიდხანს იყო გაურკვეველი. ყველაფერი დამოკიდებული იყო იმაზე, ითხოვდა თუ არა მიწ ბიძაშვილს შეძლებული ოსტატი მეზუხრე. ქრისტოფი უკვე ამთავრებდა თავიანთი მომავალი ოჯახისათვის ავეჯის კეთებას, როცა იგი თანამემამულეს, ერთ ცნობისმოყვარე მკერავს მოუწახულებია. ბიძაშვილის გათხოვებას რაღაც დარკოლება გადალობებია და კინალამ ჩაშლილა. ახლა კი ყველაფერი ისევ მოგვარებულა და ქორწილიც უკვე გადაუხდიათ. თვითონ ქრისტოფი მალე თურმე სხვა ქალაქში ოსტატის სახელს მიიღებს. შემდეგ ლორას სწერდა, შენ თვითონ ჩამოდი, რადგან შენი ჩამოყვანა მე არ შემეძლია, აქაურობას ვერ მოვშორდებიო. „როგორც კი შენგან პასუხს მივიღებ, — სწერდა იგი წერილის ბოლოს, — სამგზავრო ფულსაც გამოგიგზავნი, რომელიც უკვე გადადებული და დაბეჭდილია. ჩვენ სახლს იოლად იპოვნი, კარის წინ დადგმულ მწვანე მერხთან ისეთივე ცაცხვი დგას, თქვენი სახლის წინ რომ იდგა. ეს ცაცხვი ზემოდან ჩრდილავს იმ ოთახს, რომელიც ჩვენთვის საკუთარი ხელით დავდგი“.

წერილი დაკვეცე და ლორას გავუწოდე, მაგრამ ლორას თავი გააქნია.

— თქვენ მისწერეთ, ბატონო ფილიპ! — მთხოვა ლორამ და დაწვევებზე ცრემლი ჩამოუგორდა. — მას სურდა, რომ ყველაფერი კარგად მოეგვარებინა, — ძლივს ამოიღო ხმა ლორამ.

— მერე და მასთან არ წახვალთ?

ლორამ ისეთი მუდარითა და სასოწარკვეთით შემომხედა, რომ ამ კითხვის მიცემა მყის ვინანე.

— ნუთუ არავის შეუძლია, ლორა, თქვენი დახმარება?

მან თავი ჩაჰკიდა და შუბლით ფანჯარას მიეყრდნო. შავად აელვარებულ თმაში ჩაწნული თეთრი ვარდი ჯერაც ისევ საამო სურნელს აფრქვევდა.

— მამაჩემი ერთი საწყალი ბოგანო იყო, მას შემდეგ არავის არ ვყვარებივარ ასე ნაზად, როგორც ქრისტოფს. ის, ალბათ, არც ახლა მკრავდა ხელს... — ძლივს ამოთქვა ლორამ და აქვითინდა.

ერთხანს ხმა აღარ ამოგვიღია. მე თავად არ ვიცი, როგორ მოხდა, რომ მისი ორივე ხელი ხელში მეჭირა. ლორას წინააღმდეგობა არც გაუწევია... უცბად ყური მოვკარი, რომ შენობის წინა მხრიდან გრაფი ყოყონა ლორას უხმობდა.

გოგონა შეკრთა.

— ნუთუ არ შეგიძლიათ, ლორა, რომ მაგ ვაჟს ჩამოსცოდეთ?

ლორამ მწუხარედ შემომანათა ფართოდ გახელილი თვალები.

— თ, როგორ არა! — ხმადაბლა წარმოთქვა ლორამ.

ისე მომეჩვენა, თითქოს ამის თქმაზე ლორას ბაგეზე ღიმი-

ლი გაუკრთა, რაღაც ვერაგული განზრახვის მათუწყებელი ღიმილი.

ისევ გაისმა გრაფის ძახილი. ახლა უფრო ახლო მანძილიდან.

ლორამ აჩქარებით შეიმშრალა თვალები.

— მშვიდობით, ფილიპ, მშვიდობით! — წამჩურჩულა ლორამ, ხელზე ხელები მომიკირა და თვალს მიეფარა.

რამდენ ხანს ვიარე ხეებქვეშ წინ და უკან, აღარ მახსოვს. გონს მხოლოდ მაშინ მოვეგე, როცა დარბაზში მუსიკის ხმებმა ერთბაშად შეწყდა და ტყის სიღრმიდან ჩემს სმენამდე ბუკნაკოტების ხმამ მოაღწია.

როცა სახლის ფსადას წინ გავუარე, რომ ქვის კიბეებით ბილიკზე გავსულიყავი, ლორას ერთხელ კიდევ მოვკარი თვალი. იგი აივანზე გამოსულიყო, ცალი ხელი სვეტისთვის შემოეხვია და ხეთა შორის დაბლა გაწოლილ ზღვას გაკურობდა. წყლის ზედაპირს თვალისმომკრელად ანათებდა ელის ხაზები.

ზღვის ნაპირზე

დიდი ხანია ლოგინში ვიწეკი, მაგრამ თვალი ვერ მომეხუჭა. მოსვენებას არ მაძლევდა ლორაზე ფიქრი. ვფიქრობდი, როგორმე დედაჩემის დახმარებით ლორასთვის სხვა თავშესაფარი მომეძებნა. არც მისი დარწმუნება იყო იოლი, რომ ამ ახალი ბინით ესარგებლა.

როცა გვიან დილით თვალი გაეახილე, დავინახე „ბურგომისტრი“ ფრიცი — ასე ვეძახდი მას ბავშვობისას, — ლოგინთან დგას, იცინის და წრფელი თვალებით შემომყურებს.

მალე ორივენი ერთმანეთის გვერდით ვისხედით დივანზე.

ფრიცი დაწვრილებით მომიყვა ჩვენს საერთო მეგობრებზე. რომლებიც ჰაიდელბერგში დატოვა. მე უგულისყუროდ ვუსმენდი: ჩემი ფიქრები ისევ გუშინდელი დამის ამბებს დასტრიალებდა.

რამდენიმე ხნის შემდეგ ფრიცს ვთხოვე, ზღვის ნაპირზე გაეიარათ-მეთქი. როცა უხეჩრდილიანი თელების ხეივანს მივალწიეთ, ლორას შესახებ ფრიცს ყველაფერი მოვუყევი, რაც კი ვიცოდი, და თითქოს გული გავითავისუფლე. ფრიცი ხმისამოუღებლად მისმენდა, ხანდახან რაღაც სალანძღავ სიტყვას წაიღუღუნებდა და გზაზე შეხვედრილ ქვას ფეხს გააკრავდა, ან ჰაერში მუშტს აიქნევდა, თითქოს ხელში დამნა ჩაუბლუჯავსო.

საქმე მარტო ამით არ დასრულებულა. ერთი კვირის შემდეგ ფრიცი და გრაფი ყოყოჩა, ერთმანეთის პირდაპირ იდგნენ დაშნებმომარჯვებულნი. გრაფმა დაშნა მოსხლეტით მოიქნია და ფრიცს სახეზე კრილობა დააჩნია. ახლაც კი, როცა ფრიცი ბრაზდება, ნაჭრილობევი შუბლზე წითელ ელვასავით დაემჩნევა ხოლმე...

როცა ხეივნიდან ტყეში შევედით და თითქმის იმ ადგილამდე მივედით, საიდანაც საცეკვაო დარბაზისკენ გზა ბორცვს მიუღევს, ხეებს იქით ზღვის ნაპირზე რამდენიმე კაცი დავინახეთ. ისინი ზედ წყლის პირას იდგნენ და, როგორც ეტყობოდათ, რაღაცას სილაზე დებდნენ. ჩვენ აქედან ვერ გავარჩიეთ, რა უნდა ყოფილიყო. იმავე დროს ჩვენსკენ ამომავალი მეთევზე გამოჩნდა.

— რა ამბავია ქვემოთ? — აჩქარებით ვკითხე მე.

— კარგი არაფერი, ბატონო! ვიღაც ქალიშვილს უბედურება დამართნია.

— ლორა? — წამოვიძახე ჩემდაუნებურად და ჩემს მეგობარს ხელი წავევლე.

— რას ამბობ, გაჩუმდი! — შეშინებულმა წამოიძახა მან, თითქოს ჩემი ნათქვამის უარყოფა უნდაო.


მაშინვე ნაპირისაკენ დავეშვიით, თითქოს უსიტყვოდ შეთანხმებულანო. შემომესმა თავშეყრილი ხალხის ლაპარაკი: „ნეტა რა აკლდა?“ — წარმოთქვა ვიღაცის უხეშმა ხმამ „ეტყობა, ვიღაც წარჩინებული გვარიშვილი უნდა იყოს. მერე და ასე მორთულ-მოკაზმული წყალში იხრჩობს თავს?“. შემდეგ ხმა აღარავის ამოუღია, მხოლოდ ტალღები შრიალებდნენ ოღნავ.

ხეებს რომ გამოვცდით, მზის სხივებმა თვალი მომპკრა — ჩვენს წინ გადაშლილი უბე მზეს გაებრწყინებინა.

ისიც ამ სხივებით განათებული იწვა ზღვის პირზე. ჩვენი ნიახლოებაზე მეთევზეები გვერდით გადადგნენ და შეგვეძლო მისთვის პირდაპირ გვემზირა. ეკვი აღარ იყო. პატარა სახე სილაზე ედო. კაბის ქვემოდან მოუჩანდა პატარა ფეხები, რომლებსაც ასე უყვარდათ ცეკვა და ახლა კი უძრავად ეწყაო ზღვის წყალმცენარეები და ნიჟარები გაბლანდოდა შავ სველ თმაში. თეთრი ვარდი აღარ უჩანდა, ალბათ, ზღვამ წარსტაცა

მრავალმა წელიწადმა განვლო იმ დილის შემდეგ.

საუნივერსიტეტო ქალაქის სასაფლაოს კედელზე, მალაღბალახებში მარმარილოს თეთრი დაფა დევს. „ლეონორა ბორეგარი“ — აწერია დაფას. იგი დაღო სამმა თანამემამულემ, რომლებიც ამჟამად გერმანული მიწის სამ სხვადასხვა მხარეს ცხოვრობენ.



თეთრცხენიანი მხედარი

ის ამბავი, რომლის თხრობას ახლა ვაპირებ, მთელი ნახევარი საუკუნის წინ შევიტყვე დიდდაჩემის დედის, მოხუცი ფრაუ სენატორ ფედერსენის სახლში, როცა მის სავარძელთან მიმჯდარი ლურჯ მუყაოში დაკაზმულ ჟურნალებს ვკითხულობდი. ამჟამად უკვე აღარ მახსოვს, რომელი ჟურნალი იყო, „ლაიპციგი“ თუ „პაპეს ჰამბურგელი ქრესტომათია“. ახლაც გული შემითრთოლდება ხოლმე იმის გახსენებაზე, როგორი ალერსით მისვამდა თავზე რბილ ხელს ეს ოთხმოცოწლის მოხუცი ქალი მე — თავის ბადიშის შვილს. კარგა ხანია წარსულს ჩაჰბარდა მოხუციცა და ძველი დროც. მას შემდეგ იმ ჟურნალების ძებნითაც მრავალჯერ ამაოდ დავშვრი. ამიტომ, თუ ვინმე ამ ამბის უტყუარობას საეჭვოდ გახდის, ველარც შევედავები, იმაში კი გაბედულად შემძლია დავარ-

წმუნო, რომ თუმცა ეს ამბავი ცხოვრებას ჩემთვის შემდგომში აღარ გაუხსენებია, მაინც არასოდეს დამვიწყებია.

— ეს მოხდა ჩრდილოეთ ფრიზეთში, ჩვენი საუკუნის ოცდაათიან წლებში, — ასე იწყებდა მთხრობელი ამბავს. — უკვე საათზე მეტი გასულიყო, რაც ძლიერ ქარიშხალში ჯებირზე ცხენს მივაქენებდი. მარცხნივ მოჩანდა მიყრუებული, პირუტყვისაგან მიტოვებული მარშები, მარჯვნივ კი ჩრდილოეთის ზღვის მოქცევით გაჩენილი მეჩეჩი, რაიც გულს უსიამოვნო გრძნობით მივსებდა. სხვა დროს ჯებირიდან კარგად ჩანდა პატარ-პატარა მეჩეჩები, მაგრამ ამჯერად რუხ-მოყვითალო ტალღების მეტს ვერაფერს შეხედავდი, რომელიც გააფთრებულ ღმუილით უტევდა ჯებირს და დროდადრო მე და ჩემ ცხენს კუჭყიან ქაფს გვასხამდა. უფრო შორს თვალშეუდგამი წყვდიადი მიწისა და ცის ერთმანეთისაგან გარჩევას შეუძლებელს ხდიდა, მით უფრო, რომ გალელული ახალი მთვარე, რომელიც იმჟამად უკვე საკმაოდ შემალღებულიყო, უმეტესად ღრუბლებს იყო ამოფარებული. სიცივე ძვალსა და რბილში ატანდა. გაფიჩხული თითებით აღვირს ძლივსდა ვიკაჯებდი და მშურდა ჭილყვაეებისა და თოლიეებისა, რომლებიც ქარიშხალს ხმელეთისკენ მიჰყვებოდნენ, გაბმით ჩხაოდნენ და ხორხოცობდნენ. სიბნელე თანდათან ძალას იკრებდა და ცხენი ფლოქვების ხმა კარგად აღარ მესმოდა. ძეხორციელი არსად ჩანდა, მესმოდა მხოლოდ ფრინველთა ჩხავილი, როცა ისინი გვერდით ჩაგვიქროლებდნენ და მე და ჩემს ერთგულ ფაშატს ლამის ფრთებით გვეხებოდნენ, და ქარისა და წყლის გახელებული ღმუილი. ტყუილს არ ვიტყვი — სადმე საიმედო თავშესაფარში მერჩია ყოფნა.

უკვე მესამე დღე იყო, რაც ქარიშხალი მძვინვარებდა. მე უფრო მეტი დრო გავატარე ჩემი ყველაზე სასურველი ნათესავის კარმიდამოში ერთ ყველაზე ჩრდილოეთ პარდენში*, ვიდრე შემეძლო. მეტხანს დარჩენა აღარ შეიძლებოდა. იმ ქალაქში, რომელიც სამხრეთისკენ ორიოდ საათის სავალზეა, გადაუდებელი საქმე მქონდა. ამიტომ, ჩემი ბიძაშვილისა და მისი თავაზიანი ცოლის თხოვნის მიუხედავად, ნაშუადღევს ცხენზე შევჯექი და გამოვემგზავრე. თუმცა გამგზავრება რომ გადაეთქმევიინებინათ, აღმითქვეს, საკუთარ ბაღში გამოყვანილ პერინეტისა და გრანდრიშარის ვაშლის მშვენიერ ჭიშებს გაგასინჯებთო.

— მაშ კარგი და ვნახოთ, ზღვისპირას რომ გახვალ, თუ უკანვე არ მობრუნდე. შენი ოთახი ხელუხლებლად დაგვდებდა. — კარიდან მომადახა ბიძაშვილმა.

მართლაც, იმწუთას, როცა ჩაშაყებულმა ღრუბლებმა მთვარე დაპფარა და ირგვლივ კუნაპეტი სიბნელე გამეფდა, ხოლო აღმუვლებულმა ქარაშოტმა მე და ჩემი ცხენი კინაღამ ჭებირიდან გადაგვისროლა, — თავში გამიეღვა: „ნუ სჩადიხარ სისულელეს დაბრუნდი უკან და მეგობრებთან ერთად თბილ კერიას მიუჯექი“. მაგრამ მალე გამახსენდა, რომ უკანდასაბრუნებლად უფრო მეტი გზის გავლა დამჭირდებოდა, ვიდრე წინ მედო. პალტოს საყელო წამოვიწიე და ცხენს შევუწყერი.

უცბად, ჭებირზე, რაღაც მოძრავი წერტილი შევამჩნიე ხმა არაფრისა ისმოდა, მაგრამ, როცა ნახევარმთვარემ გამოანათა, მის მკრთალ შუქზე თანდათან გავარჩიე ვილაცის შავი ფიგურა. მოახლოებისას დავინახე, რომ უცნობი ცხენზე იჯდა, მალალწივიებიან გამხდარ თეთრ ცხენზე. მხრებზე შავი წამოსასხამი შემოეხვია. გვერდით რომ ჩამიარა, მხედრის სან-

თლისფერ სახეზე ნაკვერჩხლებივით ანთებული თვალება შევამჩნიე.

ნეტა ვინ იყო? ან აქ რა უნდოდა?

ახალა გამახსენდა, რომ არც ფლოქცების ხმა გამიგონია და არც ცხენის ქშენა, ცხენმა და მხედარმა კი გვერდით ჩამიქროლეს.

ამ ფიქრით განვაგრძე გზა, მაგრამ ფიქრი დიდხანს აღარ დამცალდა, მხედარი ახლა უკნიდან წამომეწია და კვლავ გვერდით ჩამიქროლა. მომეჩვენა, თითქოს ქარით აფრიალებული მისი მოსასხამი სახეზე მომხვდა კიდეც. ხმაური ვერც ახლა გავიგონე. მალე მხედარი ჩემს წინ მიაჭენებდა ცხენს შემდეგ ჟუბად თვალი მოვკარი, თითქოს მისმა ჩრდილმა ჩემი ბირის დაქანებულ ფერდობზე ჩაიქროლა.

ცოტა არ იყოს, ყოყმანით გავედევნე უკან. იმ ადგილს რომ მივალწიე, სადაც მხედარი თვალს მიეფარა, კოროგეზე, ზედ ჭებირთან, დიდი ტბა დაგუბებულიყო, რომელიც მთვარის შუქზე ლაპლაპებდა. ამ ადგილებში, წყლის მოვარდნის შედეგად, ხშირად დგება ხოლმე პატარა ტბები და გუბებები.

თვალში მეცა ის ამბავი, რომ წყლის ზედაპირი არ იძვროდა. როგორც ჩანდა, მხედარს აქ არ გაუვლია, თითქოს მიწამ ჩაყლაპაო. სამაგიეროდ სხვა რამე დავინახე, რამაც ახლა გული სიხარულით ამივსო.

დაბლა დაცემული კოროგედან აქა-იქ მიმოზნეული სინათლის ციციანათელებმა შემომანათა. ეტყობოდა, სინათლეები ერთმანეთისაგან დაცილებით სხვადასხვა სიმაღლის ვერფებზე მდგომი ფრიზიული სახლებიდან გამოდიოდა. იქვე ახლოს მოჩანდა ამგვარივე ყაიდის დიდი სახლი. მისი კარის მარჯვნივ განლაგებული, სამხრეთისკენ მიქცეული ყველა ფახჯარა გა-

ათებული იყო. ფანჯრებს იქით ხალხიც შევამჩნიე და ასე ჰეგონა, ქარის ღმუილის მიუხედავად, მათი ლაპარაკიც მესმის-მეთქი. ჩემი ცხენი თვითონვე ჩაუყვა იმ გზას. რომელმაც ამ სახლის კართან მიგვიყვანა. მალე მიეხვდი, რომ სახლი სასტუმრო იყო, რადგან ფანჯრების წინ შევამჩნიე პალოებზე დამაგრებული დიდი რკინის რგოლებიანი ლატანი, რომელზეც ფუნდუქში ჩამომხტარნი პირუტყვისა და ცხენებს აბამდნენ.

ჩემი ცხენი ერთ-ერთ რგოლზე გამოვაბი. პირუტყვისათვის ყურადღების მიქცევა წინკარში შემოგებებულ სსახურს დავაავალე.

— ეს რა, თავყრილობაა? — ვკითხე მას, რადგან შიგნიდან ახლა უკვე მკაფიოდ შემომმესმა ადამიანთა ხმაური და ჭიქების წკარა-წკური.

— დიახ, რაღაც ამგვარია, — მომიგო მსახურმა ქვემოგერმანულ კილოკავზე. შემდგომში მალე გავიგე, რომ ეს კილოკავი, ფრიზიულთან ერთად, უკვე ნახევარ საუკუნეზე მეტია ამ მიდამოებში იხმარებოდა. — ზედამხედველია და ადგილობრივ ნდობით აღჭურვილი პირები! წყალმა კი მალლა აიწია!

ოთახში შესვლისას დავინახე, რომ ფანჯრების გასწვრივ გაშლილ მაგიდას თორმეტიოდე კაცი შემოსხდომოდა, მაგიდაზე პუნშის თასი იდგა, სუფრას წარმოსადეგი. მხარბეჭიანი მამაკაცი უძღვებოდა.

დამხვდურთ მივესალმე და მაგიდასთან დაჯდომის ნება ვითხოვე. მათ სიამოვნებით მიმიპატიეს.

— გეტყობათ, აქ გუშაგობთ, არა? — მიემართე იმ მხარბეჭიანს. — მეტისმეტად ავი ამინდია. ჯებირის მდგომარეობა საშიშია, ვაითუ თავშისაცემი საქმე გააჩინოთ.

— გასაკვირველიც არ არის, — მიპასუხა მან. — მაგრამ

ჩვენ გვგონია. რომ აქეთ, აღმოსავლეთისკენ ამ საშიშროებაჲ უკვე გაიარა. სხვა მხარეზე კი ისევ საეჭვოა. იქით უმეტესად ძველი ჯებირებია, ჩვენი მთავარი ჯებირი კი წინა საუკუნეშე ხელმეორედ გადააწყვეს. წელან გარეთ ყოფნისას ერთიანად გავიყინეთ, — განაგრძო მან. — ნაკლები დღე არც თქვენ დადგებოდათ. ერთ-ორ საათს კიდევ უნდა ვიყოთ აქ. გარეო საიმედო ხალხი გვეყავს დაყენებული, თუ რამე მოხდა, შეგვატყობინებენ.

და მე ვერც კი მოვასწარი მეფუნდუკისთვის რამე შემეკვეთა, რომ წინ აოხშივრებული ჭიქა დამიდგეს.

მაღე შევიტყვე, რომ ჩემს გვერდით მჯდომი თავაზიანი მამაკაცი აქაური ჯებირების ზედამხედველი ყოფილიყო. საუბარი გავაბით. მე ჯებირზე იმ უცნაურ პიროვნებასთან შეხვედრის ამბავი მოვუყევი. მეზობელი ყურადღებით მისმენდა. მაღე შევამჩნიე, რომ ჩვენს ირგვლივ ყველა გაჩუმებულიყო — თეთრცხენიანი მხედარი! — წამოიძახა ერთ-ერთმა იქ დამსწრემ და ყველას შიშმა დაუარა.

ჯებირების ზედამხედველი ზეზე წამოდგა.

— ნუ შეშინდებით, — მიმართა თანამეინახეებს. — ეს ამბავი მართო ჩვენ არ გვეხება. ჩვიდმეტ წელში არც ჩვენი მეზობლები დარჩენილან განზე. ისინი ახლაც ფრთხილად უნდა იყვნენ.

მე ახლალა შემეშინდა.

— ბოდიშს ვინდი, მაგრამ გთხოვთ გამარკვიოთ, ვინ არის ეს თეთრცხენიანი მხედარი?

მოცილებით, ღუმელის უკან, მხრებამოყრილი იჯდა ერთ პატარა მამაკაცი, რომელსაც შავი, გახეხილი სერთუკი ეცვაცალი მხარი ცოტა ზედმეტად წამოზრდოდა. საუბარში არ

ერეოდა; თმა თეთრი და საკმაოდ გათხელებული ჰქონდა. წამწამები კი შავი. თვალებზე აშკარად ეტყობოდა რომ აქ ძილისთვის არ მოსულყო.

ზედამხედველმა მისკენ ხელით მიუთითა და ხმამაღლა წარმოთქვა:

— ამ ამბავს აქ მყოფთა შორის ყველაზე უკეთ ჩვენ ძველი მასწავლებელი მოყვება. თუმცა ცოტა არ იყოს თავისებურად ჰყვება და არც სიპართლეს მისდევს ისე, როგორც ჩემი მეკუჰნავე ქალი ანტიე ფოლმერსი.

— თქვენ ხუმრობთ, ჯებირების ზედამხედველო, — მოისმა ღუმელს იქით შეფარებული მასწავლებლის ავადმყოფური ხმა, — და თქვენს გამოთაყვანებულ ჯადოქარს გინდაიშემადართ.

— მერე და ასეთ ამბებს ჯადოქარზე უკეთ ვინ მოკრებს და დაიხსომებს, მასწავლებელო? — გაეპასუხა ზედამხედველი.

— ჰო, ალბათ, ეგრეა, თუმცა ჩვენ მთლად მაგ აზრისა არა ვართ, — მიუგო ვალეულმა ბატონმა და სახეზე უპირატესობის გამომხატველმა ღიმილმა გადაურბინა.

— ხედავთ, მაინც როგორი ამპარტავანია? — ჩამჩურჩულა ზედამხედველმა. — ახალგაზრდობაში თეოლოგიას სწავლობდა და უიღბლო ქორწინების გამო აქ ჩარჩა, თავის სამშობლოში, მასწავლებლად.

ამასობაში ჩია კაცი ღუმელს გამოსცილდა და მაგიდასთან ჩემს გვერდით დაჯდა.

— მოგვიყვიეთ, ნულარ გვალოდინებთ! — გაისმა რამდენიმე ახალგაზრდის ხმა.

— მოყოლით კი მოყვებით. იყოს ნება თქვენი, — დაიწყო

ბოხუცმა და ჩემსკენ შემობრუნდა, — მაგრამ ამ ამბავს გზადავზა იმდენი ცრუმორწმუნეობა შეერია, რომ მთელი ხელოვნებაა საქირო ტყუილისა და მართლის გასარჩევად.

— გთხოვთ არაფერი არ გამოსტოვოთ, — მივუგე მე. — ხოლო ბზისაგან ხორბლის გამორჩევა მე მომანდეთ.

ბოხუცმა ისე გამიღიმა თითქოს მეუბნებოდა, თქვენი ნათქვამი გავიგეო და თხრობა დაიწყო:

— წარსული საუკუნის შუა წლებში, ანდა, უფრო ზუსტად რომ ვთქვათ, იმ საუკუნის პირველი ნახევრის დასასრულს და მეორე ნახევრის დასაწყისში აქ ცხოვრობდა ერთი ზედამხედველი. მან ჯებირებისა და რაბების საქმეში გაცილებით მეტი იცოდა, ვიდრე გლეხებმა და მიწის მუშებმა იციან ჩვეულებრივ. მაგრამ ეს ცოდნა ძლივს ჰყოფნიდა, რადგან ამ დარგში არსებული ლიტერატურიდან ცოტაოდენი რამ წაეკითხა. თუ კი რამ ცოდნა ჰქონდა, ისიც ბავშვობიდანვე თავისი დაკვირვებული თვალის მეოხებით. თქვენ უკვე მოისმინეთ ფრიზები ანგარიშს კარგად ახერხებენო, ალბათ ჩვენს ჰანს მომზენფონ ფარეტოფტის* თაობაზეც გაგიგიათ რამე, რომელიც თუმცა კი გლეხი გახლდათ, მაგრამ ბუსოლისა და ზღვის საათების, ტელესკოპებისა და ორღანოების ოსტატი იყო. ჰოდა იმ ჯებირების ზედამხედველის მამაც რამდენადმე იმის წანამგვანი კაცი იყო. მხოლოდ წანამგვანი და არა იმგვარი. რამდენიმე პატარა ჭანჭრობიან ნაკვეთზე მოჰყავდა რაფსი* და ლობიო და ძროხასაც აძოვებდა. ხახლახან, შემოდგომობითა და გაზაფხულობით საშოვარზე გავიდოდა ხოლმე, უმეტესად მიწის საზომ სამუშაოზე, ხოლო ზამთრობით, როცა ნორდვესტი გვესტუმრებოდა და დარაბებს ჯაჯურს დაუწყებდა, შინ იჯდა მისი ვაჟი, ანბანსა თუ ბიბლიას

ხედ არ უყურებდა, ხელი ქერა თმაში შეეყო და მამას შეს-
ცქეროდა, რომელიც სულ რაღაცას ზომავდა და ანგარიშობ-
და. ერთ საღამოს ბიჭმა ჰკითხა მამას, რაც ახლა დაწერე.
რატომ მაინცადამაინც ასე უნდა იყოს და არა სხვაგვარა-
დო და საკუთარი აზრიც გამოთქვა. მამას არ შეეძლო პასუხი
მიეცა, თავი გადაიქნია და უთხრა:

— ვერ გიპასუხებ, მაგრამ ის იკმარე, რომ ეს ასეა, შენ
კი ცდები. თუ მეტი ვინდა იცოდე, ხვალ დილას სხვენში რომ
სკივრი დგას, იქიდან ევკლიდეს* დაწერილი წიგნი ამოიღე.
აი პასუხსაც ის გაგცემს.

მეორე დღეს ბიჭი სხვენზე ავიდა და ის წიგნი მალე იპო-
ვა, — რა ბევრი წიგნი იმათა ჰქონდათ. როცა ბიჭმა მითითე-
ბული წიგნი მაგიდაზე დადო, მამას გაეცინა — ეს ევკლიდე
ჰოლანდიურ ენაზე იყო ნაბეჭდი, ჰოლანდიური კი, თუმცა იგი
სანახევროდ გერმანულია, არც ერთმა არ იცოდა.

— ჰო, ჰო, — წამოიწყო მოხუცმა, — ეს წიგნი მამაჩემი-
სეულია, ჰოლანდიური იმან კარგად იცოდა. მაგრამ სხვენში
ევკლიდე გერმანულად კი არ იყო?

ბიჭმა, რომელიც საერთოდ ცოტას ლაპარაკობდა, მამას
მშვიდანდ შეხედა და ჰკითხა:

— შეიძლება, ეს წიგნი მე მქონდეს? გერმანული იქ არ
არის.

როცა მოხუცმა თანხმობის ნიშნად თავი დაუქნია, ბიჭმა
მეორე წიგნიც გაუშვირა და კიდევ ჰკითხა:

— ესეც მქონდეს?

— ორივე შენი იყოს, — მიუგო ტედე ჰაინმა. — თუმცა
მაინცადამაინც არაფერში გამოგადგება.

მეორე წიგნი ჰოლანდიური ენის პატარა მოცულობის

გრამატიკა გახლდათ და, რადგან ზამთარი ჯერ ახალი დამდგარი იყო, გაწაფებულამდე, როცა ბოლოს და ბოლოს მათ ბაღში ხურტკმელი კვლავ აყვავდა, ბიჭმა იმდენი იმუყაითა, რომ გრამატიკის დახმარებით ამ მოღურაი მწერლის ნაწარმოებები თითქმის მთლიანად შეისწავლა.

— ჩემთვის, ბატონო ჩემო, რასაკვირველია, ცნობილია, — შეწყვიტა თხრობა მოხუცმა მასწავლებელმა, — რომ ასეთსავე ამბებს ჰყვებიან ჰანს მამზენის შესახებაც, მაგრამ მის დაბადებამდე კარგა ხნით ადრე მას ჩვენს მხარეში ჰაუკე ჰაიენს მიაწერდნენ, — ასე უწოდებდნენ ტედე ჰაიენის ვაჟს. თქვენ, რასაკვირველია, კარგად მოგეხსენებათ, რომ საკმარისია ვინმემ სახელი გაითქვას, რომ შემდეგ ყველაფერი მას მიაწერონ. რაც ჯერ კიდევ მისმა წინაპრებმა ჩაიდინეს თუ გააკეთეს ხალხის სასიკეთოდ თუ თავიანთ სალანძღავად.

როცა მოხუცმა ტედე ჰაიენმა დაინახა, რომ მის ვაჟიშვილს არც ძროხები აინტერესებდა და არც ცხვრები, რომ ლობიოს აყვავებასაც კი ვერ ამჩნევდა, რაიც მარშის ყოველი მცხოვრებისათვის დიდად სასიხარულო მოვლენაა, — იფიქრა: მიწის პატარა ნაგლეჯი ერთ გლეხსა და მის ვაჟიშვილს როგორმე გაატანინებს თავს, მაგრამ რკლასდამთავრებულსა და ერთ მზახურს კი არ ეყოფათო. ამას გარდა, ისიც იფიქრა, რომ თავად დიდი დღე აღარ ეწერა უკვე და ვაჟიშვილი ჯებირზე გაგზავნა, სადაც სხვა მუშებთან ერთად აღდგომიდან მოკიდებული წმინდა მარტინის* დღესასწაულამდე ფორანზე უნდა ემუშავა. „ეს განკურნავს მას ევკლიდეს სიყვარულისაგან“, დაიბედა თავი მოხუცმა.

ბიჭი ფორანზე მუშაობდა, მაგრამ ევკლიდესაც ერთთავად ჯიბით თან დაატარებდა და, როცა სხვები საუზმობდნენ ან

ვანშობდნენ, ის გადაბრუნებულ ოთხთვალაზე იჯდა და წიგნს კითხულობდა. როცა შემოდგომაზე წყლის დონემ ისე აიწია, რომ მუშაობა აღარ შეიძლებოდა, ბიჭი სხვებივით შინ არ დაბრუნებულა, იქვე დარჩა. ჩამოჯდებოდა ზღვისკენ დაქანებულ ჯებირზე, შემოიხვევდა მუხლებზე ხელებს და საათობით უმზერდა, როგორ ურტყამდა ჩრდილოეთის მღვრიე ტალღები ჯებირს აბალახებულ ხაზამდე და თანდათან ზემოთ იწევდა. როცა ფეხები დაუსველდებოდა და ქაფიც სახეზე შეესხურებოდა, მაშინდა აიწევდა ცოტა მაღლა და ისევ ჩამოჯდებოდა. მას არც ტალღების ტყლაშუნი ესმოდა და არც თოლიებისა და ზღვის სხვა ფრინველთა ჩხავილი, რომლებიც ხან გარს შემოუფრენდნენ, ხან თავზე გადაევლებოდნენ. ფრთებით ლამის ეხებოდნენ და შავ თვალებს აელვებდნენ. ის არც იმას აქცევდა ყურადღებას, რომ მის წინ გაშმაგებული წყლის ვრცელ უდაბნოს ღამე თანდათან აფარებდა თავის შავ კალთას. ერთადერთი, რასაც იგი ამჩნევდა, ეს იყო აღმუვლებული წყლის ქეჩო, რომელიც ტალღის მოვარდნისას გაშმაგებით მუდამ ერთსა და იმავე ადგილს ურტყამდა და დაქანებული ჯებირის ბალახის ქედს მის თვალწინ რეცხავდა. როცა ცქერით გულს იჯერებდა, თავს ნელა დაიქნევდა ანდა ხელით რაღაც ფაქიზ ხაზებს გაავლებდა ჰაერში, თითქოს ამით ჯებირისათვის უფრო ნაკლები დაქანების მიცემა სურსო. თვითონ კი მაღლაც არ აიხედავდა. როცა ისე დაღამდებოდა, რომ თვალთა წინ აღარაფერი ჩანდა, ირგვლივ კი მხოლოდ ზღვის ღმუილილა ისმოდა, ბიჭი წამოდგებოდა და, სანახევროდ დასველებული, შინისაკენ გარბოდა.

ერთხელ, საღამოს შინ დაბრუნებულს, საზომ ხელსაწყობა წმენდაში გართულმა მამა ჰკითხა.

— რას აკეთებ ამ დრომდე გარეთ? ხომ შეიძლება დაიბრჩო? ვერ ხედავ, დღეს ზღვა ჯებირს როგორ სცემს ტალღებს?

პაუკემ ჯიუტად გახედა მამას, მაგრამ არაფერი უპასუხა:

— შენ, რა, არ გესმის? მე გითხარი, შეიძლება დაიბრჩო-მეთქი!

— ჰო, შეიძლება, მაგრამ ხომ არ დავმხრჩვალვარ!

— არა, — მცირე ხნის შემდეგ გაეპასუხა მამა და შეილს სახეში დაბნეულად შეაქებერდა. — ამჯერად არ დამხრჩვალხარ.

— ეს ჩვენი ჯებირები კი კაპიკიც არ ღირს, — თქვა პაუკემ.

— რას ამბობ, ჯეელო?

— ჯებირები-მეთქი.

— რაო, ჯებირები?

— კაპიკად არ ღირს-მეთქი! — გაიმეორა პაუკემ.

მოხუცმა შეილს შესცინა.

— მერე და რა ვქნათ? შენ რა, ხომ არ გგონია, რომ ლუბეკელი ვუნდერკინდი* ხარ?

მაგრამ ბიჭი არ დაბნეულა.

— ზღვისკენ ძალზე ციცაბოდ არის დაქანებული, — დაიწყო მან. — ერთი კიდეც ისე რომ მოვარდეს წყალი, როგორც იცის, ჩვენ ჯებირის აქეთაც ამოვიხრჩობით.

მოხუცმა ჯიბიდან სალექი თამბაქო ამოიღო, მოკვნიტა და მონაკვნიტი კბილებში მოიგდო.

— რამდენი ფორანი მიიტანე დღეს? — გაჯავრებით ჰკითხა ვაჟს, რადგან მიხვდა, რომ ჯებირზე მუშაობას ყმაწვილის გონების მუშაობისათვის ხელი არ შეუშლია.

— არ ვიცი, მამა, — მიუგო მან. — ალბათ, იმდენი, რამდე-

წიცი სხვებმა, იქნებ ათიოდე გზით მეტიც. ეს ჯებირები კი სხვაგვარად უნდა გაკეთდეს.

— შენ იცი, — გაიცინა მოხუცმა. — ალბათ, ჯებირების ზედამხედველად დაგაყენებ და გადააკეთე, როგორც გინდა.

— ეგრეც ვიზამ! — მიუგო ჭაბუკმა.

მოხუცმა შეხედა ვაჟს, ნერწყვი გადაყლაპა და ოთახიდან გავიდა. არ იცოდა, ბიჭისთვის რა ეპასუხნა.

როცა ოქტომბრის ბოლოს ჯებირებზე მუშაობა დამთავრდა, ჰაუკე ჰაიენისთვის ზღვის პირას გავლა ყველაზე საამო გართობა იყო. ყოვლად წმიდის დღეს*, როცა ბუნიობისას ჩვენთან ქარიშხალი ატყდება ხოლმე, რაზეც ფრიზლანდელები სამართლიანად ჩივიან, ის ისე ელოდა, როგორც ბავშვები შობას. როგორც კი ქარიშხალი ატყდებოდა და ზღვა წამოიწევდა, უამინდობის მიუხედავად, ბიჭი ჯებირზე გარბოდა და მარტოდმარტო დაეხეტებოდა. თოლიები ჩხავიან, ზვირთი სცემს ჯებირებს, უზარმაზარ ბელტებს აგლეჯს და ზღვაში ჰაითრევს, ხოლო ჰაუკე ამ მეორედ მოსვლაში ნიშნის მოგებით ხარხარებს და ზღვას მისძახის:

— წესიერს არაფერს აკეთებ, ვერც ადამიანები აკეთებენ უესიერად ვერაფერს!

ბოლოს, როცა მთლად დაბნელდებოდა, ჯებირ-ჯებირ გაუყვებოდა გზას შინისაკენ, აწოწილ ტანს მამის ისლით დახურულ სახლის კარში მიმალავდა და თავის სენაკში შექვრებოდა.

ხანდახან შინ ერთ მუჟა თიხას წამოიღებდა, დაჯდებოდა მამის გვერდით, რომელიც მას ახლა თითქოს ველარც კი ამჩნევდა, და ქონის სანთლის მკრთალ სინათლეზე ათასგვარი

ჯებირის მოდელს თითხნიდა, შემდეგ წყლიან ტაშტში ჩასდებდა და ხელით წყალს მიასხამდა. ანდა შავი ფიქალის დაფას აიღებდა და ზედ ისეთი ჯებირების პროფილებს ხატავდა, როგორსაც კეუა ეტყოდა.

თანაკლასელებთან ამხანაგობა ფიქრადაც არ მოსდიოდა. არც ისინი იკლავდნენ თავს ამ მეოცნებესთან მეგობრობისათვის. როცა დაზამთრდა და ყინვები დაიჭირა, ჰაუკე ყველაზე შორეული ჯებირის სანახავად წავიდა, სადაც მანამდე არ ყოფილა. აქ მის წინ თვალუწვდენელ სივრცეზე გადაჭიმულ თავთხელ ადგილებს ყინულის ზეწარი გადაჰფარებოდა.

თებერვალში, როცა ყინვები ჯერაც არ მოტეხილიყო, ტალღებმა რამდენიმე დამხრჩვალნი გამოირიყა. ისინი გაყინულ თავთხელში ელაგნენ ცისქვეშ. მათ სოფელში გადატახას ერთი ენაჭარტალა ყმაწვილი ქალი შეესწრო და მოხუც ჰაიენს უყვებოდა:

— ხომ არ გგონია, აღამიანებს ჰგავდნენ კიდევ, არა, ზღვის ქაჯებს უფრო მოგაგონებდა! თავები დასიებოდათ. — ქალმა საჩვენებლად თითებგადაფარჩხული ხელები განზე გასწია, — გაშავებულყვინენ და ისე ლაპლაპებდნენ, გეგონებოდა, ანლადგამომცხვარი პურიო! თანაც ზედ კიბორჩხალები დაჰკეროდათ. მათ დანახვაზე ბიჭებმა უსაშველო ყვირილი მორთეს.

მოხუც ჰაიენს არ გაჰკვირვებია:

— ნოემბრის შემდეგ წყალში იყვნენ და! — გულგრილად შენიშნა მან.

ჰაუკე იქვე იდგა და ხმას არ იღებდა, მაგრამ როგორც კი შემთხვევა მიეცა, მაშინვე ისევ ჯებირებისაკენ გაიპარა. ვერ იტყოდი, რა უნდოდა, შეიძლება, ისევ დამხრჩვალებს ეძებდა, ანდა, იქნებ, ის შიში იზიდავდა, იქაურობას რომ თავს

დასტრიალებდა. იგი თანდათან შორს მირბოდა, სანამ ბოლოს უდაბნოში არ აღმოჩნდა, სადაც მხოლოდ ქარის ღმუილი და მის თავზემთ გადაფრენილ ფრინველთა საწყალობელი ჩხავილი ისმოდა. მარცხნივ ვრცელი გაუდაბურებული მარშები ჩანდა, მარჯვნივ — ზღვის თავთხელები, რომელსაც თვალუწვდენელ მანძილზე ალაპლაპებული ყინული გადაჰკვროდა. კაცს ეგონებოდა, მთელ სამყაროზე თეთრი სიკვდილი გამეფებულია.

ჰაუკე ჯებირზე შედგა და სივრცეს გაჰკრიახი თვალი მოავლო. მაგრამ დამხრჩვალ ველარსად შენიშნა. მხოლოდ იმ ადგილას, სადაც უხილავად ურტყამდა ზვირთი, ყინულის საფარველი შეუჩერებლად ადიოდ-ჩადიოდა.

შემდეგ ბიჭი შინ გაიქცა, მაგრამ მეორე სადამოს ისევ ზღვის პირს ეწვია. ახლა იმ ადგილს შეჩერდა, სადაც ყინული გახეთქილიყო. ნაბზარებიდან სქელი კვამლივით ამოდიოდა ნისლი და ორთქლი და უცნაურად ერეოდა სადამოს ბინდს. ჰაუკე ამ სანახაობას გაშტერებული შეჰყურებდა: ნისლში რაღაც ბნელი ცხვირწვეტიანი და გრძელკისერა აჩრდილები გამოიყოფოდნენ, თამამად დატორტმანებდნენ ნაპრალეებში და შემზარავად იმანკებოდნენ, შეშლილებივით იწყებდნენ ხტუნვას, დიდები პატარებს ახტებოდნენ, პატარები — დიდებს. მერე გაიზარდნენ, გაიბერნენ და ფორმა და სახე დაკარგეს.

— ნეტა აქ რა უნდათ? იმ დამხრჩვალთა სულები ხომ არ არიან? — ფიქრობდა ჰაუკე.

— ოპო-პოოო! — ხმამაღლა გასძახა ლაფში ჰაუკემ, მაგრამ აჩრდილები მისკენ არც შებრუნებულან, უცნაური როკვა განაგრძეს.

ჰაუკეს გაახსენდა ნორვეგიული ზღვის სულეების საშინელი ამბავი, რომელსაც ერიხელ ერთი ბებერი კაპიტანი მოუყვა ამ აესულებს თავის ნაცვლად ზღვის ბალახის ბულულ ჰქონდათ. გაახსენდა, მაგრამ, იმის მაგივრად, რომ გაქცეულიყო, ჯებირებზე მტკიცედ დაეყრდნო ორივე ფეხს და ჩამოწოლილ სიბნელეში ინტერესით შეაცქერდა სასაცილო არსებებს, რომლებიც მანქვა-გრეხას განაგრძობდნენ.

— ო, ჩვენთანაც მობრძანებულხართ? — მკაცრად შესძახა მათ ჰაუკემ, — მობრძანდით, მაგრამ აქედან მაინც ვერ გამაგლებთ!

და მაშინდა, როცა სულ დაღამდა, ჰაუკე მტკიცე ნაბიჯით წავიდა გამოემართა შინისაკენ. თან ფრთების ტყლაშუნი და საშინელი ყვირილი მოჰყვებოდა. უკან მაინც არ მოუხედავს, არც ფეხი აუჩქარებია. შინ კარგა შეგვიანებით დაბრუნდა. ეს ამბავი არასოდეს არავისთვის უამბნია. მამისთვისაც არაფერი უთქვამს. მხოლოდ რამდენიმე წლის შემდეგ იმავე დროს და იმავე დღეს წაიყვანა თავისი სუსტგონება გოგონა, — ამით დასაჯა იგი მეუფე ღმერთმა, — იმ ადგილას. ესენიო, ასე აუხსნა მან შვილს, ყანჩები და ყორნები არიან, ყინულის ბზარებიდან თევზები ამოჰყავთ და მხოლოდ ნისლის გამო ჩანან ასე დიდრონი და საშინელი, სინამდვილეში საშიში არაფერი არა აქვთო.

— ღმერთმა იცის, ბატონო ჩემო, — შეწყვიტა მასწავლე ბელმა ამბის თხრობა, — ამ დედამიწაზე რამდენი რამ არის, რაც პატიოსან ქრისტიანს თავგზას უწეწავს. მაგრამ ჰაუკე არც სულელი იყო, არც თავცარიელი.

ამაზე მე არაფერი მიპასუხნია და მასწავლებელი თხრობის განგრძობას აპირებდა, მაგრამ იქ მყოფთა შორის, რომლებიც

ამ ხნის მანძილზე ამბავს უსმენდნენ და ჭერდაბალ ოთახს თამბაქოს ბოლით ავსებდნენ, უცბად რაღაც ჩოჩქოლი ატყდა. ჯერ რამდენიმე კაცი, მერე კი თითქმის ყველა ფახჩრებისკენ შებრუნდა. ფარდაჩამოუფარებელი ფანჯრებიდან კარგად მოჩანდა, როგორ მიერეკებოდა ქარიშხალი ღრუბლებს. მიდამო ხან ჩამობნელდებოდა, ხან ისევ განათდებოდა და მეც მომეჩვენა, თითქოს გარეთ ჩამომხმარმა მხედარმა გაიქროლა თეთრი ცხენით.

— ერთ წუთს მოიცათ, მასწავლებელო! — ხმადაბლა წარმოთქვა ზედამხედველმა.

— ნურაფრის გეშინიათ, ზედამხედველო, — მიუგო ტანმორჩილმა მასწავლებელმა, — იგი მე ავად არ მომიხსენებია, არცა მაქვს მიზეზი, — და ზედამხედველს პატარა, გონიერი თვალეხი მიაპყრო.

— ჰო, რასაკვირველია, — დაეთანხმა იგი. — მოდი, ერთი, ამ ჭიქას შეგვივსებთ ისევ.

მას შემდეგ, რაც ჭიქა შეუვსეს და ჯერაც ისევ შემკრთალი მსმენელები მის ირგვლივ შეიკრიბნენ, მთხრობელმა ამბავი განაგრძო:

— ასე იზრდებოდა ჰაუკე ქარსა და წვიმაში, ადამიანთაგან განდგომილად, მარტოობაში. მაღალი, გამხდარი ბიჭი დადგა. ერთი წელი იყო, რაც საეკლესიო მრევლში მიიღეს და უცბად რაღაც შეიცვალა მის არსებაში. ამის მიზეზი გახდა ბებერი თეთრი ანგორული კატა, რომელიც მოხუც ტრინ იანსს ესპანეთიდან ჩამოუყვანა ვაჟიშვილმა. ვაჟიშვილი მერე მალე გარდაიცვალა. ტრინი ჯებირთან მიდგმულ ქოხში ცხოვრობდა და როცა ზაფხულობით მოხუცი შინ საქმიანობდა, ეს საზიზღარი სახის ხვადი კატა კარიბჭეზე იწვა და პრანწიების გადაფრენას

თვალებალპლაპებული შეჰყურებდა. თუ ჰაუკე გვერდით ჩა-
უვლიდა, მაშინვე კნავილს ასტეხდა და ჰაუკეც თავს დაუქ-
ნევდა. ჩანდა, ორივე კარგად უგებდა ერთმანეთს.

ერთხელ, გაზაფხულზე, ჰაუკე წყლის მიხაკებსა და სურ-
ნელოვან ავშანებს შორის ჯებირზე იწვა, როგორც ამას, ჩვე-
ულებისამებრ, ხშირად სჩადიოდა ხოლმე, და უკვე საკმაოდ
ძალამიციემულ მზეზე თბებოდა. წინა დღეს შემადღებულ ნა-
პირზე ავიდა, ჯიბეები კენჭებრთ დაიტენა და ახლა, როცა პა-
ტარა რუხი მერცხლები მოქცევის გამო ზღვის გათავისუფ-
ლებულ ფსკერზე დაჟივთივებდნენ, ჯიბიდან სათითაოდ კენ-
ჭებს იღებდა და ფრთოსნებს ესროდა. ამ საქმეში იგი ბავშვო-
ბიდან იწაფებოდა და თითქმის ყოველ სროლაზე წებოვან
ფსკერზე თითო ჩიტი რჩებოდა. მაგრამ ჰაუკე ნანადირევის გა-
მოტანას ყოველთვის ვერ ახერხებდა და ფიქრობდა, რომ კარ-
გი იქნებოდა ის ხვადი კატა წამოეყვანა და მონადირე ძაღლი-
ვით გაეწვრთნა. ალაგ-ალაგ მაგარი და რიყიანი ადგილებიც იყო
ხოლმე. ამ დროს ნანადირევაჲმდე ხტუნვა-ხტუნვით მივიდოდა
და გამოჰქონდა. თუ შინისაკენ გაბრუნებულს კატა კარის
ზღურბლზე ჩამოსკუპებული დახვდებოდა, ღორმუცელობით
გახელებული იმდენხანს იჩხავლებდა, ხანამ ჰაუკე ერთ მოკ-
ლულ მერცხალს მაინც არ გადაუგდებდა.

ჰაუკემ დღესაც ზურგზე ქურთუკი მოიგდო და 'შინისაკენ
ჯზას გაუდგა. ხელში რომელიღაც უცნობი ფრთოსანი ეჭირა,
რომლის ბუმბული ქრელი აბრეშუმისა და მოლაპლაპე ლი-
ტონისდარად ბრწყინავდა. კატამ იგი უმაღლ შეამჩნია და, ჩვე-
ულებისამებრ, კნავილს მოჰყვა. მაგრამ ამჯერად ჰაუკეს ატ-
უნდოდა თავისი ნადავლი — შეიძლება იგი ალკუნიც იყო —

კატისთვის მიეცა და მის ხარბ კნავილს ყურადღება არ მიაქცია.

— რიგრიგობით! — დაუყვირა მან კატას. — დღეს ჩემი წალი იყოს, ხვალ შენი. ეს კი საშენო არ არის! — მაგრამ კატა მისკენ ფრთხილად მიიპარებოდა. ჰაუკე შედგა და კატას შეაცქერდა, ფრთოსანი კი ისევ ხელში ეჭირა. კატაც შეჩერდა და თათი ასწია. მაგრამ, როგორც ჩანდა, ყმაწვილი მთლად არგად ვერ იცნობდა თავის მეგობარს, რადგან, როგორც კი მას ზურგი შეაქცია და წასვლა დააპირა, კატამ ერთი ნახტომით წაჰგლიჯა ნანადირევი და თან ბასრი ბრჭყალებით დაუკაწრა ხელი. მხეტურმა გაბოროტებამ მოიცვა ჰაუკე; გაცოფებული შებრუნდა უკან და მტაცებელს ყელში წასწვდა; ჰაერში ასწია და ისეთი ძალით წაუჭირა, რომ ბუდიდან თვალები გადმოაყრევინა. კატა ძლიერი უკანა თათებით მკლავს უკაწრავდა, მაგრამ ჰაუკე ამას ყურადღებას არ აქცევდა.

— გეგეც შენ! — შესძახა მან და უფრო ძლიერ წაუჭირა ყელში. — ვნახოთ, ვინ ვის აჯობებს.

ერთბაშად კატას უკანა ფეხები მოწყვეტით ჩამოუცივდა, ჰაუკემ რამდენიმე ნაბიჯი უკან გადასდგა და კატა შოხუცს ძიჟვდო. კატა აღარ განძრეულა, ჰაუკე გამობრუნდა და შინისაკენ გაემართა.

მაგრამ ანგორული კატა მისი პატრონისთვის ერთადერთი ძეგობარი და განძი იყო, თავისი მეზღვაური ვაჟიშვილისაგან დარჩა, რომელიც უეცრად დაიღუპა ზღვის ნაპირზე, როცა კრევეტის* კერაში შველოდა დედას.

სისხლისდენის შესაწყვეტად ჰაუკემ დანაკაწრზე ცხვირსახოცი შემოიხვია: ასიოდე ნაბიჯის გადადგმა ძლივს მოასწრო, რომ უკნიდან მოთქმა და საშინელი ყვირილი ჩაესმა. ჰაუკე

შებრუნდა და მიწაზე დაგდებულ მოხუც ქალს მოკრა თვალი. მას თავშალი გადასძრომოდა და თეთრი თმა გასწეწოდა.

— მომიკლეს, მომიკლეს! — გაჰყვიროდა იგი და დაკრუნჩხულ ხელს მისკენ მუქარით იქნევდა. — ღმერთმა შეგაჩვენოს, შენ მომიკალი ჩემი კატა, შე უმაქნისო მაწანწალავ! შენ მისი კუდის ღირსიც არ იყავ! — მოხუცი მომხრჩვალი კატისკენ დაიხარა და წინსაფრით ფაქიზად მოსწმინდა სისხლი, რომელიც ისევ ცხვირ-პირიდან გადმოსდიოდა. შემდეგ კვლავ ლანძღვას მოჰყვა.

— მალე მორჩები? — გასძახა მას ჰაუკემ. — იცი, რას გეტყვი: მე შენ სხვა კატას გიყიდი ისეთს, რომელიც თავგსა და ვირთხებს დასჯერდება! — მერე ყურადღება აღარაფერს მიაქცია და გზა განაგრძო. მაგრამ, ეტყობოდა, მოკლული კატა მოსვენებას არ აძლევდა, რადგან დასახლებას რომ მიაღწია, მამის სახლსაც გვერდი აუარა, სხვა სახლებსაც და ჯებირზე. ქალაქის მიმართულებით, სამხრეთისაკენ, გაუყვა გზას.

ამ დროს ტრინ იანსიც იმავე მიმართულებით მიეშურებოდა. ძველ ლურჯ ბალიშის პირში გახვეული რაღაც ტვირთი ხელით ისე ეჭირა, თითქოს თოთო ბავშვიაო. ჭადარა თმას ადრეული გაზაფხულის სიო უწეწავდა.

— ეგ რა მიგაქვს, ტრინ? — ჰკითხა მას გზად შემხვედრმა გლეხმა:

— ისეთი რამ, რაც შენს სახლ-კარზე უფრო ძვირფასია მიუგო მოხუცმა ქალმა და გზა აჩქარებით განაგრძო. როცა მოხუცმა ჰაინის სახლს მიაღწია, აქტივ ქვემოთ ჩავიდა. აქტს ჩვენში პირუტყვისა და კაცის სავალ გზას უწოდებენ, რომელიც ჯებირის გასწვრივ დამრეცად მიიმართება.

მოხუცი დეტე ჰაიენი ამ დროს სწორედ კარებში იდგა და ამინდს გასცქეროდა.

— ო, ტრინ! — წარმოთქვა მან, როცა ქალი ხვნეშით მის წინ შედგა და ხელჯოხი მიწაში ჩაარქო, — რა გაქვს მაგ ტომარაში?

— ჯერ სახლში შემიშვი, ტედე ჰაიენ, მერე კი ნახავ! — და ქალმა უცნაურად აელვარებული თვალებით შეხედა მას.

— შემოდი! — მიუგო მოხუცმა. რა საქმე ჰქონდა მას გამოსულელებული ქალის თვალებთან.

როცა ორივენი ოთახში შევიდნენ, ქალმა ტედე ჰაიენს მიმართა:

— მოაშორე მაგიდიდან ეგ ძველი სათუთუნე და ნაჯღაბნები!.. რას წერ ასე გამუღმებით?... ასე, ახლა კარგად გადაწმინდე!

მოხუცი ცნობისმოყვარეობამ აიტანა და ყველაფერი ისე გააკეთა, როგორც ქალმა უთხრა. შემდეგ მოხუცმა ტრინმა ბალიშის პირს წკვერტებზე წაავლო ხელი და მაგიდაზე მკვდარი კატა გადმოაგდო.

— აჰა, მიიღე, — შესძახა მან. — შენმა ჰაუკემ მომიკლა, — და ქალმა შესაბრალისი გოდება მორთო. მკვდარ კატას ბეწვზე ხელს უსვამდა, მერე თათები ერთად დაულაგა, გრძელი ცხვირი თავზე დაადო და ყურში გაუგებარი საალერსო სიტყვების ბუტბუტი დაუწყო.

ტედე ჰაიენი შესცქეროდა ქალს.

— ესე იგი, ჰაუკემ მოკლა? — ჰკითხა ტედე ჰაიენმა ატარებულ ქალს, რადგან არ იცოდა, რით დაემშვიდებინა.

— ჰო, ჰაუკემ, ღმერთია მოწამე! — გაჯავრებით დაუქნია თავი ქალმა და ნიკრესის ქარებისაგან დაკრუნჩხული ხელებით

თვალთავან ცრემლი მოიწმინდა. — ცოცხალი აღარაფერა შემრჩა, აღარც შვილი, აღარც ეს, — მოთქვამდა მოხუცი. — შენ თავადაც კარგად იცი, ყოვლად წმინდის დღესასწაულის შემდეგ ჩვენ, მოხუცებს, სალამობით ლოგინში ფეხები გვეყინება და დაძინების მაგივრად ფანჯრის დარაბებზე ნორდვესტის გახელეებულ შემოტევას ვუსმენთ. ჩემთვის კი, ტედე ჰაიენ, სასიამოვნო როდია ნორდვესტის ღმუილი, ის ხომ იმ მხრიდან მოდის, სადაც ჩემი ვაჟი კოწიწივით ლამში ჩაეფლო.

ტედე ჰაიენმა ამაზე თავი დაუქნია და მოხუცმა ქალმა ისევ მკვდარ კატას დაუწყო ფერება.

— როცა ზამთარში სართავ დაზგას მიუჯდებოდი, — განაგრძობ მან, — ესეც იქვე მომიჯდებოდა, ჩემთან იყო და ძწვანე თვალებით შემომცქეროდა. როცა შემცივდებოდა და ლოგინში ჩავწევებოდი, დიდხანს არ დააყოვნებდა, ამომიხტებოდა და გაძინულ ფეხებზე დამაწვებოდა. და ასე ჩათბუნებული ჩავიძინებდი, თითქოს ისევ ახალგაზრდა ვიყავი და ლოგინში ჩემი ბიჭუნა მიწვა. — ამ სიტყვებზე მოხუცმა ქალმა, თითქოს ახალგაზრდულ მოგონებებზე დასტური უნდაო, იქვე მაგიდასთან მიმდგარ ტედე ჰაიენს ანთებულ თვალელები შეანათა.

ტედე ჰაიენმა დაფიქრებით უპასუხა: — ვიცი, რაც გერგება ტრინ იანს, — იგი ზარდახშასთან მივრდა და ვერცხლის ფული ამოიღო. — შენ ამბობ, რომ ჰაუკემ მოკლა შენი კატა მჯერა, ტყუილს არ იტყვი. აი ქრისტიან მოეთხისიეული* კრონის ტალერი, იყიდე გამოყვანილი ბატკნის ბეწვი და იმით გაითბე გათოშილი ფეხები. ხოლო, როცა ჩვენი კატა კხუტებს დაყრის, ყველაზე დიდი ამოირჩიე. ჰოდა, ის კნუტი და ბატკნის ტყავი ერთად შენ ბებერ ანგორულ კატას როგორმე შეენაცვლება. ახლა კი ეგ კატა წაიღე და ქალაქში გამტყავებელ:

მიუტანე, ოღონდ, იცოდე, არ დაგცდეს, რომ იგი ამ მაგიდაზე გედო, სადაც ჩვენ დაუყვედრებელ ლუკმას ვქამთ.

ტედე ჰაიენს სიტყვა არ დაემთავრებინა, რომ ქალი ტალერს წაეტანა და ქვედატანზე მიკერებულ პატარა ჯიბეში ჩაიტენა. შემდეგ კატა ისევ ბალიშის პირში შეახვია, მაგიდაზე სისხლის ლაქები წინსაფრით გადაწმინდა და პირი კარისკენ ქნა.

— იცოდე, კნუტი არ დაგავიწყდეს! — შემოსძახა შინდარჩენილ ტედე ჰაიენს.

...რამდენიმე ხნის შემდეგ — მოხუცი ჰაიენი ამ დროს თავის პატარა ოთახში ბოლთასა სცემდა — ჰაუკე შემოვიდა და მაგიდაზე ჭრელი ფრთოსანი დაავდო. თეთრად გახეხილ ფეხრებზე რომ სისხლის ლაქები შენიშნა, მამას ჰკითხა:

— ეს რა არის?

მამამისი შეჩერდა.

— ის სისხლია, შენ რომ დაღვარე.

ჰაბუკს სახეზე ცხელმა ალმა გადაუარა.

— ტრინ იანსი ხომ არ იყო აქ თავისი კატიო?

მოხუცმა თავი დაუქნია:

— რატომ მოუკალი?

ჰაუკემ დასისხლიანებული მკლავი შეიხსნა.

— აი ამიტომ, — მიუგო მამას. — ხელიდან ფრინველც გამოგლიჯა.

მოხუცს აღარაფერი უთქვამს. რამდენიმე ხანს კიდევ იარაწინ და უკან. მერე ვაჟიშვილის წინ შედგა და დაფიქრებით შეაქებდა.

— კატის ამბავი კი ჩავფარცხე, — დაიწყო მან მცირე ხნის ღუმლის შემდეგ, — მაგრამ ამ ჩვენ ქოხს რა ვუყოთ, ორი

კაცისთვის ძალიან პატარაა. დროა, რაღაც საქმეს მოვილო
ხელი.

— ჰო, მამა, — მიუგო ჰაუკემ, — ამაზე მეც ვფიქრობ.

— რატომ? — ჩაჰკითხა მოხუცმა.

— იმიტომ, რომ თუ კაცმა გვარიანად არ წაიმუშავა, თან-
დათან ფუქდება და ბოროტდება.

— ჰოო? მაშ მავიტომ მოკალი ის ანგორული კატა? —
ჰკითხა მამამ. — შეიძლება, შემდეგ უარესი რამეც ჩაიდინო

— შეიძლება, მართალს ამბობ, მამაჩემო. მაგრამ ჯებირის
ზედამხედველმა თავისი უმცროსი მოჯამაგირე გააგდო. შემძ-
ლია მისი მოვალეობა შევასრულო.

მოხუცი ისევ ბოლთის ცემას მოყვა, თან წარამარა თამბა-
ქოს შავ წვეწვს აბურჭყებდა.

— ჯებირის ზედამხედველი ბატივით სულელია და მხო-
ლოდ იმის გამოა ზედამხედველი, რომ მამამისი და პაპამი-
სიც ზედამხედველები იყვნენ და იმის გამოც, რომ ოცდაცხრა
ფენი* აქვს. როცა მარტინის დღესასწაული დგება, მას კ
ჯებირებისა და რაბების ანგარიშების შემოწმება მოსდევს.
დაიბარებს იგი მასწავლებელს, გაუმასპინძლდება შემწვარი
ბატივით, თაფლუქით, ხორბლის ფრენდელით და, როცა მას-
წავლებელი ციფრებს ჩაუჯდება, ზედამხედველიც იქვე უზის.
თავს უქნევს და ეუბნება: „სწორია, მასწავლებლო, ღმერთიც
გიშველის!“ თვითონ კი რის ანგარიში შეუძლია? როცა მას-
წავლებელს არ სცალია, ანდა არ სურს დაეხმაროს, საქმეს
თვითონ მიუჯდება, დაწერს და ისევ გადაშლის, დაწერს და
გადაშლის, გაუცხელდება გამოტვინებული ბოხვერა თავი, სა-
ზეზე ცეცხლი მოედება, თვალები შუშის ბურთულებივით გა-

უნდება, თითქოს გადმოცვენას ლამობს და ის მცირეოდენი ვონებაც ეკარგება, რაც თავში შემორჩენია.

ვაჟი მამის წინ იღვა და მისი ლაპარაკი აოცებდა. ასეთი აძებები მისგან ჯერ არასოდეს გაეგონა.

— მართალია, იგი საკმაოდ გამოჩერჩეტებულია, მაგრამ ღებერთი კაცს უნუგეშოდ არ მიატოვებს. მის ქალიშვილს, ელკეს, ანგარიში კარგად შეუძლია.

მონხუცმა ყურადღებით შეავლო თვალი ვაჟიშვილს.

— ოჰო, ჰაუკე! — წამოიძახა მან. — ელკე ფოლკერტს შენ ლიდან იცნობ?

— მასწავლებელმა მითხრა.

ამაზე მონხუცს აღარაფერი უთქვამს, სალექი თამბაქო ერთი ყბიდან მეორეში დაფიქრებით გადაიტანა და შემდეგ განაგრძო:

— შენ ფიქრობ, რომ მას ანგარიშისას შენც უშველი?

— რასაკვირველია, მამა, ეუშველი, — სერიოზულად მიუგო ვაჟმა.

მონხუცმა თავი გადაიქნია.

— როგორც გინდოდეს. სცადე ბედი.

— მადლობელი ვარ, მამა, — მიუგო ჰაუკემ და თავის საძიებელ სენაკში ავიდა სხვენზე. აქ იგი ლოგინზე ჩამოჯდა და ფიქრს მიეცა: რატომ ჰკითხა მამამ ელკე ფოლკერტსზე? იგი, რასაკვირველია, იცნობს თერამეტი წლის ამ ტანკენარ გოგონას, მაგრამ ჯერ ერთი სიტყვაც არსად დასცდენია მასზე. ელკეს ხორბლისფერ ვიწრო პირისახეზე მკვეთრად გამოირჩეოდა ჭიუტი თვალები, რომლებსაც ზემოდან შავი გადაბმული წარბები გადმოფარებოდა. ჰოდა, თუ ახლა იგი მონხუცი ტედე ფოლკერტის უმცროსი მოჯამაგირე გახდება, მის ქალიშ-

ვიღსაც უკეთ გაიცნობს. იქ კი ახლავე უნდა წავიდეს, რომ ამ ადგილზე არავინ შეეცილოს. ჯერ მხოლოდ საღამო პირია.

პაუკემ საგარეო ქურთუკი და ჩექმები ჩაიცვა და გზას ხალხით გაუყვა.

იმის გამო, რომ ჯებირის ზედამხედველის სიგრძეზე გაქმული სახლი მაღალ მიწაყრილზე იდგა და განსაკუთრებით იმის გამო, რომ მის წინ სოფლის ყველაზე დიდ იფხის ხეს მძლავრად გაეშალა ტოტები, ზედამხედველის კარმიდამო შორიდანვე კარგად მოჩანდა. ახალგაზრდობაში იგი დარგო ახლანდელი ზედამხედველის პაპამ, რომელმაც გვარში პირველმა მოიპოვა ეს თანამდებობა. უფრო ადრე დარგულმა ორმა ხემ არ გაიხარა, ამიტომ თავის ქორწინების დღეს ეს მესამე ხე დარგო. იგი იზრდება და აქაური გამუდმებული ქალი იფხის მძლავრი ტოტების შრიალით თითქოს ძველი დროს ამბებს გვიამბობს.

როცა რამდენიმე ხნის შემდეგ, ჰარხლისა და კომპოსტონ კვლებიანი მაღალი მიწაყრილი აიარა, დაბალი სახლის კარის წინ ოჯახის უფროსის ქალიშვილი დაინახა. ერთი, ცოტა არ იყოს, გამხდარი ხელი, დაბლა დაეშვა, მეორე კი, კარის აქეთ-ქით დატანებულ რკინის ორ რგოლთაგან ერთზე წაველო. ამ რგოლს კედელში იმიტომ ატანებენ, რომ ცხენოსან სტუმარს ზედ ცხენის გამობმა შეეძლოს. როგორც ჩანდა, გოგონა ჯებირის მხარეს, ზღვისკენ იმზირებოდა, სადაც იმ მშვიდ საღამოს მზე თანდათან იძირებოდა და უკანასკნელი სხივებით ოქროსფრად ავარაყებდა ქალიშვილის ხორბლისფერ სახეს.

პაუკემ ფეხს მოუნელა და თავისთვის გაიფიქრა: „სულაც არ არის პირქუში, როგორც ამბობდნენ“.

აი უკვე აითავა ფერდობი და გოგონასთან შივიდა.

—სალამო მშვიდობისა. რას გასცქერი, ელკე, მაგ შენი დიდრონი თვალებით?

— იმას, რაც აქ ყოველ სალამოსაა, მაგრამ მუდამ კი ვერ დაინახავ, — მიუგო მან და რგოლს ხელი გაუშვა. რგოლი ეღრიალით მიეხეთქა კედელს, — შენ რისთვის მოსულხარ, საუკე ჰაიენ? — ჰკითხა მან ვაჟს.

— ალბათ, არ მიწყენ, — დაიწყა ჰაუკემ. — მამაშენს უმცროსი მოჯამაგირე გაუგდია, ჰოდა, მის ადგილზე მინდოდა შემუშავა.

ელკემ იგი თავით ფეხამდე აათვალიერა და უთხრა.

— რალაც უღონო ჩანხარ, ჰაუკე, მაგრამ ჩვენ ორი ერთგული თვალი უფრო მეტს გვარგებს, ვიდრე ორი ძლიერი ხელი. — ამ სიტყვებზე ქალიშვილმა, ცოტა არ იყოს, პირქუშად შეხედა და დაუმატა: — მამაჩემი ოთახშია, შინ შევიდეთ.

მეორე დღეს ტედე ჰაიენი და მისი ვაჟიშვილი ჯებირის ზედამხედველის ფართო ოთახში შევიდნენ. მისი კედლები მოკიქული შორენკეცებით იყო მოპირკეთებული. ოთახში შესულის მზერას ერთ მხარეს აფრებდაბერილი გემი და ნაპირზე ჩამომჯდარი მეთევზე მოხვდებოდა, იქით — გლეხის ეზო, სადაც ძროხა წევს და იცოხნის. ეს გამძლე შპალერი წყდებოდა ამჟამად კარმიხურულ წალოსა და კედლის კარადასთან, რომლის შემინული კარიდან ფაიფურისა და ვერცხლის უამრავი ჭურჭელი მოჩანდა. გვერდით ოთახში გამავალ კართან, კედელში დატანებულ შემინულ ფოსოში ჰოლანდიური საათი ეკიდა.

ტანსრული, აპოპლექსიური გარეგნობის სახლის პატრონი სუფთად გაწმენდილი მაგიდის ბოლოში მატყლის ჭრელ ბა-

ლიშზე იჯდა. ხელები მუცელზე შემოეწყო და მრგვალი თვალებით ნაამები შეჰყურებდა წინდადგმულ მსუქან იხვს. იქვე თეფშზე დანა-ჩანგალი ელაგა.

— დილა მშვიდობისა, ზედამხედველო! — წარმოთქვა ჰაინმა.

ოჯახის უფროსმა თავი ნელა შეაბრუნა და მოსულს შეხედა.

— ეს შენ ხარ, ტედე? — გაეპასუხა იგი. მისი ხმა ჰგავდა მსუქანი იხვის ხმას, რომელიც მას ეს-ესაა მიერთმია.

— დაჯექი: შენი სახლიდან ჩვენამდე კარგა გრძელი გზა გამოგივლია.

— გვახელით, ზედამხედველო, — უთხრა ტედე ჰაინმა და ზედამხედველის წინ, მთელი კედლის სიგრძეზე გაკეთებულ მერხზე ჩამოჯდა. — თქვენი უწინდელი უმცროსი მოჯამაგირით უკმაყოფილო ყოფილხართ და ჩემს ბიქს დათანხმებინართ, მის მაგიერ შენ აგიყვანო.

ზედამხედველმა თავი დაუქნია.

— ჰო, ჰო, ტედე. მაგრამ მაგ უკმაყოფილებაში რა იგულისხმე? ჩვენ, მარშის მცხოვრებლებს, ღმერთი იყოს ჩვენი შემწე, გვაქვს ისეთი რამ, რაც დაგვამშვიდებს! — ზედამხედველმა ეს რომ წარმოთქვა, მაგიდიდან დანა აიღო და თითქოს საწყალი იხვის ჩონჩხს ეფერებო, ზედ რამდენჯერმე დააკაუნა:

— ჩემი საყვარელი იხვი იყო, — კმაყოფილი ღიმილით დუმატა მან. — საკენკს პირდაპირ ხელიდან მაცლიდა!

— მე მეგონა, — ისე თქვა მოხუცმა ჰაინმა, თითქოს ზედამხედველის ბოლო ნათქვამი არც გაეგონოს, — იმ ბენტერამ ბოსელში რალაც წაახდინა-მეთქი.

— წახდინაო? წახდინა და ეგრე! იმ მაიმუნმა ხბორებს წყალი არ დააღვეინა, გამობრუებული თივაზე ეგდო, საქონელა კი მთელ ღამეს ბლაოდა და მეორე დღეს ძლივს გამოვიძინე. ასე ხომ მთელი ოჯახი განიავდება.

— რასაკვირველია. ჩემი ვაჟიშვილი ასეთ რამეს როგორ ჩაიდენს.

ჰაუკე კარის წირთხლს მიყრდნობოდა, ხელები ჯიბეებში ჩაეწყო, თავი უკან გადაეწია და გულმოდგინედ ათვალეირებდა ფანჯრის ჩარჩოს.

ჯებირის ზედამხედველმა ყმაწვილს შეხედა და თავი დაუქნია.

— არა, არა, ტედე, — ახლა მას დაუქნია თავი ზედამხედველმა. — შენი ჰაუკე არ გამათენებინებს ღამეს. ამას წინათაც მეუბნებოდა მასწავლებელი, ჰაუკე გამრავლების ტაბულას უფრო სიამოვნებით მიუჯდება, ვიდრე არყის ბოთლსო.

საქები სიტყვები ჰაუკეს არ გაუგონია, რადგან ამ დროს ოთახში ელკე შემოვიდა, მარდად წამოკრიფა სუფრიდან საჭმლის ნარჩენები და ვაყს შავი თვალეები შეავლო. ჰაუკემაც შეხედა ელკეს და თავისთვის გაიფიქრა: „ღმერთმანი, პირქუში სულაც არ არის“.

გოგონა გარეთ გავიდა.

— შენ იცი, ტედე, — დაიწყო ისევ ზედამხედველმა, — ვაჟიშვილი ღმერთმა არ მბოძა.

— ვიცი, მაგრამ ამის გამო გული ნუ დაგწყდება, — მიუგო ტედემ, — მესამე თაობაში შთამომავლობა სუსტდება. ჩვენ ყველამ კარგად ვიცით, რომ მამათქვენმა დაიცვა ჩვენი მამული.

ზედამხედველი მცირე ხნით ჩაფიქრდა, მერე, ცოტა არ იყოს, საგონებელში ჩაეარდნილმა შეხედა სტუმარს:

— როგორ თქვი, ჰაიენ? — ჰკითხა მას და სავარძელში გასწორდა. — მესამე თაობა ხომ მე ვარ!

— ჰო, მაგრამ საწყენად არ მითქვამს. ხალხი ასე ლაპარაკობს, — მიუგო გამხდარმა ტელე ჰაიენმა და პატივსაცემ ადამიანს, ცოტა არ იყოს, გაბრაზებით შეავლო თვალი.

— მოხუც დედაკაცებს ასეთი სისულელეების ლაქლაქის ნებას არ უნდა აძლევდე, ტელე ჰაიენ, — უდარდელად განაგრძო ზედამხედველმა. — შენ ხომ ჩემს ქალიშვილს არ იცნობ, ჩემზე ხუთჯერ უკეთ ანგარიშობს. შენ კი, აი რას გეტყვი. შენმა ჰაუკემ მარტო მინდორში კი არ უნდა იმუშაოს, აქაც უნდა მიეშველოს კალმითა და გრიფელით. მაინცდამაინც არც ეს აწყენს.

— კი, კი, ზედამხედველო, აუცილებლად გიშველის. ნამდვილად სწორი ბრძანებაა, — მიუგო მოხუცმა ჰაიენმა და შეეცადა ხელშეკრულებაში თავისთვის ხელსაყრელი ზოგიერთი პირობა შეეტანინებინა, რაც გუშინ სალამოს მის ვაჟს დაეწყებოდა. მან მოითხოვა, რომ შემოდგომობით ბიჭისთვის ტილოს ხალათის გარდა გასამრჯელოდ რვა წყვილი ღაზლის წინდაც დაემატებინა; გაზაფხულობით ერთი კვირა საკუთარ მეურნეობაში მუშაობის ნება მიეცა და ა. შ. ზედამხედველს ყველა პირობაზე დათანხმდა. როგორც ჩანდა, ჰაუკე ჰაიენი უმცროს მოჯამაგირედ ყველაზე შესაფერ კაცად მიაჩნდა.

— ღმერთი იყოს შენი შემწე, — უთხრა მოხუცმა ტელემ ვაჟს, როცა ისინი სახლიდან გამოვიდნენ. — მაგან უნდა გასწავლოს შენ ამ ცხოვრების ავ-კარგი?!

— არა უშავს რა, მამა, — წყნარად მიუგო ვაჟმა. — ყველაფერი მოგვარდება.

ჰაუკე მართლაც სწორი აღმოჩნდა. რაც უფრო მეტ ხანს იყო ამ სახლში, მით უკეთ სწავლობდა იგი ცხოვრებას და მის გარშემო არსებულ გარემოს. როგორც ჩანდა, მით უკეთ სწავლობდა, რაც უფრო ნაკლებად ეხმარებოდნენ სხვები, და რაც უფრო მეტად ხდებოდა იძულებული — საკუთარ ძალ-ღონეს დაპყრდნობოდა. ის ხომ თავიდანვე ასე ცხოვრობდა, საკუთარი ძალ-ღონის იმედით. მაგრამ ამ სახლში ერთი პიროვნება მისით მუდამ უკმაყოფილო იყო, ეს გახლდათ უფროსი მოჯამაგირე ოლე პეტერსი — მარჯვე მუშა და ყბედი ყმაწვილი. იმას აღრინდელი ზარმაცი, მაგრამ მოსულელო და ჯანიანი უმცროსი მოჯამაგირე უფრო ჰკუთავი მოსდიოდა, რადგან როცა უნდოდა, ტვირთს მაშინ მოჰკიდებდა, როგორც უნდოდა, ისე დაასაქმებდა. იმაზე უფრო ჩუმ, მაგრამ თავისზე უფრო გონიერ ჰაუკეს ასე ვერ მოეპყრობოდა. უფროს მოჯამაგირეს ჰაუკე თავდაჯერებით შეჰყურებდა. მიუხედავად ამისა, ოლე პეტერსი მას ისეთ სამუშაოს შეურჩევდა, რომ, შეიძლებოდა, ჰაუკეს ჯერაც გაუმაგრებელ ორგანიზმს ძვირად დასჯდომოდა. როგორც კი უფროსი მოჯამაგირე შეაგულიანებდა: შენ აბა ერთი ის საქელო ნილსი დაგენახა, როგორ მარჯვედ აკეთებდა ეგეთ საქმესო, ჰაუკე მთელ ძალას დაბავდა, რომ საქმე ბოლომდე მიეტანა. კიდევ მისი ბედი, რომ ელკე თვითონ ამ საქმეში მამის ჩარევით შეეცვლიდა ხოლმე უფროსი მოჯამაგირის გაცემულ ბრძანებას:

შეიძლება ვიკითხოთ, რა აახლოებთ ზოგჯერ სრულიად უცხო ადამიანებს? ამ შემთხვევაში, შესაძლოა, ასეთი მიზე-

ზი ორივე მათგანის მათემატიკისადმი თანდაყოლილი ლტოლვა იყო და გოგონას არ უნდოდა, ამხანაგი მისთვის შეუფერებელი მძიმე და უხეში სამუშაოთი დაღუპულიყო.

უფროს და უმცროს მოჯამაგირეს შორის განხეთქილება. რასაკვირველია, არც ზამთარში მოღებია ბოლო, როცა წმინდა მარტინის დღესასწაულს შემდეგ ჯებირის სხვადასხვაგვარი ანგარიშები მოდიოდა შესამოწმებლად.

ერთხელ — მაისის დღე იწურებოდა, თუმცა კი ამინდი ნოემბრისა გეგონებოდათ და ჯებირის მხრიდან ზღვის გუგუნო მოისმოდა, — ოჯახის უფროსმა ჰაუკეს უხმო:

— აქ მო, აბა ერთი მიჩვენე ანგარიშში როგორი ხარ!

— პატივცემულო, ნაბრძანები მაქვს მოზარდ საქონელს საკმელი დაეუყარო! — მიუგო ჰაუკემ.

— ელკე! — გასძახა ზედამხედველმა ქალიშვილს, — სადა ხარ, ელკე! წადი ოლესთან და უთხარი, დაე მოზარდულს საკმელი თვითონვე დაუყაროს. ჰაუკეს აქ საანგარიშო აქვს.

ელკე თავლისკენ გაეშურა. უფროსი მოჯამაგირე ის-ის იყო ცხენს აღკაზმულობას ხსნიდა. ელკემ მას განკარგულება გადასცა.

ოლე პეტერსმა ხელში მოხვედრილი აღვირი ბოძს ისე შემოჰკრა, თითქოს დაწყევტა უნდაო:

— ეშმაკსაც წაულია მაგ დაწყევლილი მწერლუქას თავი-კარში გამოსვლისას ელკემ ამ სიტყვებს ყური მოჰკრა.

— რა ჰქენი? — ჰკითხა მოხუცმა ელკეს, როცა იგი შინ შევიდა.

— უკვე თვითონვე აპირებდა მოზარდულის მიხედვას, — ტუჩების კვნებით მიუგო გოგონამ და ჰაუკეს პირდაპირ, უხეშად გამოჩორკნილ სკამზე ჩამოჯდა — ასეთ სკამებს ჩვენთან

ზამთრის გრძელ ღამეებში დღესაც აკეთებენ. შემდეგ უჯრიდან წითელი ფრინველებით დამშვენებული თეთრი წინდა ამოიღო და ქსოვა განაგრძო. გრძელფეხა არსებანი, ილბათ, ყანები ან ყარყატები თუ იყვნენ. ჰაუკე თავის საქმეს მისცემოდა, ზედამსედველი კი სავარძელში გადაწოლილიყო და რულმორეული შესცქეროდა ჰაუკეს კალამს. მაგიდაზე, როგორც ყოველთვის, ახლაც ქონის ორი სანთელი ენთო, ტყვიის ჩარჩოში ჩამჯდარ ფანჯრებზე გარედან აფარებული დარაბები შიგნიდან გაქმავრებინათ; დაე, რამდენიც უნდა იღმუვლოს ქარმა. დროდადრო ჰაუკე თავს წამოსწევდა და ფრინველამოქარგულ წინდას ან გოგონას მშვიდ, ვიწრო პირისახეს შეაცქერდებოდა.

უცებ სავარძლიდან ხმამაღალი ხვრინვის ხმა მოისმა, ახალგაზრდებმა ერთმანეთს გადახედეს და გაიღიმეს.

ხვრინვას მშვიდი სუნთქვა მოჰყვა. ახლა შეიძლება ცოტაოდენიც წაისაუბრონ. მაგრამ ჰაუკემ არ იცის, რაზე დაიწყოს ლაპარაკი.

აი ელკემ ნაქსოვი მცირე ხნით მაღლა წამოსწია და ზედ გამოხატული ფრთოსნები მთლიანად გამოჩნდა. ჰაუკემ იდროვა და გადაუჩურჩულა:

— ვიშ გასწავლა, ელკე, მაგის. ქსოვა?

— რის ქსოვა? — კითხვა. შეუბრუნა ქალიშვილმა.

— აი მაგ ფრინველებისა?

— ამისი? ტრინ იანსმა, ჯებირთან რომ ცხოვრობს. იმან ბევრი რამ იცის. წინათ ჩვენთან იყო, პაპაჩემს ემსახურებოდა.

— მაშინ შენ, ალბათ, დაბადებულიც არ იყავი, არა? — ჰკითხა ჰაუკემ.

— მგონი, არ ვიყავი. მაგრამ მერეც ხშირად მოგვინახუ-
ლებდა ხოლმე.

— ნუთუ იმას ფრინველები უყვარს? — იკითხა ჰაუკემ. —
მე მეგონა, კატები ერჩივნა.

უარის ნიშნად ელკემ თავი გაიქნია. —

— არა, ის ხომ იხვებს ზრდის და მერე ყიდის. მაგრამ შარ-
შან, შენ რომ ანგორული კატა მოუკალი, საქათმეში ვირთხე-
ბი შეეჩვივნენ. ჰოდა ახლა სახლის წინ იშენებს საქათმეს.

— ჰოო! — წარმოთქვა ჰაუკემ და ხმადაბლა დასტვინა. —
მაშ ამიტომ ეზიდება ბორცვიდან თიხასა და ქვებს? მაგრამ
მაშინ ხომ გზის გაკეთება დასჭირდება? მისცემენ კი ამის
ნებას?

— მე რა ვიცი, — მიუგო ელკემ.

ის იყო ჰაუკემ ბოლო წინადადება დაამთავრა, რომ ზე-
დამხედველს გაეღვიძა.

— რის ნებას? — იკითხა მან და გაშტერებული ხან ერთს
შეხედავდა, ხან მეორეს. — რის ნებასო, რას ამბობდით?

როცა ჰაუკემ გადასცა, რაზეც იყო საუბარი, ზედამხედ-
ველმა მას მხარზე სიცილით დაჰკრა ხელი.

— რას ამბობ, გზა საკმაოდ განიერია. ღმერთი იყოს ჩემი
შემწე, მაგრამ ეგლა მაკლია, ახლა საქათმეებზეც ჭიზრუნო.

ჰაუკეს გულზე აწვა, იმ მოხუცის იხვის ქუჭულების ცოდ-
ვა ჩემს კისერზე ყოფილაო, და ახლა ზედამხედველის ნათქვამ-
მა სიამოვნება მოჰგვარა.

— მაგრამ პატივცემულო, — კვლავ წამოუწყო ჰაუკემ, —
ზოგიერთ ვინმეს არ აწყენდა შეჯანჯლარება, ხოლო თუ თავად
არ გასურთ მათი დატუქსვა, მაშინ ნდობით აღკურვილი შეა-
ფუცხუნეთ, დაე ჯებირს უკეთესად უპატრონოს.

— რაო, შენ რას ამბობ, ყმაწვილო? — ზედამხედველი წელ-
ში გასწორდა. ელკემაც ხელოვნებით ნაქსოვ წინდას თავი მი-
ანება და მათ შეაცქერდა.

— ჰო, პატივცემულო, — განაგრძო ჰაუკემ. — თქვენ ხომ
უკვე ჩაატარეთ საგაზაფხულო დათვალიერება. ხოლო პეტერ
იანსენს თავის ნაკვეთზე დღემდე არ მოუთიბავს სარეველა
ბალახი. ზაფხულში იქ ნარშავეებში ისევ ჩიტბატონები იგალო-
ბებენ. იქვე ახლოს კი — არ ვიცი, ეს ვისი ნაკვეთია — ჯები-
რის გარეთა მხარეს მთელი გამოქვაბულია გამოთხრილი. კარგ
ამინდში იქ ბავშვები ერთობიან და თამაშობენ, მაგრამ —
ღმერთმა დაგვიფაროს და — წყალმა რომ აიწიოს?!

ზედამხედველს თვალები თანდათან უფართოვდებოდა.

— ამას გარდა... — განაგრძო ჰაუკემ.

— რაო, ამას გარდა, ბიჭო? — ჩაჰკითხა ზედამხედველმა. —
ჯერ არ გითქვამს შენი სათქმელი? — მის ხმაში თითქოს უმ-
ცროსი მოჩამაგირის ლაპარაკით გამოწვეული უსიამოვნება
იგრძნობოდა.

— ისა, პატივცემულო, — განაგრძო ისევ ჰაუკემ, — რომ
თქვენ კარგად იცნობთ ფაშფაშა ვოლინას, ნდობით აღჭურ-
ვილი ჰარდერსის ქალიშვილს, მამამისის ცხენი საბალახოდან
თვითონ რომ მოჰყავს ხოლმე. ჰოდა, მოახტება ბებერ ყვითელ
ლაფშას, აქეთ-იქიდან მსუქან კანკებს მოსდებს და ჯებირის
ფერღობებზე აღმა-დაღმა დააქენებს.

ჰაუკემ ახლად შეამჩნია, რომ ელკე გონიერი თვალებით
მას შეაყურებდა და თავს ოდნავ აქნევდა.

ჰაუკე გაჩუმდა. უცბად მოხუცმა მაგიდას მუშტი ისეთი
ძალით დასცხო, რომ ბიჭს ყურებში მეხივით მოხვდა.

— ეშმაკმა დალახვროს მისი თავი! — ისე დაიღრიალა ზე-

დამხედველმა, რომ ჰაუკე შეხტა. — დააჯარიმე! სწორედ ასე ჩაწერე: ფაშფაშა ვოლინა დაჯარიმდეს-თქო! მაგ გომბიომ შარშან ზაფხულში სამი ჭუჭული წამგვარა! ჰო, ჰო, ჩაწერე, — გაუმეორა მან, რაკილა შეატყო, რომ ჰაუკე მერყეობდა. — მგონი, სამი კი არა, ოთხი ჭუჭული იყო!

— ო, მამაჩემო, — ჩაერია ელკე, — ჩვენი ჭუჭულები განა წაეებმა არ წაიყვანეს?

— დიდმა წავმა! — ქოშინით წამოიძახა მოხუცმა. — მე რა, ფაშფაშა ვოლინასა და წავს ერთმანეთისაგან ვერ ვარჩეე? არა, არა, ოთხი ჭუჭული. მაგრამ, ჰაუკე, ყველაფერი დანარჩენი, რაც შენ ილაქლაქე, სისულელეა. ბატონი უფროსი ზედამხედველი და მე გაზაფხულზე, მას შემდეგ, რაც ჩვენსა, აი აქ ერთად წავისაუზმეთ, ჯებირის დასათვალიერებლად გავემგზავრეთ, მაგრამ იქ არც შენი სარეველები დაგვიხაბავს და არც შენი გამოქვაბული. თქვენ კი, — მოხუცმა ჰაუკესა და თავის ქალიშვილს შეხედა, — ღმერთს მადლობა შესწირეთ, რომ ზედამხედველად არ დაგნიშნეს! კაცს ორი თვალი კი აქვს, მაგრამ ასი თვალით უნდა ხედავდეს... ჰაუკე, შენ ეგ ანგარიშები წამოკრიფე და ერთი ყურადღებით შეამოწმე. ეს ყმაწვილები მუდამ დაუდევრად ანგარიშობენ.

მოხუცი ისევ სავარძელში გადაწვა, მძიმე სხეული ერთი-ორჯერ შეარხია და მალე კვლავ უღარდელ ძილს მისცა თავი.

ასეთი ამბები სხვა დროსაც მეორდებოდა. ჰაუკეს მახვილთვალი ჰქონდა და როცა ისინი საღამოობით ერთად ისხდნენ, შემთხვევას ხელიდან არ უშვებდა, რომ ჯებირის დაცვის საქმეში მცხოვრებთა საზიანო მოქმედება ან დაუდევრობა ზედამხედველისათვის არ დაენახებინა, რადგან ამ უკანასკნელს

საქითხის გადაწყვეტა თვითონ არ შეეძლო. მოულოდნელად საქმეთა მართვას გამოცოცხლება დაეტყო და ის ადამიანები, ადრინდელი გულგრილობის დროს რომ უკანონობას სჩადი-ოდნენ და ახლა კი მოულოდნელად თავთავიანთი დანაშაული-სა და უდარდელობის გამო საკადრისი სასჯელი მიიღეს, ხა-სიათწამხდარნი და გაოცებულნი იყურებოდნენ აქეთ-იქით — ასეთი დარტყმები საიდან ვიგემეთო. უფროსმა მოჯამაგირე-მაც დიდხანს არ დააყოვნა, მიუთითა, ვინც იყო ამ საქმის გამ-კეთებელი, და ამით ჰაუკესა და მამამისის წინააღმდეგ შუღლი გააღვივა, რადგან დანაშაული ნაწილობრივ მამასაც ხომ ხვდებოდა. სხვები კი, ვისაც არაფერი მოხვედროდა ანდა თავისი საკეთებელი მანც არ ასცდებოდა, გახარებული იციხოდნენ, რაკილა ხედავდნენ, ახალგაზრდამ მოხუცი ცოტა გაძოაფხიზ-ლაო.

— საწყენი ოღონდ ის არის, — ამბობდნენ ისინი, — რომ მაგ ყმაწვილს საკუთარი მიწა არ უმაგრებს წელს, თორემ მაგისგან ისეთი ზედამხედველი დადგებოდა, კაი ხანია რომ აღარ ვკინახავს. მოხუცი მამის ორიოდე დემატი* მიწა ამ საქმეში რას უშველის:

როცა მეორე შექოღგომით კებირის დასაიყვალეერებ-ლად ოლქის უფროსი და უფროსი ზედამხედველი ჩამოვიდ-ნენ, ამ უკანასკნელმა საუზმობისას მოხუცი ტედე ფოლკერ-ტის თავიდან ფეხამდე შეათვალეირა და უთხრა:

— მართლაც რომ გვარიანად გაახალგაზრდავებულხართ, ზედამხედველო, თქვენი წინადადებებით ამჯერად ოფლი მა-წურვინეთ. ნეტა კი დღეს ყველაფრის შემოწმებას მოვას-წრებდეთ!

— მოვასწრებთ, მოვასწრებთ, თქვენო ბრწყინვალეზავ, —

ლიმლით მიუგო მოხუცმა. — ეს შემწვარი ბატი ძალ-ღონეს შეგვმატებს. თქვენი თქმისა არ იყოს, ღვთის წყალობით, მე თავს ჯერ მხნედ და ახალგაზრდულად ვგრძნობ, — მან ირგვლივ მიმოიხედა, სადმე ახლოს ჰაუყე ხომ არ არისო და როცა ვერსად დაინახა, ღირსებით განაგრძო: — ღვთის იმედით, ვიმედოვნებ, რომ ჩემი მოვალეობა ორიოდ წელიწადს კიდევ შევასრულო.

— მოდი, სწორედ ამის სადღეგრძელო შევსვათ, — წარმოთქვა უფროსმა და ზეზე წამოდგა.

ამის დანახვაზე ელკე, რომელიც მათ სუფრას ემსახურებოდა, გარეთ გამოვიდა, თან სიცილს ძლივს იკავებდა. შემდეგ სამზარეულოდან ერთი ჯამი ნარჩენები გამოიტანა და ბოსლის გელით ეზოს გარეთ გავიდა, რომ ფრინველისთვის დაეყარა. ბოსელში ჰაუყე ჰაიენი ბაგაში ფიწლით თივას უყრიდა ძროხებს, რომლებსაც ცუდი ამინდის გამო საძოვარზე აღარ ერეკებოდნენ. როგორც კი გოგონა დაინახა, ჰაუყემ, ფიწალი მიწაში ჩაარჭო.

— როგორ არის საქმე, ელკე, — ჰკითხა გოგონას.

ელკე შედგა და თავი დაუქნია:

— არა უშავს, მაგრამ ნეტა კი წელან ოთახში შენც ყოფილიყავი.

— რაღა, ელკე?

— ბატონმა უფროსმა ზედამხედველმა მასპინძელი შეაქო!

— მასპინძელი? მერე და რა?

— არა მასპინძელი კი არა, ჯებირის ზედამხედველი შეაქო!

ახალგაზრდა ვაჟს სახეზე წითელმა ფერმა გადაჰქრა.

— ვიცი, საითაც უმიზნებ.

— შენ რას წითლდები, ჰაუკე. ეს ქება ს-ნამღვილეში ხომ შენ გეკუთვნის!

ჰაუკემ გოგონას ღიმილით შეხედა.

— და შენც! — მიუგო მან.

გოგონა არ დაეთანხმა.

— არა, ჰაუკე. როცა მამაჩემს მარტო მე ვეხმარებოდი, ჩვენ არავინ არ გვაქებდა. მე მხოლოდ ანგარიში მეხერხება. შენ კი ყველაფერს ამჩნევ, რასაც ჩებირის ზედამხედველი უნდა ხედავდეს. ამ საქმეში შენ გამისწარი.

— მე ხომ ეს არ მსურდა, ყოველ შემთხვევაში, შენთვის ჯობნა არ მინდოდა, — დარცხვენით მიუგო ჰაუკემ და ძროხას, მისკენ რომ იწევდა, თავი გვერდზე გაუწია. — მოიცა, კრელავ, ამ ფიწალს ნუ შემიძამ და შენ წილ თივას დაგიყრა!

— ოღონდ არ იფიქრო, ვითომ მე მწყინდეს, ჰაუკე, — მცირე დაფიქრების შემდეგ უთხრა მას ელკემ. — ეს ხომ კაცის საქმეა.

— თუ ასე ფიქრობ, ხელი მომეცი! — ჰაუკემ გოგონას ხელი გაუწოდა.

გოგონას სახეზე ალმური მღეღო.

— რაღა? ხომ არ ვცრუობ! — წამოიძახა მან.

ჰაუკემ პასუხის მიცემა დააპირა, მაგრამ გოგონა უკვე გარეთ გაიქრა. ჰაუკე იდგა ასე ფიწალით ხელში და ყურს უგდებდა, როგორ ვახვახებდნენ და კრიახებდნენ გარეთ, ელკეს გარშემო, იხვები და ქათმები.

ეს მოხდა ზედამხედველთან ჰაუკეს სამსახურის მესამე წელს. ზამთრის ზემის მოწყობას აპირებდნენ. ამ ზემს აქ უწოდებენ „კეგლი ყინულზე“. უქარო ამინდები იდგა და გა-

შედმებულმა ყინვამ არხები კრისტალურ ველად აქცია. ისე რომ დასერილი მიწის ნაკვეთები ახლა ტყვიით გამოვსებულნი ხის ბურთულებისთვის, — რასაც მიზნის მოსახვედრად ხმარობდნენ, — კარგ საგორებელ გზას წარმოადგენდა. ყოველდღე ჰქროდა მსუბუქი ნორდოსტი, ზეიმის დასაწყებად ყველაფერი მზად იყო. შეჯიბრებაში გამოიწვიეს მარშების აღმოსავლეთით მაღლობზე მდებარე სოფელი, რომელმაც წინა წელს გაიმარჯვა. სოფელმა გამოწვევა მიიღო. ორივე მხარემ ცხრა-ცხრა მოთამაშე გამოიყვანა, ამოირჩიეს მამასახლისი და მსაჯები. მსაჯებად, რომლებსაც სადავო საკითხები უნდა გაერჩიათ, ყოველთვის ისეთ ადამიანს ირჩევდნენ, ვისაც ჰქუა ეკითხებოდა. უმეტესად, ესენი იყვნენ ისეთი ახალგაზრდები, რომლებიც საზრიანობის გარდა, ენამოსწრებულნიც უნდა ყოფილიყვნენ ასეთი, პირველ რიგში, ოლე პეტერსი იყო, ზედაშხედველის უფროსი მოჯამაგირე.

— თქვენ ქაჯებივით იმუშავეთ, ქაქანი კი ჩემზე იყოს, — დააიბედა ოლემ მოთამაშენი.

დადგა ზეიმის წინა საღამო. მაღლობზე ეკლესიასთან წამომდგარ სამიკიტნოს უკანა ოთახში რამდენიმე მოთამაშე შეიკრიბა დაგვიანებით მოსული მონაწილეების დასამტკიცებლად. ჰაუკე ჰაინიცი მათ შორის იყო. თუმცა ნავარჯიშევი მკლავების იმედი კი ჰქონდა, მაგრამ ერთი ხახობა შეჯიბრებაში მონაწილეობა არ უნდოდა. ფიქრობდა, ვაითუ ოლე პეტერსმა, რომელმაც ერთ-ერთი საპატიო ადგილი შოიპოვა, შეჯიბრებაში მონაწილეობაზე უარი მითხრასო, და არ უნდოდა თავი დაემცირებინა. მაგრამ შეჯიბრების დაწყებამდე ცოტა ადრე აზრი ელკემ შეუცვალა:

— ამას პეტერსი ვერ გაბედავს, ჰაუკე, — მიმართა გოგო-

ნამ. — ის დღიური მუშის შვილია, მამაშენს კი ძროხაცა ჰყავს და ცხენიც და, ამას გარდა, სოფელში ჰქვიათ კაცადაც მიაჩნიათ.

— მაგრამ, მაინც რომ უარი მითხრას?

შავი თვალები ელკემ ღიმილით შეავლო ვაქს:

— მაშინ დაე, საღამოთი, ცეკვები რომ გაიმართება, თუ თავისი უფროსის ქალიშვილთან ცეკვას მოინდომებს, შორიდან ყლაპოს ნერწყვი.

ახლა კი ჰაუკემ თამამად დაუქნია თავი ელკეს.

ჰოდა, ყმაწვილები, რომლებმაც დაგვიანებით შონდომეს შეჯიბრებაში მონაწილეობა, იდგნენ ახლა ეკლესიასთან მიღებული ფუნდუკის წინ, იყინებოდნენ, ფეხებს ატყაპუნებდნენ და კლდის ქვისაგან ნაგები სამრეკლოს წვეტს შეჰყურებდნენ. პასტორის მტრედები, ზაფხულში რომ სოფლის მინდვრებზე იკვებებოდნენ, ეს-ეს იყო მობრუნებულიყვნენ გლეხების ეზო-ბელლებიდან, სადაც იმჟამად საკენკს შოულობდნენ და სამრეკლოს სახურავქვეშ იბუდებდნენ. დასავლეთით ზღვისა და ცის დასალიერი დაისს გაებრწყინებინა.

— ხვალ უღრუბლო დღე იქნება, სიცივე კი მოუკერს, — თქვა ერთ-ერთმა ახალგაზრდამ და გაცხარებით წინ და უკან სიარულს შეუდგა.

მეორე ახალგაზრდა, რაკი დაინახა, რომ მტრედები აღარ დაფარფატებდნენ, ფუნდუკში შევიდა და ყური ოთახის კარს მიადო, საიდანაც გაცხარებული კამათი ისმოდა. მალე მასთან ჩებირის ზედამხედველის უმცროსი მოჯამაგირე მივიდა.

— გესმის, ჰაუკე? ეს შენს გამო დავობენ ასე, — უთხრა ახალგაზრდამ ჰაუკეს.

შიგნიდან მკაფიოდ მოისმა ოლე პეტერსის გაბზარული ხმა:

— ამ შეჯიბრებაში უმცროსი მოჯამაგირეები და ბიკბუქები არ უნდა გავურიოთ!

— აქ მო, ჰაუკე, — გადაუჩურჩულა ყმაწვილმა მას და ქუროთუკის სახელღზე მოსწია, — ნახე, რა ფასს გადადებ!

ჰაუკემ ხელი გამოგლიჯა, გარეთ გაიწია და ყმაწვილს შემოსძახა:

— მაგიტომ ჩაგიკეტეს კარი, რომ გარედან ვუსმინოთ?!

გუნდში ჩასარიცხი მესამე კაცი გარეთ, სახლის წინ იცდიდა.

— ვშიშობ, ჩემი საკითხი გაჯანჯლდება, — უთხრა მან ჰაუკეს, — ჯერ თვრამეტისაც არა ვარ. ნეტავი ნათლობის მოწმობა მაინც არ მომძხოვონ! შენ კი ეგ უფროსი მოჯამაგირე მოგიხერხებს რალაცას!

— ჰო, მომიხერხებს, მაგრამ სახეიროს არაფერს, — ჩაიბუზღუნა ჰაუკემ და კენჭს ფეხი გაჰკრა.

ფუნდლუკში კამათი თანდათან გაცხარდა, მერე ერთბაშად სიჩუმე ჩამოვარდა. გარეთ მყოფ ბიკბებს ახლა სამრეკლოზე ნორდოსტის ნელი ზუზუნი შემოესმათ.

— ნეტა ვისზე მსჯელობენ? — იკითხა თვრამეტი წლისამ.

— აი მაგაზე, — თქვა მეორე ყმაწვილმა და ჰაუკეზე უჩვენა. — ოლე პეტერსს იგი ბიკუკელად სურდა მონათლა, მაგრამ ყველა აუყვირდა. იეს ჰანსენმა უთხრა, მამამისს საქონელიც ჰყავს და მიწაც აქვსო. „მერე და რა მიწა, ათიოდე ურმით გაიტან!“ — მიუგო ოლე პეტერსმა. „მერე ოლე ჰენსენმა გაცხარებით დაიყვირა: „აბა, სიჩუმე! ჰკუთის სასწავლს მე გეტყვით: თქვით, ვინ არის ჩვენს სოფელში პირველი კაცი?“

ყველა გაჩუმდა. თითქოს ფიქრობდნენ, მართლაც ვიხ არისო. მერე ერთმა წამოიძახა: „ვინ არის და ჯებირების ზედამხედველი?“ ამას სხვებიც შეუერთდნენ: „ჯებირების ზედამხედველი!“ — „მერე და სინამდვილეში ზედამხედველი ვიხ არის?“ კვლავ წამოიყვირა ოლე ჰენსენმა, „ოლონდ, იცოდეთ, დაფიქრდით და ისე თქვით“. მაშინ კი ერთმა ჩუმად ჩაიციინა, იმას მეორე აჰყვა, მერე კი მთელი ოთახი ახარხარდა. „ჰოდა, ადგილთ და იმას დაუძახეთ!“ თქვა ოლე ჰენსენმა, „თქვენ, რა, მართლა მისი გარეთ გაგდება ხომ არ ისურვეთ?“ მგონი, ახლაც ხარხარებენ. ოლე პეტერსს კი ხმა აღარ ამოუღია, — დაასრულა კაბუკმა სათქმელი.

თითქმის იმავე წუთას ოთახის კარი აჩქარებოთ გამოაღეს და ცივ ღამეში მხიარულად გამოსძახეს:

— ჰაუკე! ჰაუკე ჰაიენ!

ჰაუკე ოთახში შევიარდა და ბოლოს ვეღარ გაიგო, ვინ იყო სინამდვილეში ჯებირების ზედამხედველი. არც სხვებს გაუგიათ, თუ რა ფიქრი აწვალებდა მაშინ ჰაუკეს.

...როცა რამდენიმე ხნის შემდეგ იგი თავისი უფროსის სახლს მიუახლოვდა, ქვემოთ, ალაყაფის კართან ელკეს მოკრა თვალი. მთვარის სხივებს თეთრად გაებრწყინებინა რთვილდადებული თვალშეუდგამი ველები.

— შენა ხარ? — მიმართა მას ჰაუკემ.

გოგონამ თავი დაუქნია და მოუთმენლად ჰკითხა:

— როგორ არის საქმე? უარის თქმა ხომ არ გაბედა პეტერსმა?

— რა დაუშლიდა?

— მერე, რა მოიგო? /

— არც არაფერი, ნება მომცეს, ხვალ ბედი ვცადო.

— ღამე ნებისა, ჰაუკე! — მიაძახა ელკემ, ფერდობი მარჯვდ აირბინა და სახლში შეიმალა.

ვაჟი ნელა მიჰყვა მას.

ჩაშუადღევს აღმოსავლეთით, ჯებირის გაყოლებით, ვრცელ ველზე შეამჩნევდით თავშეყრილ ხალხს, რომელიც ხან უძრავად გაჩერდებოდა, ხანაც — როცა იქიდან ხის ორი ბურთი ამოვარდებოდა და ამეამად უკვე მზის მიერ რთვილისაგან განთავისუფლებულ მიწაზე გაგორდებოდა, — ნელ-ნელა შორდებოდა ზურგსუკან მოქცეულ გრძელ, დაბალ სახლებს. ესენი იყვნენ შეჯიბრების მონაწილენი, რომლებსაც გარს შემოხვეოდა ამ სახლებისა თუ მაღალ ნაპირზე მცხოვრები მოხუცი და ახალგაზრდა. გრძელ ხიფთანებში გამოწყობილი ხანდაზმული მამაკაცები დაფიქრებულნი აბოლებდნენ მოკლე-მოკლე ჩიბუხებს, თავშლებსა და ქურთუკებში გამოხვეულ დედაკაცებს კი ბავშვები ხელში აყვანილი მოჰყავდათ. საღამოს მზის უღონო სხივებს გაებრწყინებინა რუბებში ჩაყინული შალათას წვეროკინები. ახლა თანდათან უფრო ხშირად უხდებოდათ მოთამაშეებს ამ გაყინული რუების გადალახვა. გვირინად ყინავდა, მაგრამ შეჯიბრება შეუმჩნევლად გრძელდებოდა და მაყურებელთა თვალის მხოლოდ აქეთ-იქით მონავარდებურთებს შესცქეროდა, რადგან დღეს სოფლის სახელი ამ ბურთებზე იყო დამოკიდებული. ადგილობრივი გუნდის მსახს — თეთრი, მაღლოზე მცხოვრებთა გუნდს კი შავი ჯოხი ეჭირა, რომელთა თავზეც რკინის წვეტი წამოეცვათ. სადაც გასროლილი ბურთი შეჩერდებოდა, გაყინულ მიწაში ამ ჯოხს დაასობდნენ. ვისი ბურთიც მიზანს პირველი მიაღწევდა, მოგებულს იც გუნდი იყო. მოწინააღმდეგენი ამ ამბავს ხან ჩუმად

მოწონებით ხვდებოდნენ, ხანაც დამცინავე ხარხარით.

მაყურებელი ცოტას ლაპარაკობდა. მხოლოდ შაშინ, რაცა ნასროლი განსაკუთრებით მოხდენილი გამოვიდოდა, გაისმოდა ყმაწვილკაცებისა და ქალების შეძახილი, მოხუცებუ პირიდან გამოიღებდნენ ჩიბუხს, მარჯვე ბიქს მხარზე დაარტყამდნენ და ორიოდ სიტყვით წააქეზებდნენ: „აი სროლაც, ამას ჰქვია,“ — თქვა ზაქარიამ და ცოლს ფანჯრიდან გადაუძახა. ანდა: „მამაშენიც ასე ისროდა, ღმერთმა აცხონოს იმ ქვეყანაში!“ ან რაღაც ამის მაგვარს ეტყოდნენ.

ბურთის პირველი გატყორცნა ჰაუკეს არ გამოუვიდა: იმ იყო ბურთის გასასროლად ხელი უკან წაიღო, რომ მზემ ღრუბელი გადაიყარა და ჩახჩახა სხივებმა მას თვალი მოჰკრა. ნასროლი მოკლე გამოვიდა, ბურთი რუზე დაეცა და ყინულში ჩარჩა.

— ეგ არ ითვლება, არ ითვლება! კიდევ სინჯე, ჰაუკე! — აყვირდნენ მისი გუნდელები.

მაგრამ ზემოურების მსაჯი ვაჯიუტდა:

— როგორ არ ითვლება! ნასროლი ნასროლია!

— ოლე! ოლე პეტერს! -- აგნიასდა გარშემო ახალგაზრდობა.

— სად არის ოლე? სად დაიკარგა, ეშმაკმა დალანგროს?

მაგრამ ოლე უკვე იქ იყო.

— რა გადრიალებთ! ახალ ხელებს მე ხომ არ გამოვბაძე ჰაუკეს? აკი ვამბობდი, ასე იქნება-მეთქი.

— რას ამბობ: ერთხელაც უნდა ისროლოს! შენ გიჯობს! ის გვიჩვენო, როგორი ლაყბობა შეგიძლია.

— ლაყბობა როგორ არ შემიძლია! — შესძახა ოლემ, ზემოურების მსაჯს მიეჭრა და ატყდა უთავბოლო გალიძატია.

მაგრამ ლაპარაკში არც ერთი კვიმატი და მახვილი სიტყვა არ გამოუჩნდია, როგორც სხვა დროს იცოდა. იქვე მდგომი გადამხულწარბებიანი ქალიშვილი ოლეს გაბრაზებით შეჰყურებდა, თვითონ კი ვერაფერი ეთქვა, რადგან შეჭიბრების განსჯაში ქალებს სიტყვის უფლება არ ეძლეოდათ.

— სისულელეს როშავ! — შესძახა ოლეს მეორე მსაჯმა. — თავში ტვინი აღარ შეგრჩა. მზე, მთვარე და ვარსკვლავები სულ მუდამ ცაშია და ყველასათვის თანაბრად ანათებს. ხასროლი იყო ცუდი, სათვალავში ესეც ითვლება.

ასე იკინკლავეს მსაჯებმა კიდევ ცოტა ხანს. ბოლოს კი მთავარმა მსაჯმა ჰაუკეს ბურთის განმეორებით ტყორცნის ნება არ მისცა.

— წინ! — შესძახეს ზემოურებმა, მათმა მსაჯმა მიწიდან შავი ჯოხი ამოაძრო და ამ ადგილზე მომდევნო მოთამაშეს მიუხზო, რომელმაც ბურთი წინ გაისროლა. ჯებირის ზედამხედველის უფროს მოჯამაგირეს უნდოდა გასროლილი ბურთისთვის თვალი გაეყოლებინა და ელკე ფოლკერტის წინ გაიარა.

— ვისი ხატრით დაგრჩა დღეს ტვინი სახლში? — ჩურჩულით უთხრა ელკემ ოლე პეტერსს.

ოლემ გაბრაზებით შეავლო გოგონას თვალი და ფართო სახეზე კვიმატი იერი ჩამოერეცხა.

— შენი ხატრით! — მიახალა მან, — რადგან იგი აღარც შენ შეგრჩენია.

— წადი, წადი, ვიცი, რა შვილიც ხარ, ოლე პეტერს! — ვალში არ დარჩა გოგონა და მხრებში ამაყად გასწორდა და ისეთი სახე მიიღო, ვითომ აქ არაფერიაო.

შეჭიბრება გაგრძელდა და შავი და თეთრი ჯოხები ხან აქ

დაესობოდა, ხან იქ. როცა ისევ ჰაუკეს ჯერი მოვიდა, მან ბურთი ისე შორს გაისროლა, რომ მიზანი — კირით შეთეთრებული კასრი — ყველამ მკაფიოდ დაინახა. ამ დროისათვის ის უკვე მაგარი ჭაბუკი იყო, ხოლო ბურთის ტყორცნაში, ისევე როგორც მათემატიკაში, ბავშვობიდანვე ვარჯიშობდა.

— ოჰო, ჰაუკე! — გაისმა ხალხის შეძახილი. — აი, ნანსროლიც ამას ჰქვია, თითქოს თვით მთავარანგელოზ მიხეილს ეტყორცნოს!

ერთი მოსუცი ქალი კალათში ჩალაგებული არყით და ნამცხვრით ხალხში გაძვრა, ჰაუკეს ჭიქა პირამდე აუვსო, მიაწოდა და უთხრა:

— მოდი შევრიგდეთ. კატების ხოცვას ესა ჯობია!

ჰაუკემ ქალს შეხედა და ტირინ იანსი იცნო.

— მადლობელი ვარ, დეიდა, მაგრამ ვერ დავლევ, — მიუგო მან, ჯიბეში ხელი ჩაიწყო და მოხუცს ახალმოჭრილი მარჯა გაუწოდა.

— აჰა, აილე, ეგ ჭიქაც შენ დალიე. შერიგებით კი შევრიგდეთ.

— სწორი ხარ, ჰაუკე, — მიუგო მოხუცმა და ბიჭის რჩევა დაიჯერა. — სწორი ხარ. ეს ჭიქა ჩემისთანა ბებრისათვის უფრო კარგია.

— იხვები როგორა გყავს? — მიაძახა ჰაუკემ მოხუცს.

მოხუცს უკან არ მიუხედავს, მხოლოდ თავი გაიქნია და მაყურებელთა ყურადღების მისაქცევად ჰაერში ტაშის ცემას შეუდგა.

— ცუდად, ცუდად, ჰაუკე! ნამეტანი ბევრი ვირთხაა მაგ თქვენ რუებში. ღმერთი შემეწევა, სხვა რამ საშუალებით გავიტან თავს.

მოხუცი ხალხში მიიკვლევდა გზას და მათ არაყსა და თაფლის კვერებს სთავაზობდა.

მაღე მზე ჯებირს იქით მიიმალა და ზეცას ახლა ლურჯ-წითელი ათინათი მოეფინა. ხანდახან ცაში შავი ყორნები გადაიფრენდნენ და ერთი წამით მათი ბუმბულიც ოქროსფრად იელვებდა. მოსალამოვდა. აქ კი ხალხის ჯგუფი შორსდარჩენილი ჩაბნელებული სახლებიდან ჯერაც ისევ კასრისკენ მიიწევდა. ერთი მარჯვე ნასროლით უკვე შეიძლებოდა ბურთის იქამდე მიწვდენა. ქვემოურთა რიგი იყო. ჰაუკეს უნდა ესროლა.

კირით შეთეთრებული კასრი კარგად მოჩანდა საღამოს სიბნელეში, რომელიც ჯებირის მხრიდან თანდათან მთელ ველს ეფინებოდა.

— ახლაც ჩვენი გაიმარჯვებს! — წამოიძახა ვილაცამ ქვემოურთაგან.

ბრძოლა ახლა დაძაბული იყო, მარშის მცხოვრებთა გუნდს ზემოურებისათვის სულ ცოტა ათი ფუტით მაინც გაესწრო წინ.

და აი ხალხს გამოეყო ჰაუკეს გამხდარი ფიგურა. ფრიზი-ელისათვის დამახასიათებელ მის გრძელ სახეზე აკიაფებული ნაცრისფერი თვალები თეთრ კასრს მიშტერებოდა. დაბლა დაშვებულ ხელში ბურთი ეჭირა.

— ეგ ფრინველი ნამეტანი დიდი მოგივა! — ზედ მის ყურთან გაისმა ამ დროს ოლე პეტერსის ჩახრინწული ხმა, — იქნებ ბელურას დასჯერებოდი?

ჰაუკე მისკენ შებრუნდა, თვალი გამსჭვალავად შეავლო და მიუგო:

— მე ჩვენი მარშისათვის ვსტყორცნი, შენ კი ვის მხარეზე ხარ?

— სწორედ მათ მხარეზე, შენ კი ელკე ფოლკერსტისათვის ტყორცნი!

— აბა, განი! — შესძახა ჰაუკემ და სასროლად მოემზადა.

მაგრამ ოლემ თავი კიდევ უფრო ახლოს მიუტანა. უცებ, ჰაუკემ გონზე მოსვლაც ვერ მოასწრო, ვილაცის ხელმა აბეზარი უკან ისე მოისროლა, რომ ოლე თავის ახარხარებულ ამხანაგებს მიახალა. ეს მძლავრ ხელს არ უქნია: როცა ჰაუკემ ერთი წამით თავი შეაბრუნა, დანახა, რომ გვერდით მდგომ ელკე ფოლკერსტს აწითლებულ სახეზე შავი წარბები კუშტად შეეყარა და სახელოებს ისწორებდა.

თითქოს ფოლადი ჩაეღვარა ჰაუკეს მკლავებში, ცოტა დაიხარა, რამდენიმეჯერ ბირთვი ხელში შეათამაშა და გასტყორცნა. ორივე მხარე გაისუსა. მაყურებელთა თვალები ბირთვის გაპყვა, რომელიც ჰაერს წუილით მიაპობდა.

ბირთვი უკვე კარგა მანძილით იყო დაცილებული, რომ იგი დაფარა ვერცხლისფერმა ფრთებმა თოლიისა, რომელიც ჯებირის მხრიდან ჩხავეილრთ მოფრინავდა. მაშინვე შორიდან ბირთვის კასრზე დაცემის ხმაც მოისმა.

— ვაშა ჰაუკეს! — შესძახეს მარშელებმა და მთელი ხალხი ახმაურდა. — ჰაუკეს! ჰაუკე ჰაიენმა მოიგო შეჯიბრება!

ჰაუკეს კი, რომელსაც ხალხი ირგვლივ შემოხვეოდა, გვერდით მდგომი გოგონას ხელი ჩაეჭირა. მაგრამ რაკილა ხალხი ისევ ყვიროდა: „რას დგახარ, ჰაუკე? ბირთვი ხომ შიგ კასრში ჩავარდა!“, ჰაუკემ მხოლოდ თავი დაიქნია და ადგილიდან მაინც არ დაძრულა. და როცა პატარა ხელის საპასუხო მოქერა იგრძნო, თქვა:

— მგონი, მართლები ხართ, ალბათ, მართლა მე მოვიგე!

მერე მთელმა ხალხმა უკან დაიხია, ელკა და ჰაუკე ერთმანა-

ნეთს დააცილეს და იმ გზაზე გაიტაცეს, რომელიც ჯებირის ზედამხედველის სახლის გვერდით გადიოდა და ზეგანზე ფუნდუქისაკენ მიიმართებოდა. აქ კი ორივემ ხალხში ჯგლეფს დააღწია თავი. ელკე თავის სენაკში შევიდა, ხოლო ჰაუკე ბოსლის კართან აიტუზა და თვალი ხალხს გაადევნა, რომელიც ზემოთ, ეკლესიასთან მდებარე ფუნდუქისაკენ მიემართებოდა. აქ დარბაზი უკვე საცეკვაოდ დაეცალათ.

სიბნელე თანდათან მთელ მიდამოს მოეფინა. ჰაუკეს ირგვლივ მდუმარებამ დაისადგურა, მხოლოდ ბოსლიდანღა მოისმა პირუტყვის ბრაგუნის და ქშენის ხმა. ზოგჯერ ზემოდან, ფუნდუქის მხრიდანაც მოისმა კლარნეტების ხმა. უცხად ჰაუკეს სახლის კუთხიდან კაბის შრიალი შემოესმა და ვიღაცის პატარა, მტკიცე ფეხები ბექობზე ამომავალ ბილიკს დაადგა. მალე სიბნელეში ფუნდუქისკენ მიმავალი ელკე დაინახა, ეტყობოდა, ისიც საცეკვაოდ მიდიოდა. გული ყელში მოეხჩინა ჰაუკეს. ხომ არ დაეწიოს და თან წაჰყვეს? მაგრამ არა, ჰაუკემ არ იცის, ქალებს თავი რით მოაწონოს. ჩაფიქრებული ადგილზე დარჩა, სანამ გოგონას ფიგურა სიბნელეში არ ჩაიკარგა. და მერედა, როცა უკვე აღარ შეიძლებოდა ელკეს დასწიოდა, ისიც იმავე გზას დაადგა და მალე ფუნდუქს მიაღწია. შენობიდან გამომავალმა ყვირილმა და ყაყანმა, ვიოლინოების წრიპინმა და კლარნეტების წივილმა გააყრუა ჰაუკე. უჩუმრად შეიპარა ამქართა დარბაზში. პატარა დარბაზი ისე გაქმდილიყო, ნემსი არ ჩავარდებოდა. მდუმარედ აეყუდა კარის წირთხლს და მოფუსფუსე ხალხს მოავლო თვალი. ტაკიმასხვარებად წარმოუდგა ისინი. იმის ფიქრი, ყურადღება არ მივიქციო, როგორც ამ საღამოს შეჯიბრებაზე გამარჯვებულმარ, არ უნდა ჰქონოდა, — ყველა თავის გოგონას შეჰყურებდა

და მასთან ერთად უვლიდა დარბაზს გარშემო. ჰაუკეს მზე-
რა ერთს ეძებდა და აჰა, მიაგნო კიდეც. იგი ცეკვავდა ბიძა-
შვილთან ერთად, ჯებირის საბჭოს ახალგაზრდა ნდობით აღ-
ჭურვილთან. მერე უკვე მარშელები და ზემოურთა გოგონე-
ბებმა ჩამოიარეს. მათთან ჰაუკეს არაფერი ესაქმებოდა.
უცებ ვიოლინოები და კლარნეტები დადუმდნენ, ცეკვა დამ-
თავრდა. მალე ისევ სხვა ცეკვა დაიწყო. ჰაუკეს თავში ფიქრ-
მა გაუელვა — შეასრულებს თუ არა ელკე სიტყვას და მარ-
თლა თუ იტყვის უარს ოლე პეტერსთან ცეკვაზეო. მასთან
რომ იცეკვოს? მაშინ... რა, მაშინ? ამის გაფიქრებაზე კინა-
ლამ წამოიყვირა. მაგრამ ამ ცეკვაში მას მონაწილეობა სულ-
აც არ მიუღია; მალე ეს ცეკვაც დასრულდა და დაიწყეს ახა-
ლი, ორტაქტიანი ვალსი, რომელიც ამჟამად მეტად მოღუ-
რი გამხდარიყო, საკრავები განელებით ააჭყვივლეს, ბიჭები
შმაგად მივარდნენ გოგონებს, კედლებზე დამაგრებულმა სან-
თლებმა ტორტმანი იწყეს. ჰაუკემ ლამის კისრის ძარღვები
დაიწყვიტა, რომ მოცეკვავენი დაენახა. აი ოლე პეტერსიც,
მესამე წყვილში ცეკვავს. მაგრამ ვისთან ცეკვავს? გოგონას და-
ნახვას ფართო მხარბეჭიანი ყმაწვილი უშლიდა. მაგრამ ცეკ-
ვამ ხელახალი ძალით იფეთქა და ოლე და მისი მეწყვილე მის-
კენ მიბრუნდნენ. „ვოლინა, ვოლინა ჰარდერსი!“ ლამის ხმამაღ-
ლა წამოიყვირა ჰაუკემ და შვებით ამოისუნთქა. ელკე სადღაა?
ნუთუ მეწყვილე არ ჰყავდა, ან იქნებ ყველას უარი უთხრა იმი-
ტომ, რომ ოლესთან ცეკვა არ უნდოდა?.. მუსიკა წამით შეჩერ-
და და ისევ ახალი საცეკვაო დაუკრა. ელკე მაინც არ ჩანდა.
ისევ გამოჩნდა ოლე, ისევ ვოლინასთან ერთად. „მალე დაემ-
შვიდობება იეს ჰარდერსი თავის ოცდახუთ დემატ მარშის მუ-

წას და მოხუცის წილს დასჯერდება. მაგრამ ეს ელკე სად დაიკარგა?“ ფიქრობდა ჰაუკე.

იგი კარის წირთხლს მოსცილდა, ხალხით გაქედილი დარბაზი გაიარა და უცბად უფროს მეგობარ გოგონასთან ერთად კუთხეში მიმჯდარ ელკეს წაადგა თავს.

— ჰაუკე, შენც აქა ხარ? — შესძახა ელკემ და თხელი პირისახე მისკენ მიაბრუნა. — მე კი შენი ცეკვა არ მინახავს.

— არც მიცეკვია, — მიუგო ჰაუკემ.

— რატომ, ჰაუკე? — ელკე ოღნავ წამოიწია და ისე დაუმატა: — ჩემთან ხომ არ იცეკვებდი? ოლე პეტერსთან არ მინდოდა. ის ხელს აღარც შემთავაზებს.

სალაპარაკოდ დიდხანს არ შემზადებულა, ჰაუკემ ისე დაიწყო:

— გმადლობ, ელკე. მაინცდამაინც არ მეხერხება, ვაი თუ დაგცინონ და მერე... — უცებ იყუჩა ვაჟმა და ელკეს ისე გულწრფელად შეანათა ნაცრისფერი თვალები, თითქოს დანარჩენის გამოთქმა მათ დააეალაო.

— რა გინდოდა, გეთქვა, ჰაუკე? — ხმადაბლა ჰკითხა ელკემ.

— ასე მგონია, ასეთი მშვენიერი დღე ჩემს სიცოცხლეში არ გამთენებია-მეთქი.

— რასაკვირველია, — მიუგო გოგონამ. — დღეს ხომ შეჯიბრება შენ მოიგე.

— ელკე! — ძლივს გასაგონად წარმოთქვა ვაჟმა.

გოგონას სახეზე აღმური მოედო.

— წადი! რა გინდა? — მიუგო ვაჟს და თვალები ძირს დახარა.

უცბად ვიღაც ვაჟმა ჩამოიჭროლა და ელკეს მეგობარი გოგონა საცეკვაოდ გაიტაცა: ჰაუკემ იღროვა და ხმამაღლა თქვა:

— მე კი მეგონა, ელკე, უფრო უკეთესი რამ მოვიგე-მეთ-
ქი.

კიდევ რამდენსამე წუთს ჩასჩერებოდა ელკე იატაკს, თითქოს იქ რამეს ეძებო. მერე ნელა-ნელა ზემოთ აიხედა და ნაზად შეხედა ვაჟს, რომელსაც გოგონას გამოხედვისას თითქოს ზაფხულის სითბომ გადაუარაო.

— ისე მოიქეც, ჰაუკე, როგორც გულმა გიკარნახოს, — წარმოთქვა ელკემ. — უკვე დროა, ერთმანეთს ვიცნობდეთ.

ამ საღამოს ელკეს აღარ უცეკვია და სახლისაკენ გზას ხელიხელჩაკიდებულები დაუყვინენ. დადუმებულ მარშის მიწებს მალა ციდან ვარსკვლავები უფახულებდნენ თვალს, გაჯავრებული იკბინებოდა აღმოსავლეთით მონაბერი უწყალო ყინვა, ესენი კი, თითქოს უცბად გაზაფხული დამდგარაო, გულგაღელილნი მიაბიჯებდნენ.

ჰაუკემ ერთი საქმე ჩაიფიქრა, რომლის ასრულების დრო, თუმცა გარკვეული იყო, მაგრამ მის მომზადებას მაინც ჩუმი სიხარულით შეუდგა. სწორედ ამიტომ წავიდა მეორე კვირას ქალაქში ძველ ოქრომჭედელ ანდერსენთან და მსხვილი ბეჭედი შეუკვეთა.

— მომეცი ხელი, ზომა აგიღო! — მიმართა ოსტატმა და არათითზე წასწვდა, — არც ისეთი მსხვილია, როგორც ჩვენებურ ბიჭებს აქვთ ხოლმე. — ჰაუკემ მას ნეკი გაუშვირა და უთხრა:

— ჯობს ამ თითზე აიღო ზომა.

ოქრომჭედელმა გაოცებით შეხედა ჰაუკეს. მაგრამ რა იმის საქმე იყო, რას ფიქრობდა ახალგაზრდა გლეხის ბიჭი?

— ასეთი ქალიშვილებისათვის გაკეთებულ ბეჭდებში

მეჩნება! — თქვა ოსტატმა და ჰაუკეს ლაწევებზე ცეცხლი მოედო.

სარგო ბეჭედი მალე აღმოაჩინეს, ჰაუკემ იგი აჩქარებით გამოართვა, საფასური სუფთა ვერცხლით გადაუხადა და სერთუკის ჯიბეში ისეთი გულისძგერით ჩაიდო, თითქოს რაღაც საზეიმო წესი შეასრულაო, ამის შემდეგ ბეჭედს ისეთი მღელღარებითა და სიამაყით დაატარებდა ჯიბით, თითქოს ჰაუკეს მოწოდება მხოლოდ მისი შენახვა ყოფილიყოს.

მრავალი დღე და წელი ედო ჯიბეში ბეჭედი. ერთხელ სერთუკის გამოცვლამაც მოუწია. ტყვეობიდან თავის დახსნის შემთხვევა ბეჭედს ჯერ არ მისცემოდა. რამდენჯერმე ჰაუკეს აზრად მოუვიდა, მივალ და ჩემს ბატონს ყველაფერს პირდაპირ ვეტყვიო — მამამისიც ზომ ადგილობრივი მკვიდრი იყო! მაგრამ, როცა მშვიდად დაფიქრდებოდა, გრძნობდა, რომ ამაზე ბატონი უმცროს მოჯამაგირეს მხოლოდ დასცინებდა. ასე ცხოვრობდნენ ისინი ერთმანეთის გვერდით — ზედამხედველის ქალიშვილი და ჰაუკე. ელკესაც ქალიშვილური მოკრძალება ნებას არ აძლევდა, რამე ეთქვა, მაგრამ ორივეს მაინც ისეთი გრძნობა ჰქონდა, თითქოს ერთმანეთს ეკუთვნოდნენ და ცხოვრებაში ფეხშეწყობილად მიდიოდნენ.

ზამთრის ზეიმიდან ერთი წლის შემდეგ ოლე პეტერსმა ზედამხედველთან მოჯამაგირეობას თავი დაანება და ვოლინა ჰარდერსზე იქორწინა. მართალი გამოდგა ჰაუკე: მოხუც ჰარდერსს მართლაც ბებრული ხვედრი ერგო და ახლა მსუქანი ქალიშვილის ნაცვლად მის ყვითელ ფაშატს მარშის ზიწვებზე მხიარული სიძეკაცი დააგელვებდა და, როგორც ხალხში ხმები დადიოდა, ჯებირისკენ პირი აღარასოდეს უქნია.

ჰაუკე უფროსი მოჯამაგირე გახდა, მის ადგილზე კი სხვა

აიყვანეს. ზედამხედველს ერთი ხანობა არ უნდოდა, ჰაუკე დაეწინაურებინა.

— ჯობს, უმცროს მოჯამაგირედვე დარჩეს, — ბუზლუნებდა ზედამხედველი. — დავთრების საწარმოებლად უფრო მჭირდება.

მაგრამ ელკემ უსაყვედურა:

— მაშინ ეგეც გავვექცევა, მამა.

მოხუცს შეეშინდა და ჰაუკე უფროსი მოჯამაგირე გახდა: თუმცა ზედამხედველს წინანდებურად შეელოდა მთელი საქმის წარმოებაში.

კიდევ ერთი წელი რომ გავიდა, ჰაუკემ ელკესთან რამდენჯერმე დაიჩივლა, მამაჩემი მეტად დანაღვლიანებულია, ის ორიოდ დღე უფროსმა შინ რომ გამიშვა, ჩვენი მეურნეობის მოწესრიგებას არ ეყო, მოხუცი იტანჯება და ამის ატანა აღარ შეუძლიაო.

ზაფხულის საღამო იყო. ორივენი სახლის წინ დიდი კობიტის ქვეშ იდგნენ. გოგონამ რამდენიმე ხანს ჩუმად ათვალიერა ხის ტოტები, შემდეგ თქვა:

— მე არ მინდოდა, ჰაუკე, ამის თქმა. მეგონა, შენ თვითონ მიხვდებოდი, საქმე უკეთ როგორ აგეწყო.

— მაშინ აქედან უნდა წავიდე, — ჩაფიქრებით თქვა ჰაუკემ, — და ველარც დავბრუნდები.

ერთხანს ორივემ იყუჩა, დაისს შესცქეროდნენ, რომელიც ჯებირის იქით თანდათან ზღვაში იძირებოდა.

— აი, რა მინდა გითხრა, — წამოიწყო ელკემ ისევ. — დღეს დილას მამაშენთან შევიარე. მას სავარძელში მისძინებოდა. ხელში ხაზკალამი შერჩენოდა, წინ კი, მაგიდაზე სახაზავი დაფა და დაუმთავრებელი ნახაზი ედო. მერე გაიღვიძა

და თხუთმეტიოდე წუთს გაჭირვებით მესაუბრა. წამოსვლა რომ დავაპირე, ისე შეშინებულმა ჩამჭიდა ხელი, თითქოს უკან-ასკნელად მხედავსო. მაგრამ...

— მაგრამ რა, ელკე?— ჩაეკითხა ჰაუკე, რადგან გოგონა ჰოკმანობდა, თხრობა განვაგრძო თუ არაო.

ელკეს ლაწევებზე ცრემლები ჩამოუგორდა, მაგრამ სათქმელი ისევ განაგრძო:

— მამაჩემის მდგომარეობა მათეჟრებს. დამერწმუნე, უშენოდ. მას ძალიან გაუჭირდება.— და თითქოს საკუთარი თავის გამხნევება უნდაო, დაუმატა:— ხშირად ასე მგონია, რომ იგიც მალე წავა ჩვენგან.

ჰაუკეს ხმა არ ამოუღია. უცბად ისე მოეჩვენა, თითქოს ჯიბეში ბეჭედი შეირხა. მაგრამ სანამ იგი ამ უნებურ აღელვებას დათრგუნავდა, ელკემ ისევ განაგრძო.

— ნუ გამიჯავრდები, ჰაუკე! მჯერა, რომ არც მაშინ მიგვატოვებ!

ვაჟმა აჩქარებით მოჰკიდა ხელი ქალიშვილის ხელს, ელკემ არ გასძალღებია: ჩამომდგარ სიბნელეში კიდევ რამდენსამე ხანს იდგნენ ისინი ასე, მერე ხელი ხელს გაუშვეს და თავთავიანთი გზით წავიდნენ. ერთბაშად ქარმა დაუბერა და კოპიტის ფოთლები ააშრიალა, აახშიანა ფანჯრებზე გარედან მორგებული დარაბები, მერე კი თანდათან ღამე ჩამოდგა და თვალუწვდენელ კლდეზე სიჩუმემ დაისადგურა.

თუმცა მოხუცი ზედამხედველი ჰაუკეს დროზე არ გაუფრთხილებია, მაგრამ ელკეს დახმარებით ვაჟი სამუშაოდან მაინც გაათავისუფლეს და ახლა სახლში ორი ახალი მოჯამაგირე იყო.

რამდენიმე თვის შემდეგ ტელე ჰაიენმა სული განუტევა-
სიკვდილამდე ვაჟიშვილს მოუხმო:

— აქმო. ჩემო ბიჭო,—სუსტი ხმით მიმართა მან,—ახლოს
დამიჯექი! ნუ შეგეშინდება შავი ანგელოზისა, რომელიც მამა-
ზეციერმა წასაყვანად გამომიგზავნა.

გულშეძრული ვაჟი კედელთან მიდგმულ მამის საწოლზე
ჩამოჯდა.

— მითხარი, მამა, რაც დაგრჩა სათქმელი.

— ჰო, კიდევ დამრჩა სათქმელი,— მიუგო მან და ხელები
საბანზე გაკიმა.—როცა შენ ჯერ კიდევ სანახევროდ მოუმწი-
ფებელი ჭაბუკი ზედამხედველს დაუდექი მოჯამაგირედ, ის
განზრახვა გქონდა, რომ როდისმე შენც ზედამხედველი გამ-
ხდარიყავი. ეს განზრახვა მეც მომეწონა და თანდათან იმ აზ-
რამდე მივედი, რომ საამსაქმოდ შენ შესაფერი ხარ. მაგრამ
შენი ქონება ამ თანამდებობის მისაღებად ძალზე მცირე იყო.
ამიტომ, სანამ შენ მასთან მოჯამაგირეობდი, მე კაპიკს კაპიკ-
ზე ვადებდი და სულ იმას ვფიქრობდი, ფული როგორ მიმე-
მატებინა.

ჰაუკე გაცხარებით წასწვდა მამის ხელს, მოხუცმაც წამო-
წევა მოიწადინა, რომ ვაჟიშვილისათვის უკეთ შეეხედა.

— ჰო, ჰო, ჩემო ბიჭო,—განაგრძო ისევ მოხუცმა.—აი იქ,
კამოდის ზემო უჯრაში არის ქალაღი. შენ იცი, რომ მოხუც
ანტიე ვოლერსს ჰქონდა ხუთნახევარი დემატი მიწა. მაგრამ
დავარდნილი მოხუცი იყო და მარტო ღალით აღარ შეეძლო
თავის გატანა. ამიტომ ყოველწლიურად წმინდა მარტინის
დღეს საბრალო მოხუცს განსაზღვრულ თანხას ვაძლევდი, ხან
კიდევ მეტსაც, როცა ამის საშუალება მქონდა; ამ ფულში კი
მან თავისი მიწა გადმომცა. ეს ყველაფერი სასამართლოს წე-

სით გაფორმებულია. ახლა ისიც სიკვდილის სარეცელზეა მიკრული, ჩვენი მარშების სატანჯველი—კიბო დაუფლებია. გადასახდელი შენ აღარა დაგრჩენია რა.

მოხუცმა მცირე ხნით თვალები მილულა. მერე ისევ ლაპარაკი განაგრძო:

— ეს დიდი არაფერია, მაგრამ აქ რომ დარჩენილიყავ, ესეც არ გექნებოდა. დაე, ცხოვრებაში კარგად მოგეხმაროს!

შვილის მადლობას რომ ისმენდა, მოხუცმა მიიძინა. სადარდებელი აღარაფერი დარჩენოდა. რამდენიმე დღის შემდეგ მამაზეციერის შავმა ანგელოზმა სამუდამოდ დაუხუჭა თვალი და მამის მემკვიდრეობას ჰაუყე დაეპატრონა.

...დასაფლავების მეორე დღეს ჰაუყე ელკემ მოინახულა.

— მადლობელი ვარ, რომ შემოიარე! — სალმის ნაცვლად მიაგება ვაჟმა.

მაგრამ ქალიშვილმა მიუგო:

— კი არ შემოვიარე, იმისათვის მოვედი, აქაურობა ცოტა მოვაწესრიგო, რომ საკუთარ სახლში თავი მყუდროდ იგრძნო. მამაშენი თავის გარშემო მხოლოდ-ნახაზებსა და ციფრებს თუ ამჩნევდა, თანაც სიკვდილსაც არეგ-დარევა შეაქვს ოჯახში. ცოტა დავალაგებ აქაურობას.

— დაალაგე. წესრიგი არც მე მეჯავრება.— მიუგო ჰაუყემ და ელკეს ნდობით შეავლო ნაცრისფერი თვალეები.

ელკე მილაგ-მოლაგებას შეუდგა. სახაზავი დაფა, რომელიც იქვე იდო, გაწმინდა და სხვენზე აიტანა. ხაზკალამი, ფანქრები და ცარცი ფრთხილად ჩაალაგა უჯრაში და ჩაკეტა. შემდეგ ახალგაზრდა მსახურ გოგოს დაუძახა და მისი დახმარებით მთელი ავეჯი ისე მოაწყო, რომ ოთახმა თითქოს მეტი შუქი და ფართობი შეიძინა.

— ასეთი ამბები მარტო ჩვენ შეგვიძლია, ქალებს,—ღიმილით ამბობდა ელკე. თუმცა მამის სიკვდილის გამო ჰაუკე დამწუხრებული იყო, მაინც სიხარულით გასხივოსნებული შეჰყურებდა მას და საჭიროებისას ხელსაც ახმარდა.

როცა მოსაღამოვდა,—იმ დროს სექტემბრის დასაწყისი იყო,— ელკეს უკვე ყველაფერი მოწესრიგებული ჰქონდა. მერე ვაჟს ხელი მოჰკიდა, შავი თვალები შეანათა და უთხრა:

— ახლა კი ჩვენსას ვივანშმოთ. მამაჩემმა პირობა ჩამომართვა, შინ უშენოდ არ მივსულიყავი. მერე კი შენს სახლშიც მშვილად დაბრუნდები.

ახალგაზრდები ჯებირის ზედამხედველის ფართო ოთახში შევიდნენ, დარბები უკვე მოეხურათ და მაგიდაზე სასანთლები აენტოთ. ზედამხედველმა მოინდომა ყოფილ მოჯამაგირეს მიგებებოდა, მაგრამ მძიმე სხეულით სავარძელშივე ჩაეშვა და ჰაუკეს მისალმების ნიშნად შესძახა:

— ბარაქალა, ბარაქალა, ჰაუკე, რაკილა ძველ მეგობარს არ ივიწყებ. აბა ახლოს მოდექი, უფრო ახლოს!—და როცა ჰაუკეც მიუახლოვდა, ფუნჩულა ხელები ჩასჭიდა და ანუგეშა:— არა უშავს რა, შვილო, ყველანი დავიხოცებით, მამაშენი კი სალანძღავ ხალხს არ ეკუთვნოდა... მაგრამ ელკე, შენ რაღას დგახარ, რატომ არ მოიტან შემწვარს მაგიდაზე! ცოტა მოვმაგრდეთ! ბევრი სამუშაო მოგველის, ჰაუკე. შემოდგომის დათვალიერება კარს მოგვედგომია. ჯებირისა და არხების ანგარიშები კი უამრავია. ვესტერის უბანზე ჯებირის ამასწინანდელმა დაზიანებამ სულ ამიბნია თავგზა. შენი თავი კი, მადლობა უფალს, კარგა გვარიანად ახალგაზრდაა ჩემზე. ყოჩაღი ყმაწვილი ხარ, ჰაუკე!

ამ გრძელი სიტყვით მოხუცმა გულში ნადები მთლიანად გამოთქვა, სავარძელში გადაწვა და თვალეზაციმციმებული შეაქქერდა კარში შემოსულ ელკეს, რომელსაც შემწვარი მოჰქონდა, ჰაუკე იქვე იდგა და იღიმებოდა.

— დაჯექი, — მიმართა მას ზედამხედველმა. — დროს ნულარ დავკარგავთ. გაცივდება და გემო წაუვა.

ჰაუკეც დაჯდა. მას სადავოდ არ მიაჩნდა, რომ ელკეს მამას საქმეში უნდა დახმარებოდა.

მერე როცა შემოდგომის დათვალეირება დაიწყო და ამის შემდეგაც, სანამ მთვარე რამდენჯერმე შეიცვლებოდა, საჩქარო საქმის უმეტესი ნაწილი უკვე მომთავრებული ჰქონდა.

მთხრობელი გაჩუმდა და ირგვლივ მიიხედ-მოიხედა. ფანჯრიდან თოლიას ჩხავილი მოისმა, წინკარიდან კი ოთახში ფეხების ტყაპუნის ხმა შემოიჭრა, თითქოს ვილაც ჩექმებიდან ტალახს იშორებდნენ.

ზედამხედველმა და ნდობით აღჭურვილმა პირმა თავი კარისაკენ შეაბრუნეს.

— ვინ არის? — შესძახა ზედამხედველმა.

შემოვიდა ბრვე ვაჟკაცი, რომელსაც თავზე ზიუღვესტერი* მოეგდო.

— ბატონო, — დაიწყო შემოსულმა, — ორივემ, ჰანს ნიკელსმა და მე, დავინახეთ, როგორ გადაეშვა თეთრცხენიანი მხედარი იმ ადგილას, სადაც ჯებირი გადარეცხილია.

— სად დაინახეთ? — ჰკითხა ზედამხედველმა.

— აი იქ, სადაც ძველი ღელვისას გადმოვარდნილი წყალი დგას, იანსენის ნაკვეთთან, ჰაუკე ჰაიენის ჯებირი რომ იწყება.

— მხოლოდ ერთხელ დაინახეთ?

— მხოლოდ ერთხელ. მაშინაც ჩრდილივით გაიქროლა, მაგრამ, ეტყობოდა, იქ პირველად არ გამოჩენილიყო.

ზედამხედველი ფეხზე წამოიჭრა.

— გთხოვთ, მომიტევეთ,—მომმართა მან მე.—საჭიროა ჯე-ბირს მივხედოთ, იქნებ გავიგოთ, საიდან გველის უბედურება.

ზედამხედველი და ამბის მომტანი გავიდნენ. მაგრამ აქ დამსწრენიც წამოიშალნენ და იმათ გაჰყვნენ.

დიდ დაცარიელებულ ოთახში მე და მასწავლებელიღა დავრჩით. უფარდებო ფანჯრებიდან, რომლებსაც ახლა სტუმრები აღარ ეფარებოდნენ, კარგად მოჩანდა, როგორ მიერეკებოდა ქარიშხალი ცაზე ღრუბლებს.

მოხუცი მასწავლებელი ისევ თავის ადგილზე იჯდა; ბაგე-ებზე რაღაც საკუთარი ღირსებისა და თანაგრძნობის გამომ-ხატველი ღიმილი დასთამაშებდა.

— აქაურობა უსიამოდ დაცარიელდა,—მითხრა მან.—ჩემს ოთახში ხომ არ წამოხვიდოდით? აქვე ეცხოვრობ, ამავე სახ-ლში, და დამერწმუნეთ, აქაური ამინდის ამბავიც კარგად ვი-ცი. საფრთხილო ჩვენ არაფერი გვაქვს.

სიამოვნებით დავთანხმდი, რადგან, ცოტა არ იყოს, შემ-ცივდა. სანთელი ავიღეთ და სხვენის კიბეებს აფუყვეით. ოთა-ხის ფანჯრებზე ქარის შესაკავებლად შავი ქეჩა ჩამოეფარე-ბინათ. ერთ-ერთ თაროზე რამდენიმე წიგნი შევამჩნიე, გვერ-დით კი ორი მოხუცი პროფესორის პორტრეტი. მაგიდის წინ მალალსაზურგიანი სკამი იდგა.

— მოხერხებულად დაბრძანდით,—თავაზიანად მომმართა მასპინძელმა და ტორფის ნაჭერი შევადლო პატარა ლუმელში,

სადაც ცეცხლი ძლივსლა ბეუტავდა. ლუმელზე თუნუქის პატარა ქვაბი იდგა.

— ცოტა ხანს მოითმინეთ, მალე ესეც აშიშინდება და თითო ჭიქა გროგს მოვხარშავ, გამოგვაფხიზლებს.

— საჭირო არ არის. სანამ თქვენი ჰაუკეს ამბავს ვისმენ, ძილი არ მომეკიდება,— მივუგე და სკამზე მოხერხებულად დავჯექი.

— ასე გგონიათ?— მასპინძელმა ჭკვიანი თვალები მომაპყრო. — ჰო, სად შეეჩერდით?.. კარგით, კარგით, გამახსენდა. მაშ ასე:— მამისეულ უძრავ-მოძრავს ჰაუკე დაეპატრონა და რადგან მოხუცმა ანტიე ვოლერსმაც თქვენი ჭირი წაიღო მისი ნაკვეთიც ჰაუკეს დარჩა.

მაგრამ მამის სიკვდილის შემდეგ, უფრო სწორად, მამასთან უკანასკნელი საუბრის შემდეგ ჰაუკეს გაუღვივდა ის მისწრაფება, რომლის ჩანასახსაც იგი უკვე ბავშვობიდანვე გულში დაატარებდა. ხშირად ეტყოდა საკუთარ თავს, საზედამხედველო კაცი სწორედ შენ ხარო. განა ასე არ უთხრა მამამისმა, ხოლო მამამისი სოფელში უჭკვიანესი კაცი იყო. მისი ნათქვამი თითქოს დანატოვარი მემკვიდრეობის უკანასკნელი სართი იყო ჰაუკესათვის. ვოლერსისეული მიწის ნაკვეთი, რომელიც აგრეთვე მამის წყალობით მიიღო, უნდა გამხდარიყო ამ სიმაღლის მისალწვე პირველ საფეხურად. მაგრამ, ვისაც ჯებირის ზედამხედველობა სურდა, მისთვის, რასაკვირველია, მარტო ეს არ კმაროდა და სხვა ქონებაც უნდა ჰქონოდა... უკანასკნელი წლები მამამისმა მკაცრ ხელმომჭირნეობაში გაატარა და ამის შედეგს თვითონ იმკიდა. თვითონაც ასე უნდა ჰქნას, თვითონ ხომ უფრო მეტის დაგროვება შეუძლია, რადგან მამამისი მაშინ უკვე დაჩაჩანაკებული იყო, თვითონ კი მრავალ წელს შე-

უძლია დაუღალავად იშრომოს... მართალია, მან ამ მხრივ უკვე წარმატებასაც მიაღწია, მაგრამ იმის გამო, რომ თავისი ძველი ბატონის საქმეებს ახლა იგი საკმაოდ მკაცრად განაგებდა და არავის ინდობდა, სოფელში მეგობარი ვერ შეიძინა. ამას გარდა მისმა ძველმა მეტოქემ ოლე პეტერსმა ცოტა ხნის წინათ მემკვიდრეობა მიიღო და თანდათან მდიდარი კაცის მდგომარეობა მოიპოვა. მრავალი თანასოფლელის სახე წარმოიდგინა გონების თვალთ—ყველა მათგანი ჰაუკეს ბოროტად უმზერდა. მათ მიმართ ჰაუკეც ბრაზით აღივსო, ხელები ისე გაიწვდინა, თითქოს მათ დახრჩობას ლამობსო, რადგან ისინი იმ ადგილის დაკავებაში უშლიდნენ ხელს, რომელიც მისთვის უფრო უარიანი იყო... ასეთი აზრები არ ასვენებდა ჰაუკეს, წარამარა ესტუმრებოდა და მის გულში სიკეთესა და პატიოსნებასთან ერთად პატივმოყვარეობა და სიძულვილიც თანდათან ფეხს იკიდებდა. ამ ორ უკანასკნელ გრძნობას ჰაუკე ღრმად ინახავდა გულში, ისე, რომ ამის თაობაზე თვით ელემაც არაფერი იცოდა.

ახალი წელი რომ დადგა, სოფელში ერთი ქორწილიც გადაიხადეს. საპატარძლო ჰაიენების ნათესავი იყო და ჰაუკეცა და ელკეც სტუმრად დაპატიყეს. ოჯახის რომელიღაც ახლო ნათესავი ქორწილს ვერ დაესწრო და ისე მოხდა, რომ ჰაუკე და ელკე სუფრასთან ერთმანეთის გვერდით მოხვდნენ. ამის გამო მათ სიხარულს მხოლოდ ის ღიმილი ამკლავებდა, დროდადრო რომ გადაუვლიდათ ხოლმე სახეზე. მაგრამ დღეს ელკე აქ გამეფებულ მხიარულებაში მონაწილეობას არ იღებდა, თუმცა ყოველი მხრიდან ლაპარაკი და ჭიქების ჭახუნი ისმოდა.

— რამე ხომ არ გტკივა?—ჰკითხა ჰაუკემ.

— არაფერი. მაგრამ ამდენ ხალხს ვერ ვიტან.

— რაღაც ნაღვლიანად გამოიყურები!

ელკემ მხოლოდ თავი გადააქნია და ისევ იყუჩა.

მისმა სიჩუმემ ჰაუკეს ეჭვი აღუძრა და სუფრის ქვეშ ჩუ მად ხელი დაუჭირა. ელკეს ხელი არ გამოუერთმევია. ვინ იცის, შესაძლოა, იგი ყველასაგან მიტოვებულად გრძნობდა თავს, რადგან მუდამდღე თავისი დაუძლურებული მამის-გაბ და ვერავის ხედავდა; მაგრამ ჰაუკე ამაზე არ ფიქრობდა, როცა ჯიბიდან ბეჭედი ამოიღო.

— ხომ არ წაიძრობ?—სუნთქვაშეკრულმა, ხმის კანკალით ჰკითხა ელკეს, როგორც კი პატარა ხელის არათითზე ბეჭედი გაუკეთა.

სუფრასთან მათ პირისპირ პასტორის ცოლი იჯდა.

უცხად მან ჩანგალი გვერდზე გადასდო და მეზობელს მიუბრუნდა:

— ღმერთო ჩემო, რა დაემართა ამ გოგონას!—წამოიძახა მან შეშფოთებით,—მკვდარივით გაფითრდა!

მაგრამ ელკეს ლაწევებს ფერი მალე დაუბრუნდა.

— შეგიძლია დაიცადო, ჰაუკე?—ჩუმად ჰკითხა ელკემ.

პასუხის მიცემამდღე ჰკვიანი ფრიზლანდელი ცოტა ხანს ჩაფიქრდა.

— რას დავუცადო?—ჰკითხა ბოლოს.

— თავადაც კარგად იცი, ჩემი თქმა რა საჭიროა.

— მართალი ხარ,—მიუგო ჰაუკემ.—ჰო, ელკე, შემიძლია, დავიცადო, თუკი მალე დამთავრდება.

— ო, ღმერთო, ვშიშობ, რომ საკმაოდ მალეც! ასე რად ამბობ, ჰაუკე, შენ ხომ მამაჩემის სიკვდილზე ლაპარაკობ.—ელკემ მეორე ხელი მკერდზე მიიღო.—მანამდღე ამ ბეჭედს აქ შე-

კინახავ. იმის შიში კი ნუ გექნება, რომ ჩემს სიცოცხლეში მას ზოდესმე დაგიბრუნებ.

ორივემ გაიღიმა და ერთმანეთს ხელი ისე მოუჭირეს, სხვა ადგილი რომ ყოფილიყო, გოგონა, ალბათ, ხმამაღლა შეპყვირებდა.

პასტორის ქალი ამ ხნის მანძილზე ელკეს თვალებს შეჰყუებდა, ამჟამად ისინი ოქროსფერი ატლასისაგან შეკერილ ნავსამკაულის მაქმანის ქვეშ ცეცხლივით ეღვარებდნენ. სუფრასზე ატეხილი ხმაურის გამო პასტორის ცოლმა ვერაფერი გააგო, მაგრამ აღარც მეზობლისათვის უკითხავს რამე, რადგან არ უნდოდა ხელი შეეშალა ახალი ოჯახის შექმნისათვის,—აქ კი, ალბათ, სწორედ ამას ეხებოდა საქმე,—და ამით ხელი შეეშალა ქმრისათვის. რომელიც ჯვრისწერით სათანადო გასამრჯელოს მიიღებდა

გამართლდა ელკეს გუმანი: ერთ დილას—ადღგომა ახალდაკასული იყო—ჯებირის ზედამხედველი ტედე ფოლკერტსი თავის ლოგინში მკვდარი ნახეს. სახეზე ეტყობოდა, მშვიდად ჰომკვდარიყო. უკანასკნელი თვეების განმავლობაში რამდენჯერმე ცხოვრების სამღურავი გამოთქვა. თვით საყვარელი იერძიც კი—შემწვარი იხვი—აღარ სიამოვნებდა.

სოფელი მიცვალებულის ზარზეიმით დასაფლავებისათვის ემზადებოდა. ზემოთ, გორაკზე, ეკლესიის ახლომდებარე სააფლავოს დასავლეთით, რკინის მოაჯირით შემოღობილი აკლდამა იყო. ფართო მოლურჯო საფლავის ქვა ამჯერად აეხადათ და მტირალ ტირიფზე მიეყუდებინათ. ქვაზე სიკვდილის აურათი იყო აღბეჭდილი—კბილებდაკრეჭილი თავისქალა. დაბლა დიდი ასობით ეწერა:

ეს არს სიკვდილი, რაც ყველაფერს მუსრავს, ერევი,
თან მიაქვს ხოლმე ხელოვნება, მეცნიერება.
წავილა კაცი, გაქრა კაცი,—კვიანი ერთობ,
იმისი სული შენ აცხონე, მაღალო ღმერთო.

ეს იყო ადრინდელი ზედამხედველის ფოლკერტ ტედსენის აკლდამა. იქვე ახალგათხრილი სამარე ჩანდა, აქ მისი ვაჟი-შვილი, ახალგარდაცვლილი ზედამხედველი ტედე ფოლკერსტი უნდა დაესაფლავებინათ. ქვემოდან, მარშებიდან უკვე მოემართებოდა სამგლოვიარო პროცესია—მთელი სამრევლო, სოფლების ფორნები. წინა ფორანზე მძიმე კუბო იდგა, ფორანს სილიან გზაზე ზემოთ მოაგორებდა ზედამხედველის თავლიდან გამოყვანილი ორი დაბასმული შავრა ცხენი. გაზაფხულის სუსხიანი ქარი ძუა-ფაფარს უწეწავდა. ეკლესიის ირგვლივ მთელი სასაფლაო მიწაყრილამდე ხალხით ავსებულიყო. გარს შემოვლებულ გალავანზე აცოცებულ ბიჭებს ხელში უმცროსი და-ძმანი დაეკაებინათ. ყველას სურდა ეს დასაფლავება ენახა.

ქვემოთ კი, მარშზე, მიცვალებულის ბინაზე სასტუმრო და სხვა ოთახებში ელკე საქელეხო სუფრას შლიდა. ხალხისათვის ძველი ღვინო მოატანინა, უფროსი ზედამხედველისათვის — დასაფლავებას არც ის დაჰკლებია—და პასტორისათვის თითო ბოთლი შუშხუნა ღვინო. ყველაფერი რომ გაამზადა, ბოსელი გაიარა და ჭიშკრის წინ შეჩერდა. არსად კაცის ჭაჭანება არ იყო. მოჯამაგირეები ორი ფორნით დასაფლავებაზე წასულიყვნენ. დიდხანს იდგა ელკე ჭიშკართან,—გაზაფხულის ქარი სამგლოვიარო კაბას უფრიალებდა,—და შეჰყურებდა, როგორ ადიოდა სამგლოვიარო პროცესია ეკლესიასთან. ცო-

ტა ხნის შემდეგ იქ რაღაც ჩოჩქოლი ატყდა, მალე ამას სამარისებური სიჩუმე მოჰყვა. ელკემ გულხელი დაიკრიფა. როგორც ჩანდა, კუბოს სამარეში უშვებდნენ. „მიწა იყავ და მიწად იქეც!“—თავისდაუნებურად ხმამალა წარმოთქვა მან, თითქოს იქ, სამარესთან თქმულს იმეორებსო. თვალები ცრემლით აევსო, გულზე დაკრეფილი ხელები ძირს ჩამოუცვივდა. „მამაო ჩვენო, რომელი ხარ ცათა შინა“— გულმხურვალედ ლოცულობდა იგი. და როცა მამაზეციერისადმი ლოცვას მორჩა, კიდევ დიდხანს იდგა უძრავად ელკე—დიდი მეურნეობის ამჟამინდელი გამგებელი. მის გულში სიკვდილ-სიცოცხლის საკითხები ეჭიდებოდა ერთმანეთს.

შორიდან მოისმა ბორბლების რახრახი და ელკე გამოფხიზლდა. თვალი რომ გაახილა, დაინახა ფორნები ერთიმეორის მიყოლებით მისი ეზოსკენ მიეშურებოდა. ელკე გასწორდა; ერთხელ კიდევ ზემოთ გაიხედა და ოთახში დაბრუნდა. აქაც არავინ იყო. მხოლოდ სამზარეულოდან გამოდიოდა შინა მოსამსახურეების ხმაური. მდიდრულად გაშლილ სუფრაზე მღუმარება და მოწყენილობა სუფევდა. ფანჯრებშია ჩამდგარი სარკისა და შორენკეცებიანი ღუმელის თითბრის ბუნიკებზე თეთრი ტილოები ჩამოეფარებიანთ. ოთახში ამჟამად ალა-რაფერი ბრწყინავდა. ელკემ თვალი მოჰკრა ალკოვის* გაღებულ ხის კარს, სადაც მამამისმა დახუჭა თვალი, მივიდა და მკვიდროდ მიგმანა. ანგარიშმიუცემლად წაიკითხა კარზე, ვარდებსა და მიხაკებს შუა ოქროსფერი ასოებით წარწერილი სენტენცია:

თუ შენი ვალი კაცურად სძალე
მწუხრის ემს ტებილი ვაწვევა ძილი.

ეს სიტყვები ელკეს პაპამ დააწერინა. ქალიშვილმა თვა-

ლი შეავლო კედელში ჩადგმულ განჯინას, რომელიც ამჟამად თითქმის დაეცარიელებინათ. მაგრამ შემინული კარიდან დაინახა გაკრიალებული თასი, რომელიც მამამისს ახალგაზრდობისას დოღში გამარჯვებით მოეპოვებინა. ამ ამბავს მამა სიამოვნებით უამბობდა ხოლმე. ელკემ თასი გადმოიღო და უფროსი ზედამხედველისათვის გაშლილ ჭურჭელთან დადგა. შემდეგ ფორნების მოახლოებული რახრახი გაიგონა და ფანჯარასთან მივიდა. ფორნები ერთიმეორის მიყოლებით გაჩერდა და სახლის წინ. სტუმრები მკვირცხლად გადმოხტნენ ძირს. ხმამაღლა ლაპარაკითა და ხელების ფშვნეტით შინ შეხორხოცდნენ. დიდხანს არ გაუვლია, უფროსი ზედამხედველი და პასტორის სასტუმრო ოთახში, ხოლო დანარჩენები სხვა ოთახებში შემოუსხდნენ მაგიდებს, რომლებზეც დალაგებულ ნაირ-ნაირ საჭმელს მადის აღმძვრელი ოხშივარი ასდიოდა. მალე მაგიდებს თავშეკავებული ხმაურის ტალღამ გადაუარა, თითქოს აქაურობა სიკვდილის საშინელ მღუმარებას არასოდეს მოეცვა. მსახურ გოგონებთან ერთად ელკემ მღუმარედ უვლიდა მაგიდებს. და ათვალეირებდა, რომ სამგლოვიარო სუფრას არაფერი დაჰკლებოდა. ჰაუკე ჰაიენი ოლე პეტერსთან და სხვა წვრილ მფლობელებთან ერთად იჯდა ერთ სუფთა ოთახში.

შემდეგ, როცა პურისჭამა დამთავრდა და კუთხეში თეთრ თიხის ყალიონები გააწყვეს, ელკემ სტუმრებს ამ დღისთვის გულუხვად შემზადებული ყავა ჩამოურიგა. გარდაცვლილის მერხთან იდგა უფროსი ზედამხედველი და პასტორსა და ჭადარამოსულ ნდობით აღჭურვილ იევე მანერსთან ლაპარაკობდა.

— კარგი და კეთილი, ბატონო, — ამბობდა იგი, — დიდ პატივით დავასაფლავებთ გარდაცვლილი ზედამხედველი, მაგ

რამ ახალი ვინ გამოვეძებნოთ? ვფიქრობ, თქვენ უნდა იდოთ თავს, მანერს, ეს საპატიო თანამდებობა!

მოხუცმა მანერსმა ღიმილით მოიძრო კალარა თმიდან შავი ხვერდის ქული.

— ბატონო უფროსო ზედამხედველო, — მიუგო მან, — ცოცხალი დროლა დამრჩენია ამქვეყნად და არ ღირს. როცა განსვენებული ტედე ფოლკერტსი ზედამხედველი გახდა, მე ნდობით აღმკურვებს, მას შემდეგ უკვე ორმოცი წელი გავიდა.

— ეს ცუდი არ არის, მანერს. მაშასადამე, მით უფრო უკეთ გეცოდინებათ საქმე და მუშაობაში სიძნელე არ შეგხვდებათ.

— არა, არა, თქვენო ბრწყინვალეებო, — თავი გაიქნია მოხუცმა. — ჯობს, ჩემს ძველ ადგილზე დამტოვოთ, ორიოდე წელს კიდევ ვიმუშაებ.

პასტორმა მხარი დაუჭირა.

— რატომ არ შეიძლება, ამ თანამდებობაზე ის კაცი დანიშნოთ, ვინც სინამდვილეში ხელმძღვანელობდა ამ საქმეს ბოლო ხანს?

— უფროსმა ზედამხედველმა პასტორს შეხება:

— თქვენი ნათქვამი ვერ გავიგე, ბატონო პასტორო!

პასტორმა ხელი იმ ოთახისაკენ გაიშვირა, სადაც ჰაუკე ორ ხანშიშესულ კაცს დინჯად რაღაცას უხსნიდა.

— აი, მაგაზე მოგახსენებდით, მაგ მალალ ფრიზლანდიელზე, წვეტიანი ცხვირით, გონიერი თვალებითა და წინწამოწეული საფეთქლებით რომ გამოირჩევა. იგი აწ განსვენებულის პოჯამაგირე იყო, ახლა თავისი საკუთარი პატარა მეურნეობა აქვს. ერთი კი არის, ცოცხალი ახალგაზრდაა.

— ოცდათს მიღწეული ჩანს, — წარმოთქვა უფროსმა ზე-

დამხედველმა, რომელიც პასტორის მითითებულ ახალგაზრდას შეჰყურებდა.

— ჯერ ოცდაოთხისაც არ არის,— შენიშნა ნდობით აღჭურვილმა მანერსმა,— მაგრამ პასტორი მართალს ამბობს: რაც ამ ბოლო წლებში ჯებირებსა და კაშხალებზე რიგიანი რამ გაკეთდა, სულ მაგის საქმეა. მოხუცს ბოლოს ხომ აღარაფრის თავი არ ჰქონდა!

— რას ამბობთ?— გაიოცა უფროსმა ზედამხედველმა.— მაშ თქვენი აზრით, მაგას შეუძლია თავისი ძველი ბატონის საქმე იკისროს?

— რასაკვირველია, შეუძლია,— მიუგო იევე მანერსმა,— ოღონდ ეს კია, როგორც ჩვენთან ამბობენ, ფეხქვეშ ნიდაგი არა აქვს. მაგის მამას თხუთმეტი დემატი მიწა ჰქონდა, თვითონ კი უკვე, ალბათ, ოციც აქვს. მაგრამ ამ ქონებით აქამდე ზედამხედველი არავინ გამხდარა.

ის იყო პასტორმა პირი გაალო, რომ შეწინააღმდეგებოდა, მაგრამ უცბად მათ მიუახლოვდა ელკე ფოლკერტსი, რომელიც კარგა ხანია მათ შორიხალოს ტრიალებდა.

— ნებას მომცემს თქვენი მოწყალება, ერთი სიტყვა მოგახსენოთ?— მიმართა მან მთავარ ზედამხედველს.— ვშიშობ, შეცდომით რაიმე უსამართლობა არ მოხდეს.

— თქვი, ელკე!— მიუგო მთავარმა ზედამხედველმა,— სასიამოვნოა წარმტაცი ქალის ბაგეთაგან ნათქვამი სიბრძნის მოსმენა.

— ეს სიბრძნე არ არის, თქვენო ბრწყინვალე ბავ, მაგრამ სიმართლე კი მინდოდა მეთქვა.

— სიმართლის მოსმენაც უნდა შეეძლოს კაცს, ელკე.

გოგონამ შავი თვალები ერთხელ კიდევ მიმოავლო იქაუ-

რობას, თითქოს სურდა დარწმუნებულიყო, ვინმეს ზედმეტი ყური ხომ არ მისმენსო.

— თქვენო მოწყალებავ, — დაიწყო მან და ძლიერი მღელვარებისგან გული აუჩქროლდა. — ნათლიაჩემმა იევე მანერსმა უკვე მოგახსენათ, რომ ჰაუკე ჰაიენს ოცამდე დემატი მიწა აქვსო. ამ წუთში ეს ნამდვილად ასეა, მაგრამ თუ საჭირო იქნება, ჰაუკე მას მიუმატებს მთელ მამიჩემისეულ ეზო-მიდამოს, რომელიც ახლა ჩემია. ზედამხედველისათვის კი ეს სრულიად საკმარისია.

მოხუცმა მანერსმა თეთრი მხცობით მოსილი თავი გოგონასკენ გადასწია, თითქოს სურდა კარგად დაენახა, ამ სიტყვებს ვინ ამბობსო.

— რას ლაპარაკობ, ბავშვო? რას ნიშნავს ეს? — იკითხა მანერსმა.

ელკემ კორსეტიდან შავზონარგაყრილი ოქროს ბეჭედი ამოიღო და იევე მანერს მიუბრუნდა:

— ჩვენ დანიშნულები ვართ, ნათლიაჩემო. აი ბეჭედი. ჩემი საქმრო ჰაუკე ჰაიენია.

— და მერე როდის მოხდა ეგ ამბავი, ელკე ფოლკერტს, მე შემეძლია გკითხო ეს, რადგან ემბაზიდან მე ამოგიყვანე. როდის მოხდა?

— კარგა ხანია, თუმცაღა მაშინ უკვე სრულწლოვანი ვიყავი, ნათლიაჩემო, — მიუგო ელკემ — მამაჩემი ამ დროს საკმაოდ დაუძღურებული იყო და რაკიღა მისი ხასიათი კარგად ვიცოდი, აღარ მინდოდა ამით შემეწუხებინა. ახლა კი, როცა მამაჩემი ღვთის საუფლოშია, დაინახავს, რომ მისი ქალიშვილი ასეთ ქმართან თავს კარგად იგრძნობს. მწუხარების გამო ჯერაც არ მინდოდა ამის გამჟღავნება, მაგრამ ჰაუკესა და ჩვენი

მხარის ინტერესებმა მათქმევინეს.—მერე მთავარ ზედამხედველს მიუბრუნდა და დაუმატა:—მაპატიოს, თქვენმა მოწყალებამ.

სამივე მამაკაცმა ერთმანეთს შეხედა. პასტორმა ჩაიცინა მოხუცმა ნდობით აღჭურვილმა „ქმ—ქმ!“—ო, ჩაიქრიტინა, ხოლო მთავარმა ზედამხედველმა შუბლი მოისრისა, თითქოს რაღაც მძიმე გადაწყვეტილების მიღებას აპირებდნენ.

—ჰო, საყვარელო ქალიშვილო,—დაიწყო მან ბოლოს.—რა მდგომარეობაა თქვენს მხარეში მექორწინეთა ქონებრივ უფლებათა მხრივ? უნდა გამოგიტყდეთ, რომ ამ ქალში ამჯერად არაფერი გამეგება.

—ამის გარკვევით თქვენს მოწყალებას თავის შეწუხება მაინც არ ჰქირდება,—მიუგო ზედამხედველის ქალიშვილმა.—ქორწინებამდე მთელ ჩემს ქონებას ჩემი საქმროს სახელზე გადავიტან. მეც ჩემებური სიამაყე მაქვს,—ღიმილით დაუმატა მან,—მინდა სოფელში ყველაზე მდიდარი კაცის ცოლად გავხდე.

—აბა, რას იტყვით, მანერს,—მიმართა მას პასტორმა;—ვფიქრობ, თქვენც არაფერი გექნებათ საწინააღმდეგო, თუ ახალგაზრდა ჯებირის ზედამხედველს ძველი ზედამხედველის ქალიშვილზე დავწერ ჯვარს?

მოხუცმა მხოლოდ ნელა გადააქნია თავი და ღვთისმოსვიში ხმით წარმოთქვა:

—ღმერთმა აკურთხოს.

მთავარმა ზედამხედველმა გოგონას ხელი გაუწოდა და უთხრა:

—სწორი და ბრძნული იყო შენი ლაპარაკი, ელკე ფოლკერტს. მადლობელი ვარ შენი მდგომარეობის გარკვევისათვის

ის, მომავალში ვიმედოვნებ უფრო ხელსაყრელ ვითარებაში
ილავე გესტუმროთ. მაგრამ მთელ ამ ამბავში ყველაზე საკვირ-
ველი ის არის, რომ ზედამხედველი ესოდენ ახალგაზრდა ლა-
ჩაზმანმა დაგვინიშნა.

— თქვენო მოწყალებავ, — მიუგო ელკემ და მთავარ ზედა-
მხედველს კიდევ ერთხელ მიაპყრო საზრიანი თვალები, — თა-
დარიგიან მამაკაცს ცოლიც მხარში უნდა უდგეს! — გვერდით
ოთახში გავიდა და ჰაუჟე ჰაიენს სიტყვის უთქმელად ხელი
აქლში ჩაუდო.

გავიდა რამდენიმე წელიწადი. ტედე ჰაიენის პატარა სახ-
ლში ახლა ერთი მხნე მოჯამაგირე ცხოვრობდა ცოლ-შვი-
ლით. ახალგაზრდა ჯებირის ზედამხედველი ჰაუჟე ჰაიენი კი,
თავისი ცოლის — ელკე ფოლკერსტის სახლ-კარში დამკვიდ-
რდა. ზაფხულობით სახლის წინ ძველებურად შრიალებდა
ჩუმბერაზი კოპიტი, რომლის ქვეშ, მერხზე საღამოობით გან-
ჩარტოებით იჯდა საოჯახო ხელსაქმით გართული ახალგაზ-
რდა ზედამხედველის მეუღლე — ცოლ-ქმარს ბავშვი ჯერაც
არ ჰყავდა — ქმარს კი საქმე ჰქონდა და საღამოთიც არ ეცალა
კოლთან ერთად მერხზე ჩამოსაჯდომად, რადგან მართალია,
თხზუცი ზედამხედველის დროსაც ბევრს მუშაობდა, მაგრამ
ჩრავალი რამ მაინც გასაკეთებელი რჩებოდა. ამჟამად საჭი-
რო იყო ყველაფერი ნელ-ნელა მოეწესრიგებინა. მისი უწყა-
ლო ცოცხი არავის ინდობდა. ამას გარდა, საჭირო იყო გაზ-
ოდილი მეურნეობისათვის მიეხედა და ისიც მეორე მოჯამა-
გირის დაუხმარებლად, რომელსაც ფულის დაზოგვის მიზნით
არ ჰქირაობდა. ამრიგად ახალგაზრდა ცოლ-ქმარი კვირა დღის
გარდა, როცა ეკლესიაში დადიოდნენ, ერთმანეთს ხვდებოდ-

ნენ სადილობისას—მაშინაც ჰაუკე საჰმელს აჩქარებით გადა-
ყლაპავდა ხოლმე—და განთიადისას და მწუხრისას. დროს
დაუსრულებელ, მაგრამ სიხარულის მომტან შრომაში ატა-
რებდნენ.

მაგრამ მალე ხალხში ავი მიტქმა-მოტქმა დაიწყო.

ერთ კვირა დღეს, წირვის შემდეგ მარშისა და ზემოურთა
რამდენიმე ახალგაზრდა მიწის მფლობელს ფუნდუკში მოეყა-
რა თავი. მეოთხე-მეხუთე ჭიქიდან ლაპარაკი ჩამოვარდა არა
მეფესა და მთავრობაზე—არა, მაშინ ასე შორს არ იჭრებოდ-
ნენ,—არამედ ადგილობრივ და ოლქის მოხელეებზე. უპირ-
ველესად ყოვლისა კი სათემო ხარკებსა და გადასახადებზე,
და თანდათან უფრო ცხარედ კამათობდნენ ჯებირების შესა-
ნახად გაწერილ ახალ ხარჯებზე. წინათ გაკეთებული ყველა
არხი და რაბი აქამდე კარგი იყო, ახლა კი თურმე შეკეთებას
საჭიროებს. ჯებირზეც მრავალი ისეთი ადგილი ყოფილა, სა-
დაც ასობით ფორანი მიწა უნდა ჩაყარონ. აი, ეშმაკმა დალაზ-
ვროს!

—ეს ყველაფერი თქვენი ჭკვიანი ზედამხედველის საქ-
მეა,—წამოიძახა ზემოურთაგან ერთ-ერთმა.—სულ მუდამ და-
ფიქრებული რომ დადის და ყველგან ცხვირს ჩრის.

—მართალი ხარ, მარტენ,—მიუგო პირდაპირ მჯდომმა
ოლე პეტერსმა.—მართალი ხარ. ის დიდი გაიძვერა ვინმეა და
სულ იმას ცდილობს, მთავარ ზედამხედველს როგორ შეუძ-
ვრეს. ჩვენ კი წურობელასავით გვაზის კისერზე.

—მერე და რატომ დაისვით?—იკითხა ზემოურმა.—დაი-
სვით და ნაღდიც თქვენ იხადეთ.

ოლე პეტერსმა გაიცინა.

—ასეა, მარტენ ფედერს, ასეა ჩვენთან მიღებული და რას

გახდები: ძველი ზედამხედველი თავის მამის მეოხებით დანიშნეს ამ ადგილზე, ახალი კი თავისი ცოლისა.

მსმენელი ამტყდარ ხარხარზე მიხედებოდა, რომ ამ სიტყვებს თანამეინახენი მოწონებით შეხვდნენ. მაგრამ იმის გამო, რომ ეს ლაპარაკი ფუნდუკში, სახალხო თავშეყრის ადგილზე მოხდა, მალე მამრისა და ზემოურ მოსახლეობაში დაიჩხა. ამ ხმამ ჰაუკემდეც მიაღწია. გონების თვალთ დაინახა თავის მიმართ ბოროტად განწყობილი სახეები, მკაფიოდ დაინახა, თუ როგორ დამცინავად ხარხარებდნენ ისინი ფუნდუკში.

— ძაღლები! — წამოიძახა ჰაუკემ და თვალებში ბოროტ ნაპერწკლები გაუკრთა, თითქოს ეს არის მათ გამათრახებას აპირებსო.

ელკემ მხარზე ხელი დაადო.

— მოეშვი. თითოეული მათგანი სიამოვნებით დაჯდებოდა შენს ადგილზე.

— მეც სწორედ მანდა ვარ! — გაბოროტებით მიუგო მან.

— მერე და თვითონ ოლე პეტერსმა კი მდიდრის ქალი არ შეირთო? — განაგრიო ელკემ.

— კი შეირთო, ელკე, მაგრამ ვოლინათი ნაშოვნი ქონება საზედამხედველო რომ არ გამოადგა!

— შენ ისა თქვი, რომ თვითონ ვერ გამოდგა საზედამხედველოდ, — მიუგო ელკემ ქმარს და ისე შემოაბრუნა, რომ თავისი თავი სარკეში დაენახა, — ისინი ოთახში სწორედ ორ ფანჯარას შორის იდგნენ. — აი, ვინ არის ზედამხედველი — დაუმატა ელკემ. — აბა შეხედე! ზედამხედველის ადგილი იმას ეკუთვნის, ვისაც ამ საქმის გაძლოლა შეუძლია.

— არ უნდა ამბობდე ტყუილს, — დაფიქრებით მიუგო ჰა-

უკემ, — მაგრამ... ახლა, ელკე, აღდგომის რაბისკენ უნდა გავმართო. მისი კარი ისევ არ იკეტება.

ქალმა ქმარს ხელი მოჰკიდა.

— არა, მანამდე მე შემომხედლე! რა დაგემაართა, სადღაც შორს სივრცეში რომ იმზირები?

— არაფერი, ელკე. შენ მართალი ხარ.

ჰაუკე წავიდა. მაგრამ დიდი მანძილი არ გაუვლია, რომ რა ბის შეკეთება გადაავიწყდა. მის გონებას ხელახლა და ადრინდელზე უფრო ძალუმად დაეუფლა სხვა რამ ფიქრი, რომელიც მთლად ბოლომდე ვერ გაერკვია, მაგრამ წლობით კი არ შორდებოდა და საჩქარო საქმეთა გამო ყოველთვის შემდგომისათვის სდებდა. ამ ფიქრმა ჰაუკე ახლა ისე გაიტაცა, თითქოს ფრთები გამოესხაო.

თავისდაშეუმჩნევლად უბის ჭებირზე აღმოჩნდა, ქალაქიდან სამხრეთით გვარიან მანძილზე დაშორებით. სოფელი რომელიც აქედან მის მარცხნივ მდებარეობდა, დიდი ხანი თვალს მიეფარა. ის კი კვლავ მიაბიჯებდა და თვალმოუშორებლად გასცქეროდა ზღვაში შეჭრილი მიწის ფართო ზოლს გვერდით რომ ახლა ვინმე ყოფილიყო, თვალებში შეამჩნევდა როგორი დაძაბვით მუშაობდა ჰაუკეს გონება. ბოლოს იგრძედა. ჭებირს მიბჯენილი მიწის ზოლი აქ მეტისმეტად ვიწროვდებოდა.

— აუცილებლად გამოვა! — თავისთვის ჩაილაპარაკა მან. — აგერ უკვე შვიდი წელია ვზედამხედველობ და მაგათ არ ვათქმევინებ, თითქოს ამ ადგილს ცოლის მეოხებით დავეპატრონე იდგა ჰაუკე ჩაფიქრებით და ყურადღებით ათვალეირებდა და მიწის ამწვანებულ ზოლს. შემდეგ უკან გამობრუნდა და ირადგილამდე მივიდა, სადაც მიწის ფართო ნაკვეთი ვიწრო

ქვეანე ზოლში გადადიოდა. მაგრამ ზედ ჯებირთან ზოლს-
ლიერი ტალღა დაუნდობლად ურტყამდა, თითქოს მთელ მი-
წას ხმელეთიდან სწყვეტდა და კუნძულად აქცევდა. ხმელე-
თიდან კუნძულამდე უხეშად გათლილი მორების ბოგირი გა-
დაედოთ, რომ ზედ საქონელი გადაეტარებინათ ანდა თივითა
და ჭირნახულით დატვირთული ფორნები გამოეყვანათ. ამჯე-
რად ზღვის მიქცევა იდგა და სექტემბრის მზეზე თვალისმომ-
ქრელად ლაპლაპებდა ასიოდ ნაბიჯის სიგანე ლამიანი ზოლი
და მის შუა ადგილას მოქცეული ღრმა სადინარი, სადაც ამ-
ჟამადაც ზღვის წყალი ტორტმანებდა.

ჰაუკემ წყლის თამაშს ერთხანს უყუტრა და შემდეგ თავის-
თვის ჩაილაპარაკა, ეს ადგილი შეიძლება ჯებირით გადავლო-
ბოთო. მერე მალლა აიხედა და ჯებირიდან, რომელზეც ახლა
იდგა, წარმოსახვითი ხაზი გაავლო სადინარზე, შემდეგ ხაზი
კუნძულის ნაპირის გაყოლებით სამხრეთისაკენ და აქედან
ისევ აღმოსავლეთისაკენ სადინარზე გადმოატარა და ჯე-
ბირამდე მოიყვანა. ეს წარმოსახვითი ხაზი გახლდათ ახალი
ჯებირი, რომელიც კვეთითაც ახალი იყო და ჯერჯერობით
ხოლოდ მის გონებაში არსებობდა.

„ეს ათასამდე დემატის მიწას ჩაგვაგდებინებდა ხელთ, —
ჩაილაპარაკა გაღიმებულმა ჰაუკემ, — თუმც ბევრი არ არის,
მაგრამ...“

ჰაუკე ახლაც გაანგარიშებაში ჩაეფლო: ეს ზოლი თემს
კუთვნოდა, მის ცალკეულ წევრებს იმის მიხედვით, თუ რა
ზომის მამული ეკავათ სათემო საკუთრებაში ან რა სხვა უფ-
ლებები ჰქონდათ. ჰაუკე შეუდგა იმის გამოანგარიშებას, თუ
ქედან რამდენი ერგებოდა მას, რამდენი ელკეს მამისგან
დარჩენილ მიწებს და რამდენი იმ მიწებს, რომელიც ქორწი-

ნების შემდეგ იყიდა ნაწილობრივ მოგების მისაღებად, ნაწილობრივ კი თავისი ცხვრის ფარების გასამრავლებლად. გვარიანი ფართობი გამოვიდა, რადგან მან ოლე პეტერსისგანაც იყიდა ნაკვეთი. ეს ნაკვეთი პეტერსმა გაბრაზების გამო მოიცილა თავიდან: პატარა წყალდიდობის დროს აქ გამორჩეული ყოჩი დაეჩრჩო. ასეთი შემთხვევები იშვიათი იყო. ჰაუკეს მახსოვრობაში ყველაზე დიდი წყალდიდობაც ამ ადგილებში მიწის მხოლოდ ნაპირებს ფარავდა წყლით. რადიდებული საძოვარი და სახნავ-სათესი გამოვიდოდა, აქ რომ ჯებირი გაკეთებულიყო. ამის წარმოდგენაზე ჰაუკეს თითქოს თავბრუ დაესხა, მაგრამ ხელისგულს ფრჩხილები ჩაუჭირა, და საკუთარი თავი აიძულა საქმისათვის სალი და გამჭირახი თვალით შეეხედა: წინ გადაშლილ ბარს ჯებირი არ იცავდა და, ვინ იცის, უახლოეს წლებში რამდენი ქარიშხალი და წყალდიდობა დაატყდა თავს ამ ადგილს, რომლის ბოლოში ახლა ტალახში ამოვლებული ცხვარი ბალახობდა მერე და რამდენი შრომა, ბრძოლა და გაბოროტება იყო საჭირო ამის მისაღწევად! მაგრამ, მიუხედავად ამისა, როცა ჯებირიდან დაეშვა და ნაკვეთებ შუა ბილიკს სახლისკენ გაუყვა ისეთი გრძნობა დაეუფლა, თითქოს თან რაღაც დიდი განჯი მიაქვსო.

წინკარში ელკე შეეგება.

— რაბი როგორ არის? — ჰკითხა ქალმა.

ჰაუკემ მას იღუმალა ღიმილით შეხედა.

— მალე სხვა რაბი დაგვჭირდება, — მიუგო მან, — სხვა არხები და ჯებირი.

— ვერ გავიგე, რას მეუბნები, — უთხრა ელკემ და ქმირს ოთახში შეჰყვა. — რას აპირებ, ჰაუკე?

— ვაპირებ... — ნელა წამოიწყო ჰაუკემ და ისევ შეჩერდა, — ვაპირებ, რომ მიწის ის დიდი ზოლი, რომელიც ჩვენი ნაკვეთის პირდაპირ იწყება და შემდეგ სამხრეთით გრძელდება, მტკიცე ჭებირით შემოვზღუდო. მთელი თაობა გადაეგო, რაც უკვე უღმერთო წყალდიდობა აღარ მომხდარა, მაგრამ ასეთი უბედურება რომ გვეწვიოს, ყველაფერი განადგურდება. ეს მდგომარეობა მხოლოდ ჩვენი მცონარეობის გამო მოგვეყვა აქამდე.

ელკემ გაოცებით შეხედა ქმარს.

— საკუთარ თავს თვითონვე ილანძღავ?

— ჰო, ელკე, მაგრამ აქამდე სხვაც ბევრი იყო გასაკეთებელი.

— რასაკვირველია, ჰაუკე. შენ მართლაც ბევრი რამ გააკეთე.

ჰაუკე აღრინდელი ზედამხედველის სავარძელში ჩაეშვა და ხელის დასაყრდნობს მტკიცედ ჩაეჭიდა.

— საამისოდ თუ გეყოფა გამბედაობა? — ჰკითხა ცოლმა.

— მეყოფა, ელკე! — ფიცხლად მიუგო ჰაუკემ.

— ასე ნუ ჩქარობ, ჰაუკე. ეგ საქმე სიკვდილ-სიცოცხლის საკითხია. თითქმის ყველა განზე გაგიდგება, მთელი შენი გარჯა-შრომისათვის არავინ მალლობას არ გეტყვის.

— ვიცი, — თავი დაუქნია ჰაუკემ.

— ეგ საქმე რომ არ გამოგივიდეს? — განაგრძო ელკემ. — ბევრვობიდანვე ეს მესმოდა, იმ სადინარის ამოვსება არ შეიძლებოა. ამიტომ ხელსაც არ ახლებდნენ.

— ეგ ზარმაცების მოგონილი მიზეზი იყო, — მიუგო ჰაუკემ. — ვითომ რატომ არ შეიძლება სადინარის ამოვსება?

— ეგ მე არ ვიცი. ალბათ, იმიტომ, რომ პირდაპირია და

წლიერი დინება აქვს. — უცბად ელკეს რალაც გაახსენდა და სერიოზული გამომეტყველება კვიმატმა ღიმილმა შეუცვალა. — ერთხელ, ბავშვობისას, — განაგრძო მან, — ყური მოვკარი მოჭამაგირეების საუბარს. ისინი ამბობდნენ, იქ საიმედო ჭებირი მაშინ გაკეთდება, როცა შიგ ვინმეს ცოცხლად ჩაატანენო. ვითომ ამ ასიოდ წლის წინათ, მეორე ნაპირზე რომ ჭებირი გაუკეთებიათ, შიგ ბოშა ბიჭი ჩაუტანებიათ, რომელიც დედისგან ღიდი თანხით უყიდიათო. ახლა კი შვილს ვლა გაციდის.

ჰაუკემ თავი გაიქნია:

— კიდევ კარგი, რომ ჩვენ შვილი არ გვყავს, თორემ, ალბათ, იმასაც მოგვთხოვდნენ.

— ვერც ვერასოდეს ეღირსებოდნენ ამას ჩვენგან! — წამოიყვირა ელკემ და თითქოს შეშინდა, მუტელზე ხელები დაიფარა.

ჰაუკემ გაიღიმა. ქალმა ისევ ჰკითხა:

— ამაზე თუ გიფიქრია, რამდენი დაჯდება მისი აშენება?

— ვიფიქრე, ელკე, როგორ არა. რასაც აშენებაზე დაეხარჯავთ, უხვად ავინაზლაურებთ და ძველი ჭებირის შესანახავლაც გვეყოფა. მშენებლობაზე თვითონ ჩვენვე ვიძუშავებთ, თემში ოთხმოცზე მეტი ფორანი გვაქვს, არც ახალგაზრდა მუშახელი გვაკლია. ელკე, შენ ხომ ტყუილად არ მაქციე ზედანხედველად, მინდა ხალხს დავუმტკიცო, რომ ეს შემიძლია კიდევ.

ელკემ ქმრის წინ ჩაიჩოქა და ზრუნვით შეაქცერდა. მერე ღრმად ამოიოხრა.

— დროა ჩემს საქმეს შევუდგე, — თქვა ქალმა და ქმარს სახეზე ხელი ნელა გადაუსვა. — შენც შენ საქმეს მიხედე.

— ამინ, ელკე, — დინჯი ღიმლით დაეთანხმა ქმარი, — სა-
ნუშაო, იცოცხლე, ორივეს გვაქვს.

...მართლაც, ბევრი გასაკეთებელი ჰქონდა ორივეს, ახლა კი
ჰაუკეს ყველაზე მძიმე ტვირთი ერგო. კვირადღობით, ნასამ-
ხრევს, ხშირად კი სადაც ღღეებში საღამოობით ჰაუკე და
ერთი მარჯვე მიწათჰომწყობი ისხდნენ და ანგარიშობდნენ,
საზავდნენ, აკეთებდნენ ესკიზებს. ხოლო როცა მართო რჩე-
ბოდა, ხშირად შუალამემდე ამ საქმეს ჩაჰკირკიტებდა. მერე
კი თავიანთ საერთო საძილე ოთახში ჩუმად შეიპარებოდა, —
დახუთულ ალკოვს ისინი უკვე აღარ ხმარობდნენ, — ხოლო
ცოლი, რომელიც ადრე იმიტომ წვებოდა, რომ ქმარი არ შე-
ეწუხებინა, გულის ცახცახით ელოდა მას და თვალი ვერ ძოებ-
უქა. ჰაუკე ცოლს შუბლზე აკოცებდა, ერთ-ორ სააღერსო
სიტყვას ეტყოდა და დასაძინებლად მიწვებოდა, თუმცა ხში-
რად მამლის პირველ ყივილზედა ჩაეძინებოდა. ზამთარში,
როცა ქარიშხალი ატყდებოდა, ჰაუკე ფანქარსა და ქალაღს
სელს დააფლებდა, ჯებირზე გარბოდა და რაღაცას იწერდა და
იხატავდა. ქარი ხშირად თავიდან ქუდს მოაგლეჯდა, ფერდა-
კარგულ გრძელ თმას უწეწავდა და გახურებულ სახეზე ჰფენ-
და. თუ ყინვა ხელს არ უშლიდა, აიყოლებდა რომელიმე მო-
ჯამაგირეს, გავიღოდა ნავით თავთხელში და ლოტითა* და
ლატნით იმ ადგილებში ზომავდა სიღრმეს, სადაც ჯერ ზუჟა-
ტად არ იცოდა.

ელკეს ეს ძალიან აშინებდა, მაგრამ როგორც კი ქმარი მობ-
რუნდებოდა, მას აღარაფერს ამჩნევინებდა, თუმცა ცოლის
მდეღვარებას ჰაუკე მისი ხელის მოკერასა და ჩვეულებრივად
მშვიდ თვალებში აკიაფებული ნაპერწყლებით ძაინც ხვდე-
ბოდა.

— მოითმინე, ელკე, — მიმართა ერთხელ ჰაუკემ მას, როცა იგრძნო, რომ ცოლს ამ საქმეზე მისი გაშვება აღარ უნდოდა. — ჯერ თვითონ მე უნდა გავერკვე კარგად, სანამ წინადადებას წარვადგენ.

ელკემაც თავი დაუქნია და ისევ გაუშვა.

ჰაუკეს ხშირად უხდებოდა ქალაქში მთავარ ზედამხედველთან გამგზავრება. ამას მოსდევდა ოჯახსა და მეურნეობაში შრომა, მერე კი ისევ ღამით კირკიტი. ხალხთან მხოლოდ სამსახურებრივი და საქმიანი ურთიერთობა ჰქონდა. ცოლისთვისაც თანდათან მცირე დრო რჩებოდა. მძიმე დღეები დადგა ჩემთვის და, ალბათ, კიდევ დიდხანს გაგრძელდება ასეო, — თვითონვე იმშვიდებდა თავს ელკე და სამუშაოს ეძალებოდა.

ბოლოს მზემ და გაზაფხულის ქარებმა ყინულს ყველგან უკან დაახევინეს. ჰაუკეც მორჩა წინასწარ სამუშაოებს. თხოვნა, ზემოხსენებული მიწის ზოლის ჯებირით გამაგრების თაობაზე, რომელიც ასაბუთებდა, რომ ამ ღონისძიების განხორციელება ხელს შეუწყობდა ცხოვრების საერთო ღონის ამადლებას, განსაკუთრებით სათემო მიწის ფონდის გადიდებას და არანაკლებ გაზრდიდა საჰერცოგოს სალაროს შემოსავალს, სადაც ორიოდე წლის შემდეგ, დაახლოებით ათასამდე დემატის მიწებიდან შევიდოდა გადასახადები, — სუფთად გადაწერეს და ყველა ჯებირის არხის ნახაზებთან არსებული და მომავალი მიწების რუკებთან და სხვა საჭირო მასალებთან ერთად ერთ პაკეტად შეკრეს და ზედამხედველის ბეჭდით დალუქეს. იგი უნდა გადაეცათ მთავარი ზედამხედველისათვის, რომელიც მას შუამდგომლობას დაურთავდა და შემდგომ ინსტანციას გაუგზავნიდა.

— როგორც იქნა, ამასაც მოვრჩი, ელკე, ნუ დაუშურებ
ლოცვა-კურთხევას, — მიმართა ცოლს პაუკემ.

ელკემ მას ხელი ხელში ჩასჭიდა და წარმოთქვა:

— მხარში ამოვუდგეთ ერთმანეთს.

— ასე იყოს.

თხოვნა ცხენოსანმა შიკრიკმა წაიღო ქალაქში.

— თქვენ, ალბათ, შეამჩნიეთ, ბატონო ჩემო, — თბრობა
შეწყვიტა მასწავლებელმა და გონიერი თვალები ალერსით
მომაპყრო, — რომ ყველაფერი, რასაც აქამდე მოგიყვით
ჩემს მიერ შეკრებილია ამ ადგილებში ჩემი თითქმის ორმოც-
წლიანი მოღვაწეობის განმავლობაში ხანდაზმულ და გამოც-
დილ ადამიანთა ან მათ შვილთა და შვილიშვილთა ნაამბო-
ბებიდან. ის კი, რაც ახლა მინდა მოგითხროთ, რათა ნათქვა-
მის გარდა შემდგომი დროის ამბებიც გასაგები გახდეს, ახ-
ლანდელია და დღესაც მთელი სოფელი ამაზე ლაპარაკობს,
როგორც კი ყვოლადწმინდის დღესასწაულის შემდეგ ოჯახებში
საქსოვი დაზგები აზუზუნდებიან.

იმ დროს, თუ ჯებირზე შედგებოდით და ჩრდილოეთისკენ
გაიხედავდით, ზედამხედველის ეზოდან, ასე ხუთას-ექვსას ნა-
ბიჯზე, შეამჩნევდით მარშის ნაპირიდან თავთხელში ორასიოდე
ნაბიჯით დაცილებულ ერთ პატარა კუნძულს, რომელსაც მო-
სახლეობა „იევერსის ქვიშას“ ანდა „იევერსის კუნძულს“
უწოდებდა. მაშინდელი ჩვენი პაპები ამ კუნძულს ცხვრის
საძოვრად იყენებდნენ. მაშინ იქ ბალახი იზრდებოდა, მომდევ-
ნო წლებში კი გაქრა, რადგან ამ დაბალ კუნძულზე რამდენ-
ჯერმე ზღვის წყალმა გადაიარა, რამაც იქაურობა ცხვრის სა-
ძოვრად გამოუსადეგარი გახადა. ამის შემდეგ კუნძულზე

მხოლოდ თოლიები ან ჩვენი მხარის სხვა ფრინველები თუ გამოჩნდებოდნენ, ათასში ერთხელ წყლის არწივიც - ძონახულებდა. მთვარიან ღამეებში ჯებირიდან შეამჩნევდით, რომ კუნძულს ხან გამკვირვალე ნისლის ლეჩაქი დაეფიხებოდა, ხან კი თვალშეუვალი შავი ღრუბელი. როცა მთვარე კუნძულის აღმოსავლეთით გაანათებდა, როგორც ამბობენ, შეგქალთ აგრეთვე დამხრჩვალ ცხვრების თეთრი ძვლები და ცხუნის ჩონჩხიც შეგემჩნიათ, რომელიც, კაცმა არ იცის, კუნძულზე როგორ მოხვდა. *

მარტის ბოლო იყო. სამუშაოს დამთავრების შემდეგ ჯეზირზე ერთმანეთის გვერდი-გვერდ გაუნძრევლად იდგნენ ტედე ჰაიენის სახლში მომუშავე დღიური მუშა და ახალგაზრდა ზედამხედველის მოჯამაგირე ივენ იონსი, და მთვარის ნქრალ შუქზე ძნელად გასარჩევ კუნძულისაყენ იმზირებოდნენ. ეტყობოდა, კუნძულზე რაღაც საოცარი რამ შეამჩნიეს.

— წამო, წავიდეთ, ივენს, — თქვა ბოლოს მუშამ, ჯიბეებში ხელები ჩაიყო და გააკანკალა. — სასიკეთო არაფერია, შინ წავიდეთ.

მეორეც შიშს აეტანა, მაგრამ მაინც გაიცინა:

— რაღაც მოზრდილი სულიერია! ეშმაკმა დალაზვროს, ნეტავი ვინ შეაგდო მაგ კუნძულზე? ერთი შეხე, აი კისერს იწვდის ჩვენსკენ! არა, თავი ჩაჰკიდა, რაღაცას ჭამს. მე კი მეგონა, იქ საკმელი აღარაფერი იყო! ნეტავ რა არის?

— ნეტა რა საქმე გაგჩენია! — მიაძახა მუშამ. — თუ არ წამოხვალ, მე მივდივარ, ღამე მშვიდლობისა!

— შენ კი წახვალ, რა! შინ ცოლის ჩათბუნებული ლოგინი გელოდება. მე მკითხე, რომ ჩემს ოთახშიც ასეთივე ქარი უბერავს, როგორც აქ.

— მაშ, ღამე მშვიდობისა, — მიაძახა მუშამ და ჯებირიდან შინისაკენ მოჰკურცხლა.

ივენსმა რამდენჯერმე გახედა გაქცეულს, მაგრამ საიდუმლოების ამოცნობის სურვილმა ადგილს მიაჯაჭვა. ანდროს ჯებირზე გამოჩნდა მისკენ მომავალი ტანმორჩილი ფიგურა. ეს იყო ზედამხედველის ხელზე მოსამსახურე ბიჭი.

— რა გინდა, კარსტენ? — შეუყვირა მოჯამაგირემ.

— მე არაფერი, — მიუგო ბიჭმა, — მაგრამ ჩვენს ბატონს სურს შენთან ლაპარაკი, ივენ იონს.

მოჯამაგირე ისევ კუნძულისკენ იყურებოდა.

— ახლავე მოვალ, — მიაძახა ბიჭს.

— მანდ რას უყურებ? — ჰკითხა ბიჭმა.

მოჯამაგირემ ხმის ამოუღებლად ასწია ხელი და კუნძულისკენ გაიშვირა.

— ოჰ, — აღმოხდა ყმაწვილს. — ეგ ხომ ცხენია, თეთრი ტაიჭი, ალბათ, ეშმაკი თუ ზის ზედ, მაშ როგორ მოხვდა ჩვეერსის კუნძულზე?

— არ ვიცი, კარსტენ. იქნებ, ცხენი არც არის?

— როგორ არა, ივენ. აბა შეხედე, მთლად ისე ბალახობს, ცხენმა რომ იცის. ნეტავ იქ ვინ გადაიყვანა? სოფელში ისეთი დიდი ნავი არავისა აქვს, რომ შიგ ცხენი ჩაეტიოს. იქნებ ცხვარია? ძია პეტერი ამბობდა, მთვარის შუქზე ტორფის ათი ბელტი მთელ სოფლად მოგეჩვენებო. არა, არა, შეხე! ე. როგორ ხტის! ნამდვილად ცხენი უნდა იყოს!

ერთხანს ორივენი ჩუმად იდგნენ და თვალმოუშორებლად წესცქეროდნენ კუნძულზე მოძრავ სულიერს. მთვარე მალლა ასულიყო და ზემოდან დაჰნათოდა ვრცელ თავთხელს, რო-

მელზეც უკვე დაწყებული მოქცევა ალაპლაპებულ ტალღებს მოაგორებდა.

წყალი ოდნავ ტყლაშუნებდა, არსაიდან ისმოდა ფრინველის ჩხავილი. ჯებირის უკან გაფენილი მარშის ველებიც სიჩუმეში გარინდებულიყო. პირუტყვი ბოსლებს შეფარებოდა. ყოველგვარი ხმაური და მოძრაობა ჩამკვდარიყო. მხოლოდ ივერსის კუნძულზე მოძრაობდა თეთრი ცხენი თუ ის, რაც ჯებირზე მყოფთ ცხენად მიაჩნდათ.

— მგონი, ინათა, — სიჩუმე დაარღვია მოჯამაგირემ. — მკაფიოდ ვხედავ ცხენის თეთრ ძვლებს.

— მეცა ვხედავ, — წამოიძახა ბიჭმა და კისერი კუნძულისკენ წაიგრძელა. მერე, თითქოს უცბად რაღაც გაახსენდაო, მოჯამაგირეს მკლავზე ხელი წაავლო: — ივენ, — ჩაიჩურჩულა მან, — სად არის ის ცხენის ჩონჩხი, წინათ იქ რომ ეგდო, ველარ დამინახავს!

— ველარც მე ვხედავ! საოცარია! — დაუდასტურა მოჯამაგირემ.

— არც ისე საოცარია, ივენ. ამბობენ, ზოგჯერ, არ ვიცი კი როდის, ღამლამობით ჩონჩხი წამოდგება და ცოცხალივით დადისო!

— ჰოო? — ჩაეკითხა მოჯამაგირე. — ეს ხომ დედაბრების ზღაპარია.

— შეიძლება, ივენ, — დაეთანხმა კარსტენი.

— შენ ხომ ჩემს წასაყვანად მოხველ? წავიდეთ შინ, დროა. ახალი აქ მაინც აღარაფერი ჩანს.

ბიჭს წასვლა არ უნდოდა, სანამ მოჯამაგირემ იგი ძალით არ მოაბრუნა და გზაზე არ გამოიყვანა.

როცა მოჩვენებიანი კუნძული უკან კარგა დიდ მანძილზე მოიტოვეს, მოჯამაგირემ ბიკს უთხრა:

— მისმინე, კარსტენ, შენ ხომ ყველაზე უშიშარი ხარ. მე მგონია, ამის დამტკიცება კარგად შეგიძლია.

— რასაკვირველია, — მიუგო კარსტენმა, რომელიც გადატანილი შიშისაგან ცოტა არ იყოს კიდევ თრთოდა. — შემიძლია, ივენ.

— მართლა ამბობ? — ჩაჰკითხა მოჯამაგირემ, რადგან კარსტენმა ამის დასამტკიცებლად ხელი გაუწოდა. — მაშ თუ ასეა, ხვალ სადამოს ჩვენი ნავი აეხსნათ. ამ ნავით შენ „ივეერსის ქვიშისკენ“ გასცურე, მე კი ჭებირიდან გიყურებ.

— კარგი, — მიუგო ბიკმა. — თანახმა ვარ. ოღონდ თან მათრახს წავიღებ.

— წაიღე.

მათ ნელა აიარეს ბატონის ეზოსკენ მიმავალი ფერდობი და სახლს ჩუმად ჩაუარეს გვერდით.

მეორე დღეს სადამოთი, დანიშნულ დროს, მოჯამაგირე ბოსლის კარის წინ დიდ ქვაზე იჯდა, როცა მასთან მათრახის ტყაცუნით კარსტენი მივიდა.

— კარგად ატყაცუნებ, — შენიშნა ივენმა.

— მაშ რა გეგონა! მოეცალე! — მიუგო ბიკმა. — თასმებს. შიგადაშიგ ლურსმნებიც ჩავაწანი.

— მაშ წავიდეთ! — მიმართა ივენმა.

გუშინდელივით მთვარე ახლაც აღმოსავლეთით იდგა და იქაურობას კარგად ანათებდა. ჭებირს ორივემ მალე მიადწია და ივეერსის კუნძულისკენ გაიხედეს, რომელიც ნისლში გახვეული იდგა წყალში.

— აი ისევ დადის, — წარმოთქვა მოჯამაგირემ. — შუადღის შემდეგაც ვიყავი, მაგრამ იქ არავეინ არ შემიმჩნევია, მხოლოდ ცხენის თეთრი ჩონჩხი კი მკაფიოდ მოჩანდა მიწაზე.

ბიკმა კისერი წაიგრძელა:

— ჩონჩხი ახლა ძველ ადგილზე აღარ გდია, — ჩაიჩურჩულა მან.

— რას ფიქრობ, კარსტენ, სიტყვაზე როგორა ხარ? — ჰკითხა ივენმა. — აპირებ გადასვლას?

კარსტენი ერთხანს ჩაფიქრდა, მერე მათრახი ჰაერში გაატაკუნა და ივენს შესძახა:

— აუშვი ნავი!

ამ დროს კუნძულზე ცხენმა თითქოს თავი ასწია და კისერი ხმელეთისკენ წამოიგრძელა. მაგრამ ბიკმა და ივენმა ველა-რაფერი დაინახეს, ჯებირი ჩაიარეს და იმ ადგილას ძივიდნენ. სადაც ნავი იყო გამობმული.

— აბა, ჩაჯექი! — შესძახა ივენმა და ნავი ახსნა. — შენს დაბრუნებამდე მე აქ დავრჩები. კუნძულს აღმოსავლეთიდან მოუარე, იქიდან უფრო ადვილია ზედ მიდგომა.

ბიკმა თავი დაუქნია და მათრახიანად გზას გაუდგა. მოჯამაგირე უკან გამობრუნდა და ჯებირზე იმავე ადგილას ავიდა, სადაც წელან იდგნენ. მალე შეამჩნია, თუ როგორ მიადგა ნავი ჩაშვებულ ფლატიან ადგილს, სადაც წყლის მოზრდილი ნაკადი ნაპირს ლოკავდა, და პატარა ფიგურა მიწაზე გადახტა. ეს რა არის, ბიკმა ხომ არ გაატაკუნა მათრახი? იქნებ ეს მოქცევის ხმაურია? რამდენიმე ასეულ ნაბიჯზე ჩრდილოეთით ისევ გამოჩნდა თეთრი ცხენი. ახლა კი ბიკი პირდაპირ მისკენ მიემართება. ცხენმა თავი ასწია, თითქოს შეკრთაო, ბიკმა კი, — ახლა უკვე მკაფიოდ გაისმა, — მათრახი გაატაკუნა.

მაგრამ... რა დაემართა? ბიკი შემობრუნდა და უკახვე წამოვიდა იმავე გზით, წელან რომ გაიარა. ცხენმა კი ისევ განაგრძო ღოვა, მაგრამ ერთხელაც არ დაუჭიხვინია. მოჩვენებას ხანდახან თითქოს წყლის თეთრი ქაფი გადაეკვროდა. მოჯამაგირე მოჯადოებულებით შეჰყურებდა კუნძულს.

უცხად მოახლოებული ნავის ხმაური გაიგონა. მალე ბნელში ჯებირისკენ ამომავალი ბიკიც დაინახა.

— რა ჰქენი, კარსტენ, რა ნახე იქ? — ჰკითხა ივენმა.

ბიქმა თავი გაიქნია:

— არც არაფერი. ნავიდან ერთხელ კიდევ შევამჩნიე, მაგრამ მერე, როცა კუნძულზე გადავედი, ეშმაკმა უწყის, საღ დაიკარგა, მთვარე ხომ ასე კარგად ანათებდა. იმ შემჩნეულ ადგილზე რომ მივედი, ხუთიოდე ცხერის თეთრი ძვლები და ცოტა მოშორებით ცხენის ჩონჩხის მეტი არაფერი იყო. მთვარე თვალის ცარიელ ფოსოებს უნათებდა ცხენის თეთრ წაგრძელებულ თავის ქალას.

— ჰმ! ვითომ კარგად მოათვალიერე იქაურობა?

— როგორ არა, ივენ, იქ არ ვიყავი! ჩონჩხის ქვეშიდან გამოფრინდა შიგ შებუღებული წლიკიონა და ისეთი ჩხავილი ატეხა, რომ შემეშინდა და მათრახი რამდენჯერმე გავატყალუნე.

— სულ ეგ იყო?

— ჰო, ივენ. მეტი არაფერი არ მინახავს.

— ეგეც საკმარისია, — მიუგო მოჯამაგირემ, ბიქს მაჯაში ხელი ჩასკიდა და კუნძულისკენ გაახედა. — ხედავ, კარსტენ, იქ რამეს?

— ჰო, აგერ ისევ დადის!

— ისევო? — გაიმეორა ივენმა. — მთელი ამ ხნის განმავ-

ლობაში ვუმზერდი და არც არსად წასულა. შენც ხომ სწორედ მისკენ მიდიოდი. უსხეულო სულია რაღაც!

ბიჭი დაჟინებით უყურებდა. მისი ჩვეულებრივად გამბედავი გამომეტყველება უცხად შიშმა შეცვალა. ეს ამბავი ივენს მხედველობიდან არ გამოჩენია.

— წამო, — მიმართა მან ბიჭს, — შინ წავიდეთ. აქედან ისე ჩანს, თითქოს რაღაც სულიერი დადის, იქ კი მხოლოდ ძვლები აწყვია. ეს ისეთი რამ არის, რის გაგებაც მე და შენ არ შეგვიძლია. მაგრამ ამ ამბავზე ხმა არ ამოიღო, სიტყვა არსად დაგცდეს!

ივენი შინ გამობრუნდა და ბიჭიც აედევნა. ჩუმად მოდიოდნენ, მარშების ღუმილს არაფერი არღვევდა.

...მას შემდეგ კი, რაც მთვარემ დაივახშმა და ბნელი ღამეები დაიწყო, სხვა ამბავი მოხდა.

ცხენების ბაზრობის დრო იყო და ჰაუკე ჰაიენი ცხენით ქალაქისკენ გაემართა. თუმცა ცხენის ყიდვა არც უფიქრია, მაგრამ, როცა შინ მობრუნდა, თან მეორე ცხენიც მოიყოლა, ბანჯგელიანი და ისეთი გამხდარი, რომ ნეკნებს დაუთვლიდით. უსიცოცხლო, ჩაცვენილი თვალები ჰქონდა. ელკე გარეთ გავიდა, რომ საყვარელ მეუღლეს შეგებებოდა.

— ღმერთო, შენ გვიშველე! — წამოიძახა ქალმა. — რად გინდოდა, ეს ბებერი ცხენი რომ მოგიყვანია?

სანამ ჰაუკე ეზოში შევიდოდა და კოპიტის ქვეშ შეჩერდებოდა, ელკემ ისიც შენიშნა, რომ ცხენი კოჭლობდა კიდევ უახლგაზრდა ზედამხედველი სიცილით ჩამოხტა თავის წაბლა იაბოდან და ელკეს უთხრა:

— არა უშავს რა, ძვირი არ დამჯდომია.

მაგრამ ქკვიანმა ქალმა უპასუხა:

— იაფფასიანი ხორცით კარგი წვნიანი არ კეთდება.

— ყოველთვის ეგრე არ არის, ელკე. ეს ცხენი, ბევრი-ბევრი ოთხი წლისა თუ არის. აბა კარგად შეხედე! დაშშეულია და მოუვლელი. ქერზე დავაყენოთ, ნახე, როგორ გამოკეთდება. თვალყურს თვითონვე მივადევნებ, თორემ ვაითუ ხაშეტანი იხარბოს.

ცხენი თავჩაღუნული იდგა, კისერზე ფაფარი ჩამოგრძელებოდა.

ჰაუკემ მოჯამაგირეს მოუხმო, ამასობაში ფრალე ელკე ცხენთან მივიდა და შეათვალიერა, მერე თავი გადაიქნია და თქვა:

— ასეთი ცხენი ჩვენს თავლაში ჯერ არ გვყოლია.

ამ დროს სახლის კუთხიდან გამოვიდა მსახური ბიჭი კარსტენი. როგორც კი ცხენს თვალი მოჰკრა, შეშინებული შედგა.

— რა დაგემართა, კარსტენ? — შესძახა ზედამხედველმა. — წელკავი ხომ არ გაგიდგა! არ მოგწონს ჩემი თეთრონი?

— კი... კი, ბატონო, რატომაც არა.

— მაშ თავლაში წაიყვანე, ოღონდ საკმელს ნუ დაუყრი. მეც ახლავე მოვალ.

ბიჭმა თეთრონის ავშარას ფრთხილად მოჰკიდა ხელი, მერე კი, თითქოს თავის დაცვას ცდილობსო, უცბად წაბლას აღვირს წაეტანა.

ჰაუკე და მისი მეუღლე ოთახში შევიდნენ. ცოლს უკვე მოემზადებინა თბილი ლუდი, პური და კარაჭი.

ჰაუკე ჰამას მალე მორჩა და ოთახში ბოლთის ცემას მოჰყვა. ჩამავალი მზის სხივები ოთახის შორენკეცებს დასთამაშებდა.

— გინდა გიამბო, ელკე, როგორ ვიყიდე ეს ცხენი? — წამოიწყო ჰაუკემ. — მთავარ ზედამხედველთან თითქმის ერთ

საათს ვიყავი. მან კარგი ამბავი დამახვედრა. შეიძლება, ჩემს ნახაზებში ზოგიერთი რამ შეიცვალოს, მაგრამ მთავარი ის არის, რომ ჩემებური კვეთი მოიწონეს და ერთ-ორ ღღეში ახალი ჯებირის მშენებლობის დაწყების ბრძანებას მივიღებთ.

— მაშასადამე, მაინც მივიღებთ? — დარდიანად ამოიხრა ელკემ.

— ჰო, ელკე, — მიუგო ჰაუკემ. — მართალია, გაგვიჭირდება, მაგრამ მამაზეციერმაც ხომ სწორედ იმიტომ შეგვეერთა, რომ გასაპირში ურთიერთს მხარი მივცეთ. ჩვენი მეურნეობა კარგად გვაქვს აწყობილი, ამჟამად მას ძირითადად შეიძლება შენც გაუძღვე. აბა, წარმოიდგინე, რა მიწები გვექნება ათი-ოღე წლის შემდეგ!

ქმრის პირველსავე სიტყვებზე ელკემ მისი ხელი საკუთარში მოიქცია და მაგრად მოუჭირა, თითქოს ამიღ თავისი თანხმობა აგრძნობინაო, მაგრამ ბოლო სიტყვებმა თითქოს მოლოდინი გაუმტყუნა.

— ვისთვის გინდა, მერე, ეგ მიწები? — იკითხა ქალმა. — ალბათ; სხვა ქალის თხოვა გერჩია. ეტყობა, შვილებს მე ვერ გაგიჩენ.

ქალს თვალებიდან ცრემლი გადმოსცვივდა. ქმარმა მაგრად მოხვია ხელი.

— ეგ საქმე მამაზეციერს მივანდრთ, — მიუგო ჰაუკემ. — ჯერ ხომ ახალგაზრდები ვართ, თვითონვე გავიხარებთ ჩვენი ნაშრომის შედეგით.

დიდხანს შესტყეროდა ელკე ქმარს.

— მაპატიე, ჰაუკე, — წარმოთქვა ბოლოს. — ზოგჯერ გულგატეხილობა მომიცავს ხოლმე.

კაცი მისკენ დაიხარა და აკოცა:

— შენ ჩემი ცოლი ხარ, მე შენი ქმარი. ეს ასეა და სამუდამოდ იქნება ასე.

ქალმა ქმარს მაგრად შემოხვია კისერზე მკლავები.

— მართალი ხარ, ჰაუჯე. ხოლო, თუ კი რამ ავი საქმე დაგვემართება, დაე ორივე ერთად შეგვიწიროს. — ქმარს ხელი გაუშვა და წყნარად უთხრა:

— ჰო, მომიყევი იმ თეთრონის ამბავი.

— მოგიყვები. უკვე გითხარი, რომ მთავარი ზედამხედველის დახვედრებულმა კარგმა ამბავმა გამახარა-მეთქი. ის იყო ქალაქიდან წამოველ და ცხენს ჯებირზე მოვაკენებდი, რომ ნავმისადგომის უკან ერთ დაფლეთილსამოსიან ბიჭს ვადავეყარე. არ ვიცი, ვინ იყო— მაწანწალა, მკალავი თუ ამის მსგავსი რამ. ბიჭს უკან ავშარით ეგ ჯაგლაგი მოჰყავდა. ცხენმა ასწია თავი და უაზრო თვალეები მომაპყრო, თითქოს რაღაცას მეხევეწებო. ფული ხომ თან მქონდა, ავდექი და ბიჭს შევეუყვირე:

— ჰეი, ჩვენებურო, სად მიგყავს ეგ ლაფშა?

ბიჭიც გაჩერდა და ჯაგლაგიც.

— გასაყიდად, — მომიგო მან და თვალი ეშმაკურად ჩამიკრა.

— გაყიდე, ოლონდ მე ნუ მომყიდი, — გავეპასუხე მხიარულად.

— მე კი ვფიქრობ, რომ სწორედ თქვენ უნდა მოგყილოთ! — მიპასუხა მან. — დასაწუნი არაფერი აქვს, ას ტალერზე ნაკლები არ ღირს.

გამეცინა.

— ჰო, რად გეცინებათ? მე ხომ ამდენს არ ვითხოვ. ცხენი

არ მკვირდება, ჩემ ხელში სულ წახდება. თქვენთან კი მალე მოიკეთებს.

ჩემი წაბლადან ჩამოვხტი და თეთრონს კბილები გავუსინჯე. აღმოჩნდა, რომ ცხენი ჭერაც ახალგაზრდა იყო.

— რამდენი გინდა? — შევეკითხე ბიჭს, რაკილა შევამჩნიე, რომ ცხენმა კვლავ თითქოს მუდარით შემომხედა.

— ოცდაათ ტალერად წაიყვანეთ, ბატონო, ავშარასაც თან გამოვატან.

ასე შევთანხმდით და მორიგების ნიშნად ბიჭს ხელი დავურტყი, ჩაშავებული ხელი კი ისეთი ჰქონდა, თითქოს მარწუხიაო. ვფიქრობ, ცხენი იაფად ვიშოვე. ოღონდ გასაკვირელი ეს იყო, ცხენი რომ წამოვიყვანე, ზურგს უკან სიცილი შემომესმა, თავი შევაბრუნე და დავინახე, ბოშას ფეხები გადაუჭვარედინებია, ხელები ზურგზე დაუკრეფია და ავსულივით ხითხითებს.

— ფუი, ეშმაკს! — წამოიძახა ელკემ. — ნეტა კი ძველი პატრონიდან ცუდი რამ არ მოგიტანოს. ღმერთმა მშვიდობაში მოგახმაროს!

— ყოველ შემთხვევაში, ცხენი ჩემთან ცუდად არ იქნება, რამდენადაც ჩემზე არის დამოკიდებული, — მიუგო ზედამხედველმა და თავლაში გასწია.

...ცხენს ამ საღამოს ჰაუკემ თავის ხელით მისცა საქმელი, შემდეგაც მუდამ თავის ხელით ჰკვებავდა და თვალს არ აცილებდა. სურდა დაემტკიცებინა, რომ ძალიან სარფიანად იყიდა და ამისთვის არაფერს იშურებდა. ორიოდ კვირაში ცხენი შესამჩნევად შეიცვალა: უხეში ბალანი თანდათან გასცივიდა, ლურჯი, ვაშლივით კრიალა ბეწვი ამოუვიდა და, როცა ერთ დღეს ჰაუკემ იგი ეზოში გაიყვანა, მაგარ, მოქნილ ფეხებზე

ცხენმა მოხდენით შეიჭირითა. ჰაუკეს გაახსენდა, რა უცნაურ ვითარებაში იყო და ცხენი და თავისთვის ჩაილაპარაკა: — ან გიჟი იყო ის ბიჭი, ანდა ავაზაკი და ცხენი მოპარული ჰყავდა.

მალე ამის შემდეგ, როგორც კი ცხენი პატრონის ფეხის ხმას გაიგონებდა, თავს შეაბრუნებდა და ჭიხვინით შეეგებებოდა ხოლმე. ჰაუკემ შეამჩნია, რომ თავის მერანს არაბული ცხენის მსგავსი, გამხდარი თავი ჰქონდა და ყავისფერი თვლები უბრწყინავდა.

ერთხელ ჰაუკემ თეთრონი თავლიდან გამოიყვანა და მსუბუქი უნაგირი დაადგა. შეჯდომა ძლივს მოასწრო, რომ ცხენმა მხიარულად შეიჭიხვინა, ადგილს მოსწყდა, მიწაყრილზე დაქანდა და ჯებირისაკენ გაფრინდა. მაგრამ მხედარი მტკიცედ იჯდა და, როცა ისინი ზემოთ ავიდნენ, ცხენი ნელ, მსუბუქ ნაბიჯზე გადავიდა, თითქოს ცეკვავსო, თან თავს ზღვისკენ გაიქნევდა ხოლმე. ალაპლაპებულ კისერზე ჰაუკე ხელს უთათუნებდა, მაგრამ ახლა ეს დამამშვიდებელი ღონისძიება საჭირო აღარ იყო, ცხენი მთლად მხედრის ნებას დამორჩილებოდა. პატრონმა თეთრონი ჯებირზე რამდენიმე ხანს ჩრდილოეთით აქენა, შემდეგ მორჩილად შეაბრუნა და თავლისკენ წაიყვანა.

მსახურები ფერდობის ძირში იდგნენ და ბატონის მობრუნებას ელოდებოდნენ.

— ასე, ივენ, — დაიძახა ჰაუკემ და ცხენიდან ჩამოხტა. — ახლა შენ შეჯექი და საბალახოზე წადი ცხენებთან. ისე გატარებს, ვითომც აკვანში წოლილიყვე.

სანამ მოჯამაგირე უნაგირს ხდიდა, ტაიქმა თავი შეარხია და ისეთი დაიხვიხვინა, რომ მისი ხმა მზით გაბრწყინებულ მარშის ველებს მოეფინა. ივენმა აღკაზმულობა სათავსოში წაიღო. ცხენმა თავი პატრონს დაადო მხარზე და ჰაუკეს მოა-

ლერსებით ნაამები გაიტრუნა. მაგრამ, როგორც კი მოჯამაგირემ ზურგზე მოხტომა დაუპირა, ცხენი მოულოდნელად გვერდით გახტა, შემდეგ კი უძრავად დადგა და მშვენიერი თვალები პატრონს მიაპყრო.

— ჰეი, ივენ! — შესძახა ჰაუკემ და ასაყენებლად მოჯამაგირისაკენ გაქანდა. — ხომ არაფერი გატყინა?

ივენი მონდომებით იბერტყავდა თეძოს.

— არაფერი, ბატონო, მაგრამ დაე მაგ ცხენზე ეშმაკი შეჯდეს!

— და მე! — ღიმილით დაუმატა ჰაუკემ. — მაშ, აღვირში მოჰკიდე ხელი და საბალახოზე წაიყვანე.

ცოტა არ იყოს, დარცხვენილმა მოჯამაგირემ ცხენს აღვირში წაავლო ხელი და თეთრონიც მორჩილად გაჰყვა.

...რამდენიმე დღის შემდეგ მოჯამაგირე და მსახური ბიჭი თავლის კართან მიმდგარიყვნენ. ჯებირის იქით თანდათან ჭრებოდა დაისი, მარშის ველი კი უკვე სიბნელეს მოეცვა. მხოლოდ ზოგჯერ თუ გაიგონებდით სადღაც შორს შემფოთებული პირუტყვის ბლავილს ანდა თრითინისა თუ წყლის ვირთხის ბრჭყალებში მოხვედრილ ტოროლას აჭყვივლს ივენი კარის წირთხლს მიეყრდნო და თავისი მოკლე ჩიბუხი გააბოლა, თამბაქოს ბოლს კი ვერ ხედავდა. ივენი და ბიჭი ხმას არ იღებდნენ. კარსტენს, ეტყობოდა, გულში რაღაც აწუხებდა, მაგრამ ვერ გადაეწყვიტა, ივენთან ლაპარაკი როგორ წამოეწყო.

— ივენ, — დაიწყო მან ბოლოს, — ხომ გახსოვს, ივეერსის კუნძულზე რომ ცხენის ჩონჩხი ეგდო?

— კი, ეგდო. მერე რა იქნა? — იკითხა მოჯამაგირემ.

— ჰოდა, რა იქნა? იქ აღარ არის! აღარც დღისით ჩანს,

აღარც მთვარის შუქზე. ერთი ოცჯერ მაინც ავედი ჯებირზე.

— რამდენი ხნის ჩონჩხი იყო, ალბათ, დაიშალა, — მიუგო ივენმა და ჩიბუხის წვევა მშვიდად განაგრძო.

— მთვარიან ღამით გავედი იქ, მაგრამ ივეერსის კუნძულზე აღარავინ არ დადის.

— მაშ, რა იქნება, ჩონჩხი დაიშალა და როგორღა ადგება?

— მოეშვი ხუმრობას, ივენ! ვიცი, სადაც არის. გინდა გითხრა, სადაც არის?

მოჯამაგირე ერთბაშად მისკენ შებრუნდა:

— ჰო, აბა მითხარი, სად არის!

— სად და... — გაიმეორა ბიჭმა მრავალმნიშვნელოვნად, — ჩვენს თავლაში. ჰო, ჩვენს თავლაშია მას შემდეგ, რაც იმ კუნძულზე აღარ გდია. ტყუილად კი არ კვებავს მას ჩვენი ბატონი საკუთარი ხელით. ვიცი, რაშიც არის საქმე.

მოჯამაგირე ერთი ხანობა გაცხარებით ქაჩავდა ჩიბუხს და თამბაქოს ბოლქვებს კუნაპეტ ღამეს უერთებდა.

— დიდი ჰკუთით ვერ დაიკვებხნი, კარსტენ! — წარმოთქვა მან ბოლოს. — ჩვენს თეთრონზე ამბობ? კარგი ჩონჩხია! ნამეტანი უშიშარი ყოფილხარ, დედაბრების ზღაპრებს აპყოლი-ხარ!

... ამ საუბარმა ბიქს რწმენა ვერ შეუცვალა. რატომაც არ შეიძლებოდა, თუკი ჩონჩხში ეშმაკის სული ჩასახლდებოდა, რომ იგი ცოცხალ ცხენად გადაქცეულიყო? დიახაც რომ შეიძლებოდა! ყოველთვის, როცა საღამოობით ბიქი თავლაში შევიდოდა, სადაც ცხენი ხანდახან ზაფხულობითაც იყო ხოლმე, თეთრონი თავს მისკენ შეაბრუნებდა და აბრიალებულ თვალებს მიანათებდა.

— ეშმაკსაც წაუღიხარ! — ბუზლუნით მიახლიდა ბიჭი. — ერთად მაინც დიდხანს აღარ გვედგომება.

ბიჭმა ბატონის უჩუმრად სხვა სამსახურის ძებნა დაიწყო, მერე ჰაუტესაც აცნობა, და ყოვლადწმიდის დღესასწაულზე ოლე პეტერსის ოჯახში დადგა მოსამსახურედ. აქ მას ყურმოკრული ამბების კარგი მსმენელები დაუხვდა, მონდომებით უსმენდნენ მის მონაჩმავს ჯებირის ზედამხედველის ავსულჩასახლებულ ცხენზეც. ფაშფაშა ფრაუ ვოლინა და მისი გონებადაბლაგვებული მამა, იეს ჰარდერსის დროის ყოფილი ნდობით აღჭურვილი პირი, უსმენდნენ შემზარავ ამბებს და შემდეგ უყვებოდნენ ყველას, ვინც კი ზედამხედველზე გულარჯალად იყო, ანდა საერთოდ ასეთი მითქმა-მოთქმა აინტერესებდა.

მარტის ბოლო იყო, როცა მთავარი ზედამხედველის კანცელარიიდან ახალი ჯებირის მშენებლობის დაწყების ბრძანება მოვიდა. ჰაუტემ პირველ რიგში ნდობით აღჭურვილი პირები მოიწვია. დანიშნულ დღეს ისინი ეკლესიის მოედანზე მდებარე ფუნდუკში შეიყარნენ და ჰაუტემ მათ დამტკიცებულ დოკუმენტის ძირითადი პუნქტები წაუკითხა: თავისი წინადადებანი, მთავარი ზედამხედველის დასკვნები და საბოლოო გადაწყვეტილება. მიღებულ იქნა მისი წარდგენილი ჯებირის კვეთი, რომლის მიხედვითაც ახალი ჯებირი წინანდებურად ციკაბოდ კი არ უნდა დაშვებულყო ზღვისკენ, არამედ თანდათანობით, დაქანებულად. მაგრამ ვერც ერთი დამსწრის სახეზე ზედამხედველმა ვერც სიხარული შენიშნა და ვერც კმაყოფილება.

— ჰო, ჰო, — წამოიწყო ერთმა მოხუცმა ნდობით აღჭურვილმა, — კარგი საჩუქარი კი მივიღეთ. ახლა რამდენიც გინდა

შეედავე, რაღა გვიშველის, მთავარი ზედამხედველი ისე იქცევა, როგორც ჩვენსას უნდა.

— მართალი ხარ, დეტლევ ვინს, — დაუმატა მეორემ. — კარზე გაზაფხულის სამუშაოები მოგვდგომია და ახლა კიდევ ამხელა უშველებელი ჯებირი ააშენეთო. ეს ყველაფერი ხომ გასაკეთებელი დარჩება. •

— მინდვრის სამუშაოებს რომ მოვრჩებით, ამ საქმეს მერე შევუდგებით, — დაიწყო ჰაუკემ. — ნელა დავიწყებთ, თავპირის მტვრევა რა საჭიროა.

მაგრამ ამაზეც ბევრი არავინ დათანხმებია.

— საქმე ეგ შენი ახალი კვეთია! — ჩაურთო მესამე ნდობით აღჭურვილმა და ცეცხლს ნაეთი დაასხა.

— ეს ჯებირი ხომ ზღვის მხარეზე ჩვენი ლავრენცის შვილზე განიერი უნდა იყოს. სამშენებლო მასალას სად ვიშოვით? ანდა სამუშაოს როდის მოვრჩებით?

— თუ წლელუს არა, საგაისოდ მაინც. ეს უმეტესად ჩვენზეა დამოკიდებული, — მიუგო ჰაუკემ.

შეკრებილთა შორის პირქუში სიცილი გაისმა.

— მერე და რა საჭიროა ეს უსარგებლო შრომა? ახალი ჯებირი ხომ ძველზე უფრო მაღალი არ იქნება! — წამოიძახა ახალმა ხმამ. — ხოლო ძველი ჯებირი, ჩემი აზრით, უკვე ოცდაათზე მეტი წელია მკვიდრად დგას!

— მართალია, — დაეთანხმა ჰაუკემ, — ძველი ჯებირი უკანასკნელად ოცდაათი წლის წინათ გაგლიჯა ზღვამ, მანამდე კი ოცდათხუთმეტი წლის წინათ, ხოლო სულ პირველად — ამ ასათი წლის წინათ. ახლა კი, მართალია, იგი გონივრულად არ არის აშენებული და შვეულად არის ზღვაში შეჭრილი, ოცდაათი წელია მაინც დგას. მაგრამ ამ ხნის მანძილზე ზღვაზე

მძლავრი შტორმები არა ყოფილა. ახალი ჯებირი კი, დიდი ქარიშხალიც რომ იყოს, ასი და ორასი წელიც გაძლებს, რადგან ზღვის მხარეს თანმიმდევრული დაქანება, გამოქანებულ ტალღებს წინააღმდეგობას არ ახვედრებს. ამრიგად, ამ ჯებორით თქვენთვის და თქვენი შვილებისთვის ზღვას ართმევთ საიმედოდ დაცულ მიწას. ამის გამო ეს ჯებირი თქვენს სასარგებლოდაც უნდა მიგაჩნდეთ. აი ამიტომ მიჰყერენ მხარს ბატონები და მთავარი ზედამხედველი.

შეკრებილთაგან ერთხანს ხმა არავის ამოუღია, შემდეგ სკამიდან წვალებით წამოდგა ერთი მხციტომოსილი მოხუცი კაცი. ეს იყო ფრაუ ელკეს ნათლია, იევე მანერსი, რომელიც ნდობით აღჭურვილად ჰაუკეს თხოვნით დარჩა.

— ზედამხედველო ჰაუკე ჰაიენ, — დაიწყო მან. — შენ ბევრ თავშისახლელს გვიჩენ, ამას ხარჯიც საკმაო მოსდევს. მე ვისურვებ ეს საქმე მანამდე არ წამოგეწყოს, სანამ უფალი არ მიიბარებდა ჩემს სულს. მაგრამ შენ მართალი ხარ და ამაში მხოლოდ უგუნურს თუ შეუძლია, შემოგედავოს. ყოველ დღე ღმერთს მადლს უნდა ვწირავდეთ, რომ, ჩვენი წელანგარობის მიუხედავად, აბობოქრებულმა ზღვამ ძვირფასი მიწა ხელიდან არ გამოგვაცალა. ახლა კი ბარე თერთმეტი საათია იმაზე ვდავობთ, გამოვიყენოთ თუ არა ჩვენი ცოდნა, რათა საკუთარი თავი თვითონვე დავიცვათ და ბოროტად არ გამოვიყენოთ ღვთის დიდსულოვნება. მე, ჩემო მეგობარო, მოხუცი ვარ, ჯებირების შენებასაც შევსწრებივარ და ნგრევასაც. მაგრამ იმ ჯებორის დანგრევას, რომელიც ჰაუკე ჰაიენმა ღვთის ნებით დააპროექტა და უფროსებთან გაიტანა, არც ერთი თქვენგანი არ შევსწრება. და თუ თქვენ არ ეტყვიტ მას მადლობას, რო-

ცა იქნება, თქვენი შვილიშვილები მაინც დიდების გვირგვინით შეამკობენ.

იევე მანერსი ისევ დაჯდა, ჯიბიდან ლურჯი ხელსახოცი ამოიღო და გაოფლილი შუბლი მოიწმინდა. ეს კაცი მუდამ გონივრულობითა და შეუღახველი სამართლიანობით იყო ცნობილი და, მიუხედავად იმისა, რომ იქ შეკრებილნი მისი მხარის დაჭერას არ აპირებდნენ, ხმა არც კარგად ამოიღეს და აღარც ავად.

ახლა ისევ ჰაუკე ჰაინემა ითხოვა სიტყვა. შეკრებილთაგან ყველამ შეამჩნია, როგორ გაუკრთა ფერი სახეზე.

— მადლობელი ვარ თქვენი, იევე მანერს, — უთხრა მან მოხუცს, — იმის გაშო, რომ ისევ ჩვენთან ხართ და იმის გამოც, რომ ასეთი სიტყვა თქვით. თქვენ კი, დანარჩენ ნდობით აღჭურვილთ, უნდა გითხრათ, რომ ახალი ჯებირის მშენებლობის საქმე, რომელიც, რასაკვირველია, ჩემი საწვალაღებელია, არ შეგვიძლია შევცვალოთ და, მოდით, ახლა იმაზე ვიმსჯელოთ, თუ უკეთ როგორ მოვაგვაროთ.

— დაიწყეთ! — წარმოთქვა ერთ-ერთმა ნდობით აღჭურვილმა და ჰაუკემაც მაგიდაზე ახალი ჯებირის ნახაზი გაშალა.

— წელან ერთმა იკითხა, — დაიწყო ჰაუკემ, — ამდენი მიწა საიდან მოვიტანოთო? თქვენ კარგად იცით, რომ ჯებირიდან ზღვის პირამდე მიწის ზოლია დარჩენილი. სამშენებლოდ მიწას გამოვიყენებთ აქედან და მოაჯირის ჩრდილოეთათა და სამხრეთით მდებარე შემოერთებული ნაკვეთებიდან. თუ ზღვის მხრიდან საჭიროა გამძლე თიხა, ჯებირის შიგნითა მხარისა და შუა ნაწილისთვის ქვიშის გამოყენებაც შეიძლება. ახლა პირველ რიგში მიწისმზომელი უნდა გამოვიძახოთ, რომელიც ახალი ჯებირის ხაზს მონიშნავს ნაპირზე. ამ საქმეში, ჩემი აზ-

რით, ყველაზე უკეთ ის გამოდგება, ვინც პროექტის შედგენა მიშველა. ამას გარდა, თიხისა და სხვა მასალის მოსაზიდავად რამდენიმე ურმის ოსტატს უნდა შევუკვეთოთ ხელნიანი თვით-მცლელი ურემი. სადინარის გადასაღობად და ჭებირის შიგნითა მხარეს სილასთან ერთად ნამჯაც დაგვჭირდება. ჭერჭერობით არ შემძლია გითხრათ, რამდენი ურემი მოუნდება მთელი ჭებირის ამოშენებას, შესაძლოა, უფრო მეტა, ვიდრე მარშებზე თავს მოვუყრიოთ. ჰოდა, მოდი, ახლა პირველ რიგში ეს მოვიფიქროთ, სად ვიშოვოთ ეს ყველაფერი და როგორ მოვიზიდოთ. ამას გარდა, დასავლეთით რაბის გაკეთება. რაც უკვე შემდგომი საქმეა, ვინმე კარგ ხელოსანს უნდა მივანდოთ.

შეკრებილები მაგიდასთან მივიდნენ, ცალი თვალით გაშლილ რუკას დახედეს და ნელ-ნელა ლაპარაკს შეუდგნენ. მაგრამ, როგორც ჩანდა, თითქოს იმიტომ ალაპარაკდნენ, რომ რაღაც ეთქვათ. როცა საქმე მიწის მზომელის მოწვევაზე მიდგა, ერთმა ახალგაზრდა ნდობით აღჭურვილმა შენიშნა.

— ეს ყველაფერი თქვენი ჩაფიქრებულია, ზედამხედველო, და თქვენ ისიც უკეთ გეცოდინებათ, ამ საქმის მინდობა ვისთვის აჯობებს.

ჰაუკე არ დაეთანხმა:

— რაკილა თქვენ ფიცი გაქვთ დადებული, იაკობ მაიენ, თქვენი საკუთარი აზრი უნდა გამოთქვათ და არა ჩემი გაიმეოროთ, ხოლო თუკი თქვენი მოსაზრება უკეთესი იქნება, მე ჩემსას უკან წავიღებ.

— რასაკვირველია, ასე ჯობს, — მიუგო ამაზე იაკობ მაიენმა.

მაგრამ ერთ მოხუც ნდობით აღჭურვილს მთლად ასე არ უჯობდა.

ჩემი ძმისწულიო, განაცხადა მან, ისეთი მიწისმზომელია, რომ ჩვენ მარშებზე ისეთი ჯერ არავინ ყოფილა. ის თვით ახლანდელი ზედამხედველის მამაზე, განსვენებულ ტედე ჰაიენზე უკეთესიც არისო.

ასე დაიწყო კამათი, თუ ორი მიწისმზომელიდან რომელი შეერჩიათ და ბოლოს გადაწყდა, საქმე ორივესთვის მიენდოთ.

ასეთივე საკამათო გახდა ურმების საქმეც, ნაძვის შოვნაც და დაქანცული ჰაუკე ღამით გვიან დაბრუნდა შინ თავის წაბლათი, რომელიც მას თეთრონით ჯერ კიდევ არ შეეცვალა, როგორც კი ჰაუკე თავისი პატივცემული, მაგრამ ვაცილებით ლაღად მცხოვრები წინამორბედის მიერ დატოვებულ ძველ სავარძელში ჩაეშვა, ცოლიც გვერდით ამოუდგა.

— ძალზე დაღლილი გამოაყურები, ჰაუკე, — მიმართა მეუღლეს და პატარა ხელით შუბლიდან თმა გადაუწია.

— ჰო, ცოტა დავიღალე, — მიუგო ჰაუკემ.

— საქმე როგორ არის?

— პირი აეწყო, — მწარე ღიმილით შენიშნა მან. — მაგრამ ჯარა მე უნდა ვაბრუნო და იმაზეც მადლობელი უნდა ვიყო, თუ იმათ ხელი არ შემეშალეს.

— მაგრამ, ალბათ, ყველა არ შეგიშლის ხელს!

— არა, ელკე, ნათლიაშენი იევე მანერსი კარგი კაცია. ნეტა კი ოცდაათი წლით ახალგაზრდა იყოს.

როცა რამდენიმე კვირის შემდეგ ჯებირის აღგილი მონიშნეს და ურმების მეტი ნაწილიც გამოიძებნა, ჯებირის ზედამხედველმა ფუნდუკში შეჰყარა ახალი ჯებირით მისაღები მიწის წინასწარი მფლობელებიცა და ძველი მეპატრონენიც. საჭირო იყო განეხილათ სამუშაოს და ხარჯების განაწილების გეგმა.

და მოესმინათ შესაძლო წინააღმდეგობანი. საჭირო იყო ძველი ჯებირის უკან მდებარე მიწის მფლობელებსაც თავისი წვლილი შეეტანათ მშენებლობაში, რადგან ახალი ჯებირი და არხები ამცირებდნენ უკვე არსებული ნაგებობების შესანახ ხარჯებს. ეს გეგმა ჰაუკეს დიდძალ შრომად დაუჯდა, და მთავარ ზედამხედველს მისთვის შიკრიკის გარდა მწერალიც რომ არ მიეცა, ასე ძალე ვერ გაამზადებდა, თუმცა ყოველ დღე გვიანობამდე მუშაობდა. ახლა, როგორც კი ჰაუკე მკვდარივით დაქანცული თავის სავანემდე მიაღწევდა, მის მეუღლეს უწინდებურად თავის მომძინარება როდილა სჭირდებოდა: მუშაობა იმდენად აცლიდა ძალ-ღონეს, რომ ღამე მკვდარივით ეძინა.

ჰაუკემ იქ მყოფთ გეგმა გააცნო და მაგიდაზე გაშალა ნახაზები, რომლებიც მანამდეც სამი დღის განმავლობაში ყველას სანახავად ფუნდუკში იყო გაკრული. აქ დამსწრეთაგან ზოგიერთი პატივისცემით უყურებდა ამ კეთილსინდისიერი მუყაითობით შესრულებულ სამუშაოს და მისი გულდაღინჯებული განხილვის შემდეგ ემორჩილებოდნენ საკითხის ასე სამართლიანად გადაწყვეტას, მაგრამ სხვები, რომლებსაც თავიანთი წილი ახლადშემოსამიჯნ მიწაზე ან თვითონ გაეყიდათ ან მათ მამაპაპას თუ სხვა წინაპრებს, უკმაყოფილოდ ბუზღუნებდნენ, — გვაიძულებენ იმ მარშისთვის გაეწიოთ ხარჯი, რომელიც ჩვენ არ გვჭირდებაო. ამ ხალხს ის მაინც ესმოდა, რომ ახალი სამუშაოების წყალობით მათი ძველი ნაკვეთები გადასახადებისაგან თანდათანობით გათავისუფლდებოდა. ისეთებიც აღმოჩნდნენ, რომლებიც ბედნიერი იყვნენ იმ წილით, რაც ერგოთ, მაგრამ მაინც ყვიროდნენ — უარს ვამბობთ ჩვენს ნაკვეთებზე, რადგან ამის ბეგარასაც ვერ აუვალთ და მზად ვართ ჩალის ფასად გავყიდოთო, ოღე პეტერსმა კი, რომელიც ვაბო-

როტებული სახით კარის წირთხლს მიყრდნობოდა, კბილებში გამოსცრა:

— გონს მოეგეთ და ჩვენს ზედამხედველს ნდობა ისე გამოუცხადეთ! მაგას ანგარიში არ ეშლება. მაგან უკვე ჩაიგდო ნაკვეთების მეტი ნაწილი, ჩემიც ხელებშუა გამომაცალა და ახლა მათი ჭებირით დაცვა გადაწყვიტა.

ამ სიტყვებზე იქ მყოფთ შორის ერთბაშად სამარისებური აღუმილი ჩამოვარდა. ზედამხედველი იდგა მაგიდასთან, რომელზეც წელან ქალღმერთები გაშალა. მან თავი ასწია და ოლე პეტერსს გახედა.

— შენ კარგად იცი, ოლე პეტერს, რომ ცილს მწამებ, მაგრამ მაინც სჩადიხარ ამას, რადგან იცი, იმ ლაფის ნაწილი მაინც შემრჩება, რასაც მასხამ. სიმართლე კი ის არის, რომ შენ თავად არ გინდოდა შენი ნაკვეთი, მე კი ამ დროს ჩემი ცხვრისთვის საძოვარს ვეძებდი. ესეც იცოდე: შენ ერთხელ ფუნდუკში წამოროშე ბილწი სიტყვები, თითქოს მე ზედამხედველად ჩემი ცოლის წყალობით დამაყენეს. აი ამის გამო მინდა დაგიმტკიცოთ. რომ ამ ადგილის ღირსი მე თავადა ვარ. ამჟამად, ოლე პეტერს, მე იმას ვაკეთებ, რაც წინამდევალ ზედამხედველს უნდა გაეკეთებინა. შენ ჩემზე იმის გამო ბრაზობ, რომ შენი მიწის ნაკვეთები მე ვიყიდე, ამას გაბოროტება! — შენ თავდაც ხომ გაიგონე, რამდენს უნდა, თავისი ნაკვეთი გაყიდოს, ოღონდ ამ სამუშაოს თავი როგორმე აარიდოს.

შეკრებილთა მცირე ნაწილს მოწონების შექანული აღმოხდა, ხოლო იქვე მდგომმა იევე მანერსმა ხმამაღლა წამოიძახა:

— ბარაქალა, ჰაუკე ჰაიენს! მამაზეციერმა მოგიმართოს ხელი. — მაგრამ საქმე ამით არ დამთავრებულა, უთქცა ოლე პეტერსმა კი ენა ჩაიგდო. ხალხი ვახშმობისას დაიშალა.

შემდეგ შეკრებაზე ყველაფერი მოგვარდა, მაგრამ ისიც მას შემდეგ, რაც ჰაუკემ სამი ფორანის ნაცვლად, ოთხის გამოყვანა ივალდებულა.

ბოლოს, როცა სამებობის მაუწყებელი ზარების რეკვა შეწყდა, ჯებირის მშენებლობას შეუდგნენ: განუწყვეტელ ნაკადად მიედინებოდა ფორნები სანაპირო ზოლიდან ჯებირის მშენებლობის ადგილისაკენ, ყრიდნენ მიტანილ მიწას და ისევ გაწალიკებით ბრუნდებოდნენ უკან ახალი გზის წამოსაღებად. მუშები მოტანილ თიხას ბარებიტა და ნიჩბებით იმ ადგილას ყრიდნენ, სადაც საჭირო იყო და ასწორებდნენ. მოჭკონდათ ნამჭისა და კილის უზარმაზარი ბულულები და სკლიდნენ. ნამჭა-კილს იყენებდნენ მსუბუქი საშენი მასალის — ქვიშასა და ფხვიერ მიწაში ჩასატანებლად, რასაც ჯებირის შუაში ხმარობდნენ; ნელ-ნელა დამთავრდა ჯებირის ცალკეული მონაკვეთები, რომელთა თავზე მოლაგებულ ბელტებს, აბეზარი ტალღებისაგან დასაცავად, ალაგ-ალაგ კილოფებში აქცევდნენ. საგანგებოდ გამოყოფილი ზედამხედველები აქეთ-იქით დარბოდნენ და, ქარიშხალი რომ ამოვარდებოდა, ბრძანებას ყვირილით გადასცემდნენ. აქვე შეამჩნევდით თავის თეთრონზე ამხედრებულ ზედამხედველს — იგი ახლა სულ თეთრონზე იჯდა. როცა პატრონი სწრაფ და მოკლე ბრძანებებს იძლეოდა, მუშებს აქებდა ანდა ზარმაცსა და უგერგილოს შეუბრალებლად აძევებდა სამუშაოდან, — არც ეს ხდებოდა იშვიათად, — ცხენი ფრთაშესხმულივით დაჰქროდა აქეთ-იქით.

— არაფერი გეშველება! — შესძახებდა ხოლმე იგი ამ დროს. — შენი გულისთვის ჯებირს არ გავაფუჭებთ!

როგორც კი შორიდან ზემოთ მომავალი თეთრონის

ფრთხვინვა შემოესმოდათ, მუშები საქმეს გაფაცვიცებით ეცემოდნენ:

— აბა, მარჯვედ გაინძერით, თეთრცხენიანი მხედარი მოდის!

როცა დილით წასახემსებლად მუშები მიწაზე ჯგუფ-ჯგუფად მისხდებოდნენ, ჰაუკე ცხენით სამუშაო უბნებს მოივლიდა და მახვილი თვალთ უცბად ატყობდა დაუდევრად ნამუშევარს. მერე უკან მობრუნდებოდა და ხალხს განუმარტავდა, თუ როგორ უნდა ემუშავათ, მუშები შეჰყურებდნენ ზედამხედველს და მოთმინებით ღეჭავდნენ ლუკმას. მაგრამ მასთან თავიანთ აზრს არ გამოთქვამდნენ.

ერთხელ, ასეთი შემოვლის დროს, უკვე კარგად მოდღევებული იყო, ჰაუკემ ერთ ადგილას ნახა, რომ მონღომებით ემუშავათ. ზედამხედველი მოსაუზმე მუშებისაკენ გაემართა. ტაიქიდან ჩამოხტა და კმაყოფილმა იკითხა, ასე სუფთად ვინ იმუშავაო. პირქუშად გამომზირალმა მუშებმა ზედამხედველს მოკრძალებით შეხედეს, მერე ნაყე-ნაყედ და უგულოდ ორიოდ სახელი ახსენეს. მსახური ჰაუკეს ცხენის აღვირს ორივ ხელით ჩასკიდებოდა და შეშფოთებით შესცქეროდა პირუტყვის მშვენიერ თვალებს. თეთრონი ბატკანივით მშვიდად იდგა და ჩვეულებისამებრ პატრონს თვალს არ აცილებდა.

— რა დაგემართა, მარტენ! როგორ მეხდაცემულივით გაშტერებულხარ? — მიმართა მას ჰაუკემ.

— შეხედეთ, ბატონო, თქვენს ცხენს, ისე გაიტრუნა, თითქოს გულში რაღაც ავი განზრახვა აქვსო!

ჰაუკეს გაეცინა და აღვირი გამოართვა. ცხენმა მაშინვე აღვირსით გაუსვა თავი მხარზე. ზოგი მუშა შემკრთალი შესცქეროდა ცხენსა და პატრონს, ზოგი კი თითქოს არაფერი ენალ-

ვლებათ, ჩემად ილუკმებოდა და დროდადრო ნამცეცებს უყრიდა თოლიებს, რომლებსაც საკენკი შეემჩნიათ და მუშებს ლამის თავზე ეხებოდნენ. ზედამხედველმა ერთხანს ანგარიშ-მიუცემლად უყურა სამათხოვროდ მოფრენილ თოლიებს, რომლებიც გადაყრილ ნამცეცებს მარჯვედ იჭერდნენ ნისკარტებით. შემდეგ ცხენს მოახტა და იქაურობას ისე გაეცალა, ხალხისთვის არ მიუხედავს.

მუშების მიერ ხმამაღლა წარმოთქმული რამდენიმე სიტყვა ზურგსუკან ჰაუკეს დაცინვად ჩაესმა.

„რას ნიშნავს ეს? — თავის თავს ეკითხებოდა ჰაუკე. — ნუთუ ელკე მართალი იყო, როცა მეუბნებოდა, რომ ყველანი შენი წინააღმდეგი იქნებიანო? მათ შორის არც ეს მოჯამაგირეები და სხვა წვრილფეხობა იქცევიან წესიერად, რომლებიც ახალი ჯებირით სიკეთეს უნდა ეწიონ!“

მან ცხენს დეზები ისე ამოჰკრა, რომ მერანი გახელებით დაეშვა ველზე. ჰაუკემ არაფერი იცოდა იმ თვალბედითი შარავანდელის თაობაზე, რომლითაც ყოფილმა ხელზე მოსამსახურე ბიჭმა შემოსა. მართლაც და, ნეტავი ახლა დაენახათ, როგორ უბრწყინავდა გამხდარ სახეზე ანთებულნი თვალები, როგორ დაუზოგავად მიაჰქენებდა თავის თეთრონს და მოსასხამს ქარში აფრიალებდა!

... ასე გაიარა ზაფხულმა და შემოდგომამ. ნოემბრის ბოლომდე იმუშავეს, შემდეგ კი ყინვამ და თოვამ აიძულა გაჩერებულიყვნენ. რვა ფუტის სიმაღლეზე აყვანილი ჯებირი ვერ დაასრულეს და გადაწყვიტეს შემოფარგლული მიწა ასე დაეტოვებინათ. დასავლეთ მხარეს, სადაც შემდგომში რაბი უნდა გაეკეთებინათ, თავისუფალი ადგილი დატოვეს. ზემოთაქცველი ჯებირის წინ, სადინარისთვის ხელი არ უხლიათ. ამ-

რიგად ზღვის ტალღებს, ისევე, როგორც ამ ოცდაათი წლის-მანძილზე, კიდევ შეეძლო ახალი ჯებირის უკან შეედწია, მაგრამ დიდ ზარალს ველარ გამოიწვევდა. ასე მიატოვა ღვთის-იმედად კაცმა თავისი ნამუშევარი, სანამ გაზაფხულის მზე საშუალებას არ მისცემდა შესდგომოდა მის დამთავრებას.

.. ამასობაში ზედამხედველის ოჯახში სასიხარულო ამბავი მოხდა: ქორწინების მეცხრე წლისთავზე ელკეს შვილი შეეძინა. ბავშვი წითელი და სახედანაოჭებული იყო და შვიდ გირვანქას იწონიდა, როგორც წესია, როცა ახლადდაბადებულ მღვდრობითი სქესის არის ხოლმე. ოღონდ რაღაც ყრუდ ჩნაოდა და ბებიაქალს ეს არ მოეწონა. მაგრამ ყველაზე ცუდი ამბავი ის იყო, რომ მესამე დღეს ელკეს მშობიარობის ცხელება დაეწყო და ველარც ქმარს სცნობდა და ველარც მოხუც ბებიას. ბავშვის დანახვით გამოწვეული უსაზღვრო სიხარული ჰაუკეს მწუხარებად შეეცვალა. ქალაქიდან მოყვანილი ექიმო ავადმყოფს საწოლთან უჯდა, მაჯას უსინჯავდა, წამლებს უწერდა და უმწეოდ იყურებოდა აქეთ-იქით. ჰაუკემ თავი გადააქნია და თავისთვის გადაწყვიტა: „ეს ვერაფერს უშველის, მართო ღმერთია შემწეო“. მას საკუთარი რწმენა გამოემუშავებინა, მაგრამ რაღაც აჩჩრებდა, რომ ლოცვა-ვედრება დაეწყო. როცა მოხუცი ექიმი, ქალაქში გაბრუნდა, ჰაუკე ფანჯარასთან მიდგა, ზამთრის დღეს გასცქეროდა და ავადმყოფის უაზრო წამოძახილს უსმენდა. ერთბაშად გულხელი დაიკრიფა, თუმცა თვითონაც ვერ გაეცნობიერებინა: ლოცვას აპირებდა, თუ არ უნდოდა საშინელ სასოწარკვეთას დამორჩილებოდა.

— წყალი! წყალი! — წამოიკვნესა ავადმყოფმა და უცბად აყვირდა: — დამიჭირე, დამიჭირე, ჰაუკე! — მერე ხმას დაუწია,

თითქოს ტირისო. — ზღვაში, ზღვაში! ღმერთო მოწყალე, კვლავ ვერასოდეს ვეღარ ვიხილავ!

ჰაუკე ავადმყოფთან მივიდა და მომვლელი ქალი იქაურობას გაარიდა. მერე საწოლის წინ მუხლებზე დაეცა და ცოლი გულზე მიიხუტა:

— ელკე! ელკე! რატომ არა მცნობ, ეს ხომ მე ვარ!

ქალმა სიცხიანი თვალები დააქყიტა და განწირულად მიიხედ-მოიხედა.

ჰაუკემ ცოლი ისევ ბალიშზე მიასვენა.

— ღმერთო! ნუ წამართმევ მის თავს, — ხელების მტკრევით წამოიძახა მან, — შენ ხომ იცი, რომ უმისოდ ყოფნა არ შემძლია. — მერე თითქოს გონს მოეგოო, ისე განაგრძო: — კარგად ვიცი, რომ არც შენ შეგიძლია ყოველთვის, როგორც გინდა, ისე მოიქცე, ჰო, არც შენ შეგიძლია, მაგრამ შენ ყოვლად უბრძენესი ხარ და ბრძნულად უნდა მოიქცე... ო, მამაო ზეციერო, ოდნავი ჩქამით მაინც გამეხმიანე, მანიშნე რამე!

უცბად თითქოს სამარისებური მღუმარება გამეფდა. ჰაუკეს სმენას ნელი სუნთქვის ხმა მისწვდა. ლოგინისკენ რომ შებრუნდა, დაინახა, ცოლს მშვიდად ეძინა, მომვლელი ქალი კი შეძრწუნებული შესცქეროდა ჰაუკეს. წამიერად კარის კრიალი მოისმა და ჰაუკემ იკითხა:

— ვინ იყო?

— მსახური ანა გრეტე გავიდა გარეთ, ბატონო, სათბუხა შემოიტანა.

— რა დაბნეული შემომყურებთ, ფრაუ ლევკე?

— მე? თქვენმა ლოცვამ შემაკრთო. ასეთი ლოცვით სიკდილისგან ვერავის დაიხსნით!

ჰაუკემ მას გამსკვალავად შეხედა.

— იმ ჩვენი ანა გრეტას მსგავსად თქვენც ჰოლანდიელ მკერავ ანტიესთან ხომ არ დადიხართ საიდუმლო შეკრებაზე?

— დიას, ბატონო. ჩვენ ორივენი ცოცხალი რწმენის მიმდევრები ვართ.— ჰაუკემ არაფერი უპასუხა. იმ დროს აღზევებაში მყოფი სეპარატისტული მოძრაობა* ფრიზლანდიელებშიც პოხიერ ნიადაგს პოულობდა. მის გავრცელებაში მთავარ როლს თამაშობდნენ გალატაკებული ხელოსნები და ლოთობის გამო გადაყენებული მასწავლებლები. მსახური გოგოები, მოხუცი თუ ახალგაზრდა ქალები, წელანგარა თუ შარტოხელა კაცები სიამოვნებით გარბოდნენ ამ საიდუმლო შეკრებაზე, სადაც თითოეულ მათგანს შეეძლო სულიერი მამის როლი ეთამაშნა. ზედამხედველი ფიქრობდა, რწმენის საკითხში ჩარევა არ შეიძლება, რწმენა არავის არაფერს ვნებს და სამიკიტნოში ჯდომას იქ ყოფნა ჯობიაო.

ეს ამბავი მაშინ ამით დასრულდა. ჰაუკეს ამჯერადაც არაფერი უთქვამს, მაგრამ მის შესახებ კი ბევრს ლაპარაკობდნენ. ჰაუკეს ლოცვის სიტყვებმა ყველა სახლი მოიარა: მან ღვთის ყოვლისშემძლეობაში ექვი შეიტანაო. ხოლო რაღა იყო ღმერთი, თუკი ყოვლადძლიერი აღარ იქნებოდა? მაშასადამე, ზედამხედველი ღვთისმგმობელი გამოდიოდა. ალბათ, არც ის ხმები იყო ტყუილი, მის ცხენში ავსული ბუდობსო, რომ ამბობდნენ!

ჰაუკეს ამის თაობაზე არაფერი გაუგია. იმ დღეებში ცოლის გარდა არაფერი აღარდებდა, მისთვის ბავშვიც კი აღარ არსებობდა.

მოხუცი ექიმი კვლავ ჩამოვიდა. დადიოდა ყოველდღე, ზოგჯერ ღღეში ორჯერაც. ერთხელ მთელი ღამე ავადმყოფთან გაატარა, წამალი გამოუწერა და მოჯამაგირე ივენ იონსმა რე-

ცეპტი აფთიაქში აფრინა. მალე ექიმს სახე გაუნათდა და ზედამხედველს ხალისიანად დაუქნია თავი:

— საქმე მოტრიალდა, ღვთის წყალობით, აღარა უშავს რა!

ერთ დღეს — ვინ იცის, ექიმის ხელოვნებამ გაიმარჯვა, თუ ჰაუკეს ლოცვის შემდეგ ღმერთმა სხვა გამოსავლის მოძებნა შესძლო — ავადმყოფთან მარტოდარჩენილმა ექიმმა გაიღიმა და ელკეს უთხრა:

— ახლა კი დამშვიდებით შემიძლია გითხრათ, რომ დღეს ექიმის დღეობაა. ძალზე ცუდად იყავით, მაგრამ ამჟამად ისევ ჩვენთან, ცოცხლებთან ხართ!

ქალის ჩაბნელებულ თვალებს სინათლის სხივი ჩაუდგა:

— ჰაუკე, ჰაუკე, სად ხარ? — დაიძახა ელკემ და როცა ამ ძახილზე კაცი ოთახში შემოვარდა და ცოლის ლოგინთან ჩაიჩოქა, ელკე მას კისერზე შემოეხვია.

— გადაერჩი, ჩემო ჰაუკე! ისევ შენ გვერდით ვიქნები!

მოხუცმა ექიმმა ჯიბიდან აბრეშუმის ცხვირსახოცი ამოიღო, შუბლსა და ლოყებზე მიისვ-მოისვა, თავი დაიქნია და ოთახიდან გავიდა.

... მესამე დღეს, საღამოთი, ჰოლანდიელ მკერავთან ერთი ღვთისმშობლისა და ქადაგებდა. ეს გახლდათ ზედამხედველის მიერ სამუშაოდან გაძევებული ხარაზი. შეკრებილთ იგი ღვთის არსს განუმარტავდა:

— მაგრამ ვის ეპარება ექვი ღვთის ძლევამოსილებაში, ვინ ამბობს: „არც შენ შეგიძლია ყოველთვის, როგორც გინდა, ისე მოიქცეო“? ყველამ ვიცით, ეს უბედური ვინ არის. მთელ თემს იგი მძიმე ლოდევით დასწოლია, ღმერთს განდგომია და ღვთის მტერთან ეძებს სასოებას, ცოდვის მოწადინება და გულსაც ცოდვის ჩადენით იოხებს, რამეთუ ხორციელ

ძეს სჭირდება ვიღაც მეოხე. თქვენ კი განერიდეთ მას, ვინც ასე ლოცულობს, რამეთუ ამგვარი ლოცვა გმობაა ღვთისა.

...ამ ქადაგებამაც მოიარა ყველა ოჯახი. ან კი რაღა არ გავრცელდება ერთ პატარა თემში. ამ ამბავმა ჰაუკეს ყურამდეც მიაღწია, მაგრამ ცოლისთვის არაფერი უთქვამს, არც ერთი სიტყვა. მხოლოდ ხანდახან ჩაიკრავდა ხოლმე გულში და ეტყოდა:

— ჩემი ერთგული იყავ, ელკე! არ მიღალატო!

ქალი გაოცებით შეაცქერდებოდა:

— შენი ერთგული? მაშ ვისი ვიქნები?

მაგრამ დიდმა ხანმა არ განვლო და ქალმა ქმრის სიტყვების მნიშვნელობა გაიგო.

— ჰო, ჰაუკე, ერთმანეთის ერთგულნი უნდა ვიყოთ, მაგრამ არა მხოლოდ იმიტომ, რომ ერთურთი გვესაჭიროება, — ეტყოდა ხოლმე ქალი. შემდეგ ორივენი ისევ სამუშაოს ეძალებოდნენ.

ამას რა უშავდა, მაგრამ გაცხოველებული მუშაობის მიუხედავად, ჰაუკეს ირგვლივ სიცარიელეს დაესადგურა და მის გულში თანდათან ფეხს იკიდებდა გაკერპება და ადამიანთაგან განდგომა. ცოლის მიმართ კი ძველებურად უცვლელი იყო, და დილა-საღამოობით ბავშვის აკვნის წინ ისე ჩაიჩოქებდა, თითქოს ის იყო მისი მარადიული სასოება. მუშებთან უფრო უწყალო გახდა. ზარმაცებსა და მოუხეშავებს, რომლებსაც უწინ უწყინარ საყვედურს აძლევდა და საქმის უკეთ გაკეთებას ასწავლიდა, ახლა უხეშად უყვიროდა. ამასობაში ელკე ნელ-ნელა ჯანმრთელდებოდა.

გაზაფხული რომ მოახლოვდა, ჯებირის მშენებლობა განახლდა. დასავლეთით, იქ სადაც ამჟამად ახალი რაბი უნდა გაეკეთებინათ, ცარიელი ადგილი ნახევარმთვარის ფორმის დამხმარე ჯებირით შემოზღუდეს. რაბის მსგავსად მთავარი ჯებირიც სწრაფად მიიწევდა სიმაღლეში. ზედამხედველს საქმეში შეღავათი მაინც არ უგრძნია, რადგან ზამთარში გარდაცვლილი იევე მანერსის ნაცვლად ახლა ოლე პეტერსი აირჩიეს ნდობით აღჭურვილ პირად. ჰაუკეს არ სურდა, რომ მისი არჩევისთვის ხელი შეეშალა. მაგრამ ახლა გამამხნევებელი სიტყვებისა და მარცხენა მხარზე მეგობრული ხელის მოთათუნების ნაცვლად, რასაც ელკეს მოხუცი ნათლია მიმართავდა ხოლმე, ჰაუკე ხშირად გრძნობდა იევე მანერსის შემცვლელის ჩუმ წინააღმდეგობას. ისინი ხშირად ერთმანეთს უსარგებლოდ ედავებოდნენ, რადგან ოლეს ჯებირის მშენებლობისა არაფერი გაეგებოდა. თანაც თავიდანვე ამ „მწერლუკას“ მიმართ მტრულად იყო განწყობილი.

ზღვასა და მარშის ველმინდვრებს კვლავ კაშკაშა ზეცა დაჰნათოდა. საძოვრებზე კვლავ გამოიშალა დიდრონი ჰრელი საქონელი, რომელთა ბლავილი ირგვლივ გამეფებულ მღუშარებას დროდადრო არღეევდა. შეუსვენებლად ყიფიყივებდნენ ცაში ტოროლები, მაგრამ მათი სიმღერა აღამიანებს მაშინ ახსენდებოდათ, როცა წამით დაღუმდებოდნენ. კარგი ამინდი ხელს უწყობდა სამუშაოს და ახლა უკვე მოჩანდა რაბის შეუღებავი ნაგებობა, დამხმარე ჯებირი კი ერთი ღამითაც არ დასჭირვებიათ, როგორც ჩანდა, ახალ ჯებირს ღმერთი თავის წყალობას არ უშურებდა. ელკესაც თვალეები უციმციმებდა, როცა თეთრონზე გადამჯდარი ქმარი ჯებირიდან შინ ბრუნდებოდა.

— ო, რა კარგად მოყოჩაღდი, — ეტყოდა ხოლმე ელკე ცხენს და მბზინავ კისერზე ხელს მოუთათუნებდა.

ჰაუკე ცხენიდან ჩამოხტებოდა, ცოლს ბავშვს გამოართმევდა და ხელში აათამაშებდა. ცხენიც ყავისფერ თვალებს მიაპყრობდა ბავშვს. ამ დროს ჰაუკე ცხენს ეტყოდა: „მოდი, შენც გერგოს პატივი!“ პატარა ვინკეს — ასე მონათლეს ბავშვი — უნაგირზე შესვამდა და თეთრონს ბორცვის ირგვლივ შემოატარებდა. ზოგჯერ „პატივი“ ბებერ კოპიტსაც ერგებოდა ხოლმე: ჰაუკე ბავშვს მის ტოტზე შესვამდა და აქეთ-იქით აქანავებდა. დედა კარებში ჩადგებოდა და იცინოდა, ბავშვი კი არ იცინოდა. ჩლუნგი თვალებით, რომელთა შუა პაწაწინა ცხვირი ამოზრდოდა, რაღაც უზაროდ უმზერდა სივრცეს. როცა მამა ბავშვს ჯოხს გაუწოდებდა, იგი არ ცდილობდა მისთვის პაწაწა ხელების ჩავლებას. ჰაუკე ამას ყურადღებას არ აქცევდა, ან კი პატარა ბავშვისა ჯერ რა იცოდა. ხოლო ელკე, როცა თავის შინამსახურის ქალის ხელში ვინკეს ტოლ ნათელთვალება გოგონას დაინახავდა, გულისტკივილით იტყოდა ხოლმე:

— ჩემი გოგონა ეგრე ვერ იზრდება, შტინა, როგორც შენი. შინამსახური მეორე, კალთაზე გამობმულ ბუთხუზა ბიქსს სიყვარულით შეანჯღრევდა და ელკეს ეტყოდა:

— ჰო, ქალბატონო, ბავშვები სხვადასხვა ბუნებისანი იბადებიან. აი, ეს ორი წლისაც არ იყო, როცა საკუქნაოდან ვაშლი მომპარა!

ელკე ხუჭუჭთმიან ბიქს თავზე ხელს გადაუსვამდა და თავის უტყვე ბავშვს გულში ჩაიკრავდა.

... ოქტომბერი რომ მოახლოვდა, დასავლეთით რაბს უკვე ორივე მხრიდან მტკიცედ ამოსდგომოდა მთავარი ჯებირი,

რომელიც მთელ სიგარძეზე, სადინართან დარჩენილ თავისუფალ ადგილამდე, ზღვისკენ თანდათან ეშვებოდა. ჯებირი წყლის ჩვეულებრივ ღონეს თხუთმეტი ფუტით ასცილებოდა. ჩრდილო-დასავლეთიდან მოჩანდა ზღვის თავთხელი და ივერსის კუნძული. მაგრამ აქ ძლიერი ქარი იცოდა, ადამიანს თმას უწეწავდა და ქუდის მოგლეჯით ემუქრებოდა. ამიტომ ვისაც აქ ასვლა უნდოდა, თავსაბურავი მაგრად უნდა დაეხურა.

ნოემბრის ბოლოს, როცა წვიმები დაიწყო და შტორმი ამოვარდა, ძველსა და ახალ ჯებირს შორის არსებული ცარიელი ადგილის ამოვსებალა გახდა საკირო, აქედან ზღვა ახლად ათვისებულ მიწაზე იჭრებოდა. მისი ამოვსება ზაფხულის მშრალ ამინდში უფრო იოლი იყო, მაგრამ ახლა, უამინდობის მიუხედავად, იგი მაინც უნდა ამოვსებულიყო, რადგან ამტყდარ ღელვას შეეძლო მთელი ნამუშევარი დაეღუპა. ჰუეკე ყოველ ღონეს ხმარობდა, რომ საქმე ბოლომდე მიეყვანა. წვიმა გაშმაგებით ასხამდა, ქარი ღმუოდა. მაგრამ შმაგ თეთრონზე ამხედრებული გამხდარი კაცი ხან აქ გამოჩნდებოდა, ხან იქ ხალხის შავ მასაში, რომელიც ჯებირის ჩრდილოეთ მხარეს შესეოდა. ახლა მხედარი ჯებირის ძირას მიმდგარიყო, სადაც ფორნებით შორიდან მოტანილ თიხას ჰყრიდნენ. წვიმის შხუილსა და ქარის ზუზუნში დროდადრო მოისმოდა ზედამხედველის ყვირილით გაცემული განკარგულება. დღეს ბრძანებებს ყველგან თავად იძლეოდა. ნომრებით იძახებდა ფორნებს და უდროოდ წინ გამოსულებს უკან აყენებდა.

— შეჩერდი! — გაიხშიანებდა მისი ბრძანება და ჯებირის ძირში მუშაობა წყდებოდა. — ნამჯა, ერთი ურემი ნამჯა აქეთ! — შესძახებდა იგი და სველ თიხას ზემოდან ნამჯას აყ-

რიდნენ. დაბლა მუშები მიიღებდნენ, ნამჭას აქეთ-იქით გაანაწილებდნენ და ზემოთ ასძახებდნენ — ეშინოდათ მალლა მდგომებს ცოცხლად არ დაემარხათ. ისევ მოადგებოდა ფორნები ჭებირს, ჰაუკე უკვე ზემოთ იყო და თეთრონზე ამხედრებული დაბლა იმზირებოდა, სადაც თიხას ყრიდნენ და ზედაპირს ასწორებდნენ.

აი ჰაუკე ისევ ჭებირის თავზე დგას და ზღვის სივრცეს გაჰყურებს. სუსხიანი ქარი უბერავს. იგი ამჩნევს, რომ წყლის დონე თანდათან მალლა იწევს. ამჩნევს, როგორ ჩამოსდით მუშებს წურწურით წყალი და მძიმე შრომით დაქანცულებს ქარი სუნთქვას უკრავს.

— გაუძელით, ხალხო, გაუძელით! — უყვირის იგი ზემოდან. — ერთი ფუტიც მოეუმატოთ და ლეღვა ვერას დააკლებს.

აღმუვლებულ ქარაშოტში მოისმის შრომის ხმაური, მალლიდან ჩაყრილი თიხის ტყაპუნი, ფორნების ჭრიალი, ნამჭის შრიალი. ამ ხმაურს დროდადრო პატარა ყვითელი ძაღლის წკმუილი ფარავს. გაწუწულ, სიცივისაგან აცახცახებულ პირუტყვს ხან იქით მიაგდებენ, ხან აქეთ. უცბად თხრილიდან ძაღლის ხმამალალი წკმუტუნი მოისმა. ჰაუკემ დაბლა ჩაიხედა და დაინახა ძირს ჩაგდებული ძაღლი. გაცრფებამ ერთბაშად სახე აულეწა:

— შეჩერდი! — შესძახა მან მეფორნეს, რომელიც სველ თიხას ზემოდან აყრიდა.

— რატომ? — გაეხშიანა ვილანის უხეში ხმა. — ამ წუნკალი ძაღლის გულისთვის ხომ არა?

— შეჩერდი-მეთქი! — კვლავ შეუყვირა ჰაუკემ. — ძაღლი-აქ მომიყვა! აუგი საქმით ჭებირს არავის შევალანძღვინებ!

ადგილიდან ფეხი არავის მოუტყვლია. ორიოდ ბარმა რამ-

დენიმე ბელტი კიდევ მიაგლო აწკმუტუნებულ პირუტყვს. ჰაუკემ თეთრონს დეზები ისე აძგერა, რომ ცხენმა გამწარბით ამოიფრთხინა და ჯებირზე გაშმაგებით დაეშვა. ყველა უკან მიაწყდა.

— ძალლი-მეთქი! — შეჰყვირა მხედარმა. — ძალლი მომაწოდეთ!

მის მხარს ვილაცის ფაქიზი ხელი შეეხო, როგორც ეს მოხუცმა იევე მანერსმა იცოდა. ჰაუკემ რომ მოიხედა, იევეს მეგობარი შეიცნო.

— გაფრთხილდით; ზედამხედველო, — ჩუმად უთხრა მან. — აქ მეგობრები არ გყავთ. მოეშვით მაგ ძალლს!

ქარი ღმუოდა, წვიმა გახელებით შხუოდა. მუშებმა ბარები მიწაში დაასვეს, ზოგმა სულაც ხელიდან გააგდო.

— ვერ დაიქვრთ ჩემს თეთრონს, ჰარკე იენს? — ჰაუკე მოხუცისკენ გადაიხარა.

მოხუცს აღვირზე ხელი ჯერ არც კი მოეკიდა, რომ ჰაუკე მყისვე თხრილში ჩახტა და აწკმუველებული ძალლი აიყვანა. ასევე ფიცხლად მოახტა ცხენს და ჯებირი თვალისდახამხამებამი აიქროლა. თვალი შეაელო ფორნებთან ატუზულ მუშებს და მკაცრად შესძახა:

— ვინ ჩაიდინა ეს? ვინ ჩააგდო საბრალო სულიერი თხრილში?

ერთ წამს ყველამ იყუჩა, რადგან ზედამხედველის გამხდარი სახე გაცოფებას დაედრიჯა, თანაც ცრუმორწმუნეობრივი შიში აფრთხობდა ყველას. მერე ერთ ფორანს ხარისქელიანი ახალგაზრდა გამოეყო და წინ წაუდგა:

— მე არ მიქნია, ზედამხედველო, — წარმოთქვა მან, საღებქ თამბაქოს ერთი ბოლო მოაკბიჩა და ყბებში მშვიდად

მოქცეა, — მაგრამ ვინცა ჰქნა, სწორი იყო. თუ გინდა, რომ შენი ჯებირი მტკიცე იყოს, შიგ ცოცხალი არსება უნდა ჩაატანო!

— ცოცხალი არსება ჩავატანო? რომელ კატეხიზმომში წაიკითხე ეგ ამბავი?

— არც ერთში, ბატონო! — მიუგო ახალგაზრდამ და ურცხვად გაიღმიჭა. — ეს ჩვენმა პაპებმაც კარგად იცოდნენ, რომლებიც ღვთისმოსაობაში თქვენ ტოლს არ დაგიდებდნენ. ბავშვი ჯობდა, მაგრამ რაკილა არ არის, ძალლიც შეიძლება!

— შეწყვიტე, წარმართო, ყბედობა! — შეუყვირა მას ჰაუკემ. — უკეთესი იყო, შენ თვითონ ჩაგვეტანებინე.

— ოჰო! — მოისმა უცბად რამდენიმე ხმის შეძახილი და ზედამხედველმა დაინახა ირგვლივ მდგომთა გაბრაზებული სახეები და დამუშტული ხელები. იგრძნო, რომ აქ მეგობრები არ ჰყავდა და ჯებირის შემდგომმა ბედმა შეაშინა: რა მოხდებოდა, რომ ამათ ნიჩბებისათვის ხელი შეეშვათ?

ქვემოთ რომ გადაიხედა, ისევ ის მოხუცი, იევე მანერსის მეგობარი დაინახა. იგი ხან ერთ მუშასთან მივიდოდა, ხან მეორესთან. ერთს გაუცინებდა, მეორეს მეგობრულად დასცხებდა მხარზე ხელს. თანდათან ყველამ ისევ ნიჩბებს წაავლეს ხელი. კიდევ ერთი წამიც და მუშაობა ისევ აეწყო. ჰაუკესაც რაღა უნდოდა? სადინარი ამოივსებოდა, ხოლო ძალლი საიმედოდ ჰყავდა წამოსასხამქვეშ ამოფარებული.

საკითხი უცბად გადაწყვიტა და თეთრონი ერთ ფორანს მიაგლო.

— ნამჯა თიხაზე! — შესძახა და მეფორნეც მექანიკურად დაემორჩილა. ნამჯა თხრილში შრიალით ჩაეშვა. ხალხი ისევ გაცხარებით ამუშავდა.

კიდეც ერთ საათს იმუშავეს ასე. ექვსი საათი გადასულიყო და მაგრად ჩამობნელდა. წვიმა შეწყდა. ჰაუკემ ზედამხედველებს მოუხმო.

— ხვალ დილის ოთხზე ყველანი აქ ვიქნებით, მთვარე ისევ მალა იქნება. ღვთის წყალობით დავამთავრებთ. ჰო, კიდეც არა უნდა მეკითხა, — წასასვლელად გამზადებული ერთ წამს შეჩერდა. — ვისია ეს ძაღლი? — ჰაუკემ აკანკალებული ძაღლი მოსასხამქვეშიდან გამოიყვანა.

ვერავინ უთხრა, ვისი იყო. ერთმა მუშამ თქვა:

— რამდენიმე დღეა სოფელში დაწანწალებს, ალბათ, არავისია.

— მაშ ჩემი იქნება, — წარმოთქვა ზედამხედველმა. — არ დაგავიწყდეთ, ხვალ ოთხ საათზე! — შეახსენა ჰაუკემ და ცხენი ადგილიდან მოწყვიტა.

სახლს რომ მიუახლოვდა, კარიდან გამომავალ ანა გრეტეს მოჰკრა თვალი. სუფთად ეცვა და ჰაუკემ გაიფიქრა, ალბათ, პროტესტანტთა თავყრილობაზე მიდისო მკერავთან.

— წინსაფარი მომიშვირე! — შესძახა მას ჰაუკემ. ქალი უნებლიეთ მაშინვე წინსაფარს წასწვდა და ზედამხედველმა შიგ თიხით მოსვრილი ლეკვი ჩაუგდო. — პატარა ვინკეს წაუყვანე, ერთად ითამაშებენ. მანამდე კი გაბანე და გაათბე. ღვთის საამებელ საქმეს იზამ, საბრალო არსება მთლად გაითოშა.

ანა გრეტე იძულებული გახდა ბატონს დამორჩილებოდა, ამიტომ იმ საღამოს ველარც შეკრებაზე წავიდა.

მეორე დღეს ახალ ჯებირზე უკანასკნელი ბარისპირი მიწა დააყარეს. ქარი ჩადგა. ლამაზად დალივლივებდნენ ხმელეთისა და წყლის თავზე თოლიები და ნისკარტსადგისები. იევერსის

კუნძულიდან ისმოდა გარეული იხვების გამაყრუებელი ვახ-
ვანი. ისინი ჯერაც არ გასცილებოდნენ ჩრდილოეთის ზღვის
ნაპირებს. თვალუწვდენელმა მარშებმა თანდათან გადაიყარეს
დილის რძისფერი ნისლი და შემოდგომის მზემ კაცის ნამუ-
შევარს ოქროსფერი სხივები დააფინა.

რამდენიმე კვირის შემდეგ მის დასათვალიერებლად მთა-
ვარ ზედამხედველთან ერთად ჰერცოგის კომისრებიც ჩამო-
ვიდნენ. ზედამხედველის სახლში ტედე ფოლკერტის გარ-
დაცვალების შემდეგ პირველად გაიშალა დიდი სადღესასწა-
ულო სუფრა. მოიწვიეს ყველა ნდობით აღჭურვილი პირი და
ახლად ათვისებული მიწების მსხვილი მფლობელები. პურმა-
რილის შემდეგ შეკაზმეს სტუმრებისა და მასპინძლის ყველა
ეტლი. ფრაუ ელკე მთავარმა ზედამხედველმა თავის ეტლში
მიიწვია. ეტლში შებმული წაბლა ულაცი ფლოქვებს ურტყამ-
და მიწას. მთავარი ზედამხედველიც ეტლზე შეხტა და აღვირს
ჩაავლო ხელი. ეტყობოდა, თვითონ სურდა თავისი ხელქვეი-
თის საზრიანი ცოლის გასეირნება. ეტლების მწკრივი მიწაყ-
რილზე მხიარული ყიჟინით დაეშვა. გზაზე გავიდა, მინდვრები
გადაჭრა და ახლად აგებულ ჯებირზე ავიდა, შემდეგ ჯებირ-
ჯებირ შემოუარა ახალ მიწებს. ამასობაში მსუბუქი ნორდვეს-
ტი ამოვარდა და ახალ ჯებირს ჩრდილოეთიდან და დასავლეთი-
დან ტალღები მიაწყდა. მაგრამ ნელი. დაქანების გამო ტალ-
ღების დაჯახება ჯებირის კედლებზე ოდნავ თუ იგრძნობოდა.
ჰერცოგის კომისრები ქება-დიდებას ასხამდნენ ზედამხედ-
ველს და ზოგიერთი ნდობით აღჭურვილი პირის ურწმუნო
ლაპარაკს ახლა სულ ბოლო მოეღო.

... ეს დღეც გავიდა. ერთ დღეს, როცა ჰაუკეს ცხენი ნელი
ნაბიჯით მიჰყავდა ჯებირზე და სიამაყით აღვსილი მშვიდ ფიქ-

რებს მისცემოდა, სასიხარულო ამბის მომსწრე შეიქნა. ვერ მოეშორებინა იმაზე ფიქრი, თუ რატომ უნდა დაერქმიათ ჯე-ბირისათვის ჰერცოგის ერთ-ერთი ქალიშვილის საპატივცემულოდ „ახალი კაროლინას“ სახელი, მაშინ, როცა ეს ჯებირი უპაუკეოდ ვერ აშენდებოდა, მისი ოფლისღვრისა და ღამე-ების თენების გარეშე არ იარსებებდა. ჯებირის ყველა საბუთ-ზე კი ამ პრინცესას სახელი ეწერა, ზოგიერთ მათგანზე წითე-ლი გუთური ასოებიც კი იყო ამოტეფრული. ჰაუკემ თავი რომ ასწია, დაინახა თავისკენ მომავალი ორი გლეხი, რომლებ-საც მხარზე ბარები გადაედოთ. ერთი ოციოდ ნაბიჯით ჩამორ-ჩებოდა მეორეს და ეძახდა:

— მომიცადე ცოტა ხანს!

— სხვა დროს იყოს, იენს! გვიანაა. მე თიხა უნდა მოვთხა-რო! — გაეპასუხა დაწინაურებული, რომელიც ახლადამომშ-რალი მიწისკენ ჩამავალ ბილიკზე იდგა.

— სადა?

— აი, აქ, ჰაუკე ჰაიენის ჯებირთან!

გლეხმა ეს ისე ხმამაღლა დაიყვირა, თითქოს მთელი მარ-შებისათვის სურდა გაეგონებინა და ბილიკზე დაეშვა. ჰაუკეს მოეჩვენა, თითქოს ეს მისი სადიდებელი ძახილი იყო. უნაგირ-ზე წამოიმართა, თეთრონს დეზები ჰკრა და მხარმარცხნივ გაშლილ ვრცელ ველებს არწივისებური მზერა მოავლო. „ჰაუ-კე ჰაიენის ჯებირი!“ გაიმეორა თავისთვის წყნარად; ისე ჟღერდა, თითქოს არასოდეს სხვაგვარად არც უნდა რქმეოდა-დაე რამდენიც უნდათ, იმდენს ეწინააღმდეგონ, მის სახელს მაინც ვერ ამოშლიან. პრინცესას სახელი კი?.. იგი, ალბათ, ძველ ნაწერებთან ერთად დაობდება.

...თეთრონი ამაყად მიგელავდა. მხედრის ყურში ისევ ხმა-

ნებდა: „ჰაუკე ჰაიენის ჯებირი!“, „ჰაუკე ჰაიენის ჯებირი!“ მის გონებაში ეს ჯებირი თითქმის მსოფლიოს მერვე საოცრებად იქცა. მთელ ფრიზლანდიაში არაფერი მისი მსგავსი არ მოიძებნებოდა. და მხედარმა ცხენი აათამაშა. ერთი წამით მოეჩვენა, თითქოს მის ირგვლივ მთელი ფრიზლანდია შეკრებილა, იგი ყველა მათგანზე მთელი თავით მაღალია და ჰაუკემ მათ მბრძანებლური და ამავე დროს თანაგრძნობით გამსჭვალული თვალი მოავლო.

...ჯებირის აშენებიდან სამი წელი გავიდა ნამუშევარი შეურყევლად იდგა. მის მოსავლელად მხოლოდ მცირეოდენი თანხა იხარჯებოდა. ახალ მიწებზე კი თითქმის ყველგან ჰყვავოდა თეთრი სამყურა და თუკი მინდორზე გაივლიდით, ზაფხულის სიო ნაზ სურნელებაში გაგხვევდათ. ახლა უკვე დრო იყო, ქალღმერთს არსებული ნაკვეთები გაენაწილებინათ და მეწილესთვის თავისი მიეცათ სამუდამო სარგებლობაში. ჰაუკემ არ დაიზარა, რომ რამდენიმე წილი კიდევ შეეძინა. ოლე პეტერსი გამწარებული იყო, ახალ მიწებზე მას ნაკვეთი არ ჰქონდა. ჩხუბისა და უსიამოვნების გარეშე, რასაკვირველია, არც ნაკვეთების განაწილება ჩატარებულა, მაგრამ ბოლოს ესეც მოგვარდა.

ამიერიდან წყნარად და განკერძოებით ცხოვრობდა ჰაუკე თავის მახლობლებთან, სანიმუშოდ ასრულებდა ოჯახის მეთაურისა და ზედამხედველის მოვალეობას. ძველი მეგობრები აღარ იყვნენ ცოცხალთა შორის, ახლების შექმნას კი ვერ ახერხებდა. მისი ოჯახის ჭერქვეშ სუფევდა მშვიდობა, რომელსაც წყნარი ბავშვიც არ არღვევდა. გოგონა ცოტას ლაპარაკობდა. არ იძლეოდა დაუსრულებელ კითხვებს, რაც საერ-

თოდ მისი ასაკის საზრიან ბავშვებს ახასიათებთ, ხოლო თუ რამეს იკითხავდა, პასუხის გაცემა უჭირდათ. მის საამო, მაგრამ მოსულელო სახეს თითქმის არასოდეს არ შორდებოდა კმაყოფილების იერი. ჰყავდა ორი ამხანაგი, რომლებთანაც ერთობოდა, და ეს ჰყოფნიდა: თუ მიწაყრილზე გავიდოდა, უკან მუდამ ის ყვითელი ძაღლი გაედევნებოდა, ჰაუკემ რომ გადაარჩინა. სადაც ძაღლი გამოჩნდებოდა, პატარა ვინკეტ აუცილებლად იქ იქნებოდა. მეორე ამხანაგი თოლია იყო. ძაღლს „მარგალიტა“ ერქვა, თოლიას „კლაუსი“.

კლაუსი ოთხმოცი წლის დედაბერ ტრინ იანსს მოყვა. მას უკვე აღარ შეეძლო ჯებირთან თავის ქოხში მარტოდმარტო ცხოვრება, ამიტომ ფრაუ ელკემ იფიქრა, პაპაჩემის ყოფილ, ახლა კი დაუძლურებულ მსახურს იმას როგორ დავაყვედრი, ჩვენთან მშვიდ სიკვდილს დაელოდოსო. ამის გამო. მან და ჰაუკემ თითქმის ძალისძაღად გადმოიყვანეს თავიანთთან და ჩრდილო-დასავლეთით ერთი ოთახი მიუჩინეს ახალ ბელელში, რომელიც ზედამხედველმა ძველი შენობის გვერდით ამ რამდენიმე წლის წინ ააშენა მეურნეობის გასაფართოებლად. მის გვერდით ოთახებში დაასახლეს რამდენიმე მოსამსახურე გოგო, რომლებსაც შეეძლოთ მოხუცს დახმარებოდნენ, თუკი ღამით რაიმე დასკირდებოდა. ტრინმა კედლებთან დაალაგა თავისი ნივთები: შაქრის ყუთზე, რომელსაც იგი ზარდახშად ხმარობდა, დაღუპული შვილის ნაქონი ორი ფერწერული სურათი დადო, იქით ამქამად უკვე კარგა ხნის უხმარი ჯარა მისდგა და მეტისმეტად ქათქათა ფარდიანი საწოლი, მის წინ კი უშნოდ გათლილი ტაბურეტი, რომელზედაც ოდესღაც მოკლული ანგორის კატის თეთრბეწვიანი ტყავი იყო გადაკრული. მაგრამ სულიერი არსებაც მოყვა ტრინს — ეს გახლდათ

თოლია კლაუსი, რომელიც უკვე რამდენიმე წელია მასთან ცხოვრობდა და იკვებებოდა. ზამთრობით, რასაკვირველია, სხვა თოლიებთან ერთად სამხრეთისკენ მიფრინავდა და უკან მაშინლა ბრუნდებოდა, როცა ზღვისპირას ავშანი აყვავდებოდა ხოლმე.

ბელელი რამდენადმე დაბლა იდგა, მიწაყრილზე, ამიტომ მოხუცი ჯებირის იქით ზღვას ველარ ხელაღდა თავის ფანჯრიდან.

— შენ აქ პატიმარივით გყავარ, ზედამხედველო, — ბუზუნით უთხრა ერთხელ ჰაუკეს, როცა მან მოხუცი მოინახულა, და დაგრეხილი თითები ქვემოთ გაშლილ მარშებისკენ გაიშვირა. — აბა იევერსის კუნძული სად არის, წითელი თუ შავი ხარის იქით?

— იევერსის კუნძული რად გინდა? — ჩაეკითხა ჰაუკე.

— როგორ თუ რად! მინდა ვუყურო იმ ადგილს, საიდანაც ჩემი ბიჭი ღმერთმა წაიყვანა.

— თუ ეგ გწადია, მაშინ ზემოთ უნდა ახვიდე და კოპიტის ძირას დაჯდე. იქიდან მთელი ზღვა ჩანს, — მიუგო ჰაუკემ.

— აკი, ავიდოდი, მაგრამ შენსავით ახალგაზრდა მუხლი რომ არა მაქვს:

ასე იხდიდა მადლობას მოხუცი იმ პატივისცემისათვის, რასაც იგი ზედამხედველის ოჯახში იღებდა. ასე იყო დიდხანს, მაგრამ უცბად ყველაფერი შეიცვალა. ერთხელ, დილით მოხუცთან ნახევრად ღია კარიდან შეიხედა პატარა ვინკემ.

— ოჰო, რას გვიბრძანებ? — მიაძახა მას მოხუცმა, რომელიც გულხელდაკრეფილი იჯდა ტაბურეტზე.

ბავშვი მოხუცთან მივიდა და გულგრილი თვალებით დიდხანს უყურა.

— ზედამხედველისა ხარ? — ჰკითხა ტრინ იანსმა და, როგორც კი ბავშვმა თანხმობის ნიშნად თითქოს თავი დაუქნია, ისევ განაგრძო: — მოდი, ჩემს ტაბურეტზე ჩამოჯექ. ეს ტყავი ერთ ღროს ანგორული კატა იყო, აი ამხელა, მაგრამ მამაშენმა მოკლა. ცოცხალი რომ იყოს, ზურგზე შეგისვამდა.

ვინკე ხმას არ იღებდა და თეთრ ბეწვს შეჰყურებდა, მერე მუხლებზე ჩაიჩოქა და ბეწვს პაწაწა ხელის სმა დაუწყო, თითქოს ცოცხალი კატა ან ძაღლი ყოფილიყოს.

— საწყალი კატა, — წარმოთქვა ვინკემ და ფერება განაგრძო.

— ჰო, კარგი, ახლა კი გეყოფა ხელის სმა, ჯობია ზედ დაჯდე. იქნებ სწორედ ამიტომ მოკლა იგი მამაშენმა? — ცოტა ხნის შემდეგ უთხრა მოხუცმა ბავშვს, მერე ორივე ხელით აიყვანა და უხეშად დასვა ტაბურეტზე. ბავშვი ისევ ისე იჯდა, როგორც მოხუცმა დასვა და ჩუმად შესცქეროდა მას. ტრინმა თავი გააქნია და წაილულლულა:

— შენგან არიან ისინი დასჯილნი, ღმერთო, ჰო, შენგან.

მაგრამ ეტყობოდა ბავშვის სიბრაღულმა დასძლია. მოხუცმა გაძვალტყავებული ხელი გოგონას თხელ თმაზე გადაუსვა. პატარა ადამიანის თვალებში სიამოვნების ნაპერწკალმა ჩფეთქა.

იმ დღიდან მოკიდებული ვინკე ყოველთვის მიდიოდა მოხუცთან. მალე თვითონვე ისწავლა ანგორისტყავიან ტაბურეტზე აფოფხება. ტრინ იანსი ბავშვს პურისა და ხორცის ნაჭრებს მისცემდა — ორივე გამოულევლად ჰჭონდა. მოხუცს — და ეტყოდა, აბა იატაკზე დაყარეო. ბავშვი რომ ამას იზამდა, რომელიღაც კუთხიდან ფრთებგაფარჩხული თოლია ჩხავილით გამოვარდებოდა და საჭმელს მოუღბენდა. პირველად ვინკეს

დიდი აფართქალეებული ფრინველისა შეეშინდა, მერე კი თით-
ქოს თამაშად იქცა: როგორც კი ბავშვი ღია კარში თავს შე-
მოპყოფდა, ფრინველი მისკენ გაექანებოდა და ხან თავზე და-
აჯღებოდა, ხან მხარზე, ამასობაში მოხუციც მათთან გაჩნდე-
ბოდა და ფრინველს საკმელს აძლევდა. ტრინ იანსი წინათ
არავის აძლევდა ნებას, რომ მისი კლაუსისათვის ხელი მოეკი-
და, ახლა კი მოთმინებით იტანდა იმას, რომ ფრინველი ბავშვ-
მა მასზე მეტად მიიჩვია. კლაუსი სულ აღარ გაუბოდა ვინ-
კეს. ბავშვი ფრინველს ყველგან თან დაათრევდა, ზოგჯერ
წინსაფარში შეახვევდა ხოლმე. როცა მიწაყრილზე ბავშვთან
მოთამაშე ყვითელი ძაღლი კლაუსს დაინახავდა, ექვით აღესი-
ლი მისკენ ისკუბებდა, მაგრამ გოგონა შეუყვირებდა. „არ შეი-
ძლება, დაეხსენ, მარგალიტო!“ თოლიას ძაღლა ასწევდა და
განთავისუფლებული ფრინველი ჩხავილით გადაუფრენდა
მიწაყრილს. გოგონას ახლა ძაღლი ეგლასუნებოდა და წკმუ-
ტუნითა და ალერსით ცდილობდა, გოგონას ხელებში კლაუ-
სის მიერ გათავისუფლებული ადგილი დაეკავებინა.

როგორც კი ჰაუკე ან ელკე ამ უცნაურ ოთხფოთოლას
დაინახავდნენ, რომელიც სწორედ ნაკლის წყალობით მათსავე
შტოზე იდგა, თვალები ალერსით აევსებოდათ, მაგრამ შებრუნ-
დებოდნენ თუ არა, თვითეული მათგანის სახეზე ამოიკითხავ-
დით გულისტკივილს, რასაც ცოლ-ქმარი ერთმანეთს უმაღავე-
და.

ზაფხულის ერთ დღეს, ვინკე, მოხუც ტრინთან და თავის
ორივე მეგობართან ერთად, ბელლის კარის წინ დიდ ქვაზე იჯ-
და. ამ დროს ჩამოიარეს მისმა მშობლებმა. ჰაუკეს ცხენი აღვი-
რით მოპყავდა. ჯებირზე აპირებდა წასვლას და საძოვრიდან
თეთრონი თავად ამოიყვანა. მიწაყრილზე ამოსვლისას ელკე

თავის ქმარს მკლავზე დაჰყრდნობოდა. თბილი მზე ანათებდა, თითქმის ცხელოდა, მხოლოდ დროდადრო უბერავდა სამხრეთ-აღმოსავლეთის ქარი.

ეტყობოდა, გოგონას ამ ადგილას ჯდომა მოსწყინდა.

— ვინკეც წაიყვანეთ! — დაიძახა მან, თოლიას ფეხი აუქნია და მამის ხელს წაეპოტინა.

— წამო, წავიდეთ! — მიუგო მამამ.

— ქარი რომ არის? ხელიდან გამოგტაცებს! — შეეშინდა ფრაუ ელკეს.

— მოვახერხებ, არ გავატანო. დღეს გვარიანი სითბოა, წყალიც საამოდ ლივლივებს. კარგია აცეკვებული ზღვის ცქერა.

ელკემ შინ შეიკრბინა, და ბავშვისთვის პატარა ქუდი და შალი გამოიტანა.

— ამინდი შეიცვლება, — თქვა მან, — მალე წადით და მალევე დაბრუნდით!

— ჩვენ ვერაფერს დაგვაკლებს, — გაიცინა ჰაუკემ და გოგონა უნაგირზე აიტაცა.

ელკემ ხელი მოიჩრდილა და მიწაყრილზე მდგომმა თვალი გააყოლა ქმარ-შვილს, რომლებსაც ცხენი ჯებირისკენ მიაქანებდა. ტრინ იანსი ისევ ქვავზე იჯდა და რალაცას თავისთვის ბუტბუტებდა.

მამასთან ბავშვი უძრავად იჯდა. ისე იყო, თითქოს ქექა-ქუხილის მოლოდინში ჩაგუდულ ჰაერს ძლივს სუნთქავსო. მამა ბავშვისკენ დაიხარა და ჰკითხა:

— როგორ ხარ, ვინკე?

ბავშვმა ერთხანს უმზირა მამას, მერე ჰკითხა:

— მამი, შენ ხომ შეგიძლია ეს, შენ ხომ ყველაფერი შეგიძლია?

— რა შემიძლია, ვინკე?

მაგრამ ვინკე ხმას აღარ იღებდა, თითქოს თვითონაც აღარ იცოდა, რას ეკითხებოდა მამას.

როცა ზღვასთან მივიდნენ, მოქცევას ზენიტისთვის მიედწია. ტალღებიდან არეკლილი მზის ათინათი მათ თვალებს სჭრიდა, ქარაშოტი მალლა ისროდა ტალღებს, ერთიმეორის თანმიყოლებით მიილტვოდნენ ნაპირისკენ და ზედ ეხლებოდნენ.

პაუკეს ორივე ხელი აღვირისთვის წაეგლო. ბავშვი შეშინდა და მამის ხელს ისე ჩააფრინდა, რომ თეთრონი გვერდზე გახტა. ღია ცისფერ თვალებში გოგონას შიში ჩასდგომოდა, მან მამას ახედა და წამოიყვირა:

— წყალი, მამა, წყალი!

პაუკემ ნელა მოიცილა ბავშვის ხელები და მშვიდად უთხრა:

— დაწყნარდი, შვილო. მამაშენთან ხარ, წყალი ვერაფერს გავნებს.

გოგონამ შუბლზე ჩამოშლილი თმა გადაიწია და გაბედა ზღვისთვის კვლავ შეეხედა.

— ვერაფერს მავნებს? — გაიმეორა აკანკალებულმა ბავშვმა. — არა, მამა, უთხარი, რომ არაფერი გვავნოს. შენ შეგიძლია ეს, და ზღვაც ვერაფერს გვავნებს.

— არა, მე არ შემიძლია, — სერიოზულად მიუგო მამამ. — აი ეს ჭებირი კი, ახლა რომ ზედ დავდივართ, დაგვიცავს ზღვისაგან. იგი მამაშენმა მოიგონა და ააშენა.

გოგონამ მამას მიაპყრო თვალები, ეტყობოდა, ვერაფერი

გაეგო. მერე უჩვეულოდ პაწაწა თავი მამის წამოსასხამ-
ქვეშ შემალა.

— რად იმალები, ვინკე? — ჩურჩულით ჰკითხა მამამ, —
მაინც გეშინიო?

— ვინკეს არ უნდა წყლის დანახვა. შენ ხომ ყველაფერი
შეგიძლია, მამა? — მოისმა კალთას ამოფარებული ვინკეს
წვრილი ხმა.

ქარის ხმა შორეულმა ქუხილმა დაფარა.

— ოჰო! — შესძახა ჰაუკემ. — ჭექა-ქუხილი იწყება! —
და ცხენი უკან შეაბრუნა. — ახლა კი შინ წავიდეთ, დედასთან.
გოგონამ ღრმად ამოისუნთქა, მაგრამ მამის მკერდს მაშინ-
და მოსცილდა, როცა მიწაყრილი აიარეს და სახლს მიადგნენ.
როცა დედამ შალი შეხსნა და ქუდი მოხადა, ბავშვი ისევე ხმის
ამოუღებლად იდგა დედის წინ.

— აბა, რას იტყვი, ვინკე? — შეეკითხა დედა. — შოგეწონა
დიდი წყალი?

ბავშვმა თვალები დაჭყიტა და ჩუმად თქვა:

— ის ლაპარაკობს. ვინკეს მისი ეშინია.

— კი არ ლაპარაკობს, მხოლოდ ხმაურობს და ღმუის.

ბავშვი სადღაც შორს იმზირებოდა.

— ფეხები აქვს? შეუძლია ჯებირზე გადმოვიდეს? — იკით-
ხა მან.

— არა, ვინკე, მამაშენი დარაჯობს, რომ არ გადმოვიდეს.
შამაშენი ჯებირის ზედამხედველია.

— ხომ ასეა! — შესძახა ბავშვმა და უაზრო სიცილით პა-
წაწინა ხელები ერთმანეთს დასცხო. — მამას ყველაფერი შე-
უძლია, ყველაფერი — მერე უცბად დედისკენ იბრუნა პირი

და დაიძახა: — გაუშვი ვინკე ტრინთან, მას წითელი ვაშლები აქვს!

ელკემ ოთახის კარი გააღო და ბავშვი ტრინთან გაუშვა. კარი რომ ისევ მიხურა, ელკემ მწუხარე თვალებით ახედა ქმარს, რომელიც მეუღლეში ჩვეულებრივად სულის სიმხნევესა და მხარდაჭერას ხვდებოდა.

ჰაუკემ ცოლს ხელი მოჰკიდა და მტკიცედ მოუჭირა, თითქოს ამის შემდეგ სიტყვის თქმა საჭირო აღარ იყო. ქალმა კი თავი მაინც ვერ დაიმორჩილა და წყნარად უთხრა:

— არა, ჰაუკე, მათქმევინე. ეს ბავშვი, რომელიც რამდენიმე წლის შემდეგ ძლივს გაგიჩინე, თავის სიცოცხლეში ბავშვადვე დარჩება. ო, ღმერთო დიდებულო! სუსტგონებაა. როდისმე მაინც ხომ უნდა მეთქვა ეს, შენთვის!

— კარგა ხანია, მეც ვიცი, — მიუგო ჰაუკემ და უფრო მაგრად მოუჭირა ხელი მის ხელს, რომლის გამორთმევასაც იგრცდილობდა.

— მაშ ჩვენ ისევ მარტონი ვიქნებით, — შენიშნა ქალმა.

ჰაუკემ თავი გაიქნია: —

— ძალიან მიყვარს იგი. მაგრად მომხვევს ხოლმე პაწაწინა ხელებს და გულში მეხუტება. არავითარ საგანძურში არ გავცვლი.

დადარდიანებული ქალი ერთ ადგილს ჩაშტერებოდა.

— მაგრამ რატომ უნდა მომხდარიყო ეს? რა დავაშავე მე. მისმა საბრალო დედამ?

— ჰო, ელკე, მეც ხშირად მიკითხავს ეს მისთვის, ვისაც ეგების ამისი ცოდნა. მაგრამ შენ კარგად იცი, რომ ყოვლად ძლიერი ადამიანებს პასუხს არ აძლევს. ეგებ იმიტომ, როც სულ ერთია, მაინც ვერას გაუგებენ.

ჰაუკემ ცოლს მეორე ხელიც დაუჭირა და თავისკენ ნაზად მიიზიდა.

— გულს ნუ აიყრი, შვილი ისევე გიყვარდეს, როგორც აქამდე. გულს ნუ შეიცვლი და დამერწმუნე, ისიც გაგივებს.

ახლა კი მიეკრა ელკე ქმრის მკერდს და ტირილით იჯერა გული. ამის შემდეგ უბედურების გამკლავება მარტოს აღარ მოუხდებოდა. ელკემ უცბად გაიღიმა, ხელზე მაგრად მოუჭირა ხელი და ტრინ იანსთან გაიქცა ბავშვის მოსაყვანად. კალთაში ჩაისვა და იმდენ ხანს კოცნა და ეფერა, სანამ ბავშვმა არ ჩაიტიტინა:

— დედიკო, ჩემო კარგო დედიკო!

ასე მშვიდად და უდრტვინველად ცხოვრობდნენ ადამიანები ზედამხედველის კარმიდამოზე. მათ შორის ბავშვი რომ არ ყოფილიყო, იქაურობას ბევრი რამ დააკლდებოდა..

ეს ზაფხულიც ნელ-ნელა მიიწურა. სამხრეთში მოზამთრე ფრინველები გაფრინდნენ, აღარსად ისმოდა ტოროლას გალობა. მხოლოდ ბელლებთან, სადაც ხორბალს ლეწავდნენ, გაისმოდა თითო-ოროლა ფრთოსნის წივილი. უკვე ყველაფერი გაყინულიყო.

ერთხელ, ნაშუადღევს მოხუცი ტრიან იანსი ზედამხედველის სახლის სამზარეულოში, ქურის გვერდით, სხვენისკენ ამაველ ხის კიბეზე ჩამომჯდარიყო. ბოლო კვირეების განმავლობაში მოხუცი როგორღაც გამოცოცხლდა. ახლა სიამოვნებით მიდიოდა სამზარეულოში და შეჭყურებდა საქმეში გაბმულ ფრაუ ელკეს. მას შემდეგ, რაც პატარა ვინკემ მას წინსაფარში წაავლო ხელი და აქ მოიყვანა, დედაბერი აღარ წუწუნებდა — ფეხები არ მემორჩილებო. ამჟამად გოგონას

მის გვერდით ჩაეჩოქა და მშვიდად შეჰყურებდა ქურიდან მალა ატყორცნილ ალს. ცალი ხელი მოხუცისთვის დაედო მკლავზე, მეორე თავის ღიაჩალისფერ თმაზე. ტრინ იანსი ამბავს უყვებოდა:

— შენ იცი, რომ წინათ პაპაშენთან მოსამსახურედ ვიდე-
ქი. ღორებს ვუვლიდი. ის ყველა თქვენგანზე ჰკვიანი იყო.
ახლა, რასაც გეტყვი, ძალიან დიდი ხნის ამბავია. ერთხელ,
სალამოთი, როცა მიდამოს მთვარე ანათებდა, მათ რაბი გადა-
კეტეს. ჰოდა, ის ზღვაში ველარ გაბრუნდა. ო, რა წივილ-კი-
ვილი ასტეხა! საცურაო ფარფლები ხელებით წაივლო გა-
წეწილ მაგარ თმაში. მაშა, ბავშვო, მე თვითონ მესმოდა მისი
წივილი და თავად ვხედავდი, როგორ იგლეჯდა თმას. მიჯნე-
ბად გავლებული წყლით სავსე არხები მთვარის შუქზე ვერ-
ცხლიდფრად ბზინავდა. ის ერთი არხიდან მეორეში შეცურ-
დებოდა, ფარფლებს შემართავდა და ხელების მსგავსად ურ-
ტყამდა ერთმანეთს. წყლის თქაფანი შორიდან ისე ისმოდა,
თითქოს ლოცულობსო. მაგრამ ამ არსებებს ხომ ლოცვა არ
შეუძლიათ. მე თავად კარის წინ ვიჯექი კოჭზე, რომელიც იქ
ეგდო და დაბლა გადაშლილ ველს გაყვურებდი. ალი ისევ
თხრილებში დაფართქალებდა და თავის ფარფლისებრ ხელებს
რომ წამოსწევდა, ვერცხლივითა და აღმასივით ელვარებდ-
ნენ. ბოლოს ველარსად დავინახე, სამაგიეროდ საიდანღაც
გარეული იხვეები და თოლიები მოფრინდნენ და ჰაერი ხორ-
ხოცივითა და ფრთების ტლაშატლუშით აავსეს.

მოხუცი გაჩუმდა. ბავშვი ერთ წინადადებას ჩაეჭიდა.

— რა თქვი, ლოცვა არ შეუძლიათ? ვინ იყო ის?

— ალი იყო, ბავშვო, წყლის ქალწი. მათ სიკვდილი არ შე-
უძლიათ.

— სიკვდილი არ შეუძლიათ! — გაიმეორა ბავშვმა და მკეჭ-
დი ღრმა ამოოხვრამ შურხია, თითქოს ამის რამე გაეგებოდა.

— ტრინ იანს! — მოისმა სამზარეულოს კარიდან დაბალა
ხმა და მოხუცი შეკრთა. ეს ჰაუკე ჰაიენი იყო, რომელიც
სვეტს მიჰყრდნობოდა. — რას უყვები ბავშვს? რამდენჯერ
გითხარი, ეგ ზღაპარი შენთვის შეინახე, ანდა ბატებსა და ქათ-
მებს უამბე-მეთქი?

მოხუცმა ჰაუკეს გაჯავრებული შეავლო თვალი და ბავშვი
თავიდან მოიცილა.

— არაფერი ზღაპარი არ არის! — ჩაიბუზღუნა თავის-
თვის. — ამას პაპაჩემის ძმა მომიყვა.

— პაპის ძმაო, ტრინ? აკი ჩემი თვალთ ვნახეო?

— სულ ერთია, — მიუგო მოხუცმა, — მაგრამ თქვენ არა-
ფერი არა გჯერათ. ახლა ჩემი დიდი ბიძაც მატყუარად გინდათ
მონათლოთ! — მოხუცი ქურასთან ახლოს მიიწია და ხელები
ცეცხლს მიუშვირა.

ზედამხედველმა ფანჯარაში გაიხედა. ნელ-ნელა ეშვებოდა
ბინდი.

— წამო, ვინკე! — ჰაუკემ გონებაჩლუნგ ბავშვს ხელი მოჰ-
კიდა. — წამო ჩემთან, ჯებირზე წავიდეთ და იქ რალაცას გა-
ჩვენებ. ოლონდ ფეხით უნდა წავიდეთ, თეთრონი დასაქედად
არის წაყვანილი.

ჰაუკემ შვილი ოთახში შეიყვანა. ელკემ ბავშვს კისერსა
და მხრებზე სქელი შალი შემოახვია. მალე მამა-შვილი ძველ
ჯებირზე ჩრდილო-დასავლეთით მიაბიჯებდნენ. ივეერსის
კუნძული გვერდით მოიტოვეს და იმ ადგილზე გავიდნენ,
სადაც თავთხელი თვალუწვდენელ სივრცეზე გადაჭიმულიყო.

ჰაუკეს ბავშვი ხან აყვანილი მიჰყავდა, ხან ხელჩაკიდებუ-

ლი მისდევდა. თანდათან ბნელდებოდა, შორს ყველაფერი ნისლსა და ბურუსში ჩამალულიყო. იმ ადგილას, სადაც თვალი ზღვის უხილავ დინებას კიდევ სწვდებოდა, ყიხული გაპობილიყო, და როგორც ეს ჰაუკეს ახალგაზრდობაში ახსოვს, ნაპრალებიდან ახლაც ნისლი ამოდითოდა, საშინელი და უცნაური არსებანი დახტოდნენ, ერთმანეთს თავს უკრავდნენ და ფრთბაზად შემზარავად იწელებოდნენ.

შეშინებული ბავშვი მამას ჩაეჭიდა და მისი ხელი სახეზე აიფარა.

— ზღვის ქაჯები! — ჩაიჩურჩულა ბავშვმა. — ზღვის ქაჯები!

ჰაუკემ თავი გააქნია:

— არა, ვინკე, არც ალებია და არც ქაჯები. ასეთი რამ არ არსებობს. ვინ გითხრა ეს?

ბავშვმა უაზროდ ახელა მამას, მაგრამ არაფერი უპასუხა. მამამ ნაზად მოუთათუნა ლოყაზე ხელი.

— აბა, კიდევ შეხედე, ეგენი ხომ საწყალი მშიერი ფრინველები არიან? შეხე, შეხე, აი როგორ გაშალა ერთმა ფრთები! ნაპრალებიდან მათ თევზები ამოჰყავთ.

— თევზები? — შეესიტყვა ვინკე.

— ჰო, თევზები. ისინიც ჩვენსავეთ ცოცხალი არსებანი არიან. სხვა არაფერი არ არსებობს, ღმერთის მეტი. ის კი ყველგან არის.

პატარა ვინკეს სუნთქვა შეეკრა და თვალები ძირს დახარა, თითქოს სადღაც უფსკრულში იყურებო. იქნებ, მხოლოდ მამას მოეჩვენა ასე. ჰაუკე დიდხანს დაჰყურებდა გოგონას, მერე დაიხარა და სახეში ჩახედა, მაგრამ სულის ვერავითარი

შობრაობის კვალს ვერ მიაგნო. ბავშვი ხელში აიყვანა და გაყინული ხელები თავის სქელი დაზლის ხელჯაგში წააყოფინა.

— აი, ასე, ჩემო ვინკე, გაითბე ფაცები! ჩვენი შვილი ხარ, ერთადერთი. შენც ხომ გიყვარვართ...? — მამას ხმა გუწყდა და მეტი ვერაფერი თქვა.

ბავშვმა ვერ გაიგო მამის გულშიჩამწვდომი ალერსით ნათქვამი სიტყვები, მაგრამ მის უხეშ წვერს მიეკრა.

გულდაშვილებული გაემართა ჰაუკე შინისაკენ.

ახალწლის შემდეგ ოჯახში ახალი დარდი გაჩნდა. ზედამხედველი ქაობის ციებამ შეიპყრო. ავადმყოფობამ ისიც სიკვდილის პირას მიიყვანა, მაგრამ ფრაუ ელკეს თავდადებამ გამოაბრუნა, თუმცა მორჩენის შემდეგ ველარ იტყოდით, ისევ ის ჰაუკეაო. ფიზიკური დაუძღურება სულსაც დააჩნდა და ელკე კმუნვით ამჩნევდა, რომ მისი ქმარი ახლა ყველაფრით კმაყოფილი იყო. მარტის ბოლო იყო, როცა ჰაუკეს დაუძღველად მოუნდა თეთრონზე ამხედრება და თავის ჯებირზე გავლა. სამხრობა იყო. მზე აქამდე რომ ცაზე ბრღლვიალებდა, ახლა შავ ღრუბლებს ამოჰფარებოდა.

ზამთარში წყალმა რამდენჯერმე აიწია მალლა, მაგრამ საიმისო არაფერი წაუხდენია. მხოლოდ იქითა ნაპირზე, ჯებირ-შემოუვლებელ კუნძულზე დაახრჩო ცხვრის ფარა და სანაპირო ზოლი მოგლიჯა. აქ კი, ახალი ჯებირის აქეთ, არაფერი წამხდარა. ბოლო დამეს ძლიერი ქარიშხალი მძვინვარებდა. საჭირო იყო ზედამხედველი ჯებირზე თავად წასულიყო და ყველაფერი საკუთარი თვალით ენახა. ჯებირზე სამხრეთ-აღმოსავლეთ კუთხიდან ავიდა და ყველაფერი მიათვალაიერ-მოათვალაიერა. იქაურობა წესრიგში დაუხვდა. მაგრამ ჩრდი-

ლო-აღმოსავლეთ კიდეს რომ მიადგა, იქ, სადაც ახალი ჯებირი ძველს უერთდებოდა, ნახა, რომ ახალს არაფერი დაზიანებოდა, იმ ადგილას კი, სადაც სადინარი ძველ ჯებირს აღწევდა და შემდეგ სიგრძივ გასდევდა, ჰაუკემ დიდ სიგანეზე ჩამოგლეჯილი ბელტის საფარი შეამჩნია, თვით ჯებირში კი წყალს ქვაბული გამოეთხარა. ქვაბული თავის სოროებით იყო დახრული. ჰაუკე ცხენიდან ჩამოხტა და დაზიანებული ადგილი ახლოდან დაათვალიერა. როგორც ჩანდა, თავის ხვრელები კარგა დიდ სიღრმეზე იყო შეთხრილი.

ზედამხედველი შეშინდა, ეს ყველაფერი ახალი ჯებირის მშენებლობისას უნდა გაეთვალისწინებინათ. მაგრამ რაკილა მაშინ გამორჩათ მხედველობიდან, ახლა მაინც უნდა გამოსწორდეს... საქონელი საძოვარზე ჯერაც არ გამოუყვანათ, ბალახი ჯერ არ ამოსულიყო, რაც ამ დროისათვის უჩვეულო იყო. საითაც გაიხედა, ჰაუკეს ყველგან მოტეხვლებული ველი დახვდა. ისევ ცხენს მოახტა და ნაპირზე ხან აღმოსავლეთით გაუყვა, ხან დასავლეთით. ზღვის მიქცევა იყო და კარგად შეამჩნია, როგორ გაეკვალა დინებას თიხიან ფსკერზე ახალი კალაპოტი და ძველ ჯებირს ჩრდილო-დასავლეთიდან მიბჯენოდა. ახალი ჯებირი კი, ნელი დაქანების გამო, ურყევად იდგა.

ზედამხედველს თვალწინ გაუელვა, თუ რამდენი საწვალელებელი და თავშისაცემი გასჩენოდა ისევ. საჭირო იყო არა მარტო ძველი ჯებირის გამაგრება, არამედ მისი დაქანების ისე განდაკეთება, ახალს რომ ჰქონდა. მანამდე კი საჭირო იყო ეს ახალი, საშიში სადინარი ახალი ჯებირით ან ზვირთსაჭრელით სხვა მხარეს გადაეყვანათ. ჰაუკე ერთხელ კიდევ გაუყვა ახალ ჯებირს ჩრდილო-დასავლეთ კიდემდე და ისევ უკან შე-

მობრუნდა, თან თვალმოუშორებლად შეჰყურებდა სადინარის ახალ კალაპოტს, რომელიც თინხარ ფსკერზე საკმაოდ მკაფიოდ მოჩანდა. თეთრონი წინ იწევდა, ფრთხვინავდა და ტორებს მიწას ურტყამდა, მაგრამ მხედარი აღვირს უჭერდა, ნელა უნდოდა ევლო, რომ კარგად დაეთვალიერებინა იქაურობა, თანაც შინაგანი მოუსვენრობა უნდა აელაგმა, რომელიც თანდათან უძლიერდებოდა.

რა მოხდება, რომ კიდევ ისე აზავთდეს ზღვა, როგორც 1655-ში, როცა უამრავი ხალხი დაიხრჩო და ფასეულობა განადგურდა? ასე ხომ უკვე რამდენჯერმე მოხდა!.. მხედარს ძარღვებში სისხლი გაეყინა... ძველი ჯებირი ვერ გაუძლებს ასეთ დაწოლას. მერე და რა მოჰყვებოდა ამას, რა მოხდებოდა?.. ალბათ, მხოლოდ ერთი, ერთადერთი გზაა დარჩებოდა, რომ გადაერჩინა ჯებირი, მთელი უძრავ-მოძრავი ქონება და მოსახლეობა... ჰაუტეს გული გაუჩერდა, ჩვეულებრივად მტკიცეს და ამტანს თავბრუ დაესხა. აღარ უთქვამს, რა ღყო ის ერთადერთი გზა, მაგრამ მის არსებაში რაღაც ყვიროდა: „მაშინ ღვთის ანაბარად უნდა მიატოვო ახალი მიწები და შენი ჯებირიც გაარღვიო“.

ჰაუტემ უკვე წარმოიდგინა, როგორ გამორბის აზვირთებული ზღვა ნაპირისკენ და ქაფადქცეული აშიშინებული მლაშე წყალი მთლიანად ფარავს მწვანედ აბიბინებულ ველ-მინდორს. ჰაუტემ ცხენს დეზები ამოჰკრა, ცხენმა დაიჭიხინა და ჯებირზე გაჰქროლა, შემდეგ ქვემოთ დაეშვა და ზედამხედველის სახლისაკენ გაეშურა.

შიშით აღვსილი და ათასგვარი ფიქრით თავგზააბნეული ჰაუტე შინ შევიდა და სავარძელში ჩაეშვა. ოთახში ბავშვი და ელკე შემოვიდნენ, ჰაუტე ისევ წამოდგა, ბავშვი ხელში

აიტაცა და დაკოცნა, ყვითელ ძალს კი მსუბუქად წაუბიძგა და თავიდან მოიშორა.

— ზემოთ უნდა ავიდე, ფუნდუკში! — თქვა ჰაუკემ და კაკვზე ახლახან ჩამოკიდებული ქული აიღო.

ქალმა შეურევებით შეხედა ქმარს.

— რა გინდა იქ? უკვე გვიანაა, ჰაუკე!

— ჯებირის ამბავია! — თავისთვის ჩაიღულუნა ჰაუკემ. — ნდობით აღჭურვილებს უნდა შეეხვედე.

ქალი უკან გაჰყვა და ხელზე ხელი მოუჭირა. ჰაუკე ჰაინი, რომელიც სხვა დროს ყველაფერს თავად წყვეტდა, ახლა ფუნდუკისკენ მიიჩქაროდა, რათა ერთი სიტყვა მაინც გაეგო იმათგან, ვის ლაპარაკსაც წინათ ყურსაც ძლივს ათხოვებდა. სასტუმრო ოთახში ოლე პეტერსი, ორი სხვა ნდობით აღჭურვილი და ერთი მარშის მცხოვრები მაგიდას მისხდომოდნენ და ბანქოს თამაშობდნენ.

— ჯებირიდან მოდიხარ? — ჰკითხა მას ოლე პეტერსმა, სანახევროდ დარიგებული ქალადი აკრიფა და ისევ ჩამოაჩიგა.

— ჰო, ოლე, — მიუგო ჰაუკემ. — იქ ვიყავი. საქმე ცუდად არის.

— ცუდად? ჰო, რამდენიმე ასეული ტორფის აგური და ცოტა ნამჭაც დაგვირდება. შუადღის შემდეგ მეც ვიყავი იქ.

— არა, ოლე, ასე იოლად ვერ გადავრჩებით, — არ დაეთანხმა ზედამხედველი. — წყალმა ისევ გასჭრა სავალი და ახლა თუ ჩრდილოეთიდან ველარ მიუდგება ჯებირს, ჩრდილოდასავლეთიდან მაინც მიაწვება.

— თავი უნდა დაგენებებინა და ისე ედინა, როგორც დიოდა, — მშრალად მიუგო ოლემ.

— ესე იგი, რაკილა ახლად ათვისებულ მიწებზე შენ ნაკვეთი არა გაქვს, დაე წყალსაც წაუღია იქაურობა? იქ თუ ნაკვეთი არა გაქვს, საკუთარ თავს დააბრალე. ხოლო იმ ადგილზე ძველი ჯებირის დასაცავად თუ ზვირთმკრელებს გავაკეთებთ, ახალი ჯებირის უკან სამყურას ნათესი მთელ დანახარჯებს უხვად აანაზღაურებს.

— რას ამბობ მაგას, ზედამხედველო? — შესძახეს ნდობით აღჭურვილებმა. — ზვირთმკრელებიო? მერე და რამდენი უნდა? ძალიან კი გიყვართ ყველაფრის გაძნელება.

მაგიდაზე ბანქო ხელუხლებლად ელაგა.

— აი, რა მინდა გითხრა, ზედამხედველო, — დაიწყო ოლე პეტერსმა და ხელებით მაგიდას დაეყრდნო. — ხარჯების მხრივ ძალიან გაუმადლარია ეგ შენი ახალი მიწები. ხალხი შენი ფართო ჯებირის აშენების ხარჯებმა წელში გასწყვიტა, ჯერაც თავისუფლად არ ამოუსუნთქავთ და ახლა იმ ახალი ჯებირის გამო უკვე ძველიც ინგრევა და ჩვენ მისი თავიდან აშენებას უნდა შევუდგეთ. საბედნიეროდ, არც ეგრე ცუდად არის საქმე. მან ღელვას გაუძლო და შემდეგშიაც გაუძლებს! შეეჭვიხვალ შენს თეთრონზე და ერთხელ კიდევ დაათვალიერე იქაურობა!

პაუკე აქ თავის ოჯახიდან მოვიდა, სადაც სიმშვიდე სუფევდა. ახლა კი აქ ოლეს თავშეკავებით ნათქვამ სიტყვებს მიღმა მან იგრანო—დიახ, იგი არ ტყუვდებოდა—მისი ჯიუტი წინააღმდეგობა, ხოლო თვითონ თითქოს ადრინდელი ძლიერება აკლდა.

— ჰო, ეგრე ვიზამ, ოლე, როგორც მირჩიე, — მიუგო მან, — ოლონდ ვშიშობ, რომ ყველაფერი ისევ ისე დამიხვდება, როგორც ღღეს ვნახე.

... ამ დღეს მოუსყენარი ღამე მოჰყვა. ძილგატეხილი ჰაუკე ლოგინში შამფურივით ტრიალებდა.

— რა დაგემართა? — ეკითხებოდა ელკე. ქმრის ჭავრით აღარც მას ეძინებოდა. — თუ რამე გაწუხებს, მითხარი. განა გასაჭირს მუდამ ერთმანეთს არ ვუზიარებდით?

— ისეთი არაფერია, ელკე! — პასუხობდა ჰაუკე. — ჭებირსა და რაბებს პატარა შეკეთება სჭირდება. ხომ იცი, ასეთ რამეებზე მე ღამღამობით ვფიქრობ ხოლმე.

სხვა არაფერი არ უთქვამს, სურდა გადაწყვეტილება ისე მიეღო, რომ მისთვის არაფერი არ ეკითხა. ქვეშეცნეულად გრძნობდა, რომ ცოლის ნათელ გონებასა და ძლიერ ნებისყოფას ამჟამად, როცა თვითონ თავის ყალიბში ვერ გრძნობდა თავს, შეიძლება, მისთვის ხელი შეეშალა და ნებაუნებლიეთ მოერიდა.

...მეორე დღეს ჰაუკე ისევ ჭებირის სანახავად წავიდა. იქაურობა თითქოს შეცვლილი დაუხვდა. ზღვის მიქცევა იყო და გაზაფხულის ჩახჩახა მზე თითქმის შევეულად აფეხდა სხივებს ზღვის უწყლოდ დარჩენილ ვრცელ ნაპირს. თეთრი თოლიები აქეთ-იქით დაფარფატებდნენ. ხოლო მათ ზემოთ ლურჯი კამარის ქვეშ თვალშეუდგამ სიმაღლეზე ტოროლები თავიანთ მარადიულ საგალობელს გალობდნენ. ჰაუკე, რომელმაც არ იცოდა, რაოდენ ცბიერია ზოჯერ ბუნების სილამაზე, დამდგარიყო ჭებირის ჩრდილო-დასავლეთ კიდეზე და ეძებდა სადინარის იმ ახალ კალაპოტს, გუშინ რომ ასე გაუხეთქა გული, მაგრამ იმის გამო, რომ მზე ზენიტზე იდგა, ერთ ხანს ვერ მიაკვლია. მერე თვალეები ხელით მოიჩრდილა და დაინახა. როგორც ჩანდა, გუშინდელი საღამოს ბინდმა შეაცდინა ჰაუკე, კალაპოტი ახლა ოდნავ თუ ეტყობოდა. თავგებს უფრო

მეტი ზიანი მიეყენებინათ ჯებირისათვის, ვიდრე ზღვის დღე-
ვას. რასაკვირველია, აუცილებელი იყო ხარვეზის გამოსწორე-
ბა, მაგრამ ამისათვის, ალბათ, საკმარისი იყო ჯებირის ფერდო-
ბის გულმოდგინე მოსწორება და ნამჯის გამოყენება.

— არც ისე ცუდად ყოფილა საქმე, — გამამხნეველად ჩა-
ილაპარაკა ჰაუკემ, — თავი შენ თვითონ დაიფრთხე გუშინ!

მან მოიხმო ნდობით აღჭურვილი პირები და სამუშაოს და-
წყება ერთბაშად გადაწყდა, რაც აქამდე არ მომხდარა. რამ-
დენიმე კვირის შემდეგ ყველაფერს პირწმინდად მორჩინენ და
ზედამხედველი სიმხნევით აივსო, რაც ესოდენ შესაქიროებო-
და მის ჯერაც დასუსტებულ ორგანიზმს.

დღეს დღე ებმოდა, კვირას-კვირა, და რაც უფრო მეტი
ხანი გადიოდა, ახალი დალაგებული ბელტი მით ნეტად მწვან-
დებოდა, მაგრამ ჰაუკე თანდათან მეტი შეშფოთებით უვლი-
და გვერდს ამ ადგილს, იქით გახედვასაც ერიდებოდა და
ცხენს ჯებირის შიგნით მხარეზე ატარებდა. რამდენჯერმე
თეთრონი შეაკაზმვინა, რომ ეს ადგილი დაეთვალეირებინა.
მაგრამ ცხენი ისევ თავლაში დააბრუნა. ერთი-ორჯერ, თუმცა
არაფერი საქმე არ ჰქონდა, ფეხით გაემართა ჯებირისკენ.
ცილილობდა ეზოდან სწრაფად და შეუმჩნეველად გასულიყო.
ზოგჯერ ეზოდანვე ბრუნდებოდა უკან. არ შეეძლო ამ სა-
ბედისწერო ადგილის დათვალეირება. ბოლოს იგი მზად იყო
ყველაფერი ნაცარტუტითად ექცია, რადგან ახლა ჯებირის ეს
მონაკვეთი მოუშორებელი სინდისის ქენჯნად გადაექცა და
ერთ წუთსაჲრ ასვენებდა. მიუხედავად ამისა არ შეეძლო ჯე-
ბირისთვის ხელი ეხლო და ვერც ერთ სულიერს, საკუთარ
ცოლსაც კი ვერ უმხელდა ამ ამბავს.

ასე მოვიდა სექტემბერი. ღამით ზღვა ერთხანს აღელდა,

მერე კი შტორმმა ჩრდილო-აღმოსავლეთით გადაინაცვლა. დილა მოქუშული გათენდა. ზღვის მიქცევისას ჰაუკე ჯებირზე წავიდა. უწყლოდ დარჩენილი ნაპირი რომ დაათვალიერა, ზედა მხედველი შეკრთა:

სადინარის ეს საბედისწერო კალაპოტი ჩრდილო-დასავლეთიდან უფრო გაღრმავებულიყო. ბევრი უყურა დაკვირვებით მაგრამ კალაპოტი ისეთი იყო, როგორც პრველად დაინახა.

დაჯავრიანებული ჰაუკე შინ რომ მიბრუნდა, ცოლმა ხელი მოჰკიდა და ჰკითხა.

— რა დაგემართა, ჰაუკე? რამე უბედურება ხომ არ მოგველის? ძალზე ბედნიერები ვართ და, მგონია, ამჟამად ჩვენი მხარის არც ერთი კაცი შენ აღარა გმტრობს.

— არა, ელკე, არავენაც არ მტრობს, — მიუგო ქმარმა. — მაგრამ საპასუხიმგებლო სამსახური მაქვს ღეთისგან ნაბოძები—ზღვისგან უნდა დავიცვა თემი.

საყვარელი ცოლის კითხვებისაგან თავის დასაღწევად ჰაუკემ ხელი გაითავისუფლა და თავლისა და ბელლისაყენ გასწია, თითქოს მათი დათვალიერება უნდაო, მაგრამ ირგვლივ ვერაფერს ამჩნევდა. ცდილობდა სინდისის ქენჯნა დაეყუჩებინა და საკუთარი თავი დაერწმუნებინა—საშიშროებას ავადმყოფურად ვაზვიადებო...

— ის დრო, რომლის თაობაზეც ახლა გიყვებით, — მცირე დუმილის შემდეგ მითხრა ჩემმა მასპინძელმა, მოხუცმა მასწავლებელმა, — გახლდათ 1756 წელი, რომელსაც ამ მხარის ხალხი არასოდეს დაივიწყებს. ამ წელმა ჰაუკე ჰაინის სახლიდან ერთი სიცოცხლე შეიწირა. სექტემბრის ბოლოს თავის სენაკში სიკვდილის სარეცელზე იწვა თითქმის ოთხმოცდაათი

წლის ტრინ იანსი. მოხუცმა ითხოვა, ლოგინში წამომსვითო, და ახლა ბალიშებზე მიყრდნობილი ტრინი ტყვიის ჩარჩოში ჩასმული სარკმლიდან ზეცას გაჰყურებდა. ამ წუთას, ალბათ, ჰაერის მკიდრო ფენების თავზე გაიშვიათებული ფენები იყო მოქცეული, რადგან მირაჟის სახით ცაზე გამოჩნდა ვერცხლივით აკიაფებული ზღვის ზოლი, ჯებირი და იევერსის კუნძულის საბზრეთი კიდე. ცის ათინათმა თვალისმომჭრელად გაანათა ტრინის სენაკი.

ავადმყოფის ლოგინზე, მის ფერხთით, პატარა ვინკე ჩაცუცქულიყო და იქვე მდგომი მამისთვის ხელი მაგრად ჩაეკიდა. სიკვდილს უკვე დაეფარებინა შავი ფრთა მოხუცის სახეზე და ბავშვი სუნთქვაშეკრული შეჰყურებდა მომაკედავის ულამაზო, მაგრამ მისთვის ესოდენ მახლობლურ სახეზე მომხდარ საშინელ და გაუგებარ ცვლილებას.

— რას შვრება, მამა, ის? — ჩურჩულით შეეკითხა ვინკე მამას და ფრჩხილებით ხელში ჩაეჭიდა.

— კვდება! — მიუგო ზედამხედველმა.

— კვდება! — დაბნეულად გაიმეორა ვინკემ.

მოხუცმა უცბად ბაგეები შეარხია:

— იენს! იენს! — წამოიძახა გამწარებით და გაძვალტყავებული ხელები ცაზე აკიაფებული ზღვის ანარეკლისაკენ გაიშვირა: — მიშველე! მიშველე! შენ ხომ წყალზე ძლიერი ხარ... ღმერთო, შენ იხსენ დანარჩენები!

უცბად ხელები ჩამოუცვივდა, მოისმა საწოლის ოღნავი კრიალი და ტრინმა სული განუტევა.

ბავშვმა ღრმად ამოისუნუნა, ღიაფერის თვალებით მამას ახედა და ჰკითხა:

— ისევ კვდება?

— უკვე მოკვდა, — მიუგო ზედამხედველმა და ბავშვი ხელში აიყვანა. — ჩვენ გავგვცილდა და ღვთის საბრძანებელში გადავიდა.

— ღვთის საბრძანებელში! — გაიმეორა ბავშვმა და ისევ გაჩუმდა, თითქოს ამ სიტყვის მნიშვნელობას ჩაუფიქრდო.

— კარგია იქ, ღვთის საბრძანებელში?

— ჰო, იქა ჯობია, — მიუგო ჰაუკემ. მის სულში კი მომაკვდავის ბოლო სიტყვები ხმიანობდა ისევ. „ღმერთო, შენ იხსენი დანარჩენები!“ — ხმადაბლა წარმოთქვა მან თავისთვის. — ნეტავი რის თქმა უნდოდა ამით ძველ ჯადოქარს? ნეტავ მართლა თუ წინასწარმეტყველებენ მომაკვდავები?..

... მას შემდეგ, რაც ტრინ იანსი ბექობზე წამოდგმული ეკლესიის ეზოში დაასაფლავეს, ხალხში დაიწყეს მითქმა-მოთქმა უბედურებასა და საშინელ უწმინდურებაზე. რომელიც ზეციდან წამოვიდოდა და ჩრდილო ფრიზლანდიელებს შიშის თავზარს დასცემდა. მართლაც, დიდმარხვის მეოთხე კვირადღეს ქარბორბალამ სამრეკლოდან ოქროს მამალი ჩამოგლიჯა. ამას გარდა, შუა ზაფხულში, ზეციდან თოვლივით წამოვიდა რაღაც სკორე, რომლის შემდეგაც დიდხანს იდო მინდორში ხელის სისქეზე. ასეთი რამ არასოდეს ენახა ვინმეს. სექტემბრის ბოლოს ზედამხედველის უფროსმა მოჯამაგირემ ქალაქში ხორბალი წაიღო გასაყიდად, მოსამსახურე ანა გრეტემ კი — კარაქი. უკან რომ მობრუნდნენ, ფორნებიდან შიშისაგან ფერმიხდილები გადმოვიდნენ.

— რა მოხდა, რა დაგემართათ? — შესძახეს შათ დანახვაზე სხვა მოსამსახურეებმა, რომლებიც ფორნების რახრახზე გარეთ გამოცვივდნენ.

ანა გრეტეს სამგზავრო წამოსასხამიც არ გაუხდია, კრიჭა-შეკრული დიდ სამზარეულოში შევიდა.

— ხმა ამოიღე, — შესძახეს მას მსახურებმა. — რა უბედურება დატრიალდა?

— ღმერთო, შენ გვწყალობდე, იესო ქრისტე! — წარმოთქვა ანა გრეტემ. — თქვენ კარგად იცნობთ მოხუც მარიკენს, აი, იქითა მხარეს რომ ცხოვრობს, აგურის სახლში. მე და ის ყოველთვის აფთიაქის კუთხეში ვყიდდით ხოლმე კარაქს. იმან მითხრა: — ანა გრეტე, იცოდე მთელ ჩრდილოეთ ფრიზლანდიას უბედურება ელის. ივენ იონსმაც დაადასტურა, უბედურება იქნებაო! — მოლაპარაკემ ახლა ხმას დაუწია: — არც ზედამხედველის თეთრი ცხენის საქმეა სასიკეთო!

— ჩუმაღ, ჩუ! — შეუძახეს სხვა მოსამსახურე გოგოებმა.

— ჰო, ჰო. მე კი რა მენაღვლება, მაგრამ იქითა მხარეს უფრო უარესი ამბავია მოსალოდნელი, ვიდრე ჩვენთან. ციდან იქ მარტო ბუზი და სკორე კი არ ჩამოცვენილა, წვიმასავით სისხლიც წამოსულა. წინა კვირას კი პასტორს პირსაბანი ტაშტი აუღია და შიგ ხუთი მუხუდოსოდენა თავის ქალა გდებულა. ამის სანახავად ყველა მისულა. აგვისტოში მთელ მიდამოს რაღაც საშინელი წითელთავიანი მუხლუხა მატლები მოსდებია და მთელი პური, ფქვილი და მარცვლეული გადაუქამია, მუსრი გაუვლია ყველაფრისათვის, რაც კი უნახავს. ხალხს ვერაფრით გაუწყვეტია, თურმე ცეცხლითაც კი ვერაფერი დაუკლია.

მთხრობელი ერთბაშად დადუმდა. ვერავინ შეამჩნია, როგორ შემოსულიყო დიასახლისი.

— რას ლაპარაკობთ? — იკითხა ელკემ. — ბატონს ნუ აგონებთ ეგეთ ლაპარაკს. — მერე, რაკილა შეატყო, რომ ამ ამბების მოყოლას მისთვისაც აპირებდნენ, ელკემ ყველანი გააჩუმა: — საჭირო არ არის, ისედაც საკმაოდ მოვისმინე.

თქვენ საქმეს მიხედვით, ის უფრო გიშველით და დაგაწყნარებთ, ვიდრე ეგ ლაქლაქი.

ელკემ ანა გრეტე თავისთან მიიხმო და ბაზარში ნავაქრი ჩაიბარა.

ამრიგად, ცრუმორწმუნეობრივმა მითქმა-მოთქმამ ამ სახლის უფროსების მხარდაჭერა ვერ ჰპოვა, მაგრამ სხვა ოჯახებში მით უფრო ადვილად იკაფავდა გზას, რაც უფრო იზრდებოდა ღამეები. სულისშემხუთველად დასწოლოდა ეს აშბავი ყველას და მთელ თემში ყველგან ამას ლაპარაკობდნენ — ჩრდილოეთ ფრიზლანდიას საშინელი უბედურება მოეწიოს.

ეს მოხდა ოქტომბერში, ყოვლადწმიდის დღესასწაული დადგომამდე ცოტა ხნით ადრე. მთელი დღე სამხრეთ-დასავლეთის ქარბორბალა უბერავდა. საღამოს ცაზე ნახევარმთვარე დაეკიდა, რომელსაც წამდაუწუმ გადაუქროლებდნენ შავლეგა ღრუბლები და დედამიწაზეც ამის მიხედვით ხან მქრქალი სინათლე ეფინებოდა, ხან მრუმე ჩრდილები. ქარბორბალათანდათან ძალას იკრებდა. ზედამხედველის ოთახში ვახშში შემდეგ სუფრა ჯერაც არ აელაგებინათ. მოჯამაგირეები ბოსელში გაგზავნეს — საქონელს ყური უგდეთო, ხელზე მოსამსახურე გოგოებს კი ოთახებში და სხვენზე კარ-ფანჯრების შემოწმება დაევალოთ, სადმე ქარაშოტმა არ შემოგლიჯოსო.

ჰაუკემ სახელდახელოდ ივახშმა და ახლა ფანჯარასთან მიმდგარიყო. გვერდით მეუღლე ედგა. დიდხანს არ გაევილო, რაც ჯებირიდან მობრუნდა. ფეხით წავიდა და შუადღის შემდეგ იქ იმყოფებოდა. ყველგან, სადაც ჯებირი ცოტა შესუსტებული მოეჩვენა, დაკუთხული ხიმინჯები და მიწითა და თიხით დატენილი ტომრები ჩააყრევინა. ყველგან ხალხი დააყენა

და დაავალა, როგორც კი ტალღები ჯებირს დაემუქრება, მარ-
გილები ჩაასვეთ და ტომრებით ამოტენეთო. ჩრდილო-დასავ-
ლეთით, სადაც ძველი და ახალი ჯებირები ერთდებოდა, მან
ყველაზე მეტი ხალხი დააყენა და უბრძანა, სანამ თქვენ სი-
ცოცხლეს საფრთხე არ დაემუქრება, უკან არ დაიხიოთო.
ყველას თავისი ადგილი მიუჩინა და თხუთმეტიოდე წუთის
წინ, თავით ფეხებამდე სველი და თმაგაწეწილი, შინ დაბრუნ-
და. ახლა იდგა ქარბორბალასაგან აზრიალებული ტყვიის ჩარ-
ჩოში ჩასმულ ფანჯარასთან და ანგარიშმიუცემლად გაჰყუ-
რებდა საშინელ სალამოს. კედლის საათმა ეს-ესაა რვა დარეკა.
დედასთან ატუზული გოგონა შეკრთა და თავი კაბისქვეშ
შეუყო.

— კლაუსი! — წამოიძახა ტირილნარევი ხმით, — სად არის
ჩემი კლაუსი?

თოლია შარშანდელივით, არც წელს გაფრენილა გამოსა-
ზამთრებლად სამხრეთში. მამამ ვერ გაიგონა ბავშვის შეკითხ-
ვა. დედამ გოგონა ხელში აიყვანა.

— შენი კლაუსი ბელელშია, — თქვა დედამ. — იქ თბილად
არის.

— რატომ? კარგია ეს?

— კარგია, მაშ.

ჰაუკე ისევ ფანჯარასთან იდგა.

— არა, ელკე, ასე არ ივარგებს! — დაიძახა მან. — მოუხმე
რომელიმე მსახურს. საჭიროა დარაბები ჩარჩოებს მიიხრახ-
ნოს, თორემ ქარი სულ ჩაღეწავს.

ღიასახლისის ბრძანებაზე ერთი მსახური გოგო გარეთ გა-
ვარდა. ოთახში მდგომთ თვალი მოჰკრეს, როგორ აუფრიალა
კაბა ქარმა. როგორც კი დარაბა კაკვიდან ჩამოხსნა, ქარმა

ისეთი ძალით დაუბერა, რომ დარაბა ხელიდან გამოგლიჯა და ფანჯარას მიახეთქა, რამდენიმე შუშა ჩაღეწა, ნამსხვრევები ოთახში შეჰყარა, ერთი სანთელი ჩააქრო. ჰაუკე გარეთ გავარდა და დიდი გაჭირვებით ძლივს მიახრაბნეს ჩარჩობებზე დარაბები. როცა მოსამსახურე გოგო ოთახში შემობრუნდა, ღია კარში ისეთი გრიგალი შემოვარდა, რომ განჯინაში მინისა და ვერცხლის ჭურჭელი ააზრიალა. ზემოთ, სხვენზე კოჭები ისე ჭრიალებდა და თახთახებდა, თითქოს ეს-ესაა ქარტეხილი სახლს სახურავს ახდისო. ჰაუკე ოთახში აღარ შემობრუნებულა, კალო გადაიარა და თავლაში შევიდა.

— თეთრონი, თეთრონი მომგვარე, იონ, სწრაფად!— შემოესმა ელკეს ქმრის ძახილი. მერე ჰაუკე ისევ ოთახში შებრუნდა, თმა ასწეწოდა, თვალეში ცეცხლი უელაგდა.

— ქარი შეიცვალა,—დაიყვირა მან.—ახლა ჩრდილო-დასავლეთიდან უბერავს. დიდი ღელვა ატყდება! ქარს რა უშავს, ასეთი შტორმი ჯერ არავის შესწრებია!

ელკეს მიცვალეზულის სახე დაედო.

— ისევ მიდიხარ?

ჰაუკემ ქალს ხელები დაუჭირა და შეშლილივით მოუჭირა.

— უნდა წავიდე, ელკე!

ქალმა ნელა აღმართა მისკენ ჩადამებული თვალეები და ორიოდ წამს ერთმანეთს თვალეებში უმზირეს, მაგრამ მათთვის ეს მთელი საუკუნე იყო.

— ჰო, ჰაუკე, ვიცი, რომ უნდა წახვიდე.

კარის წინ თეთრონის ფლოქეების ხმა გაისმა.

ქალი ჰაუკეს კისერზე ჩამოეკიდა და ერთ წამს კაცს ეგო-

ნა, ველარ მოვიცილებო. მაგრამ ასე მხოლოდ ერთ წამს გაგარძელდა.

— ეს არის ჩვენი ბრძოლა! — წარმოთქვა ჰაუკემ.— თქვენ აქ უშიშრად ხართ. ამ სახლამდე ჯერ არც ერთხელ აბობოქრებულ ზღვას არ მოუღწევია. ახლა კი ღმერთს ჩემი თავი შეაჩედრე.

ჰაუკემ წამოსასხამი შემოიხვია, ელკემ ზრუნვით შემოახვია ყელსახვევი. მერე რალაცის თქმა დააპირა, მაგრამ ბაგეები აუცახცახდა.

გარეთ თეთრონმა დაიხვიხვინა. ქარის ღმუილში მისი ხმა საყვირივით გაისმა. ელკე ქმარს გარეთ გაჰყვა. ბებერი კოპიტი ისე ჭრიალებდა, თითქოს ეს-ესაა შუაზე გაიხლიჩებო.

— შეჯეჭი, ბატონო! — შესძახა მოჯამაგირემ ჰაუკეს. — თეთრონი ისეა გახალეებული, საცაა აღვირს დაწყვეტავს!

ჰაუკე ცოლს გადაეხვია.

— მზე რომ ამოვა, აქ ვიქნები!

ჰაუკე თეთრონს მოახტა. ცხენმა წინა ტორები მალა შეპყარა და თითქოს გახელეებულ ბრძოლაში გადაეშვაო, მხედარი მიწაყრილიდან ქვემოთ გაიტაცა და წკვარამ ღამეში აღმუვლებულ გრიგალს ეკვეთა.

— მამა, ჩემო კარგო მამიკო! — მოისმა ბავშვის საწყალობელი ძახილი.

ენკე გარეთ გამოსულიყო და ცხენზე ამხედრებულ მამას გასდევნებოდა, მაგრამ მიწაზე ფეხი წამოეკრა და წაქცეულიყო.

მოჯამაგირე ივენ იონსმა ატირებული ბავშვი დედას მიჰგვარა. ქალი კოპიტის ძირს მიჰყუდებოდა. ელკეს თავს ზემოთ, ხის ტოტები ჰაერს ხანჯლავდა. ხის ძირას მდგომი ქა-

ლი გაჰყურებდა უკუნეთ ღამეს, რომელმაც ეს-ეს იყო მისი ქმარი შთანთქა. როცა გრიგალის ღმუილი და ზღვის ღრიალი წამით შეწყდებოდა, ელკეს უეცრად შიში მოიცავდა — ასე ეგონა, მაშინ ყოველი ავი და ბოროტი მის ქმარს ეძებდა და როგორც კი ხელთ იგდებდა, მყის ვაჩუმდებოდა. ბავშვი ცახ-ცახებდა, ქარს მისთვის თმა გაეწეწა და აქეთ-იქით უფრიალებდა.

— ფრაუ ელკე, აი თქვენი გოგონა! მაგრად მოხვით ხელები!—დაუყვირა მას იონმა და ბავშვი მიაწოდა.

— ბავშვი? ოჰ, სულ დამავეიწყდი, ვინკე! ღმერთო, შენ შემინდე!—შეჰკივლა ქალმა და ბავშვი ისე ჩაიკრა მკერდში, როგორც მხოლოდ დედობრივი სიყვარულით შეიძლება და ბავშვიანად მუხლებზე დაეცა:—ღმერთო დიდებულო და იესო ქრისტევ, შენ დაგვიცავი ქერივ-ოხრობისა და დაობლები-საგან! შენ ჰფარვიდე ჩემს ჰაუკეს! მხოლოდ ჩვენ ორნი—შენ და მე, ვიცნობთ მის ბუნებას!..

ქარბორბალა ერთი წუთითაც არ ცხრებოდა. ღმუილსა და ღრიალისაგან ყურთასმენა აღარ იდგა, თითქოს ქვეყანას მეორედ მოსვლა შთანთქმას უპირებსო.

— შინ შევიდეთ, ფრაუ ელკე.—მიმართა მას იონმა. ქალი წამოაყენა და დედა-შვილი სახლში შეიყვანა.

..ზედამხედველი ჰაუკე ჰაიენი თავის თეთრონს ჯებირისკენ მიაგელვებდა. წინა დღეებში კოკისპირული წვიმები იყო და გზები სულერთიანად გადაერეცხა. ცხენი ფლოქვებს ველარ იკიდებდა სველ, კოწიწივით თიხაზე. ცაზე ღრუბლებს გახელებული ჯირითი გაეჩაღებინათ. წინგაშლილი, რალაც მოუსვენარი ჩრდილებით მოფენილი, ვრცელი მარშები გამოუცნობ უდაბნოდ ქცეულიყო. ჯებირს გადაღმიდან მოის-

შოდა ყრუ ღმუილი, რომელიც თანდათან იზრდებოდა და ყველას და ყველაფერს წაღევით ემუქრებოდა.

—წინ, ჩემო თეთრონო!—აქეზებდა ჰაუკე ცხენს,—ამჯერად მეტად ცუდი გზა გვაქვს!

უეტრად ცხენის ფლოქვებქვეშიდან ვილაციის სასიკვდილოდ განწირული კივილი მოისმა. ჰაუკემ ცხენს აღვირი მოსწია და უკან მიიხედა: გვერდით, ზედ მიწის პირად, თეთრი თოლიების გუნდი მოფრინავდა. გუნდი ხან საკუთარი ფრთების ძალას ეყრდნობოდა, ხან კი ქარიშხალს მინებდებოდა და რაღაც დამცინავი გნიასი გაუდიოდა. ისინი თავშესაფარს მიწაზე ეჭებდნენ. უცბად ღრუბლებიდან მთვარემ გაიჩინა და ჰაუკემ დაინახა გზაზე მიქცულეტილი ერთი თოლია. მხედარს მოეჩვენა, რომ ამ თოლიას კისერზე წითელი ბაბთა უფრიალებდა.

—კლაუს!—შესძახა მან.—საბრალო კლაუს!

ნუთუ ეს მისი გოგონას თოლია იყო? ნუთუ კლაუსმა ცხენი და მხედარი იცნო და მოინდომა მათ შეფარებოდა? ჰაუკე ამას ვერ მიმხვდარიყო.

—გასწი!—შესძახა ჰაუკემ თეთრონს და მანაც ტორები ჰაერში შეჰყარა.

ერთბაშად გრიგალი ჩადგა და მიდამო სამარისებურმა მღუმარებამ მოიცვა, მაგრამ ეს მხოლოდ ერთ წამს გაგრძელდა. ქარაშოტმა შემდეგ უარესი გახელებით დაიღმეველა, ამასობაში კი მხედრის ყურს ხალხის ხმა და ძაღლის მოუსვენარი ყეფა ჩაესმა. ჰაუკემ თავი სოფლისკენ მიაბრუნა და ღრუბლებიდან გამოსული მთვარის შუქზე დაინახა, სახლების წინ, მიწაყრილზე ხალხი თავამდე დატვირთულ ფორნებთან დაფუსფუსებდა. მის თვალწინ მეყსეულად გაირბი-

ნა რამდენიმე ფორანმა, რომლებსაც გორაკისკენ მიერეკე-
ბოდნენ: მოესმა საქონლის ბღავილი. თბილი ბოსლებიდან ხალ-
ხი პირუტყვსაც ზემოთ მიერეკებოდა. „მადლობა ღმერთს, პი-
რუტყვსა და საკუთარ თავს მიხედა ხალხმა!“ ჩასძახა ჰაუყეს
შინაგანმა ხმამ, მერე კი შიშით შეძრულმა წამოიძახა:

— ჩემი ცოლი, ჩემი შვილი?... არა, არა, ჩვენს მიწაყრილ-
ამდე წყალი ვერ მიაღწევს!

ეს ყველაფერი ერთ წამს გაგრძელდა, მის თვალწინ მოჩ-
ვენებასავით გაიღვა და თვალს მიეფარა.

ზღვიდან უჩვეულო ძალის გრიგალმა დაჰბერა, ცხენი და
მხედარი მას ეკვეთნენ და ვიწრო ბილიკით ჯებირზე აიჭრნენ.
ჯებირის თავზე მხედარმა ცხენი ძლივს შეაყენა. მაგრამ სა-
დაა ზღვა? სად არის ივეერსის კუნძული? სად გაუჩინარდა
უბის იქითა ნაპირი?... მხოლოდლა აბობოქრებული წყლის
მთები მოჩანდა, რომლებიც ჩაბნელებული ცასკენ ასწრა-
ფოდნენ, ერთმანეთს თავზე ექცეოდნენ და ურთიერთის მი-
ყოლებით ხმელეთს ურტყამდნენ, ქეჩოს გაცოფებით იჭაფებ-
დნენ და ისე ღმუოდნენ, თითქოს მათ გვამში მთელი ქვეყ-
ნის მტაცებლები დაბუდებულყვნენ. თეთრონი ფრთხინავ-
და და წინა ტორებს მიწას ურტყამდა. მხედარს ახლა ისე
ეგონა, აქ დასრულდა ძეხორციელის სუფევა და ამიერიდან
ქვეყნად ღამე, სიკვდილი და არარაობა გაბატონებულაო.

მაგრამ მერე მოიფიქრა, ეს ხომ მხოლოდ გრიგალია,
ოღონდ ისეთი ძალისა, რომელიც აქამდე არასოდეს ენახა.
მეუღლე და შვილი მიწაყრილზე წამომდგარ საიმედოდ ნა-
გებ სახლში არიან, ხოლო მისი ჯებირი—ო, რა სიამაყით შეუთ-
როლდა მას გული—ჰაუყე ჰაიენის ჯებირი კი ახლა დაამ-
ტკიცებს, თუ როგორ უნდა შენდებოდეს იგი.

მაგრამ ეს რა არის?...ჰაუკე ძველი და ახალი ჯებირის შეერთების კუთხესთან შედგა. სად არის ის ხალხი, რომელიც აქ დააყენა გუშაგად?.. ჰაუკემ ახლა ჩრდილოეთით გაიხედა, ძველი ჯებირისაკენ. აქაც რამდენიმე კაცს მიუჩინა ადგილი. არც ერთგან კაცის ჰაჭანება აღარ იყო. ცხენი ცოტა წინ წააგდო, მაგრამ ვერც იქ დალანდა ვერაფერს. თვალუწვდენელ სივრცეზე გრიგალის ღმუილი და ზღვის ღრიალი სმენას ახშობდა. ცხენი უკანვე შემოაბრუნა და მიტოვებულ კუთხეში დიღხანს აკვირდებოდა ახალი ჯებირის ხაზს და თვალნათლივ შეამჩნია, რომ აქ ზღვა ნელა და ძალადაკარგულად ურტყამდა ჯებირს, თითქოს სხვა ზღვა იყო.

— ეს კი გაუძღვებს!—ჩაილულლულა მან და გული სიამით ავესო.

მაგრამ როგორც კი თვალი ახალ ჯებირს იქით გააყოლა, სიხარული სახეზე შეეყინა. ეს რა ხდება ჩრდილო-დასავლეთის კიდესთან? შავი, მოფუსფუსე მასა რაღაცას შესეოდა. ეკვი არ არის, ხალხია, მაგრამ რას აკეთებენ ისინი ჯებირთან? მხედარმა ცხენს დეზი ჰკრა და თეთრონი იქით გაფრინდა. გრიგალი გვერდიდან ისეთი ძალით უბერავდა, რომ ცხენს და მხედარს ჯებირიდან გადაყრით ემუქრებოდა. მაგრამ ასე ადვილად ვერ დასძლევდა. ჰაუკემ მალე გაარჩია, რომ რამდენიმე ათეული კაცი გაცხარებით შრომობდა და ახალ ჯებირში თხრილსა ჰკრიდა.

მთელი ძალით მოსწია ცხენს ალვირი და საშინელი ძალით შესძახა:

— შესდექ! რას სჩადიხართ ეშმაკის კერძო?

ხალხმა ზედამხედველი იცნო და ბარები ხელში შეეყინათ, გაიგონეს მისი შეძახილი და რამდენიმე კიდევ შეეცა-

და რაღაც ეპასუხა, მაგრამ ჰაუკე მხოლოდ მათ აღელვებულ სახეს ხედავდა, რადგან ისინი მარცხნივ იდგნენ, სიტყვებს გრიგალი პირიდან აცლიდა და შორს იტაცებდა, გრიგალი ფეხზე გაჩერების საშუალებასაც არ აძლევდა და ხალხი ჯგუფად შექუჩულიყო. ჰაუკემ გავეშებით მოავლო თვალი ახალნათხარს და წყლის დონეს, რომელიც ახლა ჯებირის პირამდე ამოსულიყო და ცხენსა და მხედარსაც ზემოდან ასხამდა. საკმარისი იყო კიდევ ათიოდე წუთის მუშაობა—ზედამხედველმა ეს კარგად გაზომა—და აქოჩრილი ზღვა თხრილში შევარდებოდა, ჰაუკე ჰაიენის ჯებირით მოლობილ ახალ მიწებს ზღვა წალეკავდა!

ზედამხედველმა ცხენთან ახლოს მდგომ მუშას მოუხმო და ყვირილით ჰკითხა:

— მითხარი, რა მოგიწადინიათ, ამას რაღა თხროთ?

— ახალ ჯებირს ვჭრით იმიტომ, რომ ძველი გადავარჩინოთ,—ყვირილით გაეპასუხა მუშა.

— რაო?

— ახალ ჯებირს ვჭრით.

— რომ ახალი მიწები წყალმა წალეკოს? ვინ ეშმაკმა ჩაგაგონათ ეგ?

— არა, ბატონო, ეშმაკმა კი არა, ნდობით აღჭურვილი ოლე პეტერსი იყო აქ და იმან გვიბრძანა!

ჰაუკეს სისხლი თავში აუვარდა.

— მე აღარა მცნობთ?—დაიყვირა ისევ ჰაუკემ.—სადაც მე ვარ, იქ ოლე პეტერსის ბრძანებას ძალა არა აქვს. ახლავე მოშორდით აქაურობას და იქ წადით, სადაც მე დაგაყენეთ!

მაგრამ რადგან ხალხი ისევ მერყეობდა, ჰაუკემ ცხენი მათ შუა შეადგო და დაუღრიალა:

— მოშორდით-მეთქი, აქაურობას!

— ფრთხილად იყავით, ზედამხედველო!—შესძახა ერთ-ერთმა მუშამ და აცქმუტებულ ცხენს ბარი აძგერა. მაგრამ ცხენმა წინა ტორებით მუშას ბარი გააგდებინა და მეორე კაცი ძირს დააგორა. უცბად მთელ ბრბოს ისეთი გმინვა აღმოხდა, როგორიც მხოლოდ სიკვდილის საშიშროებამ შეუძლია აღმოახდენინოს ჯებორციელის ყელს. ერთ წამს ყველანი შედრკნენ, მხედარიც და მისი ცხენიც. დამბლადაცემულელებით იდგნენ ერთმა მუშამ ხელი ჩრდილო-დასავლეთით გაიშვირა, სადაც ძველი და ახლი ჯებირი ერთდებოდა. ისმოდა მხოლოდ გრიგალის გუგუნე და ზღვის ღრიალი. ჰაუკე უნაგირზე შებრუნდა. რა მოხდა იქ?

უცბად თვალები ცხრილივით გაუხდა.

— მამაზეციერო! გაგლიჯა! ძველი ჯებირი გაგლიჯა!

— თქვენი ბრალია, ზედამხედველო!—დაიყვირა ვილაცამ ბრბოდან, — თქვენი ბრალია და ღვთის წინაშეც პასუხი თქვენ აგეთ!

ჰაუკეს სიბრაზისაგან აქარხლებული სახე ახლა მიცვალებულისას დაემგავსა. ღრუბლიდან გამოსულ მთვარეს მისი გაფერმკრთალება აღარ შეეძლო. ხელები უსიცოცხლოდ ჩამოეყარა. იმასაც ძლივს გრძნობდა, რომ ხელთ აღვირი ეპყრა. ესეც ერთ წამს გაგრძელდა. უცბად უნაგირზე წამოიწია და მკერდიდან გმინვა აღმოხდა, მერე ცხენი სიტყვის უთქმელად შეაბრუნა და თეთრონიც ჯებირს ფთხვინვით გაუყვა აღმოსავლეთით. მხედარი ქორივით ათვალეერებდა ირგვლივ მიდამოს. გონებას უბურღავდა კითხვა: რატომ უნდა ეგო მას

პასუხი ღვთის წინაშე? ალბათ, იმიტომ რომ ახალი ჯებირის განგრევის უფლება არ მისცა ხალხს! ეს ბრბო აქამდე, ალბათ, აისრულებდა კიდევ საწადელს მას რომ არ შეეჩერებინა. მაგრამ იყო კიდევ ერთი რაღაც და ეს უწყლულებდა გულს: კარგად იცოდა, რომ წარსულ ზაფხულს ოლე პეტერსის ბოროტი ლაპარაკისათვის ყური არ უნდა ეგდო! აი ეს იყო საქმე! მარტო მან იცოდა, რომ ძველი ჯებირი მოფამფალეებულ იყო. არაფრისათვის ყურადღება არ უნდა მიექცია და თავისი საქმე გაეკეთებინა.

— მამაზეციერო, ვალიარებ ჩემს დანაშაულს!— ხმამალა შეჰყვირა მან უცებ გაშმაგებულ გრიგალს. — ცუდად ვასრულებდი ჩემს მოვალეობას!

მარცხნივ, ზედ ცხენის ფლოქვებთან ზღვა ბობოქრობდა. წინ, უკუნეთ სიბნელეში ჩანთქმულიყო ძველი მიწები და მიწის ბორცვებზე აღმართული, მისთვის ასე მშობლიური სახლები. მთვარე შავ ღრუბლებს დაეფარა მხოლოდ ერთადერთ ადგილსლა მოჩანდა მკრთალი სინათლე. და ამ სინათლემ სიამე მოჰფინა გულზე ჰაუკეს: შუქი მისი სახლიდან გამოდიოდა, თითქოს ცოლ-შვილი ამ მკრთალი სხივით სალამს უთვლიდა მას. მადლობა უფალს, მაღალ მიწაყრილზე ისინი უშიშრად იყვნენ! სხვები, ალბათ, უკვე ზემოთურებს შეეფარნენ. იქიდან ახლა უჩვეულოდ ბევრი შუქი ანათებდა, იმდენი, სხვა ღროს რომ არასოდეს შეუმჩნევია ზეცაშიც კი სანათი ენთო—ეს, ალბათ, ეკლესიის სამრეკლოში იყო.

— ალბათ, უკვე ყველა ზემოთ გაიხიზნა,— თავისთვის ჩაილაპარაკა ჰაუკემ.— რასაკვირველია, ზოგიერთი სახლიდან ნანგრევებილა დარჩება. მძიმე წლები დაგვატყდა თავს. საჭირო განდება არხებისა და რაბების შეკეთება. ყველაფერი

უნდა აღვადგინოთ. ყველას მხარში ამოვუდგები, იმათაც კი, რომლებმაც მხოლოდ წყენა და ტკივილი მომაყენეს. —ოლონდ, ღმერთო, შენ შეგვიწყალე და ნუ გაგვიწირავ ჩვენ—აღამიანებს.

ჰაუკემ ახლადათვისებული მიწებისკენ გაიხედა, მის ირგვლივ ზღვა ქაფად ქცეულიყო, ნაკვეთები კი მშვიდობიანად გადარჩენილიყო. სიხარულის აღტყინება აღმოხდა მხედარს უნებლიეთ: „ჰაუკე ჰაიენის ჯებირი ამ ქარტეხილსაც გაუძლებს, ას წელიწადსაც ნირშეუცვლელად იდგომება!“

უცბად მის ფეხთაქვეშ თითქოს რაღაცამ დაიქუხა, და ჰაუკე ოცნებიდან გამოერკვა. თეთრონმა წინ ნაბიჯი აღარ გადადგა. რა ამბავია? ცხენი უკან გადმოხტა და მხედარმა იგრძნო, როგორ წავიდა ზღვის სიღრმისკენ მის წინ აღმართული ჯებირის ნაწილი. მხედარმა აზროვნება დაძაბა, თვალები ფართოდ გაახილა და დაინახა, რომ ცხენი წინა ტორებით ძველ ჯებირზე დგას. ანგარიშმიუცემლად ცხენს მთელი ძალით მოსწია აღვირი. ამ დროს მთვარემაც უკანასკნელი ღრუბლის ქულა გადაიცილა და მის ნაზ შუქზე გამოჩნდა საშინელება—აქაფებული წყალი ღმუილით შეიქრა ნაპრალში ძველი ჯებირის უკან.

აზრდაკარგული თვალებით შეჰყურებდა ჰაუკე ამ სურათს. ეს იყო მეორედ მოსვლა, რომელიც შეუბრალებლად წარღვნიდა ხალხსაც და საქონელსაც. ჰაუკეს კვლავ შუქის სხივი მოხვდა თვალში, ეს ისევ ის იყო, წელან რომ დაინახა—თავის სახლიდან გამოჭრილი სინათლის სხივი. ჰაუკემ დახედა ნაპრალში ღმუილით შემოვარდნილ აქაფებულ წყალს და სიხარულით შეამჩნია, რომ მხოლოდ ასიოდ მეტ-

რის სიგანე ფართობს მოსდებოდა, იმის იქით კი მკაფიოდ გაარჩია გზა. უცბად გზაზე ფორანი, არა—ორთვალა—დანახა, რომელიც გამალებით მოეშურებოდა ჯებირისაკენ. შიგ ქალი და ბავშვი ისხდნენ. ჰო, აი ახლა ქარიშხლის გრიალში ძაღლის წკმუტუნი და ყეფაც გაისმა. ღმერთო დიდებულო! ეს ხომ მისი ცოლი და შვილია! აი უკვე მოახლოვდნენ კიდევ, აქაფებულნი წყლის მასა კი მათკენ მიემართება. მხედარს მკერდიდან განწირული ღმუილი აღმოხდა:

— ელკე! ელკე! უკან დაბრუნდი! უკან!

მაგრამ ზღვა და ქარაშოტი უღმობლები არიან. მათმა გრიალმა გაფანტა ჰაუკეს სიტყვები, შემდეგ ქარბორბალა მხედრის წამოსასხამს ეცა და კინაღამ ძირს დასცა. ორთვალა კი შეუჩერებლად მიისწრაფვის ნიაღვრისკენ. ჰაუკე ხედავს, რომ ელკე მისკენ ხელებს იწვდის, ნუთუ ცოლმა იცნო იგი? ნუთუ ქმრის სიყვარულმა და შიშმა—ქმარს არაფერი დაემართოსო, აიძულა იგი მიეტოვებინა უშიშრად მდგარი სახლი და ახლა უკანასკნელადღა ეძახის მას?... ამ ფიქრებმა დაუხანჯლეს ტვინი ჰაუკეს, მაგრამ ფიქრები უპასუხოდ დარჩა—ქმარი ცოლს ვერაფერს აგონებდა, ცოლი კი—ქმარს, სიტყვებს ქარაშოტი იტაცებდა. მათ სმენას მხოლოდ წარღვნის გუგუნი ჩაესმოდა.

— ჩემო შვილო! ელკე, ო, ჩემო ერთგულო ელკე!—გაჰკიოდა ქარიშხალში ჰაუკე.

აი კიდევ ერთი დიდი ნაწილი მოერღვა ჯებირს და გრუხუნით დაეშვა ზღვის უფსკრულისკენ. ჰაუკემ ერთხელ კიდევ მოავლო თვალი ცხენის თავს, მერე აღუღებულნი მორვეიდან ამობრუნებული ორთვალის ბორბლები დაინახა და ყველაფერი უფსკრულმა შთანთქა.

ჯებირზე განმარტოებით ასვეტილი მხედრის გაყინული თვალები ველარაფერს ხედავდა.

— დამთავრდა! — ხმადაბლა ჩაილაპარაკა მან თავისთვის და ცხენი უფსკრულისაკენ წაიყვანა, საიდანაც საშინელი შიშინით შემოქრილი წყალი უკვე მისი მშობლიური სოფლის წალეკვას შესდგომოდა. ისევ მოჩანდა მისი სახლიდან ათრთოლებული სინათლის სხივი, მაგრამ ჰაუკესთვის მას აღარ მოჰქონდა აღარც სითბო, აღარც სიცოცხლე. მხედარი ცხენზე წამოიმართა და ფერდებში დეზები აძგერა. პირუტყვი ყალყზე შედგა და კინალამ უკან გადმოვარდა, მაგრამ მხედარმა იმარჯვა.

— წინ! — ისე შესძახა ჰაუკემ, როგორც იცოდა ადრე, როცა წინ შორი გზა ედოთ. — ღმერთო ძლიერო, მე მიმიღე შენს უბეში, ოღონდ სხვები გადაარჩინე!

ისევ ჰკრა თეთრონს დეზები. ცხენმა ისეთი დაიჭიხვინა, ქარის ღმუილი და ზღვის ღრიალი დაჰფარა. შემდეგ დაბლა დაქანებულ ზვირთებში ყრუ ხმაური და ხანმოკლე გაბრძოლება...

მალლიდან მთვარემ გამოანათა, მაგრამ ჯებირზე სიცოცხლის ჩამიჩუმი აღარ იგრძნობოდა, გახელებულ წყალს დეფარა ძველი ჯებირის უკან მთელი მიწები. ამ წარღვნაში მაინც მოჩანდა ჰაუკე ჰაიენის სახლი და ყურე, მაინც ციმციმებდა იქ ანთებული ალის შუქი, მალლობზე წამომდგარ სახლებში კი თანდათან ქრებოდა შუქი და შემდეგ აქაფებულ ტალღებს მხოლოდ სამრეკლოზე შემორჩენილი ერთადერთი სანთელიდა აფენდა ათრთოლებულ სინათლის სხივს.

მთხრობელი დადუმდა. მე ხელი მოგვიღე სავსე ჭიქას,

რომელიც კარგა ხანია ჩემს წინ იდგა, მაგრამ პირთან აღარ მიმიტანია—ხელი მაგიდაზე დამრჩა.

— აი, ასეთია ჰაუკე ჰაიენის თავგადასავალი,—კვლავ წამოიწყო ჩემმა მასპინძელმა.—გადმოგეცით, რაც კი ვიცოდი. ჩვენი დღევანდელი ზედამხედველის მეკუჭნავე ქალი ამ ამბავს, ალბათ, სხვაგვარად მოგიყვებოდათ.

იმასაც ამბობენ, რომ იმ წარღვნის შემდეგ იევერსის კუნძულზე მიიღმა სოფელმა კვლავ დაინახა ცხენის თეთრი ზონჩხი, რომელიც იქ წარღვნამდე მოჩანდაო. ერთი კი ცხადია: ჰაუკე ჰაიენი და მისი ცოლ-შვილი ზღვის ზვირთებმა ჩანთქეს. სასაფლაოზე მათ სამარეებს ვერსად წავაწყდი. როგორც ჩანს, გაგლეჯილ ნაპრალში უკან დაბრუნებულმა ზღვის წყალმა გაიტაცა მათი გვამები და ფსკერზე ნაკუწ-ნაკუწად აქცია. ასე დაღწიეს მათ თავი აღამიანთა გაბოროტებას და ღვთის საფანეში ჰპოვეს სიმშვიდე. ჰაუკე ჰაიენის ჯებირი კი ისევ ისე დგას, თუმცა მას შემდეგ ასი წელი გავიდა. როცა ხვალ ქალაქისკენ გზას დაადგებით, ნუ დაგენანებთ ნახევარი საათის დაკარგვა, ცოტა გვერდზე გადაუხვიეთ და ეს ჯებირი თქვენი ცხენის ფლოქვებქვეშ აღმოჩნდება. როგორც დაინახეთ, მადლობა, ოდესღაც იევე მანერსი ჯებირის აღმშენებელს შვილიშვილთაგან რომ აღუთქვამდა, ჰაუკე ჰაიენს არ მიუღია, რადგან ასეა საერთოდ, ბატონო ჩემო: სოკრატეს საწამლავი შესთავაზეს, ხოლო იესო ქრისტე ჯვარს აცვეს! ჩვენს დროში ასეთი ამბების ჩადენა ადვილი აღარ არის, მაგრამ ვინმე მოძალადისა ან ბოროტი და თავკერძა ხუცუისის წმინდანად შერაცხვა, ხოლო უნარბიანი ყმაწვილის მოჩვენებად ან ღამის მოარულ ავსულად გადაქცევა მხოლოდ იმის გამო, რომ ჩვენზე ერთი თავით მაღლა

იღვა—დღესაც შეგვიძლია.—თქვა რა ეს, ტანმორჩილი მთხრობელი წამოდგა და გარეთ მიაყურადა.

—თითქოს აზნდი შეიცვალა,—მითხრა მე და ფანჯრიდან საბანი გადასწია. მიდამო მთვარეს გაენათებინა.—შეხედეთ,—განაგრძო ისევ მან,—აი, ნდობით აღჭურვილებიც ბრუნდებიან, მაგრამ არა, ცალ-ცალკე იშლებიან და სახლებში მიდიან. შეიძლება იქითა ნაპირზე სადმე ჯებირი გარღვია, წყლის დონემ დაიწია.

მასთან მივედი და გარეთ გავიხედე. აქ ფანჯრები ჯებირის კიდეს იყო აცილებული. მართლაც ისე იყო, როგორც მან თქვა. ჰიქა ავიღე და გამოვცალე.

—მადლობელი გახლავართ ამ საღამოსთვის! მგონი, ახლა მშვიდად შეგვიძლია დავიძინოთ.

—ჰო, შეგვიძლია. დამე ნებისას გისურვებთ!—მიპასუხა ტანმორჩილმა მასწავლებელმა.

...ქვემოთ რომ ჩავდიოდი, წინკარში ზედამხედველს შევეხეჩე. ფუნდუქში დატოვებული კარტის წასაღებად მობრუნებულიყო.

—ყველაფერმა გაიარა,—თქვა მან.—ალბათ, ჩვენმა მასწავლებელმა ცოტაოდენი სიბრძნე შეგძინათ, უყვარს კაცის განათლება.

—გონებაგახსნილი კაცი ჩანს! — მივუგე მე.

—ღიახ, რასაკვირველია, მაგრამ საკუთარ თვალებს უნდობლობას მაინც ნუ გამოუცხადებთ. როგორც ვამბობდი, ყურეს იქითა ნაპირზე ქარიშხალმა ჯებირი გაგლიჯა!

მე მხრები ავიჩეჩე.

— ძილის დროა. ღამე მშვიდობისა, ბატონო ზედამხედველო!

— ღამე მშვიდობისა! — გაიცანა მან.

...დიღას, როცა მზემ ოქროსფერი სხივები გააარტახებულ მიდამოს მოჰფინა, მე უკვე ჰაუკე ჰაინის ჭებირზე მივაჭენებდი ცხენს ქალაქისაკენ.

ზენიზვენი

იზენი

ნოველა დაიწერა 1849 წელს ჰუზუმში. პირველი რედაქციით (თავუბად დაყოფის გარეშე) იგი 1850 წელს გამოქვეყნდა, ბირნაცის ალმანახ „სასახლო წიგნში“. ახალ და უკვე დასრულებულ ვარიანტად დაიბეჭდა ერთი წლის შემდეგ კრებულში — „ზაფხულის ზღაპრები და სიმღერები“.

ნოველამ ავტორს პოპულარობა მოუპოვა. თეოდორ ფონტანე შტორმზე დაწერილ სტატიამ („პროისიშე ცაიტუნგ“ — „პრუსიული გაზეთი“, 1853წ. 17 ივნისი) „იმენსიეს“ გერმანული სიტყვაკაზმული მწერლობის შედეგებს აკუთვნებდნენ, ავტორსაც ეს ნოველა თავის ერთ-ერთ საუკეთესო ნაწარმოებად მიაჩნდა.

ერთ დღეს (როგორც ირკვევა, 1849 წლის 17 თებერვალს) შტორმი მოხვედრილა საზოგადოებაში, სადაც ერთ ახალგაზრდა ქალს მოელოდნენ. ქალი არ მოსულა და სიტყვა მის თაობაზე ჩამოვარდნილა. იგი თურმე მდიდარ, მაგრამ მოხუც კაცზე გათხოვილა, რომელიც პრაქტიკულად მოაზროვნე საქმოსანი ყოფილა. ქალის გათხოვებაში გადამწყვეტი როლი დედას უთამაშნია.

მეორე დღეს შტორმმა დაწერა ლექსი „დედაჩემს სურდა ასე“.

რომელშიც ლირიკულად აისახა ნოეელის ძირითადი მოტივი. თარღს მიხედვით, ლექსი დაწერილა 18 თებერვალს, მაგრამ შემდგომში თვით ავტორსაც კარკად არ ახსოვდა, ეს ლექსი დაწერა აღრე. თუ ნოველა „იბენსეე“.

ნოეელის დაწერის ამ ფორმალურ მიზეზზე უფრო მნიშვნელოვნად უნდა მივიჩნიოთ თვით ავტორის იმდროინდელი სულიერი ვანცდობა, სახელდობრ, ერთი მხრივ, ბერტა ფონ ბუხენაუსთან დაკავშირებული ვულსაკლავი მოგონებები (რომელიც შემდგომ რაინჰარდისა და „იბენსეეს“ ბავშვობისდროინდელ ურთიერთობაში აისახა), მეორე მხრივ კი — და ეს უფრო მნიშვნელოვანია — 1848 წელს დორის იენსენთან გადაუღახავ ვარემოებებით განპირობებული დაშორებით გამოყვეული მტანჯველი ფაქტები.

გვ. 28, „იძულებული გახდა სამი მრთველის ზღაპრის თვის თავი გაენებებინა“ ლაპარაკია ცნობილ ზღაპრულ სიუჟეტებზე, როპლებიც გამოყენებული აქვთ ძმებ გრიმებს ზღაპრებში: „სამი მრთველი“, „უკუდავების წყალი“, „უფლისწული, რომელსაც არაფრისა არ ეშინოდა“.

გვ. 33. ელფები — ძველი სკანდინავური მითოლოგიით აღმიანის სახის მქონე ჰაეროვანი არსებანი, როპლებიც მოვარის შექმნე ერთად რკაობებოდნენ და ფერხულს აბამდნენ

გვ. 57. ტიროლი — ავსტრიის ერთი მხარე, რომლის მთავარი ქალაქია ინსბრუკი.

გვ. 60. წყლის თეთრი შროშანა. — გერტრუდ შტორმი ამის თაობაზე წერდა („Theodor Storm.“ B. I. S. 137). ფეოდორმა თავის მეკობრებთან — მანტელსთან, როზესთან და დელიუსთან ერთად, რომლებსაც რამდენიმე ქალი და გოგონაც ახლდათ, ერთ ზაფხულს ჰაველის კუნძულზე გაისეირნეს. ღამეც ამ კუნძულზე გაატარეს. თბილი და მთვარიანი ღამე იყო და შტორმმა ვერ დაიძინა. ნაეში ჩაქდა და ზღვისსიფარსო მდინარეს ქვემოთ დაუყვა. შორს, ალაპლაკებულ ფართო ფოთლებში, მთვარით განათებული წყლის თეთრი ვარდი შენისნა. ყვავილი განაპარტობით განაბულიყო და მნახველს თავისკენ იზიდავდა. შტორმმა ცდუნებას ვერ გაუძლო, გაიხადა და წყალში ჩაეშვა, რომ ასე, ცურვით, მისულიყო წყლის ვარდთან. მაგრამ წყალმცენარეების ფესვებსა და ლეროებში

გაბლანდა რამდენსაც არ ეცადა, მაინც ვერაფერს გახდა, იძულებული გახდა განზრახვაზე ხელი აეღო და უკან დაბრუნებულიყო.

თოჯინების ოსტატი კოლა

1873 წლის 11 ნოემბერს შტორში ატყობინებს პაულ ჰაიხეს, ახლა თოჯინების თეატრის შუაგულ ამბებში ვარო, და უკვე 1874 წლის იანვარში ნოველა დასრულებული ჰქონდა.

ნოველა დაწერა ეურნალ „ლოიჩე იუგენდის“ („გერმანელი ახალგაზრდობა“) რედაქტორის შეკვეთით და დაიბეჭდა 1874 წლის აპრილის ნომერში (ლაიფციგში). აქ აღწერილი თოჯინების სპექტაკლის ერთ-ერთ ლიტერატურულ წყაროდ შტორში გამოიყენა გოტფრიდ კელერის რომან „მწევანე ჰაინრიხის“ პირველი ვარიანტი. ამ ნოველაზე მუშაობისას შტორში მიზნად დაიხაზა, რომ მოზარდებისა და მოზრდილთათვის თანაბრად საინტერესო ნაწარმოები შეექმნა, რასაც მიიღწია კიდევ.

წიგნად პირველად გამოიცა „ტყის ყურესთან“ ერთად გ. ვესტერმანის მიერ. 1875 წელს. ბრაუნშვაიგში.

გვ. 67. ს უ ბ რ ე ქ ტ ო რ ი — რექტორის მოადგილე, წარმომადგენელი.

გვ. 68. ფ რ ი ზ ე თ ი, ფ რ ი ზ ლ ა ნ დ ი ა — წინათ ნიდერლანდის ჩრდილოეთი პროვინცია, ისელის ტბის ჩრდილოეთით; მდინარე მაასსა და ვენეს შორის მოქცეული ჩრდილოეთის ზღვის სანაპირო.

გვ. 68. ფ რ ი ზ ი ე ლ ი — ფრანგების მცხოვრები.

გვ. 74. ბ ე რ გ ა მ ო ტ ი — მხლის ჭიშია ერთგვარი.

გვ. 74. პ ფ ა ლ ც გ რ ა ფ ი ზ ი გ ფ რ ი დ ი და წ შ ი ღ ა ქ ე ნ ე ვ ი ე ვ ა — შუა საუკუნეების ცნობილმა ფრანგულმა ლეგენდამ წმიდა ენეიდევაზე გერმანიაში დიდი გავრცელება ჰპოვა. მის ერთგულებაში დაექვემდებარება ქმარმა პფალცგრაფმა ზიგფრიდმა ენეიდევა ტყეში მიატოვა ვაჟიშვილთან ერთად, რომელიც გრაფის ოჯახში არყოფნის დროს დაიბადა. ენეიდევა ძოწამებრივი სიკვდილით კვდება. უსამართლოდ განკიცხულ ქალს მოკვიანებით ისევ ჩამოაცილეს სამარცხვინო ლაქა და გაამართლეს მერვე საუკუნის შუა წლებში. შემდგომში ენეიდევა კათოლიკურმა ეკლესიამ წმიდანად შეკაცა. გერმანული ხალხური წიგნი წმიდა ენეიდევაზე დაამუშავეს თოჯინების თეატრისათვის. ამ პოპულარულ თოჯინების კომედიასეა ლაპარაკი შტორმის ნოველაშიც, უფრო გვიან კი იგი რამ- 632

დენიშე დრამატული ნაწარმოების წყაროდაც იქცა. ამ თემას ნაწარმოებები მიუძღვნეს ფრიდრიხ მიულერმა (1808), ლუდვიგ ტიქმა (1800), ფრიდრიხ ჰებელმა (1843) და სხვებმა.

გვ. 82. „დოქტორ ფაუსტის ჯოჯოხეთში შთასვლა“ — 1587 წელს გამოცემული შპისის ხალხური წიგნიდან მოკიდებული, ლეგენდამ დოქტორ ფაუსტზე გერმანიაში ფართო გავრცელება პპოვა.

მე-17 საუკუნიდან დოქტორ ფაუსტის თემაზე ხალხური სანახაობის გარდა თოჯინების სპექტაკლებსაც მართავდნენ, რომელშიც თქმულბათი სხვადასხვა ვერსიას იყენებდნენ. სპექტაკლებმა დროის მანძილზე საკმაო ცვლილებები განიცადა. პირველ ხანებში მათში კომიკური ცოტა რამ იყო, მაგრამ მე-18 საუკუნიდან სპექტაკლებში კომიკური ადგილები თანდათან მატულობს. თოჯინების კომედის შინაარსი წარმოადგენს გერმანელი პოეტ-რომანტიკოსი კარლ ზიმროკის მიერ პოპულარული სახით გადაშუშავებულ სახეს (1846), რომელშიც ერთ მთლიანობაში შეირწყო სიუჟეტის რამდენიმე ვარიანტი. შტორმის დროს დოქტორ ფაუსტის სიუჟეტის გადაკეთებას მიმართა აგრეთვე ბონეშიმ (1850),

გვ. 89. ფაშულუს — უმაღლეს სასწავლებელში მასწავლებლის დამხმარე, თანაშემწე სტუდენტი.

გვ. 91. Fauste, Fauste, in aeternum damnatuses Faust! (ლათ) — ფაუსტ, ფაუსტ, შეჩვენებული ხარ სამარადეამოდ.

გვ. 100. ვაისელბრეხტი — თავის დროზე ცნობილი თოჯინების თეატრის აქტიორი, რომელიც 1797 — 1807 წლებში გერმანიის სხვადასხვა ქალაქში, უმეტესად კა - მანიის ფრანკფურტში, გამოდიოდა, შემონახულია მისი ხელნაწერი სათოჯინო პიესა „დოქტორი ფაუსტი ანდა დიდი ნეგრომანტი“.

გვ. 103. ვაისეს ბავშვების მეგობარი — ვაისეს ქრისტინიან ფელიქსი (1726 — 1804 წ.წ.) — გერმანელი მწერალი, საყმაწვილო ლიტერატურის ერთ-ერთი მეგობარი. თავისი ჟურნალებით, განსაკუთრებით „ბავშვების მეგობარი“, (სცემდა 1776—1782 წლებში) იგი ხელს უწყობდა გერმანული საბავშვო ლიტერატურის განვითარებას.

გვ. 108. საამქრო წესებით გათვალისწინებული მოგზაურობის წლები და მოწმება — გერმანულ ხელოსანს, სანამ იგი საკუთარი სახელოსნოს გახსნის უფლებას მიიღებდა,

მოვალე იყო რამდენიმე წელიწადს გამოცდილ ოსტატთან ემუშავა, ქარა გლობის დროს ემოგზაურა, გამოცდილება დაეგროვებინა, ხელობაში გაწაფულიყო და თავის ამქარში საკუთარი ხელით ნაკეთები ნიმუში წარედგინა. ეს ჩვეულება, რომელიც გერმანიაში ჯერ კიდევ შუა საუკუნეებში შეიქმნა, იქ მე-19 საუკუნის შუა წლებამდე შემორჩა.

გვ. 124. **პ ა რ ც უ ლ ი მ ე ს ა მ ე დ ი** (პ ა რ ც დ რ ი ტ ე ლ ი) — პარცის ძველი მალარებიდან მომდინარე ვერცხლის მონეტა, რომლის ერთ მესამედს სუფთა ვერცხლი შეადგენდა.

გვ. 124. **კ რ ე მ ნ ი ც უ ლ ი დ უ კ ა ტ ი** — ავსტრიის ოქროს ფული, რომელსაც მთის ქალაქ კრემნიცში სჭრიდნენ (დღეს ჩეხოსლოვაკიის ქალაქი კრემნიცა).

ზღვის გაღმა ძველნიდან

ავტორმა ამ ნოველაზე წელიწადზე მეტ ხანს იმუშავა ჰალიგენშტატსა და ჰუზუში (1863—1864 წლებში). ნაწარმოების გამოქვეყნება დაგეგმილი იყო ჟურნალ „ბაზარში“, მაგრამ აქ აღარ დაიბეჭდა. რედაქტორმა ი. როდენბერგმა ავტორს ხელნაწერი უკან დაუბრუნა იმ მოტივით, რომ გმირი ძალი უკანონოდ შობილიაო.

ნოველა პირველად დაბეჭდა 1865 წლის იანვარში ჟურნალ „ვესტერმანს მონატსჰეფტეში“ („ვესტერმანის ყოველთვიური“). 1865 წლის 13 მარტს შტორში სწერდა ლ. პიჩს: „ნამუშევრით კმაყოფილი ვარ, მაგრამ ფინალი მთლიანად ვერ ამოწურავს ტრაგიკულ კონფლიქტს. უკვე მოვიფიქრე სხვაგვარი დაბოლოება“. მაგრამ შტორმმა ეს განზრახვა ვეღარ აასრულა.

გვ. 142. **ქ ა ლ ბ ა ტ ო ნ ი ჰ ო ლ ე** — ერთ-ერთი გერმანული ზღაპრის პერსონაჟი.

გვ. 176. **ბ რ ი გ ი** — ორანძიანი აფრებიანი ხომალდი, რომელსაც ორივე ანძაზე პირდაპირაფრებიანი აღკურვილობა აქვს.

გვ. 179. **მ ა ნ გ ო** — აზიის ტროპიკებში მზარდი ხე. აქვს ვაშლის ზომის ნარინჯისფერი ტყბილი, არომატული ნაყოფი.

გვ. 146. **პ ა რ ი ა** — უუფლებო, განკიცხული, დაჩაგრული ადამიანი.

გვ. 146. სენეკარუა-(სანტა-კრუსი) — ვირჯინიის არქიველარს ერთ-ერთი კუნძული. 1916 წლამდე დანიას ეკუთვნოდა.

გვ. 153. ლენოტრე ანდრე (1613—1700) — ფრანგი არქიტექტორი, ვერსალის პარკების ავტორი. მის სახელთან დაკავშირებულია განსაკუთრებული, აბსოლუტიზმის ეპოქისათვის დამახასიათებელი პარკის გაშენების სტილი: მწყობრი დაგეგმვა, პირდაპირი ხე-ვნება, შეკრებილი ხეები.

გვ. 160. ზილსფელდი შარლი (1793—1864) — ავსტრიელი მწერალი, იგივე კარლ ანტონ პოსტი. იგი ერთხანს კათოლიკე ბერი იყო პრალაში. იქიდან ორდენს ჩრდილო ამერიკაში გაექცა. აქედან ებრძოდა იგი მეტერნიზის რეაქციულ რეჟიმს. ცნობილი გახდა რექსიკელ ინდიელთა ცხოვრების რეალისტური აღწერით. მისი მოთხარის ნაწარმოებია „კაიუტის წიგნი“ (1861). ცნობილია, როგორც ჩრდილო ამერიკის ბუნების სურათების უბადლო აღმწერი.

გვ. 163. ვოლანი — სათამაშო საცობი, რომელსაც ბუმბულები აქვს მიმაგრებული. მას ჩოგანით ისერიან გაბმული ბადისა ან თოქის მიღმა.

გვ. 165. ბოსკეტი — პატარა ქალა. დეკორატიულ ქალებში ხეების მკიდრო ნარგაობა, რომელიც ხშირად პარკების ნაპირებზე შენდება, მისი შემოფარგვლისა ანდა სამეურნეო ნაგებობებიდან გამოცალკეების მიზნით.

გვ. 166. მერგელი — ერთგვარი მთის თიხიანი ქანი, რომელიც კირქვისა და ნახშირთანაა მაგნიუმს შეიცავს. იყენებენ ცემენტისა და სასუქის წარმოებაში.

გვ. 169. პოლიფემი — ბერძნული თქმულების მიხედვით ცალთვალა გოლიათი (ციკლოპი), რომელიც ოდისეემა დააბრმავა და შემდეგ მოტყუებით დაუსხლტა ხელიდან.

გვ. 169. გალათეა — (ბერძნ.) ზღვის მეორეხარისხოვანი ქაულმერთი.

ბუის უბრა

1874 წლის 10 ივლისს შტორმი წერდა ე. კუს: „ამჟამად ვწერ ერთგვარად საჩოთირო და ძალიან გულსმომწყველი სიყვარულის აზრებს — „ტყის ყურეს“, რომელსაც ამ ზაფხულს დავასრულებ“. მართლაც

ნოველა იმავე წელს დასრულდა და ოქტომბერში დაიბეჭდა ჟურნალ „დოიჩე რუნდშაუში“ („გერმანულ მიმოხილვაში“) ცალკე წიგნად : „თოჯინების ოსტატ პოლესთან“ ერთად გამოიცა 1875 წელს ბრაუნ-შვაიგში.

„ტყის ყურე“ შტორმის ერთ-ერთი პოპულარული ნაწარმოებია, რომელსაც მის შემოქმედებით ევოლუციაში თვალსაჩინო ადგილი უკავია გოტფრიდ კელერმა ამ ნოველას „ძვირფასი და დიდებული“, უწოდ. : პაიზეს იგი მიაჩნდა შტორმის ერთ ერთ ვირტუოზულად დაწერილ ნაწარმოებად, ავტორი კი ნამუშევრით კმაყოფილი არ იყო, ამის თაობაზე შტორმი 1874 წლის 27 ნოემბერს წერდა ე. კუს „ჩემი შეფასებით ეს ნოველა ასეთია: მისი ნაკლი ის არის, რომ ამოსავალი წერტილი ულახათო აქვს. ეს კი იმან გამოიწვია, რომ მისი მოტივი უშუალოდ ცხოვრებიდან ავიღე“.

გვ. 197. დო რ ა ბ უ რ გ ი — იენის ჩრდილოეთით მდინარე ზალეს ხეობაში. მდებარე პატარა ქალაქი, რომელიც თავისი ციხე-დარბაზებით არის ცნობილი.

გვ. 200. Scientis bonum et malum (ლათ.) — გაიგებთ, რა არს კეთილი და რა არს ბოროტი (ბიბლია, მოსეს პირველი. წიგნი თავი მესამე).

გვ. 202 in bonis (ლათ.)—საარსებო სახსარი.

გვ. 205. ს ტ უ დ ე ნ ტ თ ა შე თ ქ მ უ ლ ე ბ ა — ნაგულისხმევია სტუდენტთა არალეგალური პროგრესული კავშირის (ბერშენშაფტის) 1821—1822 წლების შეთქმულება.

გვ. 205. ვ ა რ ტ ბ უ რ გ ი ს შე ე კ რ ე ბ ა — 1847 წლის 18 ოქტომბერს ვარტბურგში (აიზენახის მახლობლად) მოხდა ლიბერალურად განწყობილი გერმანელი სტუდენტებისა და პროფესორების საზიემო შეხვედრა XVI საუკუნის გლეხთა ომის წლისთავის აღსანიშნავად. ამ თავყრილობის შედეგად დაწვეს რეაქციული ზასიათის შრომები. ამას მოყვა სტუდენტთა მოძრაობის (ბურშენშაფტის) აღმავლობა, რომლის მიზანიც გერმანიის გაერთიანება იყო.

გვ. 210. მ ა მ ზ ე ლ ხ ე ნ (გერმან. მოფერებით) — ქალიშვილი

გვ. 212. ო კ ე ა ნ ი ს „ი ზ ი დ ა“ — უპირატესად ბუნებისმცოდნეობის

ისტორიის ხასიათის ენციკლოპედიური ჟურნალი, რომელსაც 1816—1848 წლებში სცემდა გერმანელი ბუნებისმეტყველი, ნატურფილოსოფოსი, პანთესტ-იდეალისტი ლორენც ოკენი (1779 — 1851).

გვ. 215. მ ა ლ ე კ ა რ ტ უ ს — მელაზე შექმნილ ეპოსში „რაინეკე — მელა“ მელიის გამოქვაბულის სახელწოდება.

გვ. 218. *Cornus Suecica* — შვედური შინდი, ტყის ნაპირას მზარდი ბუჩქი ან ხე.

გვ. 230. ბ ე რ ს ა ვ ი ა — ძველი აღაქმის მიხედვით, მსედართმოვარ ურიას ცოლი, რომელიც მას მეფე დავითმა წაართვა და ამის გ.მ.ო ურია მოაკვლევინა. ბერსავია სოლომონ მეფის დედა იყო.

გვ. 248. ბ ა რ თ ლ ო მ ე ს დ ა მ ე — 24 აგვისტო. ამ დღეს კათოლიკური ეკლესია დღესასწაულობს მოცუკულ ბართლომეს პატივსაცემად. აქ ნაგულისხმევია ხოცვა-ჟლეტა, რომელიც ჰუგენოტებმა მოაწყვეს 1572 წლის 24 აგვისტოს. გადატანიო ნახმარია ნადირობის სეზონის დაწყების აღსანიშნავად.

გვ. 232. მ ო ს ა ვ ლ ი ს ბ ა ვ შ ე ი — ხალხური რწმენით, მინდვრის მოსავალზე გავლენას ახდენს დემონური ძალები და ამიტომ მათ მოსავლის შესაწირავი უნდა მიეძღვნას. აქედან წარმოიშვა თქმულება დემონურ საფრთხობელებზე, რომლებიც ბავშვებს სდარჯობენ. პოლშტაინში ხალხი ასეთ დემონებს მიაკუთვნებენ მოსავლის ზევს.

ფ ს ი ძ ე ა

ნოველა დაიწერა ჰუზუმში 1875 წლის პირველ თვეებში. ამ წლის 20 მარტს ავტორი ატყობინებს პ. ჰაიზეს: „ამჟამად ვმუშაობ „ფსიქეაზე“, რომელიც აჰამდე კარგად მიდის“. 25 აპრილს დასრულებული ხელნაწერი უკვე გამომცემლობას გადაეგზავნა.

ნოველა პირველად 1875 წლის ოქტომბერში დაიბეჭდა „ლიონკრუნდშაუს“ („გერმანული მიმოხილვა“) მე-5 ნომერში. წიგნად კი სხვა ნოველებთან ერთად გამოსცა გ. ვესტერმანმა 1876 წელს ბრაუნშვაიგში.

ნოველის დაწერის მოტივია გაზეთში გამოქვეყნებული ცნობა. 1875 წლის 5 მაისს შტორში სწერს ი. როდენბერგს: რამდენიმე ხნის წინათ გაზეთში წაეკითხე, რომ გიმნაზიის ერთ მოსწავლეს წყალწაღებულის

გადარჩენისათვის მედალი მიუღია, რადგან მას ერთი გოგონა (ყარგად ჩაკმული) გადაურჩენია. ნოველს ექედან წარმოღვა. ხომ იცით, აიხენ-დორფი რას ამბობს:

„ქვაც კი მღერას წამოიწყებს,
თუკი მარჯვე სიტყვა სტუორცნე-ო“.

ნოველაზე მუშაობა შტორმისთვის დამქანცველი არ ყოფილა. „ბოლო სცენა ოთხჯერ გადავაკეთე. ვცდილობ, ნოველა რაც შემიძლია კარგად დავწერო, ამიტომ კვლავ და კვლავ ვუბრუნდები და .ეს მუშაობა სიამოვნებას მგერის“, ატყობინებდა იგი ე. კუს.

ამ ნოველით, როგორც თვითონ აღნიშნავდა, შტორმმა ამოცანად დაისახა გადაეჭრა, ერთის მხრივ, მშვენიერი ყმაწვილკაცისადმი ჩასახულ სიუყარულისა და მადლობის, მეორე მხრივ კი სირცხვილის გრძნობას შორის წამოჭრილი უთანხმოება. ამ დროს სიძნელე იმდენად ის კი არ იყო, თუ როგორ შეენარჩუნებინა ქალიშვილის უბიწო სახე, არამედ უფრო მეტად ის, თუ როგორ გამოეტარებინა შეუღახველად ეს უბიწობა ამაღლებულსა და სასაცილოს შორის არსებულ მცირე მანძილს შუა.

გვ. 268. ფ ს ი ქ ე — ბერძნული მითოლოგიით ეროსის შეყვარებულის ბერძნულ ხელოვნებაში ნაზი ქალწული, რომელსაც ჯერ ფრინველის ფრთებით გამოხატავდნენ, შემდეგ კი პეპლისა.

გვ. 269. ტ ო მ პ ა კ უ რ ი ს ა ა თ ი — ტომპაკისაგან (სპილენძისა და თუთიის ნაერთი) გაკეთებული საათი;

გვ. 269. შე ი ძ ლ ე ბ ა კ ა ც ი კ ა თ ო ლ ი ქ ე გ ა ხ დ ე — როგორც ცნობილია, მე-16 საუკუნიდან მოკიდებულნი, რომის კათოლიკური ეკლესიის მიმდევრებთან მკვეთრ წინააღმდეგობაში იყვნენ პროტესტანტება — რეფორმაციის მომხრეთა მიმდევრები. პროტესტანტის მიერ ნახმარ ამ გამოთქმაში ჩანს, რაოდენ შეურიგებელი ბრძოლა იყო გაჩაღებულ მათ შორის საუკუნეთა მანძილზე.

გვ. 271. კ ა მ ე რ ე ტ ი ნ ი — კამერატის (გერმ. მრჩეველი) ცოლი.

გვ. 271. კ რ ი გ ს რ ე ტ ი ნ ი — კრიგსრატის (გერმან. სამხედრო მრჩეველი) ცოლი.

გვ. 277. ბ რ უ ნ ჰ ი ლ დ ე — ფრანკთა დედოფალი (597-613), რომე-

ლიც უღმობელ სისხლისმღვრელ ომს აწარმოებდა თავის მოწინააღმდეგე ფრედეგუნდესთან.

გვ. 277. რ ა ა რ ის ჩ ე მ თ ე ის კ ე კ უ ბ ა ? — შექსპირის „ჰამლეტის“ ერთი ადგილის გახსენება, („მერე, რა არის ჰეკუბა მისთვის ან თვითონ ეგ ჰეკუბასათვის, რომ ასე ცხარე ცრემლსა ღვრიდა?“ II მოქმედება, მეორე სურათი. ი. მაჩაბლის თარგმანი). „ილიადაში“ (VI) ჰექტორი ეუბნება ანდრომახეს, თვით ჩემი დედის—ჰეკუბას მომავალი ტანჯვა უფრო ნაკლებ მაწუხებს, ვიდრე შენით.

გვ. 277. დ ი დ ი კ რ ი ტ ი კ ო ს ი — ნაგულისხმევია კრიტიკოსი, რომელმაც მსგავსი აზრი გამოამჟღავნა იმერმანის „ტრისტან და იზოლდაზე“ — დავით ფრიდრიხ შტრაუსი (იხ. მისი „მცირე ჩანაწერები“. ლაიფციგი 1862).

გვ. 278. ვ ა ლ კ ი რ ი ა (Walküre) — ძველჩრდილოური მითოლოგიის მიხედვით ქალღმერთები (ღმერთ ოდინის შვილები), რომლებიც ომს წარმართავდნენ. ომში დაღუპულ ვაჟაკების სულებს ვალჰალაში აცილებდნენ (ვალჰალი — ჩრდილოურ მითოლოგიის მიხედვით ღმერთ ოდინის სასახლე, სადაც ცხოვრობდნენ ბრძოლაში დაცემულ გმირთა სულები).

გვ. 278. ლ ე ვ კ ო თ ე ა — ბერძნული მითოლოგიით ზღვის მეორეხარისხოვანი ქალღმერთი, რომელიც იმათ გადარჩენაზე ზრუნავდა, ვინც ზღვაზე გაქირვებაში ჩაეარდებოდა. მისი დახმარებით გადარჩა ოდისეუსი აქნძულ ფეაკენზე („ოდისეა“ V).

გვ. 279. ტ რ ი ტ ო ნ ი — ზღვის მეორეხარისხოვანი ღმერთი, რომელსაც ბერძნული მითოლოგიის მიხედვით ადამიანის ზედატანი და თევზის ბოლო ჰქონდა. ტრიტონი ნეპტუნის (ზღვის ღმერთის) შვილი იყო.

გვ. 279. ო კ ე ა ნ ი დ ე — ბერძნული მითოლოგიით ოკეანეთა უხუცესი ღმერთის ოკეანოსის ქალიშვილი.

გვ. 285. კ ო რ გ ე — ჯებირის საშუალებით ზღვისთვის წართმეული მარშის მიწებით შექმნილი ადგილი, ზონა (მარში — ზღვისაგან წართმეული მიწა, რომლის ზედაპირი წებოვანი თიხნარით არის დაფარული).

გვ. 287. პ ა რ თ ე ნ ო ნ ი — ქალღმერთ ათინასადმი მიძღვნილი ტაძარი ქ. ათენის აკროპოლისში.

გვ. 288. ფ ა ვ ნ ი — რომაული მითოლოგიით ნაყოფიერების ღმერთი,

გვ. 288. კ ა ტ ო ნ ი ს ს ი მ ტ კ ი ც ი თ, კ ა ტ ო ნ — ძველი რომაელი ცენზორი, რომელიც თავის სეხნია ბადიშის მსგავსად განთქმული იყო მკაცრი ზნეობრივი შეხედულებებით.

გვ. 291. ა პ უ ლ ე უ ს ი — რომაელი მწერალი (115—180), რომელიც თავის სატირულ რომანში („ოქროს ვირი“) ამუროსა და ფსიქეას შესახებ ზღაპრულ ეპიზოდებს გადმოგვცემს.

გვ. 291. ა რ გ უ ს ი — ბერძნული მითოლოგიით გოლიათი, რომელსაც ასი თვალი ჰქონდა და ამიტომ ფიზიკურად სდარაჯობდა იოს. ზოგი თვალისა და ახელილი ჰქონდა, ზოგით — ეძინა. ი ო — ბერძნული მითოლოგიით, ღმერთთა მამამისის ზევსის შეყვარებული.

გვ. 298. ფ ა რ ა — ხმის პერსონიფიკაცია. მის სამყოფელ სახლს აღწერს რომაელი პოეტი თვიდიუსი (43 წ. ქ. წ. 17 წ. ქ. შ.) თავისი „მეტამორფოზების“ მეორამეტე წიგნში.

ლ ე ნ ა ვ ი ს ი

ნარკვევი დაიბეჭდა ჟურნალ „დოიჩე იუგენდში“ („გერმანელი ახალგაზრდობა“) 1873 წელს. მოგვიანებით ავტორმა იგი შეიტანა ავტობიოგრაფიული ციკლის ნარკვევებში (1871-1873), რომელიც ავტორისავე სიცოცხლეში გამოცემულ თხზულებათა მერვე ტომში დაიბეჭდა (1877 წ.).

გვ. 310. ც ე ნ ტ ი ფ ო ლ ი ა — ვარდის ჭიშია ერთგვარი.

გვ. 312. დ ი უ რ ე რ ი ა ლ ბ რ ე ხ ტ ი (1471-1528) — დიდი გერმანელი ფერმწერი, გრაფიკოსი და მოქანდაკე, გერმანიის აღორძინების ხანის ერთ-ერთი უდიდესი წარმომადგენელი. მის ნაწარმოებებში აღბეჭდილია ბრძოლა ახალი ჰუმანისტური და მეცნიერული შეხედულებებისა შუასაუკუნეობრივ რელიგიურ მსოფლმხედველობასთან. მისი ხელოვნება გამოირჩევა პროგრესული სოციალური მისწრაფებებით და ამ ხელოვნის დემოკრატიულ სიმპათიებს გამოხატავს.

მ წ ვ ა ნ ე ფ ო ტ ო ლ ი

ამ ნოველის პირველი მონახაზი 1850 წელს მიეკუთვნება. სამი წლის შემდეგ შლეზვიგ-ჰოლშტაინის გამათავისუფლებელი ომის ზეგავლენით ეს სიუჟეტი პეგზამეტრით დაწერილ იდილიად იქცა. მაგრამ ნამუშევ-

ბით შტორმი კმაყოფილი არ იყო და ისევ პროზაულ ფორმას დაუბრუნდა. საბოლოოდ დამუშავებული სახით ნოველა დაიბეჭდა თ. ფონტანესა და ფრ. კუგლერის აღმანახ „არგოში“ (1854 წელს, დესაუსი)

გვ. 325. თავი ზღაპრულ ქანსად წარმოიდგინა — ლაპარაკია გავრცელებული ხალხური ზღაპრების სიუჟეტზე (მაგ. ძმება გრიმების ხალხური ზღაპრების კრებულში მოთავსებული ზღაპარი „პიწისქვეშა კაცუნა“).

წმნარი მუსიკოსი

შტორმი შეგობრებს ატყობინებდა, ამ ნოველის მთავარი მოქმედი პირის პროტოტიპს ჩემი ვაჟიშვილი კარლი წარმოადგენსო. იგი უნარიანი პიანისტი, მაგრამ მოკრძალებული და მშიშარა იყო და ამის გამო მუსიკოს-შემსრულებლად არ ივარგა.

ნოველა დაიწერა 1874-1875 წლების ზამთარში. პირველად „ვესტერმანს მონატსჰეფტეში“ („ვესტერმანის ყოველთვიური“) გამოქვეყნდა 1875 წლის აგვისტოში.

გვ. 343. ქაუ ფი, ვილჰელმი (1802-1827) — გერმანელი მწერალი, გვიანი რომანტიზმის წარმომადგენელი. მას მსოფლიო აღიარება ლიტერატურული ზღაპრების კრებულმა მოუპოვა. რომანი „ლიბტენშტაინი“ (1826 წ.) ამჟამად საინტერესოა ისტორიულ-ლიტერატურული თვალსაზრისით. ამ რომანით მან სცადა გერმანულ ნიადაგზე გადმოეწერა ინგლისელ ვალტერ სკოტის თხრობის მანერა.

გვ. 343. სახელგანთქმულ ციხე-დარბაზთან — ლაპარაკია ჰერცოგ ულრიხ ვიურტემბერგელის ციხე-დარბაზზე, სადაც მიმდინარეობს ვ. ჰაუფის „ლიბტენშტაინში“ აღწერილი მოქმედება.

გვ. 344. ულანდი, ლუდვიგი (1787-1862) — გერმანელი პოეტი-რომანტიკოსი და სწავლული. იგი ავტორია მრავალრიცხოვანი ბალადებისა, ლირიკული ლექსებისა და დრამატული ნაწარმოებებისა.

გვ. 344. ჰიოლტი, ლუდვიგ ქრისტოფ ჰაინრიხი (1749-1774) — გერმანელი პოეტი. მისმა მელანქოლიითა და ღვთისმოშიშეობით გამსჭვალულმა ლირიკამ გერმანიაში ფართო გავრცელება მოიპოვა. მრავალი ლექსი ნოტებზე გადაიღეს და ცნობილ რომანებად იქცა.

გვ. 345. ლესინგი, კარლ ფრიდრიხი (1808-1880)—გერმანელი მხატვარი. იგი წერდა ისტორიული ხასიათის ტილოებსა და პეიზაჟებს.

გვ. 345. „წელიწადის დრონის“ კარტიტურა — ლაპარაკია ცნობილი კომპოზიტორის ჰაიდნის ორატორია „წელიწადის დრონის“ შესახებ (1800.).

გვ. 346. Ave verum — მოცარტის მრავალხმიანი ნაწარმოები აგებულია ლათინურ საეკლესიო ტექსტზე (1791).

გვ. 350. კლემენტი მუციო (1752-1832) — ცნობილი პიანისტი, პედაგოგი, დირიჟორი და კომპოზიტორი. იგი ავტორია მრავალრიცხოვანი საფორტეპიანო ნაწარმოებებისა.

გვ. 350. რონდო — მუსიკალური ფორმა, რომელშიც ხშირად მეორდება მთავარი თემა, სხვა თემასთან მონაცვლეობით.

გვ. 356. ხოდოვეციკი, დანიელი (1726-1801) — პოლონელი ფერმწერი და გრაფიკოსი. მოღვაწეობდა გერმანიაში. ცნობილია, როგორც ლესინგის, გოეთეს, შილერისა და სხვა გერმანელი მწერლების ნაწარმოებებისათვის შექმნილი გრაფიკორების ავტორი. თავისი ნამუშევრებით იგი განამტკიცებდა ბურჟუაზიული ჰუმანიზმის იდეას.

გვ. 356. ბიურგერი, გოტფრიდ ავგუსტი (1747-1794) — დემოკრატიული მიდრეკილების გერმანელი პოეტი. თავის ლირიკულ სიმღერებისა და ბალადებში ფართოდ იყენებდა ხალხურ მოტივებს.

გვ. 357. კლავიჩემბალო — კლავესინის — კლავიშოანი საკრავის იტალიური სახელწოდება. იგი შეიქმნა მე-16 საუკუნეში და წარმოადგენს ფორტეპიანოს წინამორბედს.

გვ. 364. ბერგერი, ლუდვიგი (1777-1839) — გერმანელი მუსიკოსი, მასწავლებელი და კომპოზიტორი. ანდრეას ჰოფერის ტიროლელების ეროვნული გმირია. იგი ხელმძღვანელობდა 1809 წლის სახალხო აჯანყებას. პოსეირა მისი სამშობლოა სამხრეთ ტიროლში.

გვ. 365. ანდანტინო — მუსიკალური პიესა ან მისი ნაწილი, რომელიც რამდენადმე ჩქარი ტემპით სრულდება.

გვ. 368. „ო, დაბლა, დაბლა, რა გრილი სიმშვიდეა“ — კომპოზიტორ შუბერტის რომანსიდან („მეწისქვილე და წყარო“). ამოღებული სტრიქონი.

გვ. 372. *Staccato* (იტალ.) — მუსიკალური ბგერების მოკლედ და შოწყვეტილ მესრულება. *Portamento* (იტალ.) — ერთი ბგერიდან მეორეზე თანდათანობითი, მსუბუქი და ნელი გადასვლა. გამოიყენება ქამანიან ინსტრუმენტებზე დაკვირისა და სიმღერისას.

გვ. 373. „ვანდსბეკელი მაცნე“ — ეურნალი, რომელსაც ფსევდონიმ ასმუსის სახელით სცემდა გერმანელი პოეტი და პუბლიცისტი მათიას კლაუდიუსი (1740-1815). სტროფი ამოღებულია ამ ეურნალში გამოქვეყნებული ლექსიდან „აეადმყოფობის შემდეგ“.

გვ. 378. „ქებრიდეზი“ — კომპოზიტორ ფელიქს მენდელსონის უკერტიურა ორკესტრისათვის.

გვ. 378. „In quali eccessi, o numi“ — „მანკიერების რა უფსკრულში, ო, ღმერთებო!“ — წინადადება მოცარტის ოპერეტა „დონ ჟუანის“ შესავალი არიიდან.

გვ. 380. კანკანი — ერთგვარი საესტრადო ცეკვა, რომლისთვისაც დამახასიათებელია სხეულის უხამსი მიხრა-მოხრა.

უ ნ ი ვ ი რ ს ი ტ ა ტ უ ი

„ამ ნოველის დაწერის ფორმალურ მიზეზად იქცა მოგონებები მკერავ გოგონას თაობაზე, რომელიც ჩემი კილში სწავლის დროს მხოლოდ და მხოლოდ სიჭიუტის გამო დამორჩილდა ერთ სტუდენტს, რადგან ეგონა — შეყვარებულმა (რომელიც ახალგაზრდა მოხეტიალე ქარგალი იყო) მიმატოვაო, — ატყობინებდა თ. შტორმი თ. ფონტანეს. — როცა ქარგალი შინ დაბრუნდა, უკვე გვიან იყო. დანარჩენი პერსონაჟები გამოგონებულია და მოგონებებთან კავშირი არ აქვთ. ფონს ქმნის „რუხი საზღვაო ქალაქი“, მეორე ნაწილში კი გარეგან გარემოს კილი წარმოადგენს“.

ნოველაზე მუშაობას შტორმი 1862 წლის დასაწყისში შეუდგა და იმავე წლის 29 მაისს დაასრულა. ერთ-ერთ წერილში ლ პიჩინადმი შენიშნავს „ეს ჩემი ერთ-ერთი საუკეთესო ნოველაა მათ შორის, რაც კი აქამდე დამიწერია“. 1863 წელს ნოველა ცალკე გამოცემად გამოვიდა. შტორმის ლიტერატურული მემკობრები მას დიდი მოწონებით შეხვდნენ, მაგრამ პრესამ, ავტორის სამწუხაროდ, ამ აშკარად სოცია-

ლურ-კრიტიკული ტენდენციებით გაეღწეოდა ნოველას სრული ღუმით აუარა გვერდი.

გვ. 398 ზილხერი ფრიდრიხი (1789-1860) — გერმანელი კომპოზიტორი, კანტანტებისა და ჰიმნების ავტორი. იგი კრებდა გერმანულ და სხვა ხალხურ სიმღერებს.

გვ. 433. პედელ — უმაღლესი სასწავლებლის უმცროსი მოსამსახურე, რომელიც სტუდენტთა ყოფაქცევას ადევნებდა თვალს.

გვ. 435 პანდექტები ან დიგესტები (ბერძნ. ლათ.) — ბიზანტიის იმპერატორ იუსტინიანეს ბრძანებით 529 წელს გამოქვეყნებული რომაელ სამართლისმცოდნეთა თხზულებების სისტემატიზებული და თემებად დალაგებული კრებული. პანდექტებში მრავალი ბუნდოვანი ადგილია, რომლებიც იურისტთა შორის დავასა და აზრთა სხვაობას იწვევს.

თეოტისხენიანი მხელარი

ამ მოთხრობის ფოლკლორულ წყაროებზე შტორმმა კარგა ხნით ადრე მიგვიითა „ლენა ვისში“, სანამ ნაწარმოებზე მუშაობას დაიწყებდა. ჭებირების გამბედავ მშენებელზე ხალხური თქმულება მწერლისათვის ბავშვობიდანვე ცნობილი იყო არა მარტო ზეპირი გამოცემებით, არამედ ლეგენდის სახითაც, რომელიც ლიტერატურულ აღმანახებში სხვადასხვა ვარიანტებად იბეჭდებოდა. შტორმის ბიოგრაფები ასახელებენ რამდენიმე გამოცემას, რომელშიც შეტანილი იყო თეთრცხენიანი მხედრის ლეგენდა.

შტორმმა ამ ნაწარმოებზე რამდენიმე წელიწადს იმუშავა, რაც, ერთი მხრივ, მისი ხანდაზმულობითა და ფიზიკური დაუძლურებით იყო გამოწვეული, მეორე მხრივ კი იმიტაც, რომ საკირო იყო დიდი წინასწარი სამუშაოს შესრულება.

1885 წლის 20 თებერვალს შტორმი სწერდა თავის ქალიშვილ ლიზბეტს: „ამჟამად მთელი ჩემი არსება გაეღწეოდა ჩებირების თაობაზე არსებული დიდებული გადმოცემებით, რაც ჯერ კიდევ ბავშვობისას წამიკითხავს. მაგრამ ძალზე ვრცელი წინასწარი სამუშაოს შესრულებაა საკირო“.

ამიტომაც იყო, რომ ქებირების მშენებლობის ტექნიკური საკითხების დაწვრილებით გასაცნობად მოხუცი მწერალი საგანგებოდ გაემგზავრა ჰაიდელბერგში თავის მეგობარ ეკერმანთან, რომელიც ამ დარგის აღიარებული სპეციალისტი იყო.

ზასალის შეგროვებას რომ შორჩა, შტორმი 1836 წლის იელისში შეუდგა მოთხრობის წერას. ხანგრძლივი ავადმყოფობის გამო მუშაობა შეწყვიტა და მხოლოდ 1837 წლის გაზაფხულზელა განაგრძო. ნაწარმოები დაასრულა 1838 წლის 9 თებერვალს და გამოაქვეყნა „ლოიჩერუნდშაუს“ („გერმანული მიმოხილვა“) აპრილისა და მაისის ნომრებში. იმავე წელს მოთხრობა ცალკე წიგნადაც გამოიცა წარწერით: „უეძღვნი ჩემს ვაჟიშვილს ერნსტ შტორმს, ჰუზუმის სახელმწიფო პროკურორსა და ნოტარიუსს“.

შტორმი ფიქრობდა, რომ არ შეიძლებოდა ნამუშევრით მთლად კმაყოფილი ყოფილიყო, მაგრამ გადამუშავება ვეღარ შეძლო. საკუთარი ნამუშევრით უქმაყოფილების გრძნობა, რაც საერთოდ შტორმისათვის დამახასიათებელია, მწერლის მაღალი პასუხისმგებლობისა და საკუთარი ნაღვაწის მიმართ კრიტიკული მიდგომის მაჩვენებელია.

მაგრამ მკითხველმა მოთხრობა აღფრთოვანებით შიილო, რამაც ავტორს უკანასკნელად განაუდევინა დიდი სიხარული.

გვ. 467. პოპეს „პამპურგული ქრისტომათია“—წიგნის პამპურგელმა გამოშემგელმა პოპემ 1838 წელს გამოსცა ქრესტომატია ხალგაზრობისათვის, სადაც მოთაესებული იყო თეთრცხენიანი მხედრის ლეგენდაც.

გვ. 470. ვერტი — ზღვისგან გათავისუფლებულ შიწებზე წყალდიდობისაგან თავდასაღწევად ქებირებს გარდა მიმართავენდნენ შიწის ერთ ადგილზე დაზვიანვას, რომელზეც შემდეგ სახლებსა და მთელ სოფლებს აშენებდნენ.

გვ. 474. მომზენი პანსი — ფრიზიელი თვითნასწავლი მექანიკოსი (გარდაიცვალა 1811 წელს).

გვ. 469. პარდე, პარდენ — აღმინისტრაციული რაიონი, რომელსაც რამდენიმე სოფელს ან ხუტორს აერთიანებს.

გვ. 474. რაფსი — ყვითელყვავილოვანი ბალახოვანი მცენარე. მოკ-

ყავთ ზეთით მდიდარი თესლისათვის ამჟამად იყენებენ პირუტყვის საკვებადაც.

გვ. 475. ევკალიდე — ბერძენი მათემატიკოსი, რომელმაც ჩვენს ეოამდე 300 წელით ადრე შეადგინა მათემატიკის სახელმძღვანელო, რომელიც მკაფიოდ ადვილად ასათვისებელი აგებულებით გამოირჩევა.

გვ. 476. წმიდა მარტინის დღესასწაული 11 ნოემბერსაა.

გვ. 478. ლუიბეკელი ვუნდერკინდი — უჩვეულო ნიქის ბავშვი მე-18 საუკუნეში ქ. ლიუბეკში. იგი ოთხი წლისა გარდაიცვალა.

გვ. 479. ყოვლადწმიდის დღესასწაული — ყოვლადწმინდის სახელობის კათოლიკეთა დღესასწაული, რომელიც პირველ ნოემბერსაა.

გვ. 485. კრევეტი — პატარა, წვრილი ზღვის კიბო (არის მტკნარ წყალშიც) ათფეხიანთა ოჯახიდან. აქვს გრძელი „კუდი“. ბევრი მას საკმელად ხმარობს.

გვ. 488. ქრისტეან IV — დანიის მეფე (1588-1648).

გვ. 490. ფენი — მარშებზე თხრილებით შემოათარგლული მიწის ნაკვეთი.

გვ. 503. დემატი — მიწის ფართობის საზომი.

გვ. 526. ზიუდგესტერი — წყალგაუმტარი ფართო კაპიშონი, რომელსაც მეზღვაურები ხმარობენ.

გვ. 533. ალკოვი — ნიში ოთახში, სადაც საწოლია გამართული.

გვ. 547. ლოტი — ზღვის სიღრმის საზომი მოწყობილობა.

გვ. 577. სეპარატისტული მოძრაობა — იგულისხმება გაბატონებული რელიგიისაგან განდგომის მომხრე სექტის საიდუმლო შეკრებები.

სარჩევი

ო. ხუციშვილი—თეოდორ შტორმი,	5
იმენზეე , , , , , ,	25
თოჯინების ოსტატი პოლე	67
ზღვის გაღმა ქვეყნიდან	138
ტუის ყურე , ,	195
ფსიქეა , , ,	263
ლენა ვისი , , ,	308
მწვანე ფოთოლი ,	322
წყნარი მუსიკოსი ,	342
უნივერსიტეტში , ,	385
თეორცხენიანი მხედარი	467
შენიშვნები ,	630



ТЕОДОР ШТОРМ ЗЕЛЕНЫЙ ЛИСТ

(На грузинском языке)
Издательство «Мерани»
Руставели, 42. Тбилиси, 1971

რედაქტორი ი. ლეყავა
მხატვარი დ. დივოზგორცევა
მხატვ. რედაქტორი ო. ჯიშკარიანი
ტექნიკური რ. იმნაიშვილი
კორექტორი ლ. არაბიძე

ხელმოწერილია დასაბეჭდად 17/XII-71 წ.
ქაღალდის ზომა 70×108¹/₂.
ნაბეჭდი თაბახი 28,4
საალრიცხოვო-საგამომცემლო თაბახი 23,91
ტირაჟი 40.000 შუკვ. № 5467
ფასი 1 მან. 37 კაპ.

გამომცემლობა „მერანი“.
რუსთაველის 42. თბილისი 1971

საქართველოს სსრ მინისტრთა საბჭოს
ბეჭდვითი სიტყვის სახელმწიფო კომიტეტის
მთავარპოლიგრაფიკული ცენტრის სტამბა № 5,
ქუთაისი, ი. ჭავჭავაძის პროსპექტი, 11.
Типография № 5 Главполиграфпрома
Государственного комитета Совета
Министров Грузинской ССР по печати,
г. Кутаиси, пр. И. Чавчавадзе, 11.